

Chapman

1844





# THEOLOGIA NATVRALES, SIVE LIBER CREATVRARVM.



8.37.4.14

*Auctore venerabili viro Magistro*

**RAYMVNDO DE SEBVNDE,**

*in Artibus & Medicina Doctore,*

*Caetani V. S. S. & in sacra pagina Egregio De Rubis Professore. Romani*

*Empt  
17*



*Veactijs  
19*

*L V G D V. N. 1. 4*

Sumptibus PETRI COMPAGNON,  
via Mercatoria, sub signo Cordis boni.

**M. D C. XLVIII.**  
Cum Approbatione, & Priuilegio Regis.

+ T. 1.





VIRO ILLVSTRI  
AMPLISSIMO DOMINO  
D. PETRO SEGVIER  
MAGNO FRANCIÆ  
CANCELLARIO.



*IX* *auderem nisi imagine  
quasi renascentis Sebundi  
prouocatus Magnificum  
tuum Nomen, AMPLIS-  
SIME DOMINE, re-  
surgentis huius operis foribus præfige-  
re pro tutela quam solent hodie qui  
vel παλαίσκιον aliquid edunt (quod qui-  
dam è nostris de veterum Erotiani  
& Pollucis nouis editionibus dicebat)  
instar Numinis inuocare. Multorum siqui-  
dem annorum supra seculum mole non*

## EPISTOLA.

*minus quam Bibliothecarum ruderibus  
oppressus veteri quasi sepulchro, Regio  
sigillo, quo privilegio mihi pro tanti viri  
per operas nostras Typographicas resur-  
rectione (dicamne potius an editione?) con-  
cesso, manum extremam imposuisti, reui-  
uiscere occipit, & in luminis auras victa,  
quam Bibliotaphi multorum scriptis infe-  
runt, morte, non amplius iterum mor-  
talis, surgere; cum & inter eos libros  
hunc edi contingat, quos per immortale  
SEGVERI nomen lex suprema iussit  
in forulos reponi omnium quotquot sunt  
privatorum in orbe Christiano, non volu-  
minibus modò sed hominibus qui eos tra-  
ctant te Præsidente delectu cultuque præci-  
puos. Debebat hoc suum fatum Sebeydo,  
sic enim sonabat vernaculum Authoris  
istius nomen, qui Medicus & Philosophus  
eximius ac si Spanhemeensem de scripto-  
ribus Ecclesiasticis audiamus Theologus  
eruditus ante ducentos & plures annos  
Parisiensem Clarissimam totius orbis Aca-  
demiã*



## EPISTOLA.

*demiam adire volens, patrio Hispaniarum solo relicto, Tholosa subsistere Scholasticorum ibi degentium precibus coactus, morte praeventus est, priusquam votum solueret; sed nunc, quamquam typorum Lugdunensium vehiculo, Lutetiam ei non solum datur accedere sub auspiciis Privilegij per Regem tuo favore concessi, sed & per vim Nominis tui quasi Numinis plenissimus aditus patebit ei deinceps, tam in Regiam quæ ibidem asseruatur magnificentissimam variorum editorum & M.SS. supellectilem ac inter Codices SEGVERRIANOS, & si quid dicam præterea in intimos recessus & penetralia summorum virorum, qui mille locis in ea Civitate sibi quietem per hac Musarum diversoria quæsierunt. Horum gratiam si beatus ille Scriptor mihi conciliauerit hoc pacto, bene mecum actum esse sentiam. Sed tuam imprimis, VIR AMPLISSIME, qui non solum Gallici Senatus Apex, sed supremus omnis eruditionis Ar-*

## EPISTOLA.

*biter etiam apud exteros diceris; & quam-  
uis mea tenuitatis apud me plusquam con-  
scius hoc sperare non debeam; Sebundio  
tamen ipso fautore, ceterisque, qui sunt  
plurimi, cum neoterico illo Michaële Mon-  
tano magni nominis & iudicij viro, faui-  
toribus audebo, ut te, vel semel conce-  
dente dici possim*

AMPLITVDINIS TVÆ

Seruus Addictissimus  
PETRVS COMPAGNON.





VETVS LIBRI INSCRIPTIO.

THEOLOGIA  
NATVRALIS,  
SIVE LIBER  
CREATVRARVM.

Specialiter de homine & de natura  
eius inquantum homo : & de  
his , quæ sunt ei necessaria ad  
cognoscendum seipsum , &  
Deum , & omne debitum, ad  
quod homo tenetur, & obli-  
gatur tam Deo quàm proxi-  
mo.


*Compositus à Venerabili viro Magistro  
Raymundo de Sabunde : in artibus &  
Medicina Doctore , & in sacra  
pagina Egregio Professore.*





## TITVLVS I.

*SEQVITVR RADIX, ORIGO,  
principium & fundamentum istius  
scientia.*



VIA homo naturaliter semper quatit certitudinem & euidenciam claram: nec aliter quiescit nec quiescere potest: donec venerit ad vltimum gradum suæ certitudinis. Verum quia certitudo & probatio suos habet gradus: & est maior & minor certitudo: maior & minor probatio. Virtus autem probationis & causa rotius certitudinis oritur ex certitudine & virtute testimoniorum & testium, ex quibus dependet & causatur tota certitudo. Vnde quantomagis testes sunt certi, manifesti, & indubitati, & veri: tantomagis est certum illud quod ex eis probatur. Et si testes sint ita certi & manifesti, & testimonia eorum ita manifesta, vt nullo modo possit dubitari, nec nobis possint esse magis manifesta & certiora: tunc illud quod ex eis probatur, sine dubio erit nobis certissimum, manifestissimum & euidencissimum. Et quia quanto sunt testes magis extranei, distantes, elongati à re, de qua dubitatur: tanto minorem fidem & certitudinem generant. Quanto autem testes sunt magis vicini propinqui, & intranei, & indubitati; tanto maiorem fidem faciunt & credulitatem. Et quia nulla res magis vicina, magis propinqua, & magis intranea, vel intrinseca & propria alteri est quam ipsemet sibi. Et ideo quicquid probatur de aliqua re per ipsammet rem, & per naturam propriam: maximè certum est. Et cum nulla res creata sit propinquior homini: quam ipsemet homo sibi: ideo quicquid probatur de homine

*Virtus  
probationis  
est ex  
testimoniis.*

*Testes  
vicini  
maiorem  
fidem faciunt.*

A

mine



*Homo  
debet co-  
gnoscere  
alios ex  
seipso.*

mine per ipsummet hominem : & per suam propriam naturam & per illa quæ sunt sibi certa : de illo maxime certum manifestum , & evidentissimum est ipsi homini. Et ista est utilitas certitudo, & maxima credulitas : quæ possit causari vel creari per probationem. Et ideo ipsemet homo ex sua propria natura debet esse medium argumentum , & testimonium ad probandum omnia de homine, scilicet, quæ pertinent ad salutem hominis : vel ad damnationem, vel felicitatem : vel ad bonum, vel ad malum eius. Aliter autem homo nunquam erit utilitate certus. Necesse est ergo quod homo cognoscat seipsum & suam naturam si aliquid velit certissimè probare de seipso : & quia homo est extra seipsum : & elongatus & distans à seipso per maximam distantiam nec unquam habitavit in domo propria, scilicet, in seipso : immo semper manet extra domum suam & extra se : & ex eo quia ignorat seipsum : nescit seipsum : & de tanto est elongatus & distat à seipso : & tantum extra seipsum est de quanto ignorat seipsum , & quia totaliter nescit seipsum : ideo totaliter est extra seipsum & per consequens quia nunquam habitavit in seipso neque intrauit in se : nec vidit se ignorat se : nescit quid valeret : & ideo dat se pro nihilo, scil. pro peccato : & pro paruo gaudio, & modica delectatione. Quia ergo homo totaliter est extra se : ideo si debet videre se : necesse est quod intret in se. & intra se : & veniat ad se, & habitet intra se. Aliter est impossibile quod cognoscat se, nec videat se, neque suum valorem : suam naturam, & suam pulchritudinem naturalem. Et quia homo ignorat seipsum à necessitate : & nescit domum suam in qua debet habitare : ideo necesse est quod aliæ res ducant eum in seipsum. Verum quia homo est in alio loco secundum naturam : ideo si debet ascendere ad se : necesse est eum habere scalam per quam ascendit ad se. Tunc autem homo ascendit, & vadit ad se quando incipit seipsum cognoscere : & tot passus & gradus facit & ascendit : quot cognitiones de seipso acquirit. Et tunc intrat in seipsum : quando cognoscit seipsum. Et quia modus cognoscendi hominis est : ut per illa quæ sunt sibi magis & primo nota : cognoscat quæ sunt sibi ignota : & per illa quæ scit ascendet ad illa quæ nescit : & cum semper res minus

minus nobiles & inferiores sint homini primo cognita: & res perfectè digniores nobiliores sunt ei ultimo cognita. Et ideò quia homo est res dignior superior & perfectior huius mundi: propter hoc cognoscit alias res inferiores: & ultimo cognoscit seipsum. Quapropter ut homo qui tantum est elongatus à se per cognitionem quia totaliter ignorat se: & sit extra se: possit reduci & venire ad se per cognitionem: ideò est ordinata rerum & creaturarum vniuersitas tanquam iter, via & scala immobilis & naturalis: habens gradus firmos & immobiles per quam homo veniat & ascendat ad seipsum. In qua vna res est inferior: & alia superior: vna perfectior & alia minus perfecta: vna nobilior & dignior quàm alia ad modum cuiusdam scalæ ascendendo. Et ideò ut homo possit venire ad ipsius cognitionem necesse erit sequentem ordinem obseruare. Primò optimū videre & considerare ordinem rerum inter se: & diuersos gradus rerum ordinatarum in vniuerso: & considerare quamlibet rem in se: & quid habet in seipsa. Secundò hoc considerato oportet comparare hominem qui est supremus inter omnes res mundi ad omnes alias res. Et ista comparatio fit duobus modis. Primò scilicet per conuenientiam. Et secundò per differentiam ita quòd necesse est considerare quam conuenientiam habet homo cum aliis rebus & quam differentiam. Postea ex ista conuenientia & differentia manifestabuntur omnia quæ scire debemus de homine & de Deo. Quia per illa quæ sunt inferiora hominis: itineramus & ascendimus ad hominem: & per hominem imus & ascendimus in Deum sicut per veram scalam per quam debemus ascendere in cognoscendo. Aliter est impossibile veritatem cognoscere rectè. Ita quòd duo sunt ascensus: & duæ dietæ. Prima dieta est primus ascensus & est de omnibus inferioribus vsque ad hominem. Secunda dieta & secundus ascensus est de homine vsque ad Deum. Quantum ad primum videndum est quomodò multi sunt gradus rerum in mundo distincti adinuicem immobiles & firmi: ex quibus scala naturæ componitur & ordinatur. Et optimū eos numerare & cogitare quemlibet per se. Vnde tota rerum vniuersitas reducitur ad quatuor gradus generales: ex quibus quatuor est composita scala naturæ. Sed tamen infra quemlibet gradum

*Diuisio  
totius li-  
bri prin-  
cipali-  
ter in  
duo.*

*Genera-  
les gra-  
dus rerū  
adinui-  
cem qui  
dicuntur  
scala  
naturæ.*



*Primus  
gradus  
rerum.*

dum generalem sunt multi gradus speciales qui sub vno gradu generali continentur. Generales autem gradus sic ordinantur adinuicem. Omne quod est, vel est tantum, & non viuit, nec sentit, nec intelligit, nec discernit, nec vult libere: ecce primus gradus. Vel est & viuit tantum, & non sentit, nec intelligit, &c. ecce secundus. Vel est, viuit, sentit, tantum, & non intelligit, &c. ecce tertius gradus. Vel est, viuit, sentit, intelligit, vult libere: ecce quartus gradus. Sic ergo ista quatuor esse viuere sentire: & intelligere continent omne quod est: & in istis quatuor omnia clauduntur: & nihil est extra ista quatuor. Per intelligere enim comprehenditur discernere, velle libere. In primo gradu sunt omnia quæ habent esse tantum & non viuere, nec sentire, nec intelligere. Et sub isto gradu comprehenduntur infinitæ res: quæ quamuis omnes in hoc conueniant quòd habent esse tantum, & non viuere nec sentire, &c. tamen sub illo esse tantum multum differunt adinuicem secundum quòd vna res habet nobilius & dignius esse quàm altera: & nobiliorem & digniorem virtutem & operationem quàm altera. Vnde primo in isto gradu continentur elementa, scilicet terra ignis, aqua, & aer, & vnumquodque habet suam propriam naturam per se separatam ab aliis: similiter aqua, aer, & ignis. Et est ordo inter ipsa: quia terra est infimum & quasi nullius nobilitatis, aqua nobilior & dignior & aer dignior quàm aqua: & ignis nobilior quàm aer. Considerandum est ergo quodlibet istorum per se quantum fieri poterit: vt videatur quid habet in se, grosse & vulgari modo. Sub isto etiam gradu continentur omnia quæ generantur infra terrâ, sicut sunt mineralia & metalla, sicut est argentum viuum, plumbum, ferrum, cuprum, aurum, argentum, stannum, quæ differunt adinuicem secundum maiorem & minorem nobilitatem. Et est etiam asurum quod excedit omne metallum in nobilitate & pretiositate. Et est etiam ibi sulphur, salpetra, salgemma & aluna, quæ sunt magnæ virtutis & vigoris. In isto etiam gradu sunt omnes lapides, tam pretiosi quàmque etiam alij. Cogita ergo quanta virtus: quâtuusque valor est in lapidibus pretiosis, non ex parte quantitatis, sed ex parte virtutis, veluti sunt, Carbuntulus, Iacinctus, Smaragdus, Cristallus, &c. In isto etiam gradu continentur omnes cœli & omnia

omnia corpora cælestia : omnes planeta: omnes stellæ,  
ac etiam alia quæ habent tantum esse & non viuere :  
& omnes res artificiales : quæ in hoc omnes conue-  
niunt : quia habent esse tantum & non viuere. In se-  
cundo gradu scalæ sunt omnia illa quæ habent esse &  
viuere tantum, & non sentire neque intelligere, unde  
illa dicuntur viuere, quæ per se mouentur sine alio sur-  
sum & deorsum : ante & retro ad dextram & sinistram.  
In illo gradu continentur omnes plantæ & arbores &  
herbæ : quia dicuntur viuere, nam mouentur sursum,  
deorsum, ante, retro, &c. per se & sine alio, & hoc  
quando crescunt sursum deorsum ante & retro & per  
se trahunt alimentum à terra, & nutriuntur continuè  
& crescunt & augmentantur & generant sua semina &  
suos fructus. Et ideo dicuntur viuentia quia per se nu-  
triuntur generantur & augmentantur: & hoc per virtu-  
tem propriam quam habent in se: & ideo per se mo-  
uentur : & hoc non habent elementa nisi per quandam  
similitudinem. In isto autem gradu sunt duæ diffe-  
rentiæ, scilicet herbæ & arbores. Et res dignior est ar-  
bor quàm herba. Sub isto gradu continentur innume-  
rabiles res, scilicet species & complexiones arborum  
quæ differunt adinuicem & vna non est alia: & vna est  
nobilior altera. Similiter continentur innumerabiles  
species herbarum: & virtutes & naturæ earum quarum  
vna non est alia: & quælibet habet suam propriam na-  
turam & virtutem. In tertio gradu sunt omnia illa  
quæ habent esse viuere & sentire tantum. Et istud sen-  
tire continet sub se videre, audire, gustare, odorare &  
tangere, & omnes operationes quas habent animalia  
bruta plus quàm arbores & herbæ. Sub isto gradu  
continentur omnia animalia siue sint in terra siue in  
aqua, siue in aëre: sicut sunt animalia terrestria quadru-  
pedia reptilia volatilia atque pisces. Considera quot  
sunt species animalium quæ ambulant super terram &  
differentias & diuersitates eorum ac species & diffe-  
rentias auium, & nobilitates earum similiter: piscium.  
In animalibus autem sunt tres gradus, per quos anima-  
lia adinuicem ordinantur & diuiduntur atque distin-  
guntur. Quoniam quædam sunt animalia quæ habent  
sensum tactus tantum, & non habent memoriam ne-  
que auditum, sicut conchilia & animalia arboribus af-  
fixa & radicibus. Et iste est primus & infimus gradus.

*Secundus  
gradus  
rerum.*

*Tertius  
gradus  
rerum.*



## 6 *De origine huius scientia.*

Quædam enim sunt quæ habent sensum tactus & memoriam & non auditum : vt formica: & iste est secundus gradus. Quædam sunt quæ habent sensum memoriam & auditum vt animalia perfecta vt canis: catus & similia : & iste est tertius gradus. Quartus gradus non potest esse, scilicet quod aliqua sint quæ habeant auditum & non memoriam . quia ubicumque est auditus: ibi est memoria relicta ex auditu. Prima animalia quia non habent memoriam non habent etiam prudentiam: & non habent auditum non sunt disciplinabilia, nec possunt moueri de loco ad locum distantem: quia nullum animal potest moueri de loco ad locum nisi habeat memoriam. Secunda animalia quæ sunt in secundo gradu : quia habent memoriam, habere possunt aliquam prudentiam : & moueri possunt de vno loco ad alium: sicut dicimus quod aliqua prudentia est in formica , quando congreget grana frumenti ad aliquem certum locum : & hoc est propter memoriam : sed quia non habent auditum : ideo non sunt disciplinabilia. Tertia animalia quæ sunt in tertio gradu: quia habent memoriam & auditum : ideo sunt aliquo modo disciplinabilia, vt canes & aues. Et ista omnia tam de primo quam secundo & tertio gradu continentur sub generali gradu , scilicet sub tertio : quia omnia dicuntur sentientia. Tamen animalia primi gradus sunt propinquissima plantis & ideo sunt infima. Animalia secundi gradus sunt magis distantia à plantis : & ideo sunt nobiliora. Animalia tertij gradus sunt magis elongata à plantis : & ideo sunt adhuc nobiliora, & hoc de tertio gradu. In quarto gradu sunt omnia illa quæ habent, esse, viuere, sentire, & intelligere: discernere, velle, & nolle libere, siue quæ habent liberum arbitrium. In isto gradu sunt homines quibus nihil deficit in natura : neque aliquid potest eis ultra addi: quia supra liberum arbitrium non est aliquis gradus nec est ascensus ulterius in natura. Non enim est maior dignitas naturalis quam est liberum arbitrium, vnde quia homines habent rationem : ideo possunt intelligere, discernere, iudicare, ratiocinari : & sunt capaces & susceptibiles cognitionis experimentalis, & artis, & scientiæ, ac doctrinæ : quod non habent alia animalia. Et quia habent liberum arbitrium secundum naturam: ideo possunt velle & nolle : consentire & discernere.

*Quartus  
gradus  
rerum.*

cernere sponte & liberè absque coactione, quod non possunt alia animalia. De isto gradu latius dicetur in titulo, lxi. lxiii. & lxx. &c. Et sic complera est tota scala naturæ cum suis gradibus. Et hæc prima consideratio in hac scientia radicalis & fundamentalis, scilicet considerare istos gradus in se & benè plantare & radicare eos in corde & figurare sicut in natura realiter.

T I T V L V S I I.

*Sequitur comparatio hominis ad alias res inferiores secundum conuenientiam & differentiam: siue comparatio quarti gradus ad tres gradus precedentes. Et primo secundum conuenientiam & hoc dupliciter, scilicet, secundum conuenientiam generalem & secundum conuenientiam specialem.*

**C**onsideratis istis gradibus rerum quæ sunt in mundo per sensum & experientiam: de quibus nullus potest dubitare. Nunc oportet facere comparationem & comparare vnâ rem ad aliam & comparare hominem ad omnes alias res: & hoc secundum conuenientiam & differentiam. s. in quo conuenit homo in aliis rebus inferioribus & in quo differt ab eis. Et in ista comparatione cognoscet seipsum & hoc quod est supra ipsum. s. Deum & suum conditorem. Consideret ergo homo primo conuenientiam quam habet cum aliis rebus. Et primo generaliter, secundo specialiter. Vnde homo conuenit cum omnibus alijs rebus insensibilibus & habet conuenientiam cum eis: quia habet in se illa quæ aliæ res insensibiles habent: & easdem perfectiones & omnes gradus. Vnde habet in se esse sicut res in primo gradu: vt sunt elementa quia continet in se, licet inuisibiliter quatuor elementa & sub alia forma. & nutritur per elementa & habet vitam in eis: & habitat in eis. & sine eis non potest viuere & conseruari per vnum momentum: & sic conuenit cum eis & cum omnibus quæ habent esse tantum & non viuere generaliter. Item conuenit cum rebus secundi gradus, vt sunt plantæ & arbores & herbæ: quia habet esse, viuere & nutriri sicut illæ, augmentari generare, &c. Quoniam homo viuit: nutritur, crescit, regnat sicut arbores & plantæ. Etiam conuenit

*Incipit prima pars principalis huius operis.*

*Generalis conuenientia. Hominis cum alijs rebus*

*Secunda conuenientia. Tertia conuenientia.*



*Nota.*

uenit cum rebus tertij gradus, vt cum animalibus brutis quæ habent esse, viuere & sentire. vnde homo habet visum, auditum, gustum, tactum, & odoratum dormire & vigilare, comedere & bibere, sicut alia animalia. Ergo magnam conuenientiam habet cum eis. Illa ergo quæ sunt in aliis rebus trium graduum sunt in homine. Ergo habet conuenientiam, confraternitatem & amicitiam cum omnibus aliis rebus inferioribus. Sed tamen debet homo considerare quod illa quæ res inferiores habent diuisim, homo debet omnia illa coniunctim & simul vt declarandum est. Nam omnia habet homo & nihil sibi deficit de omnibus quatuor gradibus, nec aliquid potest superaddi. Nec aliquis gradus potest esse supra hominem in dignitate: quia habet esse, viuere, sentire, & intelligere, & liberum arbitrium & sic quæ sparsim & diuisim sunt in aliis rebus per suas portiones sunt in homine coniunctim & nihilei deficit.

### T I T V L V S III.

*Hic ostenditur fructus qui ex ista comparatione sequitur: quoniam ad oculum probatur & concluditur quod aliquis est Dominus inuisibilis, supra hominem, qui ipsum condidit & omnes istos gradus ordinauit.*

*Quarendo ducit in cognitionem Dei.*

**H**Uc optimum considerare quid debet homo arguere & concludere ex ista comparatione: & quid debet exinde arguere: certe quia homo habet coniunctim & similiter illa quæ aliæ res habent diuisim: debet arguere, quod ille idem qui ordinauit diuisim alias res & naturas dando cuilibet suam portionem: quod ille idem numero & non alius coniunxit omnia simul in ipso homine. sc. coniunxit esse, viuere, sentire & intelligere & liberum arbitrium. Ergo ille idem qui dedit rebus inferioribus hoc quod habent, dedit homini hoc quod habet. Ergo sicut homo non dedit alicui rei inferiori hoc quod habet: ita sibi metipso non dedit illud quod habet. Sicut ergo homo non dedit inferiori rei esse, neque sentire: Ita nec homo dedit sibi ipsi, neque esse, viuere, neque sentire, neque intelligere. Ergo eadem manus omnia fecit. Idem Dominus, idem artifex omnia ordinauit, proportionauit & limitauit. Quæramus ergo quare res primi gradus non

non habent plus quam esse: & non habent neque viuere, neque sentire: vt elementa? quis limitauit eis vt non plus haberent? Et quis limitauit arboribus & plantis: vt non haberent plus quam viuere: & animalibus vt non haberent plus quam sentire? Quis fecit animalia ascendere ad illum gradum vltra arbores & plantas & non vltra? quis mensurauit eis in tali mensura & non alia? quare homines habent vltra ista tria intelligere velle & nolle, & liberum arbitrium? Quis coniunxit ista tria cum libero arbitrio simul: & vltra non est ascensus, sed in homine est finis & complementum: & in eo sunt omnia: & ei nihil deficit? Quis exaltauit hominem vltra arbores & animalia bruta? Quæramus an homo ista coniunxit in seipso: vt nihil ei deficiat? Et an ipse seipsum sic exaltauit & supra omnia alia eleuauit, an alius hoc fecit? Quæramus an ista ordinauerunt & mensurauerunt seipsa: vt quod licet tantum & non plus haberet. vel alius alter ab eis hoc fecit? an omnia ista dederint sibi met hoc quod habent tantum & non vltra, vel aliquis alius dedit eis? Sed est impossibile quod omnia ista seipsa mensurauerunt & sibi ipsis dederunt hoc quod habent: & tamen sunt ordinata & mensurata. Ergo aliquis alius existens superior omnibus ista ordinauit, mensurauit & limitauit, & dedit eis quod habent. Ergo idem magister idem artifex: eadem manu omnia ordinauit, mensurauit, limitauit, & cuiuslibet suum proprium gradum dedit. Et ille idem qui fecit ascendere arbores supra elementa in dignitate, & animalia supra arbores, & homines supra animalia. Et ille idem qui ordinauit vt arbores viuerent & nutrentur capiēdo cibum immediate à terra per radices coniunctas infra terram, ille met ordinauit quod animalia viuerent & nutrentur per os & non per radices: & homines similiter vt quamuis commune sit viuere herbis animalibus & hominibus: nihilominus nobilior modus viuendi est in animalibus quam in arboribus & herbis & nobilior adhuc in hominibus quam in animalibus. Et quis hoc ordinauit & quis inuenit istos tres modos & gradus nutriendi & viuendi? Nonne idem Dominus & idem artifex? Præterea quis omnia ista conseruat vt quodlibet maneat in suo gradu? in suo statu, & in suo ordine? Quis fecit istos gradus stables

Solutio.

Alia ratio ad idem.

*Conclusio unius verisummi Dei.* biles vt permaneant continuè sine confusione. Quis manu tenet vt terra maneat terra : & aqua aqua , &c. Nonne idem Dominus qui ordinauit & qui dedit? Conclusio. Ergo tu homo quod accepisti habes ab eodem, à quo aliæ res acceperunt hoc quod habent. Ergo tu pertines etiam ad ordinem aliarum rerum : & facis vnum ordinem cum eis: & vnā hierarchiam. Ergo sequitur quòd tu es illius, cuius sunt aliæ res & conseruatis & gubernatis ab eodem, à quo aliæ res gubernantur & conseruantur. Ergo sicut aliæ res non sunt sui ipsius: sed sunt illius qui fecit eas: vnde sequitur quòd tu homo non es tui ipsius, sed illius, cuius sunt aliæ res : ergo tu es illius, cuius est terra, cuius est aqua, &c. alia elementa, in quibus tu habitas. Vltèrius concludè & argue. Tu homo non dedisti tibi hoc quòd habes : nec res inferiores dederunt tibi hoc quòd habes : nec talem te fecerunt : ergo aliquis maior quàm tu: Et qui est supra te dedit tibi hoc quod habes: quia ab alio habes postquàm à teipso non habes, nec ab æterno habuisti.

## T I T V L V S I V.

*Quomodo necessario est vnus Dominus tantum qui est supra homines.*

*Probat quòd sit vnus Deus.*

*Secunda ratio.*

**P**Ræterea necessario sequitur quòd ille qui est supra hominem à quo homo habet quicquid habet est vnus Dominus & non plures. Quamuis enim sunt plures & innumerabiles res & diuersæ: in istis quatuor gradibus tamen non est nisi vnus ordo, vna ordinatio inter omnes. Omnia enim habent ordinem vnum: omnia enim sunt coniuncta, omnia colligata in vno ordine. Omnia ascendunt ordine de gradu in gradum, de minore ad maius semper ad digniora ascendendo. Ergo vnitas ordinis demonstrat vnum solum ordinatorem, vnum gubernatorem, vnum artificem qui tam diuersa coniunxit in vno ordine. Item quomodò tam diuersæ res & contrariæ adinuicem: sicut sunt aqua & ignis: humidum & siccum & aliæ res multæ adinuicem contrariantes possunt coniungi in vno ordine & conseruari infra vnum ordinem: nisi esset vnus solus numero qui omnia ordinauit. Non enim duo contraria naturaliter possunt conuenire in vno



vno ordine nisi per vnum ordinatorem. Ergo contrarietas rerum in vno ordine arguit vnum artificem tantum. Præterea elementa intrant herbas & arbores & nutriunt eas: & fructus earum continuè. Et fructus & herbæ intrant animalia & nutriunt ea. Et etiam tam fructus quàm herbæ animalium quàm carnes intrant homines & nutriunt eos & cælestia corpora vt sol & luna continuè influunt in ista inferiora: & dant vigorem & lumen & calorem continuè eis: & ista recipiunt. Omnia ergo vnum tendit ad alterum: vt videmus per experientiam quòd vnum sustinet aliud: & omnia se mutuo iuuant & inferiora seruiunt maioribus & superioribus ordinatè: & in hoc faciunt vnum ordinem, vnā amicitiam: vnā vnitatem. Ergo sequitur quòd tantum est vnus qui omnia ista gubernat & ordinat & confederat in vnā societatem. Item videmus quòd primus, secundus & tertius gradus ordinantur ad quartum tanquàm ad digniorem & sunt propter illum: sed in primo gradu est maxima rerum diuersitas, multæ species & naturæ: & in secundo gradu est maxima rerum & specierum diuersitas, & in tertio similiter: sed in quarto & supremo non est nisi vna natura, vna species, scilicet homo & omnes homines sunt eiusdem naturæ & dignitatis naturalis: nec est aliqua diuersitas: quia æqualiter omnes habent liberum arbitrium quod est propria dignitas hominis & suprema: per quod facit suum proprium gradum, & differt ab aliis gradibus. Si ergo plures & innumerabiles naturæ rerum & diuersæ quæ sunt in mundo, tendunt ad vnā solam naturam & non ad plures tanquàm ad superiorem & digniorem eis: & vni soli seruiunt & non pluribus: videlicet humanæ naturæ. Ergo multò magis humana natura debet tendere ad vnā solam naturam sibi superiorem & dominantem ad plures: & seruire vni soli naturæ & non pluribus naturis. Vnde enim esset hoc quòd aliæ naturæ inferiores & minus dignæ tenderent ad vnitatem & vnicam naturam solam tanquàm ad maiorem: & humana natura quæ dignior est tenderet ad plures naturas tanquàm ad maiores & dominantes: & omnes res inferiores homine tendunt ad vnitatem: & humana natura dignior omnibus, ad quam tendunt aliæ omnes tenderet ad diuersitatem: hoc non patitur natura nec ordo

*Tertia ratio.**Quarta ratio.**Concludi esse vnum Deum.*



ordo rerum quòd interiora & minus digna tendant & ordinentur ad melius fortius, & ad nobilius; & superiora & magis digna tendant ad peius & debilius. Sed melius & fortius & dignius est tendere ad vnitatem quàm ad diuersitatem; & ad vnum quàm ad plura: quia tendere ad vnitatem & ad vnum est tendere ad esse: ad bonum ad fortitudinem & ad conseruationem; Sed ire & tendere ad diuersitatem & pluralitatem est ire ad non esse, ad malum, & ad diuisionem, ad debilitatem, & ad destructionem. Quare si omne hæc naturæ & species inferiores tendunt ad vnicam naturam tantum, scilicet ad humanam: ergo multo magis humana natura ad sibi dominantem & supremam, cui debet soli seruire: & non ad plures. Ergo vna sola natura est supra hominem, quæ dominatur homini.

## T I T V L V S V.

*Quòd non solum est vna, sed est magis vna quàm sit humana natura.*

*Vnitatem diuine naturæ probat.*

Sed vltcrius restat ostendere quòd illa natura quæ existit vltra hominem, & cui subiicitur homo, non solum sit vna imò magis vna quàm humana natura: Si enim humana natura ad quam tendunt omnes res inferiores naturæ, est magis vna quàm sunt omnes inferiores: quia illæ sunt plures & diuersæ naturæ & species: & inter eas est magna diuersitas & modica vnitatis: in humana autem natura est vnitatis in natura & in specie. Ergo similiter in natura illa quæ est supra hominem, & cui homo subiicitur, dicitur esse magis vna quàm humana natura: & in ea debet maior vnitatis esse. Sed inferiores naturæ quæ seruiunt humanæ, sunt plures & diuersæ in speciebus & indiuiduis: humana natura est vna in natura & in specie: sed plures & diuersa in indiuiduis. Ergo illa natura quæ est supra hominem & quæ dominatur homini, debet esse vna in natura & in specie & vna in indiuiduis. Ita quòd in ea non debet esse nisi vna natura, vna species, & vnum indiuiduum: & nulla diuersitas in indiuiduis; aliter non esset magis vna quàm humana natura. Ergo sicut humana natura est solum vna & eadem specie: ergo illa quæ est supra humanam naturam debet esse vna & eadem numero nullo modo multiplicata: quia vltra vnitatem

vnitatem in specie non est maior vnitas : quàm vnitas in numero : vt sicut omnes naturæ inferiores homine sunt colligatæ cum vna natura specie , scilicet cum humana. Ita humana natura quæ est sola vna in specie , sit colligata cum vna alia natura superiore quæ sit tota vna numero : & mundus sit colligatus & vnus & terminetur & finiatur in summa vnitatem & maiori quæ possit esse. Et sicut humana natura est alia & distincta & separata ab aliis naturis inferioribus. Ita etiam illa natura quæ est supra hominem quæ ordinavit omnia : est summè distincta & separata ab humana natura & ab omnibus aliis naturis habens suum proprium esse in se. Et hoc est diuina natura omnia ordinans , omnia regens , & etiam omnia conseruans.

## T I T V L V S VI.

*Quòd talis natura sit actu infinita.*

**P**Ræterea diuina natura quæ est supra omnes naturas , debet esse maior quàm omnes aliæ. Ita etiam debet esse maior quàm humana natura. Sed humana natura est infinita in possibilitate : quia est multiplicabilis , quàm tum est de se , in infinitum : quia sibi non repugnat , quin duobus hominibus existentibus , scilicet mare & femina , procreetur tertius quàm tum est de natura. Ita similiter est de natura ignis : quia in infinitum potest crescere & multiplicare appositis combustibilibus. Ergo diuina natura cum non sit facta est maior humana & quàm omnes naturæ factæ. Si ergo humana natura sit infinita possibilitate , cum sit facta : sequitur quòd diuina natura sit infinita magis & hoc non potest esse nisi actu : quia inter actum & potentiam nihil est medium. Et quia nullo modo potest multiplicari in indiuiduo : sequitur quòd tota infinita actu est in indiuiduo : & extra illud indiuiduum non potest esse. Ergo diuina natura quæ est supra hominem est vnum solum indiuiduum infinitum actu : sicut omnes homines possibiles qui sunt infiniti , essent vnus & singularis homo , vt vnum indiuiduum. Ergo probatum est quòd illa natura quæ supra humanam naturam & vnum indiuiduum , qui fecit eam est vna solo numero & infinita actu : & per consequens quòd vnus est solus Dominus & Deus. Si enim essent plures

*Vt in  
precedē-  
ti capi-  
tulo pro-  
batū est.*

*Probat  
quòd non  
sint plu-  
res Dij.*

*Conclu-  
sio.*

plures : an essent contrarij & discordes : an amici concordēs. Si discordes, ordo rerum non esset vnus, neque mundus esset colligatus & ordinatus sicut est. Si amici & concordēs : aut essent necessarij insimul coniuncti ; Aut vnus sufficeret. Si ambo essent necessarij tunc semper vnus indigeret altero : & necessario semper deberent esse coniuncti adinuicem. Et hoc non potest esse : quia tunc non possunt dare alicui rei nec esse, nec viuere, nec sentire, nec intelligere, nec conseruare ordinem rerum in suo statu : quia ambo essent indigentes, cum vnus non posset esse sine altero. Si autem vnus sufficeret, superfluum esset ponere alterum sine necessitate : & hoc ordo rerum non permittit : vnde non sunt duo soles : quia vnus sufficit : neque in animalibus & hominibus duo capita : quia vnum sufficit. Ita non sunt duo mundi : quia vnus sufficit : neque duo Dij in mundo : quia vnus sufficit. Si igitur in rebus inferioribus est talis vnitas & nulla superfluitas : quomodo in tam suprema natura & perfectissima esset superfluitas, quæ sic omnia ordinauit. Conclusio. Ecce homo ex ista comparatione cum alijs rebus & naturis considerando conuenientissima quam habes cum eis & comparando vnā naturam cum alia : & vnum gradum cum alio inuenisti & conclusisti aliam naturam inuisibilem esse supra te : sicut tu es super alias creaturas : quæ omnes istos gradus ordinauit & mensurauit in rebus : ergo aliquis est supra te, qui est maior quam tu. Illius ergo es opus, illius es factura & creatura. Manus suæ sic te fecerunt. Ille ergo est Dominus tuus & Pater tuus, & omnium aliarum rerum quæ sunt infra te. Deinde habes superiorem, habes vnum & non plures, & eundem, quem habent aliæ res.

#### T I T V L V S VII.

*Quod ex comparatione istorum quattuor graduum ad Deum probatur quod ipse habet esse viuere, sentire, & intelligere, siue liberum arbitrium.*

**P**ostquam per ipsos quattuor gradus comparando vnum ad alterum, homo ad tantam ascendit notitiam, quòd inuenit suum factorem, quem non videbat esse realiter & existere vnum numero & actu infinitum, non debet desistere ab inquisitione ; immo magis debet

debet laborare, si poterit ipsum magis cognoscere in speciali, scilicet qualis sit, quales condiciones habet. Et hoc comparando istos quatuor gradus ad ipsum. Vnde postquam ipse solus: & nullus alius ordinavit produxit & mensuravit istos gradus, scilicet, esse, vivere, sentire & intelligere, siue liberum arbitrium, dando aliquibus esse tantum, aliquibus esse vivere tantum: ergo: sequitur necessario quod ipse habet in seipso istos gradus, postquam dedit alijs: ergo sequitur quod ipse est, vivit, sentit, & intelligit, & habet liberum arbitrium. Ergo habet esse, vivere, sentire & intelligere & velle & nolle libere & sponte.

## T I T V L V S V I I I.

*Quomodo Deus habet in se esse, vivere, sentire & intelligere.*

**E**T quia ipse à nullo recipit ista: quia nihil est supra ipsum: à quo reciperet ista, ergo habet omnia ista sine mensura & sine termino: & sine limitatione. Quia quis limitasset vel mensurasset sibi, cum à nullo habeat: nec etiam ipsemet sibi mensuravit: quia ipsemet non dedit sibi esse nec vivere nec sentire: etiam quia tunc aliquando ea non habuisset: & sic aliquando non fuisset. Ergo quando non erat, quomodo poterat sibiipsi dare vel alijs? Igitur ista non sunt sibi data, nec ab aliquo nec à seipso: & tamen habet ea: ergo ab æterno & sine principio habet à seipso: ergo nihil recipit: nec ista sunt recepta in eo nec data; & tamen habet & sunt in eo realiter: & verissime sequitur quod sunt in eo sine mensura & sine termino. Quare concluditur quod suum esse est infinitum, immensuratum & sine termino: & similiter suum vivere, suum sentire, suum intelligere, &c.

## T I T V L V S I X.

*Hic tractatur de his quatuor gradibus prout sunt in Deo: & ostenditur qualiter conveniunt & comparantur adinuicem. Et primo ostenditur quod esse est principium, radix & fundamentum omnium aliorum.*

**E**T quia nos videmus per experientiam quod esse potest inveniri sine vivere, sine sentire, & sine intelli



intelligere vt in rebus primi gradus sed non econuerso : sine esse enim non potest inueniri viuere , neque intelligere similiter : quia omne quod uiuit , est : sed non econuerso. Et omne quod sentit , uiuit ; sed non econuerso. Et omne quod intelligit , sentit ; & non econuerso : ipsum esse enim separatim potest reperiri sine alijs : sed alia non possunt inueniri sine esse. Sequitur ergo quod omnia alia sustentantur & fundantur in ipso esse. Ergo esse est principium , radix atque fundamentum omnium aliorum & omnia portat : & ipsum esse à nullo portatur neque sustinetur neque fundatur.

## T I T V L V S X.

*Quod in Deo idem sunt , viuere , sentire , intelligere ,  
& omnia alia idem sunt quod ipsum esse &  
idemmet esse.*

**E**T quia omnia ista sunt in Deo vt probatum est : Ergo esse in Deo erit principium , radix & fundamentum aliorum : & cum ipse à nullo receperit esse , nec per consequens viuere , sentire , nec intelligere. Ergo sequitur quod viuere in ipso non est receptum in ipso esse , neque sentire in ipso viuere , nec intelligere , seu liberum arbitrium in ipso sentire : & sic de alijs. Quare sequitur quod viuere non est coniunctum cum esse , nec sentire cum viuere , nec intelligere cum alijs , nec in eo est aliqua coniunctio ipsorum. Quia quis coniunxisset ea simul , quis adiunxisset vnum alteri : cum nullus sit ante ipsum , nec supra ipsum : quoniam si in eo esset aliqua coniunctio : tunc absque dubio esset factus : & sic cum aliquis fecisset & coniunxisset vnum alteri : & sic aliquando non fuisset , nec etiam sibimet coniunxisset , quia tunc non esset summè simplex : quia coniunctio opponitur simplicitati , cum fiat inter diuersa. Sed cum verissimè sint in eo , quia alijs dedit : sequitur necessario quod in Deo esse , viuere , sentire , & intelligere non sunt coniuncta : sed in ipso Deo viuere est idem quod esse : & sentire idem quod esse , & intelligere idem quod esse : ergo omnia idem sunt quod esse : & quicquid est in ipso , idem quod esse : ergo omnia idem sunt quod esse : quia esse est principium & fundamentum ;  
ergo

ergo in Deo nostro idem est esse quòd viuere: idem esse quòd sentire: idem esse quòd intelligere: & sic de aliis: & esse est omnia: & omnia sunt ipsummet esse: alias in ipso aliqua coniunctio esset ex diuersis quòd est impossibile.

## T I T V L V S X I.

*Quod esse est radicale fundamentum & regula ad probandum, & cognoscendum omnia alia de Deo & quòd quale est suum esse talia sunt omnia & quòd omnia conueniunt ei per esse.*

**E**T quia esse est primum: & in Deo omnia alia sunt idem quòd esse, ergo sequitur quòd quicquid dicitur esse Dei: dicitur de omnibus aliis: & quicquid attribuitur ipsi esse: attribuitur omnibus aliis: & eo modo quo esse se habet in Deo: eodem modo se habent viuere: sentire: intelligere: velle: & nolle: & quia esse est primum: omnia conueniunt ei per suum esse. Ideò si volumus cognoscere quale est suum viuere: suum sentire: suum intelligere: suum velle: & alia non opus est nisi videre quale est suum esse: ergo totum fundamentum est in esse & tales condiciones quales habet suum esse tales habent omnia alia: & per ipsum esse tanquàm per medium probantur omnia alia. Ecce habemus vnum fundamentum radicabile ad sciendum & ad cognoscendum omnia de Deo nostro: cognito ergo ipso esse omnia manifesta videbuntur nobis. Ecce ergo breuissimam doctrinam: cognoscamus igitur ipsum esse, si volumus alia cognoscere & videamus proprietates ipsius esse.

## T I T V L V S X I I.

*De conditionibus & proprietatibus: & etiam de doctrina ipsius esse.*

**Q**Via ergo ipsum esse est ianua & principium ad intrandum in omnia alia. Ideò quæramus conditionem ipsius esse: vnde quia esse Dei non est receptum per ipsummet Deum nec datum nec communicatum similiter ab aliquo: sequitur quòd in suo esse nulla est pluralitas nec multitudo: nec intelligi potest: nec aliqua coniunctio est in suo esse duorum

*Dei esse  
non est  
plura nec  
diuersa.*

B

vel

*Esse Dei  
est suum  
esse.*

*Esse Dei  
excludit  
omne nō  
esse.*

*Esse Dei  
est infi-  
nitum:*

vel plurium, quia quis coniunxisset ea: cum à nullo receperit esse: nec ipsemet dedit sibi suum esse. Ergo suum esse: scilicet Dei nullam habet pluralitatem, nullam diuersitatem, nullam compositionem, sed habet omnimodam & summam vnitatem indiuisibilem & simplicitatem carens omninò partibus: ac per hoc ipsum esse Dei est summe vnum, summe indiuisibile & summe simplex: & per consequens purissimum nihil habens secum permixtum. Præterea sequitur quòd Deus est suummet esse: eo quòd suum esse est simplicissimum. & quia à nullo recepit esse: & ideò de se habet suum esse: & est ipsummet esse & totum esse: & nulla alia res est suum esse: quia omnis alia res recipit ab ipso suum esse: & per consequens habent non esse: de se: quia omne quod de se non habet esse, vel de se habet non esse & ideò quia inter esse & non esse non est dare medium. Ergo nulla alia res est suum esse. sed magis dicitur de se non esse & nihil. Igitur in omni alia re possumus intelligere esse & non esse: non esse de seipsa esse autem habet ab alio. In Deo autem non possumus intelligere non esse: quia de se habet esse & nullo modo non esse. Et ideò omnis alia res dicitur habere esse: sed non est suum esse: sed Deus habet esse & est suum esse. Sed improprie dicitur habere esse: quia est suum esse. Colligamus iam probata de ipso esse: vnde Dei esse non est ab alio receptum & est simplicissimum & est ipsemet Deus: & Deus est ipsummet esse. Et inde ergo sequitur quòd esse Dei est infinite elongatum & non esse & ab ipso nihil: vnde quia Deus est ipsum esse: & est suum esse & non ab alio acceptum: suum esse non venit à non esse, neque de nihilo: nec ab aliquo, sed est totaliter primum: quia si esse non esset primum tunc non esse, nihil esset primum, & tunc ipsum esse nunquam posset existere: quia nunquam non esse & nihil de se non potuissent fecisse esse: ergo necessariò ipsum esse est principium totaliter, ergo ipsum fugat totaliter non esse & ipsum nihil. Et ideò ipsum non esse & nihil nullo modo possunt aliquid in ipso Deo esse nec possunt ipsum destruere nec diminuere. Et per consequens ipsum esse quod est Deus non potest non esse. Ideò semper necesse est esse, & impossibile est non esse. Et per consequens nunquam est deficiens nunquam incipiens

cipiens. Sed est æternus sine principio & sine fine. Vt  
 terius quia ipsum esse cū primum fugat totaliter ip-  
 sum non esse sequitur quòd ipsum esse quod est Deus  
 est infinitum interminatum, non limitatum, non clau-  
 sum : quia esse non potest restringi nisi per non esse  
 quod est suum oppositum. Et quia nullum non esse po-  
 test esse in ipso esse : sequitur quòd esse se extendit in  
 infinitum. Et per consequens ipsum esse quod est ip-  
 semet Deus habet in se quicquid pertinet ad esse. Et  
 ideo omnes modos & gradus essendi : & infinitos mo-  
 dos & gradus essendi habet sicut si esset infinitum in  
 quantitate ? ut infinita magnitudo complecteretur &  
 comprehenderet omnes gradus & modos quantitatis :  
 si esset infinitum numero, infinitos numeros comple-  
 cteretur : & infinitos modos & gradus numerorum  
 comprehenderet. Ita infinitum esse habet infinitos  
 modos & gradus essendi & etiam fugat à se infinitos  
 modos & gradus non essendi : & infinita non esse :  
 & quicquid pertinet ad non esse. Quare sequitur quòd  
 ad nihil est in potentia : & nihil potest recipere cū  
 nulla additio ei posset fieri : quia nullum esse ei defi-  
 cit : quia tunc in ipso esset aliquod nullum esse & de-  
 ficeret ei aliquod esse : nam non esset adhuc quod  
 posset esse : & adderetur ei aliquid. Ideò necesse est  
 quod sit semper actu quicquid potest esse. Et exindè  
 sequitur quod est actualissimum & completissimum  
 & perfectissimum maximum. Et quia in infinitum  
 elongatus à non esse : ideò est immutabilissimum.  
 Quia si mutaretur haberet aliquid non esse : scilicet  
 ante mutationem loci ad quem , & post mutationem  
 loci à quo , semper permanet id quod est sine omni  
 permutatione : nec decurrit de vno in aliud ergo non  
 habet præteritum esse : nec futurum esse , sed tantū  
 esse præsens : idest nihil esse noui acquirere potest ,  
 nec potest aliquid quod habet perdere. Item quia  
 Deus est esse infinitum non terminatum : ideò est  
 fons & mare infinitum essendi infinitum sine mensura,  
 sine termino, sine fundo. Concludamus & colligamus  
 illa quæ dicta sunt de ipso esse quod est Deus. Dica-  
 mus ergo quod esse Dei non est acceptum ab ali-  
 quo , & ideò primum totaliter simplicissimum fu-  
 gans totaliter ipsum non esse & nihil in infinitum  
 elongatum ab eo. Et ideò infinitissimum actu actua-

*Esse Dei  
 non est  
 in poten-  
 tia.*

*Esse Dei  
 est im-  
 mutabi-  
 le.*



tissimum completissimum immutabilissimum & æternum : & omnia ista probantur per vnum fundamentum.

## T I T V L V S XIII.

*Regula & doctrina ad probandum omnia de esse.*


*Esse Dei  
non est  
acceptū.*

*Esse Dei  
fugat  
omne non  
esse.*

**V**T autem habeamus regulam & modum ad probandum omnia de ipso esse : & sic ordinato modo procedamus. Oportet facere vnum fundamentum & vnam radicem in quo omnia fundentur : primum autem fundamentum & prima radix est : quod ipsum esse non est acceptum ab aliquo nec à se ipso , & ideo est primum esse. Et exindè sequitur omne quod dictum est de ipso. Item ad aliud fundamentum , scilicet quod esse Dei non est acceptum & est primum esse sequitur vnum aliud , scilicet quod esse Dei in infinitum elongatur à non esse & ab ipso nihil & fugat totaliter ipsum non esse, Per ista duo omnia radicaliter probantur & concluduntur. Vndè quia ipsum esse Dei non est acceptum ab aliquo. Ideò sequitur quod est totaliter primum. Et vltèrius sequitur quod est simplicissimum & sine partibus. Et exindè sequitur quod esse Dei est ipsemet Deus & quod Deus est ipsummet esse. Et exindè sequitur quod elongatur in infinitum à non esse , & fugat totaliter ipsum non esse & nihil : & quod non esse & nihil nullum posse habent contra ipsum : & exindè tunc concluduntur omnia. Vndè quia ipsum esse primum quod est Deus totaliter fugat ipsum non esse. Ideò ipsum esse quod est ipsemet Deus non potest non esse : nec deficere sed necesse est esse ideò æternum : ideò non potest ei fieri additio, vel diminutio neque mutatio : & sic est necessarium quod est perfectissimum & completissimum : habens omnem plenitudinem essendi. Et ideò est fons infinitissimus essendi : quia postquàm elongatur in infinitum à non esse & à nihil : & ipsum non esse & nihil in infinitum elongatur ab esse ipso. Et quia esse primum & æternum : ideò non esse totaliter fugatum est ab ipso esse : & quicquid pertinet ad non esse : elongatur à Deo qui est suum esse : & quicquid pertinet ad ipsum esse : necessario est in eo. Ideò si vis intelligere veritatem certissime compara semper ipsum esse ad non

ad non esse : & quicquid potest dici vel cogitari quod pertinet ad esse vel ad non esse. Coniunge autem ista insimul , scilicet esse Dei non est acceptum : Deus est suum esse : & est ipsum esse & totaliter fugat ipsum non esse. Ista tria simul coniuncta manifestant omnia de ipso esse. Et quicquid sequitur ad ista necessario verum est : & quicquid repugnat istis : necessario impossibile est & falsum : ut verbi gratia : si quaeratur si possent esse duo talia esse, scilicet ut dictum est, scilicet quorum esse non est acceptum & sint suum esse & fugant totaliter à se non esse statim diceretur quod non quia apparet repugnantia. Si enim sunt duo talia esse iam ipsum esse non fugat totaliter ipsum non esse: quia vnum tale esse quod est Deus habet non esse alterius Dei : quia non est ipsum postquam sunt duo diuisa esse: & vnum non est de altero : quia quodlibet est indiuisibile, per se : & sic vnum deficit alteri : & in quolibet esse infinitum non esse : quia ita magnum est non esse : quia non esse vnius esset in esse alterius. Et quia quilibet habet infinitum , esse : ideo in quolibet esset infinitum non esse & sic simul esset in vno & eodem infinitum esse & infinitum non esse quod est impossibile. Quare sequitur quod impossibile est nisi vnum tale esse ut dictum est : ergo impossibile est nisi vnum Deum esse : qui est ipsum esse : & est suum esse : & qui fugat totaliter ipsum non esse. Præterea si quaeratur si in Deo sit omnis fortitudo : omnis virtus : omnis potestas : statim responderetur quod sic : quia Deus est ipsum esse : & in infinitum elongatur à non esse. Et ideo necessario in eo est quicquid pertinet & conuenit ad esse & fugatur ab eo quicquid pertinet ad non esse. Et ideo debilitas impotentia, fragilitas pertinent ad non esse. Et fortitudo, virtus, potestas pertinent ad esse. Ideo debilitas, fragilitas, impotentia in infinitum elongantur ab eo : & fortitudo , virtus, potestas , sunt in infinitum in eo. Et ideo esse est fortissimum , potentissimum, & virtuosissimum elongatum in infinitum ab omni fragilitate, debilitate & impotentia. Item si quaeratur. An in Deo sit potentia creandi & faciendi aliquid de nihilo. Iam soluitur ista quaestio similiter quia in Deo necessario est quicquid magis pertinet ad esse. Et ideo quia potentia creandi pertinet ad esse: & impotentia pertinet ad non esse. Ideo necessario in

*Quod so-  
lum sit  
vnus  
Deus.*



Deo est illa potentia, aliàs esset in Deo aliquid non esse: quod est impossibile.

## T I T V L V S XIV.

*De duplici esse & duplici non esse: sicut de duplici nihil.*

**Q**uia dictum est quod esse Dei fugat à se omne non esse & per consequens nullum esse ei deficit: quia nullum esse est extra ipsum: sicut per contrarium dicimus quod homo non habet esse terræ: nec esse aquæ nec esse ignis: nec arboris: nec asini & sic de omnibus aliis: ita quod homo habet tot non esse: quot sunt res quæ remouentur ab eo, quia homo non est asinus: ideo non habet esse asini. Et quia homo non est lapis: ideo non habet esse lapidis. Et ideo esse hominis non fugat totaliter non esse: sed solum fugat vnum non esse. Et quia esse Dei fugat à se omne non esse: ideo habet necessario omne esse. Et per consequens sequitur quod esse Dei habet in se esse terræ: esse aquæ: aëris & ignis: & esse omnium quatuor graduum & omnium quæ continentur in ipsis gradibus, quia nullum esse Dei deficit. Et ideo esse Dei est vniuersale omnium. Sed tamen duplex est esse terræ: aquæ: ignis: & omnium aliorum. Vnum in se & in natura propria quam videmus. Aliud est in esse Dei quod esse non videmus. Sicut domus est duplex esse: vnum in propria natura extra quod videmus: Aliud in mente artificis quod non videmus. Res autem quantum ad esse quod habent in propria natura: hoc esse non habent in Deo: quia esse Dei non potest esse tale esse: quia esse Dei non est ista terra; ista aqua: & sic de aliis. Quia esse Dei est indiuisibile, immutabile: æternum, &c. vt probatum est. Terra autem & aqua & alia elementa sunt mutabilia, diuisibilia, finita: & sic per oppositum sunt. Et per consequens esse eorum prout sunt in eorum propria natura non est in esse Dei. Sed cum necesse sit quod esse Dei sit omne esse: quia extra Dei esse non potest aliquid esse. Ideo oportet quod sit aliud esse omnium rerum quam esse proprium: quia necesse est quod omnia habeant esse in Deo. Istud autem esse est: sicut esse domus in mente artificis: & esse ipsius artificis in anima quod non semper habuit. Sed est  
differentia

*Titu. 12.*

*Esse Dei  
est omne  
esse.*

differentia : quia artifex recepit esse ipsius rei quia aliquando non habuit. Sed esse Dei nihil potest accipere : nulla additio potest ei fieri : quia in eo est infinita simplicitas : nulla coniunctio. Et ideo necesse est quod esse Dei ab æterno habeat in se esse omnium rerum. Et necesse est quod esse omnium rerum sit æternum in Deo : & necesse est quod sit idem cum esse Dei : quia in esse Dei nulla potest fieri pluralitas sed summa simplicitas. Et ideo sunt vnum esse omnia in esse Dei quod est summè vnum : & sic nihil nouum est apud Deum : sed omnia sunt ab æterno.

## T I T V L V S X V.

*Quod esse omnium rerum in propria natura : est etiam in esse Dei & in Deo.*

**E**T quia esse Dei fugat omne non esse: ideo nullum esse potest esse extra ipsum. Et cum creaturæ habeant proprium esse reale distinctum & separatum ab esse Dei : ergo illud esse reale non est in Deo. Et dicendum quod esse tale reale rerum omnium necessarium est in Deo. Non quidem quod sit idem esse Dei : sed necesse est quod veniat ab esse Dei : & oriatur ab esse ipsius Dei totaliter. Quia esse Dei est primum & non acceptum neque inceptum : ergo necesse est quod omne aliud esse oriatur ab isto esse & pullulet ab isto esse tanquàm à radice. Et quia esse Dei est indiuisibile summe simplex : ideo tale esse rerum impossibile est quod sit decifum aut sumprum ab esse Dei quod est infrangibile. Ergo necesse est quod sit & venit de nō esse & de nihilo postquàm nō potest venire de esse quod est Deus. Et quia non esse & nihil non possunt producere aliquid ergo necesse est quod esse primum produxerit omne aliud esse reale de non esse & de nihil : vnde solum esse potest producere esse : sicut ignis ignem & simile suum simile. Cū ergo esse omnium rerum reale non sit esse Dei sed aliud : ergo necesse est quod sit productum ab esse Dei : quod est primum & principalissimum de non esse & de nihilo. Et ideo sequitur quod esse tale reale pro tanto est in Deo : quia totaliter venit à Deo & ab esse suo : & est productum de nihilo : & totaliter conseruatur in tali esse ab ipso esse Dei. Et si primò non haberent esse in

*Nota.*

*Esse primum produxit alia.*



*Duplex  
esse.*

Deo, & in esse Dei ab æterno : non possunt habere esse reale in ipso : quia istud esse reale venit ab ipso esse quod habent in Deo ab æterno. Sicut ergo inuenimus duplex esse Vnum est esse primum, & non acceptum, simplicissimum : fugans omnino non esse, quia nunquam habuit non esse quod est æternum & immutatum. Et aliud est esse quod descendit ab isto esse : & est aliud ab eo : quod productum est ab ipso esse primò de non esse & de nihilo : & hoc est esse omnium rerum aliarum. Primum esse est simplicissimum & indiuisum : & secundum esse est diuisum per multas partes, scilicet per tot partes quot sunt res : & est multiplicatum. Vnde primo est diuisum per quatuor gradus in generali : & postea quilibet gradus est diuisus per multa esse in speciali : & per multas species : & quælibet species per multa individua. Postquam ergo sunt duo esse vera & indubitata & vnum est primum non acceptum ab aliquo neque sumptum per se existens æternum & immutabilissimum & sustentatum nec esse quod aliud esse : quia non est idem quod primum esse oriatur & veniat à primo esse : aliter esset æquale alteri esse : quia non esset acceptum : & hoc est impossibile vt sint duo æqualia esse prima : ergo esse quod reperitur aliud ab esse primo quod à nullo est acceptum oritur ab illo. Et quia primum esse non potest diuidi neque diminui neque mutari. Ideò impossibile est quod aliud esse possit recipi de illo esse : ergo necessario oportet quod ortum sit de non esse totaliter. Ergo sequitur necessario quod omne aliud esse sit productum à primo esse : de non esse de nihilo à primo. Ergo omnes quatuor gradus qui faciunt aliud esse à primo sunt producti de non esse & de nihilo à primo esse.

## T I T V L V S XVI:

*Comparatio istorum duorum adinuicem.*

**E**T quia primum esse quod est per se : sed non venit de non esse : producit aliud esse de non esse. Ideò habuit ipsum necessario in seipso antequàm produceret ipsum : quia omne quod producitur ab aliquo : necessario est quod priusquàm producat ab illo sit in eo : sicut domus prius est in mente artificis antequàm

antequam producat<sup>ur</sup> ab artifice: aliter impossibile  
 esset quod artifex posset producere domum extra in  
 tali esse reali: neque pictor imaginem. Ergo esse quod  
 est productum: necessario fuit primitus antequam  
 produceretur in primo esse ab aeterno. Et ideo quia  
 esse aliud quod est productum: est de non esse pro-  
 ductum. Ideo habuit alias condiciones quam primum  
 esse: quod non est acceptum ab aliquo. unde non po-  
 tuit esse æquale ei, & ideo necessario habuit esse di-  
 minutum & incompletum, & necessario habuit non  
 esse sibi admixtum: quia de non esse venit: nec po-  
 tuit habere omne esse, sed partem de esse. Ideo neces-  
 sario habuit esse finitum mensuratum: limitatum &  
 terminatum. Sicut ergo quia primum esse non est ac- *Condi-*  
 ceptum ab aliquo: & secundum esse est acceptum de *tiones*  
 non esse & de nihilo. Ergo omnes condiciones quæ *mundi*  
 conueniunt primo esse: per hoc quia non est acceptum *Secunda*  
 ab aliquo: & secundum esse est acceptum de non es-  
 se & de nihilo. Sic remouetur ab alio esse per hoc  
 quia est acceptum ab aliquo de non esse & oppositæ  
 condiciones ei conueniunt. Et ideo quia primum esse  
 est primum & primatum tenet quia non est ab aliquo  
 acceptum. Ideo aliud esse est secundum quia est ac-  
 ceptum ab alio de non esse. Et sicut esse Dei quod est  
 primum esse & summe simplex nullam habens plura-  
 litatem eo quia non est acceptum ab aliquo & est pri-  
 mum. Ita omne aliud esse est compositum habens ali-  
 quam pluralitatem eo quia est acceptum ab aliquo &  
 non est primum. Ideo in omni alio esse: habemus in-  
 telligere aliud præter esse, scilicet non esse: quia ve-  
 nit de non esse & potest redire ad non esse: in esse  
 autem Dei nihil possumus intelligere, de non esse:  
 quia non venit de non esse: nec potest redire in non  
 esse. Item sicut Deus est summum esse, & est ipsum- *Tertia.*  
 met esse: & non est aliud nisi esse: quia non est ac-  
 ceptum de non esse, quia est summe simplex sine  
 vlla pluralitate. Ita nullum aliud ab esse Dei  
 est suum esse: nec ipsummet esse sed est aliud quam  
 esse: quia acceptum est de non esse: & habet ali-  
 quam pluralitatem. Item sicut esse Dei fugat om-  
 ne non esse totaliter, & in infinitum elongatur à  
 non esse: eo quia non est acceptum à non esse:  
 nec de aliquo. Ita nullum aliud esse fugat totali- *Quarta.*

*Quinta.*

*Duo esse  
realiter  
distin-  
cta.*

*Com-  
paratio  
duorum  
esse ad-  
inuicem.*

ter non esse : nec in infinitum elongantur à non esse : immo necessario ipsum creatum esse vadit ad non esse vnde venit : eo quia productum est de non esse. Præterea quemadmodum esse Dei est. immutabilissimum & inuariabilissimum : eo quia non est acceptum & fugat totaliter non esse. Ita omne aliud esse est mutabilissimum & variabile : eo quia est productum de non esse : nec fugat totaliter non esse. Sic ergo sunt duo esse realia distincta, scil. esse Dei, & esse mundi. Etiam sunt duæ radices ad probandum conditiones amborum : & habent radices oppositas. Quia radix ad probandum omnia de esse Dei est : quia non est acceptum, neque receptum, neque datum ab aliquo. Radix autem ad probandum omnia de esse mundi est : quia est acceptum & receptum atque datum, & de non esse productum. Rursus autem reuertentes comparamus vnum esse ad aliud. vt nobis magis manifestetur. Et dicamus quod vnum esse, scil. esse mundi continens quatuor gradus est nobis manifestum primo per se : imo manifestissimum, & certissimum, & perducit nos ad aliud esse : & fecit nobis ipsum inuenire quod erat occultissimum. Et repertum est infallibiliter quod istud esse mundi est productum & venit de non esse. Et aliud est esse quod est ipsum esse per se existens : & non est productum, neque venit de non esse. Et quod esse mundi postquam est productum oportet, quod sit productum ab ipso esse occultissimo quod est Deus. Et ideo esse occultissimum Dei est tanquam radix : & est vera origo ipsius esse mundi. Et esse mundi est sicut truncus frondes, & rami arborum. Et ideo sicut in arbore est vnum, scil. quod videtur, scil. quicquid est supra terram : & aliud quod non videtur, scil. radix occulta & tamen illud oritur quod videtur ex illo quod non videtur. Ita sunt duo esse tantum. vnum quod videtur & apparet nobis, scil. totum esse mundi cum suis branchiis & frondibus ramis, & floribus quod diuisibile est per multos gradus. Aliud est esse quod non videtur, nec apparet, scil. ipsum esse Dei per se existens occultissimū, & tamen illud esse quod videtur est mundus, & oritur ab illo quod non videtur : id est ab ipso esse Dei. Sed tamen in hoc est dissimilitudo quia radix est pars arboris : sed esse Dei non potest esse pars alicuius. Neque ex istis duobus esse fit vnū. Sic ergo esse mundi

di erat manifestissimum primo, sed nesciebamus unde venerat. Sed istud esse mundi manifestavit nobis aliud esse, scil. esse Dei quod est primum esse: & cognovimus quod istud esse Dei à nullo venerat. Deinde iterum istud esse Dei manifestavit nobis esse mundi, scil. quod de nihilo, & de non esse venerit. Et sic modo cognoscimus mundum de non esse, & de nihilo venisse, & productum fuisse quod primo nesciebamus. Et ita fuit ibi ascensus & descensus, & vnum esse manifestavit aliud esse & adinuicem se manifestant & reuelant. Et exinde possumus dicere quod esse totius mundi est quasi punctum & centrum respectu esse Dei quod est ipsum esse, quia ipsum esse Dei est infinitum actu: & elongatum à non esse: sed esse mundi est finitum de non esse, & de nihilo productum: & Deus produxit mundum sicut artifex domum. Compara vnum ad aliud, & vide quod esse totius mundi non est nisi quoddam punctum, dum comparatur ad ipsum esse Dei maximum & sine mensura.

T I T V L V S X V I I.

*Quod ipsum esse Dei produxit totum esse mundi de non esse & de nihilo voluntarie & per modum artis & non naturaliter: nec ex necessitate.*

ET qualiter esse mundi de nihilo productum est videamus si productum est naturaliter ex necessitate sicut ignis naturaliter producit calorem: vel voluntarie sicut artifex domum. Et dicendum est quod sic: per modum artis: & non naturaliter nec ex necessitate. Quia enim esse Dei est idem quod intelligere, & velle seu liberum arbitrium. Ideo producere Dei est per intellectum & voluntatem, & intelligendo & volendo produxit omne quod produxit. Vt terius quia esse mundi est extraneum ab esse Dei & non est de natura sua quia est de non esse & de nihilo: & esse Dei nunquam habuit non esse. Ideo sequitur quod esse mundi productum est sicut res artificiales producuntur ab arte, quia sicut res artificiales non sunt de natura artificis immo esse earum est extraneum ab artifice. Ita esse mundi non est de natura Dei: immo est extraneum ab ipso. Et ideo totum esse mundi est quasi vna res artificialis: vel vna domus: vel vnum pala-

*Deus artificialiter produxit mundum.*



- Correlatiuū pri- mum.* palatium productum per artem à Deo. Et ideo sicut artifex producit domum voluntariè & non ex necessitate neque naturaliter: ita Deus producit mundum voluntariè & artificialiter & non naturaliter. Ex quo sequitur quod sicut artifex antequam producat domum habet in intellectu suo totam formam atque imaginem & similitudinem & ideam domus. Aliter esset impossibile quod produceretur. Ita ipsum esse Dei produciens: quod est ipsum intelligendo & volendo producere & intellectus habuit in se formam & ideam mundi: antequam rem publicam produceret: aliter esset impossibile quod mundum produxisset. Et quia Deus nihil potest recipere vt probatum est. Ideo à nullo alio
- Secundū. Titu. xii.* potuit accipere formam mundi nec similitudinem. Et ideo ab æterno habuit in intellectu suo formam totius mundi. Et per consequens ab æterno totus mundus fuit in Deo & in esse Dei: & quia in esse simplicissimo nulla est pluralitas: & esse Dei & Deus idem
- Tertium.* sunt: sed quod mundus vt est in esse Dei. Et est in Deo & est idem quod Deus & esse Dei: quia esse Dei est nobilius & dignius quam esse mundi quod est productum de nihilo. Ideo sequitur quod nobilius & dignius esse habet mundus in Deo sine aliqua comparatione: quam propria existentia & natura: quia in propria existentia esse mundi est de nihilo productum: & in Deo habet esse æternum quod nunquam habuit nō esse. Verum quia artifex indiget materia in qua ponat formam domus: sed ipsum esse quod est Deus totum de nihilo produxit quia quicquid est præter ipsum est ab ipso de nihilo productum. Et exinde sequitur quod artifex sicut ipse potest infinitas domos producere: per domum suam quam ipse habet in mente & in intellectu absque diminutione domus quæ est in mente. Ita Deus qui est ipsum esse potest producere infinitos mundos: per mundum quem habet in intellectu suo absque diminutione istius mundi & maxime:
- Quintū.* quia totum de nihilo produxit. Et quia producit omnia volendo & intelligendo: ideo totum mundum produxit sine labore: sine fatigatione & sine pena. Et quia artifex producit domum meliori modo quo fieri potest: & hoc iuxta exigentiam domus. Ita Deus produxit mundum meliori modo quo fieri potuit & debuit: iuxta exigentiam mundi. Ita quod ni-
- Sextum.* hi

hil ultra potuit addi vel minui nec est aliquod superfluum. Sed quia artifex ponit solam formam in materia : & non facit ipsam materiam. Ideo non est necesse *Septimum.* quod artifex sit semper cum domo immo domus facta potest per se stare & remanere & conseruari sine praesentia artificis : sed non sic de mundo respectu Dei artificis. Quia enim ipse Deus artifex non solum ponit formam in materia : sed tam materiam quam formam & totum de non esse : & de nihilo producit. Ideo continuo necessaria est praesentia ipsius Dei esse in toto mundo. Nec mundus potest per se stare & conseruari absque praesentia incessabili Dei per vnum momentum immo statim rediret in non esse & in nihil totus mundus quia de nihilo venit. Ideo necessario eo indiget mundus : si debeat non in non esse vel in nihil redigi : & quod totum esse Dei sit praesens per totum esse mundi. Non tamen quod sit inclusum in totum esse mundi : immo etiam est extra mundum in infinitum. Et sic summus artifex Deus continue portat & sustinet & continet totum mundum in pugillo & in manu sua & ipsum sustinet sine labore quia volendo. Item quamuis praesentia ipsius esse Dei non possit deficere mundo : quia esse Dei necessario est ubique. Attamen quia solum voluntarie & non naturaliter conseruat mundum. Ita etiam sola voluntate posset destruere mundum : & in nihil redigere si vellet : quia ex nihilo venit. Praeterea sequitur : quod ipsum esse Dei artificis summi semper & continue mundum producit : eo quod ipse mundum continue conseruet : contineat & manu teneat : ne redeat in nihil & ideo ipsum continuo creat sicut sol suos radios continuo creat in aere. Aliter si non produceret continuo radij deficerent. Ideo de nocte radij non sunt in aere sed esse desinunt. Ita mundus esse desineret si non a Deo continuo crearetur & conseruaretur. *Octauum.* *Nonum.* *Ti. xvij.*

T I T V L V S X V I I I.

*Quod Deus qui ipsum esse per se subsistens produxit esse mundi de nihilo , absque sui indigentia*

**E**Tiam indubitanter est conclusum quod Deus est *Titu. xij.* ipsummet esse : & in infinitum elongatum a non esse & a nihil : & fugat a se omne non esse : plenissimum per se



### 30 *De productione Mundi.*

perfectissimum indigens nullo alio esse : & est infinitum esse : voluntariè & non naturaliter : sed artifex produxit mundum quia alias sequeretur quod ipsum esse æternum: per se existens in infinitum elongatum à non esse indigeret ipso esse producto de non esse & de nihilo : quod est absurdum valde & impossibile : cum ipsum esse quod est Deus sit perfectissimum , completissimum , habens in se omnem plenitudinem quomodo posset hoc esse ? quomodo tale esse indigeret hoc esse ? & alio esse producto ab ipso de nihilo. Ergo concluditur quod Deus qui est ipsum esse per se subsistens: produxit totum esse mundi de non esse absque aliqua sui indigentia.

#### T I T V L V S XIX.

*Quod Deus qui est suum esse produxit mundum de nouo & non ab æterno: neque esse mundi est æternum sed nouum.*

**E**T quia duo sunt esse : vnum quod est ipsum esse non acceptum de non esse : & aliud quod non est ipsum esse : sed est acceptum de non esse de nihiloque: quod in infinitum elongatum à primo esse : & habet conditiones appositae primi esse : vt probatum est.

*Tit. xiiij.* Rursus etiam quia esse productum de nihilo : est  
*& xvj.* summè inæquale ipsi esse quod est ipsummet esse. Et iterum quia Deus qui est suum esse : produxit mundum  
*Tit. xvij.* absque sui indigentia de non esse voluntariè & non naturaliter : ex omnibus istis patet quod taliter debebat produci de non esse : voluntariè & non naturaliter. Sequitur ex omnibus istis quod taliter debebat produci esse mundi : vt manifestaretur omnis inæqualitas & taliter quod per esse mundi nulla apparet indigentia ipsius Dei : nec intelligi nec cogitari possit. Quæ quidem indigentia si esset destrueret totale esse Dei & suam perfectionem. Sed potius vt cognosceretur summa liberalitas & bonitas ipsius : & quod sine mundo haberet suum perfectum esse. Et ideo mundum produxit de nouo & non ab æterno. Quia si mundus esset productus ab æterno & non de nouo : & ipse non præcederet mundum duratione : tunc iam notaretur inter Deum & mundum aliqua æqualitas in æternitate. Et per consequens notaretur quod



quod ipse Deus indigeret mundo & non potuisset esse sine mundo. Et etiam quod naturaliter & ex necessitate produxerit mundum : & non ex mera sua voluntate & liberalitate. Et omnia ista sunt absurdissima : & incongrua ipsi esse excellentissimo Dei. Si autem mundus sit productus de nouo : & ipse præcessit mundum duratione : totum oppositum significatur & denotatur : & excellentia & nobilitas & perfectio ipsius esse Dei manifestantur. Et quia Deus non produxit mundum contra seipsum : & ipsum produxit per modum artis intelligendo & volendo. Ita concluditur quod produxit eo modo quo magis conueniebat excellentissimo esse Dei : & etiam esse mundi : & quod Deo neque mundo repugnet. Et per consequens non fuit æternus : sed de nouo factus. Aliter produxisset mundum contra seipsum : neque propter hoc in esse Dei est aliqua nouitas neque aliquod esse nouum vel nouum velle : quia ab æterno voluit producere mundum in esse reali altero ab ipso : & de non esse. Et voluit ab æterno quod mundus produceretur per illum modum per quem magis suum esse excellentissimum & perfectissimum manifestaretur : & appareret & distingueretur ab illo esse de nihilo producto. Ideo ab æterno voluit quod suum esse præcederet esse mundi : & hoc duratione, quia aliter contra se voluisset. Ergo ab æterno voluit quod tunc produceretur quando productus est.

T I T V L V S XX.

*Quod ipsum esse quod est Deus produxit totum esse mundi propter finem principalem & propter seipsum.*

**Q**uoniam autem probatum est infallibiliter & est verum quod Deus produxit mundum de nihilo per modum artis : & sicut artifex domum. Et quia omnis artifex operatur quicquid operatur propter aliquid & propter aliquem finem & intentionem : & ideo necesse est : & impossibile aliter esse : quam quod ipse summus artifex Deus produxerit mundum totum propter aliquem finem : & propter aliquam intentionem. Et ideo quia nihil erat præter ipsum : ideo non potuit producere mundum propter aliquem  
alium

*Tit. xvj.  
& xvij.*

alium quam propter seipsum. Non enim potuit producere mundum propter non esse ergo propter esse : ergo propter semetipsum qui solum est esse. Rursum etiam quia esse de nihilo productum : non potuit esse semper propter esse : quod nunquam habuit non sint nisi ista duo esse : ergo vnum est propter aliud. Sed cum ipse Deus nullo modo indiget mundo quomodo ergo ipse fecit mundum propter semetipsum. Dicendum est quia Deus non fecit mundum ita quod ipse indigeret mundo : nec ipsum esse perfectissimum & indeficiens quod est Deus sine sui diminutione communicabile alteri extra se daret communicando seipsum. Et ideo produxit ipsum esse nouum de nihilo : ut istud esse creatum participaret illud æternum esse. Non quidem quod vnum esse mutaretur in aliud esse : quia hoc esset impossibile. Sed ipsum esse de nihilo productum vniretur ipsi esse immutabili ut perficeretur in eo : ut scilicet essent ibi duo bona. scilicet ipsum esse productum : & ipsa communicatio vel unio seu participatio ipsius esse excellentissimi & optimi : ut sic manifestaretur sua liberalitas : qua sine indigentia sui voluit producere aliud esse ut ei se communicaret nec indiguit ipsum esse quod est Deus : ut se communicaret alicui extra : sed sua mera liberalitate se voluit communicare. Sicut ergo ex conditionibus istorum duorum esse est conclusum quod ipsum esse mundi est de nihilo productum : eo quia est de non esse necessario est ordinatum ad aliud esse : quod non venit de non esse : & est propter ipsum & ipsum esse quod est Deus : eo quia est perfectissimum : est finis & complementum & perfectio alterius esse.

## T I T V L V S X X I.

*Quod ipsum esse mundi de non esse productum respicit ipsum esse quod est Deus : & ligatur cum eo triplici respectu & inuisibili ligamine.*

**Q**Voniam autem omne artificium ut domus necessario ad tria respicit scilicet artificem Primo sicut ad causam efficientem. Secundo ad formam & similitudinem in intellectu artificis existentem sicut ad causam exemplarem. Tertio ad finem propter quem domus facta est. Quia ergo totum esse mundi est

*Nota.*

*De comparatione mundi ad esse. 33*

est productum à Deo per modum artis & rei artificialis : ideo necessario respicit Deum sub triplici respectu. Primo respicit ipsum sicut suum artificem & causam efficientem : etiam respicit ipsum tanquam causam exemplarem habentem in se formam totius mundi ab æterno. Tertio tanquam causam finalem propter quam est. Causam autem naturalem non respicit mundus : quia de nihilo est : & sic esse mundi nihil aliud respicit nisi Deum : ideo totus mundus est à Deo : & secundum Deum : propter Deum : & Deus est causa mundi efficiens : exemplaris & finalis : & sic produxit mundum ex se secundum se & propter se.

T I T V L V S XXII.

*De comparatione istorum duorum esse ad duo nihil  
& ad duo non esse.*

**Q**uoniam autem duo sunt esse realia & existentia in rerum natura, vnum æternum & aliud nouum. Et quia esse respicit non esse & nihil tanquam suum oppositum & inimicum. Ideo sicut sunt duo esse, ita considerata sunt duo non esse, & duo nihil eis correspondentia. Vnum non esse seu nihil opponitur ipsi esse æterno & ipsum respicit. Aliud non esse & nihil respicit ipsum esse nouum & eidem opponitur & contrariatur. Considerandum est ergo diligenter quomodo vnum quodque istorum duorum esse: se habeat ad non esse & ad nihil sibi oppositum: vnde aliter se habet non esse & nihil ad primum esse æternum aliter ad ipsum esse nouum. Quod ipsum esse æternum præcedit non esse & nihil sibi oppositum: & ideo est primum de vtilitate ex seipso. Et ideo quia est primum quam non esse sibi oppositum: & habet possessionem primitatis: in infinitum expellit non esse & nihil: & per consequens sine mensura se extendit: & ideo non esse & nihil nullum possunt habere locum in ipso esse: quia ipsum esse occupat totum: eo quia est primum. Sicut etiam si non esse & nihil esset primum & præcederet esse: & haberet possessionem primitatis: in infinitum se extenderet: & totum occuparet: & ipsum esse nullum locum haberet: & sic totum esset non esse & nihil, & ipsum nihil esset æternum: & esse non haberet vnde venire: quia ipsum non esse seu nihil non produceret aliquid: quia solum esse potest producere esse.



### 34 *De comparatione mundi ad esse.*

esse : nec faceret ipsum esse sibi oppositum. Quia autem ipsum esse primum est : ideo cum sint duo contraria opposita : & vnum oppositum nunquam creat vel producit : sed destruit & expellit in infinitum non esse & nihil. Et ideo quia non est nisi esse ipsum non esse : & nihil non habent unde veniant in ipso esse quia non possunt venire de ipso esse. Et ex hoc necessario concluduntur ex tali comparatione quod tale esse necessario habet in se : ex se : & de se : & de natura sua esse : & quicquid est contra non esse : & in infinitum & sine mensura. Quoniam si aliquid deficeret ei quod potest peruenire ad esse : hoc iam non esset : & sic nihil posset esse in ipso esse quod est impossibile. Ideo esse necessario ad primum absolutum à nullo dependens : æternum simplicissimum : actualissimum : perfectissimum : summe vnum immutatum & immensum : quia omnia ista pertinent ad esse : & nullo modo intellectus intelligens ipsum potest cogitare opposita istorum : immo ista sunt ita certa quod nullo modo possunt dubitari : nec primum esse potest cogitari non esse : & tale esse nominat Deum. Et exinde concluditur necessario quod esse quod est Deus habet omnem potestatem : omne dominium supra non esse : & supra nihil : & ista est prima potestas & amor qui possit esse : & ista est prima comparatio.

### T I T V L V S XXIII.

#### *De comparatione mundi ad suum non esse & nihil.*

**T**Vnc restat videre qualiter alterum esse , scilicet esse mundi se habeat ad non esse & nihil , unde manifestum est quod alio modo immo opposito modo se habet quam primum esse : quando non esse & nihil præcesserunt tale esse eis oppositum : & ideo non esse mundi & nihil : præcesserunt esse ipsius mundi in propria existentia : quia ipsum esse quod non est Deus : habet suum proprium non esse & nihil : sed non prout esse mundi est in esse Dei : quia tunc non esse & nihil : non præcessissent tale esse. Primo ergo non esse habuit primatum respectu esse mundi : & esse mundi sibi oppositum non potuisset habuisse existentiam : nisi primum esse quod est Deus ( qui habet plenum imperium supra non esse ex eo quia in esse Dei est realiter omne esse :

esse : vt supra probatum est ) extraxisset mundum de tali non esse & de tali nihil : quia per se non potuit exire de non esse : cum sit eius oppositum : & ideo nisi ipsum Deus qui est esse manuteneret & defenderet continuo & incessanter per suam manum fortem totum esse contra non esse & contra ipsum nihil : statim rediret in nihil : vnde extractum est. Et ideo esse mundi semper est in potentia ad non esse de se : & semper potest non esse natura sua. Et quia non esse & nihil; *Tit xiv.* nullam resistantiam possunt facere contra ipsum esse quod est Deus: ideo sequitur quod esse quod est Deus : habet omne præceptum , & omne imperium : omnem potestatem & dominium supra non esse & supra nihil. Et ideo potest sine quocumque impedimento : sine quacumque resistantia facere quicquid vult & quicquid sibi placet : solo velle de non esse : & de nihil, & producere in esse reali : & per consequens sine fatione & sine labore : quia velle non est fatigari quando nulla sit resistantia. Et exinde sequitur : quod totum esse mundi est tanquam nihil in respectu Dei. Ergo iam habemus Deum nostrum fortissimum : omnipotentem : æternum : infinitum : immutabilem & summè vnum : qui non potest non esse : qui totum mundum fecit de nihilo. Ergo cum tu homo sis principalior pars mundi : sequitur quod tu es totus productus & factus de non esse & de nihilo. Gaude ergo quia tu habes tam nobilem : tam excellentem & omnipotentem creatorem & conditorem : qui tam nobilem & excellentem creaturam sicut tu es potuit facere de nihilo.

T I T V L V S   X X I V .

*Comparatio duorum esse ad duo luminaria : & quod esse Dei est tanquam sol : & esse mundi est tanquam luna & umbra.*

**E**Cce ergo quomodo habemus duo esse tanquam duo luminaria magna : scilicet luminare maius & luminare minus. Primum est tanquam sol : & est æternum & maius. Secundum est sicut luna : & est mundi & minus. Primum est tanquam sol : quia sicut luna de se nullum habet lumen : sed totum recipit à sole ita esse mundi nullum habet esse de se : sed totum recipit de

### 36 *De comparatione mundi ad esse.*

esse æterno. Et sicut sol de se habet lumen : & nullum lumen recipit ab alio corpore : & ideo semper plenus est lumine : nunquam deficiens. Ita primum esse de seipso habet suum esse : & à nullo alio recepit suum esse : & semper habet plenum esse nunquam deficiens. Et sicut per lumen quod videmus de nocte cogitamus lumen solis quod est occultum de nocte. Ita per esse mundi quod videmus : cogitamus esse Dei : quod non videmus. Et sicut lumen lunæ in præsentia solis nihil apparet : sic esse mundi in præsentia ipsius esse Dei nihil apparet. Et dum magis appropinquat ad esse Dei : tunc minus apparet. Sed dum per se consideratur : tunc apparet magnum esse : sicut lumen lunæ dum elongatur à sole apparet maius. Ista ergo duo esse sunt duo lumina intellectus. Primum est lumen æternum indeficiens : scil. Deus. Secundum est lumen novum, scil. sacrum : scil. mundus habens tot radios quot sunt creaturæ. Primo lucet nobis debile lumen factum, scilicet mundus : & ipsum possumus videre sine periculo, & damno oculorum : sicut lumen lunæ, Et postea per istud lumen debile cogitamus aliud lumen fortissimum solis, scil. Dei sicut oculi non possunt videre lumen solis directe per se sine destructione oculorum. Sed tamen in luna bene videmus lumen solis sine damno oculorum. Ita oculi nostri interiores non possunt per se videre de directo ipsum esse Dei æternum : luminosum & excellentissimum in hoc mundo sine destructione oculorum. Et ideo esse mundi est sicut umbra per quam possumus intueri & respicere ipsum esse æternum quod est lumen & speculum diuinæ essentiae infinitum & immensum. Aliter est nobis videre impossibile sicut sol per umbram. Et sic sufficit ad præsens de ipso esse duplici & de non esse & nihil : & quod primum esse est ianua aliorum.

### T I T V L V S XXV.

*Sequitur doctrina de ipso vivere : & primo quod vivere facit per se secundum gradum.*

**P**ostquam dictum est fundamentaliter cum Dei adiutorio de esse quod est fundamentum & ianua omnium. Nunc secundo loco dicemus de vivere. Sicut autem esse se habet ad vivere : & ad sentire : & intelligere

*De comparatione mundi ad esse. 37*

intelligere: Ita viuere se habet ad sentire & intelligere: quia etiam esse inueniri potest sine viuere & aliis: & ideo facit per se primum gradum. Ita viuere potest inueniri separatim ab ipso sentire & intelligere: & non econuerso: nam omne quod sentit uiuit: sed non omne quod uiuit sentit. Et etiam omne quod intelligit uiuit: sed non econuerso: & viuere potest inueniri sine sentire & sine intelligere: sed non sine esse: quia omne quod uiuit est. Et ideo viuere facit per se secundum gradum: vnde nobilius est viuere quam esse tantum. Ideo oportet considerare ipsum viuere per se: sicut consideratum est ipsum esse per se.

**T I T V L V S X. XVI.**

*Quod dupliciter probatur viuere esse in Deo.*

**Q**Voniam autem esse reperitur separatim per se in primo gradu. Ideo consideramus ipsum esse in Deo sine aliis: scil. sine viuere & sine intelligere. Ita similiter quia viuere reperitur separatim sine sentire & intelligere: ita similiter considerabimus ipsum viuere per se sine intelligere & sine sentire: sicut autem per esse mundi quod videmus: & est manifestissimum, arguimus esse aliud: scil. ipsum esse Dei: quod non videmus sic viuere Dei à quo peruenit viuere mundi: quod est nobis manifestissimum: & hoc iam probatum est. Sed aliter probatur viuere esse in Deo: & hoc per ipsum esse: quia omnia conueniunt in Deo per suum esse: vnde quia Deus est suum esse: & esse est primum quam non esse: ideo necessario Deus habet esse & est quicquid est contra non esse & quicquid conuenit cum esse. Et quia viuere conuenit cum esse: & est nobilissimum esse: ideo necessario est in Deo viuere & in esse suo. Et per eundem modum dicemus de ipso sentire & de ipso intelligere: quia conueniunt cum esse: ideo sunt in Deo necessario. Et similiter dicendum est de posse & de velle: & de bonitate & de veritate de omnibus: quia per se omnia probantur: & ipsum Dei esse necessario omnia includit. Et dum nomino ipsum esse Dei: dicendo ipsum viuere: sentire: & intelligere: velle posse esse bonum & verum & omnia: nihil aliud dico: nec aliqui addo supra suum esse: quia suum esse est omnia ista

*Tit. xvi*

*Supra  
tit. x.*



### 38 *De operatione mundi ad esse.*

de necessitate. Sed in aliis rebus dum dico esse: non intelligo viuere: nec sentire: nec intelligere: quia esse inuenitur sine illis. Et dum dico sentire: non dico intelligere quia sentire reperitur sine intelligere. Sed in Deo dum dico esse omnia intelligo. Sic ergo duobus modis viuere probatur esse in Deo: & per creaturas quas fecit quibus dedit viuere: & per suum esse. Et ita de aliis sicut de viuere.

#### T I T V L V S   X X V I I .

*Tit. vi i. Quod similis processus & ordo sit in ipso viuere sicut in  
Titu. xi ipso esse. Et quod omnia qua probata sunt de esse,  
probantur etiam de viuere.*

**Q**uamuis autem per cognitionem iam habitam de ipso esse omnia alia cognoscuntur & fiunt manifestata: quia omnia clauduntur in ipso esse. Attamen quia magis gaudet dum audit quodlibet per se & iunctum cum alio: quia magis gaudet dum audit Deum esse & viuere quam esse solum: & dum audit Deum esse viuere: sentire & intelligere posse: velle verum: bonum & sic de aliis: quam quando audit eum tantum esse. Ideo congruum est, vt de quolibet per se loquamur. Forma autem & modus dicendi de omnibus est similis & talis sicut fuit de ipso esse: quia omnia in Deo sunt idem quod esse & sunt ipsi summet esse: & ideo sicut esse Dei non est acceptum ab ipso Deo nec ab aliquo nec venit de non viuere, nec de non esse, nec de alio. Ita viuere Dei non est acceptum ab ipso Deo: nec ab aliquo: nec venit de non viuere: nec de aliquo alio. Et ideo sicut esse Dei est totaliter primum & simplicissimum & per consequens sicut Deus est suum esse & esse idem est quod Deus: ita Deus est suum viuere & ipsummet viuere: & viuere Dei est idem quod Deus: & per consequens Deus est vita & non est nisi vita. Item nulla alia res quam Deus est suum esse: quia quælibet alia recepit ab alio esse, & per consequens de se habet non esse. Ita nulla alia res est suum viuere: quia recepit viuere ab alio: & per consequens de se habet non viuere. Et sicut in omni alia re quæ habet viuere: possumus intelligere non viuere in Deo autem non possumus cogitare non viuere: quia de seipso habet viuere. Et ipsum viuere Dei est

est ipsemet Deus. Præterea sicut esse Dei in infinitum elongatur à non esse : & fugat totaliter ipsum non esse. Ita viuere Dei in infinitum elongatur à non viuere : & fugat totaliter ipsum non viuere. Ideo sicut esse Dei est æternum nunquam incipiens nunquam deficiens : immutabile : inuariabile : actualissimum : completissimum & perfectissimum. Ideo habet optime viuere. Et omnia quæ dicta sunt de isto esse : proportionabiliter dicas de ipso viuere : quia idem sunt in Deo. Titu. xii. etiā xiii.

## T I T V L V S XXVIII.

*Generalis doctrina tam ad esse viuere & omnia alia.*

**Q**uamuis autem doctrina habita de ipso esse Dei : sufficiat ad viuere & ad omnia : tamen de quolibet parte sine alia vt plena habeatur notitia : hic datur doctrina generalis ad omnia & summe facilis & leuissima. Et primo in ipso esse : & per esse ad omnia alia. Vnde debemus comparare esse ad non esse : duobus modis, scil. ante esse & post esse : vt dicamus sic : quod non esse duobus modis cogitatur : vno modo quod sit ante esse. Alio modo quod sæpe sequatur ipsum. Primum non esse quod intelligitur ante esse vocatur negatiuum : & est purissimum nihil : secundum non esse quod sequitur ipsum esse : vocatur : non esse priuatiuum seu corruptiuum : sic ipsum esse potest comparari ad ipsum non esse ante & post. Deinde est quærendum : quod est primum ante esse vel non esse : & si esse habuit ante se non esse. Et respondendum est quod de necessitate esse Dei est primum : & non habuit ante se non esse. Et exinde necessario sequitur : quod post ipsum esse non potest sequi non esse sic ipsum esse caret non esse ante & post. Et si caret non esse negatiuo & priuatiuo seu corruptiuo : per consequens est æternum indeficiens, &c. Et istud esse est Deus. Aliud autem esse mundi habet non esse ante se : & potest habere non esse post se. Quia cum mundus non sit Deus : habet non esse ante se : & sic stat in medio non esse negatiui & priuatiui : quia venit de non esse : & potest ire in non esse. Sicut autem fecimus de ipso esse : ita similiter faciemus de ipso viuere : & de omnibus aliis. Vnde cum non sit mundus æternus : vt Tit. xvi.

*Non esse cogitatur duobus modis. Esse negatiuum Esse priuatiuum*

# 40 *De operatione mundi ad esse.*

*Tit. xvi.*

*Tit. xiv.*

*Duplex  
non vi-  
uere &  
mors.*

*Tit. xii.*

*Deus ca-  
ret non  
viuere  
negatiue  
& pri-  
uatiue.  
Quod  
Deus est  
immor-  
talis.*

*Tit. xv.  
Omnia  
viuunt  
in Deo.*

probatum est supra : sic habuit principium & habebit finem. Item sicut duplex est non esse : ita duplex est non viuere. Primum non viuere est quod potest cogitari ante viuere : & istud est non viuere negatiuum : secundum non viuere : est quod sequitur post viuere : & istud non viuere priuatiuum & corruptiuum : & habet speciale nomen, scilicet mori : seu mors. Querendum est postmodum quod est primum : an viuere : an non viuere : & si viuere habuit ante se non viuere. Et dicendum est quod viuere est primum & non habuit ante se non viuere quia si non viuere esset primum : tunc viuere non posset esse : quia viuere non potest venire de non viuere : sicut esse non potest venire de non esse : vt supra. Et exinde sequitur quod viuere ab æterno fuit & nihil habet de non viuere : sed est purissimum elongatum à non viuere : quia viuere totum occupat. Et ideo quia viuere est principium : non habet ante se non viuere : sequitur necessario quod ipsum viuere quod est primum non potest habere post se non viuere : quia viuere totum occupauit : & per consequens mori seu mortem non sustinet & tale viuere est Deus. Et ita Deus qui est viuere : caret non viuere ante & post : & sic caret non viuere negatiuo & priuatiuo. Et ideo ab æterno & in æternum uiuit : sine principio & sine fine : & ideo mori seu mors non habuit dominium supra ipsum. Ideo solus est immortalis de sua propria natura de seipso. Et exinde sequitur quod in ipso solo viuere & in sua vita : nulla potest esse mutabilitas nulla additio : nulla diminutio : quia non potest mutari in non viuere : quia iam non viuere esset in ipso nec potest perdere suum viuere : quia tunc mors esset in ipso. Et quia iam probatum est quod totum esse mundi est ab æterno in Deo. Et quia Deus est ipsum viuere & totus est vita : sequitur quod omne quod factum est : uiuit in Deo : & est vita in Deo : & omnia uiuunt ab æterno & in æternum in Deo : & ideo nihil moritur Deo sed omnia uiuunt ei. Rursus quia Deus est ipsum viuere : ideo omne aliud viuere est productum ab ipso de non viuere : sicut omne aliud esse est productum de non esse. Et ideo omne aliud viuere quia venit de non viuere : potest habere non viuere post viuere, scil. mori. Et sic omne quod uiuit præter ipsum viuere quod est Deus : venit de non viuere neces



*De operatione mundi ad esse. 41*

re necessario : & potest ire in non viuere priuatium, scil. in mortem post viuere : quantum est de se. Et ideo nisi manu teneatur ab ipso quod est viuere : & conseruetur continuo statim verteretur in non viuere & in mori. Præterea sequitur : quod ipse Deus habet omnem potestatem omne imperium : omne dominium : omne præceptum supra non viuere : & supra mortem : & ideo potest extrahere quicquid vult de non viuere ad viuere : sine omni impedimento & resistentia : & etiam de morte potest reducere quicquid vult ad vitam solo velle : sola potestate : & sic ipse est verus Dominus vitæ & mortis. Ecce ergo habemus duas vitas & duo viuere realia vnum occultum : & aliud manifestum : vnum æternum : & aliud nouum de non viuere acceptum. Compara ipsa adinuicem : & postea ad non viuere sicut fecisti de esse : & habebis notitiam completam de ipso viuere. Vide ergo homo quomodo inuenisti tuum conditorem qui viuit in æternum : & est vita æterna : qui non potest mori qui tibi dedit de non viuere viuere & te conseruat ne reuertaris in non viuere & in mortem quia ipse est Dominus vitæ & mortis & immortalis.

**T I T V L V S XXIX.**

*Doctrina de ipso sentire : & est tertius gradus.*

**S**icut dictum est de ipso esse & de ipso viuere : ita dicendum est de ipso sentire. Quia sentire per se facit tertium gradum in natura : nam esse & viuere possunt esse & sine sentire : & ipsum sentire potest esse sine intelligere. Sicut autem duo sunt esse & duo viuere, s. vnum quod videmus : & aliud occultissimum quod non videmus. Per illud quod videmus cognoscimus & peruenimus ad illud quod non videmus & probamus sentire esse in Deo : quia dedit aliis. Item etiam per esse est probatum sentire esse in Deo : quia sentire est esse & nobile esse : & ideo necessario est in Deo. Aliter in ipso esset non esse : nec haberet quicquid est contra non esse : nec esset omne quod est impossibile. Et quia Deus est suum esse & suum viuere : ita est suum sentire : & est ipsum sentire : quia idem est esse viuere quod sentire in Deo. Et ideo in Deo est videre : audire & omne sentire. Non tamen tale

*Titu. x.*

*Titu. xxvij.*

## 42 *Quod in Deo sit intelligere*

*Titulus  
xxviij.*

*Insensi-  
bilitas.*

*Deus ab  
aeterno  
sentit.*

sentire est in Deo sicut in aliis rebus : quia hoc est impossibile : sed nobilissimo & perfectissimo modo : sicut ei conuenit. Rursum sicut dictum est de ipso viuere : ita dicendum est de ipso viuere : ita dicendum est de ipso sentire : quia sentire potest comparari ad non sentire ante & post : primum non sentire est negatiuum tantum : secundum est priuatiuum & vocatur insensibilitas. Et quia sentire in Deo est primum quam non sentire : ideo ante se non habuit non sentire : sicut viuere est primum. Et ideo sequitur quod post sentire non potest sequi non sentire nec insensibilitas. Ideo ab aeterno & in aeternum sentit : sed omne aliud sentire productum est ab ipso de non sentire : & habuit ante se non sentire : & ideo potest redire in non sentire & in insensibilitatem : nisi manuteneatur ab ipso qui est suum sentire & qui solus non potest esse insensibilis. Et ideo omne aliud quod habet sentire : sentit per ipsum videt : audit : tangit : odorat & gustat per ipsum. Et sicut omne quod est & uiuit per ipsum est & uiuit : ita omne quod sentit. Et sicut habet omnem potestatem & imperium supra non esse : & supra non viuere : ita & supra non sentire. Ideo potest extrahere quicquid vult de non sentire ad sentire : & omnia quae dicta sunt de esse : dicantur de sentire.

### T I T V L V S   X X X.

#### *Doctrina de ipso intelligere.*

*Tit. xvij.* **Q**uia ipsum intelligere est vltimus gradus in scala naturæ : & per consequens est nobilissimus. Ideo de ipso loquendum est amplius quam de viuere & sentire. Vnde quia probatum est quod omnes quatuor gradus producti sunt de non esse. Ideo intelligitur quod in mundo illud quod est : est productum de non esse : & de non intelligere. Et ideo necessario sequitur quod ille qui produxit & dedit intelligere : habet in seipso intelligere quod est nobilissimum esse. Præterea per ipsum esse hoc idem est iam probatum quoniā ipsum esse Dei est Deus : & Deus est ipsum esse : & habet quicquid pertinet ad esse & pertinere potest. Et quia intelligere pertinet ad esse immo est nobilissimum esse & excellentissimum : ergo necessario esse  
Dei.

Dei est intelligere : aliter deficeret in suo esse illud quod est nobilissimum : sed cum esse Dei sit summè simplex : & in eo nulla sit compositio : sequitur quod ipsummet esse Dei : est ipsummet intelligere. Et ideo quicquid probatum est de esse Dei : iam probatum est de intelligere. Nec oportet probare de nouo sed solum applicare ad intelligere. Dicamus ergo per ordinem sicut dictum est de esse. Vnde sicut esse Dei non est acceptum ab aliquo : neque etiam ab ipso Deo nec datum nec communicatum. Ita nec ipsum intelligere Dei. Et sicut esse Dei est primū totaliter : ita intelligere est primum. Et sicut esse Dei est simplicissimum indiuisibile ita intelligere. Et sicut esse Dei est summe vnum : ita intelligere Dei. Et sicut Deus est suum esse : & est ipsum esse sic Deus est suum intelligere : & est ipsammet intelligere : & ipsum intelligere est Deus. Et quemadmodum esse Dei : eo quia est primum : elongatur in infinitum à non esse : & fugat totaliter non esse & ante se non habuit non esse : nec post se potest habere non esse. Ita intelligere Dei eo quod est primum : est idem quod ipsum esse. Ideo elongatur in infinitum à non intelligere. Nec ante se non habuit non intelligere negatiuum quod est nihil : neque potest post se habere non intelligere priuatiuum quod est ignorare. Et sicut esse Dei nunquam est incipiens numquam desinens : ideo est æternum. Item sicut esse Dei est infinitum & sine mensura : ita intelligere Dei est infinitum & sine mensura. Et sicut esse Dei non potest restringi per non esse : ita intelligere Dei non potest restringi per non intelligere : & ideo in suo intelligere est omne intelligere : & quicquid pertinet ad intelligere. Et sicut ad esse Dei non potest fieri additio neque diminutio nec aliqua mutatio : ita nec ad intelligere potest fieri additio : mutatio vel aliqua diuisio. Et ideo sicut esse Dei non est in potentia ad aliquod esse nec potest recipere : ita intelligere Dei non est in potentia ad aliquod intelligere nec in suo intelligere potest aliquid recipi. Et sicut suum esse est semper in actu completissimum : perfectissimum : ita suum intelligere est semper in actu completum & perfectum. Vtius sicut suum esse est immutabile : & ideo non decurrit ab vno in aliud : nec habet præteritum nec futurum : sed tantum præsens.

Titu. xij.  
& xij.

Intelli-  
gere Dei  
non est  
acceptū.  
Deus est  
suum in-  
telligere.

Est inf-  
nitum.

Est sem-  
per in  
actu.

Ita



## 44 *Quod in Deo sit intelligere.*

*Non est per dis-  
cursum.* Ita suum intelligere non discurret ab vno in aliud:  
nec habet præteritum nec futurum: sed tantum præ-  
sens: & ideo sunt ei præsentia omnia ab æterno & in  
*Intelli-  
git om-  
nia.* æternum. Et sicut Deus non indiget aliquo alio ad  
essendum: ita non indiget aliquo alio ad intelli-  
gendum: quia sicut de seipso est: ita de seipso  
intelligit. Et quia esse Dei est infinitum. Et  
quia in ipso esse est totus mundus: & quicquid po-  
test esse: ideo quia ipse intelligit suum esse continuo:  
intelligit & videt totum mundum & omnia quæ pos-  
*Intelligit  
se totali-  
ter.* sunt esse. Et quia in suo esse sunt omnia simul ideo  
omnia simul intelligit & videt & cognoscit per suum  
esse quod est speculum vniuersale: in quo omnia sunt  
& cognoscuntur. Præterea quia perfectissime cogno-  
scit seipsum & intelligit: quia tantum est suum in-  
telligere quantum est suum esse: & ideo intelligit se ha-  
bere esse æternum: & se vincere in æternum & esse im-  
mortalem omnipotentem: perfectissimum: & ple-  
nissime intelligit suum esse tale quale ipsum est. Et  
*Tit. xij.* quia idem est suum esse & suum intelligere. Ideo in-  
telligit suum intelligere. Et quia in ipso esse Dei sunt  
infiniti gradus essendi actu vt probatum est. Et quia  
ipse intelligit totaliter suum esse: ideo simul intelli-  
git infinitos gradus essendi: intelligendo suum esse.  
*Tit. xvj.* Vtcrius quia duo sunt tantum esse vt probatum est. s.  
esse Dei infinitum: & esse mundi productum ab ipso  
esse Dei continens quatuor gradus generales: & qui-  
libet gradus continet quasi innumerabilia: & quia totum  
esse mundi est productum ab eo. Ideo simul actu intel-  
*Intelligit  
actu to-  
tum esse.* ligit cognoscit & videt totum esse mundi: & omnes  
gradus species & naturas: & omnia individua: &  
quicquid continetur in toto mundo: & quicquid fuit:  
est & erit & potest esse. Ideo simul & actu videt & nu-  
merat totam arenam maris: & guttas omnium aqua-  
rum & omnes partes terræ & omnia quæ continentur  
in terra & in visceribus terræ omnes stellas cæli: om-  
nes dies: omnes horas: omnia momenta temporum:  
quæ fuerunt sunt & erunt: omnes herbas & virtutes  
earum omnes arbores & folia earum: omnia semina  
& grana omnes aues pisces & pecora: omnes homines  
qui fuerunt sunt & erunt. Et cogitationes: intentio-  
nes & desideria eorum: & opera & verba simul om-  
nia scit & cognoscit & videt clarissime: & nihil est  
ei

ei occultum. Ecce quale est suum intelligere: quia infinitum inexcogitabile: & ita necesse est esse & omnia sunt tanquam nihil apud eum. Præterea quia numerari possunt numeri in infinitum & multiplicari: & etiam figurari. Ideo ipse actu & simul intelligit infinitos numeros: & infinitas figuras: ut infinitos triangulos: infinitos quadrangulos, &c. qui multiplicantur in infinitum. Et ideo scientia Dei est infinita: innumerabilis: inexcogitabilis: & sapientiæ eius non est numerus. Sicut rursum comparatum fuit esse ad non esse: ita comparari potest intelligere ad non intelligere. Quia sicut duplex est non esse: negatiuum & priuatiuum: ita duplex non intelligere scilicet negatiuum & priuatiuum: & ideo quia intelligere Dei est primum: & ipse Deus est intelligere: ideo non venit de non intelligere nec potest habere post se non intelligere priuatiuum: quod vocatur ignorantia. Sed omnis alia res quæ intelligit: recipit suum intelligere ideo non potest habere totum suum intelligere sicut nec totum esse. Ideo omne aliud intelligere præterquam intelligere Dei est finitum & mensuratum nec potest aliqua alia res intelligere simul sed successiue. Et quia omnis alia res quæ intelligit habuit de non intelligere suum intelligere. Ideo potest habere post intelligere non intelligere: sicut non esse post esse: nisi manu omnipotentis teneatur ab ipso Deo: qui est esse & intelligere: aliter statim rediret in non esse & in non intelligere. Sicut Deus habet potestatem supra non esse eo quia est ipsum esse: & supra non viuere: eo quia est ipsum viuere: & supra non sentire: eo quia est ipsum sentire: ita & supra non intelligere: & ignorare eo quia est ipsum intelligere. Ideo potest deducere quicquid vult de non esse & non intelligere ad esse & ad intelligere & de ignorare ad scire.

*Duplex  
intelligere.*

T I T V L V S X X X I.

*Quædam regula generalis ad omnia qua dicuntur de Deo.*

**R**ursum ponenda est hic quædam regula generalis ad omnia prædicta & subsequenda. Et est ista. Quia sicut in Deo idem est esse quod viuere: & idem est esse, quod sentire: idem esse quod intelligere: idem est esse quod bonum esse: idem quod verum esse: & sic

*Nota.*

sic

## 46 *Quod in Deo sit intelligere.*

sic de aliis. Ita in Deo per oppositum : idem est non esse : quod non viuere quod non sentire : quod non intelligere : quod non bonum , non verum esse : & sic de omnibus. Ergo qui dicit Deum non viuere : dicit Deum non esse. Et qui dicit Deum non intelligere, dicit Deum non esse. Et qui dicit Deum non bonum : non verum, non iustum : aut non posse : dicit eum non esse : ergo sicut impossibile est Deum non esse : ita impossibile est Deum non viuere : non sentire : non intelligere : non bonum esse : & sic de aliis. Et sicut Deus fugat à se per suum esse omne non esse : ita fugat omne non intelligere : omne non posse : omne non bonum : omne non verum , & sic de aliis.

### T I T V L V S XXXII.

*Titulus  
xxxii.*

*Quod per intelligere probatur : quod Deus non est  
corpus neque res corporalis.*

*Supra ti-  
tu. j.*

**Q**Voniam autem probatum est iam in Deo esse idem esse quod intelligere & intellectus. Et quia intelligere est nobilissimum esse & supremum. Ideo intelligere trahit ad se omnia alia , scilicet esse viuere & sentire : & intelligere conuertit ad se omnia prædicta. Ideo totum esse Dei est intellectuale & spirituale : & similiter totum viuere Dei est intellectuale : & similiter totum sentire Dei est intellectuale & spirituale. Et quicquid in Deo est intellectuale est & spirituale. Et quia esse Dei simplicissimum est per se existens sine partibus. Ideo totum pure intellectus & ideo totum intellectualissimum & spiritualissimum. Et exinde sequitur quod esse Dei non est corpus , neque corporale. Et hoc probatur per quartum gradum scæ : quia intelligere non est operatio corporalis : nec fit cum corpore.

### T I T V L V S XXXIII

*Quod idem probatur per viuere & per sentire.*

**S**ic etiam nec viuere nec sentire est corpus quamuis viuere sit coniunctum cum corpore : & etiam sentire. Quia viuere seu vita & corpus duo sunt & sentire etiam & corpus sunt realiter distincta. Vnde non est de natura corporis quod viuatur : nec quod sentiat :  
quia

quia reperitur corpus sine viuere & sentire : vt patet in j. gradu scalar. Quia omnia contenta in primo gradu sunt corporea & tamen non viuunt neque sentiunt. Et similiter totum Dei sentire est spirituale & intellectuale : ergo viuere & vita & sentire & sensus non sunt corpus nec de ratione corporis : quia si essent corpus viuerent & sentirent : sed tunc uiuit & sentit corpus : cum sensus & vita coniunguntur cum eo : ideo corpus potest separari à viuere & à sentire : quod patet : quia quando arbores perdunt viuere & vitam remanent corpora sine viuere & quando animalia moriuntur remanent corpora sine viuere & sine sentire. Ergo aliud est corpus & aliud viuere & sentire : & quia in Deo est viuere non receptum:neque iunctum cum aliquo : sed simplicissimum, sequitur quod in Deo nullum est corpus nec Deus est res corporalis : sed totus spiritualissimus.

T I T V L V S XXXIV.

*Quod solus homo potest Deum cognoscere in hoc mundo  
& propter hoc habet intellectum.*

**E**T quia Deus est totus intellectualis & spiritualis ideo non est visibilis oculo corporali:quia nullum colorem habet : nec aliquam figuram : nec est palpabilis nec per aliquem sensum corporeum sensibilis quia sensus qui sunt communes nobis & bestiis:solum apprehendunt & sentiunt & corpora & accidentia corporum : vt visus apprehendit colores & figuras & lucem corporalem. Auditus sonos qui fiunt in aëre qui est corpus. Et odoratus odores , & gustus sapores & tactus calidum & frigidum. Et ideo quia Deus est res solum intellectualis , & spiritualis non potest cognosci nec videri, nec apprehendi nisi per intellectum & per intelligere. Quare sequitur quod solus homo in mundo potest cognoscere & apprehendere Deum : & quod animalia bruta nullo modo possunt cognoscere Deum. Et ideo propter hoc homo habet intellectum vt possit cognoscere conditorem suum.



## T I T V L V S X X X V.

*Titu. xij.* **Quod in infinitum intellectualia spiritualia excedunt corporalia & sensibilia : & quod visibilia nihil sunt respectu inuisibilium.**

*Ti. xxxij.* **Q**uoniam autem iam infallibiliter monstratum est quod esse Dei est infinitum & sine mensura : & quod in suo actu sunt infinita esse : & quod totum suum esse est intellectuale spirituale & indiuisibile. Et ista visibilia corporalia ac sensibilia sunt producta de non esse & sunt finita & mensurata. Ergo sequitur quod indiuisibilia : intellectualia : & spiritualia excedunt sine mensura corporalia & visibilia. Et per consequens ista visibilia quæ apparent nobis sunt quasi nihil in comparatione ad indiuisibilia quæ non apparent : quia non habent mensuram neque terminum. Ideo ciuitas & regnum indiuisibile non habet mensuram neque clauditur neque terminatur. Et cum intellectus hominis sit factus ad videndum intellectualia & inuisibilia : & sensus ad sentiendum visibilia & sensibilia : cum etiam sensibilia sunt bona ipsius sensus. Ita intellectualia sunt bona ipsius intellectus. Sequitur quod bona intellectus sunt æterna : infinita : immutabilia : innumerabilia : semper existentia : sed bona sensus sunt de nouo facta finita mutabilia variabilia & non semper existentia.

## T I T V L V S X X X V I.

*De velle & libero arbitrio.*

*Quod Deus habeat liberum arbitriū.* **Q**uoniam autem Deus dedit aliis velle liberè : spontè & absque coactione & liberum arbitrium & liberalitatem volendi : sequitur necessario cum hoc sit nobilissimum quod Deus habet in seipso velle liberè & spontè absque coactione & liberum arbitrium : & plenissimam libertatem volendi , hoc idem probatur per suum esse intellectuale : quia ubicunque est intelligere seu intellectus : ibi necessario est velle seu voluntas libera : & per consequens liberum arbitrium. Et quia voluntas Dei quæ est idem quod velle est prima voluntas : ideo nullam aliam sequi potest voluntatem. Et ideo quicquid vult sola sua propria voluntate vult. Et quia in Deo idem est esse quod velle : & esse Dei

Dei est immutabile: inuariabile: æternum: completissimum: nullo extra se indigens sicut probatum est supra titu. xij. Ideo sua voluntas est immutabilis inuariabilis æterna completissima & perfectissima nullo alio indigens extra se cum sit plenissima omnipotentissima sicut suum esse. Rursus quia suum esse est primum nobilissimum optimum & perfectissimum: & quia Deus intelligit primo se & suum esse sequitur quod primo vult seipsum & esse suum & suam perfectionem plenissimam. Et exinde sequitur quod omnia alia à se vult propter seipsum non quod indigeat: sed quod aliis se communicet extra se. Et quia primo vult seipsum, ideo primo vult sibi ipsi bonum: & ideo nihil potest velle contra seipsum: nec per consequens facere contra seipsum, ideo non potest velle se non esse: & quia habet in seipso quicquid vult & omnem plenitudinem. Ideo est in continuo gaudio & lætitia sine omni tristitia. Et sic habet æternum gaudium in seipso & æternam lætitiā;

*Voluntas  
Dei est  
immuta-  
bilis.*

*Æternū  
gaudium  
Dei.*

T I T V L V S XXXVII.

*Quod per intelligere seu intellectum concluduntur & probantur perfectiones & nobilitates voluntatis Dei.*

ET quia conclusum est quod intellectus Dei intelligit actu semper omnia & infinita, neque in ipso potest esse aliqua ignorantia. Et cum voluntas in Deo idem sit quod intellectus: & velle idem quod intelligere: ut probatum est. Ideo impossibile est quod voluntas Dei possit aliquid velle contra rationem: & contra rectum iudicium intellectus. Cuius prima operatio est intelligere verba & sensum verborum ut infra tit. lxij. Secunda operatio est discutere per rationem: an res intellecta sit vera vel falsa iusta vel iniusta: qua discussione facta ratiocinatur intellectus tunc per suā secundam operationem quod est verum & iustum approbat & verum affirmat. Sed quod falsum est & iniustum est: reprobat & negat ut infra tit. lxvij. & per istas duas operationes intellectus operatur naturaliter & de necessitate, ut tit. li. Et sic eius operationes sunt iustæ & rationabiles: quia regulantur per rectum iudicium suæ diuinæ rationis: ut supra deductum est. Et idem sequitur quod nihil potest velle iniustum nec

*Tit. xxx.*

*Titu.  
xxxvi.*

*Eodem  
tit. Deus  
non po-  
test vel-  
le iniu-  
stum.*

*Voluntas  
Dei est  
rectissi-  
ma.*

inordinatum nihil iniquum nihil contra voluntatem veram & veritatem : quoniam si posset , iam voluntas sua deuiaret ab intellectu : & sic non esset idem quod intellectus. Et ideo sequitur quod voluntas Dei est rectissima : iustissima : ordinatissima : & regulatissima : & hoc ex seipsa : quia est prima & à nullo ordinata nec regulata. Et quia est idem quod intellectus : & non solum est hoc sed etiam est prima rectitudo : prima iustitia & ipsamet iustitia. Et regula prima quæ non potest obliquari : nec tortuosa esse : quia non potest declinare à veritate : cum sit ipsamet veritas. Et exinde sequitur quod voluntas Dei est rectissima : sanctissima & summe bona : immo est ipsa bonitas & prima bonitas. Et sequitur exinde quod nullum malum potest facere nihil iniustum nihil inordinatum : quia non potest velle neque facere iniuste qui nihil potest velle facere : nisi quod potest facere. Et quamuis permittat fieri malum : tamen nunquam relinquit illud inordinatum : sed ordinat illud malum & bonum.

#### T I T V L V S   X X X V I I I .

*Quod nulla alia voluntas est recta nisi concordet cum voluntate Dei.*

**Q**uoniam autem voluntas Dei est prima : & ipsamet rectitudo : ipsa iustitia : prima regula : ideo nihil est rectum nihil iustum : nihil bonum : si non conformetur cum ipsa : & ideo omnis voluntas quæ deuiat à voluntate Dei & ab ea discordat : est tortuosa & iniusta & mala eo quod deuiat ab ipsa prima rectitudine.

#### T I T V L V S   X X X I X .

*Quod per voluntatem & libertatem possumus omnes perfectiones concludere de Deo.*

*Tit. 35.* **C**onclusum est autem in Deo esse liberum arbitrium : & quia est primum & æternum : ideo sua libertas est prima : æterna : plenissima & summa. Et ideo nullo modo potest deprimi vel violari. Et exinde sequitur quod habet omnia quæ pertinent ad summam libertatem : & sine quibus non potest esse summa

summa & plenissima libertas. Ideo quicquid vult est: *Quii-*  
 & quicquid non vult non est: & eo modo quo vult *quid vult*  
 & sicut vult est. Et exinde sequitur quod est talis *Deus est.*  
 qualis esse vult: & tantus quantus esse vult aliter sua  
 voluntas esset restricta: & per consequens in eo non  
 esset summa libertas: & ideo necessario est optimus  
 quia vult esse optimus: summè bonus, summè benignus,  
 summè iustus, summè pius, summè misericors, summè  
 sciens: & omnia de nihilo produciens: quia talis &  
 tantus vult esse. Item sequitur quod in eo est omne *In Deo*  
 dominium, omne imperium: & quod est summus *omne do-*  
 Dominus: & summus Imperator: & solus & nullus *minium.*  
 alius præter ipsum: quia talis vult esse & tantus, &  
 omnia fundantur in voluntate & libertate: quia Deus  
 vult esse infinitus in omnibus perfectionibus, & si non  
 esset talis qualis vult esse & tantus nunquam posset  
 esse: quia nullus alius posset eum talem & tantum fa-  
 cere nec ipsemet: & tamen vellet esse & non posset, &  
 sic posset esse in æterna pœna & miseria quod est ab-  
 surdum valdè: & sic necessario in seipso est talis &  
 tantus qualis & quantus ipse vult esse, & extra ipsum  
 nihil potest esse nisi sicut vult esse & permittit esse.  
 Et sic per voluntatem & libertatem possumus omnia  
 probare de Deo si volumus. Attamen per libertatem  
 probatur specialiter dominium: & ideo in Deo est  
 naturale dominium & primum æternum: quia sua  
 libertas est prima & æterna. Ideo ex seipso est Domi-  
 nus & primus Dominus & æternus & omnipotens so-  
 lus & verus quia sua potestas suum dominium nulla  
 potest potestate impediri: quia neque non esse po-  
 test ei resistere. Et ideo in eo est summa libertas:  
 summa maiestas & potentia quæ nulli subiici potest.

T I T V L V S XL.

*De posse.*

*Tit. j.*

**Q**uamuis autem ipsum posse non fieri positum in  
 scala quatuor graduum expresse. Attamen con-  
 cluditur necessario in quolibet gradu scalæ. Et quili-  
 bet gradus scalæ præsupponit ipsū posse & includit. Vnde  
 omne quod est potest esse. Sed non omne quod potest  
 esse est. Similiter omne quod vivit potest vivere: sed  
 non omne quod potest vivere vivit. Eodem modo



omne quod sentit vel intelligit vel vult : hoc potest sentire , intelligere , velle , & non econuerso : sed tamen ipsum posse non facit gradum aliquem in rebus : quia non potest reperiri posse in aliqua re separatum sine esse. Attamen esse mundi productum est ex nihilo habuit tamen primo posse esse antequam fuit quia si non potuisset fuisse : non esset , & istud posse esse non erat aliquid extra Deum. Vnde ideo esse mundi potuit habere esse quia Deus potuit producere ipsum inesse. Sed de se potest habere non esse. In Deo autem idem est esse quod posse , vnde quia Deus est ideo potuit esse. Et quia potest esse : ideo est. Et similiter de viuere intelligere velle , & idem est viuere quod intelligere quod posse , & velle quod posse. Et sicut esse Dei est infinitum sine mensura : ita & suum posse , & omnia quæ dicta sunt de esse Dei & de posse Dei. Ideo posse Dei est primum æternum & incommutabile : in infinitum elongatum à non esse : & à non posse , & ab impotètia : & ideo est optimus. Et inde sequitur quod Deus non potest non esse nec potest non viuere : quia idem est in Deo viuere quod posse viuere. Nec Deus potest non intelligere : quia idem est in Deo intelligere quod posse intelligere. Vltius sequitur quod Deus est purus actus quia in eo idem est esse quod posse : sicut autem in Deo idem est esse quod posse ita in Deo idem non esse quod non posse esse : & idem est non posse esse & impossibile esse. Ideo si Deus non est Deus non potest esse. Ita de omnibus : vt si Deus non est bonus neque iustus neque pius , &c. non potest esse bonus neque iustus , &c. Et hoc confirmatur quia nullus posset ipsum facere bonum si non esset bonus. Nullus potest sibi aliquid dare nec ipsemet sibi potest dare esse vel aliquid quia si posset sibi aliquid dare sequeretur quod in Deo esset aliqua indigentia , saltem ipsius rei quam ipsemet sibi dare potuisset : & sic Deus non esset perfectissimus vt probatum est supra tit. xij. Ergo vel totum habet : vel impossibile est quod habeat.

TITVLVS

## T I T V L V S XLI.

*Titu. x)**Quomodo intelligitur quod Deus est omnipotens.*

**S**I autem quærat<sup>ur</sup> quomodo Deus est omnipotens dicitur quia omnia potest facere quæ potentia sunt. Quoniam posse corrumpi: posse in nihilum redigi: posse deficere & cætera, quæ arguunt impotentiam: & non posse magis quam posse. Et ibi intelligitur impotentia per potentiam: quia quanto plus aliquis habet talem potentiam: tanto auersitas & perversitas in illo sunt potentiores: & ipse in eis impotentior. Omnia ergo illa potest Deus & sola quæ posse potentia est: immo ab eius potentia prædicta remouemus: vt Deus non est non optimus non iustus: & sic de aliis vt omnia infirmitatem vel debilitatem vel malitiam aut impotentiam indicantia.

## T I T V L V S XLII.

*Quod per intelligere & sapere probatur in Deo esse posse & plenitudo potentia.*

**Q**Via autem conclusum est quod intelligere & nosse seu sapere Dei: & eius posse seu potentia: idem sunt quod suum esse. Ideo nihil magis nihil melius est in eius intelligere seu nosse quam in eius posse. Quicquid ergo optimum ab eius sapientia intelligitur totum hoc iuxta eius potentia plenitudinem comprehendunt: & totum in suo esse concluditur. Nam si aliquid quam ad perfectionis summitatem intelligeret: quod non realiter haberet in seipso: iam latius se extenderet per sapientiam quam per potentiam & vna & eadem res esset seipsa maior: & seipsa minor quod implicat. Si igitur Deus intelligit aliquid de plenitudine potentia quod habere non posset: maius erit aliquid in eius intelligere seu noscere quam in eius posse: quorum vtrumque nihil aliud est quam ipsum esse. Erit ergo vnum & idem esse seipso maius & seipso minus: quod natura non patitur. Sed cum intellectus Dei intelligit omnem gradum potentia. Et per consequens omne posse & plenitudinem potentia. Et simile argumentum potest fieri de plenitudine omnis perfectionis. Sequitur

## 54 *De perfectionibus Dei.*

ergo quod Deus nihil maius : nihil melius seipso potest intelligere & quicquid perfectionis potest intelligere hoc totum habet.

### T I T V L V S L X I I I.

*Quod econuerso per posse : & ex plenitudine potentia probatur plenitudo sapientia, &c. & etiam omnis perfectionis.*

*Hac de-  
sunt in  
versione.*

Sicut autem ex plenitudine sapientia concluditur plenitudo potentia : ita ex plenitudine potentia diuina concluditur & probatur plenitudo sapientia. Et ideo quia ubi est plenitudo sapientia ibi non potest deficere plenitudo potentia. Nam si aliquid deficeret ex plenitudine sapientia quod habere posset : etiam deficeret ex potentia quam in Deo habere non posset : igitur si est summa sapientia in Deo sequitur quod est etiam in eo summa potentia. Et conformiter potest dici de plenitudine bonitatis : veritatis & pietatis , &c. ubi ergo est plenitudo potentia : ibi est omnis perfectio & plenitudo omnium bonorum.

### T I T V L V S X L I V.

*Quod non potest esse nisi vnus optimus.*

Qui autem verè omnipotens est omnem gradum potentia habet : ergo sine difficultate potest facere quod nullus alius potest : & vt nullus alius posset aliquid & vt statim perdant omnes eorum potentias : aliter vere non esset optimus si hoc non posset. Ergo sequitur quod nullus talis est optimus qui potest fieri nihil potens. Sicut ergo omne quod est citra Deum potest redigi in non esse : ita etiam in non posse. Sequitur ergo quod vnus solus est omnipotens : qui non præsupponit non esse : sed habet esse æternum & immensuratum. Si enim essent duo omnipotentes tunc vnus posset alium destruere : alias non esset omnipotens : & si posset alium destruere : tunc ille qui destrueretur non esset omnipotens : quia non posset resistere potentia alterius. Sequitur ergo quod non est possibile esse nisi vnum omnipotentem : videlicet Deum viuum & æternum.

TITVLVS

## T I T V L V S   X L V .

*Epilogatio omnium praeceptorum.*

**E**X praeclatis possumus concludere qualiter esse mundi : quod est quasi quoddam corpus diuisum distinctum & ordinatum per quatuor gradus fecit nos ascendere ad aliud esse : ipsum nobis manifestauit : à quo totum esse mundi est productum de nihilo de nouo. Et in primo esse necessario inuenimus existere omnes gradus quatuor : scilicet esse , viuere , sentire , & intelligere , seu liberum arbitrium. Et ultra inuenimus ipsum posse quod non facit gradum sed fundat omnes gradus : ac etiam includitur in omnibus gradibus. Et sic inuenimus infallibiliter conditorem mundi esse viuere , sentire , intelligere , velle , & posse : & quod omnia sunt ei idem quod esse. Et ultra inuenimus conditiones & proprietates & nobilitates diuini esse : qualiter sit esse increatum : primum sempiternum : immutabile : incorruptibile : increatum æternum , &c. Et omnes istæ proprietates conueniunt æqualiter aliis : quoniam tale est suum viuere : suum intelligere : suum velle : suum posse : sicut suum esse. Quamuis autem omnia conueniunt Deo per suum esse : tamen magis appropriatè aliqua conueniunt ei per viuere : aliqua per intelligere : aliqua per posse : vt per viuere quod est immortalis : per intelligere sapiens : prudens : verus iudex. Et per velle quod est bonus : mitis : benignus : sanctus : rectus : iustus : liberalis : per posse quod est omnipotens. Sic ergo primo cognoscimus Deum esse : viuere : sentire : intelligere : velle posse. Et per ista postea cognoscimus conuenire ei omnia alia : & omnia includuntur in suo esse. Coniunge ergo vnum cum alio : & compara adinuicem simul : & intelliges mirabilia de eo : verbi gratia , coniunge intelligere cum posse & velle : quia tantum suum posse quantum est suum velle & suum intelligere & econuerso : quia omnia vnum sunt : & vnum & idem quod esse & sic habebis maximam scientiam de Deo.



*Hic tractatur & ostenditur quomodo productio mundi à Deo facta de nihilo : nobis iam certa manifestat & arguit aliam productionem : summam occultam & æternam in Deo qua est de sua propria natura & suo proprio esse. In qua producit Deus de Deo : & per quam ostenditur summa trinitas in Deo.*

**P**ostquam per esse mundi per quatuor gradus diuisum & ordinatum per experientiam nobis manifestissimum ascendimus ad videndum & cognoscendum infallibiliter aliud esse : quod erat occultissimum quod est summum & infinitum : vt cognoscimus infallibiliter quod totum esse mundi est productum de nihilo : de nouo ab illo esse supremo : & quod est quasi punctum & nihil respectu infinitatis & immensitatis illius æterni esse. Et sic per consequens manifestum est nobis vna productio : quæ erat nobis occulta , scilicet productio mundi de nihilo facta ab illo esse æterno incommutabili quod est Deus. Postquam ergo illa productio est cognita : tunc vltius laborandum est fortius si per istam productionem per Dei gratiam nobis manifestam poterimus ascendere ad cognoscendum & videndum aliam productionem excellentiorem meliorem & altiore quam sit ista : vt ascendamus de gradu in gradum : & de vna productione ad aliam : sicut de vno esse ad aliud esse. Vnde prima productio nobis cognita facta de nihilo & non esse nobilis est excellens potens : & manifestat nobis excellentiam : potentiam sapientiam & bonitatem diuini esse. Sed sine bonitate aliquali nobilior : excellentior : melior : altior : dignior & maior esset productio de ipso diuino esse æterno : infinito : & excellentissimo quam productio de nihilo : & magis radicalis & naturalis ipsi Deo : & de tanto de quanto esse diuinum & æternum distat à nihil. Sicut homo

*Duplex productio hominis.* artifex produxit domum in quantum artifex & non in quantum homo, de aliena natura à se. Et etiam producit hominem sibi similem viuente de sua propria natura & substantia in quantum homo & non in quantum artifex. Sed nobilior : altior : & magis radicalis &

& conueniens homini inquantum homo est productio qua producitur homo quam illa qua producitur domus : quia in vna producitur homo de homine : viuens de viuente & de propria natura & non aliena: sed in alia non producitur domus de homine : sed de extranea natura ab homine. Conformiter cum Deus qui est ipsum esse æternum : produxit totum esse mundi tanquam artifex non de proprio esse : nec de propria natura : sed de nihilo : quod in infinitum elongatur ab ipso. Si enim producat aliter alterum nonne ista productio erit excellentissima : quia Deus viuus producit Deum viuum de sua natura gloriosissima : artifex enim non producit de sua propria natura aliquod extraneum. Nonne etiam ista productio erit ergo radicalis : naturalis & conueniens Deo inquantum Deus & maxime propria hoc ergo nunc inuestigandum an sicut Deus inquantum artifex produxit totum mundum de nihilo. Ita inquantum Deus producat de sua propria natura & de suo proprio esse alterum aliquem : & sic per vnā productionem possumus arguere alteram esse de necessitate : sicut per vnum esse arguitur aliud esse de necessitate.

*Deus de Deo produ-  
ducitur.*

T I T V L V S XLVII.

*Hic ponuntur rationes probantes productionem esse  
in Deo de sua propria natura.*

**Q**Uod autem in Deo sit productio de sua propria natura de necessitate , & non possit aliter esse : ostenditur multis rationibus , & hoc comparando artificialem ad naturalem. Primo sic : productio quæ conuenit Deo inquantum Deus est : magis est conueniens Deo quam productio quæ conuenit Deo inquantum artifex est. Sed productio qua producitur Deus de Deo & de proprio esse Dei : conuenit Deo naturaliter inquantum Deus est , & productio qua producitur mundus de nihilo à Deo : est conueniens Deo artificialiter inquantum artifex est. Sed cum potuit Deus vtramque productionem fecisse cum sit Deus optimus: sequitur quod productio qua producitur Deus de Deo , & de propria natura Dei est magis conueniens Deo quam productio qua producitur mundus de nihilo. Vnde prima est connaturalis , radicalis:

*Ratio  
prima  
produ-  
ctio filii  
est natu-  
ralis.*

## 58 De aeterna generatione filij

propria intrinseca : & alia est artificialis & extrinseca. Si ergo productio quæ minus conuenit Deo existat in se : & hoc in quantum Deus est : tunc illa quæ magis conuenit Deo maximè hoc quia Deus est : maximè existet : quia illud quod magis Deo conuenit hoc

*Secunda ratio patet diligere filiū.* prius existit. Item hoc homini magis placet quod naturaliter producit , & hoc magis diligit quod de natura sua generauit : quia sibi simile in natura existit : quam domum vel aliam rem artificialiter productam :

quæ non est de natura sua sed aliena , & sine comparatione diligit magis rem productam de sua natura quam rem productam per artem & cætera non de natura sua. Item magis complacebit Deo naturaliter si produxerit naturaliter aliquem similem sibi de natura sua qui sit Deus quam producendo mundum per artem qui non est de natura sua : sed de nihilo & non est Deus. Item si Deus voluit aliquid producere de nihilo :

*Quarta. Tit. xlvj.* ergo multo magis aliquid voluit producere de seipso & hoc est Deus si potuit. Sed probatum est quod potuit vtrumque : ergo quia produxit mundum de nihilo : etiam producit Deum de se & de sua propria natura : vnde postquam produxit mundum signum est quod in ipso complacuit : quia si non complacuisse tunc non produxisset. Ergo multo magis complacuit in producendo Deum de seipso quam mundum de nihilo : quia excellentissima est productio vna & infinita respectu alterius. Et hoc quia quantomagis res est producenti similior tanto magis complaceat ei : quia pater gaudet magis in filio producto quam in domo facta per ipsum. Cum ergo magis sit desiderabile & delectabile Deo producere de sua propria natura quàm de aliena. Ideo est melius & magis credendum quod ipse de seipso & de sua propria natura produxit primo Deum & postea mundum : quia illud quod est sibi magis delectabile & amabile & quod sibi magis conuenit hoc fecit : quia ipse habet actu omne quod vult vt probatum est : & si vult & non potest : tunc erit in summa tristitia & impotentia : quod absurdum est de Deo cogitare : quia continuo intelligere se non posset in æternum quod desideraret : & ergo ibi esset tristitia æterna. Et exinde sequitur etiam quod si Deus habet in se æternam displicentiam quod non operabitur ; nec producet aliquid de nihilo : quia nihil potest producere

*Deus  
primo  
produxit  
filium  
deinde  
mūdum.  
Titu.  
xxxix.*



producere nisi per complacentiam : sequitur ergo quod mundus non est : & tamen hoc est falsum. Sic ergo concluditur quod si Deus non produxit aliquem de natura sua : quod nihil est productum in esse. Præterea Deus complacet in producēte creaturas sibi magis similes : & quanto sunt sibi magis similes magis complacet : ergo sequitur quod summe complacet in producendo aliquem sibi similem in natura & substantia. Sed nullus potest esse sibi similis neque conformis summe : nisi de sua propria natura & substantia : & de suo proprio esse : quia omnis creatura est producta de nihilo : & ideo non potest esse Deo summe similis & conformis. Et quia necesse est in Deo esse summam complacentiam & ultimum gradum complacentiæ qua non possit cogitari maior. Ergo necesse est quod Deus habet aliquem alium productum de sua propria natura summe similem & conformem sibi vel ei inhererebit summa displicentia : quod est impossibile. Præterea Deus complacet in societate & congaudet quia aliter non produxisset mundum de nihilo. Sed si Deus complacet in societate alterius ab ipso producti de non esse ergo sine comparatione complacerebit in societate alterius producti de sua propria substantia & natura : ut ei non differat summa complacentia societatis suæ conformis. Item Deus est realissime infinitus infinitæ virtutis & infiniti vigoris : & summa natura est summè actiua & summè in actu. Ergo necessario sequitur quod sit in eo productio infiniti : ut sit in eo summa productio qua non posset excogitari maior : ut producat secundum suum totum vigorem & totam suam virtutem naturaliter aliquid quod sit infinitum : aliter esset otiosus secundum suam naturam. Sed productio mundi cum sit de nihilo & finita secundum suam naturam : & quasi productio unius puncti & centri respectu infinitatis Dei : & est impossibile quod infinitum in actu posset produci de nihilo. Quod si posset : sequitur quod possent esse duo domini contrarij infiniti actu quod est impossibile : ut probatum est supratit. xij. Ergo necesse est quod producat in infinitum de sua natura & substantia : & de suo esse infinito. Vnde postquam in Deo reperitur productio necesse est quod in eo sit summa productio qua nulla posset intelligi maior : & ista est productio talis

*Quinta.*

*Filius est patri per omnia similis.*

*Sexta.*

*Septima.*

*Productio filij est infinita.*



## 60 *De aeterna generatione filij.*

talis infiniti sicut ipsemet est. Et hoc non potest esse nisi productio suæ imaginis. Postquam ergo produxit finitum de nihilo : necesse est quod primo produxerit infinitum de seipso : ut sit in eo plenitudo productionis : & ista est plenitudo naturalis & non artificialis : & ideo est necessaria , ut probatur infra tit. lj. Sic ergo comparando productionem artificialem & naturalem reperiemus quod est impossibile productionem artificialem de nihilo esse primam : immo necesse est productionem naturalem præcedere productum secundum artem : & sic per productionem mundi de nihilo factam à Deo manifestatur nobis alia productio in Deo quæ est de suo proprio.

### T I T V L V S XLVIII.

*Quod etiam per productionem qua reperitur in esse producto de nihilo potest probari productio Dei de Deo.*

**V**Lterius possumus idem probare per productiones repertas in creaturis arguendo per illas productionem esse in Deo , vnde cum in homine qui est in quarto gradu scalæ reperiantur duæ productiones, scilicet vna naturalis & alia artificialis : quia homo producit hominem de homine naturaliter & domum per artem : & non de homine : sed de aliena natura : & sic artificialiter. Quare ergo in summo Deo qui dedit homini hoc : non erunt duæ productiones , scilicet naturalis & artificialis : sed in Deo reperitur productio artificialis , scilicet productio mundi de nihilo. Ergo etiam erit productio naturalis in qua produceret Deum de Deo : sed ista est occultissima : quia Deus est occultissimus : & productus occultissimus. Item totum esse mundi est à nihilo productum per Deum : sed quælibet res creata nobis nota producit naturaliter suam imaginem continuò & incessanter : ut sol suum radium qui est imago solis : & ignis calorem qui est imago eius : & quæcumque alia res producit suam imaginem : ut patet in speculo. Ergo quare similiter Deus qui dedit hoc aliis rebus non produceret suam naturalem imaginem de seipso continuò & incessanter : sed cum Deus sit intellectualissimus : spiritualissimus & simplicissimus , ut probatum est supra tit. xxxij. oportet & necesse

## *De aeterna generatione filij.* 61

cessse est quod imago Dei producta ab ipso Deo de seipso & de natura sua intelligens sit sicut ipse. Si enim producit de nihilo res corporales viuentes & intelligentes : ergo quanto magis sine comparatione imago producta de sua natura propria: & emanata de sua substantia: erit viuens & intelligens : immo necesse est quod sit ei totalis & totaliter conformis & non minor : eo quia de ipsomet oritur tamquam radius: splendor & figura seu imago suæ substantiæ.

### T I T V L V S XLIX.

*Quod idem probatur ex plenitudine iocunditatis quæ non potest deficere ubi est omnis perfectio.*

**Q**uia autem nihil melius, nihil dulcius: nihil amabilius summa iocunditate. Ergo necesse est in Deo esse summam iocunditatē: quæ non possit cogitari maior : sed summa iocunditas non potest esse sine societate alterius summæ sibi similis & conformis : in qua sit verus amor & vera dilectio, & tantus amor quo non possit maior excogitari. Quæ enim iocunditas summæ solitario. Si autem Deus producat aliquem alium de sua substantia qui sit Deus perfectus sicut ipse est erit sibi summa iocunditas, summa societas & summa dilectio : quia diliget alterum à se productum de sua natura in infinitum : & productus diliget ipsum producentem in infinitum : & sic erit sibi summa dilectio ex parte vtriusque : & per consequens summa & infinita iocunditas. Si autem Deus caret societate suæ naturæ : tunc carebit summa iocunditate : quam non potest habere cum creatura de nihilo facta. Ergo ut in Deo sit plena iocunditas: necesse est quod producat aliquem de suo proprio esse : quem diligat sicut seipsum : & à quo diligatur in summo : quod si non potest : tunc per suam impotentiam priuatur infinita iocunditate : quam non potest habere : quia non potest producere de sua propria natura aliquem sibi conformem : & tunc est defectuosum sua natura quia non potest illud quod est sibi melius & dulcius & amabilius : sed omnia ista absurdissima sunt : quia iam totum fuit probatum & declaratum in contrarium quia Deo nihil potest deficere : quia ipse habet ab æterno omne complementum in seipso : & per consequens

*Generatio filij est summæ iocundæ.*

62 *De aeterna generatione filij.*  
sequens summam iucunditatem.

T I T V L V S L.

*Quod ex dare & plenitudine dandi manifestatur  
in Deo aeterna productio de suo proprio  
esse & trinitas summa.*

**Q**uoniam autem dare est Deo naturalissimum & summè proprium : ideò per naturam ipsius dare ideò tanquam per illud quod summè conuenit poterimus probare in Deo esse summam & æternam productionem & summā trinitatem. Sed tamen oportet primo probare : quod de natura Dei sit dare : hoc autem ostenditur primo per modi productionem : quia Deus in productione mundi cuilibet rei dedit suum esse completum : iuxta suam naturam & secundum suam capacitatem : & quamlibet adimpleuit secundum quod capere potuit licet nulla creaturarum sibi aliquid prius dedisset : quod non fecisset nisi de sua natura esset dare. Et hoc ostendit & probat modus dandi : quia ipse dedit singulis creaturis : quæ dedit vt & ipsæ aliis darent. Et hoc ostendunt res ab ipso productæ : quæ quanto maiores & digniores sunt & superiores tanto magis dant : nihil recipiunt : vt videmus quod corpora cœlestia quæ continuè & incessanter dant & influunt in ista inferiora : & nihil recipiunt ab eis : & tamen nunquam diminuuntur & decreiscunt in dando nec vnquam cessant dare vt sol incessanter suas dat influentias suum lumen & suum calorem istis inferioribus : nec vnquam subtrahit suam influentiam. Tertio hoc probant & ostendunt elementa quæ à Deo in esse sic sunt producta vt & ipsa singulis creaturis se dant vt ex ipsis cuiuslibet rei esse & natura conferatur. Quarto hoc etiam probant res ab ipsis elementis in esse productæ : vt arbores & herbæ & folia & fructus : & ea dant hominibus & brutis ad conseruandam vitam eorum : & non solum dant illis illud quod producunt in esse ; immo seipsas vt truncos & palmites & radices ad calefaciendum : & ad domos ædificandum : ac alia necessaria faciendum : & sic de aliis. Et in hoc ostenditur quod summa nobilitas est dare : & per consequens in Deo : cum sit nobilissimus & creator omnium est ipsum dare in summo gradu : quia etiam inter homines

homines nobiliores quique magis dant quam minus nobiles. Sic ergo concludere possumus quod dare est Deo naturalissimum: propriissimum & conuenientissimum. Et quia idem est Deo dare & esse: quia alias esset in Deo coniunctio diuersorum quod est impossibile: vt probatum est supra tit. x. Ideo sicut esse suum est infinitum sine mensura: ita quod tota natura sua est esse, sic & dare & in infinitum elongetur à non dare, & per consequens sequitur quod nihil possit nisi totum det: nec possit desinere nisi det totum. Ideo necesse est quod sit infinitus dans & infinitus recipiens, seu communicans: vt non possit cogitari maior: & sit æternus dans. Non autem posset esse talis: si tantum aliquantam partem suæ substantiæ, & naturæ daret alteri: quia tunc datum esset finitum. Oportet ergo, quod det & communicet totam suam naturam & substantiam infinitam: & totum suum esse excellentissimum & nobilissimum vni alteri vt scilicet sit alius ab eo productus æquè nobilis sicut ipse produciens: qui sit per omnia æqualis sibi: ita nobilis: ita magnus, & infinitus sicut ipse in omnibus perfectionibus. Et quia maior est datio actualis quam potentialis: & intrinseca quam extrinseca: & substantialis quam accidentalis: & de propria natura quam de nihilo producta: ideo necesse est quod in Deo sit ab æterno talis datio & per consequens productio consubstantialis: actualis & æquè nobilis sicut est produciens. Nam dare quod sit ex parte Dei creaturis dum dat esse creaturis de nihilo est quasi punctum, & nihil respectu infinite bonitatis & immensitatis suæ. Vnde maius dare quod potest esse: est quando dans communicat totam substantiam suam & naturam alteri. Nisi ergo det totum suum esse: vt alter habeat sicut ipse: cum esse Dei sit indiuisibile: nihil dat de suo proprio: nec dat quod est melius: immo retinet sibi totum: & ideo auarus est & summè retinens, & non dans quod est contra Dei naturam. Nec sufficit dare tale esse: sicut datum est creaturis quia ipsum esse creaturarum est de nihilo, & vertibile in nihil. Ideo non potest esse summum datum. Sic ergo vel dans non est Deus: vel necesse est quod det totam suam naturam alteri ab ipso producto seipso: vt nihil habeat quod non sit communicatum & datum. Et hoc est summæ magnificentiæ, & summæ gloriosum: nihil habere, neque

*In Deo  
est summum  
datum dare.*

*Dare Dei  
est infinitum.*

*Pater  
dedit filio totum  
suum esse.*

*Æterna  
consubstantialis &  
actualis  
est productio.*



## 64 De æterna generatione filij.

que velle habere quod non sit alteri communicatum. Et sic probata est æterna productio Dei de suo proprio esse.

### T I T V L V S L I.

*Quod ex predictis ostenditur summa Trinitas personarum in Deo in summa unitate vnus esse simplicissimum & inuisibilissimum.*

*Unitas  
essentia  
patris &  
filij.*

*Distin-  
ctio per-  
sonarum.*

*Coæqua-  
litas pa-  
tris & fi-  
lij.*

**E**T quia dare non potest esse sine recipere : neque dans sine recipiente : ideo necessario in esse diuino & in natura diuina sunt duo: scilicet vnus dans & alter recipiens : vnus producens & alter productus. Et quia esse Dei est infinitum indiuisum , & summè simplex: impartibile non habens partes : ideò non potest vna pars dari & alia retineri : sed totum esse necesse est vt detur & cōmunicetur, & totum esse recipiatur: idcirco totum datur & totum retinetur : Persona dans & persona recipiēs habent idem esse indiuisibile ac realem vnā naturam numero: vnā & eandem substantiam simplicissimā in nullo differunt nisi quod vnus est dans : & alter recipiens : hic habens esse diuinum à seipso : ille ab alio vnus producens alter productus. Et quia dans inquantum dans non est recipiens , nec recipiens inquantum recipiens est dans , nec producens est ipse productus : immo necessario duo realiter distincti : ideò iam in esse diuino inuenimus duos realiter distinctos : ita quod vnus non est alius habentes idem esse & totum esse diuinum. Et quia totum esse diuinū datur & nihil retinetur quin cōmunicetur: ideò necessaria est ibi summa coæqualitas : summa coofor- mitas : summa consubstantialitas : germinitas : & inseparabilitas: & hoc ex summa cōmunicabilitate & per consequens est ibi summa coæternitas : & summa & eadem potestas : & nihil plus in vno quam in alio de perfectione. Nec ideò vnus maior quia dans , & alius minor quia recipiens : quia idem esse est in ambobus. Ideò sunt vnum essentialiter substantialiter & naturaliter : & per consequens est vnus Deus tantum & non sunt duo Dij : quia non habent in se nisi vnum & idem esse numero & indiuisum. Item nec vnus est prior secundum durationem nec alter posterior : quia licet vnus oriatur & producat ab alio : tamen similiter  
sunt

sunt ab æterno, & sine initio Deus est dans: quia sua natura est dare: & ideo ab æterno, & sine initio est: recipiens in eadem natura: quia ab æterno: & continuo, & semper sunt dans, & recipiens simul: nec possunt: separari. Et ideo istud dare, & istud recipere est sine initio & sine fine: & semper est vnus dans: & alius recipiens: nunquam desinens: quia si desineret esse dans & produci desineret esse recipiens. Ecce ergo iam cum Dei adiutorio inuenimus vnā productionē in natura diuina: quæ quidem productio est naturalis, & necessaria siue per modum naturæ. Et quia Deus est spiritualis & intellectualis naturæ, & totus spiritus, & nullo modo corpus nec res corporalis: ideo necesse est quod producat, & det naturam suam alteri: secundum modum naturæ intellectualis & spiritualis. Et quia in omni natura intelligibili est intellectus & voluntas: & intellectus est naturalis, & operatur naturaliter, & ex necessitate: & voluntas liberalis, & non necessaria, & operatur liberè, & non de necessitate: ideo necesse est quod omnis productio quæ est in diuina natura sit per modum intellectus: & sit naturalis, & necessaria vel per modum voluntatis, & sit liberalis: nec sunt alij modi producendi nisi isti duo. Prima autem productio in esse diuino est naturalis: & ideo per modum intellectus: & sic necessaria. Vnde Deus intelligendo suum esse, & suam substantiam: producit necessario suam Imaginem, & figuram sui esse, & suæ substantiæ: sicut sol radium: & communicat & dat suæ Imagini totam suam substantiam. Et quia productio est per modum naturæ: ideo vocatur generatio: & quia productus est æque nobilis, & per se subsistens sicut produciens & est perfecta Imago producentis ideo vocatur filius eius: & produciens vocatur pater. Et quia pater produxit filium intelligendo se: ideo filius vocatur verbum patris. Et quia illud quod produciatur per modum intellectus vocatur verbum intellectuale siue notitia seu sapientia: ideo vocatur imago, & verbum, & sapientia patris. Et quia quilibet est per se subsistens, & natura intellectualis, & rationalis: ideo vterque vocatur persona. Et sic sunt duæ personæ in diuina natura per vnā productionem: coæquales: coomnipotentes & coæternæ. Nec potest esse nisi vna productio in Deo per modum naturæ, & per vnum modum: quia Deus producit naturaliter tantum quantum potest, & secundū totam

*Non est in eis prioritas durationis.*

*Tit. 32.*

*Productio filij est naturalis.*

*Vocatur generatio.*

*Dicitur filius.*

*Dicitur verbum patris.*

*Dicitur Imago patris.*

*Vocatur persona.*



## 66 De productione Spiritus-sancti.

*Est solū  
vñus f.  
lius.*

suam virtutem. Et ideo quia est actus purus, & infinitè actius totus quicquid potest per modum naturæ produxit vna vice. Ideo non potest esse nisi vnus productus per modum naturæ: quia in illo terminatur tota productio. Nec pater potest vltra producere per illum modum naturæ: & sufficit ei vnus productus: & vnus filius: & vna productio per illum modum: quia productus est infinitus: & productio infinita. Et sic non potest esse nisi vnus filius: vna Imago: vnum verbum: & sapientia patris.

### TITVLVS LII.

*Quod productio per modum intellectus, & natura iam reperta: manifestat nobis de necessitate esse in deitate aliquam productionem per alium modum, scil. per modum voluntatis & libertatis.*

*Tit. 51.*

*De processione  
Spiritus-  
sancti.*

**E**T quia semper oportet nos procedere ordinatè: & de gradu in gradum: ideo per istam productionē summam & infinitam iam dictam: Dei gratia inuentam: debemus vltèrius currere ad inueniendum si est in esse diuino alia productio. Et quia pater dans est intelligens: & filius productus recipiens similiter est intelligens, & non ignorans: & cum ex dare & recipere quando sunt perfecta: oportet quod procedat & sequatur aliud: quod non est dare neque recipere, scil. amor ideo cum in diuina natura sit dare, & recipere, & dans & recipiens oportet quod procedat amor à dante in recipientem: & à recipiente in dantem, & sic est ibi processio amoris ab vno in alterum: & econuerso: & sic est ibi tertia res producta, scil. amor: quæ quidem res non est pater neque filius: sed procedens necessario de ambobus: quia pater non potest non amare suam imaginem: suum filiū ab ipso productū: cui dedit omne quod habet nec filius potest non amare patrem qui genuit eum æqualem per omnia sibi. Et sic per primam productionem inuenimus secundam: & prima probat & manifestat secundam: & sic sunt duæ productiones in diuina natura multum differentes: quia prima est per modum intellectus naturalis & necessaria: & secunda per modum voluntatis & libertatis, & sic voluntaria quia productus per istā productionem est amor & charitas: sed amor à voluntate procedit. Rursus ista productio fit à duobus simul, sc. à Patre

## *De productione Spiritus-sancti. 67*

à Patre & filio : quia ambo producant tertium sed prima productio fit ab vno tantum scilicet à patre. Sed quia pater non est prior filio sed ab æterno sunt simul : ideo non prius procedit amor à patre in filium quam à filio in patrem : ideo non sunt duæ productiones amoris patris & filij : sed vna tantum : & ideo producit amor ab ambobus tanquam ab vno, & per vnum modum scilicet per voluntatem liberalem. Rursus sicut productus per modum naturæ & intellectus nominatur Imago: verbum & filius: Imago nominatur tanquam habens similitudinem expressam & conformem patris. Verbum nominat ipsum tanquam similitudinem expressivam & intellectualem. Et filius tanquam similitudinem per se subsistentem & connaturalem. Ideo productus per modum voluntatis vocatur donum : amor : charitas vel nexus: vinculum & spiritus-sanctus patris & filij : quia ista sunt voluntaria : donum nominat ipsum vt voluntarium donum seu datum. Amor nexus : charitas : & vinculum nominat ipsum : vt donum voluntarium primum & principium. Spiritus-sanctus nominat ipsum vt donum voluntarium primum & per se subsistens : siue hypostaticum quod idem est. Ecce distinctos modos producendi duos productos: distinctos realiter : qui sunt æquales in omnibus: quia habent eandem numero essentiam: & idem esse indiuisum. Sicut enim filius est æqualis per omnia patri : nec vnus maior altero ita spiritus-sanctus est æqualis per omnia patri & filio quia producit ab ambobus tanquam ab vno. Neque est posterior eis propter hoc quia est tertius: sed ab æterno simul sūt: quia ibi non est ordo durationis sed tantum ordo originis. Ideo pater est primus: & à nullo recipit esse diuinum: nec oritur ab aliquo. Filius est secundus quia primo oritur à patre: non prioritate temporis. Spiritus-sanctus est tertius: quia ab ambobus procedit. Et tamen omnes tres æquales sunt : quia habent idem esse diuinum & eandem substantiam indiuisam sed per tres modos. Quia pater tanquam fons deitatis habet à se esse : & per modum dantis tantum. Filius habet esse diuinum per modum recipiendi ab alio tantum : & hoc per modum generationis: & quicquid habet tanquam ei datum à patre. Sed spiritus-sanctus habet diuinum esse per modum procedentis seu procedendi ab utroque ad modum voluntatis: ideo sua productio vocatur spiratio siue processio.

*Filius  
dicitur  
Imago  
verbum.*

*Spiritus-  
sanctus  
dicitur  
multis  
nomini-  
bus.*

*Trinitas  
persona-  
rum con-  
cluditur.*



## 68 *De productione Spiritus-sancti.*

Et sic in esse diuino est vera origo & vera distinctio & tamen idē esse: nec tamen est ibi prioritas neque posterioritas durationis, nec processionis sicut pater in sole: quia quamuis radius oriatur à sole: tamen non est prius sol quam radius: & similiter de igne: quia licet splendor & calor oriantur ab igne: tamen simul sunt: nec ignis est prior quā splendor: sic & calor sic ergo pater & filius & spiritus-sāctus æquales sūt: & pater infinitus: & filius infinitus, & spiritus-sanctus infinitus: quia necesse est quod amor qui procedit à patre in filium & econuerso: sit infinitus quia pater amat filiū quantū potest: & filius amat patrem quatum potest: & quia pater potest in infinitum: & filius potest in infinitum igitur amor qui est spiritus-sanctus est infinitus, & ille est tertia persona: & per consequens æqualis patri & filio in infinitum: sicut ambo sunt infiniti. Ecce ergo qualiter recto ordine Dei auxilio inuenimus in esse diuino duas æternas productiones indefinentes & tres personas æquales realiter distinctas: & tamen non est nisi vna substantia: vna natura: vnum esse indiuisum: infinitum in tribus.

### T I T V L V S L I I I.

*Quod homo potest induci ad concedendum quod vna & eadem substantia infinita indiuisa possit esse in tribus realiter distinctis quamuis sit incomprehensibile ab homine.*

*Vnitatis  
diuina  
natura.*

**Q**Voniam autem valde incomprehensibile est in intellectu humano: quod vna eademque substantia indiuisa realiter sit in pluribus: ideo hic per aliquam iam nota nobis in rebus creatis fiet manifestatio: ut non videatur impossibile: immo valde possibile. Si enim vna natura creata de nihilo: finita: eadem specie sed non numero: potest esse in pluribus realiter eadem specie ut in petro & Ioanne. Quare non dabimus vnum gradum: maiorem in vnitatis ipsius naturæ increatæ: infinitæ & sine mensura: ut scilicet ipsa natura diuina: infinita: increata: vna necessario indiuisa: realiter sit & possit esse in pluribus personis realiter distinctis? Vnde maior vnitatis & identitatis post vnitatem in specie: est vnitatis in numero. Ergo sicut natura diuina increata & infinita ascendit semper supra naturam creatam & finitam sine mensura: ita vnitatis naturæ infinitæ & increatæ ascendit

*De productione Spiritus-sancti. • 69*

cendit semper supra unitatem naturæ finitæ & creatæ:  
& hoc sine mensura. Ergo postquam creata natura ea-  
dem specie inuenitur realiter in pluribus : & ei repu-  
gnare non potest quin hoc possit ergo ipsa natura infi-  
nita increata eadem numero inuenitur realiter in tri-  
bus : & sibi non repugnat. Item ubi maior unitas : ibi  
maior perfectio : maior concordia : maior pax : ergo  
inter personas in diuinis necessario est quod sit summa  
unitas quæ non possit esse maior nec excogitari. Et ita  
est quod sit vna substantia necessario in tribus numero:  
aliter non esset maxima unitas nec maior quæ possit esse  
aut excogitari : nec maior quam inter personas creatas:  
sicut inter hominem & hominem & sic possibilis esset  
discordia aut diuisio inter personas diuinas sicut inter  
homines vel posset intelligi esse : quod est impossibile.  
Sicut necesse est ergo esse pluralitatem personarum in  
diuina natura summa ita necesse est esse unitatem sub-  
stantiæ. Debet tamen homo concedere licet non possit  
comprehendere quomodo possit esse. Quia non sequi-  
tur quod si non possit comprehendere ita esse : quod  
ergo non sit. Vnde aliquando homo multa cognoscit  
per experientiam : quæ tamen comprehendere non po-  
test per rationem. Quod corpus & anima quæ sunt  
valde diuersa faciunt vnum hominem hoc videmus:  
sed quomodo hoc fieri poterit non comprehendimus. Si  
ergo est illud incomprehensibile quomodo sit : & ta-  
men homo per experientiam hoc cognoscit esse quan-  
to magis id quod per nullam experientiam potest vi-  
deri humanam & tamen multa per experientiam potest  
cognoscere qui per rationem nullo modo potest  
comprehendere : & e conuerso. Vt ratio probat quod idē  
est in Deo : posse intelligere & velle : & sunt idem  
quod esse in Deo : & sic tria sunt vnum : & tamen hoc  
quomodo fieri potest nemo comprehendit. Tantum  
autem est incomprehensibile quod esse Dei sit tria hæc  
scilicet posse intelligere velle : quantum quod tres  
personæ sunt vna substantia & vnum esse : & tamen  
primum omnes concedunt.

*Plurali-  
tas per-  
sonarū.*



*Quod omnia qua probata sunt de pluralitate personarum & unitate in diuinis possunt manifestari per verbum actiuum & passiuum.*

*Prima  
conue-  
nientia.*

*Secunda.*

*Tertia.*

*Quarta.*

**Q**uoniam autem omnia prædicta sunt altissima : & nostrum intellectum supergredientia : ideo ut fiant nobis aliququaliter proportionata per exempla : quæ maximè sunt nobis familiaria : & cum quibus clericus habeat notitiam à pueritia de verbo actiuo & passiuo ideo per illa quilibet cognoscit de ipsis. Ecce valde congruum ascendere ad intelligendum illa quæ dicta sunt : ecce exemplum valde conueniens & nos illuminans. Sicut se habet verbum actiuum ad passiuum : & econuerso : sic se habet in diuinis pater ad filium & econuerso : quia pater est actiuum & persona actiua : & filius passiuum & persona passiuua. Sicut enim verbum actiuum est plenum & perfectum verbum & à nullo alio verbo oritur nec producitur in quantum actiuum immo est primum seipso. Ita pater in deitate est plenus Deus : & perfectus Deus : & à nullo alio oritur & producitur : immo est prima persona & primum principium in esse diuino. Et sicut verbum actiuum de seipso habet plenam significationem & suum totum significatum, ita pater in seipso habet plenam deitatem : & totum esse diuinum & totum continet in seipso. Vnde significatum siue res significata verbi actiui : est sicut esse diuinum seu substantia diuina. Et sicut verbum actiuum quamuis ex seipso sit perfectum & plenum : producit ex seipso verbum passiuum ita quod actiuum oritur à nullo : & passiuum oritur ab actiuo & non econuerso : & est secundum & non est primum : & actiuum est primum & non secundum. Ita pater quamuis ex seipso sit perfectus & plenus Deus producit tamen de seipso filium tanquam passiuum & filius oritur à patre tanquam à suo actiuo & non econuerso. Et filius est secunda persona : & pater prima persona & non secunda. Et sicut de necessitate verbum actiuum producit suum passiuum verbum ita quod impossibile est verbum actiuum esse quin producat verbum passiuum : & simul sunt quia non est prius actiuum quam passiuum quia actiuum non potest esse sine passiuo : nec prius



prius est actiuum & postea passiuum : sed simul sunt vel non sunt. Ita pater qui est totus actiuus de necessitate producit suum filium ita quod impossibile est Deum actiuum esse quin producat proprium passiuum : nec est prius pater actiuus quam filius passiuus. Item sicut verbum actiuum communicat suo passiuo verbo dum ipsum producit quicquid habet scilicet totum suum significatum : & quicquid se tenet ex parte rei significata & omnia sibi communicat : dempto suo modo proprio & sua proprietate per quam est actiuum quia suum proprium modum non potest communicare : & ideo similiter verbum passiuum habet suum proprium modum & suam proprietatem quam non habet verbum actiuum quia actiuum non est passiuum : nec passiuum est actiuum : sed tamen omnia alia sunt eis communia : demptis propriis modis qui non possunt stare simul in eodem : & ideo necesse est quod sint duo verba : nec possunt esse vnum verbum : & tamen habent vnum & idem significatum : & vnā & eandem rem significatam & nihil est in actiuo quin etiam sit in passiuo verbo sed alio modo. Et sicut verbum actiuum & passiuum sunt duo verba distincta propter duas proprietates distinctas : quæ non possunt esse in vno simul : ita similiter in diuino esse pater qui est totus actiuus : communicat suo filio passiuo dum ipsum producit quicquid habet : totam suam essentiam & totum suum esse : & quicquid se tenet ex parte sui esse & esse diuini & omnia communicat suo modo proprio dempto solum : & sua proprietate actiuæ : per quam est pater & summè actiuus quia hoc communicare non potest. Similiter suus filius passiuus habet suum proprium modum & proprietatem passiuam correspondentem proprietati actiuæ patris quam proprietatem habere non potest pater. Et ideo pater non est filius : & filius non est pater : & tamen omnia alia sunt communia : & omnia quæ sunt in patre sub modo actiuo & sub illa proprietate paterna : sunt in filio sub modo passiuo & proprietate filiali. Et sic necessario sunt duo distincti pater & filius propter duas proprietates incommunicabiles. Item sicut verbum passiuum per omnia est æquale suo verbo actiuo nec vnum est maius altero quia in verbo actiuo reperitur significatū & modus significandi proprius & in verbo passiuo similiter reperitur idem significatum & suus proprius modus signifi-

Quinta.

Sexta:

Septima.

Exem-

plum de

aquali

tate in

trinita-

te.



*Octaua.  
Exem-  
plum de  
propriis  
persona-  
rum.*

candi. Ita conformiter filius per omnia est æqualis patri: nec vnus est maior altero: quia in patre non est nisi esse diuinum & proprius modus & in filio idem esse diuinum & suus proprius modus: ita quod idem esse est sub duobus: cum modis inæqualibus vtrobique. i. esse vtrobique. proprietas non eadem sed correspondens: & sic tantum est in vno sicut in altero. Et sicut nos videmus quod verbum actiuum in quantum actiuum habet suum proprium casum. scil. accusatiuum: & hoc est sibi proprium in quantum actiuum & ideo nunquam communicat illum accusatiuum suo verbo passiuo & similiter verbum passiuum in quantum passiuum habet suum proprium casum. scil. ablatiuum quem non actiuum: immo isti casus sunt incommunicabiles inter ipsa quia ipsis conueniunt per suas distinctas proprietates: & tamen si verbum actiuum habeat aliquem alium casum vltra proprium actiuum vt vel genitiuum vel datiuum vel alium accusatiuum vel ablatiuum: quia illum non habet tanquam actiuum: nec ratione proprii modi sui sed ratione sui significati & rei significatæ: vt verbi gratia. istud verbum actiuo præter proprium actiuum habet genitiuum: vt accuso te sceleris, & istud verbum do habet datiuum vt do tibi filium & doceo alium accusatiuum: vt doceo te grammaticam: hic est alius accusatiuus: vt hic audio lectionem à magistro: est ablatiuus: ideo sicut hic verbum passiuum habet eundem casum quem habet suum verbum actiuum vltra proprium actiuum. habet etiam vltra suum proprium ablatiuum & totum quicquid habet verbum actiuum vltra proprium accusatiuum hoc: totum communicat suo verbo passiuo & sic primo habet actiuum postea passiuum. Ideo dicitur accusor à te sceleris: filius datur tibi à patre doceor à te grammaticam: lectio auditur à te magistro: logica legitur à me Henrico. Et causa huius est: quia habent idem significatum: & eandem rem significant: & illi casus tenent se ex parte significati: & non ex parte modi proprii: ideo sunt casus communes. Ita conformiter in deitate. Pater in quantum pater & actiuus: habet aliqua quæ sibi soli conueniunt: vt esse primum principium nõ de alio principio in deitate: esse à se: & innascibilem: esse improductum, & esse primam personam: similiter generare. Et quia ista conueniunt per suum modum proprium in quantum pater: non communicat ea suo filio



filio passiuo producto ab ipso. Et similiter filius inquantum filius & passiuus habet aliqua quæ sibi soli conueniunt: vt esse productum per modum naturæ & intellectus natum esse: secundam esse: imaginem esse: verbum esse. Et quia ista conueniunt & per suum proprium modum: ideo solus habet. Sed tamen quicquid pater habet inquantum Deus & ex parte ipsius esse & essentia & omnes proprietates quæ conueniunt esse diuino totum communicat suo filio. Et quia æternitas: omnipotentia: summa sapientia: summa bonitas veritas voluntas vita & multa alia se tenent ex parte esse & essentia: & conueniunt patri inquantum Deus est: ideo omnia communicat suo filio & sunt communia & propria. Præterea sicut verbum passiuum quicquid habet: habet vt datum & receptum & totum tamen habet sicut actiuum: ita filius quicquid habet: habet vt datum & receptum & totum tamen habet quod pater. Et sicut si verbum actiuum esset ab æterno: necesse esset etiam verbum passiuum esse ab æterno. Ita quia pater est ab æterno: necesse est filium ab æterno esse. Et sicut verbum actiuum non habet nisi vnum verbum passiuum: nec potest habere aliud: & illud ei sufficit. Ita pater non habet nisi vnicum filium nec potest alium habere: quia ille sufficit ei. Ecce igitur qualiter magna similitudo inter patrem & filium ab vna parte: & verbum actiuum & passiuum ab altera parte ita quod multum relucet nobis mysterium diuinarum personarum in ista comparatione quia vtroque est vnum & idem commune: & duæ proprietates vt in verbo actiuo & passiuo idem significatum & duo modi nam idem significatum intelligo dum dico amo & amor sed duobus modis: similiter in patre & filio est eadem essentia quæ est communis: & duo modi seu duæ proprietates. Et sicut in verbo actiuo & passiuo est comparatio intellectualis. Ita est in patre & filio. quia pater intelligendo produxit filium: sicut verbum actiuum per virtutem intellectus produxit verbum passiuum de necessitate. Et sic habemus exemplum valde conueniens & familiare ad duas diuinas personas. Sed quia verbum actiuum & verbum passiuum non sunt res intelligentes: ideo non producant amorem inter se sed tamen si verbum actiuum intelligeret suum passiuum verbum: ipsum diligeret tanquam suam imaginem & verbum passiuum diligeret suum

Nota.

Decima.

Vndecima.

Duodecima.



*Trede-  
cima.*

suum actiuum : quia ab ipso habet omnia. & sic esset ibi similitudo tertiæ personæ in Trinitate: scilicet spiritus-sancti quia actiuum & passiuum semper sunt simul: & insimul producerent vnum amorem. Sed tamen large possumus comparare verbum impersonale passiuæ vocis spiritui-sancto quia verbum actiuum & verbum passiuum producant ipsum personale & ab eis procedit & sumit omnia quæ habet : & est tertium verbum productum ab eis. Vnde capit vocem passiuam à passiuo & significationem actiuam ab actiuo : & habet suum proprium modum & proprietatem : & non est actiuum neque passiuum. Vnde distinguitur ab actiuo & passiuo quia significat indeterminate sine certa persona & numero & tamen habet idem significatum & rem eandem significat quam significat actiuum & passiuum. Vnde idem significatur dum dicitur lego lectionem : & lectio legitur : ac legitur impersonaliter sumptum sed tamen non eodem modo & sic est idem significatum & tres modi : & ideo sunt tria verba distincta.

### T I T V L V S L V.

#### *Generalis epilogatio.*

*Primo.*

*Secundo.*

*Tertio.*

**R**ecolligentes ergo in generali omnia quæ manifestata & reuelata sunt nobis per scalam quatuor graduum naturæ possumus videre qualiter per comparisonem hominis qui est in quarto gradu ad alias res inferiores tres & ipsorum adinuicem & hoc secundum conuenientiam generalem ascendimus ad cognitionem vnius naturæ supremæ & infinitæ quæ est supra hominem : & qualis sit & quanta sit & inuenimus in illa natura suprema : esse, viuere : sentire & intelligere aliud quam scala naturæ. Et ibi fecimus aliam scalam: ab ipso esse incipiendo & procedendo ad alios gradus & inuenimus quod in illa summa natura quæ est Deus noster idem est esse quod viuere : quod sentire : quod intelligere. Rursum inuenimus illud esse improductum non acceptum : sed æternum : & quod ab illo esse æterno & ab illa natura est productum totum esse mundi & tota scala naturæ : & hoc de nihilo & de nouo. Item per istam productionem mundi de nihilo præinuentam : ascendimus ad vnam aliam productionem nobilissimam & æternam : & illam conclusimus esse quod

quod esse est de ipso esse diuino : per quam inuenimus in natura diuina duas personas æternas & Deum de Deo esse productum : & hoc per modum naturæ. Rursus per istam productionem quam inuenimus in natura diuina reperimus etiam ibidem esse necessario aliam productionem de esse diuino : quæ est per modum voluntatis & libertatis per quam producit tertia persona in esse diuino. Et sic in generali per scalam naturæ inuenimus *Quarto.* quatuor scilicet esse diuinum & tres productiones ipsius esse diuini scilicet ipsius Dei : & tria producta à Deo. Prima productio inuenta est in productione mundi & de nihilo extra se. Et secunda productio est Dei de Deo intra se : ab æterno per modum naturæ. Tertia est productio Dei de natura diuina per modum voluntatis. Et istæ duæ sunt æternæ : & sine principio : & sine fine nunquam cessantes. Tria ergo sunt producta scilicet mundus : Filius : & spiritus-sanctus : & vnum improductum : scilicet : Pater. Filius ergo est à patre , spiritus-sanctus à patre & filio : & à patre & à filio & à spiritu-sancto tanquam ab vno mundus est productus. Ex istis omnibus possumus concludere talem diuisionem in qua clauduntur omnia. Omne quod est vel est ab æterno & à seipso : vel non ab æterno nec à seipso : vel est ab æterno : & non à seipso sed ab alio. In prima parte diuisionis est pater, in alia parte mundus : in tertia filius & spiritus-sanctus. Et sic per istum processum inuenimus Deum trinum & vnum. Vnum in essentia : & trinum in personis : à quo omnia : in quo omnia : & per quem omnia qui uiuit benedictus in secula.

## T I T V L V S L V I.

*Sequitur comparatio hominis qui est in quarto gradu ad alias res inferiores trium graduum secundum conuenientiam specialem & de fructu qui inde colligitur.*

**C**onsiderata comparatione hominis ad alias res inferiores trium graduum secundum conuenientiam generalem : ex qua collectus est fructus inæstimabilis. Et quia est adhuc alia conuenientia & similitudo specialis : ideo nunc considerandum est : unde homo habet conuenientiam & similitudinem specialem ultra generalem. Primo cum rebus quæ sunt in primo gradu quæ *De fortantum*



*matione* tantum habent esse: scilicet cum elementis & cum cor-  
*hominis* poribus celestibus. Quia sicut illa ordinata sunt inter  
*secundū* se: sic homo est ordinatus in seipso. Nam in illis quæ  
*corpus.* habent tantum esse: nobiliora & digniora sunt superius  
 & altius & minus nobilia & minus digna sunt inferius  
 & infinita: ut celum sursum & terra deorsum. Et inter  
 elementa similiter: quia terra minus digna ideo infi-  
 ma: & aqua quæ est dignior: ideo superior est quam  
 terra: & aer quam aqua: & ignis quam aer. Ita simili-  
 ter in corpore hominis caput est supremum in altissi-  
 mo loco positum: nobilissimum: & dignissimum inter  
 membra exteriora: & alia membra minus digna sunt  
 infima: ut pedes: sicut terra: quia infima portans om-  
 nia elementa. Ita pedes sunt infimi portantes alia men-  
 bra. Sicut ergo inter elementa sunt superius & infe-  
 rius ita in homine. Item sicut superiora corpora regunt  
 inferiora corpora: ita caput & membra superiora &  
 manus regunt inferiora membra. Et sicut corpora ce-  
 lestia: ut sol qui influit vitam omnibus aliis corporibus  
 & dat eis lumen & influit vitam omnibus corporibus  
 viucentibus: collocatur in medio septem planetarum:  
 & influit superius & inferius sedens in medio. Ita in ho-  
 mine cor quod influit vitam: & calorem omnibus mem-  
 bris collocatur in medio & ibi sedet influens superius  
 & inferius. Ecce magnam conuenientiam & simili-  
 tudinem.

## T I T V L V S LVII.

*De conuenientia specialiter hominis ad res secundi  
 gradus quæ habent viuere & esse tantum.*

*Quod  
 homo est  
 similis  
 arbori-  
 bus.*

*Secundo.*

**A**Dhuc autem tu homo habes magnam conuenien-  
 tiam cum rebus secundi gradus scilicet cum ar-  
 boribus & plantis ac herbis. Quia sicut semen & gra-  
 num de quo pullulans arbor post certum tempus ap-  
 paret: sicut natura illius seminis & illius grani exigit:  
 sic planta feritur & plantatur in terra: & clauditur per  
 certum tempus tanquam in ventre. Ita granum & semen  
 de quo tu homo pullulas ponitur & seminatur in terra  
 sicut in agro: & in ventre matris tuæ, & ibi clauditur. Et  
 sicut illud granum seu semen de quo nascitur arbor seu  
 planta recipit materiam & augmentum de terra, scil.  
 ut exinde fiant radices: truncus & similia. Ita illud gra-  
 num



num de quo tu pullulas recipis materiam & augmentū de terra. scilicet de sanguine menstruo mulierum in ventre matris : unde membra fiunt & crescunt. Et sicut de vno grano modico & paruo arborum in quo nulla fere apparet diuersitas : sed magna similitudo exeunt & pullulant tot diuersa : sicut sunt radices : truncus : cortex : medulla : frondes : folia : flores & fructus : & semina. Ita cōformiter de illo modico semine patris tui in quo nulla est dissimilitudo nec diuersitas exeunt & pullulant tot diuersa ac mirabilia & innumerabilia membra quot tu habes exteriora : sicut sunt caput : oculi : nares : aures : dentes : lingua : digitus : manus pedes , &c. habes etiam interiora vt cor : pulmonem : stomachum : hepar : intestina : renes : ossa : nervos & venas , &c. quae omnia exeunt & pullulant de illo paruo semine patris tui. Ex quo tu potes concludere : quod tu homo es opus magni Dei qui de ita modico grano tot diuersa & mirabilia membra extraxit & quod ille idem qui in arboribus ordinauit fieri tot diuersitates mirabiles : sicut radices : truncum : frondes. Ille met ordinauit quod de ita modico grano patris tui tot mirabilia membra & diuersa sicut sunt in corpore tuo exirent. Quis enim ordinauit quod tot partes & non plures & tales pullarent de illo paruo modico grano arboris : & quod tot membra & non plura & talia & taliter disposita & non alio modo sic mensurata inter se sic proportionata in certa mensura & certo numero & certo modo exirent de illo paruo grano vt duae manus & quinque digitus & duo oculi & non plures neque pauciores caput altum : & sic de consimilibus aliis. Qui ista ordinauit : fabricauit : disposuit : mensurauit : collocauit & cuiuslibet officium proprium tribuit. Nonne ille idem qui in arboribus ordinauit : ita similiter in hominibus ? Nunquid pater tuus & mater tua formauerunt ista membra ? Nonne ipsis nescientibus & dormientibus membra formantur occultè etiam multotiens ipsis nolentibus : & non cupientibus formantur : Quandoque etiam ipsi volentibus non possunt generare. Nonne tunc clarissimè manifestatur in formatione tui corporis potentia immensa sapientia : inestimabilis : bonitas & benignitas innumerabilis tui creatoris ? Qui sic potenter & rationabiliter cum magna sapientia & benignitate omnia membra tui corporis organizauit : distinxit & ordinauit

*Quod  
homo sit  
opus Dei.*

organizauit : distinxit & ordinauit dulciter & insensibiliter matre nesciente supra omnia corpora mundi ita pulchre. Sicut enim homo qui prudenter agit ille ordinatè , & sine impetu facit illud quod intendit donec ad finem & suum intentum perueniat. Ita similiter arbores & plantæ operantur ad modum operationis artificis: qui rationabiliter operatur vnū post aliud producendo ordinatè : ac si cognoscerent finem propter quem operantur, & sic producant eorum fructus & semina flores, & folia propter fructus & quando fructus sunt maturi: tūc cessant operari exterius : & sic arbores plantantur: seminantur crescunt nutriuntur augmentantur ipsis nescientibus. Ita homo fuit plantatus: nutritus & generatus ipso ignorante. Ergo bene similis est homo arboribus. Et sicut nutrimentum quod habent arbores capiunt à terra mixta cum aqua ita tota magnitudo tui corporis venit de terra mixta cum aqua. Ita vt ex nutrimento quod venit ex elementis vt aqua & terra : homo crescat: augmentetur & viuat.

## T I T V L V S L V I I I .

*De conuenientia hominis speciali, & similitudine ad res tertij gradus.*

*Quod  
homo est  
similis  
animalibus.*

**S**ed adhuc homo magis est similis animalibus brutis quam arboribus & plantis, & maiorem conuenientiam habet cum eis. Nam sicut illa generantur per coitum & masculum & femellam in vtero: & ibidem membra animalium formantur. Ita tu homo generaris per coitum : & per masculum : & femellam in vtero matris tuæ. Et sicut animalia habent caput : oculos : aures : nares : os : linguam : dentes : cor : hepar : stomachum & alia membra. Ita tu homo habes omnia ista. Et sicut ista ambulant per se de loco ad locum : vident : audiunt : bibunt & comedunt : nutriuntur : digerunt : egerunt : & sic de aliis. Ita tu homo habes omnia ista. Item alia magna conuenientia sicut arbores plantæ : & animalia omnia in terram reuertuntur : ita corpus hominis reuertitur in terram : ergo de terra sumptum est. Eadem ergo materia tui corporis : arborum : plantarum : animalium postquam reuertuntur totum ad vnā & eandem materiam.

TITVLVS



## T I T V L V S L I X.

*Qualis utilitas colligitur ex ista comparatione speciali.*

**Q**uid autem colligere debemus ex ista comparatione & conuenientia speciali hominis ad quatuor gradus quæ signant omnia ista. Et hæc specialis conuenientia, & similitudo arguunt, & dicunt primo quod vnus & idem artifex: vnus & idem Dominus: vnus ordinator est hominis: animalium ac aliarum rerum & graduum aliorum: vnum consilium: vna prouidentia. Secundo arguunt summam potentiam: summam prudentiam: summam bonitatem eiusdem. Arguitur primo vnitas artificis summè potentis: summè prudentis & optimi. Non enim esset tanta conuenientia & similitudo hominis cum arboribus plantis & animalibus: si essent duo consiliatores in rebus: duo rectores: duo artifices: nec opera plantarum & arborum sic ordinatè procederent & agerentur ad modum operum humanorum. Neque omnes assimilarentur: nisi ille idem regeret & dirigeret opera ipsarum arborum & plantarum qui dedit homini rationem: vnus est ergo qui dedit homini intellectum, & qui dirigit opera arborum qui sunt ad modum intellectus: cum in arboribus & plantis non sit ratio vel intellectus. Sed multo fortius vnitas materiæ & identitas viuendi tam hominum quam animalium arborum & plantarum arguit vnitatem artificis. Cum enim sit eadem materia tam hominum quàm animalium arborum & plantarum: quia omnia reuertuntur in terram, & per consequens de terra facta sunt à principio sicut nix sumpta de aqua quæ reuertitur in aquam: in gelu & sal similiter. Sed tamen nec homo seu corpus per seipsum factum est de terra: nec tot species animalium factæ sunt per se de terra: nec tot species arborum & plantarum fecerunt seipsas de terra: quia hoc opus est opus artificis habentis sapientiam & intellectum. Sequitur ergo quod est artifex vnus: qui de eadem materia omnia ista fabricauit: quia si essent duo contrarij non conuenirent in eodem modo fabricandi neque formandi: neque esset tanta similitudo: neque esset eadem materia: quia vnus alteri non communicaret materiā. Item ostenditur & probatur summa potentia: summa sapientia: summa bonitas summi artificis: qui de vna & eadem

*Vnus Dominus & artifex omnium.*

*Summa sapientia illius artificis.*



*Summa  
potentia  
illius ar-  
tificis*

eadem materia tot innumerabiles & mirabiles : ac di-  
uersas res & species producere potuit : voluit : sciuit &  
fecit. Vide quot species arborum : herbarum : planta-  
rum : ac animalium : & tamen omnes de eadem mate-  
ria. Sed multo mirabilius est de materia vili ac infima  
& grossissima posse & scire formare tam nobile corpus:  
sicut est corpus humanum: quod est capax animæ ra-  
tionalis & intellectualis quæ est imago summi artificis.  
Vide quanta est distantia inter corpus humanum & ter-  
ram in nobilitate : maior enim est potentia & sa-  
pientia posse de materia vili & grossa facere nobile  
corpus quam de materia nobili facere nobile opus: sicut  
etiam maior subtilitas est scire facere de luto vas au-  
rea & pulchra pretiosa : quam facere de auro & lapi-  
dibus pretiosis vasa pretiosa. Ex hoc ergo potest ho-  
mo certitudinaliter arguere summam potentiam: sum-  
mam sapientiam sui factoris & considerare quod qui re-  
potuit & sciuit & voluit tam nobilem & excellentem  
super omnes alias res facere de terra infima : & ita te  
exaltare magis si voluerit : & ad statum altiorem &  
nobiliorem eleuare. Ecce ergo quot fructus : quot  
vtilitates : quot viles cognitiones poterit homo col-  
ligere ex ista comparatione sui ipsius ad creaturas in-  
feriores. Non ergo spernat eas. Illas enim debet ama-  
re : & cogitare similitudinem quam habet cum eis &  
fraternitatem & humiliare se per eas: & fricare animam  
suam cum eis. Ipsæ enim cognoscunt eum mirabilem  
& excellentiorem eis in multo : quia est in nobilitate  
excellentiissima & dignitate constitutus super eas. Sed  
tamen cogita quia tu es creatura. Non enim propter  
tuam excellentiam desinere potes quin sis creatura.  
Noli ergo obliuisci quia es de numero creaturarum:  
nec separari potes à consortio earum : quia magnam  
habes cum eis convenientiam : scilicet eandem mate-  
riam & eundem artificem. Exercita ergo te in cogni-  
tione earum : quia quanto magis cognoscis ipsas : tan-  
to magis cognoscis tuam dignitatem & acquies in maio-  
rem cognitionem & certiore de tuo conditore. Si er-  
go vis quod in te fiat cognitio tui ipsius & tui condito-  
ris : fiat primo in te cognitio creaturarum : quia quan-  
to magis appropinquas te ad creaturas eas cognoscen-  
do tantomagis appropinquabis ad te ipsum & ad tuum  
conditorem. Et quantomagis elongas te à creaturis:  
tanto

*De differentia hominis ad alias res. 8 I*  
tantomagis elongas à teipso & à tuo conditore. Si ergo crescat in te cognitio creaturarum crescet in te etiam cognitio tui ipsius & tui conditoris in teipso : & si illa diminuitur etiam illa : & si illa annihilatur : etiam illa annihilatur. Et si illa manet etiam ista manet : quia ex illa nascitur illa.

T I T V L V S LX.

*Et sic est finis qui est de comparatione hominis ad tres gradus secundum conuenientiã generalem & specialem. Sequitur secunda pars principalis istius operis, scilicet de comparatione hominis qua est in quarto gradu ad illas res inferiores trium graduum penes differentiam & hoc duobus modis: scilicet generaliter & specialiter.*

**P**ostquam cum Dei adiutorio comparauius hominem ad alias res inferiores penes conuenientiam. Nunc autem debemus ipsum comparare penes differentiam ad alias res inferiores: dum enim comparamus vnā rem ad aliam: duo manifestantur nobis. s. conuenientia & differentia vnius ad alterum: & per istā duplicem comparationem manifestatur nobis natura cuiuslibet rei naturaliter: quia ipsa est via naturæ ista est etiam via intrandi in notitiā cuiuslibet rei. Et ideo ad habendum notitiā verā de homine: & ex consequenti de Deo per hominem: oportet hominem comparare ad alias res: & videamus quomodo conuenit cum eis & quomodo differt. Et quia iam vidimus Dei gratia quanta sunt nobis reuelata: comparando hominem per conuenientiam. Nunc videamus quæ manifestabuntur nobis comparando hominem ad alias res cum quibus conuenit per differentiam. Et si magna cognouimus per conuenientiam: magna cognoscemus per differentiam & magis nobis vtilia: immo hoc erit complementum totius nostræ congregationis: nobis necessariæ ad salutem. Nec prima cognitio prodest nobis sine secunda quicquam.

## 82 De differentia hominis ad alias res.

### TITVLVS LXI.

*Quod primo facienda est duplex comparatio secundum differentiam omnium quatuor graduum. Prima generalis vnius gradus ad alium. Alia & secunda spiritualis infra quemlibet gradum.*

*Duritia  
rerum  
in primo  
gradu.*

**A**Ntequam autem ad prædictam comparisonem accedamus : primo volumus considerare omnes tres gradus rerum generales distinctos , & hoc penes differentiam inter se scilicet vt videamus processum in excellentia nobilitate & dignitate : ac superioritate vnius gradus ad alium ac quarti gradus super omnes tres. Et ista differentia primo considerata est : & iam ex prædictis manifesta est. Secundo oportet considerare specialem infra quemlibet gradum generalem. Multum enim differunt res vnius gradus : quia in vno gradu licet conueniant generaliter sunt tamen species distinctæ multæ. Et ideo oportet videre qualiter vna natura differat ab altera : & qualiter vna est superior : dignior & nobilior quam sit altera. Verbi gratia. In primo gradu quatuor elementa per esse tantum conueniunt : sed tamen differunt inter se : quia vnum est nobilius altero : & etiam quolibet habet suam singularem naturam : vt terra aqua, &c. Terra enim infima est & minus digna : minus nobilis & minus pulchra. Aqua habet naturam superiorem digniorem : pulchriorem quam terra : & aër quam aqua & ignis quam aër. Et similiter inter metalla : quia nobilius est aurum quam argentum : & argentum quam stannum : & stannum quam plumbum. Inter lapides etiam quia vnus pretiosus lapis nobilior est altero. Et corpora cœlestia vt sol : luna : stellæ : & alia sunt nobiliora quam omnia ista prædicta : & tamen omnia ista conueniunt in vno gradu generali : & solum habent esse & non viuere. Similiter est in rebus quæ sunt in secundo gradu generali : quia omnia conueniunt generaliter & habent esse : viuere : & non sentire : & tamen differunt in se : quia arbor continet & habet infinitas species & naturas : & similiter planta & herba continent in se innumerabiles & infinitas species quarum quælibet habet suam singularem naturam distinctam à natura alterius. Et sic est ibi magna differentia. *Differen.* Conformiter res quæ sunt in tertio gradu conueniunt in



## *De differentia hominis ad alias res. 83*

in generali. s. in esse: vivere & sentire: sed differunt multa rerū  
tum: quia inter eas sunt infinitæ & innumerabiles species animalium: ut est declaratum ante. Nam quædam gradu.  
sunt quæ ambulant super terram: alia habitant infra  
terram: alia super aquas alia in aquis: alia in aëre. Etiam  
confidera & vide quot sunt species differentes multum:  
quot dignitates: quot nobilitates: quot superiorita-  
tes: quot differentia super naturam. In rebus autem *Omnes*  
quarti gradus in quibus est liberum arbitrium: ut sunt *homines*  
homines non est differentia sicut in aliis gradibus: *sunt eiu-*  
quoniam in tribus gradibus prædictis: & in quolibet *sdem na-*  
sunt species multum diuersæ: & intra istum quartum *tura.*  
gradum sunt species indiuidua diuersa & multa: & non  
sunt nisi vna species & natura. Nam in aliis tribus gra-  
dibus: sunt multæ species & multum diuersæ: quia  
quælibet habet suam naturam: sed in quarto gradu est  
tantum vna natura: & omnes res istius gradus sunt vnus  
naturæ: nec vnus homo est nobilior & dignior altero  
secundum naturam. nam omnes habent æqualiter libe-  
rum arbitrium per quod quartus gradus constituitur: &  
ab aliis distinguitur. Licet autem omnes homines sint *Inter ho-*  
eiusdem naturæ: tamen intra istum gradum & intra *mines*  
istam naturam humanam fiunt multi gradus & diuer- *sunt mul-*  
sitates accidentales & multæ differentia & nobilitates: *ta diffe-*  
dignitates superioritates & inferioritates. Vnde illa *rentia*  
fiunt per accidentia & per illa quæ adueniunt post na- *acciden-*  
turam & hoc per acquisitionem vel donationem. Et *tales.*  
ideo sicut in rebus secundi & tertij gradus inter quem-  
libet gradum generalem sunt multi gradus speciales:  
differentes naturaliter & secundum naturam ita infra  
quartum gradum qui non habet nisi vnā speciem: sunt  
multi gradus accidentales & differentes per accidentia  
nobiliora & minus nobilia: magis digna & minus di-  
gna: superiora & inferiora: & ergo illud quod facit  
natura in rebus: hoc facit accidens in hominibus: quæ  
sunt in quarto gradu: scilicet accidens intellectuale.  
Vnde quia homo facit quartum gradum per intellectuū  
& per liberum arbitrium. Ita prima differentia inter ho- *Homines*  
mines est nobilitas superioritas. Et iste gradus debet *differunt*  
accipi penes accidentia intellectualia: quæ adueniunt *penes no-*  
intellectui & voluntati & animæ: & non penes acciden- *bilitatem*  
tia corporalia: quæ conueniunt aliis rebus & aliis infe-  
rioribus gradibus per naturam. Et rationabile est ut

## 84 *De differentia hominis ad alias res.*

& superioritate.

Ecce accidentia quibus homines differunt.

quia res primi:secundi & tertij gradus operantur naturaliter & non voluntariè: quod distinctio nobilitatis & dignitatis fiat in eis secundum naturam. Est quia homines operantur secundum voluntatem: libertatem & intellectum: rationabile est quod distinctio nobilitatis & dignitatis: fiat in eis per accidentia liberi arbitrij quæ sunt voluntaria & intellectualia. Ipsa autem accidentia intellectualia per quæ differunt homines: & faciunt multos gradus speciales inter homines sunt ista: potestas: iurisdictio: officium: scientia: ars: virtus: sapientia: & similia quæ aliquando acquiruntur per hominem aliquando dantur à Deo liberaliter. Et quia sunt accidentia: ideo possunt perdi:& tamen qui perdit manet homo: & ideo non sunt naturalia homini licet autem sint accidentia tamen multum nobilitant hominem & dignificant & exaltant naturam humanam: & faciunt vnum hominem nobiliorem & etiam multo digniorem altero. Et sine istis natura humana esset nuda & expoliata. Et dicuntur ideo habitus vestientes ipsam naturam: propter quod dicuntur vestiri melius nobiliores ita similiter induti istis habitibus nobiliores sunt. Et simile de panno crudo nondum præparato: quia licet plures panni sint eiusdem valoris: tamen propter tincturas superadditas crescent in valore:& nobilitatur supra alterum alter. Ita in homine. Si enim natura humana est nobilissima de se super alias naturas: quantum magis ipsa per accidentia nobilissima nobilitatur: & etiam licet omnes homines sint æquales quantum ad naturam: tamen accidentia prædicta aliquibus superaddita: faciunt tales homines ascendere supra alios sicut panni propter tincturam & tales homines magis appropinquant Deo.

### T I T V L V S L X I I.

*De comparatione hominis ad alias res inferiores trium graduum penes differentiam generalem.*

**P**ostquam autem visa est ista duplex comparatio & considerata superioritate inferioritate & dignitate & nobilitate vnus gradus ad alium & vnus naturæ ad alteram: intra eundem gradum. Nunc videamus quomodo homo differt ab omnibus rebus inferioribus trium graduum: hæc est clavis & secretum totius veræ cognitionis



## *De compar. hominis ad alias res* 85

cognitionis & naturæ humanæ & totius boni. Vnde duplex est differentia hominis ad alias res : vna communis & generalis & alia specialis. Differentia communis & generalis dicitur quæ etiam reperitur inter alios gradus. Quia sicut vnus gradus differt ab altero : & vna natura ab altera : quæ est dignior & nobilior : vt arbor quam terra : & alinus quam sit arbor. Sic conformiter differt homo ab aliis gradibus per suam nobilitatem & dignitatem eo quod habet nobiliorem & digniorem naturam super alias res : & per istam differentiam dignitatis suæ bene consideratam cognoscimus quod homo habet maximam dignitatem naturalem inter omnes res quas videmus : habet enim dignitatem liberi arbitrij ita quod habet rationem per quam iudicat : intelligit & discernit omnia : & habet voluntatem liberam & naturalem libertatem : ita quod non potest cogi sed operatur ex libertate & non ex necessitate. Et ideò quia homo habet istam dignitatem super alias res : habet duas excellentias naturales super alias res. Primò præest præfici-  
citur & præponitur omnibus aliis rebus trium graduum : vt brutis : auibus : piscibus : arboribus & cæteris. Et ideò quia homo habet dominium super omnia inferiora : & omnibus dominatur ex dignitate liberi arbitrij : nullæ creatæ rei subiicitur quia talis est dignitas liberi arbitrij. Et ista est maior nobilitas : dignitas & excellentia naturalis quæ possit esse in rebus : nec aliqua dignitas naturalis poterit esse superior : & ideò non potest esse ascensus super hanc dignitatem in natura. Et ista dignitas non potest cognosci nisi per comparationem ad eius oppositum quod reperitur in aliis rebus. Quoniam omnes aliæ res inferiores trium graduum sunt inferiores homine & operantur ex necessitate. Nam elementa quæ sunt in primo gradu omni die producant ex necessitate arbores herbas & alia quæ ex ipsis infra terram & supra eam nascuntur : & ipsæ arbores & herbæ quæ sunt à secundo gradu producant quotidie ex se frondes, flores, folia vel fructus. Res verò tertij gradus vt sunt animalia producant ex impetu naturæ : & faciunt hoc ex impetu quod faciunt nec possunt facere nec habent potestatem faciendi aliud. Et ideò omnes dicuntur naturaliter siue coactè facere id quod faciunt. Solus autem homo operatur liberè. Et ideò dignitas sola liberi arbitrij separat hominem ab aliis rebus inferioribus

*Duplex  
differentia ho-  
minis ad  
alias res.*

*Homo  
præest  
cæteris.*



## 86 De differentia hominis ad alias res.

bus : ideo homo dicitur sedere super omnes res inferiores.

### T I T V L V S L X I I I .

*Quod in ista differentia hominis ad alias res fundatur  
una regula homini certissima qua est fundamentum  
firmissimum ad cognoscendum sine difficultate  
omnia necessaria de Deo.*

*Homo  
pra aliis  
intelli-  
git.*

**Q**uoniam autem homo habet super animalia bruta & alias res inferiores intellectum & voluntatem. Considerandum quid & quantum potest homo plus per suum intellectum ad suam voluntatem quam animalia nec aliae res possunt : ut clarius differentia cognoscatur : unde homo per intellectum potest intelligere verba sermones & sententias & percipit significata dictionum & sermonum & hoc non faciunt alia animalia : quia solum audiunt sonum verborum sed significationem & sententias non possunt intelligere : sed homo audit & intelligit & reuoluit significationem verborum & sermonum : & hoc est primum intelligere hominis : & per hoc homo maxime separatur ab animalibus : & ascendit super illa : ita quod ista est prima operatio intellectus. De secunda autem operatione intellectus dicetur infra titu. lxxv. & est quaedam porta ad omnia alia & hoc est maximum & dignitas magna : sed homini non videtur per quod posse hoc facere sit magnum : immo apparet sibi quod nihil sit & causa est : quia non comparat seipsum per differentiam ad animalia quae non possunt hoc facere. Ideo si homo vult clare videre si illa quae habet sint magna & magnae dignitatis : compareret seipsum ad inferiora animalia bruta quae non habent hoc. Et hoc est totum secretum & clavis totius cognitionis hominis de seipso : & nisi faciat hoc nunquam cognoscet seipsum : nec contentabitur de Deo : & si hoc facit & continue facit : & tunc continue magis cognoscit seipsum : & per experientiam videbit quod magna sunt illa quae accepit ultra animalia : & gaudebit & relinquet extra se omnia alia : & erit semper contentus de suo creatore : & hoc sit praeceptum omnibus hominibus. Nam homo factus est magnus super alia animalia : quia accepit quod potest intelligere : & percipere sententias & verborum significationes ultra sonum : & quod potest reuoluere in corde

*De differentia hom. ad alias res. 87*

corde suo diuersas sententias & significationes : & non solum hoc : sed potest ascendere de vna sententia ad aliam : & de vna cogitatione ad aliam : & de minore ad maiorem : quia potest intelligere quod est magna potestas facere de aliquo aliquid : & est maior facere de nihilo aliquid : immò est maxima potestas : immò hoc potest homo reuoluere intra se : ac etiam discutere de vna ad aliam quod facere non possunt alia animalia : & quia quicquid homo habet dignitatis & potestatis totum accepit & totum sibi datum est à suo Creatore : & ille idem qui dedit esse solum & non viuere rebus primi gradus. Et esse viuere & non sentire rebus secundi gradus. Et esse viuere sentire & non intelligere rebus tertij gradus. Ille inquam dedit homini esse viuere sentire & superaddit intelligere & velle cogitare & quicquid homo potest vltra animalia. Et quia creatura non potest ascendere supra suum Creatorem. Ideò impossibile est quod homo per suum intelligere & cogitare ascendit supra Deum qui creauit esse : & etiam qui eum creauit : dedit & omnia ista. Ergò impossibile est quod intelligere cogitare & desiderare ipsius hominis possit esse maius & altius quàm ille qui dedit ista homini. Sequitur ergò quod homo non potest intelligere neque cogitare in corde suo neque desiderare quod maius est & melius suo conditore. Aliter homo esset maior cogitando quàm suus conditor existendo : & esset aliquid maius in creatura quàm in Creatore : quia ipsa cogitatio sic existens in corde creaturæ esset aliquid maius suo Creatore : quia quod cognoscitur est in corde : & hoc est absurdum valdè. Quomodò enim Creator tribuisset hoc suæ creaturæ vt creatura maius quàm ipse sit posset cogitare vel desiderare maius vel melius ipso hoc natura non sustinet : & quia intelligere & cogitare desiderare & velle hominis potest crescere in infinitum ad modum numerorum qui non habent terminum neque finem : quia intellecto & cogitato quolibet & quocunque finito adhuc potest ascendere cogitando & intelligendo & cogitare & desiderare maius & melius. Ergò postquàm ista potestas data est homini per suum intelligere & velle : & non aliis rebus : sequitur quod ille qui dedit homini hanc potestatem est infinitus & sine mensura. Et ista differentia hominis ad alias res per potestatem intelligendi & cogitandi & desiderandi :

*Intelligere hominis est infra Deum.*



## 88 *De differentia hom. ad alias res.*

*Quid sit  
Deus.*

extrahitur vna regula infallibilis de Deo quæ est fundamentum & radix ad probandum & cognoscendum certissimè & sine labore omnia de Deo. Et iste modus cognoscendi est propinquissimus homini : quia ex propria cogitatione & ex proprio intelligere potest probare omnia de Deo : nec oportet quod quærat alia exempla : extra se nec aliquod testimonium quàm seipsum. Regula autem quæ radicatur in homine est ista : quod Deus est quo nihil maius cogitari potest vel Deus est maius quod cogitari potest. Et ideò sequitur quod Deus est quicquid melius cogitari potest : & quicquid melius est esse quàm non esse. Quicquid ergò potest homo cogitare perfectissimum : optimum : dignissimum : nobilissimum : & altissimum : hoc est Deus. Quæcunque ergò potest homo cogitare meliora : nobiliora , &c illa potest Deo attribuere. Et in ista regula fundatur tota scientia & cognitio de Deo certissima.

### T I T V L V S L X I I I I.

*Sequitur modus & practica istius regula ad probandum per ipsam omnia de Deo.*

*Deus est.*

*Deus est  
unum  
esse.*

*Esse Dei  
est æter-  
num.*

ET quia ista regula se extendit ad omnia quæ de Deo edicuntur : & oritur ex nobis & natura hominis : ideò vtile & desiderabile est videre practicam eiusdem & fundare omnia in homine. Quoniam autem melius est esse quàm non esse : ideò esse attribuitur Deo : & dicitur de Deo. & ideò Deus non potest cogitari non esse. Et quia maius est esse non acceptum : nec productum de non esse quàm esse acceptum & productum de non esse : & hoc potest cogitari : ideò esse Dei non est acceptum nec productum de non esse. Et quia maius est quod Deus est suum esse : quàm si non esset : ideò necessario Deus est suum esse postquam hoc potest cogitari quod hoc est maius. Similiter quia maius est esse æternum sine principio & sine fine : quàm non æternum : ideò necessario Dei esse est æternum. Vnde possum cogitare esse quod habet principium & finem : & esse quod habet principium & non finem : & hoc est maius quàm primum : & possum cogitare esse quod caret principio & fine : & hoc est maximum quia non possum cogitare maius nec plus : ideò Deus necessario est tale esse : & sic est infinitus & habet esse infinitum : quia Deus est maius



maius quod cogitari potest : & quo nihil potest cogitari maius : & quicquid melius est esse quàm non esse. Item sequitur quod Deus est summum esse omnium quod solum existens per seipsum : omnia alia fecit ex nihilo : quia si non habebat hoc : iam non esset maius quod cogitari possit : quia hoc cogitari posset : quod esset absurdissimum : Item sequitur quod Deus est omne esse : ergò est iustus : verax : beatus : viuens : intelligens : quia melius est esse bonum quàm non bonum : & iustum quàm non iustum : & veracem quàm non veracem : & beatum quàm non beatum : & viuentem quàm non viuentem ac intelligentem. Et quia maius est melius est esse ipsam bonitatem quàm bonum : & iustitiam quàm iustum : & vitam quàm viuentem : & sapientiam quàm sapientem : & ipsam veritatem quàm verum : & sic de omnibus aliis ideò necessario ipse Deus est ipsa bonitas : ipsa iustitia ipsa sapientia : ipsa vita ipsa veritas. Vtèrius quia melius est esse indiuisibilem quàm diuisibilem : quia diuisibile potest faciliter dissolui : & sic potest destrui & annihilari : & simplicem quàm compositum : ideò Deus necessario habet esse indiuisibile : summe simplex : summe vnum : ideò est ipsa vnitas & ipsa simplicitas nihil habens compositum : quia compositum stat ex partibus quæ possunt separari & sic compositum potest annihilari. Ideò bonitas sapientia : vita : veritas & similia non sunt partes : sed sunt vnum quodlibet & totum quod est Deus : & quoniam Deus non habet partes quoniam quicquid est ex partibus iunctum hoc est vere & omnino vnum : sed quodammodo plura : quia omne diuisum à seipso dissolui potest actu vel intellectu : quæ omnia aliena sunt à Deo quia nihil melius excogitari potest eo. Item omne quod nullo loco clauditur aut tempore maius est quàm illud quod loco clauditur & tempore : quoniam autem nihil maius est Deo nec cogitari potest maius Deo : ergò sequitur quod Deus neque loco neque tempore claudi potest : nec potest cogi esse in aliquo loco. Item possum cogitare quod vna res sit semel & simul in vno loco solum : sed maius esset si simul & semel in diuersis & pluribus locis esset : & adhuc maius esset si tota simul & semel in omnibus locis esset & extra omnem locum. Ergò quia hoc est maius : & ego possum cogitare & intelligere quod hoc est maius ergò Deus

*Esse Dei  
est infinitum.*

*Esse Dei  
est summum.*

*Deus est  
omne esse.*

*Deus est  
sua bonitas.*

*Deus habet esse  
indiuisibile.*

*Deus loco  
non clauditur.*

*Deus est  
ubique.*

*Deus  
omnia  
potest.*

est simul & semel in omnibus locis : & extra omnem locum. Item sequitur ex dicta regula quod Deus plura potest facere quæ nullus homo potest intelligere : & hoc est maius quàm si solum potest facere quod homo potest intelligere & ego possum cogitare quod Deus multa potest facere quæ homo non potest intelligere : quia si hoc non esset tunc non esset maius quàm illud quod homo potest intelligere. Et per istam regulam homo potest certitudinaliter attribuire Deo sine dubitatione infinitas proprietates & dignitates per quas habebit magnam consolationem & gaudium. Et hoc per istum modum dicendi. Deus est ita bonus quod non potest cogitari melior : Deus est ita benignus : pius, mansuetus : iustus : potens, &c. quod non potest cogitari ultra. Et conformiter dicemus de scientia : fortitudine : amore : gaudio : beatitudine : communicatione : gloria : honore : retributione : & sic de aliis. Et indè poteris addere quæ Deo non conueniunt, scilicet odium vt Deus odit mendacium : vitium superbiæ : luxuriæ : dolum : fraudem : & sic de aliis : intantum vt non possit maius cogitari. Similiter Deus diligit charitatem : mundiciam : humilitatem : obedientiam : timorem : verecundiam : & similia intantum vt non possit maius cogitari. Si autem addas cuilibet istorum duo adiectiua, scil. æternum & infinitum multum consolaberis : vt si dicas : Deus est æterna & infinita bonitas : infinita pietas : & sic de aliis. Et sic isto modo multiplicando habetis magnam notitiam de Deo & consolationem. Item per istam regulam potest etiam ostendi summa & æterna Trinitas in Deo : quia oportet quod in Deo sit tota productio : & talis quod non possit cogitari maior : & tanta communitate quod non possit cogitari maior. Item oportet quod in Deo sit productio infinitæ personæ : & ita nobilis sicut ipse est de substantia propria : aliter non esset summa productio : immò posset cogitari maior : & quod sit communicatio infinita actu : ideò oportet quod de totam substantiam suam infinitam alteri aliter non esset maior quam cogitari possit : sed oportet quod in eo sit productio per modum naturæ : & per modum voluntatis & amoris. Et ideò oportet quod sit duplex productio in Deo de ipsa substantia diuina : & sint duæ personæ productæ æquales : aliter aliquid deficeret Deo & posset cogitari maius ipso quod est impossibile. Ecce ergò

*Quomo-  
do cog-  
noscitur  
Trini-  
tas.*



ergò qualiter homo ex vnitae & magnitudine cogitationis suae : & sui intellectus & ex propria & intrinseca operatione sibi certissima : potest certitudinaliter cognoscere qualis & quantus sit suus conditor qui ipsum creauit ex nihilo : quoniam necessario habet dicere & non potest negare quod suus conditor est id quo non potest maior cogitari : & per consequens est id quod maius potest cogitari : & ideo est quicquid est melius esse quàm non esse. Item non solum necessario hoc habet dicere : immò tenetur facere attribuere & dare de iure naturæ suo conditori quicquid nobilitatis dignitatis & magnitudinis & potestatis & excellentiæ & bonitatis potest cogitari & tenetur affirmare de ipso. Quoniam sicut conditor suus magnificauit ipsum hominem super omnes mundi creaturas sua libertate. Ita homo tenetur de iure naturæ in quantum poterit magnificare : dignificare : & exaltare suum conditorem. Ideò tenetur sibi attribuere & dare quicquid magnum & bonum potest in corde cogitare & facere eum maiorem quantum poterit cum acceperit ab eo posse & cogitare. Aliter homo esset conditoris sui inimicus capitalis quia homo cum his quæ conditor suus ei dedit & est contra ipsum & ipsum diminuit & inferiorem facit quantum in eo est cum posset ipsum facere supremum. Ideò esset malus & peruersus & contra totum ordinem creaturarum : si non faceret ipsum maiorem in quantum posset cum eis quæ accepit attribuendo sibi quicquid maius aut melius est. Vnde si conditor hominis ascendat ad vnum gradum supra hominem : non est mirum vt homo qui est creatus ascendit vsque ad supremum cogitando : & etiam desiderando per virtutem sibi datam à Deo : quod conditor suus habeat vltra vnum gradum & ascendat in infinitum existendo. Et istum gradum debet homo attribuere suo conditori vt præponat eum omnibus modis supra se : quia maius est esse infinitum in existendo quàm in intelligendo & cogitando. Et ideo illud quo maius cogitari non potest in solo intellectu & cogitatione minus est quàm dicere aliquid quod potest cogitari in intellectu & etiam sic esse in re quia si dicatur quod sit in solo intellectu & non in re. Tunc illud quod maius cogitari non potest est illud quod maius cogitari potest : quod est impossibile Ergò homo habet necesse affirmare & concedere quod illud quo

*Homo de iure naturæ tenetur Deo attribueret omnem excellentiam.*



quo maius vel magis cogitari non potest in intellectu  
& in re existens realiter.

## T I T V L V S L X V.

*Hic ponitur regula & ars affirmandi & negandi omnia  
necessaria homini in quantum homo est. Et ista fun-  
dantur in secunda operatione intellectus quæ est com-  
ponere & diuidere & affirmare vel negare.*

**C**um autem homo habeat intellectum ultra anima-  
lia alia & alias res. Ideo per intellectum & eius  
operationes & officia: differt ab aliis rebus inferiori-  
bus: & visa est vna potestas ipsius intellectus & vna o-  
peratio quæ est apprehendere ultra sonum significata  
verborum & sermonum & ista erit prima & porta in do-  
mum. De ista satis dictum est in præcedentibus. Et in  
ista etiam operatione fundata est vna regula quæ posita  
est supra ti. lxiiij. in fi. Ex qua sequitur vna alia operatio  
seu officium ipsius intellectus quæ est nobilior per quã  
homo magis adhuc differt à brutis scilicet affirmare  
& negare. Vnde nulla res inferior homine potest affir-  
mare: vel negare hoc autem est officium solius intel-  
lectus: & quia dum homo affirmat aliquid recipit illud:  
& dicitur esse receptum dum est affirmatum quia per  
affirmare omnia intrant intellectum: & per negare re-  
futatur & dum intellectus affirmavit & concessit vnum  
iam recepit illud: & tenetur & obligatur est de neces-  
sitate: ad affirmandum & concedendum omnia quæ  
sunt ligata & coniuncta cū primo affirmato & concesso  
quæ sequuntur ad aliud. Similiter est de negatione. Et  
ideo affirmare vel negare affirmant & ligant ipsum in-  
tellectum: & ideo maximum periculum est affirmare  
vel negare hoc in illis rebus quæ tangunt bonum vel  
malum hominis in quantum homo est: & quandoque  
homo affirmat hoc quod falsum & malum suum: &  
ad suam destructionem: & negat illud quod est verum  
& bonum suum & ad suam saluationem. Ideo valde  
utile est & necessariū cuilibet homini habere artē affir-  
mandi vel negandi: vt homo sciat quid debeat affir-  
mare vel negare: seu concedere vel refutare: & sic fit  
certus & non dubius. Non quidem vt habeat artem  
affirmandi vel negandi omnia: sed solum quæ pertinent  
ad hominem in quantum homo est. Si enim homo ha-  
bet

## *De naturali obligatione hominis. 93*

bet artem scribendi : loquendi & dictandi multo magis habere deberet artem affirmandi & negandi quæ magis pertinent ad hominem in quantum homo est : & in quibus est periculum maximum de perditione hominis. Ideo dabitur hæc ars & regula affirmandi & negandi quæ magis pertinent ad hominem in quantum homo est & maxime illarum quæ sunt supra naturam & intellectum & supra hominem non quidem quod homo propter hoc de facto concedat & affirmet : & recipiat & credat : sed quod cognoscat debitum & obligationem affirmandi & credendi ita quod quilibet homo videbit se esse obligatum de iure naturæ : & teneri ad affirmandum & credendum : quamvis de facto non affirmet & credat. Aliud est enim cognoscere & videre se obligatum esse ad faciendum aliquid & aliud est facere de facto illud : quia non propter hoc facit quamvis se cognoscat obligatum ad faciendum illud sicut homo potest cognoscere & videre se obligatum de iure naturæ ad credendum & affirmandum aliquid & tamen non propter hoc affirmabit nec credet. Vnde regula potest poni quod quando aliquid probatur de homine pertinens ad operationes hominis in quantum homo est concluditur quod debet vel tenetur vel obligatur hoc facere ratione & non coacte quia si esset obligatus de necessitate tunc non posset in contrarium nec haberet liberum arbitrium. Et etiam dicitur quod homo tenetur hoc & hoc facere : & tamen non sequitur quod facit hoc & hoc. Et ideo concluditur de facto hominis scilicet quod tenetur per modum obligationis & debiti : quia ex ratione tenetur facere & non per modum facti. Et hoc est ideo quia homo est Dominus suorum operum. In rebus autem secundi & tertij gradus concluditur quod res illorum faciunt ex necessitate id quod faciunt. Ideo sufficit ostendere & probare homini : debitum suum & obligationem suam naturalem. Et quia ista scientia est de homine in quantum homo est. Ideo debemus hic probare debitum & obligationem hominis in quantum homo est : ad quid tenetur : & quid debet facere hoc autem est scientia de homine. Non autem oportet probare quod homo est : quia hoc notum est : nec quod vivit : sentit & intelligit : quia hoc per experimentum notum est. Sed nondum notum est per se qualis debet esse homo & tenetur esse : & quid

*Homo  
naturaliter  
obligatur  
ad affirmandum  
& credendum.*



## 94 *De naturali obligatione hominis.*

quid debet tenetur facere. Et ideo in partibus præcedentibus: per illa quæ nota erant per experientiam de homine & de aliis rebus: vt quia notum erat hominem esse:viuere:sentire:& intelligere:& alias res primi secundi: & tertij gradus vel esse tantum vel viuere tantum, &c. probatum fuit Deum esse: & qualis debebat esse:& quantus: & quod necessario semper talis erat & tantus: & qualis necessario & quantus debebat esse. Et ideo tota scientia de præteritis fuit magis de Deo quam de homine: sed tota pars sequens erit magis de homine quam de Deo & hoc fiet per comparationem ad alias res: aliquando per differentiam aliquando per conuenientiam quandoque per ambo simul: & aliquando per comparationem hominis ad Deum vel Dei ad hominē: & quandoque per comparationē hominis ad hominem. Quoniam autem homo vt homo: habet intellectum & voluntatem cum libertate: & per hoc est homo & differt á brutis & alijs rebus inferioribus. Ideo omnia quæ concludentur & probabuntur de homine inquantum homo est:concludentur vel ratione intellectus:tantum vel ratione voluntatis & libertatis tantum:vel ratione vtriusque in simul. Quia quicquid tenetur homo & facere & deber: inquantum homo vel pertinet ad intellectum:vel ad voluntatem vel ad vtrumque simul: & etiam quicquid ei conuenit inquantum homo: conuenit ei ratione illorum. Et quia intellectui conuenit ei affirmare vel negare: quia hoc est suum officium. Ideo probemus quid ei tenetur homo:vel ad quid obligatur de iure naturæ affirmare vel negare.

### T I T V L V S L V I.

*Hic ponitur fundamentum omnium sequentium.*

**Q**Voniam autem ars in quo tota ista ars affirmandi seu credendi stat est hæc scilicet quod omnis res debet & tenetur vti his quæ habet ad suam utilitatē & suum bonum & melius:& ad augmentum bonum sui: & hoc inquantum potest:& nulla res debet vti his quæ habet contra seipsam: & ad propriam destructionem & annihilationem suæ utilitatis & boni:quinimmo debet suam naturam cōseruare debet exaltare & dignificare & desinere omnia illa & expellere quæ ipsam nituntur destruere & minorare. Hoc autem manifestum est quod quælibet



## *De naturali obligatione hominis. 95*

quælibet res habet id quod habet ad sui conseruationem & vtilitatem: & non ad suum proprium damnum & malum: & cuiuslibet rei data sunt omnia quæ habet propter bonum suum & non propter malum: vt quælibet res acquirat suam perfectionem: suum bonum & suum complementum & non suam destructionem & suum malum nec faceret aliquid contra seipsam hoc autem videmus per experientiam in rebus primi secundi & tertij gradus ( vt verbi gratia in elementis. ) Nam quodlibet multiplicat seipsum: & auget se in quantum potest & destruit suum contrarium: & nunquam facit aliquid contra seipsum: nec contra suam naturam sed trahit oleum in ligno & seipsum in candela vt viuat & conseruetur in esse. Item videmus in arboribus & plantis: quomodo attrahunt alimentum ad suam vtilitatem: & attrahunt id quod est conueniens eis: & nunquam disconueniens confirmant suas radices in terra vt viuant & nutriantur: & profundunt radices ita vt firmitus stent: & multiplicant suam naturam in quantum possunt: vt durent. Similiter faciunt animalia iuxta suam naturam. Cum autem homo sit de numero rerum: & sit res naturalis de quarto & de nobiliori gradu tenetur & obligatur de iure naturæ: vti omnibus quæ habet in se & quæ sibi data sunt ad sui vtilitatem & ad suum bonum & ad augmentum suum & suam meliorationem: & hoc quantum potest. Et nullo modo debet vti his quæ sunt contra seipsum: & ad destructionem sui ipsius: & minorationem & annihilationem quia aliter esset contra ordinem vniuersi & omnia creaturarum: & esset deuiatus à toto ordine rerum. Ex isto fundamento firmissimo per omnes creaturas confirmato: sequitur de necessitate: quod cum homo habeat intellectum & voluntatem ultra alia animalia: & per illam differat ab eis & est homo: quod debet: tenetur & obligatur de iure naturæ vti suo intellectu & sua voluntate ad suum bonum: & ad suam vtilitatem scilicet ad suum gaudium & lætitiā: ad maiorem spem: consolationem: pacem: quietem & confidentiam & contra damnum malum tristitiā desperationem: & contra omnia aduersa. Vnde cum homo debeat per suum intellectum & voluntatem acquirere totum suum bonum: & totam suam perfectionem: dignitatem & nobilitatem in quantum homo est idè ipse non debet vti illis contra seipsum

*Homo de iure tenetur vti datis sibi ad vtilitatem.*  
*Homo de iure tenetur vt intellectu & voluntate ad bonum.*

## 96 *De naturali obligatione hominis.*

psum : & ad suam destructionem & contra hominem :  
Sed pro homine.

### T I T V L V S    L X V I I .

*Hic ponitur conclusio in qua concluditur regula &  
ars affirmandi & negandi.*

*Homo  
naturaliter te-  
netur re-  
cipere  
quod est  
sibi ma-  
gis utile.*

**Q**Voniam autem ad intellectum pertinet affirmare  
& negare : credere & denegare : & est actus secun-  
dus qui sequitur post cogitare : qui etiam est in duas  
partes diuisus oppositas : quia affirmare & negare sunt  
opposita. Et hoc est propter hoc : quia omne quod co-  
gitatur & dicitur : habet suum oppositum sibi repug-  
nans & contradictorium : quæ simul non possunt esse  
sed necessario illud quod cogitatur & dicitur esse est  
verum vel non verum : ideò homo debet vnum affir-  
mare : & aliud negare & vnam partem recipere & admit-  
tere tanquam veram : & aliam repellere tanquam fal-  
sam. Et sic concluditur quod homo de iure naturæ de-  
bet & tenetur affirmare credere & recipere illam par-  
tem : tanquam quæ magis est ad eius utilitatem ad eius  
bonum & meliorationem : perfectionem dignitatem :  
& exaltationem : inquamtum homo est : & per quem ge-  
neratur in homine gaudium : & lætitia & consolatio :  
spes : confidentia : securitas : & fugatur tristitia : despe-  
ratio ab ipso homine : & per consequens sequitur quod  
debet affirmare illam partem tanquam veram quæ ma-  
gis est amabilis : desiderabilis de se & de sua natura : &  
quæ magis habet de esse & de bono : & aliam partem  
oppositam tenetur negare tanquam falsam & à se fuga-  
re tanquam inimicam sibi. Si autem homo facit oppo-  
situm : tunc utitur intellectu suo contra seipsum : & con-  
tra hominem : & contra suum bonum & ad suum dam-  
num & desperationem : & tunc facit contra totum or-  
dinem rerum : quia quælibet res inferior homine uti-  
tur his quæ sunt ad suum bonum : & homo faciendo  
alio modo utitur ad suum damnum & destructionem  
suo intellectu & voluntate : & ideò facit contra cursum  
naturæ & omnium rerum & contra hominem : ideò tunc  
non debet dici homo : quia facit contra hominem &  
habet intellectum deuiatum & corruptum. Et quamuis  
non intelligat quomodo fieri potest : nec quomodo po-  
test esse verum : non est excusatus quin teneatur affir-  
mare



mare & credere. Et si aliquis dicat : quare tu affirmas *Homo te.*  
 & credis illud quod non intelligis : quia forsitan est *netur*  
 falsum , ad hoc respondetur quod excusatur per hoc : *credere*  
 quia credit ad suum bonum & ad suam vtilitatem : quia *id quod*  
 hoc tenetur facere naturaliter & de iure naturæ : & qui *est sibi*  
 facit secundum suam naturam facit id quod debet : & *magis v-*  
 qui facit id quod debet excusatus est. Neque intellectus *tile etiã*  
 potest in hoc errare : postquam credit illud & affirmat *si non in-*  
 quod est sibi maximum bonum & oppositum eius est *telligit*  
 priuatio sui boni : quia tunc facit maximum bonum *quomodo*  
 sibi ipsi : & suæ voluntati. Et hoc tenetur facere : quia in- *est.*  
 tellectus factus est & datus homini ad ipsius vtilitatem  
 & non contra se. Et quia melius est homini sine compa-  
 ratione affirmare & credere partem quæ est pro seipso  
 & pro bono suo : quàm affirmare oppositum : quia hoc  
 tenetur facere : quia quælibet res tenetur facere quod  
 est melius pro se : & sufficit homini ad videndum & ad  
 cognoscendum certitudinaliter quod affirmare & cre-  
 dere debet licet non intelligit quomodo est. Si enim ho-  
 mo affirmet & credat partem oppositam quæ est priua-  
 tio sui boni tunc recipit in seipso inimicum suum : &  
 illud quod intra se est expellit & fugat amicum suum  
 & illud quod est pro se : & ideo est peruersus valde &  
 maximus inimicus : & aduersarius suis ipsius & nocens si-  
 bi ipsi & nulli proficiens : & sic est reprehensibilis & ab  
 omni creatura merito condemnatur. Et ideo est stul-  
 tissimus & sine sensu. Et istud est certissimum signum  
 & argumentum : quod si aliquis homo ita faciat : &  
 nolit credere & affirmare quod melius est pro se : quod  
 ipse possidetur ab inimico suo mortali : qui dominatur  
 intellectui suo : & tenet ipsum ligatum & vinculatum  
 & non possit uti ipso intellectu nec officio eius affirmã-  
 do & credendo ad suam vtilitatem : sed ad suum damnũ  
 & contra seipsum & contra totum ordinem vniuersi &  
 omnium creaturarum. Et talis homo est sicut ille qui  
 habet stomachum corruptum plenum malis humoribus  
 qui non potest recipere aliquem cibum bonum sed  
 statim euomit. Sic talis intellectus & talis hominis vo-  
 luntas : non potest recipere illud quod est bonum &  
 melius credendo : quia est corruptio in eis. Ecce igitur  
 conclusio : ars & regula ac debitum affirmandi & ne-  
 gandi in his quæ pertinent ad hominem in quantum  
 homo est cui concordet tota natura.

*Qui non  
vult cre-  
dere :  
quod me-  
lius est  
pro se  
posside-  
tur ab  
inimico  
suo.*



*Sequitur modus & practica utendi prædicta arte regula  
qua probatur quod tota fides christiana est affirmanda  
& credenda : & quod omnis homo de iure natura te-  
netur credere : & obligatur eam tenere & affirmare.*

**V**T autem prædicta magis elucescant : declaremus  
per practicam & per exemplā. Modus autem exer-  
cendi est iste: quod si alicui proponatur aliquid ad affir-  
mandum vel negandum : quod possit intelligi per ra-  
tionem : statim debet accipere eius oppositum contra-  
dictorium & facere duas partes oppositas: quas impossi-  
bile est simul esse veras nec falsas : sed de necessitate  
oportet solum vnam partem esse veram & aliam falsam:  
& tunc si vult cognoscere : quam partem tenetur &  
debet affirmare & credere : cum tantum possibile est  
vnam partem esse veram : debet comparare ambas par-  
tes inter se : & postea ad hominem & ex ista compara-  
tione videbit quæ pars est magis amabilis : & desidera-  
bilis de se : & quæ pars magis cum eo : & cum maiori  
esse & maiori bono. Et dum comparabit ambas par-  
tes ad hominem videbit quæ illarum partium est bo-  
num hominis , vel quæ est priuatio boni hominis  
vel quæ erit ad maius bonum hominis. scil. ad maius  
gaudium consolationem & securitatem: & sic de aliis.  
& sic statim apparebit quæ pars est pro homine: & quæ  
est contra hominem : vel quæ est magis pro homine : &  
tunc facto isto discursu : statim debet affirmare & cre-  
dere illam partem quæ est pro homine : vel quæ magis  
est pro homine. Vel quæ est contra hominem : & quæ  
minus pro homine negare & refutare. Quia postquam  
vna sola possit affirmari & credi : & non simul ambæ:  
debet illa affirmari & credi quæ est pro homine : & non  
illa quæ est contra hominem: vt verbi gratia. Illa pro-  
ponatur Deus est. Fiant statim duæ partes oppositæ:  
scilicet Deum esse : & Deum non esse. & comparentur  
istæ duæ partes inter se: & videamus quæ conuenit cum  
esse & cum bono & cum maiori esse : & quæ non. Ista  
pars Deum esse: quæ ponit infinitum esse : & infinitum  
bonum : quo maius cogitari non potest: quia Deum esse  
significat hoc : & alia opposita. scil. Deum non esse pri-  
uatur infinito esse & infinito bono. Maxima ergo diffe-  
rentia

*Quod  
Deū esse  
est cre-  
dendum.*

*De naturali obligatione hominis. 99*

rentia est inter infinitum esse & infinitum bonum & inter infinitum malum. Vltcrius videamus quæ istarum est ad bonum hominis : vel Deum esse vel Deum non esse. Nonne ista pars Deum esse. Quia ex ista parte Deum esse:sequitur maximum bonum homini, scilicet, gaudium:consolatio:spes; & fiducia. Et sic melius est homini Deum esse quam Deum non esse: quia ex ista parte Deum esse, sequitur maximum bonum homini. sc. gaudium: consolatio:spes:& fiducia. Et sic melius est homini Deum esse quam Deum non esse: quia ex ista parte Deum non esse: malum & non bonum sequitur homini. Ergo homo tenetur de iure naturæ affirmare & credere istam partem: Deus est: & recipere in seipso tanquam magis amabilem & desiderabilem in se & meliorem & vtiliorem sibi & non aliam nullo modo amabilem: nec desiderabilem in se nec bonam nec vtilem homini: immo priuantem bonum suum: ideo odibilem. Aliter vteretur homo intellectu suo ad malum suum & contra seipsum quod non conuenit homini in quantum homo est. Quale enim bonum poterit sibi dare ista Deus non est. Qualis fructus potest sequi ex ista. Et quare homo vult se iungere parti sterili & sine fructu: quæ priuat suum bonum. Quare vult illi dare locum in corde suo:& dare sibi fidem. Nonne melius est se iungere & habere fidem cum parte fructuosa quæ ponit suum bonum. Nonne melius est sibi dare locum & fidem suam. Si enim homo societ se cum ista parte Deus est:& recipit eam in intellectu suo credendo affirmando & adhaerendo: vt plantet eam in se: ecce quanta bona sequuntur ex hoc. Nam intellectus efficitur exaltatus ac nobilior: excellentior:& dignior & recipit magnum incrementum & ascensum perfectiorem: & vadit de non esse ad esse eo quod coniungit se cum parte magis amabili: & quæ magis conuenit cum esse & cum bono: & recipit influentiam ab eo: quia intellectus efficitur illius nobilitatis & dignitatis & perfectionis quale est illud quod credit. Ideo debet se totum dare parti nobiliori & perfectiori. Si autem societ se cum parte opposita quæ est: Deum non esse tunc intellectus efficitur prauus & tendit ad nihil & ad non esse & ad mala infinita. Quare concluditur quod homo de iure naturæ tenetur & obligatur affirmare istam partem: Deus est: & aliam partem ei oppositam negare &



## 100 *De naturali obligatione hominis.*

refutare Deus non est. Et hoc dicitur omnis creatura homini quod hoc debet facere. Sed ulterius sequitur quod verum est: Deum esse: quia postquam homo de iure naturæ tenetur & obligatur hoc credere & affirmare: & natura non mentitur: ergo sequitur quod hoc est affirmabile & credibile & verum quia homo non obligatur naturaliter ad falsum: sed obligatur naturaliter ad verum: ergo sequitur Deum esse. Secundo concluditur quod hoc est verum: ex tali debito naturæ: quia in natura nullum falsum est: nec est obligatio naturalis ad falsum. Ecce ergo modum & practicam trahendi homines non credentes ad credendum & ad affirmandum illa quæ non intelligunt per rationem: & per istum modum intellectus roboratur & confortatur ut firmitus credat.

### T I T V L V S L X I X.

#### *Aliud exemplum de unitate Dei.*

*T. lxviij.* **V**lterius vnde magis ars videatur, ponatur exemplum. Si enim tantum vnus Deus statim fiant duæ partes ut dictum est & sunt istæ: Deum esse tantum *Tantum* vnum & Deum non esse tantum vnum: sed plures de *vnum* necessitate ergo earum vna est vera tantum & non am- *esse Deū* bæ. Ut ergo cognoscamus quam partem debeamus af- *est cre-* *dendum.* firmare & credere: comparemus istam partem Deus est *T. lxviij.* tantum vnus ad aliam sibi oppositam: & postea ad hominem & tandem processum faciamus sicut in alio exemplo. Vnde statim apparebit quod ista: Deus tantum est vnus: est magis amabilis quam ista plures dii sunt: quia ista magis conuenit cum bono hominis. Nam vide quanta mala sequerentur ad istam: plures sunt dii separati & diuisi inter se: per voluntatem & substantiam potestatem & sapientiam. Nam si sint plures: quilibet habebit suam propriam voluntatem & per consequens poterit esse diuisio & discordia inter eos & quilibet diligeret honorem proprium: tunc homo esset in magna tribulatione & pœna: immo totum vniuersum destrueretur ex eorum discordia & etiam homo nunquam esset securus neque in quiete: nec pace immo natura non posset pati duos Dominos nec duos Deos: sed si tantum est vnus Dominus & Deus: vitantur multa mala & sequuntur infinita bona. Et sic bonum est homini esse tantum



## *De naturali obligatione hominis. 101*

tantum vnum Deum & Dominum. Et esse plures Deos seu Dominos & valde malum immo pessimum homini & est contra hominem. Et ideo homo debet credere & affirmare istam partem: scilicet esse vnum & singularem Dominum & Deum & debet negare aliam partem. Tunc ulterius sequitur quod verum est quod est tantum vnus solus Dominus & Deus ex obligatione: vt supra in prædicto exemplo.

### **T I T V L V S   L X X.**

#### *De productione diuina inter se.*

**I**tem si proponatur vltra hoc si Deus produxit filium: de natura sua sibi summe æqualem vel si in Deo non est productio de propria substantia & natura. Certe magis est amabile Deum esse productum de sua substantia quam sterilem & non productum: quia homini est magis desiderabile: quod Deus suus est tantæ potentia & virtutis: quod ipse possit Deum producere de seipso quam quod non posset. Etiam quia ex hoc quod Deus produxit ex se Deum & filium. In hoc arguitur maxima communicatio: & ex hoc homo capit quandam fiduciam de comunicabilitate Dei: quia Deus totam suam substantiam potentiam & sapientiam: communicat vni alteri. Si autem non communicaret: non esset ita bonus nec summe comunicatiuus: sed multo melius est Deum habere se summe comunicatiuum quàm eius oppositum. Vnde ex hoc potest homini surgere gaudium & solamen magnum erga Deum si totum comunicat quicquid habet: & quod nihi retinet quod non communicat. Sed ex parte opposita scilicet quod in Deo nulla est productio de sua propria natura nullum bonum sequitur homini & etiam est iocundius Deum credere secundum & non sterilem quia qui credit oppositum diminuit Deum: & per consequens bonum hominis. Qui autem affirmat Deum habere filium de sua propria natura generatum dat Deo esse summum bonum: & per consequens affirmat bonum hominis. Quare sequitur quod homo tenetur affirmare & credere in Deo esse plenam productionem de sua natura & negare oppositum: quia prima pars est ad bonum hominis: & secunda pars ad malum hominis: quia diminuit bonum hominis: quia quantum bonum sequitur homini de vno

## 102 *De naturali obligatione hominis.*

tantum malum sequitur ei ex eius opposito: quia priuat totum bonum hominis.

### T I T V L V S LXXI.

*De omnipotentia : sapientia & bonitate Dei.*

**I**tem bonum est homini habere Deum omnipotentem summe sapientem : & summe bonum : & oppositum esset malum hominis. scil. non habere Deum omnipotentem neque summe sapientem : neque summe bonum. Et etiam conuenit homini habere Deum ita potentem: ita sapientem : ita bonum quo cogitari non poterit ultra & oppositum eius est totum malum hominis. Quare sequitur quod homo debet affirmare & credere illud quod Deo magis conuenit & sibi inquantum homo est. Et hoc est totum illud quod magis cadit ad esse quam ad non esse.

### T I T V L V S LXXII.

*De veritate Dei & fidelitate & aliis proprietatibus.*

**I**tem bonum est homini habere Deum veracem : ac summe veracem & summe fidelem : summe benignū : summe pium : & summe clementem & misericordem : & oppositum eius est malum hominis : ergo homo tenetur affirmare & credere Deum veracem: fidelem, &c. & etiam negare oppositum : quia tenetur facere bonum suum & non malum suum.

### T I T V L V S LXXIII.

*De creatione.*

**Q**uia bonum est homini habere Deum ita potentem quod omnia creauit ex nihilo : cælum : terram : mare & omnia in eis contenta : & oppositum eius est malum hominis vel est non bonum homini : est etiam bonum homini quod de nihilo fuit creatus : & melius quam si esset factus de aliquo quoniam ex hoc oritur maior confidentia : maior spes & securitas quia si Deus potuit eum facere talem ex nihilo etiam potest eum resuscitare & restaurare quando in aliquid quasi nihil redigitur & poterit eum exaltare & facere eum multo maiorem. Si autem Deus fecisset hominem de aliquo: homo

## *De naturali obligatione hominis. 103*

homo non haberet tantam spem de sua potentia sicut modo habet: quia maior est potentia ad creandum quā ad faciendum sine etiam comparatione. Debet igitur homo affirmare potius illud quod est ad totum bonum eius quam contrarium eius, & quod est ad totum malum eius. Et ultimo sequitur tunc quod verum est quod Deus creauit omnia ex nihilo: & quod homo est ex nihilo creatus: eo modo quo iam dictum est.

### T I T V L V S LXXIV.

#### *De Incarnatione.*

**P**Ræterea melius est homini quod Deus sit homo factus & humanitas vnita sit deitati in vna persona quam eius oppositum: immo hæc vnio est summa perfectio: summa nobilitas: summa dignitas: & summa exaltatio: ac summum bonum hominis: & maius quod possit esse. Ergo qui affirmat & credit quod nunquam Deus fiet homo nec possit fieri: amouet in quantum in eo est summam & maximam perfectionem hominis: & priuat humanam naturam tanto bono ergo talis est inimicus hominis in quantum homo est & humanæ naturæ: & est contra hominem. Ergo melius est homini affirmare & credere quod Deus factus sit homo: quam eius oppositum.

### T I T V L V S LXXV.

#### *De conceptione Filij Dei & humana natura.*

**I**tem melius est homini & dignius affirmare & credere quod ille homo cuius dignitas vnita est deitati sit conceptus de Spiritu-sancto quam de semine virili: & sine carnali concupiscentia: & melius & dignius est credere quod sit natus de Virgine quam de muliere corrupta: quia in omnibus his nobilitatur humana natura: quia cum ille homo sit nobilior & excellentior omnibus hominibus: nec possit esse nobilior: nec magis exaltatus: melius est & dignius: vt habeat omnem nobilitatem & dignitatem ex parte suæ conceptionis & natiuitatis & melius & dignius est credere hoc quam eius oppositum: quia hoc ponit nobilitatem in humana natura. scilicet: quod habet talem hominem: & oppositum poneret indignitatem & ignobilitatem in natura



humana : & etiam hoc est summe amabile & desiderabile homini inquantum homo est quod humana natura intantum sit dilecta Deo : quod ipse Deus dignatus est esse homo : & hoc est per hominem : aliud vero contra hominem.

## T I T V L V S L X X V I.

*De Resurrectione mortuorum.*

**V**Lterius melius est homini affirmare & credere Resurrectionem mortuorum in corpore & anima : quam eius oppositum & quod tota natura humana resurget à mortuis : & mutabitur in immortalitatem : quoniam affirmare & credere hoc : ponit hominem & naturam humanam in maximo gaudio : spe & fiducia : ac consolatione magna & dignitate : exaltatione & ornatu : quod bonum exaltat eum super omnia alia animalia. Credere autem & affirmare oppositum : nullum bonum ponit in natura humana : immo omne bonum remouet & priuat. Ergo ille qui affirmat & credit oppositum est contra hominem & est inimicus hominis inquantum homo est : & per consequens est contra seipsum. Vnde etiam summe amabile est ut homo credat se & totam naturam humanam in futuro debere resurgere & oppositum eius est valde odibile & tristabile. Item melius & iocundius est homini credere quod iam aliquis resurrexerit à mortuis ad vitam immortalem : quam quod nullus resurrexisset : quia hoc ponit hominem in maiori fiducia & spe & consolatione futuræ Resurrectionis. Si autem adhuc nullus resurrexisset non esset tanta spes aut tanta securitas in homine de futura resurrectione. Si autem aliquis credat futuram resurrectionem generalem : & non credet aliquem resurrexisse : minorem habebit spem & confidentiam de hoc quod ipsemet resurget : ille autem qui utrumque credit : habet maiorem spem & confidentiam : ergo hoc est homini melius credere quam eius oppositum.

T I T V L V S L X X V I I .

*De Ascensione ad cœlos.*

**P**Ræterea melius est affirmare & credere : quod iam aliquis homo ascendit ad cœlos quam eius oppositum: quia ex hoc sequitur maxima spes consolatio & securitas ac gaudium humanæ naturæ : ac etiam ponit maximam dignitatem & exaltationem in humana natura : & maximum desiderium cundi ad cœlum & relinquendi terram. Oppositum autem credere nullum bonum facit homini.

T I T V L V S L X X V I I I .

*De iudicio vniuersali.*

**I**Tem melius est homini credere & affirmare : quod iudicium fiet vniuersale in quo omnes homines recipient à Deo suam vltimam mercedem secundum opera sua quam credere eius oppositum : quoniam ex hoc homines inducentur ad operandum bonum : & ad meliorandum opera sua vt remunerentur : & ad fugiendum mala opera ne puniantur aut condemnentur. Item est necessarium homini credere & affirmare si vult esse bonus : & conuenit ratione liberi arbitrij homini quod cum homo per liberum arbitrium posset facere bonum seu malum & non compellitur ab aliquo : & tamen tenetur esse bonus & non malus. Summè vtile est & necessarium homini credere & affirmare futurum esse iudicium : in quo vnusquisque recipiet secundum quod gessit in corpore summum bonum vel summum malum : summam gloriam vel summam confusionem : si autem non credit tunc non conabitur ad bonum : immo viuet secundum carnem vt brutum : & insequetur concupiscentias carnales & delectationes carnis.

T I T V L V S L X X I X .

*De immortalitate anime.*

**I**Tem melius est homini credere & affirmare quod homo animam habeat immortalem : quam eius oppositum : quoniam hæc est magna exaltatio & dignitas & bonum humanæ naturæ & per hoc magis separatur

tur a bestiis & appropinquat Deo & generatur in homine magnum gaudium magna spes & fiducia. Ista enim credulitas sine comparatione est multo melior quam credere animæ immortalitatem: quia si credat mortalitatem ipsius animæ: quid importat gaudij seu consolationis? nulla autem consolatio potest esse in illo: sed tristitia & desolatio. Sed quia homo tenetur credere illa: per quæ in ipso maius generatur gaudium seu consolatio & spes: nam habere spem est magna consolatio & magnum bonum: habere eius oppositum est magnum malum & desperatio. Et sic qui non vult credere illa per quæ generatur in homine magna consolatio & spes facit contra seipsum & contra hominem in quantum homo est & est causa suæ desperationis.

## T I T V L V S LXXX.

*Conclusio de omnibus istis de fide christiana.*

**Q**uia ergo quicquid continetur in fide christiana est magis amabile & desiderabile homini in quantum homo est quam eius oppositum: ut nihil est magis amabile & desiderabile: quam illud quod conuenit cum bono hominis & cum esse. Sed fides christiana magis conuenit cum bono hominis & cum esse perpetuo: ergo ipsa magis est desiderabilis quam eius oppositum. Item ex crudelitate fidei christianæ: sequuntur infinita bona & gaudia hominis in quantum homo est. scilicet cum esse creatum ad imaginem sui creatoris Deum esse hominem propter ipsum hominem: debere resurgere cum eodem corpore glorificato: ipsum debere perfrui æterna gloria: & similia quæ generant in homine maxima gaudia. Oppositum vero eius nullum eorum generat: sed priuatio totius boni sui. Sequitur exinde: quod quilibet homo tenetur de iure naturæ credere fidem christianam & negare eius oppositum: quia cum oportet audita & intellecta fide christiana: eam affirmare vel negare: & eius oppositum credere vel refutare. Postquā ergo est melius homini credere fidem Christianam quā oppositum eius sequitur quod etiam tenetur potius credere & affirmare illud quod est ei melius quia ipse non debet uti suo intellectu ad ipsius malum & tristitiā: sed ad gaudium & consolationem & ad bonum ipsius: sicut faciunt aliæ creaturæ. Aliter sequeretur quod homo



homo esset deuiatus & alienatus à seipso: & à ratione & ab ordine omnium creaturarū: nec facit vt homo: immo contra hominem inquantum homo est: & ad suum malū damnum: & non ad suam perfectionē & ad suum bonū. Et quia homo inquantū homo non est contra hominē: sequitur quod qui non vult affirmare & credere fidem christianam: quod ille habet aliquid intra se quod est contra hominem & inimicatur homini & destruit bonum hominis inquantum homo est. Vltcrius sequitur quod fides christiana nullo modo est contra naturam: immo pro natura & pro bono naturæ ad complementum naturæ & ad eius perfectionem: quia est ad exaltationem & dignificationem naturæ humanæ: propter quam omnes aliæ naturæ sunt factæ & cui omnes aliæ naturæ seruiunt: & per consequens oppositum fidei est contra naturam & pro malo naturæ: quia vilificat ac destruit naturam humanam quantum in eo est: & per consequens omnes alias creaturas inferiores: quia vt dictum est omnes aliæ creaturæ sunt factæ propter hominem: nam qui nocet Domino nocet omnibus subditis Domini. Vltcrius sequitur quod qui credit & affirmat fidem christianam nullo modo est increpabilis neque Deo neque ab aliqua creatura: quia credit quod melius est pro humana natura. Et licet quod fides christiana non esset vera quod est impossibile excusatus esset coram Deo & omnibus creaturis: quia affirmat & credit partem meliorem & magis amabilem & quæ magis est pro bono vtilitate & perfectione hominis inquantum homo est: & hoc tenetur facere: hoc enim clamat omnis creatura: & qui facit quod debet est excusatus in omnibus: & qui facit oppositum ille increpandus est & culpa dignus à Deo & à natura & ab omni creatura: & nullam habet excusationem: quia relinquit quod bonum est & eligit malum & partem magis odibilem neque vtilem.

T I T V L V S L X X X I.

*Alia confirmatio ad debitum.*

**I**tem etiam quod non solum fides Christiana est magis amabilis & desiderabilis quam eius oppositum: sed etiam est publicata prædicata annunciata præconizata per orbem vniuersum: per homines etiam sanctissimos  
omnis

omnis nationis etiam credere nolentibus sunt damnationes æternæ pronosticatæ. Et credentibus æterna præmia sunt promissa. Etiam pro confirmatione & veritate fidei Christianæ quam plures mortui & martyrisati sūt voluntariè. Oppositum vero fidei non est prædicatum neque annunciatum per vniuersum orbem cum comminatione pœnæ æternæ: neque cum promissione vitæ æternæ: neque etiam pro sustinendo oppositum fidei mortui sunt plures & deuoti viri. Etiam in ipsa vixerunt infiniti homines: nobiles & magnates laudabiliter & mansuetè vsque in finem. Omnia ergo ista & plura alia reddunt homines non credentes neque affirmantes fidem Christianam inexcusabiles & culpabiles, & vigorant & confirmant credentes, & faciunt eos stabiles in fide & omnino excusabiles. Tutum est ergo, securum stare in fide tam rationabili in qua homo credit suam perfectionem & bonum: ad quod est factus à Deo & ordinatus. Ecce ergo qualis cognitio generatur in nobis dum comparamus hominem ad alias res inferiores per conuenientiam & differentiam: quoniam ex hoc magis cognoscimus nosmetipsos: ac nostram naturam ac debitum & obligationem: & sic generatur scientia de homine in quantum homo est.

## T I T V L V S L X X I I.

*De comparatione hominis ad alias res prout homo est, & penes differentiam liberi arbitrij per quod fit cognitio certissima de homine, & operibus eius qua immediate ducunt hominem in cognitionem Dei.*

**Q**uoniam autem cognitio de Deo quæ oritur ex propria natura est nobis certior, & magis familiaris, & placens ideo quantum possumus laborare debemus, vt cognoscamus naturam hominis: & per nostram naturam quam intra nos habemus cognoscamus Deum & omnia de Deo: quia tunc cognitio est nobis valde propinqua cum est intra nos. Quamuis autem multis modis per comparisonem hominis ad tres gradus inferiores cognouerimus Deum esse, & suas proprietates: tamè adhuc restat alius modus valde securus & grossus: & qui ab omnibus potest videri faciliter per quem nascitur cognitio de homine, & de operibus eius quæ vltra ducit in cognitionem Dei certissimam. Iste autem modus est per



per differentiam liberi arbitrij. Vnde autem omnes res  
 trium graduum inferiorum carent libero arbitrio. Ideo  
 operantur sua opera non liberè & voluntariè: sed ex ne-  
 cessitate naturæ vel ex impetu: nec habent potestatem,  
 & dominium suarum operationum: nec cognoscunt sua  
 opera: nèque iudicant de suis operibus: nec sciunt quid  
 faciunt: & hoc est quia non habent liberum arbitrium:  
 sed homo qui est in quarto gradu propter hoc quia ha-  
 bet liberum arbitrium: ideo est Dominus suarum opera-  
 tionum. Ideo operatur liber & sicut Dominus, & non  
 ex necessitate, & potest iudicare de suis operibus & de-  
 liberare antequam faciat. Ista ergo est generalis diffe-  
 rentia hominis ex vna parte & omnium aliarum rerum-  
 & operationum illarum ex parte altera: quia homo in-  
 quantum homo operatur ex libero arbitrio: sed aliæ res  
 operantur ex necessitate. Exinde sequitur quod opera-  
 tiones hominis inquantum hominis multum differunt  
 ab operationibus aliarum rerum: & sunt alterius con-  
 ditionis & alterius naturæ. Nam opera hominum sunt  
 dignissima & nobilissima de sua natura eo quia sũt facta  
 cum deliberatione & libertate voluntatis: quæ non capit  
 æstimatione: & excedunt in dignitate sine mensura ope-  
 ra aliarum rerũ. Item propter istam differentiam sequi-  
 tur quod opera hominis dicũtur sua: quia sunt sua pote-  
 state facta: sed opera aliarum rerum nō sunt ipsarum rerũ  
 quæ operantur: quia potius agũtur quā agunt. Itē sequitur  
 ex hoc quod opera hominis imputatur homini: sed ope-  
 ra aliarum rerum non imputantur eis. Item ex ista diffe-  
 rentia sequitur quod opera hominis inquantũ homo est  
 sunt laudabilia & honorabiliora vel vituperabilia ap-  
 probabilia vel reprobabilia: & sunt remunerabilia &  
 punibilia. Et ideo iudicabilia & examinabilia. Vnde in  
 homine remanet aliquod quod non est opus: sed sequi-  
 tur ad opus: & hoc est meritum vel demeritum seu cul-  
 pa. Ita quod ipsa opera postquam sunt facta relinquunt  
 in homine meritum vel culpam & hoc est ideo quia  
 operatur cum libertate ac ratione vel voluntate. Sed  
 opera aliarum rerum non habent tales proprietates eo  
 quia non sunt tales: & ideo opera hominis ordinant ho-  
 minem vestiunt ac ornant vel maculant & vitiant ho-  
 minem propter illud quod remanet ex ipsis. Vltius  
 quia homo bene potest operari vel male: & hoc volun-  
 tariè: & ex hoc generatur & remanet in homine culpa  
 seu

*Homo est  
Dominus  
suarum  
operatio-  
num.*

*Opera  
hominis  
dicuntur  
sua.  
Imputa-  
tur sibi.  
Sũt lau-  
dabilia.*

*Et sunt  
culpabi-  
lia.*

*Eis debe-  
tur natu-  
raliter  
præmiũ.*



*Non ha-* seu præmium. Ideo ultra opera hominis debetur de  
*bet li.ar-* iure naturæ aliquod scilicet præmium vel pœna quod  
*bi. ut nō* non debetur operibus aliarum rerum. Vnde homo te-  
*male o-* netur operari in quantum poterit : quia non debet esse  
*peretur.* otiosus : quia debet implere mundum suis operibus :  
 sicut aliæ res continue & incessanter operantur & non  
 sunt otiosæ : & tenetur melius operari quo poterit sicut  
 faciunt aliæ res. Nam ex hoc decoratur vniuersum &  
 totus ordo creaturarum : quia non propter hoc habet  
 libertatem. scil. vt non operetur : sed vt non male ope-  
 retur : quia si ad hoc haberet liberum arbitrium vt ma-  
 le operaretur tunc haberet illud ad suum malum dam-  
 num & perditionem quod absurdum & cogitare in ho-  
 mine : cum aliæ res id quod habent non habent ad suum  
 damnum & malum : sed earum perfectionem : sed ha-  
 bet liberum arbitrium vt continue & incessanter bene  
 operetur sicut aliæ res : & quod ex illo libero arbitrio  
 consequantur præmia & retributiones quæ in aliis re-  
 bus non possunt sequi : quia non operantur ex liberta-  
 te : nam si homo non operetur otiosus est & non ope-  
 ratur ad quod ordinatus est : & si male operatur tunc  
 non operatur sicut aliæ res inferiores quæ operantur  
 ex necessitate. Et si homo tunc facit & operatur mala  
 tunc vult mala operari , & non bona : cum poterit  
 ita bene bona facere sicut ceteræ res faciunt bona : &  
 ergo ipse solus destruit ordinem creaturarum vt lædit  
 propriam naturam & diminuit bonum proprium &  
 corrumpit seipsum : & ipse perturbat armoniam totius  
 vniuersi cuius ipse principalior pars extitit. Et ergo  
 de iure naturali debetur sibi vituperium & confusio &  
 si facit id quod debet tunc ornat & decorat ordinem  
 vniuersi : & meretur habere præmium & honorem. Et  
 sic sunt quatuor quæ sequuntur ad opera hominis de  
 natura sua & non ad alia opera aliarum rerum. s. meri-  
 tum & culpa pœna & gloria : & est tanta obligatio vnius  
 ad alterum quod vnum non potest sine altero esse : ne-  
 que possunt separari : quia primo ad opera hominis  
 postquam sunt facta : sequitur vel culpa vel meritum :  
 & postea ad culpam requiritur pœna : & ad meritum  
 præmium. Recolligendo igitur omnia opera hominis  
 in quantum homo est : inveniuntur tales proprietates in-  
 separabiles ultra opera aliarum rerum. scil. quod dicun-  
 tur sua & imputantur homini : & ex eis nascitur meri-  
 tum

*Quatuor*  
*natura-*  
*liter se*  
*quuntur-*  
*ad opera*  
*hominis.*

## *De libero arbitrio hominis.*     I I I

rum vel culpa : & ideo eis debetur pœna vel præmium. Et propterea sunt laudabilia vel vituperabilia : præmiabilia vel punibilia : & si sunt bene facta sunt honorabilia : vel dignissima : & si sunt male facta tunc sunt vituperabilia & reprehensibilia : & vel decorant vniuersum : vel deturpant. Et omnes istas condiciones habet ex sua radice : scilicet quia sunt voluntariè & ex libertate facta. Ecce qualiter ex comparatione hominis ad alias res penes differentiam liberi arbitrij generatur & nascitur magna cognitio & scientia de homine inquantum homo est : & ex operibus eius. Quæ ulterius inducet nos ad magnam Dei notitiam & cognitionem infallibilem.

### T I T V L V S   L X X X I I I .

*Hoc ostenditur qualiter cognitio nunc habita de homine  
& operibus eius ducit nos, & faciat ascendere in Dei  
cognitionem & suarum proprietatum.*

**Q**Voniam autem homo inquantum homo est talis naturæ quod facit opera sua talia ad quæ de natura sua sequitur meritum vel demeritum : & per consequens debetur eis præmium vel pœna : & dicuntur præmiabilia vel punibilia : & per consequens etiam iudicabilia vel examinabilia. Et quia homo non potest remunerare inquantum homo est & cum opera hominis requirât hoc Ideò necesse est quod sit aliquis supra hominem maior : qui possit hoc remunerare vel punire & correspondere sibi secundum opera sua. Si enim non esset aliquis qui posset hoc facere sequeretur quod homo esset frustra & in vanum : quia opera eius essent frustra : quia ultra alia opera aliarum rerum sunt præmiabilia & punibilia : & si nullus sit qui respondeat operibus suis præmiando : sequitur quod totum vniuersum est frustra & inordinatum : quia omnia inferiora seruiunt homini : & sunt propter hominem : & homo est pars principalis vniuersi. Et si homo est frustra : sequitur quod totum residuum est frustra. Et tamen videmus ad sensum quod omnia inferiora vsque ad hominem sunt ordinata : & tamen homo non ordinavit illa. Sequitur ergo quod etiam homo erit ordinatus. Et etiâ sequitur quod aliquis respondebit homini secundum eius naturam. Aliter esset dare vacuum in vniuerso : & maximum:

*Quod sit  
aliquis  
præmiator vel  
punitor  
operum  
hominis.*

*Homini  
respon-  
det ali-  
quis præ-  
miator.*

maximum : immo totum erit vacuum : quia opera hominis sunt vacua: quia de natura sua sunt capacia præmij vel punitonis. Et si eis hoc non detur tunc manebunt vacua : & tamen vacuum esse in natura est impossibile: etiam in minimis rebus : quia citius cælum descenderet antequam hoc permetteret. Ex quo ergò in minimis rebus natura non patitur : quomodò in maximis patietur sicut sunt opera hominis inquantum homo est. Vndè videmus quod in natura cuilibet rei correspondet quod sibi proprium est & proportionabile ac debitum : quia nihil remanet vacuum : sed cuilibet rei correspondet secundum suam naturam illud quod exigit. Vt verbi gratia: Rebus visibilibus correspondet oculus ad videndum : rebus audibilibus auris ad audiendum : rebus intelligibilibus : intellectus : & sic de aliis : & hoc est vt omnia ista non fiant frustra talia. Quare ergò non similiter correspondet rebus præmiabilibus præmiator ad præmiandum : & punitor ad puniendum : & rebus iudicabilibus iudex ad iudicandum, Et hoc vt merita & demerita non sint frustra nec in vacuum talia : hoc non potest pati ordo vniuersi. Ergò necessario correspondebit homini iuxta opera sua aliquis præmiator seu punitor maior homine. Item quia opera hominis imputantur homini : & ideò si male egit ipse est in culpa illius mali : & iam est in eo culpa : ergò in culpa est homo quando male operatur: & quando facit, quod non debet facere sibi totum imputandum est : quia potestatem faciendi habet & non faciendi. Ergò postquam est in culpa alicui fit offensa : alicui fit iniuria quæ est in natura. Ergò homo statim alicui obligatur : dum est in culpa ligatus debitor fit : quia culpa inquantum culpa obligat hominem de natura sua ad pœnam & facit hominem debitorem naturaliter. Et tot quot sunt culpæ : tot fiunt obligationes ad pœnam : & hoc impossibile est aliter esse. Ergò de iure naturæ remanet obligatus ad pœnam propter culpam. Sequitur ergò quod aliquis est superior homine cui est obligatus homo propter culpam : & etiam cum culpa non possit remoueri nisi per veniam vel per solutionem pœnæ, Et cum homo non possit sibi met dare veniam de sua culpa : nec soluere neque remittere debitum proprium sequitur quod aliquis est supra hominem qui potest hoc facere & dare vel remittere. Quia ergò necessario culpa



culpa hominis arguit & concludit Deum esse : & similiter meritum hominis arguit Deum esse. Et ideo bonum argumentum potest formari ex illo : homo potest peccare : ergo Deus est. Similiter dicendo homo potest bene facere & habere meritum : ergo Deus est. Sic ergo opera hominis inquantum homo est : necessario concludunt aliquem esse maiorem supra hominem qui sit præmiator & punitor : remunerator & retributor.

## TITVLVS LXXXIV.

*Quod ex operibus hominis ostenditur quod ille qui est supra hominem præmiator & punitor : est summè potens : summè sapiens : summè iustus.*

ET quia ad recte & debite remunerandum & addendum cuilibet operi quod secundum naturam suam ei debetur necesse est quod omnia opera præordinentur : examinentur : discutiantur : ac rectè iudicentur. Aliter esset magna inordinatio & confusio in vniuerso quod natura non patitur. Quia videmus quod nobilior anima est in corpore humano quàm in corpore asini : eo quia ei debetur meritum præmium : & remuneratio : & alteri non debetur. Et quia opera hominis sunt magis vel minus remunerabilia vel etiam magis vel minus punibilia : secundum quod cum complacentia maiori vel minori fuerint facta & secundum maiorem vel minorem cognitionem : & secundum quod fuerint magis vel minus bona : magis vel minus etiam mala. Ideò necesse est quod ille qui debet præmiare vel punire : cognoscat : discutiat & discernat omnia opera hominis & quod ponderet & quod nullo modo possit falli : vt sic rectè & infallibiliter iudicet : & hoc quantum & quale : & vt omnia rectè & iustè iudicet : & omnia sint proportionata : & in natura nihil inordinatum sit : quod esset si quodlibet opus hominis non haberet quod ei deberetur. Et ideo necesse est quod aliquis sit qui habeat plenam & perfectam cognitionem de omnibus operibus humanis : & clarè & apertè videat opera omnia totius humanæ naturæ. Similiter sciat & cognoscat omnes cogitationes & desideria hominum ac etiam verba & omnia interiora & exteriora : & quia opus hominis secundum intentionem facientis est magis vel minus præmiabile vel punibile : ideo necesse est vt ille qui debet esse præ-

*Oportet præmiatorem habere omnium cognitionem.*

H

miator



*Quod  
videat  
omnia  
opera ho-  
minum  
simul.*

miator vel punitor : perfecte & clare cognoscat omnes intentiones & voluntates occultas omnium hominum. Aliter impossibile esset : quod posset recte remunerare seu punire aliquod hominis : quia totum oritur ex intentione & voluntate. Et ista est radix & origo remunerationis & punishmentis. Et quia iam omnes homines qui simul viuunt etiam simul operantur. Ideo necesse est quod simul & semel etiam videat omnia opera omnium hominum viuentium. Et similiter etiam intentiones & voluntates & desideria ac verba : & non solum omnium viuentium sed omnium præteritorum. Quia necesse est quod nihil obliuiscatur sed omnia retineat in memoria : vt non sit aliquod minimum opus quod non habeat quod ei debetur. Cogitemus & pensemus quantum esset videre & cognoscere opera cogitationes & voluntates atque desideria vnius hominis : à principio suæ discretionis vsque ad finem vitæ suæ & plus duorum & adhuc plus trium vel quatuor : & quid tunc millium millium. Si ergo cogitemus & pensemus quot millium millia fuerunt hominum : & quot adhuc sunt : & quot millia millium fuerunt cogitationes : tot millium & voluntates verba & opera & quid omnibus illis de iure debetur. Ecce possum concludere quod sapientia & scientia illius qui est supra hominem necesse est quod non habeat mensuram & quod non habeat terminum. Est ergo summe sapiens : summe sciens : summe cognoscens : ac summe & perfecte ac clarissime omnia videntis. Si ergo omnia nuda & aperta sunt oculis eius : & nihil inuisibile est in conspectu eius. Est ergo iudex sapientissimus : scientissimus : nullo modo fallibilis & ideo est esse : quia hoc argunt & exigunt opera hominis de eorum natura in quantum homo est. Vide ergo scientiam Dei infinitam : latissimam & profundissimam : quia hoc requirunt opera hominis vt recte & debite remuneretur aut puniatur.

## T I T V L V S L X X V.

*Quod est etiam summe potens.*

**E**T quia ad remunerandum & puniendum non sufficit rectum iudicium neque scientia aut sapientia : immo etiam requiritur potentia : vt possit de factis dare & retribuere cuilibet quod ei debetur ac punire quodlibet.

## *De libero arbitrio hominis.* II 5

libet opus secundum suam exigentiam : & illud quod iuste est sententiatum possit etiam exequi. Et quia opera humanæ naturæ sunt quasi infinita : ideo requiritur infinita potentia ad remunerandum & ad puniendum : & etiam requirunt diuersas maiores & minores retributiones ac pœnas : secundum quod opera sunt magis bona vel magis mala. Ideo necesse est quod ille qui est supra hominem : non solum omnia videat & cognoscat & iudicet : sed etiam quod habeat plenissimam potestatem remunerandi & puniendi : vt sic nihil remaneat irremuneratum seu impunitum ex parte suæ impotentiae : quia alias esset aliquod inordinatum & vacuum in vniuerso : quod est impossibile : vt superius probatum est. Est ergo summè potens remunerator & punitor : quia hoc exigunt opera hominis inquantum homo est cui nihil potest resistere.

### T I T V L V S L X X X V I.

*Quod etiam est summè iustus.*

**Q**uia autem non sufficit habere scientiam & sapientiam ad rectè iudicandum & discernendum : ac habere potentiam nisi etiam habeat bonam voluntatem ad hoc rectè volendum. Et per consequens quod habeat summam & rectissimam iustitiam : vt sic velit iustissime & æquissime dare cuilibet quod suum est : & quod ei debetur per iustitiam : nec sit acceptor personarum sed retribuat & puniat secundum merita : & demerita : vt nullum bonum relinquat non remuneratum neque nullum malum impunitum. Et ideo necesse est quod habeat iustitiam inflexibilem & inuariabilem : inconuertibilem & immutabilem : aliter ordo vniuersi periret : quod fieri non potest. Est ergo summè iustus remunerator & punitor. Recolligendo igitur omnia dicamus : quod homo inquantum homo habet liberum arbitrium : per quod facit opera meritoria seu demeritoria. Et ideo necesse est quod in natura sit aliquis præmiator vel punitor. Et etiam quod iudex sit summè sapiens : summè potens : summè iustus. Summè sapiens : vt per suam ignorantiam nihil maneat indiscussum. Summè potens vt per suam impotentiam nihil maneat irremuneratum seu impunitum. Summè iustus vt per suam voluntatem corruptam nihil maneat inde-

*Titulus  
lxxxiiij.*



## 116 *De libero arbitrio hominis.*

terminatum. Sed totum quod libero arbitrio est commissum: perfectam & completam habeat recompensam: hoc autem clamat totum vniuersum: cuius homo principalior pars existit. Et etiam opera hominum hoc requirunt qui volunt habere debitum: scilicet pœnam vel præmium.

### T I T V L V S L X X X V I I.

*Quod necesse sit quod sit vnus pramiator & punitor & non plures nec nisi vnus iudex.*

**E**T quia omnia opera hominis sunt remunerabilia seu punibilia: & hoc ex vna & eadem radice, scilicet quia procedunt ex libero arbitrio: quod est vnus & eiusdem naturæ in omnibus hominibus. Quia etiam omnia opera debent rectissime remunerari seu puniri: & nullum debet relinqui: & si essent plures principales remuneratores & punitores seu iudices: esset inordinatio & confusio, maxima in remunerando & puniendo: & opera hominis non possent rectè præmiari & puniri: nec examinari & iudicari. Vnde oporteret quod tantam potestatem haberet vnus sicut alter & tantam scientiam seu sapientiam: potestatem seu iustitiam ac voluntatem sicut alter: & quod vnus sciret alter sciret: & semper essent concordēs: sed hoc non potest esse: quia hoc repugnat naturæ quod plures sint: quia si essent plures, & quilibet haberet potestatem distinctam ab alio: & scientiam & voluntatem: possent esse discordēs. Et etiam esset superfluitas in natura: & sic opera humana non possent rectè seu debitè ordinari & iudicari. Sic ergo opera hominis in quantum homo est: requirunt & exigunt tantum vnum præmiatorem & punitorem ac iudicem: quia aliter esset impossibile quod haberent quod eis deberetur per iustitiam: & vniuersum esset inordinatum nec posset stare. Et etiam quia liberum arbitrium esset eiusdem & vnius naturæ in omnibus hominibus quod est radix & origo retributionis meriti & demeriti & quia requirunt tantum vnum & eundem retributorem ac iudicem & non plures.

TITVLVS

## TITVLVS LXXXVIII.

- *Quod principalis remuneratio hominis inquantum homo est intellectualis: spiritalis & inuisibilis & corporalis.*

**Q**uia autem opera hominis sunt remunerabilia & punibilia propter liberum arbitrium quod est causa & radix remunerationis ac punitionis. Et cum homo sit homo propter liberum arbitrium: & per hoc separatur à bestiis. Similiter cum liberum arbitrium sit intellectuale: spirituale & inuisibile: & nullo modo corporale: nec sensibile neque visibile: sequitur quod principalis remuneratio aut punitio hominis inquantum homo est: debet etiam esse intellectualis: spiritalis & inuisibilis: & nullo modo corporalis neque sensibilis neque visibilis quia remuneratio correspondet radici: quæ non est corporalis: postquam tota radix vnde oritur meritum est spiritalis: nec etiam remunerare debet esse corporale: quia nullum corporale potest comparari ad intellectuale & ad spirituale: neque etiam omnes res corporales possent satisfacere vni rei operatæ hominis inquantum homo est: si iuste debet remunerari. Si ergo opus hominis inquantum homo est: requirit remunerationem intellectualem & spiritualem: & similiter de punitione hominis inquantum homo est: quia sua principalis punitio est spiritalis: intellectualis & non corporalis. Quia remuneratio hominis debet recipi in homine: & esse in homine: & non extra hominem: ideo est necesse quod remuneratio hominis inquantum homo est recipiatur in libero arbitrio à quo oritur meritum & necesse est quod in libero arbitrio sit bitrio capacitas præmij ad præmium: & ideo cum liberum arbitrium comprehendat voluntatem & intellectum sequitur quod principalis remuneratio hominis: inquantum homo est: est in ipsa voluntate & intellectu: & per consequens tota capacitas præmij principalis. Ergo totum quod debetur homini inquantum homo est: est ex suis operibus in bonum & remuneratio voluntatis & intellectus. Sequitur etiam quod principale bonum hominis inquantum homo est: est bonum intellectuale & voluntatis: & per consequens malum hominis inquantum homo est: est malum intellectus & voluntatis. Exinde sequitur quod diuitiæ & thesauri ho-

*Hominis remuneratio est inuisibilis.*

*Remuneratio debet recipi in libero arbitrio.*



*Regnum  
& diui-  
tia homi-  
nis sunt  
spiritua-  
lia.  
Non est  
tempora-  
le.*

*Bonum  
& malū  
hominis  
non con-  
sistit in  
aliquo  
commu-  
ni cum  
bestiis.*

minis inquantum homo est : sunt intellectuales & inuisibiles per aliquem sensum corporalem Et etiam sequitur quod regnum hominis inquantum homo est : est etiam intellectuale & non corporale. Et quia liberum arbitrium abstinet vel abstrahit à loco & tempore : & non subiicitur eis de natura sua nec temporale nec locale sequitur etiam quod bonum hominis inquantum homo est : non est temporale neque locale : neque diuitiæ hominis sunt temporales neque locales : & ideò sunt extra tempus & extra locum , & ergo non fluunt à præsenti in futurum : neque prætereunt : sed semper manent in eodem statu : & ideò æternæ & immutabiles : ac incorruptibiles & fixæ. Et exindè sequitur quod bonum hominis inquantum homo est : non consistit in aliquo quod sit commune hominibus & bestiis : & ideò non consistit in aliqua re quæ potest videri oculis corporalibus neque audiri neque tangi neque odorari : neque gustari : neque etiam imaginari in aliqua re lata : longa seu profunda : nec extensa extensione corporali. Et per consequens bonum hominis non consistit in aliqua corporali delectatione. Et sicut dictum est de bono : ita similiter dicendum est de malo hominis inquantum homo est quod suum malum sit aliquod quod commune non sit cum bestiis. Et ideò malum hominis inquantum homo est : non consistit in aliqua re sensibili per aliquem sensum corporis : & per consequens non est in pœna corporali. Sic igitur concludendo dicamus : quod principalis remuneratio hominis & etiam punitio inquantum homo : est intellectualis : spiritualis & inuisibilis : nec per aliquem sensum corporalem apprehensibilis. Quia quale est liberum arbitrium : necesse est quod talis sit remuneratio : & talis punitio.

## T I T V L V S L X X X I X.

*Quod per prædicta omnis homo potest certitudinaliter cognoscere quam legem debeat tenere.*

**E**T quia remuneratio principalis hominis inquantum homo est intellectualis : spiritualis & inuisibilis : & nullo modo corporalis neque visibilis , vt iam probatum est : sequitur necessario quod omnis lex seu secta quæ ponit principale bonum hominis & principalem remunerationem in rebus corporalibus visibilibus & sensibilibus



sensibilibus quod talis sit mendosa : falsa & deceptiva & quod illa est contra hominem in quantum homo est : & tales homines tenentes talem sectam seu legem sunt decepti, & quærit vanitatem & mendacium: & omnes sunt perditæ : & quicumque inceperit talem legem : decipit seipsum : & fit deceptor aliorum. Et oppositum possumus concludere quod illa lex quæ ponit principale bonum hominis & principalem remunerationem eius in rebus intellectualibus & spiritualibus & inuisibilibus ac æternis : & quæ magis elongantur à corporalibus rebus & à delectationibus corporalibus quod talis lex est sanctissima ac saluberrima & talis est lex hominis in quantum homo est. Et ideo sequitur quod omnes homines tenentes talem legem : sunt in veritate & tendunt ad verum bonum : & ad veras diuitias & ad veros thesauros. Et sequitur quod talis qui fundavit & instituit talē legem quod fuit verus : sanctus : perfectus : sine dolo & sine fraude : diligens bonum hominis in quantum homo est : & cognoscens verum bonum hominis. Ex hoc sequitur quod quilibet homo potest certitudinaliter cognoscere quā legē debeat tenere & in qua debeat vivere.

T I T V L V S X C.

*Quod opera hominis Deus non statim remunerat :  
neque punit sed expectat.*

*Titulus  
xc.*

**Q**Uoniam autem ex libero arbitrio tanquam à radice oritur meritum vel culpa : & ex merito sequitur præmium & ex culpa pœna : quia si tollis liberum arbitrium : etiam tollis culpam & præmium pœnam & meritum : nam totum bonum hominis in quantum homo est : est habere meritum : & totum malum hominis est habere culpam : & ex meritis suis nascitur præmium : & ex culpa pœna : ideo quanto homo plura habet merita tanto etiam plura habet præmia : & suum bonum plus crescit. Et ideo sequitur : quod non statim dum bonum opus est factum finali retributione remuneretur : quia tunc amplius homo non posset habere alia præmia seu merita : sed esset finalis retributio : sed quia homo potest continuè accumulare merita : debet expectari totalis remuneratio omnium meritorum usque in finē : ut simul remuneretur de omnibus & totum præmium recipiat simul. Rursus etiam si statim homo

*Non statim punitur vel remuneratur homo.*

dum habet culpam puniretur punitione finali : & poena sibi debita & statim fieret executio & iudiciū : iam esset totaliter condemnatus & perditus : & non posset amplius reparari neque restaurari. Et quia homo quandiu viu-  
*Peccator* est conuertibilis de malo in bonum : & de bono in ma-  
*est expe-* lum ex parte liberi arbitrij & si male operatus est potest  
*ctandus.* cognoscere culpam & malum suum : & reuocari ad bonum : & non est impossibile : ideo ipse est expectandus : si velit se ad bonum opus conuertere & relinquere viam malam. Et hanc expectationem requirit natura liberi arbitrij : non ex merito : quia ei non debetur ex merito nisi punio : sed quia ex eo quod immutari potest & conuerti. Et ideo necesse est iudicem punitorem esse misericordem ad expectandum vt non statim iudicet ac puniat : ac finalem sententiam det : quia melius est hominem saluari quam condemnari. Sic ergo natura ho-  
*Probat* minis ex parte liberi arbitrij exigit talem remunerato-  
*Deumef-* rem & punitorem : qui neque statim remuneret neque  
*se mise-* puniat statim : sed semper respiciat ad bonum & ad me-  
*ricordē* lius hominis ipsius : & per consequens est summē mi-  
 sericors quia parit & expectat hominem si velit suam  
 malam vitam relinquere & facere bonum.

## T I T V L V S X C I.

*Quod ex operibus hominis ostenditur duas esse principa-  
 les ciuitates : & perpetuas habitationes hominum  
 paradysum & infernum.*

**Q**uamuis autem homines sint eiusdem naturæ & conueniant in libero arbitrio : tamen quia liberum arbitrium potest tendere & ire per duas vias : & duo itinera contraria & opposita adinuicem quia potest ire per viam meriti operando bonum : & per viam culpæ male operando vel stare otiosè : & quia meritum & culpa sunt viæ repugnantes adinuicem : nec possunt simul esse in eodem. Et exinde sequitur quod homines possunt diuidi separari & esse contrarij ac inimici inter se quia quidam possunt ire per viam meriti : & quidam per viam culpæ. Et quia non sunt nisi istæ duæ viæ in hominibus contrariæ : ideo tota natura humana non potest diuidi nisi in has duas partes contrarias : & in has congregationes. Et quia pars hominum quæ ambulat per viam culpæ & operum puniendorum contrariatur  
 &



& inimicatur in quantum potest alteri parti hominum  
 quæ ambulat per viam meriti & operum remuneran-  
 dorum : ideo necesse est quod istæ duæ partes abinui-  
 cem perpetuo seperantur tali elongatione & distantia  
 locali qua non possit esse maior : vt sicut elongantur  
 per voluntatem & culpam & meritum elongatione qua  
 non potest esse maior : ita etiam elongentur distantia  
 locali qua non potest esse maior. Talis enim separatio  
 debetur eis ex eorum propria natura. Neque esset con-  
 ueniens remuneratio : nisi fieret illa separatio localis:  
 quia malis debetur separatio à bonis & bonis debetur se-  
 paratio à malis & ideo Deus qui est præmiator & puni-  
 tor ac rectissimus iudex debet separare finaliter istas  
 duas partes hominum abinui cem maiori separatione  
 quæ possit esse. Et ideo quia separatio localis maior *Probatur*  
 quæ possit esse : est quod vna pars ponatur supra cœlos *infernum*  
 & supra omnia loca : & alia pars ponatur in medio ter- *esse in*  
 ræ. Vnde circunferentia & centrum distant summe. Et *medio*  
 quia medium terræ est centrum mundi : ideo vna pars *terra.*  
 debet ibi habitare : & alia pars hominum debet ha-  
 bitare supra circunferentiam vltimj cœli. Et habitabunt  
 ibi perpetuò : quia talis habitatio conuenit vtrique ex  
 propria natura. Item quia remuneratio bonorum ope-  
 rum & punitio malorum debet fieri in distinctis lo-  
 cis & congruis : ideo debent esse duæ habitationes &  
 duæ ciuitates separatae & oppositæ. Sic igitur ex ope-  
 ribus concludere possumus duas esse ciuitates principa-  
 les & perpetuas habitationes omnium abinui cem distin-  
 ctas localiter : quarum vna vocatur paradysus : & altera  
 infernus. In quarum vna non est nisi verum & purum  
 bonum hominis in quantum homo est : in alia non de-  
 bet esse nisi malum totum hominis & verum malum  
 ipsius. In vna sola præmiatio bonorum operum : in  
 alia sola punitio & poena malorum operum. Et sic pos- *Tria loca*  
 sumus concludere esse tria loca. Vnus est locus bene o- *hominū.*  
 perandi & meritorie vel male & culpabiliter : & in illo  
 loco pro nunc sumus. Alia duo loca sunt remuneratio- *Infra tit.*  
 nis & punctionis. Quorum vnus est altissimus : & *164.*  
 alius profundissimus. De loco vero purgatorij alibi  
 dicetur.



## 122 De perpetuitate liberi arbitrij.

### TITVLVS XCII.

*Quod etiam ex operibus hominis in quantum homo est :  
ostenditur immortalitas & perpetuitas  
liberi arbitrij.*

*Infra tit.  
217.  
Ratio  
prima.*

*Ratio  
secunda.*

**E**T quoniam ex operibus hominis in quantum homo est nascitur meritum vel culpa : quibus debetur punitio vel præmium : & cum homo quamdiu viuat acquirat meritum vel culpam : & de illis non recipit retributiones nec punitiones dum viuit : & ordo vniuersi non patitur quod aliquid quantuncumque modicum remaneat irremuneratū neque impunitum : ideo necesse est quod remaneat liberum arbitrium : quod fiat radix meritorum & culparum : vt recipiat debitum & rectam retributionem siue punitionem quod fieri non posset nisi remaneret liberum arbitrium. Vnde cum culpa vel meritum remanet post mortem necesse est etiam quod maneat liberum arbitrium in quo est culpa vel meritum : & cui debetur punitio vel retributio : & in quo est capacitas præmij. vel punitionis. Item etiam quia meritum posset esse perpetuum : & etiam culpa perpetua : quia tandiu aliquid durat quamdiu non est destructum : sed nulla res destruitur nisi per suum contrarium ergo meritum non potest destrui nisi per culpam neque culpa nisi per meritum. Si ergo meritum postulat præmium : & quia non destruitur nisi per culpam eius contrarium : sequitur quod quamdiu non est culpa : manet meritum & præmium : & quando meritum suscipit præmium : tunc perficitur quia vnum complet & perficit aliud. Et sic sequitur quod meritum hominis in quantum homo est : est perpetuum quantum est de se : nec potest destrui nisi per culpam : sed culpa non potest esse quandiu meritum est tamen meritum semper est dum est coniunctum cum præmio : quia vbi præmium est : nulla potest esse culpa : ergo adhuc sequitur quod præmium est perpetuum & per consequens liberum arbitrium in quo est meritum. Similiter quia culpa non potest destrui nisi per meritum : quia pœna seu punitio non destruit culpam : nec delet : immo eam complet & perficit : quia pœna ei debetur : & hoc est suum complementum : ideo dum culpa recipit suam pœnam non destruitur : sed immo manet : & est coniuncta

## *De perpetuitate liberi arbitrii. 123*

iuncta cum pœna sicut materia cum sua forma & suo complemento. Dare enim debitam pœnam non est destruere culpam: quia culpa & punitio concordant: quia vnum non potest destruere aliud. Culpa enim non deletur nisi per veniam: & venia non debetur nisi merenti & petenti eam: & nullus meretur veniam nisi à culpa habeat absolutionem: & semper imputatur donec per contrarium expellatur scilicet sicut generata est culpa volendo: ac si voluntarie intrauit & libere cum complacentia: ita nolendo: displicendo: libere ac voluntarie expellatur: & etiam odio habeatur & tunc veniam merebitur. Aliter semper manebit culpa: & imputabitur & ideo potest esse perpetua: & maxime quia non potest post mortem deleri: & per consequens liberum arbitrium est perpetuum. Item punitio manet *Tertia* quamdiu culpa manet: quia punitio non destruit culpam: sed punitio non potest esse sine illo qui punitur: *ratio.* ergo si punitio potest esse perpetua: liberum arbitrium potest esse perpetuum quod punitur. Sicut enim sequela infirmitatis manet quamdiu ipsa infirmitas manet & infirmitas manet quamdiu eius causa manet: ita punitio & pœna: quæ est dolor ac sequela culpæ: manebit quamdiu culpa manebit. Simile est de merito & præmio: quia tandiu manebit præmium quamdiu manebit meritum: sed meritum potest semper manere: quia non destruitur nisi per culpam. Sed si præmium semper manet: semper etiam manebit ille qui præmiatur: quia præmium esse non potest sine præmiato: sed hoc est liberum arbitrium: ergo liberum arbitrium: potest semper manere: & est perpetuum: & natura sua est talis Ordo ergo est: quod liberum arbitrium vel bene operatur: vel male: vel est otiosum. Et exinde sequitur præmium & meritum: culpa & punitio. Et sic necesse est liberum arbitrium in æternum manere præmiatum vel punitum & esse in præmio vel in pœna. Nec est dare aliam viam mediam per quam posset ambulare vel surgere. Ecce igitur qualiter homo in quantum homo est *Concludit liber-* ex parte liberi arbitrii ostenditur clarissime esse immortalis & perpetuus: & per consequens intellectus & *arbi. esse* voluntas sunt immortales qui ipsum liberum arbitrium *immor-* constituunt: & per consequens anima hominis est im- *tale.* mortalitatis & perpetua: & viuens mortuo corpore. Tractare autem de forma & qualitate præmiorum & pœnarum:



## 124 *De perpetuitate liberi arbitrij.*

rum : & de forma iudicandi in speciali : non est præsentis intentionis. sed sufficit generaliter ostendisse ea quæ dicta sunt de homine, & de Deo. Ostensum est etiam qualiter comparando hominem ad alias res per differentiam liberi arbitrij : nascitur veta & magna cognitio de homine & de operibus eius : quæ ducit nos in cognitionem Dei infallibilem & propinquam. Et in ista differentia generali liberi arbitrij fundatur tota cognitio de homine inquantum homo est in generali. Optimum est ergo se exercitare in ista comparatione per differentiam generalem.

### T I T V L V S X C I I I.

*De comparatione hominis ad omnes res trium graduum inferiorum.: penes differentiam specialem & modum differendi singularem nulli rei inferiori communicatum & est ultima & finalis comparatio in qua completur scientia hominis.*

*Genera-  
lis diffe-  
rentia ho-  
minis ad  
alias res.*

*Spiritua-  
lis diffe-  
rentia ho-  
minis ad  
alias res,*

**P**ostquam visum est de comparatione hominis ad alias res per differentiam & modum differendi generalem: qui erat pars ipsius comparationis ex qua comparatione ortus est magnus fructus nunc restat considerare secundam partem istius considerationis : quæ est de comparatione hominis ad alias res penes differentiam & modum differendi specialem. Et ista est finalis & ultima comparatio, de qua extrahitur ultimus fructus & finalis & totum complementum hominis: & sic erit completa de homine notitia. Prima enim differentia, & primus modus differendi fuit generalis & communis : & fuit per habere: & iste modus convenit omnibus rebus, & omnibus gradibus : quia quilibet gradus differt ab alio : quia habet aliquam dignitatem super alium : & infra alium gradum. Similiter una res differt ab alia : quia habet aliquam naturam : aliquam perfectionem quam non habet alia: & talis modus differendi non solum convenit homini sed omnibus. Sicut homo habet dignitatem super alias res : ita aliæ res habent dignitatem super alias res inferiores : sicut animalia habent dignitatem maiorem quam arbores, & arbores quam lapides, & aurum quam argentum & ignis quam aqua: & sol quam luna : & luna quam stella. Sed est unus alius modus differendi specialis qui solum convenit homini:



*De perpetuitate liberi arbitrij. 125*

homini : per quem modum specialiter homo differt ab omnibus. Et iste modus non est per habere sed per cognoscere se habere. Omnes enim res inferiores homine habent suas dignitates : ac suas naturas & perfectiones à suo conditore : & vna plusquam alia : & est nobilior alia : sed tamen quamuis habeant : tamen non cognoscunt se habere nec possunt cognoscere se habere quod habent : nec quid est illud quod habent : nec quantum valet : nec cognoscunt se esse in illo gradu in quo sunt : neque in illa dignitate neque pulchritudine in qua sunt. Quia animalia bruta non cognoscunt quantum ipsa acceperunt ultra arbores de dignitate : neque arbores cognoscunt quantum ipsæ acceperunt plus dignitatis & nobilitatis quam lapides, & elementa : & sic de omnibus : sed solus homo habet hoc specialiter : & accepit de suo conditore : quod non solum habet excellentiam & dignitatem super omnia alia : immo accepit illud cum quo potest cognoscere se habere talem dignitatem. Homo ergo non solum plus & maiorem dignitatem habet : sed etiam cognoscit se habere & accepit se plus & maiorem dignitatem quam aliæ creaturæ. Et sic habet plus : & cognoscit plus se habere : & etiam cognoscit quod aliæ res non cognoscunt se habere id quod habent : & cognoscit quod ipse solus est qui cognoscit : & suam excellentiam & aliarum rerum. Accepit etiam solus quod potest iudicare & discernere inter meliores res ac priores : nobiliores & viliores.

*Homo  
cognoscit  
se habere  
quod ha-  
bet.*

**T I T V L V S X C I V.**

*Quod in ista differentia & modo differendi continentur  
quinque gradus adinuicem ordinati.*

**V**T autem dicta differentia hominis ad alias res magis clare videatur considerabimus quinque gradus ordinatos qui inter se continentur in prædicto modo differendi : vel sunt colligati cum eo. Primus gradus est, scilicet habere aliquam perfectionem : vel habere esse vel viuere, &c. Secundus est cognoscere se habere : & cognoscere etiam quid aliæ habent. Tertius gradus est cognoscere : quod à seipso non habet hoc quod habet : sed ab alio habet & accepit hoc quod habet : & quod aliæ res non habent à seipsis : nec ab ipso quod habent. Quartus gradus est posse quærere & inuenire  
&

## 126 De perpetuitate liberi arbitrij.

& cognoscere illum à quo accepit hoc quod habet : & à quo aliæ res acceperunt hoc quod habent. Quintus gradus est posse tenere illum à quo accepit dum inuentus est : & regratiari illi indefinenter : & posse habitare cum eo inseparabiliter. Primum gradum habent omnia quæ sunt, scilicet habere quia quælibet res debet habere hoc quod habet, scilicet suam naturam. suam perfectionem : & suam proprietatem. Alios autem quatuor gradus solus homo habet in mundo, scilicet cognoscere se habere : & cognoscere se accepisse ab alio & non à seipso : & posse quærere & inuenire illum à quo habet : & ipsum cognoscere & inuentum posse tenere : & illi regratiari.

### T I T V L V S X C V.

*Quod solus homo habet gaudere de his quæ habet & alia res non.*

**Q**uid autem valet & quid prodest alicui rei habere aliquam nobilitatem siue excellentiam & nobiliorem naturam : & non cognoscere se habere. Quid prodest thesaurum habere infinitum : & nescire neque cognoscere se habere. Quale gaudium vel lætitiā haberet indè. Certè nullum : & est quasi non haberet : hoc autem est in omnibus quæ sunt infra hominem. Quæ gloria : quale gaudium est aquæ : quod est nobilior terra : & igni quod est nobilior aqua : & soli quod est nobilior aliis corporibus cælestibus : & rosæ quod est pulcherrimus florum : & auro quod est pretiosius metallorum & arboribus quæ sunt nobiliores quàm elementa : & animalibus quæ sunt nobiliora quàm arbores. Certè nullum gaudium nulla lætitiā siue gloria est eis de hoc. Et huius causa est quia ipsa non cognoscunt se habere talem naturam pulchram neque talem dignitatem : nec cognoscunt quod alia inferiora sunt minus digna. Ergò gaudium oritur ex hoc quod aliqua res scit se habere id quod habet : & non ex hoc quod habet. Quid enim proficeret homini habere tantam dignitatem super omnes creaturas : & habere excellentiam liberi arbitrij : & non scire se habere. Quale gaudium seu gloria esset. Ecce iam hic incipit gaudium & gloria & bonum quod ipse cognoscit se habere. Sed adhuc non iussit cognoscere se accepisse ab alio : & quod à seipso.

*Homo  
gaudet  
ex hoc  
quod scit  
se habere  
quod  
habet.*



## De proprietate liberi arbitrij 127

so non habet nisi possit quærere & inuenire illum à quo habet. Nec adhuc sufficit illum inuenire : nisi sciat & poterit illum tenere & sibi debite regratiari. Ista autem omnia homo solus in vniuerso habet : solus homo accepit : & nulla alia res inferior : homo ergò habet & cognoscit se habere : & etiam potest tenere illum à quo accepit : & potest illi regratiari. Ecce igitur qualiter ista omnia sunt ordinata adinuicem : & vnum non valet sine alio : & qualiter homo habet omnia & pro se & pro aliis vt dictum est. Et propter hoc sequitur quod solus homo potest gaudere de his quæ habet : & hoc inquantum potest : & aliarum res non possunt gaudere de his quæ habent inquantum habent : quia eis deficiunt quatuor gradus ex quibus nascitur gaudium : & lætitia sequitur.

### T I T V L V S X C V I .

*Quod per istam differentiam hominis ad alias res manifestatur debitum de iure natura : & naturalis : & vera obligatio indelebilis quia solus homo in vniuerso soli Deo est naturaliter obligatus : & primò tam pro se quàm pro omnibus creaturis.*

**Q**Voniam autem dictum est : quod habere non cognoscere se habere : nullum gaudium generat rei habenti nec est aliqua gloria : & cum conditor & creator omnium dederit omnibus creaturis inferioribus homine esse : & nobile esse & vni plus & alteri minus & tamen nulli earum dedit cum quo possit cognoscere se habere illud quod sibi datum est : quia nesciunt se habere quod habent : nec dedit eis cum quo possint cognoscere se accepisse quod habent : nec illum à quo habent : nec cum quo possint regratiari sibi : solus autem homo in vniuerso hoc habet & accepit : quod potest cognoscere se habere & accepisse : & cognoscere illum à quo habet & illi regratiari. Et ideo quærendum & inuestigandum est quale signum est hoc : quid significat hoc quid arguendum est ex hoc : quod scilicet soli homini datum est hoc & non aliis creaturis. Et verissimè Tit.xcv. Quod omnia sūt creatura propter hominem. dicere possumus : hoc signum verissimum & argumentum infallibile : quod ipse conditor omnium Deus non fecit creaturas inferiores propter seipsas nec propter bonum earum : sed omnes fecit & ordinauit propter hominem.



hominem : & propter bonam hominis : & propter eius  
 vtilitatem : vel propter seruitium : vel propter necessi-  
 tatem : vel propter solatium & gaudium hominis : vel  
 propter doctrinam : & quod quicquid Deus dedit crea-  
 turis dedit eis propter hominem : & quicquid habent  
 & acceperunt creaturæ inferiores à Creatore : totum  
 habent & acceperunt propter hominem : & non pro-  
 pter seipsas. Quid enim proficit eis quod habent : quia  
 nesciunt se habere. Et exinde potestatem : quod omnes  
 creaturæ inferiores sunt colligatæ cum homine : quia  
 quod eis deficit : homo habet pro ipsis : quia ipse  
 homo potest cognoscere se habere id quod habet : quan-  
 tum habet : & etiam quid habent aliæ creaturæ : & quan-  
 tum habent. Et id eò quia solus homo hoc accepit &  
 aliis deficit homo accepit pro omnibus , ergò omnia  
 faciunt cum ipso vnum corpus : vnam ciuitatem : &  
 vnum regnum : vbi ipse homo est caput & Rex. Cum  
 enim omnes creaturæ inferiores & ipse homo : accepe-  
 rint quicquid habent ab vno & eodem & soli homini  
 datum est vt possit cognoscere seipsum : & quicquid ip-  
 se accepit & quicquid alia habent & acceperunt : & ip-  
 se solus possit cognoscere illum qui dedit : tenetur illi  
 .regratiari pro se & pro omnibus aliis. Signum enim ve-  
 rissimum est quod omnia sunt data homini & omnia  
 sunt vnum cum homine. Et ideo solus homo dicitur  
 accepisse propriè : & aliæ creaturæ non dicuntur pro-  
 priè accepisse : quia non pro se : sed pro homine acce-  
 perunt : quod acceperunt. Quia si pro seipsis accepissent :  
 haberent cum quo cognoscerent se habere & accepisse :  
 & possent illum cognoscere à quo acceperunt & illi re-  
 gratiari : sicut homo potest. Sic ergò tu solus homo  
 accepisti. Accepisti enim quicquid habes in teipso : &  
 accepisti quicquid habent aliæ creaturæ : quia illæ ni-  
 hil acceperunt pro seipsis : sed tu es accipiens & acce-  
 ptor in vniuerso : & solus Deus est dans & donator. Om-  
 nia ergò quæ sunt : clauduntur in tribus : scilicet da-  
 tore : accipiente : & dono. Sunt ergò tria tantum , sci-  
 licet Deus dans : homo accipiens : mundus & creaturæ :  
 donum seu munus. Et quia ex dare & recipere & ex  
 dando & recipiendo oritur obligatio naturalis ex parte  
 recipientis : & omnis qui dat aliquod bonum siue do-  
 num libere : voluntarie : & non ex necessitate : obligat  
 illum qui recipit : & hoc maximè si ille qui recipit non  
 potest

*Homo est  
 rex om-  
 nium re-  
 rum.*

*Homo te-  
 netur pro  
 aliis Deo  
 regra-  
 tiari.*

*Solus ho-  
 mo acce-  
 pit à Deo.*

*Homo  
 natura-  
 liter obli-  
 gatur  
 Deo re-  
 gratiari  
 pro omni-  
 bus crea-  
 turis.*

potest esse sine illo dono. Quia ergò solus Deus dat & solus homo recipit & omnia sunt homini data liberè & voluntariè: & non ex necessitate naturæ: ergò ex omnibus his concluditur infallibiliter naturale debitum: ac necessaria & naturalis obligatio hominis ad Deum Creatorem omnium: & quod solus homo teneatur naturaliter & necessario in hoc mundo Deo: & quod aliæ creaturæ non teneantur Deo de his quæ habent: sed solus homo obligatur Deo pro omnibus creaturis simul: & pro qualibet in particulari. Et sic omnes creaturæ clamant & testificantur solum naturaliter hominem in hoc mundo esse obligatum pro ipsis. Et non solum homo est obligatus Deo pro creaturis: sed etiam pro seipso: & pro his quæ accepit in seipso: & quicquid habet totum accepit. Et sic Deus dedit totum mundum homini: & etiam dedit sibi quicquid habet in seipso: & sic dedit ipsummet hominem sibiipso. Et sic homo est datus sibiipso: & est datum & accipiens: & sic homo accepit seipsum & accepit mundum: & sic ipse obligatur pro seipso & pro mundo. Conclusa est ergò & inuenta obligatio naturalis hominis ad Deum indelebilis & infallibilis: & non negabilis sed manifesta & summè visibilis.

T I T V L V S X C V I I.

*Hic declaratur experimentaliter quod omnia serviunt homini & sunt bonum hominis.*

**E**T quia probatum est quod omnia sunt propter hominem & quicquid omnes creaturæ acceperunt: propter hominem: ideò oportet etiam videre qualiter serviunt homini: & qualiter sunt ad bonum hominis: & ut homo magis cognoscat se obligatum esse per experientiam visibilem. Vnde quia homo non habet nisi animam & corpus: & ideò quicquid servit homini: vel quicquid est ad bonum hominis: vel servit animæ vel corpori: & est ad bonum animæ vel corporis. Et primò declarabimus, scilicet qualiter omnia serviunt corpori: vel ad necessitatem: vel ad delectationem: vel solatium seu adiutorium. Vnde aliquæ sunt creaturæ quæ sunt necessariae homini: & hoc quantum ad corpus sine quibus non potest esse neque permanere: sicut sunt quatuor elementa & sol & multa alia. Necesse est enim  
I homini

*Tit. xcvi*

*Omnia  
serviunt  
corpori  
hominis.*



homini vti terra , aëre , sole , & similibus. Ista enim necessitas magis videtur , scilicet cogitando & imaginando ipsorum absentiam Nam si imaginemur terram non esse quomodo possemus manere. Item si aqua , si ignis , si aër , si sol auferrentur a nobis & quomodo possemus vivere. Ergò ista sunt necessaria omnino : sine quibus homo vivere non posset. Et si non essent arbores , neque plantæ , neque blada : quomodo homo iocundè viueret & benè. Et si non essent animalia : quomodo homo viueret decenter : quia aliqua sunt sibi in cibum : aliqua in adiutorium : aliqua ad vtrumque : aliqua ad solatium : aliqua in exemplum. Omnia ergò ista sunt homini necessaria quo ad corpus : vt homo non potest carere istis , & accipit beneficium istorum velit nolit : & hoc incessanter & continuè. Sic ergò omnia quæ sunt in mundo sunt pro homine : & die ac nocte laborant pro homine & seruiunt sibi continuè. Et sic vniuersum est pro homine : & propter hominem : & propter bonum suum sic mirabiliter ordinatum. Et si fortè dicat homo : quia ista quæ seruiunt homini etiam seruiunt & bestiis & animalibus : vt inspiratio aëris , lumen solis , aqua , terra , herbæ , & alia plura. Ad hoc respondetur quod verum est , scilicet seruiendo bestiis & brutis seruiunt homini : quia bestię & animalia sunt propter hominem , & non propter se : & ideo seruitium quod fit propter hominem , scilicet animalibus fit homini. Siue ergò illa quæ seruiunt homini : siue illa quæ seruiunt seruientibus homini necessaria sunt. Ergò omnia sunt data homini : omnia obsequium impendunt homini. Vide igitur homo istum mundum vniuersum & considera si sit aliquid in eo quod tibi non seruiat. Omnis enim natura ad hoc laborat in obsequiis tuis vt famuletur vtilitati tuæ : deseruiatque tuis necessitatibus & delectamētis secundum affluentiam indefinentem hoc cœlum , hoc terra , hoc aër hoc mare , hoc cum omnibus quæ in eis sunt complete non cessant : hoc etiam circumitus temporum per quatuor tempora anni : in nouando & renouando omnia quolibet anno continue ministrant. Cogita ergò homo quis hoc instituit quis istud præcepit naturæ vt sic vnanimiter tibi seruiat. Beneficium sentis , & hoc negare non potes. Quare ergò datorem tanti beneficij non cognoscis ? Quoniam hoc datum non est tuum debitum : sed alienum beneficium.

Vndè



Vndè tu non accepisti ea quæ habes à teipso : ergò nec aliæ res quæ seruiunt tibi acceperunt illa quæ habent à seipsis : quia tunc essent maiores quam tu. Nec etiam à te acceperunt. Sed cum tu accipis seruitium earum rerum : & continuè accipis beneficium earum : & non dedisti rebus id quod habent , & per quod seruiunt tibi : nec ordinasti ipsas res vt seruirent tibi cum semper accipis seruitium ab eis ergò obligatus es pro illo beneficio suscepto : sed non obligaris ipsis rebus quæ tibi seruiunt quia licet tibi seruiant : non tamen libere : sed quodammodo coacte. Ergò alicui alteri obligaris : non alicui inferiori : ergò alicui superiori : qui omnes res sic tibi seruire facit. Multum ergò tibi dedit qui tibi hoc totum dedit. Multum ergò illi obligaris , & teneris illi regratiari : qui tibi tantum dare voluit. Vndè omnis creatura clamat tibi, accipe, redde, accipe beneficium , accipe seruitium : redde debitum. Cælum dicit. Ministro tibi lumen in die vt vigiles : tenebras in nocte vt dormias & quiescas : ego ad tuam recreationem facio temporum innouationes ac mutationes , scil. temperamentum veris, feruorem æstatis , plenitudinem autumnii , & frigus hyemis : ego vario dies & noctes : nunc breues, nunc longas : vt varietas tollat fastidium : & ordo faciat delectamentum. Aër dicit. Communico tibi statum vitalem & mitto tibi ad tuum obsequium omne genus auium. Aqua dicit. Potum tibi præbeo : sordes tuas purgo : rigo sicca & arida & ad tuum cibum ministro diuersa genera piscium. Terra dicit. Ego te porto , ego te nutrio, pane conforto , vino te latifico, omnium generum fructibus oblecto, diuersis animalibus mensam tuam repleo. Mundus totus dicit. Vide quomodo te amauit qui propter te fecit me seruire tibi : quia factus sum propter te : vt & tu seruias illi qui fecit me : & tenet propter te : & te propter se. Si sentis beneficium redde debitum. Ecce ergò qualiter omnia quæ sunt in mundo seruiunt experimentaliter homini & sunt ad bonum hominis ex parte corporis.

*Homo tenetur  
Deo re-  
gratiari.*

*Quod etiam sunt ad bonum hominis omnia quantum ad animam: quia vel sunt ad gaudium vel ad doctrinam.*

*Tit. xcv.  
Omnia  
sunt ad  
gaudii  
hominis.*

**N**on autem totus iste mundus vniuersus solum est ad seruitium hominis & obsequium quantum ad corpus: immò magis est ad animam: quia non est aliqua creatura quantumcunque modica quin homo possit extrahere ab ipsa aliquam doctrinam vel documentum: vel aliquod bonum. Vndè omnes creaturæ sunt vel ad gaudium hominis vel ad doctrinam. Et primò videamus qualiter omnes sunt ad gaudium hominis. Vndè dictum est quod solus homo gaudet & potest gaudere de his quæ habet & de his quæ habent aliæ creaturæ: & quia aliæ creaturæ non possunt gaudere de his quæ habent: quia gaudium oritur ex eo quod aliqua res cognoscit se habere id quod habet: & quia solus homo cognoscit se habere id quod habet & etiam scit illud quod habent aliæ creaturæ: ideò homo potest gaudere de se & de aliis creaturis: & totum gaudium hominis est quod aliæ creaturæ habent id quod habent ad gaudium hominis: & ipsæ nullum gaudium habent de his quæ habent: sed totum gaudium quod quælibet res deberet habere de his quæ habet & de sua pulchritudine solus homo habet: quia solus homo cognoscit ipsas res habere id quod habent & gaudet: quia habent id quod habent: maximè quia cognoscit quod illa quæ habent: habent pro ipso. Et ideò quia homo gaudet de his quæ habet ipse in seipso: sic etiam gaudet de his quæ aliæ creaturæ habent pro ipso. Verbi gratia. Totum gaudium quod deberet habere aqua de sua claritate & pulchritudine, homo habet: totum quod deberet habere rosa quæ est pulcherrimus florum: homo habet: & totum gaudium quod deberet habere sol de sua luce & nobilitate: solus homo habet. Et simile est de stellis. Et sic patet quod omnes creaturæ quicquid sunt & habent: ad gaudium hominis habent: & non ad gaudium proprium.



*Maior declaratio gaudiij.*

**I**tem adhuc euidentius patet & potest declarari: quomodo omnes creaturæ sunt ad gaudium hominis: immo nullum gaudium haberet homo: nisi essent inferiores creaturæ: ex eo quia non cognosceret se esse nobilem & excellentem creaturam: neque cognosceret seipsum. Nam dum homo comparat seipsum ad alias creaturas inferiores: tunc cognoscit se esse nobiliorem creaturam & suam naturam esse digniorem & meliorem omnium aliarum rerum. Ita quod aliæ creaturæ faciunt videri & apparere nobilitatem naturæ humanæ: sicut subditi: milites & barones faciunt apparere nobilitatem Regis & tunc homo gaudet: quia habet pulchriorem & digniorem naturam super omnes alias creaturas & gaudet quia sibi plus datum est quàm omnibus aliis creaturis & quod sua natura exaltata est super elementa, super lapides & arbores, & super omnia bruta & de hoc homo habet magnum gaudium, & maximè quando videt se tantum esse dilectum præ omnibus creaturis à suo conditore: qui sola sua voluntate & benignitate & bonitate fecit hominem talem: & voluit omnibus aliis præferri. Ista omnia non cogitaret homo nisi essent aliæ creaturæ inferiores: quia respiciendo alias creaturas: tunc homo se comparat ad illas & videtur quod illæ multominus acceperunt quàm ipse & sic comparando hominem ad omnes, & hominem ad quamlibet per se. Si ergo homo vult habere gaudium de his quæ habet, & quæ data sunt sibi comparate se debet ad inferiores creaturas: & tunc videbit seipsum: & cognoscet seipsum & dignitatem suam: nec aliter poterit seipsum cognoscere. Quando enim comparat staturam sui corporis ad staturam aliorum animalium: tunc cognoscit suam dignitatem & nobilitatem. Quia animalia respiciunt semper terram & habent faciem semper versus terram: homo autem respicit Cælum: & habet caput & faciem semper ad Cælum: & animalia habent staturam curuam: & homo habet staturam rectam. Et dum homo etiam videt quomodo cætera animalia ambulant: & qualiter ipse ambulat videt differentiam magnam: & dum etiam comparat, pulchritudinem

*Qualiter  
homo po-  
test sibi  
gaudiū  
acquire-  
re.*



### 134 *Omnia sunt ad gaudium hominis.*

dinem faciei suæ ad pulchritudinem aliorum animalium : & pedes ad pedes : & manus suas ad membra aliorum animalium : tunc certè homo cognoscit suam nobilitatem & multum gaudet : & reputat se ex hoc solum esse diuitem : quia cognoscit quod conditor omnium creaturarum sibi tantam voluit conferre dignitatem & excellentiam præ omnibus aliis creaturis maxime quia voluit ipsum facere creaturam rationalem : & alias creaturas irracionales & bruta : & quia voluit ei conferre liberum arbitrium : & non aliis creaturis quæ omnes sunt seruæ respectu hominis : & dum etiam voluit homini dare imaginem suam : & non aliis creaturis & istam dignitatem & prærogatiuam cognoscit se habere homo super alias creaturas ad quas se comparat. Et sic apparet quod aliæ creaturæ sunt omnes ad gaudium hominis : quia per ipsas cognoscit seipsum : & hoc est maximum bonum hominis cognoscere seipsum : & maximum malum hominis ignorare seipsum. Item etiam res inferiores homine sunt ad magnam doctrinam & cognitionem hominis. Vnde per animalia bruta cognoscit quod suum vltimum ac finale & verum bonum non consistit in istis rebus corporalibus & insensibilibus ac in delectamentis corporis sicut in bibendo : comedendo ; luxuriando : quia ista omnia communicantur etiam bestiis : ideo arguit homo : quod debet habere alia bona quæ non conueniunt animalibus sicut ipse homo excedit alia animalia. Et ideo cognoscit quod sua vltima felicitas non consistit in istis rebus corporalibus quibus etiam vtuntur bestię. Et si animalia non essent fortè crederet quod non essent maiora alia bona pro ipso : sed solum ista & ideo istam cognitionem habet propter animalia. Vtcrius non est aliqua creatura : à qua non possit extrahere aliquam doctrinam aut aliquod exemplum ad suum bonum & ad suam vtilitatem. Et sic omnia vel sunt ad bonum corporis : vel animæ : vel vtriusque simul. Præterea iam declaratum est in scala naturæ : quæ composita est ex omnibus creaturis : qualiter homo ascendit in cognitionem sui Creatoris : & acquirit magnam scientiam de Deo ita quod omnes creaturæ intimant homini ad acquirendam veram scientiam homini necessariam vt declaratum est. Et non solum hoc : sed etiam plures alias scientias quæ non sunt necessariae simpliciter : sed in illis potest homo delectari : sicut sunt

*Supratit.*  
*j.*

sunt geometria: arithmetica: musica: astrologia: phi-  
 losophia naturalis & metaphysica: quæ omnes ortæ sunt  
 à creaturis. Concludamus ergò iterum ex dictis: quod  
 omnia quæ sunt in mundo facta sunt propter hominem:  
 & quod nulla creatura inferior homine est propter se-  
 ipsam: nec ad bonum simplicius: sed propter hominem ad  
 seruiendum corpori vel animæ videlicet vel ad necessi-  
 tatem vel ad vtilitatem seu ad iuuamen siue consolatio-  
 nem siue gaudium: aut doctrinam & exemplum. Se-  
 quitur ergò quod homo est obligatus Deo pro omni-  
 bus his & pro toto mundo, quia propter ipsum factus  
 est. Verissima ergò & realis obligatio hominis est ad  
 Deum, & illa scripta est in omnibus creaturis, & ista  
 obligatio est primum ligamen & vinculum quo homo  
 ligatur cum Deo. Sic ergò creaturæ ligantur cum ho-  
 mine: quia sunt propter hominem & exindè homo li-  
 gatur cum Deo per talem obligationem: quia accepit  
 ab eo: & sic factus est debitor.

*Conclu-  
dit om-  
nia esse  
propter  
hominē.*

T I T V L V S C.

*De conditionibus & circumstantiis & modis istius  
 obligationis & primo de magnitudine  
 obligationis.*

**Q**uoniam autem manifestata est obligatio inter  
 hominem & Deum: quæ orta est ex acceptione  
 & donatione. Visis ergò radice & fundamentis obli-  
 gationis ipsius: vt magis cognoscantur: videndæ sunt  
 conditiones & circumstantiæ ipsius & modi: quæ om-  
 nia oriuntur vel ex parte recipientis: vel ex parte dan-  
 tis: vel ex parte doni & rei datæ. Et primo conside-  
 randa est magnitudo obligationis quam magna sit &  
 quanta. Et quia donum & acceptum est manifestissi-  
 mum ideo primo videbimus magnitudinem obligatio-  
 nis ratione donorum acceptorum. Vnde magnitudo  
 obligationis crescit ex magnitudine donorum & tanta  
 est obligatio quanta sunt dona: ideo ponderanda ac  
 mensuranda: & memoranda sunt omnia dona & acce-  
 pta pro quibus est obligatus Deo homo & tenetur  
 quantum fieri poterit. Et quia primo homo obligatur  
 Deo pro toto mundo: & pro omnibus creaturis: ideo  
 tantum obligatur quantum totus mundus valet & om-  
 nes creaturæ. Vnde ipsa terra accepit totum quod ha-

*Tit. xcv.*

*Tantum  
homo o-  
bligatur  
Deo quā-  
tum ac-  
cepit.*

*Tit. xcvi  
homo o-  
bligatur  
Deo pro  
omnibus  
creaturis*

### 136 *Omnia sunt ad gaudium hominis.*

bet à Deo quia accepit esse de non esse & de nihilo: quia terra plus habet quam nihil. Et quia accepit pro homine: ideo homo tenetur pro ea reddere Deo quantum terra teneretur Deo si ipsa pro se accepisset: & ad tantum obligatur quantum valet: & terra tantum valet quantum plus valet aliquid quam nihil: immo etiam quantum ipsa valet homini. Aliud enim est dicere quantum terra valet homini: & quantum terra valet in se: quia alius est iste valor: alius ille. Item obligatur pro seruitio quod facit & impendit sibi terra. Vltterius obligatur homo Deo pro aqua quantum ipsa aqua obligaretur si ipsa hoc accepisset pro se quod accepit pro homine: & plus quam terra quia est lucidior & clarior. Et ergo quanto plus ipsa accepit de tanto plus homo debet regratiari Deo. Item homo etiam capit seruitium de aqua: pro quo tenetur Deo regratiari & seruire & tantum Deo tenetur pro aqua pro quanto nollit carere aqua. Vltterius quia aër accepit quicquid habet à Deo: & quia accepit esse de non esse & accepit nobiliorem naturam quam aqua & terra, ideo plus tenetur aër Deo quam terra & aqua. Sed quia non cognoscit se habere & accepisse quod habet: & homo cognoscit pro ipso aëre ideo homo tenetur Deo facere pro aëre quod aër teneretur si cognosceret: & si hoc quod habet pro seipso haberet & etiam pro illo seruitio quod aër attribuit homini & pro quo nollit carere aëre. Similiter est de igne, &c. Ita ergo duplici via tenetur & obligatur homo Deo pro creaturis. Primo quia nulla creatura cognoscit se habere id quod habet: & ideo nescit quid Deo debet & quantum debet & tamen accepit: & ideo tenetur Deo reddere pro his quæ accepit. Et quia solus homo scit & cognoscit hoc: ideo ipse homo tenetur facere pro qualibet creatura id quod quælibet creatura deberet facere Deo: quia ipse est solus in mundo qui potest & scit. Sicut si in aliqua ciuitate non esset nisi vnus sapiens & omnes alij essent insipientes vel pueri: & si aliquis princeps faceret vnum magnum bonum ciuitati illi & cuilibet nonne ille qui est sapiens deberet reddere gratiarum actiones & loqui pro omnibus. Et si non fieret: nonne totum imputaretur illi & non aliis. Sic est similiter de Deo & de aliis creaturis & homine quia solus homo scit & aliarum creaturarum nesciunt. Igitur homo pro omnibus tenetur respondere.

*Duplici-  
ter obli-  
gatur  
homo  
Deo pro  
creaturis*



pondere. Secundo tenetur homo pro omnibus creaturis Deo : quia creaturæ acceperunt à Deo quicquid habent & non acceperunt propter seipsas : sed propter hominem & pro homine videlicet ad seruiendum ei. Et ideo sicut Dominus obligatur pro omnibus : quæ dantur seruis suis propter ipsum & non serui : ita homo tenetur Deo pro omnibus quæ dantur creaturis propter ipsum & non ipsæ creaturæ quia hoc quod ipsæ creaturæ acceperunt non propter se sed propter hominem acceperunt : & propter hoc vt seruirent homini. Et ad cognoscendum quanta sit obligatio pro qualibet creatura. Primum considerata est creatura quantum valeat in seipsa : & quantum valeat vna plus quam altera in nobilitate : & perfectione & in natura & in vniuerso. Secundo considerandum est seruitium & beneficium quod recipit homo de creatura : & quantum creatura valet homini : & quantum homini est necessaria & considerata est nobilitas & ignobilitas creaturæ seruientis. Vnde quamuis aliquando creatura minus nobilis & infima : sit homini magis necessaria : & magis seruiat homini quam creatura magis nobilis & superior : attamen seruitium quod impendit illa creatura magis nobilis : est dignius & nobilius : & magis homo tenetur pro seruitio dignioris creaturæ quam alterius. Quia sicut creatura excedit creaturam in nobilitate ita seruitium creaturæ nobilioris excedit seruitium creaturæ minus nobilis : quamuis non in necessitate : vt declaratum est per exemplum. Plus enim tenetur aliquis Dominus pro seruitio vnius militis , quàm decem aliorum inferiorum quia plus appretiat illud seruitium. Et seruitium vnius comitis plus appretiat quàm decem militum & seruitium vnius ducis , quàm multorum comitum. Quanto enim res quæ seruit fuerit nobilior , tanto etiam seruitium factum per talem rem , est nobilius , & pro illo plus obligatur hoc enim est ad magnū honorē & magnam nobilitatem & exaltationem alicuius rei : quod res nobiles & excellentes seruiant ei. Sic ergò considerata est necessitas seruitij & nobilitas & ipsa nobilitas excellit necessitatem. Et ex hoc sequitur quod homo plus tenetur pro seruitio aquæ quàm terræ , & plus pro seruitio aëris quàm aquæ & ignis quàm aëris , & plus pro seruitio solis , lunæ , & stellarum quàm elementorum & plus pro seruitio rerum viuentium quàm

*Quātum  
homo o-  
bligatur  
Deo pro  
creatu-  
ra.*

*Tit.  
xcvij.*

# 138 *Omnia sunt ad gaudium hominis.*

*Concludit  
quā-  
titatem  
obliga-  
tionis ho-  
minis ad  
Deum  
pro crea-  
tura.*

*Eodem  
tit.*

*Eodem  
tit.*

*Titu. j.*

non viuentium & plus pro seruitio animalium bruto-  
rum quàm arborum & herbarum : & plus pro seruitio  
hominum quàm animalium. Et hoc totum est ratione  
nobilitatis creaturæ seruientis : cuius vnum seruitium  
quandoque est nobilius quàm mille aliarum creatura-  
rum minus nobilium : sicut etiam seruitium membro-  
rum superiorum sicut cerebri, capitis : oculorum, linguæ  
manuum : cordis & cæterorum est multo nobilius ser-  
uitio aliorum membrorum inferiorum sicut pedum &  
tibiæ & cæterorum. Ex omnibus his fundatur re-  
gula de magnitudine obligationis videlicet quod con-  
siderandum est de qualibet creatura quantum habet &  
accepit : & quantum sibi datum est : & per consequens  
quantum obligaretur Deo si sciret se habere id quod  
habet & si pro seipsa haberet. Et quia omnes creaturæ  
sunt ordinatæ per gradus : ideò possumus considerare  
valorem creaturarum per gradus : & etiam in quolibet  
gradu sunt multi gradus. Vnde illæ creaturæ quæ sunt  
in primo gradu : quæ habent tantum esse & non vivere  
tenentur Deo pro esse quod acceperunt : quia habent  
plus quàm non esse & plus quàm nihil : & ideò tan-  
tum debent Deo quantum esse plus valet quàm non es-  
se. Et quia in illo esse sunt adhuc multi gradus ac dif-  
ferentiæ nobilitatis & pulchritudinis : quia vna res ha-  
bet nobilius & pulchrius esse quam alia : ideò plus te-  
nentur illæ res quæ pulchrius habent esse. Et quia ho-  
mo obligatur pro creaturis vt dictum est : ideò ipse te-  
netur pro omnibus pro quibus tenentur creaturæ. Vlti-  
mus creaturæ quæ sunt in secundo gradu : plus tenentur  
quàm illæ quæ sunt in primo gradu : & similiter illæ  
quæ sunt in tertio gradu : plusquam de secundo gradu  
quia habent hoc quod illæ : & plus : & ideò obligan-  
tur Deo plus. Et vt dictum est homo obligatur Deo pro  
omnibus creaturis : quia creaturæ acceperunt id quod  
habent ; non propter seipsas sed propter hominem. Sunt  
enim in istis gradibus multi gradus alij vt dictum est in  
scala naturæ : de animalibus : de auibus : de piscibus &  
similibus. Pro omnibus his obligatur homo Deo quia  
hoc esse nobile quod habet nobilius vna creatura quàm  
alia : totum habet propter hominem. Ecce ergò quan-  
ta obligatio hominis erga Deum : & quantum tenetur  
homo Deo pro toto mundo. Tantum enim quantum  
valet quod mundus accepit & quælibet creatura pro ho-  
mine

*Omnia sunt ad gaudium hominis.* 139  
mine à Deo. Satis ergò est homo obligatus Deo pro  
mundo : & si nihil aliud accepisset.

T I T V L V S C I.

*Quod magis est obligatus homo Deo pro his quæ  
accepit in seipso quàm pro toto mundo.*

**E**T quoniam homo accepit à Deo quicquid habet in  
seipso sicut aliæ creaturæ : ideò si homo obligatur  
pro his quæ acceperunt aliæ creaturæ : quia pro ipso  
acceperunt : & quia ipse solus cognoscit eas accepisse  
quod acceperunt : & quantum acceperunt : multo ergò  
magis debet esse obligatus Deo pro his quæ ipsemet ac- *Supra*  
cepit pro seipso : cum ipse cognoscat se habere & acce- *titu. c.*  
pisse : & quantum valet quod accepit cum etiam cog-  
noscat quantum plus accepit quàm aliæ creaturæ &  
quantum valet id quod accepit plus. Sicut ergò homo  
tenetur pro toto mundo : ita tenetur pro toto seipso : *Supra ti-*  
quia sicut Deus dedit totum mundum homini : ita de- *tu. c. in*  
dit hominem sibiipso. Ideò tantum tenetur homo pro se : *fi.*  
quantum ipsemet valet. Quod autem homo multum  
valeat & sit multum in natura sua pretiosus : hoc osten- *Pretiosi-*  
dit & manifestat totus iste mundus : & omnes creaturæ *tas ho-*  
quæ sunt in eo : quia totus iste mundus factus est pro- *minis hic*  
pter hominem & pro homine : ergò homo plus ponde- *ostendi-*  
rat & magis est pretiosus : quàm totus mundus & om- *tur.*  
nes creaturæ simul cum tamen in natura sint tam nobi-  
les & excellentes creaturæ & tam pretiosæ & tam  
magnæ : quæ omnes sunt propter hominem & seruiunt  
homini : sicut sunt elementa & viuentia ac sentientia :  
& corpora caelestia incorruptibilia & perpetua : & inter  
omnia maximè ipse sol. Vt autem ex pretiositate & *Supra ti-*  
magnitudine seruatorum cognoscatur magnitudo & *tu. xcviij.*  
nobilitas ipsius naturæ cui seruitur : cogitare possumus  
quanta est magnitudo, pretiositas & valor naturæ hu-  
manæ : cui totus mundus plenus tam magnis & pretio-  
sis creaturis continuè seruit.

T I T V L V S C I I.

*Hic concluditur immortalitas anima rationalis.*

**E**T sine dubio pretiositas & nobilitas creaturarum *Pretiosi-*  
homini seruientium manifestant & dicunt nobis *tas ho-*  
minis. *quod*



## 140 *Omnia sunt ad gaudium hominis.*

quod in homine est aliquod immortale & incorruptibile ac perpetuum semper viuens : quia creaturæ quædam seruientes homini : sunt incorruptibiles & semper durantes in suo esse : sine aliqua diminutione : sicut sol & corpora cælestia. Vndè enim esset hoc : quis ordo esset iste quod creaturæ quæ continuè seruiunt homini : & ad hoc factæ sunt & ordinatæ, essent tãtæ nobilitatis perfectionis & pretiositatis & essent omninò incorruptibiles & perpetuæ : & quod homo cui seruiūt esset totus corruptibilis ac mortalis : & nihil esset in eo immortale. Ergò in homine est aliquid immortale. Sed hoc non est corpus : quia corpus moritur : ergò in homine est aliquod ultra corpus quod est immortale & perpetuum. Hoc autem non potest esse nisi id quod est excellentius in homine : & hoc est liberum arbitrium. Et per consequens anima hominis est immortalis in qua est liberum arbitrium radicum & plantatum. Ergò magnitudo & pretiositas creaturarum ostendunt hominem esse magni pretij quia sibi continuè & incessanter seruiunt. Si ergò ipse homo dignior est aliis creaturis sibi seruientibus : & plures tales creaturæ sunt perpetuæ : sequitur quod homo quantum ad maiorem partem sit perpetuus. Vel seruiens erit pretiosius & nobilius illo cui seruitur quod est homo : & ergò esset ibi ordo in vniuerso peruersus quod tamen est contra naturam ordinis : quia ordo de se dicit regulatum & non peruersum. Ergò sequitur quod homo est magni pretij, & magni ponderis & valoris. Nam Deus dedit homini magnum donum : quando dedit homini ipsummet hominem. Plus igitur dedit illi in hoc : quàm quando dedit sibi totum mundum : quia homo plus valet quàm totus mundus : & ideo obligatur Deo pro tanto quantum ipse valet.

### T I T V L V S C I I I.

*Quod ponderandus est homo per partes suas ut  
sciatur quantum valeat.*

**Q**uoniam autem homo non potest scire quantum obligatur Deo pro seipso nisi sciat quantum valeat & ponderet : & quia totus homo simul est magni ponderis & pretij : & plus ponderat quàm totus mundus : ideo sicut mundus non potest ponderari : nisi sit in partes suas diuisus : ideo homo multo minus poterit ponderari nisi diuidatur

*Omnia sunt ad gaudium hominis. 141*

diuidatur per partes & partes ipsæ ponderentur: & sic melius sciemus pondus ipsius hominis simul & pretium quantum fieri poterit. Et primo diuidatur homo in suas partes generales & magnas & postea iterum illæ partes diuidantur in partes speciales & paruas: quia quælibet pars in homine est magni pretij & valoris. Partes autem magnæ & grossæ in quas potest diuidi homo totus sunt esse: viuere & sentire: & intelligere seu liberum arbitrium. Vel partes magnæ & grossæ hominis sunt corpus & anima: sed partes speciales & paruæ sunt partes corporis & animæ: quia corpus habet suas partes similiter & anima. Ponderandus est ergo homo secundum omnes suas partes magnas primo: secundo secundum omnes suas partes paruas. Ponderet ergo homo seipsum secundum esse primo: quæ est prima pars. Vnde homo debet cogitare quod aliquando non fuerat & nihil erat. Accepit ergo homo primo hoc vt esse inciperet: cum non esset: & aliquid fieret cum nihil foret ante. Ergo bonum accepit quando esse accepit quia non erat & nihil habebat. Et quamuis aliæ creaturæ similiter acceperunt esse cum non essent & factæ sunt cum nihil essent ante & Deus dedit eis esse cum non essent propter hominem & propter esse hominis: & ideo pretiosius est esse hominis quam esse aliarum rerum. Vnde esse omnium respicit esse hominis: & ad ipsum tendit tanquam ad principalius & maius esse & pretiosius propter quod est esse omnium creaturarum. Ecce igitur quantum ponderat esse hominis quod accepit: quantum valet: & quanti pretij est. Multum ergo obligatur homo Deo pro esse quod accepit: & quamuis nihil plus accepisset: plus valet esse hominis supra nihil quam esse omnium creaturarum. Item non solum accepit homo esse: immo amplius quia pulchrum & formosum esse & artificiosum: hoc enim est maius quam esse tantum & aliquid tantum. Plura enim sunt quæ habent esse: sed non habent pulchrum esse neque formosum sicut homo habet. Et si aliquibus sit datum pulchrum esse: attamen esse hominis est pulchrius & formosius quam omnium aliarum creaturarum: & etiam si habent pulchrum esse totum hoc habent propter hominem quare multum tenetur homo Deo. Item secundo homo debet cogitare & ponderare se per viuere. Vnde non solum est homini datum esse pulchrum: sed

*Pretiositas hominis*

Deus



## 142 *Omnia sunt ad gaudium hominis.*

*Pretiosi-  
tas ho-  
minis ra-  
tione vi-  
uere.*

Deus voluit eum magis exaltare : & dedit illi viuere & vitam. Vnde maius sine comparatione est viuere quam esse tantum : & maius est accipere viuere de non viuere quam esse de non esse. Et licet aliis creaturis sit datum viuere : attamen hoc est eis datum propter viuere quod est in homine : quia omnia quæ viuunt , viuunt propter hominem. Ideo pretiosior est vita hominis : quam vita omnium aliarum creaturarum. Vnde omne viuere omnium creaturarum tendit ad viuere hominis : & respicit illud tanquam principalius & nobilius : & ideo viuere hominis tanquam principale viuere : excellit omne viuere. Magnæ ergo nobilitatis est viuere quod est in homine : & plus obligatur homo Deo pro suo viuere : quam pro viuere omnium creaturarum. Vltcrius tertio post esse & post viuere : est ho-

*Pretiosi-  
tas ho-  
minis ra-  
tione se-  
ntire.*

mini datum sentire & homo eleuatur altius. Et licet aliis sit similiter datum : attamen totum hoc habent propter hominem. Et non solum sentire : immo multis modis : vt videre audire , &c. O quantus ornatus est iste : & quanta nobilitas. Et similiter est istud di-

*Pretiosi-  
tas ho-  
minis ra-  
tione li-  
ar.*

latandum sicut prius de esse & viuere. Vltcrius debet homo seipsum ponderare per suum proprium valorem : videlicet per liberum arbitrium. Non enim accepit solum & pulchrum esse : non solum viuere & nobile viuere : non solum sentire : & completum sentire : sed plus. Supra omnia ista accepit liberum arbitrium : rem grandissimam : in natura dignissimam & nobilissimam. Ecce pretiositatem liberi arbitrij : quia nulli alteri datum est nisi homini specialiter. Ecce speciale priuilegium & prerogatiua hominis quoniam viuere : esse : sentire : alijs rebus data sunt etiam sicut homini. Communia ergo sunt alijs creaturis & homini. Sed hoc scil. liberum arbitrium specialiter datum est homini. Non enim est homini & alijs commune. Ista ergo specialitas significat pretiositatem liberi arbitrij & dignitatem. Plus ergo ponderat liberum arbitrium quam omnia alia. scil. esse viuere sentire : ideo est supra omnia eleuatum : dignissimum & altissimum in natura. Ecce ibi maiestatem naturæ : imperatorem & regem totius naturæ. Omne igitur esse : omne viuere : omne sentire est propter liberum arbitrium. Vnde sicut omne esse quod est in creaturis & omne viuere & sentire : sunt propter esse : viuere & sentire hominis : ita esse viuere &



## *Omnia sunt ad gaudium hominis. 143*

& sentire quæ sunt in homine sunt propter liberum arbitrium immediate. Ecce mirabile regimen naturæ: liberum arbitrium est rex. Vnde vivere & sentire quæ sunt in homine sunt ipsa sedes liberi arbitrii: in quibus immediate sedet liberum arbitrium. Et quia immediate seruiunt ei: ideo sunt nobilissima in homine: quia immediate sunt coniuncta libero arbitrio: & seruiunt ei & portant ipsum sicut equus Dominum suum. Deinde omne aliud esse extra hominem in creaturis: & omne vivere: & omne sentire sunt propter esse: vivere & sentire: quæ sunt in homine. Omnia ergo quæ sunt in homine laborant in ipso continue & incessanter ut *Tit. 101.* maneat & sedeat ipse Rex: scilicet liberum arbitrium *Omnia* quod est immortale perpetuum & diuinum. Ideo tota *habent* natura extra hominem est sollicita pro homine: ut sedes liberi arbitrii quæ est in homine conseruetur duret *quoddam* & permaneat. Vnde omnia quæ sunt inferiora homine *esse in* habent quoddam esse in homine: & includuntur in homine. Nam elementa, arbores: plantæ & animalia omnia habent esse in eo: quia cum elementis est: cum arboribus & plantis viuit: cum animalibus sentit. Attamen esse nobilius habent elementa in homine quam in seipsis: & arbores nobilius vivere: & animalia nobilius sentire in homine quam in seipsis: & hæc est ratio quia omnia habent in homine esse humanum & sunt coniuncta cum libero arbitrio quod est dignissimum inter omnia creata: per quod in homine est principatus & dominium & regnum: & ideo omnia quæ coniunguntur cum eo nobilitantur & dignificantur. Exinde sequitur quod omnia elementa & arbores & animalia habent aspectum ad illud esse nobile quod habent in homine: & ordinantur ad illud: & sunt propter illud & appetunt conseruare naturaliter illud: quia in hoc nobilitantur. Non autem omnia ista immediate coniunguntur cū libero arbitrio: neque æqualiter appropinquant ei quia non sunt æque dignæ: sed per quemdam pulchrum ordinem maiorem vel minorem dignitatē magis vel minus appropinquant. Vnde esse elementorum quod est in homine est infimum & ibi portatur & collocatur vita vegetatiua: quia nobilior: deinde vita vegetatiua portat ipsum sentire & sensitiuam: quia dignior est ista quam alia. ultimo ipsum sentire sine virtus sensitiva cum omnibus suis partibus

# 144 *Omnia sunt ad gaudium hominis.*

*Solus  
Deus se-  
det in li.  
arb, sicut  
rex.*

*Repetit  
pretiosi-  
tatem  
hominis  
ratione  
li. ar.*

partibus nobilius portat ipsum liberum arbitrium: & ideo ibi sedet & regnat in illa ubi imperat: ibi dominatur liberum arbitrium. Vltcrius autem liberum arbitrium nihil portat creatum vel sedet in eo quia nihil creatum est supra ipsum: sed ipsum est supra omnia: ergo solum creator debet ibi sedere. Quia valde rationabile est quod sicut liberum arbitrium quod est supra omnia creata: sedet supra omnia alia: ita creator qui est supra liberum arbitrium sedeat supra ipsum. Ecce liberum arbitrium factum est sedes Dei ibi enim solus Deus debet imperare: dominari: & regnare. Vide ergo qualiter liberum arbitrium immediate & sine medio coniungitur Deo: & cum summo creatore: & tangit ipsum sine medio & portat ipsum: & non potest magis sibi appropinquare. Ecce summam hominis dignitatem per liberum arbitrium: quia factum est Dei habitaculum perpetuum & immortale. Omnia autem in natura clamant liberum arbitrium esse pretiosissimum & dignissimum supra omnia: & ordo creaturarum hoc elamat hoc clare manifestat. Vide qualiter ipsum esse reperitur in omnibus creaturis generaliter quia est infinitum omnium. deinde vide quomodo viuere est in paucioribus & est nobilius deinde sentire adhuc nobilius & in paucioribus quam viuere: & vltra attende quomodo ipsum liberum arbitrium reperitur adhuc in paucioribus: quia est in solis hominibus: iste ergo ordo manifeste declarat dignitatem liberi arbitrii: quia coniungit omnia cum Deo quia elementa coniunguntur cum vita vegetatiua: & vita vegetatiua cum sensitiua: & sensitiua cum libero arbitrio: & liberum arbitrium immediate cum Deo. Ecce igitur qualiter Deus eleuauit hominem per quandam scalam de gradu in gradum donec venit & traxit vsque in seipsum. Neque potuit eleuari per naturam nec maiorem accipere dignitatem naturalem: quia tractus est & eleuatus vsque ad Dei similitudinem & imaginem viuam. Nam liberum arbitrium est imago Dei viuam. Et quid altius dignius & nobilius & quid melius esse poterit imagine Dei viuam Multum autem dedit Deus homini quando dedit sibi esse cum non esset: adhuc plus quando dedit sibi viuere: & multo plus quando dedit sibi sentire sed maximum quando dedit sibi liberum arbitrium quod est immortale & perpetuum & dedit sibi suam imaginem



nem suam similitudinem quia tunc fecit eum sibi similem in natura : & quasi de suo genere & nullam aliam creaturam mundi ad hanc dignitatem eleuauit. Vnde sine dubio in homine est plena Dei imago & similitudo creata : nec ultra est ascensus. Et hoc ostendit ipse ordo naturæ. Vnde plus imitantur ipsæ creaturæ Deum quæ viuunt quam quæ sunt tantum & plus illæ quæ sentiunt quam illæ quæ viuunt. Maxime ergo imitatur homo Deum habens liberum arbitrium : quia in scala naturæ nulla creatura est supra : quia in eo est finis & complementum : & plena & completa imitatio : imago & similitudo creatoris. Vide ergo quanti ponderis est homo quanti valoris & quanti pretij per liberum arbitrium. Vide ergo quantum accepit homo quale donum : quia accepit liberum arbitrium : perpetuum ac immortale. Vide quantum tenetur & obligatur homo Deo : qui solus accepit tantum donum specialissimum : & accepit alia dona : ante tamen nihil habuit. Sic igitur diuidendo hominem per partes suas magnas : & eas ponderando cogitare possumus pondus & pretium totius hominis & valorem. Plus ergo sine dubio valet homo quam totus mundus : & ergo plus obligatur Deo pro seipso quam pro toto mundo. Inuigilare igitur debet vt sciat quid accepit : cum hoc scire possit & aliæ res hoc cognoscere non possunt.

*Vt supra tit. 101.*

T I T V L V S C I V.

*Quod ponderandus est etiam homo per animam & corpus qua sunt principales partes eius.*

**Q**Voniam autem totus homo non solum diuiditur in partes supradictas : immo etiam aliter potest diuidi : & communiter in duas partes principales quæ sunt corpus & anima : & ex quibus compositus est : ideo si volumus scire quid accepit homo : aliter quam per modum supradictum & clarius ponderemus hominem ex parte corporis & animæ & videamus quantæ nobilitatis & valoris sint corpus & anima. Et primo nobilitatem corporis : quia est mirabilissime dispositum & organisatum : sapientissime ordinatum & fabricatum super omnia mundi corpora. Ecce quanta proportio : quanta ordinatio est inter omnia membra : quomodo sunt inter se conuexa , inter se proportionata. Vnum enim

*Tit. 103.*

*Pretiositas hominis ratione corporis.*



*Vt supra  
tit. 101.*

*Conclu-  
ditur ma-  
ior obli-  
gatio ho-  
minis  
Deo.*

iuuat aliud : vnum seruit alteri. Ecce quanta pulchritudo. Vide primo faciem hominis & manus, & pedes: quia nihil in eis inuenies superfluum nihil diminutum. Ecce staturam hominis pulcherrimam erectam. Quanti ergo ponderis : quanti valoris homo sit: potest aestimare quis per corpus humanum. Plus ergo tenetur homo Deo pro suo corpore quam pro toto mundo. Vt autem magis ponderemus corpus videamus ipsa membra in se quantum valeant : & quantum appretiet homo quodlibet membrum videamus quantum appretiet homo manum suam. Pro quanto nollet carere sua manu, & si non haberet manum quantum vellet dare vt haberet. Certè homo sanæ mentis nollet amittere manum suam pro toto mundo : imo daret totum mundum quod manus sua non auferretur : & si esset ablata daret totum mundum si posset rehabere. Sed quantum reputaret se homo esse obligatum: qui sibi manum ablatam restauraret interim etiam homo obligatur Deo qui sibi manum dedit. Sed quid loquimur de tota manu homo vno digito nollet carere pro magno bono. Et sic quantum obligatur Deo de illo quod non vellet carere digito : de tanto etiam homo obligatur Deo de duobus : tribus, quatuor : & de omnibus : de quanto nollet carere illis. Similiter homo reuoluat & penset de omnibus membris: & innumerabilibus in homine existentibus tam ornate & pulchre fabricatis & homini datis. Pro quanto ergo nollet carere omnibus & singulis membris pro tanto etiam obligatur Deo. Et si amiserit etiam membra adhuc obligatur Deo pro his : quia accepit semel & Deus dedit.

### T I T V L V S C V.

*Quod plus obligatur homo pro anima quam pro corpore.*

*Ex mul-  
tiplici-  
tate or-  
ganorum  
corporis*

Sicut ergo homo habet corpus mirabilissime organatum & fabricatum supra omnia corpora mundi in quo sunt omnia corpora dissimilia : pulcherrima : visibilia & manifesta ita habet animam excellentissimam & nobilissimam : correspondentem corpori: iuxta suam capacitatem & dignitatem implentem ipsum corpus : & omnia organa viuificando dando vitam & sensum ac motum omnibus membris: ita quod sicut in corpore est multiplicitas organorum pulcherrimorum : & magna  
diuer

diuersitas & differentia inter ea tamen coniunguntur & arguit  
 faciunt vnum corpus mirabilissimum. Ita proportio- *multipli-*  
 nabiliter habet anima multipliciter & multitudinem *citatem*  
 officiorum nobilissimorum & mirabilium seu virtutum *officiorū*  
 & potestatum naturalium & indiuisibilium: iuxta exi- *anima.*  
 gentiam organorum corporis ita quod quot sunt mem-  
 bra organisata & distincta. tot sunt etiam virtutes & of-  
 ficia distincta ipsius animæ inuisibiles: & ita anima in-  
 trat corpus: tota plena officiis & virtutibus ac pote-  
 statibus: vt totum impleat corpus & nullum vacuum  
 membrum relinquat. Sicut enim vnus homo potest  
 habere diuersa officia & diuersas artes quas exercet per  
 diuersa instrumenta & dissimilia: ita anima habet  
 diuersa officia & diuersas virtutes quas exercet: & dis-  
 similia membra & instrumenta diuersa. Diuersitas ergo  
 organorum & instrumentorum in corpore arguit diuer-  
 sitatem potestatum & virtutum in anima. Sunt tamen  
 etiam aliquæ potestates in anima quæ non exercentur  
 per organa. Et quia omnes operationes procedunt ab *Ex ina-*  
 anima: necesse est quod tot sint virtutes tot officia: tot *qualita-*  
 potestates in anima: quot sunt operationes dissimiles *te officio-*  
 inter se. Et quia omnia quæ sunt extra hominem sunt *rum in*  
 ordinata per pulchrum ordinem secundum superius & *membris*  
 inferius secundum maiorem & minorem dignitatem: *arguitur*  
 ita quod non omnia sunt æqualia & etiam ciuitates & *inaqua-*  
 regna sunt ordinata secundum diuersitatem officiorum: *litas offi-*  
 ita quod officia non sunt similia: neque æqualia in di- *ciorum*  
 gnitate: & tamen omnia facta sunt propter hominem *in ani-*  
 ergo multo magis debent esse ordinata officia natu- *ma.*  
 ralia in anima: & virtutes & potestates secundum su-  
 perius & inferius secundum maiorem & minorem di-  
 gnitatem. Ideo non omnes virtutes nec potestates sunt  
 æquales vel officia sunt æqualia in ipsa anima: sed  
 aliquæ sunt mediocres aliquæ superiores: aliquæ infi-  
 mæ: aliquæ magis nobiles aliquæ minus nobiles. Ideo  
 anima est quoddam regnum in se: quia habet suas po-  
 testates: sua officia ordinata ad modum regni: quia  
 superiores virtutes & potestates imperant præcipiunt  
 & dominantur inferioribus: & eas regunt & gubernant.  
 Sed & virtutes inferiores obediunt famulantur & ser-  
 uiunt superioribus: & recipiunt mandata ab eis. Et  
 ideo regnum est bene dispositum & in pace: quando  
 superior potestas vt regia vel imperialis: bene regit &  
 imperat:

*Decla-  
rat potē-  
tias ani-  
ma.*

*De potē-  
tia vege-  
tativa.*

*De par-  
tibus ve-  
getativa  
potentia.*

*De potē-  
tia sensi-  
tiva &  
eius par-  
tibus.*

imperat : & inferior potestas obedit & famulatur. Ita igitur in regno animæ est bona dispositio & bona pax & tranquillitas : quando superiores potestates quæ sunt in anima bene regunt & imperant : & inferiores bene obediunt & famulantur. Incipiamus autem ab infimis operationibus animæ. Infimæ autem quæ sunt in homine sunt nutritæ ; augmentare : generare. Communiter in homine primo apparet nutritio augmentatio generatio. Et ideo quia istæ tres operationes sunt dissimiles necesse est quod sint tres virtutes & potestates dissimiles in anima eis correspondentes. Ideo est in anima virtus nutriendi : augmentandi & generandi. Et sic sunt ibi officia tria naturalia : & ista tria continentur sub vna potestate generali : quæ vocatur virtus vegetativa. Et istæ tres virtutes sunt in regno animæ ad modum laboratorum agricolarum : & mercatorum : quoniam sicut isti incessanter laborant ad sustinendum alios status nobiles regni : quoniam aliter nullus status posset durare nisi isti continue operarentur : & ideo isti portant totum pondus regni & omnes status superiores. Ita conformiter isti tres status siue virtutes infimæ continent & portant alias virtutes & potestates superiores ac nobiles in regno animæ : & continue & incessanter laborant pro eis : & portant pondus totius regni : & omnes status superiorum potestatum & officiorum. Et istæ etiam tres virtutes habent quatuor alias eis famulantes & ministrantes eis continue. scil. Virtutem appetitivam seu attractivam cuius officium est cibum desiderare & accipere. Virtutem retentivam cuius est cibum retinere : virtutem digestivam cuius est cibum coquere & digerere. Virtutem expulsiivam : cuius est superfluitates expellere & bonum chimum in omnia membra delegare. Omnia enim ista officia exercet anima cum instrumentis & organis corporalibus : ita quod istæ potestates & virtutes sunt ligatæ cum corpore & operationes earum fiunt cum corpore : & mediante corpore. Ideo etiam fortificantur & debilitantur istæ operationes secundum debilitates & fortificationes corporis : ita quod quanto corpus est fortius : tanto etiam istæ virtutes sunt fortiores. Et ideo istæ virtutes dicuntur virtutes corporales. Post vero statum in regno animæ : sequuntur alij status superiorum virtutum & potestatum & officiorum magis nobilium.

Vnde



Vnde in homine sunt operationes aliquæ magis nobiles quam prædictæ: quæ tamen non sunt supremæ sed mediocres: sicut sunt videre: audire: odorare: gustare: & tangere. Et quia istæ operationes sunt dissimiles: necesse est quod in anima sint etiam quinque potestates dissimiles istis operationibus correspondentes, scilicet. Potestas visiva: cuius officium est apprehendere & cognoscere colores: figuras & lucem: & ista virtus est coniuncta cum oculis: & anima exercet istud officium cum oculis. Alia virtus est potestas auditiva: cuius officium est scire & cognoscere sonos & voces & armonias: ac consonantias sonorum & vocum. Et ista virtus est coniuncta cum auribus: & cum illis exercet illud officium. Alia virtus est olfactiva: quæ apprehendit odores. Et similiter de gustu & de tactu. Ecce mirabile matrimonium inter membra corporis organica ex vna parte & virtutes & potestates seu officia animæ ex alia parte. Ecce corpus cum multitudine organorum pulcherrimorum. Ecce animam cum multitudine & varietate virtutum: potestatum & officiorum nobilium. Omnes autem virtutes istæ & potestates continentur sub vna virtute & potestate generali seu communi quæ dicitur sensitiva. Et ideo omnes istæ virtutes dicuntur sensitivæ, & vocantur corporales & carnales seu organica: quia sunt coniunctæ cum corpore & carne & organo. Et operationes earum sunt cum adiutorio organi corporalis: ideo etiam debilitantur & for-  
Potentia  
sensitiva  
dicuntur  
organica  
corporales  
& for-  
seu.  
Differen-  
tia earum:  
& nobi-  
litas.  
De sensu  
commu-  
ni.

exteriores: habet anima alios sensus interiores occultos & nobiliores qui habent organa interiora occulta in crebro & capite: quæ quidem virtutes: sunt sensus communis: imaginatiua: fantastica: estimariua & memoratiua. Post prædictas virtutes & officia: alia virtus est & potestas in regno animæ: scilicet virtus motiua de loco ad locum. Et per istam virtutem anima dilatat & extendit membra constringit & attrahit progreditur de loco ad locum & operatur opera mechanica & artificialia. Et omnia ista sunt per ordinem: & fiunt per organa corporalia scilicet per nervos per pedes & per manus. Per istum statum prædictarum virtutum & potestatum ac officiorum quæ habent coniunctionem cum organo corporali & operantur mediante carne: sequitur in regno animæ alius status supremus & nobilissimus virtutum: potestatum seu officiorum quæ habent totum regimen omnium virtutum præcedentium. Vnde in homine sunt duæ altissimæ potestates supra quas nulla alia virtus est nec potestas in homine: quæ sunt intellectus & voluntas quæ habent distinctas operationes & distincta officia: quia aliud est officium intelligendi: & aliud officium volendi. Et istæ duæ potestates faciunt vnum statum separatum ab aliis statibus aliarum virtutum in regno animæ: quia istæ non sunt colligatæ nec coniunctæ cum corpore nec cum organo corporali: sed sunt per se operantes sine corpore neque carnales neque organice: nec etiam debilitantur neque fortificantur propter fortitudinem seu debilitatem corporum. Dicuntur autem spirituales incorporales seu immateriales & intellectuales. Et ideo anima per istas potestates & virtutes est separata ab omnibus corporalibus: & nulli rei corporali subiicitur: nec temporali: sed est in libertate: sine quocunque ligamine corporali. Et ideo status istarum duarum virtutum est in regno animæ status imperialis & regalis: & quidam principatus & suprema curia qui sunt sicut consiliarij summi regis iudicantes & consulentes ac discernentes & consentientes: & postea est rex imperans & mandans ac præcipiens: quod consilium iudicauit & decreuit. Ita conformiter in regno animæ & in statu supremo est intellectus seu ratio tanquam consiliarius iudicans: discernens & consulens. Et est voluntas imperialis præcipiens & imperans & executionem demandans:

*De virtute motiua.*

*De intellectu & voluntate.*

• dans: & hoc sine quocunque impedimento. Et ista ultimus status dicitur liberum arbitrium: & ideo liberum arbitrium est supremus status animæ. Sic patet quod anima hominis una & eadem numero existens: est quodam regnum in seipsa naturale: continens in se naturaliter distinctos status mirabiliter ordinatos: diuersarum virtutum potestatum seu officiorum scilicet infimos: medios & supremos. Ecce ergo animam hominis dotatam: ornatam: vestitam & indutam: tot mirabilibus virtutibus & potestatibus & officiis naturalibus. Et non solum anima habet in se potentias: virtutes & officia naturalia: immo etiam potest dotari de nouo: ornari: & superuestiri nouis virtutibus potestatibus & officiis: non tamen naturalibus sed moralibus & gratuitis: & hoc tam per gratiam sui creatoris quam per acquisitionem proprii laboris. Sic ergo homo potest videre obligationem ex parte animæ suæ quam accepit à Deo tam mirabilem tam excellentem naturaliter diuitem: abundantem plenam tot officiis: tot potestatibus: tot virtutibus: aptam ad recipiendum nouas & nobilissimas super potentias naturales potestates & virtutes. Põderet ergo homo animam suam secundum partes suas: & videbit partium valorem inestimabilem: & inappreciablem & incogitabilem. Quis estimabit quantum valet intellectus: quantum valet libertas: quantum valet voluntas: quantum valet memoria. Et similiter de tactu: & de gustu: & de odoratu: de auditu: de visu: & sic de aliis. Cogitet ergo homo magnitudinem obligationis erga Deum creatorem suum & tam pro his quæ accepit extra se, scilicet, pro toto mundo: qui propter ipsum factus est: tam etiam pro his quæ ipse accepit intra se. scil. pro toto corpore & pro omnibus membris suis: & pro tota anima & pro omnibus potestatibus & virtutibus animæ. Et sic aliququaliter manifesta est obligatio qua homo obligatur Deo: & magnitudo obligationis naturalis ratione donorum acceptorum quæ sunt tam manifesta quod negari non possunt.

T I T V L V S C V I.

*De magnitudine obligationis ex parte dantis scilic. Dei.*

**E**T quia obligatio non solum crescit ex magnitudine & multitudine donorum: immo magis ex volun-



*Dupli-  
cia sunt  
dona.*

*Titulus  
xlvj.*

*Titulus  
xcvj.*

tate & affectu dantis ipsum donum vel ipsius doni: ideo pensanda est magnitudo obligationis principaliter ex parte dantis, scilicet Dei. Et quia duo sunt dona: unum est sensibile, visibile & manifestum, & aliud est invisibile & occultum. Donum manifestum est mundus: & quicquid homo habet in se. Donum invisibile & occultum est amor dantis qui est invisibilis & occultus. Unde primum quod datur est amor, & amor est primum donum: sed quia est occultus & invisibilis: ideo quasi non reputatur donum, & tamen est primum & radix atque fundamentum omnium aliorum donorum, & omnia alia dona sequuntur amore, & procedunt ab amore tanquam à radice & principali dono. Et ideo omnia alia dona non sunt nisi signa amoris, & declarant & manifestant ipsum amorem occultum & invisibilem: eo quod ipsa dona videntur, & ipse amor non videtur & ideo in dono videtur & relucet amor. Sicut enim fumus arguit ignem infallibiliter ita dona exteriora arguunt amorem infallibiliter dantis. Quamvis primum detur, & sit primum donum: attamen primum apparent dona alia & recte ostendunt qualis & quantus sit amor. Unde hoc est simile sicut de productione mundi visibilis & manifesti: quæ manifestat aliam productionem occultam in Deo: quæ est maior in infinitum & æterna: ita donum visibile quod videmus: manifestat donum invisibile Dei occultum, scilicet suum amorem: qui præcessit omnia dona: quia nisi prius dilexisset nihil dedisset: ita quod ipsa dona exteriora sunt via & scala ad veniendum ad amorem Dei: & ipsum inveniendum. Quia ergo ipsa dona sunt prima signa & argumenta amoris: ideo ex quantitate & prærogativa donorum: recte possumus arguere & concludere quantitatem & prærogativam amoris. Et quia Deus totum mundum fecit propter hominem: ideo in toto mundo primo dilexit hominem, & principaliter, & omnia alia dilexit propter hominem. Et quia super omnes creaturas exaltauit hominem & ornavit, & dotavit in corpore & in anima: sequitur quod super omnes creaturas & præ cæteris dilexit hominem. Et quoniam amor Dei quod est donum occultum eius: excellit & super omnes creaturas & omnia dona creata: ideo super omnes creaturas dilexit hominem. Cum etiam amor Dei erga hominem sit purissimus, verissimus, sincerissimus, summè liberalis ac gratuitus: quia ipse primo dilexit hominem, & amor suus præcessit, nec dilexit hominem propter aliquod quod habebat ab homine, nec aliquid prius dedit ei homo: ut eum Deus

sic diligeret & tanta dona donaret: sed sua bonitate sola ac pura liberalitate præuenit hominem amando ipsum antequam esset gratis & gratuito, & dando sua inestimabilia. Sequitur ergo quod homo obligatur Deo creatori suo plus sine comparatione pro amore suo liberalissimo quo primo dilexit eum: quam pro omnibus aliis donis: de quanto magis valet amor Dei: quam omnes alie creaturæ. Duo ergo sunt pensanda diligenter, scilicet dona Dei & amor Dei quæ præcesserunt. Magna autem est obligatio ex parte donorum: sed maxima ex parte amoris. Ecce ergo duo ligamina per quæ obligat Deus sibi hominem & reddit eum sibi obligatum. Declarata est ergo magnitudo obligationis ex parte dantis, scilicet Dei quæ oritur ex puritate & sinceritate sui nobilissimi amoris omnia dona præcedentis qui amor tantum est excellens quantum ille qui amat. Et quid excellentius Deo? quid potentius Deo? quid melius? quid nobilius? ergo nihil excellentius: nihil melius seu nobilius amore Dei.

**TITVLVS CVII.** *De magnitudine obligationis ex parte accipientis: scilicet ipsius hominis.*

**N**on solum autem magnitudo donorum & amor dantis sincerissimus & purissimus causant magnitudinem obligationis, sed etiam necessitas inuitabilis ipsius accipientis, scilicet hominis. Non enim sicut est libera voluntas & gratuitas ex parte dantis & non necessitas: ita quod libertas ex parte accipientis: quia homo velit nolit necesse est sibi ut accipiat dona & bona Dei sine quibus non potest esse vno momento. Refutet enim si potest & dicat: non indigeo aëre neque terra: non indigeo sole: iam sine illis viuere possum: amplius non recipiā dona & beneficia Dei. Videte ergo inuitabilem necessitatem hominis accipiendi dona & beneficia Dei & continuam & incessabilem. Videte quomodo Deus liberaliter & incessanter & gratis tribuit sua dona & succurrit indigentia hominis nunquā deficit nūquā denegat. Rursū est alia necessitas & maior in homine: quia cōtinuē & incessanter indiget cōseruari & manuteneri in esse quia de nihilo est: & in nihil rediret si non à manu Dei cōseruaretur ut iā ostensū est. Ecco ergo quomodo homo summē indiget Deo: quia si ne ipso nullo modo potest esse: nec potest durare per vnū momentū. Quia ergo homo semper indiget Deo: & capit ab ipso incessanter & necessario omnia prædicta nec aliquis alius potest sibi dare illa sequitur etiā tūc quod homo soli Deo obligatur & summē obligatur tanquā amico: summo

*Necessitas accipiendi obligat hominē Deo.*

*Necessitas cōseruationis obligat hominem Deo.*

*Tit. 17. in fine.*

## 154 De redditione hominis obligati.

& intimo : qui eum in necessitate summa , & continua non deserit neque deficit. Sic ergo summa & extrema necessitas qua homo incessanter postulat : concludit summam obligationem hominis ad Deum.

### T I T V L V S C V I I I.

*De ceteris conditionibus circumstantiis & proprietatibus istius obligationis.*

*Tit. 100.  
Tit. 96.  
Prima-  
ritas o-  
bligatio-  
nis ho-  
minis.*

**Q**uia autem ista obligatio ligat hominē cum Deo : & dum magis cognoscitur magis ligat, & hoc est totum bonum hominis quod sit cum Deo ligatus : & ab alia re separatus : quia nihil prodest homini cognoscere Deum nisi iungatur ei, & societur cum Deo : ideo summe utile est cogitare , & cognoscere circumstantias conditiones, & proprietates istius obligationis quantum fieri poterit : quia tunc quærit suum bonum. Visa autem est magnitudo dictæ obligationis : & unde oritur sed sunt adhuc aliæ quamplures conditiones eius. Unde una alia conditio est , scilicet primaritas obligationis quia ista obligatio est prima & præcedit omnem aliam obligationem : & ideo omnis alia obligatio vera & iusta fundatur in ista & ideo etiā in ista obligatione fundatur ius primū & prima iustitia : & ab ista oritur prima actio. Itē ista obligatio est infallibilis, & indelebilis, & immortalis ac incorruptibilis, & carta & scriptura eius indelebilis quia scripta digito Dei in qualibet creatura in ipso homine : & in corpore, & in anima : & omnibus patens, & quilibet potest eam legere in libro naturæ. Item omnibus est communis, & generalis & naturalis : & ipse homo & omnes creaturæ dicunt, & sunt testimonium verissimum huius obligationis, & ideo nullus potest negare. Vterius hæc obligatio est obligatio totius vniuersi & pro toto vniuerso. Sunt autem multæ aliæ conditiones : quæ de præsentī relinquuntur quas quilibet per se potest inuestigare. Et sic cum adiutorio Dei manifesta est obligatio hominis in quantum homo est ad Deum : cum suis conditionibus & circumstantiis.

### T I T V L V S C I X.

*Hic ostenditur quid homo debet, & tenetur ac obligatur Deo dare pro omnibus datis & acceptis.*

**Q**uoniam autem demonstratum est hominem in quantum hominem esse verissime & summe obligatum



## *De redditione hominis obligati. 155*

gatum & debitum Deo pro omnibus quæ accepit: ideo  
necesse est demonstrare quid debet homo dare Deo quia  
omnis debitor & qui est obligatus: ad aliquid est obli-  
gatus & aliquid debet. Et quia homo soli Deo est  
debitor & obligatus & quicquid habet accepit ab eo  
ideo tenetur dare Deo & retribuere quicquid potest: &  
omne quod pretiosius ac melius habet: amabilius &  
nobilius quod possit dari & meliori modo quo potest.  
Ergo quicquid homo habet in se quod possit dari: iam  
est Deo totum debitum & obligatum de iure naturæ.  
Considerare autem oportet utrum habeat aliquid quod  
sit proprie suum quod possit dare & sit Deo acceptabi- *Tit. 96.*  
le. Et necesse est quod ita. Quia postquam ostensum *Homo*  
est infallibiliter hominem esse summe obligatum Deo *habet*  
de iure naturæ: immo noscitur totus obligatus: & cum *naturali-*  
homo cognoscat se totum obligatum & verissime co- *ter ali-*  
gnoscat se omnia accepisse quæ habet sequitur quod *quid*  
necesse est quod homo habeat in se aliquid naturaliter *quod po-*  
quod possit dare & retribuere Deo pro beneficiis acce- *test Deo*  
ptis: aliter in vanum esset obligatus & obligatio natura- *reddere.*  
lis esset frustra quod est impossibile: & homo esset natu-  
raliter constitutus in maximæ pœnæ: quia cognosceret se  
omnia accepisse: & per consequens obligatum esse &  
debitorem: & tamen nihil habere unde posset solvere  
& recompensare pro tantis beneficiis acceptis continue  
& incessanter: & tamen vellet & non posset quia natura-  
le est quod omnis qui accipit aliquid beneficium quod  
ille velit & desideret aliquid retribuere pro illo. Quæ  
autem maior pœna quam se cognoscere debitorem & esse  
obligatum & velle solvere: & tamen non habere unde  
posset solvere. Ergo est necesse quod homo habeat ali-  
quod quod possit dare pro omnibus quæ accepit. Et quia  
nullus vere iuste & proprie potest dare alicui quod non  
est vere & totaliter suum, quia aliter non esset donum  
perfectum neque recompensatio: neque retributio con-  
ueniens: nec etiam acceptabilis: ideo necesse est quod  
homo habeat aliquid quod si totaliter & proprie suum &  
quod sit in mera & libera sua potestate & Domino: ni-  
hil autem potest dici quod sit vere & proprie suum quod  
possit ab eo auferri aliquo modo: aut tolli per violentiam  
ipso nolente & invito. Si autem homo non habet in se  
tale donum quod possit dare non erit acceptabile Deo:  
quia oportet quod retributio & recompensatio corres-  
pondeant

*Homo  
habeat  
aliquid  
quod est  
totaliter  
& pro-  
prie suum.*

## 156 *De redditione hominis obligati.*

*Retributio hominis debet esse libera & voluntaria.*

*Quid sit illud quod proprie sit hominis*

*Titu. cv.*

*Voluntate & amore retribui-  
mus Deo.*

pondeant obligationi & modis & conditionibus ipsius dantis. Et quia Deus dedit liberè, spontè, ac voluntariè & gratis sine necessitate, sine coactione, & ex sincero & purissimo amore: & ex tali libertate & spontanea voluntate, & tali amore tanquam à radice: tota est obligatio: ideò necesse est quod retributio & recompensatio conformis sit & correspondens, s. quod sit libera: spontanea: voluntaria & non coacta. Vnde nullum donum est acceptabile nisi tale: quod procedat de intimo cordis affectu. Oportet autem inquirere si homo habeat tale donum: & aliquid quod sit verè & propriè suum & in suo dominio ita quod nemo possit ab eo tollere illud invito. Vnde talis res non potest esse aliquid extra hominè: qui omnia quæ sunt extra hominè possunt tolli ab homine per violentiã ipso nolente. Ideò non sunt verè & propriè sua nec in sua mera & libera potestate: quare de illis non potest fieri recòpensatio Deo. Vltèrius talis res non potest esse corpus hominis: nec aliquid de eius corpore: nec vita corporalis quia & totũ corpus & quodlibet membrũ & vita hominis possũt tolli ipso invito & per violentiã: & per consequens non sunt vere & propriè sua: nec in sua mera potestate. Nec etiã omnia ista sunt maximè pretiosa & optima quæ habeat homo & homo debet dare optimũ quod habet: & quod pretiosius & melius existit. Restat ergò quod talis res sit anima: vel aliquid quod sit in anima. Non autem potest esse tota anima: quia quædam eius partes & virtutes sunt coniunctæ cũ corpore & organo corporali. Et ideò illæ partes & illæ virtutes non sunt in libera & pura potestate hominis sicut nec corpus. Restat ergò quod illa pars sit nobilior & potior pars ipsius animæ vel sit in illa parte quæ est separata à corpore, s. à carne organo corporali & nullo modo sit coniuncta cũ carne. Hoc autem est liberum arbitrium: quod est res nobilissima & pretiosissima in anima purum spirituale: & hoc convenit cum Deo spirituali & nullo modo corporali. Sed in libero arbitrio sunt duæ partes, s. intellectus & voluntas: & sola voluntas est libera: spontanea: & in ipsa est mera libertas & dominium: imperium: & nulla coactio vel violentia potest in ea esse: quia sola domina est sui ipsius: & dominium procedit à voluntate: aliter non esset dominium. Ergò talis res quàm quærimus erit voluntas vel donum liberale & spontaneum: quod sit in pura & mera libertate & dominio volūtatis. Tale autè donũ est amor solus procedēs liberè & spōtè à volūtate.

## *De redditione hominis obligati. 157*

Sola autē volūtas potest dare:& primū quod dare potest est amor. Ergo amor est primū donū volūtatē & maius & pretiosius: quia est donū liberalissimū spontaneum: & voluntariū:& nullo modo potest cogi vel auferri: nec tolli per violentiā ipsi homini inuito. Nihil ergo habet homo quod sit verē & propriē suū nisi amorem quia est in ipsa sola volūtatē quæ sola est domina imperatrix:& regina: habens imperiū & dominiū in homine. Ergo amor est totus thesaurus hominis, & honorabilior, pretiosior, carior, & propinquior qui sit in homine qui dare potest. Inuenimus ergo rē quā quærebamus & talē qualem inquirebamus: non est extra hominē sed in homine non est extra hominē: neque in corpore sed in anima: nec in tota anima sed in suprema parte animæ & nobilissima. Habet ergo homo in seipso aliquid & in sua potestate quod dare potest Deo:& de quo potest retribuere & recōpensare ei. Tenetur ergo homo & obligatur Deo soli retribuere & dare sibi totū suū amorē quantū potest:& meliori modo quo potest cuius solus est & totaliter. Totus ergo amor hominis est Deo debitus & obligatus de iure naturæ. Inuenimus ergo rem quā homo debet & tenetur Deo dare & retribuere pro omnibus acceptis & donis Dei, s. ipsū amorem liberalē ac spontaneū & totū.

**TIT. CX.** *Quod sola amoris retributio est convenientissima retributio & magis acceptabilis Deo.*

*Totum  
amorem  
tenetur  
homo da-  
re Deo.*

**Q**uoniam autē declaratū est iā in præcedētibus quod ex parte dātis, s. Dei deo præcesserūt, s. amor & dona eius: exteriora & manifesta:& quod amor Dei præcessit omnia dona quia nisi præcessisset nihil datū fuisset à Deo & sic nihil ab homine acceptū fuisset: primū ergo quod dedit Deus homini est amor suus:& exindē per amorē omnia data sunt & accepta. Omnia ergo sunt data per amorē. Et quia amor requirit amorē. & amare requirit amari de sua natura nec aliter satisficit amori nisi per amorē: immò cōqueritur nisi sibi reddatur amor pro amore: idē reddēdus est amor. Quia etiā primum donum Dei est amor eius & est primū fundamentū & radix omnia dandi. Sequitur ex his quod illud quod prius ante omnia est convenientius debet retribui & reddi ex parte hominis ipsi Deo primò amāti: ut amor retribuatur pro amore:& homo debet primo radici & fūdamēto & causæ omniū donorū correspondere, s. amori ipsius Dei: ut sicut Deus i. dilexit hominē antequā aliquid daretur ei:& exindē per amorē dedit omnia quæ dedit: ita homo debet

*Titulus  
xcvj.*

*Titu. cv.*

*Tit. cvj.*

*Amor  
debet re-  
tribui  
Deo a-  
manti.*



## 158 De redditione hominis obligati.

*Amor est  
pretio-  
sius quod  
reddi  
potest.*

*Amor  
semper  
placet.*

*Deus sē-  
per vult  
amari.*

primò ante omnia ipsum amare : & dare sibi suum amo-  
rem : & exindè per amorem dare omnia alia vt corres-  
pondeat Deo proportionabiliter & conuenienter aliter  
non esset proportio neque ordinata retributio nec per  
consequens Deo placens : quia nihil inordinatum pla-  
cet Deo. Item etiam quia sicut amor Dei est liberalis-  
simus & pretiosissimus sine comparatione : quàm omnia  
alia dona exteriora & excellit ea in infinitum : ita quo-  
que proportionabiliter amor liberalis ipsius hominis  
sine comparatione est nobilior : pretiosior : & amabi-  
lior quàm omnia quæ posset dare & omnia alia sine  
comparatione excellit : ergò primum quod debet ho-  
mo reddere pro suo amore Deo est amor liberalis sicut  
amor Dei est liberalis. Postquam homo habet funda-  
mentum & radicem quare ipsum debeat amare : & quia  
Deus eum primo amauit : si aliter eum amaret non ef-  
set conueniens causa neque retributio : nec correspon-  
dentia : neque acceptabilis Deo. Præterea ad confirma-  
tionem Nam amor per se sine omnibus aliis placet : &  
est amabilis per se & per se acceptabilis : per se iocundus  
per se dulcis : sed nulla alia per se placent sine amore :  
nihil amabile : nihil acceptabile : nihil iocundum vel  
dulce sine amore. Timor enim sine amore non accepta-  
tur nec honor nec alia dona. Amor enim semper est ac-  
ceptabilis : nunquam refutatur nunquam displicet. Et  
ideò quantumcunque sit aliquis potens : diues & plenus  
omni bono : semper vult amari : & semper vult habere  
amorem. Nunquam enim refutat amorem. Et ideò se-  
quitur quod quamuis ipse Deus sit potentissimus & di-  
tissimus & plenissimus omni bono : & amore amari vult  
semper & nunquam refutat amorem. Magna immò ma-  
xima res est amor : qui solus per se est amabilis : per se  
acceptabilis : & nunquam refutabilis. Debet igitur ta-  
lem rem pretiosissimam & acceptabilissimam retribuere  
& dare Deo postquam habet in se : & obligatur Deo  
dare quicquid melius & dulcius ac nobilius habet. Con-  
cluditur igitur quod sola amoris retributio : est conue-  
niens & acceptabile donum Dei.

TITVLVS

TITVLVS CXI.

*Quod solus amor est in quo potest homo correspondere Creatori : & de simili rependere vicem.*

**E**st autem magna amoris dignitas : pretiositas : & excellentia : quia solus amor est in quo & ex quo homo potest correspondere suo creatori : quamuis non ex æquo nec æqualiter vel de simili rependere vicem. Vndè si Deus irascitur homini : homo nõ irascitur Deo sed expauescit si Deus redarguit hominem : homo non redarguit Deum : si etiam iudicat hominem : non re-iudicatur ab homine & sic de aliis. Sed videamus de amore. Vndè cum Deus amat hominem : non vult aliud quàm amari iterum. Vult ergò hominem sibi corres-pondere in amore : & de simili rependere vicem in quo ostenditur maxima amoris pretiositas : quamuis homo non possit ex æquo correspondere : nec tantum amare quantum amatur à Deo eo quia minor est & creatura : & ideò minus diligit : immò si homo se totum conuer-tat in amorem : nihil adhuc erit in comparatione amo-ris Dei erga hominem : quia amor Dei in infinitum su-perat & vincit amorem hominis : quantumcunque magnum. Attamen debet homo ex seipso toto ex tota *Homo ex mente & ex tota virtute & ex toto corde responde-* se toto re amòri Creatoris sui : vt ipsum amet quantum pote- debet rit vt ex toto seipso amet : & meliori & puriori modo Deum quo poterit : quia Deus principaliter vult amorem sibi *amare.* retribuì pro suo amore & pro suis beneficiis. Ideò vult illum mundissimum : castissimum : purissimum : sincerissimum & sanctissimum esse : sicut amor suus erga hominem est purissimus mundissimus & sic de aliis. Aliter non esset correspondentia nec similitudo : quia esset val-dè inconueniens & turpe reddere Deo pro amore suo purissimo & sincerissimo immundum & corruptum amorem sed debet reddere amorem pro amore post-quam habet : & similem pro simili in quantum potest. Patet ergò quomodo homo per amorem potest Deo correspondere : & ei assimilari : quod nulla creatura Dei habet alia. Maxima ergò est & dignissima res amor : quia facit hominem Deo similem.

TITVLVS



*Quo ordine quali modo obligatur homo dare Deo  
amorem & ipsum amare.*

*Tit. 96.*

*Deo te-  
nemur  
primo  
dare a-  
morem.  
Tit. 90.*

*Tit. 109.*

*Homo  
semper*

**Q**uoniam autem hic tractauimus de debitis in speciali in quibus homo obligatur Deo & inuestigamus omnia illa quæ homo tenetur dare Deo & tota cognitio omnium illorum quæ debet homo reddere Deo oritur ex obligatione iam fundata in æternum. Et ideo si volumus habere veram & infallibilem certitudinem de omnibus illis quæ homo obligatur Deo reddere necesse est semper recurrere ad ipsam obligationem: quoniam ipsa est radix: fundamentum & origo: ac lumen indeficiens ad cognoscendum quid homo debeat facere & dare Deo. Et ideo qui non cognoscit obligationem istam non cognoscit quid tenetur & debet dare Deo. Et quia obligatio oritur ex dare & recipere: quia solus Deus & dedit & solus homo accepit: quoniam si Deus nihil dedisset & homo nihil accepisset nulla obligatio esset: nec modus nec ordo nec forma reddendi & dandi Deo debitum. Oritur ergo ex modo & forma dandi & accipiendi. Et ideo si volumus cognoscere modum & formam & ordinem dandi & reddendi Deo debitum obligationis: oportet considerare per quem modum: ordinem & formam homo accepit: quia homo obligatur ex hoc quia accepit. Sicut & qualiter accepit sic. & taliter obligatur reddere quod debet. Et quoniam homo primum donum quod vnquam accepit fuit amor Dei: quia Deus primo quando ipsum de nihilo formauit ipsum dilexit. Ideo homo primo obligatur & tenetur reddere & dare Deo amorem suum & probatum est. Ideo videamus modum formam & ordinem quibus obligatur homo: & debet dare Deo amorem. Vnde quia homo quicquid boni habet accepit à Deo: ideo quia Deus ipsum dilexit & nihil accepit à seipso nec ab alio quam à Deo: ideo nulli obligatur nisi Deo. Nec etiam sibiipso obligatur dare aliquid quia nihil accepit à seipso sed solum à Deo. Et ergo sequitur quod homo debet suum amorem primo dare Deo & non sibiipso primo: quia totum à Deo accepit quicquid habet: vt dictum est. Ideo debet suum amorem dare Deo quia totum quod habet accepit à Deo & nulli



## *De redditione hominis obligati. 161*

nulli debet dare partem quia à nullo alio aliquid accepit:& ergò primò debet dare Deo. Et quia homo continuè & incessanter conseruatur à Deo : & capit beneficium continuè ab eo : quia sine eo esse non posset : & quia omnes creaturæ impendunt sibi seruitium & beneficium sine quibus non posset durare per vnum momentum : ideò sequitur quod sine intermissione & sine cessatione homo tenetur reddere & dare Deo suum amorem & ipsum amare pro omni momento. Patet ergò quo ordine quali modo obligatur homo dare amorem suum Deo & ipsum amare: quoniam primò totaliter incessanter & continuè : & pro omni momento.

### T I T V L V S C X I I I.

*Quod creatura omnes incessanter clamant ad hominem quod reddat Deo debitum amoris quod debet & ostendunt qualiter reddere debet.*

**N**on solum autem amor Dei continuus : nunquam cessans erga hominem clamat continuè : quod homo incessanter debet reddere beneficium & debitum amoris primò totaliter fortiter: ex toto seipso: & ex toto corde : & quantum poterit & meliori modo & puriori quibus poterit : quia Deus primò dilexit hominem : & inter omnes creaturas mundi dilexit Deus hominem primò : immò in toto mundo non dilexit nisi hominem : quoniam totum mundum & omnes creaturas in eo fecit propter hominem : & sic dilexit solum hominē. Verum etiam omnes creaturæ & totus mundus hoc idem clamat ad hominem incessanter. Sicut etiam totus mundus ex præcepto & voluntate Dei seruit homini : & etiam omnes creaturæ impendunt seruitium & beneficium de meliori quod habent & totum quod habent melius dant homini : vt manifestum est per experientiam : ita homo debet seruire Deo: & impendere & dare de meliori quod habet & totum quod melius habet: sed illud quod melius habet homo est amor : ergò omnis creatura dicit quod homo debet seruire Deo, & dare Deo debitum & seruitium amoris tanquam de meliori : quia ipsæ creaturæ de meliori seruiunt & dant homini quod habent : & per consequens homo debet seruire de voluntate & libertate sicut aliæ creaturæ seruiunt homini ex voluntate & præcepto Dei meliori modo quo possunt

*teneatur  
amare  
Deum.*

*Homo  
debet a-*

*mare*

L

possunt

## 162 *De redditione hominis obligati.*

*Deum  
meliori  
modoquo  
potest.*

possunt & puriori & veriori & non ficto. Sic etiam homo debet servire Deo, & dare debitum amoris meliori modo quo potest & sincerum non fictum. Nonne etiam sicut omnes creaturæ ex ordinatione Dei quantum possunt totis suis viribus ex totis seipsis serviunt homini & præstant beneficium: ita etiam tenetur homo in quantum potest totis suis viribus, & ex toto seipso servire Deo, & præstare servitium & debitum amoris quod verè debet. Nonne etiam incessanter & continuè sicut creaturæ indefinenter per omnem modum die ac nocte & omni tempore serviunt homini ex mandato & voluntate Dei: ita etiam debet homo Deo reddere debitum amoris incessanter, indefinenter, omni tempore, die ac nocte, & per omne momentum. Nonne hoc rationale est. Nonne rursum sicut omnes creaturæ soli homini serviunt: ita etiam homo debet soli Deo servire: & nulli alteri. Quia hoc quod faciunt creaturæ homini: hoc faciunt præcepto & voluntate Dei neque aliud intendunt: neque ad aliud ordinatæ sunt nisi ut serviant homini. Debet ergo etiam similiter homo facere: & non intendere aliud neque suam voluntatem ordinare ad aliud quàm ad servitium Dei. Nonne etiam creaturæ faciunt homini servitium acceptabile & gratum. Ita similiter homo debet dare Deo acceptabile & gratum servitium. Sed nullum est servitium Deo delectabilius quàm servitium amoris. Item etiam quemadmodum creaturæ serviunt homini secundum propriam naturam quam habent & secundum suum proprium modum ita debet homo servire Deo iuxta suam propriam naturam & proprium modum suæ naturæ. Et ideo sicut creaturæ serviunt homini naturaliter & ex necessitate: & quasi ad modum servorum; quia ista est propria natura earum: quia non habent libertatem ita etiam homo debet servire ex libertate: sponte: & bona & libera voluntate: quia talis est sua natura ut sic agat: quia aliter non ageret ut homo. Et ideo sicut creaturæ serviunt homini secundum quod sunt tales & suo modo: ita homo debet servire Deo secundum quod est talis: & suo modo. Ideo servitium hominis debet esse ut hominis: & ideo debet esse liberum spontaneum & voluntarium: & non coactum. Et ideo quicquid homo debet dare Deo debet dare liberè: spontè & voluntariè; & non coactè. Et quia nihil est magis liberum  
vel

*Homodebet ser-  
vire Deo  
ex liber-  
tate.*

## *De redditione hominis obligati. 163*

vel magis spontaneum ac voluntarium quàm amor: qui nullo modo potest esse coactus neque de necessitate datus: ideo solum seruitium amoris est hominis: & est solum Deo acceptabile. Sic ergò est duplex modus ser- *Duplex*  
uiendi: vnus, scilicet ex necessitate naturaliter: & alter *modus*  
ex voluntate seu voluntarius. Primus est creaturarum *seruiendi*  
erga hominem. Secundus debet esse hominis erga Deum: *Deo.*  
quamuis etiam seruitium creaturarum ex parte Dei mandantis ordinantis & volentis sit liberum & voluntarium. Videte ergò quomodo ipse amor Dei verissimus: purus & liberalissimus & gratissimus præueniens hominem: & continuus erga hominem ex vna parte & ex alia parte seruitium & beneficium quod faciunt creaturæ soli homini ex Dei voluntate & ordinatione & ex meliori quod habent: & meliori: puriori: & veriori modo quo possunt: & sine fictione: & fortius quo possunt: ac totis viribus: incessanter: indefinenter: & continuè & per omnem modum placibilius & acceptabilius quo possunt: & secundum suam propriam naturam & modum. Ista duo inquam clamant incessanter ad hominem: quod ipse debet & tenetur seruire Deo soli: & dare ei soli id melius quod habet & reddere & soluere ei solum debitum amoris modo meliori: puriori: veriori quo poterit sine fictione: fortius quo poterit: & totis viribus incessanter indefinenter: & continuè in omni momento placibilius: acceptabilius quo poterit: & secundum naturam propriam: & suum modum: & ideo liberè & spontè ac voluntariè. Clamant ergò incessanter istæ creaturæ: & dicunt ipsi homini quid Deo reddere debet: & quale Deo debet reddere.

### T I T V L V S C X I V.

*Doctrina & regula generalis docens hominem qualiter  
& quomodo debeat dare ac reddere Deo omnia illa  
qua tenetur ei dare & reddere.*

**Q**uoniam Deus vult quod sibi detur & reddatur illud quod sibi debetur ab homine: & in quibus ei obligatur homo de iure naturæ: & hoc requirit & exigit quod sibi detur & solvatur eo modo quo sibi debetur: quia nihil est Deo acceptabile: nec seruitium nec aliquid aliud nisi sit per modum & formam sicut ei debetur: & ideo ne homo perdat tempus suum & serui-

L. 2. rum



## 164 De redditione hominis obligati.

*Homo  
debet da-  
re Deo  
amorem  
integrū.*

•  
vium necesse est quod cognoscat & sciat : quid qualiter  
& quomodo debet dare Deo & exolvere omne quod ei  
debetur vt sit sibi acceptabile. Istud autem potest ho-  
mo cognoscere infallibiliter per creaturas quia homini  
seruiunt ex Dei ordinatione & voluntate ac beneplaci-  
to. quoniam in hoc quod Deus fecit creaturis & ordi-  
navit ad seruiendum homini soli, & ad dandum homi-  
ni beneficium significat & declarat quod ipse vult quod  
homo similiter seruiat ei : & suo modo. Vnde quia ser-  
uitium creaturarum quod impenditur homini est pri-  
mum : ideò est regula & doctrina secundi seruitij: quod  
homo debet reddere Deo : quia seruitium creaturarum  
est iuxta Dei voluntatem, & ideò est benè ordinatum,  
& tale quale esse debet. Et ideò in omnibus quæ homo  
debet reddere Deo : recipit pro exemplo & magistro  
qualiter creaturæ inferiores seruiunt & dant suum bene-  
ficio homini. Vt arbores non solum dant fructus suos  
homini, sed dant eos maturos & dulces bonos & placi-  
biles & acceptabiles, & hoc ex ordinatione diuina & ad  
hoc laborant quia homo non acceptaret aliter. Non  
enim homo acceptaret fructus immaturos virides &  
amaros, nec corruptos immò tales refutaret & dimit-  
teret : ita quod arbores in vanum laborarent. Ita con-  
formiter debet homo reddere non solum seruitium &  
amorem & timorem vel honorem : & quicquid aliud  
sed etiam debet dare amorem maturum, dulcem, placi-  
bilem, bonum verum & perfectum. Et ita de timore &  
honore & de omni seruitio. Et ad hoc quantum potest  
laborare debet : quia aliter Deus non acceptaret. Non  
enim Deus acceptat amorem corruptum neque timo-  
rem, neque honorem, nec seruitium, immò dimittit,  
& homo in vanum laborat. Et sicut arbores non seruiunt  
homini cum dolo nec cum fraude, sed simpliciter & pu-  
re sine aliqua fictione, sed cum bona intentione, vt sit  
ei acceptabile. Est igitur regula & doctrina certa & in-  
fallibilis & generalis homini quod ita debet se habere  
erga Deum ad dandum sibi seruitium, amorem timo-  
rem & honorem, & omne quod debet suo modo : si-  
cut creaturæ inferiores se habent erga ipsum hominem  
ad præstandum ei seruitium & beneficium suo modo, &  
ad hoc quantum potest debet laborare vt sicut creaturæ  
seruiunt ei ipse seruiat Deo suo modo, nec cessare debet  
donec ita faciat. Et sic homo potest cognoscere per  
creaturas

## *De redditione hominis obligati. 165*

creaturas inferiores quod nihil fictum, dolosum fraudulentum corruptum vel impurum est acceptabile Deo : sed magis odibile vel refutabile.

### *T I T V L V S C X V.*

*Quod nulla potest esse excusatio de non reddendo & exol-  
uendo debitum continuum amoris Deo nec propter  
penurias vel impotentiam neque fatigationem  
seruitij seu laboris pœnam.*

**Q**uoniam autem homines habent aliquantulum libe-  
rum arbitrium & tantum habet de libertate vo-  
luntatis vnus sicut alter cum nullus possit cogi ex vo-  
luntate : quia hæc est propria natura voluntatis vt co-  
gi non possit. Et exindè sequitur quod quilibet est do-  
minus suæ voluntatis, & per consequens cum amor pro-  
cedat à voluntate propria secundum puram libertatem :  
sequitur quod quilibet est dominus sui amoris æquali-  
ter & potest dare cui voluerit : & nullo modo impediri  
contra voluntatem. Et cum voluntas semper habeat  
amorem & sit plena amore : neque vnquam deficit in  
amore : nec diminuitur propter amorem : quia etiam ho-  
mo continuè & incessanter obligatur reddere Deo con-  
tinuum debitum amoris de iure naturæ : vt certissimè  
probatum est. Exindè sequitur quod nulla potest esse  
excusatio alicui homini de non reddendo & exoluen-  
do Deo debitum. Istud enim debitum amoris non potest  
propter aliquam impotentiam aut penuriam impediri :  
quin homo poterit istud semper & incessanter exolvere,  
nec bibendo, nec comedendo, nec operando. Et sic sicut  
semper obligatur amare Deum : sic potest si vult ince-  
ssanter & continuè, sine impedimento ipsum amare die  
ac nocte, & omni momento, & in omni loco. Rursum,  
quia in amando nulla est fatigatio, nullus labor, nulla  
tristitia, nullus dolor, nec aliquod tædium, immò re-  
leuat à pœna & à labore & à fatigatione & à tædio, &  
omnes labores alleuiat ac reddit eos suaves : quia dul-  
ce est amare & delectabile dare gaudium & lætitiā. Et  
exindè sequitur quod nulla potest esse excusatio alicui  
de non reddendo & soluendo Deo continuum debitum  
& seruitium amoris continuè & incessanter : neque pro-  
pter fatigationem neque tædium seu pœnam laboris in  
continuè amando. In omnibus autem aliis operationi-

*Tit. 112.*

*Cōtinuè  
& sem-  
per tene-  
mur Deū  
amare*

## 166 *De redditione hominis obligati.*

bus est fatigatio, labor seu pœna ac tedium præterquam in amando. Et ex hoc cognoscere potest homo qualiter obligationis debitum & radicale primum & principale quod tenetur reddere & exolvere pro beneficiis acceptis non est graue neque ponderosum nec importabile: immò leuissimum, suauissimum & delectabile valdè. Et hoc summè manifestat summa Dei dulcedo & benignitas Dei erga hominem quæ non voluit hominem obligare ad rem pœnosam, laboriosam & fatigabilem. Concludatur ergò quod nulla potest esse excusatio de non reddendo & exolendo debitum continuè amoris Deo nec propter penuriam, impotentiam nec fatigationem seu laboris pœnam.

### T I T V L V S C X V I.

*Quod omne debitum & omne seruitium quod obligatur  
& debet homo Deo reddere & soluere redundat &  
reuertitur in solam hominis utilitatem  
bonum & commodum.*

Tit. 112.

**Q**Via vero in pãrtibus præcedentibus infallibiliter demonstratum est Deum esse infinitum: plenissimum: perfectissimum: & nullo indigentem: quia habet in se omne complementum: ideo indigere non potest aliquo neque seruitio neque vtilitate aut commodo. Vt ergo seruitium inferiorum creaturarum non sit vanum. Primo enim venit ad magnam vtilitatem hominis: ac bonum & commodum: vt experientia manifestat: sequitur quod seruitium hominis quod tenetur exolvere Deo: non debet esse vanum & inutile: immo debet esse ad maximam vtilitatem & ad maximum bonum & commodum & proficuum alicuius. Si enim tam vtile & fructuosum est seruitium creaturarum: nonne magis sine comparatione seruitiũ hominis excellit creaturas: & est vtile & fructuosum: & maxime debet sequi aliquid vtilitatis & profectus & de tanto quanto homo excellit alias creaturas inferiores. Et quia seruitium hominis non potest venire ad Dei vtilitatem: quia Deus nulla indiget vtilitate nec indigere potest: sequitur quod totum seruitium hominis quod reddit Deo reuertitur in vtilitatem propriam & non Dei: & per consequens cum seruitium ipsarum creaturarum redundat in magnam vtilitatem &

*Omne  
seruitiũ  
Dei reuertitur in  
nostram  
vtilitatem.*



## *De utilitate redditionis debiti. 167*

& profectum hominis:sequitur quod seruitium hominis redundat in maximam vtilitatem & inæstimabile commodum hominis. Et sic tam seruitium creaturarum quam seruitium ipsius hominis ad Deum : totum venit & redundat in profectum & vtilitatem hominis. Et propter hoc homo debet magis inclinari totis viribus ad Deo seruiendum. Vnde magis tenetur homo sibi ipsi ad suam vtilitatem propriam quam aliæ creaturæ tenentur sibi & cum aliæ creaturæ seruiunt homini ad ipsius vtilitatem : ergo homo debet multo magis seruire Deo ad suam propriam vtilitatem : aliter homo esset contra seipsum. O admiranda Dei bonitas & amor erga hominem : qui totum ordinauit ad bonum hominis commodum & vtilitatem & non sui ipsius. Et ex hoc homo maxime obligatur Deo vt eum diligit & amet sine mensura.

### T I T V L V S C X V I I .

*De comparatione istorum duorum seruitiorum ad hominem & inter se.*

**Q**Voniam vero duo sunt seruitia. Primum est seruitium creaturarum ad hominem. secundum est seruitium hominis ad Deum : & cum ambo sint ad bonum hominis vt dictum est : ideo oportet videre quomodo comparentur ad ipsum hominem : & qualiter inter se differant. Vnde primum seruitium scilicet creaturarum ad hominem est naturale & ex necessitate & non ex libertate : quia creaturæ ex necessitate & naturaliter seruiunt homini neque possunt oppositum facere : sed secundum seruitium, scil. hominis ad Deum : est voluntarium & liberum. Et exinde sequitur vna differentia, scilicet , quod seruitium creaturarum non est remunerabile neque præmiabile: quia non est factum ex libertate. Ideo creaturæ non sunt remunerabiles de seruitio homini impenso : sed seruitium hominis eo quod est voluntarium & ex libertate non ex necessitate coactionis : est de natura sua præmiabile & remunerabile. Nam de tanto seruitium hominis quod impenditur Deo est nobilius & altius : de quanto libertas excedit seruitutem & necessitatem. Vnde quamuis homo tenetur & obligatur seruire Deo ex debito : attamen quia hoc seruitium est liberum & spontaneum : ideo est remunerabile.

*Tit. 116.*

*Seruitiū  
hominis  
quā re-  
munera-  
bile.*

## 168 De utilitate redditionis debiti.

munerabile. Patet ergo & manifesta est differentia istorum duorum seruitiorum inter se. Et restat comparare ambo seruitia ad ipsum hominem cum ambo sint ad suam utilitatem & commodum : & considerare oportet quare sint necessaria ista duo seruitia homini : & quid habet & recipit per primum seruitium : & quid per secundum : & per quod recipit maius bonum & quod est sibi maius necessarium & utile an primum vel secundum. Propter quod considerandum est quod homo non solum indiget esse & durare in esse : immo etiam indiget bene esse : & optimum esse. Talis est enim natura hominis quæ non potest contentari nisi habeat bene esse & optime esse & ad hoc continue laborat quantum potest. Quia ergo homo indiget durare & permanere in esse : immo indiget bene esse : ideo sunt duo seruitia quæ respiciunt hominem. Primum, scilicet creaturarum respicit esse hominis : & durationem ipsius esse. Secundum seruitium hominis respicit bene esse hominis & optime esse hominis. Creaturæ serviunt homini ut si & durent & permaneant in esse : & ipse homo debet servire Deo : ut ei bene sit & optime : & ut per tale seruitium recipiat bene esse & optime à Deo. Unde cum utrumque seruitium sit ad bonum hominis & homo non potest habere neque recipere alia bona nisi ista duo scilicet durare in esse : & habere bene sequitur quod ista duo seruitia sunt propter esse & propter bene esse hominis & cum per primum seruitium, scilicet creaturarum homo permaneant & durent in esse : sequitur quod per secundum seruitium cum sit maius & excellentius homo recipiat bene esse. Sicut maius est bene esse quam esse : ita maius est seruitium secundum quam primum. Quemadmodum ergo seruitium creaturarum est homini continue necessarium ut durent & permaneant in esse : ita necessarium est homini ut ipse continue seruiat Deo ut habeat & recipiat bene esse. Et quemadmodum si seruitium creaturarum deficiat homini : homo statim moritur & perdit suum esse ut experientia manifestat : quia homo non potest durare per unum momentum : si deficiat ei aer vel terra : ita similiter si deficiat seruitium quod homo debet facere Deo & homo non seruit Deo : statim perdit homo suum bene esse : & acquirit male esse. Sicut ergo ex defectu seruitij creaturarum perdit homo suum esse. Ita per defectum proprii seruitij sui quod

*Seruitiū  
creaturarū fit  
ut homo  
habeat  
esse.*

*Seruitiū  
hominis  
quod facit  
Deo  
est sibi  
ad bene  
esse.*

*Non ser-  
uiēs Deo*

quod debet facere Deo perdit suum bene esse. Et ideo *mortuus* sicut dicitur hominem mori quando perdit suum esse *est.* ita dicitur mori: & magis quādo perdit suum bene esse. Ideo homo qui non seruit Deo mortuus est. Sicut ergo creaturæ indefinenter seruiunt homini vt duret in esse ita ipse incessanter debet seruire Deo: vt ei bene sit & habeat bene esse. Item sicut homini nihil proficit esse nisi habeat bene esse: ita non proficit ei seruitium quod faciunt ei creaturæ: nisi ipse seruiat Deo. Et quemadmodum magis est necessarium homini & magis amabile bene esse quam esse tantum: ita magis necessarium est homini seruitium quod ipse debet impendere Deo quam seruitium quod sibi faciunt creaturæ & magis amabile. Sicut ergo indiget homo plus bene esse quam esse tantum: ita plus indiget seruitio quod debet impendere Deo quam seruitio creaturarum. Sicut ergo se habet bene esse ad esse ita seruitium quod homo facit Deo: se habet ad seruitium quod sibi impendunt aliæ creaturæ. Et quemadmodum esse est propter bene esse: ita seruitium creaturarum est propter seruitium quod homo facit Deo. Et ideo sicut creaturæ sunt vt seruiant homini: ita homo est vt seruiat Deo. Ideo si secundum seruitium deficit: primum est frustra. Ideo perditum est seruitium creaturarum: quando homini seruiunt non seruienti Deo. Et talis homo in quantum in eo est frustrat totum vniuersum. Et sicut ordinatum est quod homo non possit durare in esse nisi creaturæ seruiant ei: ita ordinatum est quod homo non recipiat bene esse nisi seruiat Deo. Ecce ergo qualiter ista duo seruitia habent comparationem adinuicem & ad hominem.

*Quod homo seruiat Deo est sibi maxime necessarium.*

TITVLVS CXVIII.

*Quod per seruitium creaturarum homo potest quasi ad oculum videre quod necessario Deus est: qui manutenet omnia in esse.*

**E**T quia homo non potest durare nec permanere in esse neque aliæ creaturæ nisi ipsas manuteneat in esse Deus & etiam homo non potest permanere in esse neque durare: nisi creaturæ manuteneant ipsum in esse: vt experientia manifestat. Si enim homo qui maior est & nobilior non potest manuteneri neque perdurare nisi à creaturis manuteneantur: quæ sunt multum inferiores



# 170 *De utilitate redditionis debiti.*

feriores eo : sic etiam impossibile est ut aliarum creaturarum manuteneantur absque adiutorio alicuius : ergo essent maiores homine : quia homo esset indigens : & aliarum creaturarum nullo indigerent. Sed homo non manutenet creaturas inferiores : immo manuteneretur ab eis : ergo sequitur quod aliquis alius manuteneat ipsas creaturas ut durent in esse : & per consequens ille idem manutenet hominem : qui manutenendo hominem manutenet creaturas propter hominem & manutenendo creaturas manutenet hominem scilicet Deus propter hominem. Et per consequens sequitur quod homo tenetur Deo primo pro se & pro omnibus creaturis & etiam creaturis propter seruitium earum.

## T I T V L V S C X I X.

*Quod per ista duo seruitia totus mundus est obligatus unitus & mirabiliter ordinatus Deo & cum Deo.*

*Quomodo amor colligat hominem cum Deo.*

*Tii.117.*

**E**Cce mirabilem obligationem & mirabilem ordinem in vniuerso per ista duo seruitia : quia creaturarum inferiores seruiunt homini : & sunt propter hominem & seruiendo homini sunt colligatae & unitae cum homine. Et sic primum seruitium colligat omnia inferiora cum homine. Deinde homo debet seruire Deo per amorem : & sic homo seruiendo Deo colligatur cum Deo : sicut aliarum creaturarum seruiendo homini colligantur cum homine. Et sic secundum seruitium colligat hominem cum Deo. Et sic obligatio amoris complet ac consummat ac colligat totum mundum. Vnde primo ab amore omnia procedunt. & processerunt : & in amore consummantur. Et ideo amor complet omnia quia primo per amorem omnes creaturas ordinauit ad hominem : deinde homo per amorem coniungitur & colligatur cum Deo. Et ideo si homo non colligatur cum Deo ei seruiendo tunc mundus est inordinatus & disligatus. Et haec duo seruitia sunt ad bonum totale hominis : & non alicuius alterius quia primum ad esse : secundum vero ad bene esse : quoniam creaturae seruiendo homini nullam utilitatem recipiunt ab homine sed homo recipit totam utilitatem & commodum : nisi quia nobilitantur seruiendo homini : sed homo seruiendo Deo recipit solam utilitatem & commodum seruitij : ac nobilitatur seruiendo ei. Videte ergo qualiter

## *De utilitate redditionis debiti. 171*

liter per hæc duo. seruitia totus mundus est colligatus & vnitus intra se: & cum Deo & ad ipsum ordinatus mirabiliter. Ecce duas ligas mirabiles in mundo. Prima est naturalis & necessaria: videlicet creaturarum ad hominem: & hoc ex parte creaturarum: quæ necessario seruiunt ei: sed ex parte Dei sit libera & spontanea. Secunda liga. scil. hominis ad Deum: est libera & voluntaria ac spontanea. Et ideo prima liga semper durat & perseverat quantum ad creaturas: sed secunda liga semper durat neque ligat in omnibus hominibus: immo sæpe frangitur & desinit. Prima liga est pulchra magna & mirabilis: sed secunda est pulchrior maior & mirabilior. Prima liga est sensibilis & visibilis & omnibus manifesta: sed secunda liga est insensibilis: inuisibilis & occulta. Prima liga est corporalis creaturarum ad hominem & extrinseca: secunda liga est hominis ad Deum spiritualis & intellectualis & intrinseca. Nam de tanto secunda excellit primum: quanto spirituale excellit corporale. Et sic apparet quod homo est quoddam medium inter Deum & inter creaturas per quod creaturæ inferiores coniunguntur & redeunt cum Deo & ad Deum. Ecce medium coniungens extrema. scil. Deum & hominem. Et ex hoc apparet quod mirabilis & valde bona est obligatio hominis ad Deum: quæ totum complet & consummat vniuersum & hominem ad Deum colligat vt ab eo esse & optimum esse recipiat.

*Duplex  
colligatio  
mundi  
cum  
Deo.*

### **T I T V L V S C X X.**

*Quod ex prima obligatione & ex primo debito amoris.  
hominis ad Deum: oritur alia obligatio necessaria  
ad aliud debitum amoris.*

**Q**Voniam autem probatum est probatione experimentalis quod homo debet Deo totum suum amorē: & quod hæc est præobligatio ac principalis & primum debitum: & ideo sequitur quod soluere & reddere ista alicui alteri est facere iniuste & contra iustitiam: quia istud iuste tenemur reddere Deo. Sequitur exindè quod totus amor hominis sit Dei iustissime: & Deo totaliter obligatus & debitus: quod nulli alteri poterit dari quàm Deo: & si hoc fecerit tunc faceret contra iustitiam & iniuste: nec per consequens potest nisi iniuste dare partem

*Tit. 112.*

*Deo tenemur  
totum a-  
morem*

*dare.*

## 172 *De utilitate reddit. debiti Deo.*

*Homini  
post Deū  
debemus  
amorem.  
Titu. j.*

partem sui amoris dare alicui : neque amorem suum di-  
uidere Et ex hoc sequitur quod homo non tenetur ali-  
cui creaturæ dare amorem ex debito propter aliqua be-  
neficia & seruitia accepta : sed soli Deo : & per conse-  
quens sequitur quod nulla creatura facit homini ali-  
quod beneficium : sed Deus per creaturam : quia omnis  
creatura Dei est : & ideo totum bonum quod creatura  
facit Deus facit : quoniam aliter sequeretur quod totus  
mundus non esset obligatus Deo. Et etiam sequitur :  
quod nullus homo habet sibiipso attribuere : quando  
facit aliquod beneficium alicui : sed Deo : nec debet  
exigere ex eo debitum obligationis : neque amorem  
neque honorem nec aliquod beneficium sed debet to-  
tum attribuere Deo. Sed quoniam homo debet Deo pri-  
mò suum amorem dare tanquam sibi debitum & vere  
obligatum : ideo etiam debet & obligatur amorem da-  
re omnibus his quæ Dei sunt in quantum Dei sunt. Et  
cum omnis creatura sit Dei : sequitur etiam quod ho-  
mo tenetur amare omnes creaturas quæ Dei sunt in  
quantum Dei sunt & ad hoc obligatur & tenetur facere  
in virtute primæ obligationis & primi debiti. Et sic ex  
prima obligatione & debito oritur : secunda obligatio  
& secundum debitum quod continetur in prima obli-  
gatione & ideo proprie non est alia obligatio nec aliud  
debitum à prima. Et quia non omnes creaturæ sunt æ-  
quales : & inter omnes illa est maior quæ est Dei ima-  
go viua : & quæ portat suam imaginem & suam simili-  
tudinem : & ideo homo statim post Deum debet & o-  
bligatur amare suam imaginem viuentem : & illam  
creaturam quæ portat imaginem & similitudinem suam :  
quia post Deum sequitur immediate imago sua. Et quia  
homo inter omnes creaturas mundi est imago Dei viua :  
& portat suam imaginem & similitudinem ideo imme-  
diate post Deum debet dari homini amor tanquam ima-  
gini & similitudini Dei & ipsius viuæ creaturæ. Quia  
sicut tenetur amare Deum : ita etiam tenetur amare  
imaginem Dei.

### T I T V L V S C X X I.

*Quod totus ordo creaturarum dicit & clamat : quod ho-  
mo est tota & completa imago Dei impressa & creata.*

**E**T quod homo sit tota imago Dei & completa : cog-  
noscere possumus per ordinem creaturarum. Vnde  
in



creaturis est ordo & in eis sunt multi gradus vt iam declaratum est : & omnis creatura aliquo modo imitatur Deum : vna minus alia magis. Vnde magis imitantur Deum viuentia quàm non viuentia & magis sensitiua quàm non sensitiua : & magis adhuc intellectiua quàm non intellectiua. Ergò cum in creaturis sit quædam scala imitandi Deum secundum magis & minus & ad oculum videri potest : & creaturæ habent ordinem inter se imitando Deum in natura : ita quod in homine est finis & status & vltimus gradus imitandi : quia in ipso completur scala imitationis : signum est : postquam nulla creatura est supra hominem in hoc mundo : & in isto ordine quod in homine sit completa imitatio aliter enim esset in vanum inchoata scala imitationis nisi compleretur : & per consequens sequitur quod homo est Dei imago completa & tota quia in eo completur scala imitationis Et sic homo secundum suam naturam : & in quantum homo est : est ipsa imago Dei tota & completa. Sicut sigillum imprimit totam suam imaginem in cera ita Deus impressit totam suam imaginem in homine : & homo totum Deum repræsentat. Et sic patenter ordo creaturarum manifestat ipsum hominem esse completam imaginem Dei viuentem. Et quia totus Deus est spiritualis & intelligibilis : ideò etiã sua imago perfecta & completa est spiritualis & tota intellectualis : & nullo modo corporalis. Exindè sequitur quod cum homo habeat duas partes in se , scilicet corpus & animam & anima est spiritualis & intellectualis quod homo est imago Dei completa secundum animam. Et ideò cum homo post Deum teneatur amare imaginem Dei sequitur quod post Deum tenetur amare tanquam Dei imaginem spiritualem & intellectualem.

T I T V L V S C X X I I .

*Quod quilibet tenetur & obligatur amare omnē hominē.*

**E**T quia omnis homo inquantū homo semper habet Dei imaginem : & vt sic quilibet tenetur post Deum eius imaginem amare : & ex hoc quia quilibet portat in se imaginem Dei ergo quilibet debet amari inquantum portat imaginem Dei : & hoc siue sit amicus siue inimicus : siue proficiat sibi : siue noceat sibi : quia sēper est homo : & per consequens viua Dei imago & quamdiu est homo tandiu est Dei imago.

TITV

*Quod omnis homo obligatur amare quemcunque  
alium sicut seipsum.*

**E**T quia omnis homo obligatur amare seipsum : eo & inquantum est homo & imago Dei viua: quia æqualiter est homo : sequitur quod omnis homo tenetur amare omnem alterum hominem sicut seipsum : & tantum sicut seipsum : quia omnes homines sunt vnus naturæ inquantum homines : & eodem modo sunt Dei imago & vniformiter sequitur quod omnes homines debent se amare adinuicem tanquam naturam vnā & vnus Dei imaginem. Et ideo quilibet debet reputare alium tanquam seipsum & non diuisum neque diuersum ab eo : & omne bonum hominis inquantum homo & inquantum Dei imago est : est vnum & idem respectu omnium hominum : & conuenit vni sicut alteri : & cum quilibet tenetur amare alterum sicut seipsum : sequitur quod omne bonum quod quilibet vult sibi & optat sibi inquantum est homo & imago Dei: hoc etiam debet velle & optare omni homini inquantum est Dei imago : ergo cum sit omnis homo eiusdem naturæ cum ipso sequitur etiam quod inter omnes homines debet esse maxima liga de iure naturæ : & maxima vnitas: pax & concordia : quia omnes tenentur se amare propter vnā causam adinuicem : quia sunt Dei imago viua: & per consequens omnes homines debent esse tanquam vnus homo & non plures. Et quia ista obligatio & istud debitum oritur à primo debito & prima obligatione : & per quam obligati sunt omnes homines : sequitur postquam prima obligatio sit iustissima & rectissima & de iure naturæ : & in iure naturæ fundata : quod etiam ista secunda obligatio sit iustissima rectissima & in iure naturæ fundata : & per consequens sicut prima obligatio & primum debitum est prima iustitia: ita ista secunda obligatio & secundum debitum est secunda iustitia naturalis : & quia quilibet homo est imago Dei secundum animam sequitur quod omnis homo tenetur diligere animam alterius sicut suam propriā. Ex istis omnibus patet quod secundum ius & ordinem naturæ debent esse duo ligamina & vincula amoris in hominibus. Primum debet esse hominis cuiuslibet ad Deum:

*Duo sunt*



Deum : quia quilibet homo est obligatus dare amorem primo Deo. Et sic debet esse obligatus primo ac ligatus Deo per amorem. Secundum vero ligamen & vinculum debet esse omnium hominum adinuicem per amorem. Et secundum ligamen oritur à primo : & virtute illius omnes homines debent se amare adinuicem : quia sunt Dei imago : & quilibet est Dei imago. Et ideo quia secundum ligamen oritur à primo si primum non est, secundum esse non potest : & si primum sit necessario secundum est. Et sic creaturæ ligantur cum homine seruiendo ei : & homines ligantur cum Deo cum amando : & per consequens tunc homines colligantur inter se amando se adinuicem. Et sic per ordinem vniuersum debet esse colligatum. Ecce mirabilem ordinem. Deus dilexit primo & continue diligit homines. & creaturæ manifestant continuam istam dilectionem seruiendo hominibus : & sic Deus trahit ad se homines amando & obligando continue & per amorem tracti debent amare Deum primo & exinde obligati sunt seinuicem amare continue.

*ligamina  
amoris.*

T I T V L V S C X X I V.

*Quod istud debitum secundum seu obligatio amoris erga  
omnem hominem redundat & reuertitur in solam  
hominis utilitatem bonum & commodum.*

**Q**uia vero iam probatum est : quod omne debitum *Tit. 116.*  
& seruitium quod homo obligatur de iure naturæ reddere & exoluere Deo redundat & reuertitur in solam hominis utilitatem & commodum. Ideo sequitur necessario quod cum istud secundum debitum quo quilibet homo tenetur alteri oriatur à primo quo homo obligatur Deo : quod tamen totum redundat & reuertitur in hominis utilitatem & non Dei. Et ideo sequitur quod homines debent se amare adinuicem : quia sunt Dei imago : quod totum est ad bonum & utilitatem hominis. Et quia hoc est primum quod homines debent & tenentur facere : sequitur quod amare Deū primo & homines quia sunt Dei imago est primū bonum hominis radicale ac principale. Et ideo omne bonum aliud hominis necesse est vt oriatur ab isto bono tanquam à principio primo & radicali : & quidquid non oritur ab isto bono non est verum bonum hominis. Et  
sic



## 176 *De amore Dei & proximi.*

sic apparet quod quanto plus multiplicabitur debitum hominis erga Deum & crescit : tanto multiplicabitur bonum hominis & commodum : & per consequens apparet quod omnia facta sunt propter utilitatem hominis & non Dei : & ipse homo non est propter alterius utilitatem, sed propter seipsum tantum ad suam utilitatem.

### T I T V L V S C X X V.

*Quod omne seruitium creaturarum indifferenter sine acceptione personarum cuilibet homini seruientium inquantum est imago Dei manifestat quod omnes homines adinuicem debent se reputare tanquam unum hominem.*

*Quilibet debet alterum sicut seipsum amare.*

*Omnes homines debent se reputare tanquam unum hominem.*

**N**on solum ex virtute primæ obligationis qua omnes homines sunt obligati ipsi se debent reputare unum hominem, & quilibet debet se amare: & alterum sicut seipsum immò ipsæ creaturæ hoc idem significant & manifestant. Ipsæ enim creaturæ quæ factæ sunt propter hominem ad seruendum ei ex voluntate Dei nullam differentiam faciunt in seruendo inter homines ac beneficium impendendo : immò quantum in eis est : non plus seruiunt vni homini quàm alteri : sed æqualiter omnibus quantum in eis est non plus laborant pro vno quàm pro altero nullum restant maiorem nullum minorem : non respiciunt neque nobiles neque rurales. Nam hoc apparet manifestè discurrendo per creaturas. Nam sicut terra seruit rustico : ita etiam seruit Regi : & similiter omnibus. Similiter aër, aqua, ignis, arbores, plantæ & animalia : quantum in eis est. Et hoc maxime apparet in sole : qui est nobilior creatura : qui plus super omnes creaturas seruit hominibus. Nam ipse æqualiter seruit omnibus hominibus : non plus vni quàm alteri. Quid est ergò quod sic omnes creaturæ indifferenter seruiunt omnibus hominibus ex Dei ordinatione: nisi quod omnes homines reputantur quasi vnus homo & quod omnes homines debent se reputare tanquam unum hominem. Vnde creaturæ seruiunt homini inquantum homo est & creatura Dei & ideò æquales reputant omnes homines. Et ideò quod seruiunt homini inquantum imago Dei est : significat quod tale seruitium conuenit Dei imagini : & ideò honorabiliter diligenter

ligenter & purè homo debet accipere seruitium à creaturis inquantum Dei imago est : nec aliter est dignum quod homini seruiatur. Et ideo talis mundus tam nobilibus creaturis plenus factus est propter hominem quia homo Dei imago est : & imago Dei tam nobilis & honorabilis est : quod tam nobiles & excellentes creaturæ debeant ei seruire. Non enim aestimet homo quod iste mundus sibi seruiat nisi ex eo quia est imago Dei : & non propterea quia talis vel talis est. Si ergo illæ creaturæ seruiant homini inquantum homo portat Dei imaginem : multo magis vnus homo debet alterum honorare & ei seruire inquantum portat Dei imaginem viuam : & tanto plus quanto homo magis cognoscit hoc : & inquantum homo sperat ex hoc aliquid sibi accumulare præmij. Creaturæ ergò manifestant quod omnes homines sub vna vocatione , & propter vnā causam se debent amare adinuicem quia vnus portat imaginem Dei sicut alter & sic se debent reputare : vt & quasi vnus homo. Si ergò commune seruitium creaturarum indifferenter sine acceptione personarum cuilibet homini seruit inquantum Dei est imago sequitur quod omnes homines se debent reputare tanquam vnum hominem & per consequens debent se diligere adinuicem sicut seipsum : quia sicut hominem.

T I T V L V S C X X V I.

*Recollectio eorum qua dicunt omnes homines debere se reputare tanquam vnum.*

**C**oncludamus ergò quod communitas vnus solius Dei æternaliter viuentis : cuius quilibet homo inquantum est viuā imago & conformis , & communis amor ipsius Dei erga omnes homines inquantum sunt homines & suæ imagines : eadem acceptio beneficiorum : eadem indigentia : eadem obligatio & pro eadem causa qua quilibet homo obligatur vni & eidem Domino : eadem conseruatio Dei qua omnes homines conseruantur in esse idem & commune seruitium. Creaturæ moriuntur cum homine : & indifferenter seruiunt homini sine acceptione personarum : & insuper etiam conformitas & vnitas eiusdem naturæ & nominis in omnibus : hæc omnia simul collecta : clarissimè dicunt & concludunt homines omnes debere se reputare adinuicem

*Duplex  
frater-  
nitas ho-  
minis.*

cem tanquam vnum hominem & debere habere adin-  
uicem maximam vnitatem. Et ex omnibus supradictis  
manifestatur duplex fraternitas hominis : vna generalis  
ad omnes creaturas : quia homo est creatura Dei : &  
habet esse à Deo : & aliæ creaturæ similiter ideò homo  
habet ratione istius originis generalis ab vno & eodem  
patre fraternitatem generalem cum omni creatura. Alia  
fraternitas est specialis inter omnes homines : quia sunt  
à Deo tanquam ab vno patre : & quilibet est eius imago.  
Et ista est fraternitas maior quæ esse possit.

## T I T V L V S C X X V I I.

*Quod ex unitate quæ debet esse de iure natura inter ho-  
mines oritur fortitudo maxima & inuincibilis.*

*Interho-  
mines po-  
test esse  
perpetua  
vnitas.*

**Q**Voniam autem omnis fortitudo oritur, ex vnita-  
te : & debilitas oritur ex diuisione : & quanto ma-  
ior est vnitas : tanto maior est fortitudo & vbi est sum-  
ma vnitas quæ debet esse inter homines oritur ex hoc  
quod primo quilibet homo est vnitus cum Deo per a-  
morem : & deinde quod quilibet est Dei imago clara  
& viuæ & vera. Ideò ex consequenti debet se inuicem a-  
mare & habere vnitatem. Et impossibile quod aliquis  
amet Deum quin amet imaginem eius viuam & quanto  
magis amat eius personam tanto magis amet eius ima-  
ginem. Et ideò cum vnusquisque homo sit Dei imago  
viuens : quanto ergò quis amat Deum tanto etiam ma-  
gis amabit quemlibet hominem & quanto magis vnus  
homo amabit alium : tanto magis illi vnitur. Ista vni-  
tas durabit quamdiu amor durat & amor semper potest  
durare : ergò etiam vnitas semper potest durare. Et ex-  
inde sequitur quod inter homines potest esse perpetui-  
tas & perpetua vnitas : quia ista vnitas quæ prouenit ex  
tali amore : facit homines vnum : ideò mutat vnum ho-  
minem in alium & transfert : & econuerso. Et homines  
habent semper istam vnionem : & sunt tantum vnum  
quod non possunt esse magis vnum. Et quia ex maxima  
vnitate confurgit maxima fortitudo ideò homines dum  
sunt vniti per istum modum habent maximam fortitu-  
dinem & inuincibilem. Et sic patet quod homines dum  
respiciunt ad Deum , inde vniuntur inter se : & fiunt  
vnum & per consequens fortificantur inter se : ac magis  
fortificantur & dum homines respiciunt ad se ipsos &  
non



non ad Deum , sed quilibet ad seipsum tunc diuiduntur inter se , & fiunt plures , & per consequens debilitantur , & tota fortitudo destruitur : quæ solum oritur ex vnitate. Ideò ista vnitas est totum bonum hominis ac tota fortitudo : & quanto magis crescit tanto magis crescit bonum hominis. Et quia ista vnitas potest semper durare : immò bonum hominis potest esse perpetuum. Et quia omnes esse possunt in ista vnitate : ideò omnes possunt participari vnum bonum simul sine diminutione : neque vnus impediatur alium. Et tamen ista vnitas procedat ex mera voluntate & libertate : ideò non potest destrui per violentiam : neque per aliquam potentiam. Ideò sequitur quod in ea est fortitudo inuincibilis , & fit bonum verum incorruptibile & immortale. Videte ergò quantum bonum potest prouenire homini ex amore & societate quam habet ad Deum & ad homines quia hoc est totum bonum ipsorum hominum : perfectum & verum.

T I T V L V S C X X V I I I .

*Breuis epylogatio prædictorum.*

**E**Pylogantes autem generaliter totum processum huius libri iam dictum : videre possumus qualiter primo incipiendo ab infimis creaturis : & à primo gradu & inferiori scala naturæ ascendendo : paulatim peruenimus ad veram notitiam & cognitionem Dei inuisibilem summè potentis , summè sapientis & summi boni : ita quod creaturæ nos duxerunt & eleuauerunt quasi per quandam scalam ordinatissimam ad Deum Creatorem omnium : tanquam ad vnum summam principium & Patrem & Creatorem omnium , & iterum ipsæ creaturæ duxerunt nos profundius ac intimius ad ipsum Deum : quia duxerunt nos ad amandum Deum & in amorem eius , & ostenderunt nos summè esse obligatos ipsi & ad eum totaliter amandum. Et sic quantum in eis est vnierunt & coniunxerunt nos cum Deo quasi matrimonium facientes. Deindè descendimus ab ipso summo Creatore ad ipsas creaturas : ita quod per amorem Creatoris descendimus ad amorem omnium creaturarum. Quia amando Deum Creatorem : amamus omnes creaturas : & omnia quæ sunt sui in quantum sunt sui. Et sic amamus omnes creaturas propter ipsum. Et sic fit as-

census & descensus. Primò ascensus à Creaturis ad Creatorem: secundò descensus à Creatore ad creaturas omnes. Primò enim amabamus creaturas: quia erant pulchræ & bonæ, & quia nobis seruiebant, & propter nos. Secundò autem amamus eas propter Creatorem: scilicet quia sunt ipsius & ipse fecit eas: immò etiam diligimus nosmetipsos quia sumus Dei. Et iste amor est perfectus, bonus, durabilis, nobilis & permanens quia oritur à Creatore nobilissimo, ab altissimo & à summo. Et sic apparet quod amor dum datur primo Deo non perditur non diminuitur immò crescit & multiplicatur in infinitum & extenditur sine mensura quia per amorem Dei amantur omnes creaturæ: & omnia quæ sunt Dei. Et sic omnia amantur per vnum amorem, & in virtute vnius amoris, & nulla res est quin sit amata per virtutem istius amoris. Et ideo amor noster dum datur Deo est altissimus vniuersalissimus & latissimus.

## T I T V L V S C X X I X.

*Scientia de natura amoris, seu de eius conditionibus, viribus & proprietatibus & de fructu amoris.*

Tit. 109.

*Solus amor facit hominē bonum vel malum.*

Quoniam autem manifestum est quod nihil habemus in nobis quod verè nostrum sit, & quod totaliter in nostra potestate consistat nisi solus amor, & per consequens thesaurus noster totum bonum nostrum est amor bonus & totum malum nostrum est amor malus. Quia postquam nihil habemus quod sit verè nostrum nisi amorem: si tunc amor non est bonus: quicquid tunc habemus non est bonum & si amor noster est bonus: quicquid tunc habemus est bonum. Vnde si amor noster est bonus boni sumus, si malus est, mali sumus. Solus enim amor facit hominem bonum vel malum. Et sicut nihil melius est in nobis quàm amor bonus: ita nihil peius est in nobis quàm amor malus. Quia etiam nihil habemus in nobis quod sit verè nostrum nisi amorem ideo quando dedimus amorem nostrum: omnia dedimus quæ habemus: & nihil amplius habemus quod demus. Et ideo si perdimus amorem nostrum: quicquid habemus perdidimus: & per consequens perditum sumus. Tunc autem perdidimus amorem nostrum: quando dedimus eum illi cui dare non debemus. Quia etiam totum bonum nostrum est amor bonus: & totum malum

malum nostrum est amor malus : sequitur quod virtus non est aliud quàm amor bonus , & vitium non est aliud nisi amor malus. Et ergò cum totum bonum nostrum sit constitutum in amore sequitur quod qui habet scientiam & cognitionem de amore : habet cognitionem & scientiam de toto bono hominis : & qui ignorat naturam amoris ignorat totum bonum hominis. Ergò quilibet quantum potest : debet habere notitiam & scientiam de amore. Et ideò hic tradetur in speciali scientia & cognitio de amore , & de natura & conditionibus ac proprietatibus & fructu eius.

T I T V L V S C X X X.

*Quod principalis fortitudo & proprietas amoris est quod  
vñt amantem cum amato, & mutat, conuertit &  
transformat amantem in rem amatam.*

**H**abet autem amor vim & virtutem viuendi , mutandi, conuertendi ac transformandi. Et ista est sua propria natura & conditio inseparabilis. Et ideò vñt amantem cum re amata & transformat exindè & conuertit ac mutat amantem in rem amatam. Et quamuis hoc sit nobis notum per experientiam : tamen per naturam amoris potest nobis hoc manifestari. Quia amor de sui natura est donum, & est primum donum ita quod est res donabilis de natura sua & ideò non potest detineri quin detur, & quia amor non potest cogi , ideò est donum liberaliter & sponte datum & quia donum sponte datum est illius cui datum est ac totaliter translatum & transformatum in eius dominium & quia amor est tale donum : ipse amor est illius cui datur & transfertur in dominium rei amatae. Et ideò res amata possidet & obtinet in sua potestate : in suo dominio amorem sibi datum liberè ac spontè : quia suus est postquam sibi datus est. Et cum amor trahat & ~~ducit~~ <sup>trahat</sup> secum totam voluntatem : quæ habet totum imperium in homine : ideò quo vadat ducit & trahit ac portat secum totum hominem & per consequens cuicumque datur ipse amor datur tota voluntas & totus homo. Et exindè apparet quod amor & voluntas immutantur, & conuertuntur ac transportantur in dominium & naturam rei amatae. Et ideò amor mutat rem amantem in rem amatam & amantem cum amato vñt , & facit vnum de duobus

*Amor  
Dei est  
primum  
donum.*



## 182 *De amore Dei & proximi.*

quia amans fit vnum cum re amata per virtutem amoris. Ecce ergò quàm magna est fortitudo amoris & proprietas : quia habet vim vnitiuam, mutatiuam, conuersiuam & transformatiuam vnus in alterum.

### T I T V L V S C X X X I.

*Qualis sit ista mutatio & conuersio.*

*Vnio amoris est fortissima. Amor denominatur à re amata.*

**I**sta autem conuersio seu mutatio non est naturalis non est coacta, non est violenta, non est pœnosa nec laboriosa, sed est libera seu liberalis spontanea voluntaria ex liberalitate facta placibilis & delectabilis & dulcis. Et quia amor quocunque vadat, semper vadit, spontè, liberè, voluntariè, placibiliter, delectabiliter & dulciter, & ideo voluntas quæ per amorem vnitur & coniungitur cum re amata non potest separari ab ipsa nisi liberè & spontè ac voluntariè : quia non potest cogi : quia tunc non esset voluntas neque amor si cogeretur. Et ista vnio seu coniunctio est fortissima quia voluntas non potest separari à re amata per violentiam, sed solum voluntariè ac spontè. Licet autem amor mutet voluntatem in rem amatam tamen amor semper remanet amor & liberalis amor : quia amor quocunque vadat semper remanet in sua natura, & voluntas semper remanet voluntas, nec destruitur cum mutatur sed ipsa voluntas recipit modum, formam, & naturam rei amatae, & induitur ac vestitur vestimentis rei amatae, & portat habitum eius, & denominatur à re amata quia talis est amor qualis est res amata, & talis est voluntas qualis est amor. Res enim primò amata dat nomen amoris & voluntati quia voluntas de se non est nisi voluntas : nec habet aliud nomen : nec amor est nisi amor nec habet aliud nomen de se : sed res amata dat sibj nomen suum in quam mutatur. Immo si voluntas amat terram : tunc dicitur terrena vel terra : & amor dicitur terrenus. Et si amat res mortuas ac mutas tunc dicitur mortua & muta. Et si amat res brutales & bestiales tunc dicitur brutum & bestiale & amor brutalis. Et si amat homines tunc dicitur humana : & si amat Deum tunc dicitur diuina & amor diuinus. Et ita homo potest per amorem mutari, transformari, & conuerteri in aliam rem nobiliorem vel turpiorem, liberè & spontè.

TITVLVS

## TITVLVS CXXXII.

*Quod per istam conuersionem & mutationem amoris  
voluntas potest exaltari nobilitari & ascendere  
supra se: & etiam potest vilificari: corrumpi  
& descendere infra se.*

**E**T quia voluntas per amorem conuertitur in rem  
primo amatam & recipit materiam & formam eius:  
ideo ipsa voluntas exaltatur vel deprimatur: nobilita-  
tur vel ignobilitatur seu vilificatur: ascendit vel des-  
cendit secundum quod res primo amata est dignior vel  
nobilior quam voluntas sit vel ascendit supra seipsam  
vel secundum quod est inferior vel infra voluntatem.  
Vnde res primo amata potest esse superior vel inferior:  
vel æqualis respectu nostræ voluntatis. Si ergo voluntas  
det primo amorem suum rei superiori: maiori & di-  
gniori ac nobiliori quam ipsa sit tunc ipsa mutatur &  
conuertitur in gradum nobiliorem: ac fit nobilior &  
dignior & ascendit supra se. Sed si det suum amorem  
æquali: non ascendit: nec fit nobilior quam ante. Si  
autem det suum amorem rei inferiori & minus nobili  
quam ipsa sit: tunc ipsa vilificatur: & descendit à sua  
nobilitate & à suo gradu & à statu suæ naturæ: quia  
semper mutatur & conuertitur in rem primo amatam:  
& ab ea denominatur. Et quia omnis bona mutatio  
seu conuersio seu transformatio debet esse in melius &  
nobilius & in altius: & non in inferius sibi: neque in  
vilius: ideo voluntas nostra non debet dare amorem  
suum nisi rei superiori & nobiliori: ac digniori & altiori  
quam ipsa sit: quia aliter non mutaretur nec conuerte-  
retur in nobilius neque ascenderet. Et quia nihil est *Voluntas*  
supra voluntatem nostram nisi Deus immediate: ideo *debet*  
sequitur quod voluntas debet primo dare amorem suum *primo*  
Deo soli vt ipsa mutetur & conuertatur ac transforme- *dare a-*  
tur in melius & nobilius ac dignius. Hoc autem clarè *morem*  
docet natura per experientiam in ipsis gradibus quatuor *suū Deo.*  
quia inferiora & minus digna mutantur in superiora &  
magis digna: & ea quæ sunt in primo gradu: vt elemen-  
ta mutantur & conuertuntur in res quæ sunt secundi  
gradus & res secundi gradus mutantur in res tertij  
gradus: quia aqua terra & aër mutantur in arbores &  
plantas: ibi habent esse nobilius arbores per fructus &  
plantæ

# 184 De amore Dei & proximi.

plantæ mutantur in naturam animalium : & ibi capiunt esse nobilius. Et sic est ordo naturæ. Sic etiam animalia mutantur in res quarti gradus : vt in hominibus vbi capiunt nobilius esse quam in se. Ita ergo voluntas cum sit libera & spontanea in sua libertate : debet mutari in melius & in altiore gradum. scil. vt ipsa mutetur in esse diuinum : aliter ipsa faceret contra totum ordinem vniuersi : & contra seipsam. Quare tota natura clamat quod res primo amata debet esse Deus aliter ei fieret iniuria naturalis : cum sit nobilior & dignior omnibus. Et sic patet quia nostra voluntas potest ascendere vel descendere : nobilitari vel vilificari.

## T I T V L V S C X X X I I I .

*Quod nulla res est digna de se amore nostro : nec ei debet dari primo nisi habeat amorem quem posset reddere: & etiam posset nostrum amorem meliorare & nobilitare.*

*Nullum corporale est dignum amore nostro.*

*Solus Deus dignus est*

**Q**Voniam autem amor noster est donum nobilissimum & dignissimum : eo quia est liberalissimum & mutat ipsam voluntatem in naturam alterius in dominium rei amata: ita quod res primo amata dominatur voluntati nostræ ; & quia non est dignum nec iustum nec debitum quod res inferior habeat dominium rei superioris & dominetur ei: ideo nulla res inferior est digna: voluntate nostra nec amore nostro de se nec per se : quia tunc dominaretur voluntati nostræ. Et ideo quia voluntas est intellectualis & spiritualis de natura sua: ideo est superior omni re corporali : ideo nulla res corporalis est digna amore nostro: quare nec corpus nostrum : nec animalia: nec aurum : nec argentum neque sol : neque luna : nec arbores : neque elementa sunt digna amore nostro liberali. Item non est dignum quod res æqualis dominetur æquali sed cum voluntas creata in quantum est creata est ei æqualis : ideo nulla voluntas creata de se & primo est digna amore nostro: quia tunc haberet dominium voluntatis nostræ. Sed quia solum dignum : iustum & debitum est quod res superior: maior & dignior habeat dominium rei inferioris & dominetur ei : & quia solus Deus est superior voluntate nostra ac maior: ideo ipse solus est dignus de se amore nostro : primo & per se. Et sic per naturam amoris concluditur quod  
solum



solum dignum est quod Deus ametur per se : & primo *amore*  
 à voluntate nostra : & nulla alia res. Rursum quia amor *nostro.*  
 est donum & primum donum & totum quod habemus:  
 & quod voluntas nostra habet & nihil aliud habet quod  
 sit suum : & ideo quando dat amorem totum quod ha-  
 bet dat : & nihil retinet sibi. Et quia non est iustum:  
 non est debitum quod voluntas det totum quod habet:  
 & quod nihil recipiat: cum enim dat amorem debet re-  
 cipere amorem : cum amor requirat amorem: & volun-  
 tas non curat nisi de amore: quia solus amor est bonum  
 suum & suus thesaurus : & ideo sequitur quod nulla  
 res de se est digna amore nostro liberali : neque ei de-  
 bet dari amor nisi ipsa possit reddere amorem : & co-  
 gnoscere amorem sibi datum : & quantum valet. Et  
 quia etiam amor est donum voluntarium & liberum:  
 ideo etiam nulla res est digna amore tali : nisi etiam  
 habeat voluntatem per quam possit voluntariè & libere  
 rependere amorem : quia liberalitas requirit liberali-  
 tatem. Et ideo concluditur quod nulla res inferior ac  
 minor voluntate : est digna amore nostro : nec ei debet  
 dari amor. Quare sequitur quod nec terra: nec aqua:  
 nec elementa : nec aurum : neque argentum : nec ani-  
 malia : nec corporalia sunt digna amore nostro : quia  
 non habent amorem quem possunt rependere : ac dare  
 pro amore nostro. Quare sequitur quod quando datur  
 amor noster talibus rebus qui non possunt reddere li-  
 beraliter: neque habent amorem liberalem quod volun-  
 tas recipit maxima damna. Primo quia voluntas effi-  
 citur vilis inferior: corporalis : & recedit ac degenerat  
 à natura suæ dignitatis & excellentiæ: & vnitur ac con-  
 iungitur cum rebus totaliter extraneis : quia voluntas *Nulla*  
 mutatur in rem amatam : & efficitur similis rei quam *natura*  
 amat & talis est sicut ipsa. Secundo recipit magnum *est digna*  
 damnum & perdit quicquid habet quia perdit suum *amore*  
 amorem : quia nihil recipit ab illis rebus : quia nullum *nostro.*  
 amorem potest ab illis recipere cum nullum habeant &  
 sic ipsa voluntas cum amore suo est extra patriam suā:  
 extra naturam suam : & habitat in terra aliena & extra-  
 nea vbi nullus est amor : & ideo pauperrima denudata  
 nihil habens : ac mutata & conuersa in res extraneas:  
 & ideo perdit seipsam : & ipsæ res non dant seipsas vo-  
 luntati : quia non possunt : & facit iniuriam rebus no-  
 bilibus & dignis suo amore : quibus se noluit dare. Se-  
 quitur

## 186 *De redditione hominis obligati.*

*Solus  
Deus dat  
nobis no-  
biliorem  
amorem.*

quitur ex istis quod tales res non sunt dignæ amore nostro : immo est contra naturam dare eis nostrum amorem : quia etiam cum nostra voluntas dat amorem non solum requirit amorem sed nobiliorem & digniorem quam dat : & etiam quod amor suus quem dat nobilitetur à re amata. Et quia solus Deus qui est superior nostra voluntate potest nobis dare nobiliorem amorem quam sit noster amor : & hoc in infinitum : quia solus suus amor est infinitus & increatus : & etiam ipse solum potest exaltare & nobilitare amorem nostrum sibi datum. sequitur ergo ex omnibus supradictis quod solus Deus est dignus amore nostro & nulla res inferior est digna amore nostro : nisi poterit refundere amorem : & etiam poterit meliorare & nobilitare nostrum amorem. Quare si sit aliqua primo amata quam Deus : sit Deo maxima iniuria naturaliter & maximus contemptus.

### T I T V L V S CXXXIV.

*Quod tantum se extendit amor seu voluntas : quantum  
se extendit res primo amata : nec ultra ascendit  
vel descendit.*

*Tit. 130.* **Q**Uoniam autem amor mutat amantem & voluntatem in rem amatam & in suum dominium : ita quod res amata assimilat sibi voluntatem : & communicat ei suam similitudinem : & format eam : sua forma : atque denominat ipsum amorem : ita quod ipse amor totus est de natura rei amatae : & ideo quia amor est ita ligatus & vnitus cum re amata : ideo voluntas transformat rem amatam in se. Ideo amor non potest ascendere supra rem primo amatam : nec voluntas : eo quod ipse amor extendit se ad omnia ad quæ se extendit res primo amata : & ad omnia quæ sunt ligata cum ipsa : & non ultra. Et ideo quanto res primo amata erit magis communis & vniuersalis : tanto ipse amor erit magis vniuersalis & communis : & etiam voluntas : & quanto res primo amata erit magis particularis : tanto etiam voluntas erit magis particularis & minus communis. Vnde quia ipsa voluntas per amorem transformatur & mutatur in rem amatam & sequitur eam : ideo res primo amata totaliter obtinet & possidet ipsam voluntatem & habet totam possessionem amoris. Et sicut res primo amata est vna : ita generatur & fit vnus primus

primus amor in voluntate qui totus est de natura rei primo amata: ita quod sicut non possunt esse plures res primo amata: ita non potest esse nisi vnus primus amor in voluntate. Ideo res quæ primo amatur edificat: plantat: stabilit & fundat primum amorem in voluntate: qui est radix: caput & origo omnium aliorum amorum qui pullulant à voluntate. Fit ergo in voluntate nostra vna prima radix omnium aliorum amorum: quæ radix recipit suam virtutem totam à re primo amata: & ab illo primo amore pullulant: exeunt & procedunt omnes alij amores. Et ideo in anima fit quædam magna arbor amoris: cuius radix est primus amor: qui se multiplicat in tot amores quot sunt res quæ habent colligantiam cum re primo amata: & omnes illi amores sunt inclusi in illo primo amore qui est basis & causa omnium. Sicut enim ab vno semine seu grano pullulant infinita grana: ita ab vno amore pullulant infiniti amores tanquam ab vno semine. Et sicut omnia grana quæ exeunt de primo grano sunt illius naturæ cuius est granum: vnde exierunt ita omnes amores qui exeunt de primo amore sunt illius naturæ cuius est primus amor. Qualis est radix talia sunt omnia quæ pullulant de radice. Qualis est fons tales sunt riuuli. Et ideo si primus amor fuit bonus: omnes alij sunt boni: & si iustus iusti: & si ordinatus ordinati. Et si primus est malus & corruptus: alij etiam erunt mali & corrupti. Et omnes non sunt nisi vnus amor: quia non est nisi vna res primo amata: & omnia alia amata amantur in virtute rei primo amata: quia propter illam amantur: eo quod sunt colligata cum ea: & in omnibus non amatur nisi res primo amata. Et exinde sequitur quod necessario amatur quicquid coniunctum est cum re primo amata: & necessario odio habetur quicquid est contra rem primo amatam: & tot odia generantur quot res apparent contra eam. Sed tamen quia primus amor est radix omnium aliorum amorum: ideo sicut radix semper est occulta & non apparet extra: & omnia alia quæ exeunt de radice videntur: ita primus amor est occultus: & non apparet extra se: sed alij amores qui exeunt ab eo sunt valde manifesti & apparentes: ita quod res primo amata: eo quod est prima vehementissime & fortissime coniungitur cum voluntate: & trahit totam ad se: & ipsa voluntas etiam coniungitur fortissime

*Omnes amores à primo amore exeunt.*

*Primus amor est occultus.*



## 188 *De redditione hominis obligati.*

*Amor  
Dei est  
fortissi-  
mus.*

*Amor  
Dei est  
ad omnes  
creatu-  
ras.*

tissime cum ea quia nihil est quod impedit. Ideo talis primus amor est ita fortis: ita solidatus quod nullo modo potest destrui: nisi veniat alia res primo amata & quæ primo ametur fortior & maior quam prima: & quæ excellit rem totaliter primo amatam & eradicet illum primum amorem à voluntate. Nec ipsa voluntas potest hoc facere nec vult nec potest velle per seipsam. Et quia tota nobilitatio: tota fortitudo & virtus & extensio oritur à re primo amata: ideo quanto res primo amata est fortior: magis virtuosa: magis potens: ac magis vnita: & quia Deus est potentissimus: fortissimus & immortalissimus: virtuosissimus ac summe vnus: ideo quando Deus est res primo amata: & ipsa voluntas vnitur ei primo per amorem: tunc efficitur potentissima virtuosissima fortissima & vnitissima. Et ideo tunc summe confortatur & roboratur. Et hoc totum fit virtute rei primo amatæ quæ Deus est. Et tunc ab illo amore pullulant infiniti amores: quia ille amor est communissimus & vniuersalissimus ad omnia se extendens sicut Deus. Vnde quia omnis creatura respicit Deum & est Dei: ideo ille amor primus qui est Dei: extendit se ad omnes creaturas: & amantur omnes creaturæ in virtute primi amoris. Et sic amor Dei quando est primus includit in se omnes alios amores: vt sicut omnis creatura respicit Deum: ita omnis amor creaturæ includetur in amore Dei. Si autem res primo amata sit creatura & non Deus: tunc amor primus est fundatus in creatura: & totus secundum naturam creaturæ: non se potest extendere ad creatorem nisi secundo: & hoc propter creaturam: ita quod Deus non possit amari: nisi in quantum respicit illam creaturam primò amatam & iuuat eam: & habet colligantiam cum ea: & ideo non amatur tunc Deus sed creatura: quia non amatur nisi in virtute creaturæ & propter creaturam. Concluturum est ergò quod quantum se extendit res primò amata: tantum extendit se voluntas & amor: & ideo sequitur quod primus amor qui est vnus solus: radicatur in voluntate & virtute rei primò amatæ: quæ est radix: fons: origo & principium causa & caput omnium aliorum amorum. Et exinde possunt extrahi: concludi & elici multæ aliæ conclusiones.

TITVLVS

## TITVLVS CXXXV.

*Similitudo & exemplum familiare ad oculum: in quo omnia quæ dicta sunt de amore manifestantur: & hoc est quod se sic habet res primò amata ad voluntatem & amorem sicut vir sponsus seu maritus se habet ad sponsam seu uxorem.*

**Q**uoniam autem res primò amata habet dominium & principalitatem ac superioritatem respectu voluntatis nostræ: ita quod ipsa nostra voluntas transformatur in eam: & ipsa res primò amata denominat: determinat & specificat voluntatem & amorem nostrum: & nobilitat & exaltat ac dignificat: & etiam fortificat ac roborat: firmat: & confortat: & hoc fit ratione vnionis & coniunctionis voluntariæ & spontaneæ quæ est inter voluntatem & ipsam rem primò amatam per amorem liberalem & spontaneum: & ideo fit quoddam matrimonium inter ipsam nostram voluntatem & rem primò amatam. Et talis vnio seu coniunctio: liberè & sponte facta matrimonium potest appellari eo quia ipsa res primò amata: habet modum viti & sponsi: & conditiones eius & ipsa voluntas habet modum & conditiones mulieris & sponsæ. Sicut enim in matrimonio seu coniugio vir habet dominium: principalitatem & superioritatem: & mulier habet subiectionem & inferioritatem: ita similiter se habet res primò amata ad ipsam voluntatem & vtrique coniunctio est voluntaria, spontanea & libera, & fit per amorem liberè & spontè, & quasi omnes conditiones quas habet vir respectu mulieris, & e contra: similes habet res primò amata respectu voluntatis, & e conuerso. Vnde sicut mulier non habet nisi vnum virum & sponsum: ita voluntas non habet nisi vnam rem primò amatam: cum qua facit idum matrimonium. Et sicut matrimonium postquam factum est non separatur nisi per mortem: ita matrimonium voluntatis & rei primò amatæ non separatur nisi per mortem & hoc de se vel per se. Et ideo ratione istius conuenientiæ omnia quæ dicta sunt de amore & voluntate & de re primò amata possumus clarè videre per experientiam ad oculum in matrimonio reali: quod fit inter virum & mulierem: quia vtrobi- que fit similiter & eodem modo: sed ibi in voluntate occulte:

- Tit. 130.* occulte : & in viro & muliere manifestè. Et ideò resumamus quæ dicta sunt de amore & voluntate & de re primo amata : & sic manifestè videbitur per matrimonium viri & mulieris sicut dictum est. Vnde dictum est enim quod per amorem voluntas mutatur : conuertitur & transformatur in rem amatam. Et etiam dictum est quod voluntas potest exaltari : nobilitari : & ascendere supra se : ac etiam vilificari ac descendere infra se. Et hoc secundum naturam & conditionem rei primo amate. Et etiam quod tantum ascendit voluntas : & ad tantum se extendit quantum res primo amata : & cætera alia. Vt ergò omnia ista clarè videamus exemplum tale faciemus.

## T I T V L V S C X X X V I.

*Exemplum familiare ad omnia quæ possunt dici de amore & voluntate & re primo amata.*

SIt enim aliquis pauper & de genere infimo : nullius reputationis habens sex vel octo filias eiusdem conditionis : certum est omnes istas æquales esse natura : & genere & in nobilitate : dignitate & paupertate : vna namque non excellit aliam : & non poterunt esse magis æquales : tunc contingat quod vna earum coniungatur per matrimonium vni rustico sicut ipsa est : & alia vni cui qui non multum ipsam excedat in nobilitate : tertia vero vni militari : quarta militi : quinta comiti : sexta duci : septima regi : octaua imperatori. Ecce omnes istæ puellæ à principio de natura sua propria erant æquales nulla alia nobilior : nulla potentior ditior : seu dignior : sed per copulationem cum viris videmus maximam differentiam inter eas & inæqualitatem quia prima est rustica : & alia modicum excedit : tertia magis exaltatur : quarta multum exaltatur : quinta adhuc magis : sexta & septima adhuc plus : octaua est maxime exaltata : quæ est vxor imperatoris. Sed ista nobilitatio : exaltatio : & ascensus : venit tantum ex parte virorum quibus matrimonialiter coniunguntur : & non ex parte mulierum : quia omnes erant æquales. Et sic apparet quod mulier sponsa mutatur in virum sponsum & ab ipso denominatur : specificatur & determinatur. Similiter autem fit de voluntate : ita quod ipsa potest exaltari & ascendere secundum naturam rei amatae



amata: & secundum gradum suum. Et ideo ipsa voluntas denominatur terrena: si res primo amata sit terrena: & si res primo amata sit brutalis: ipsa denominatur brutalis: & si res talis sit humana: ipsa denominatur humana & si res primo amata sit Deus: ipsa denominatur diuina: & quia Deus est Rex & imperator summus: etiam ipsa dicitur regina & imperatrix omnium sicut Deus. Et tunc voluntas non potest ascendere ad maiorem dignitatem & excellentiam neque potest habere maiorem sponsum. Et tamen omnes voluntates primo sunt æquales in natura: sed postea una ascendit & exaltatur supra aliam secundum sponsum cui coniungitur: secundum quod res primo amata & cui primo coniungitur est magis vel minus digna. Item sicut videmus quod mulier quæ est vera sponsa cum suo vero sponso habet unum novum amorem qui noviter causatur qui est unus virtute illius primi amoris in quo amantur de nouo omnes alij: qui habent colligationem cum illo sponso viro suo: & omnes quos vir ille diligit: ipsa diligit: & tamen antea non dilexit: vel si amabat: non propter virum neque virtute viri amabat sed modo generantur noui amores: & tot amores nascuntur de primo amore quot sunt illa quæ vir amat: & quæ habent unitatem cum viro: & præ omnibus amat suum virum: & omnes amat virtute viri: qui sunt amici & cognati viri: & sic in amore viri includuntur omnes alij amores tanquam in radice: & ille amor primus continet omnes alios amores: si autem vir moriatur & mulier accipiat alium virum sponsum: tunc destruitur ille primus amor: & per consequens omnes alij amores qui habebant ortum ab illo amore & causatur unus alius novus amor: qui est radix aliorum amorum. Sicut autem fit de muliere respectu viri: ita fit de voluntate respectu rei primo amata: sed istud matrimonium est inuisibile & spirituale & occultum. Vnde si Deus sit res primo amata: necesse est quod per virtutem illius primi amoris amentur omnia quæ Deus amat. Et tunc voluntas est potentissima ad amandum quia habet amorem suum communem: summe vniuersalem: per quem potest omnia amare sine labore: sine difficultate: ita quod per unum amorem omnia amabit: nec in seipsa diuiditur: sed semper manet in vno amore: quia semper manet in vna re primo amata. Item sicut mulier si

coniu

*Per amorem deamantur omnia quæ Deus amat.*

*Amor  
Dei est  
indefi-  
ciens.*

gatur vni bono : diuiti : forti : potenti : nobili viro : tunc manet in securitate : in pace : in gaudio : & in quiete : & si coniugatur vni viro malo peruerso misero : pauperi : tunc semper erit in tribulatione & miseria. Ita similiter quando voluntas coniungitur cum re primo amata : quæ sit bona : fortissima : ditissima : & potentissima : solida immobilis : æterna & inuariabilis : nullo indigens : in se habens omnem sufficientiam : tunc ipsa est in pace : in consolatione & in gaudio : & nullo modo potest turbari : nec lædi affligi . nisi in re quam amat & diligit. Et propterea qui illam rem solum amat quæ auferri non potest lædi neque habere defectum : quia neque præter illam rem aliquid appetit habens sufficientiam in illa : nec sollicitatur de amissione illius quia eam perdere non potest nisi velit. Quia ergo illa res sufficiens est : non patitur indigentiam : inflexibilis & immutabilis : non potest sustinere aliquam violentiam neque sentire mutabilitatem. Et ideo quando Deus est res primo amata : talis est voluntas nostra.

*Amor  
creaturarum  
seper est  
deficiens.*

Sed quando coniungitur per amorem cum re primo amata : quæ est infirma : mobilis : variabilis : fluens : indigens non habens per se sufficientiam : tunc ipsa voluntas est in tribulatione : nullam habens securitatem in seipsa : quia sequitur rem primo amatam : & multa mala veniunt illi per illam. Vnde oportet quod tot res diligat quot sunt res quibus res primo amata indiget : & sine quibus esse neque permanere potest. Et quia illæ res sunt corruptibiles : fluxibiles : perdibiles : ideo voluntas semper est in tribulatione nunquam secunda : & talis res primo amata est creatura : & talis est voluntas : quando res primo amata est creatura : & tamen ipsa voluntas non desistit amare illam rem : quia postquam amata est primo : ille amor non potest destrui nisi per aliam rem primo amatam : sicut si mulier coniugatur viro : nunquam desistat amare ipsum. Item sicut ineptissimum esset & contra naturam coniungere mulierem cum bruto : ita etiam contra naturam esset si voluntas nostra quæ est de natura spirituali coniugatur per amorem cum re primo amata naturæ extraneæ. Ut cum vero argento & rebus mutis & irrationabilibus. Item sicut mulier dicitur perdita : quando datur in sponsam viro malo & nequam : ita etiam voluntas dicitur perdita quando per amorem coniungitur cum re mala



mala & pessima. Et ut omnia concludamus in omnibus quæ dicuntur de amore & voluntate : & de primo amata : recurrendum est ad illud exemplum iam dictum de puellis : quia ibi clare omnia videre possumus.

## TITVLVS CXXXVII.

*Capitulum de duobus amoribus primis & non sunt nisi duo amores primi. Vnus est amor Dei qui dicitur amor communis vniuersalis seu voluntas communis & vniuersalis : & alius est amor suiipsius qui dicitur proprius & priuatus : seu voluntas propria & priuata.*

**Q**uia iam dictum est quod ex re primo amata : & *Titulo*  
ex voluntate fit in nobis vnus amor qui postquam *134.*  
est generatus est radix caput o go & principium : &  
primum fundamentum omnium aliorum amorum &  
in virtute illius primi amoris omnia alia amentur : &  
quod per illum primum amorem nascuntur de nouo  
innumerabiles amores : vel possunt nasci : & hoc de-  
claratum est etiam per exemplum familiare. Et ideo se-  
quitur quod qui vult habere firmam & solidam cogni-  
tionem de amore necesse est quod cognoscat naturam  
condiciones & proprietates primi amoris. Et quia hic *Titulo*  
nunc debet tradi scientia de amore : ideo ad complen- *136.*  
dum eius scientiam quantum nobis sufficit & est vtile  
scire tractandum est de ipso primo amore in quantum  
primus est. Iam enim dictum est quod non possunt esse *Titulo*  
in nobis neque in voluntate nostra duo primi amores *134.*  
simul nisi vnus tantum propterea quia non potest esse  
nisi vna res primo amata à voluntate : & non duæ simul.  
Sed considerandum quot sunt amores primi & qualiter *Tot sunt*  
se habent inter se. Vnde tot possunt esse amores primi : *amores*  
quot possunt esse res primo amata à voluntate. Et quia *primi*  
res primo amata non potest esse nisi Deus : vel creatura *quot res*  
facta de nihilo : seu aliud quod Deus non est : ideo pri- *primo a-*  
mus amor non potest esse nisi Dei sit vel creaturæ factæ *mata.*  
de nihilo : seu alicuius quod non est Deus. Et si amor  
Dei non est primus : necesse est quod amor creaturæ est  
primus : quia si Deus non sit res primo amata necesse  
est quod creatura sit res primo amata aut aliquid quod  
non sit Deus. Rursum inter creaturas omnes illa erit  
primo amata ab ipsa voluntate quæ est sibi magis ami-  
ca & propinqua : & quia ipsa voluntas potest reflectere

N

suum



suum amorem ad seipsam & potest uti seipsa ut duabus rebus: & per consequens ipsa voluntas primo amabit seipsam tanquam maximè amicam & propinquam sibi ipsi. Et sic inter omnes creaturas res primo amata erit ipsa voluntas propria: siue ipsemet homo: ita quod si Deus non sit res primo amata: homo dat amorem primum sibi ipsi quàm alicui alteri. Et sic si amor Dei non sit primus: necesse est quod amor sui ipsius sit primus. Et sic habemus duos primos amores: & ad istos duos reducuntur omnes alij amores. Quæ ergò possunt esse res primo amata: & per consequens duo primi amores. habemus ergo cognitionem de istis duobus amoribus: & habemus completam cognitionem de amore quantum nobis necesse est scire. Quæramus ergò proprietates & conditiones cuiuslibet & quomodo se habeant inter se.

## T I T V L V S C X X X V I I I.

*Quod isti duo amores primi sint inter se capitales inimici & contrarij.*

**E**T quia non possunt esse duæ res primo amatae simul ab ipsa voluntate: sicut nec duo sponsi primi unius sponsæ: nec duo rectores nec duo Episcopi primi unius Ecclesiæ: quare si duo viri volunt habere unam sponsam erunt capitales inimici inter se. Et ideò necesse est quod isti duo amores erunt inimici inter se capitales: quia non possunt esse simul: ut quilibet sit primus. Et ideò inquantum quilibet vult esse primus & vult habere primitatem: repugnant & non possunt stare in voluntate: & ista repugnantia oritur ratione primitatis: quæ non potest esse nisi uni. Et ideò si amor Dei sit primus & amor sui ipsius si voluerit intrari: oportet quod sit secundus: aut non potest stare sub ratione primitatis: & si amor sui ipsius sit primus: & amor Dei si vult esse in voluntate oportet quod sit secundus: & sub alio: aliter non potest stare sub ratione primitatis. Et sic amor Dei inquantum primus non habet aliquem inimicum in voluntate nostra: nisi amorem nostri ipsius: quia solus potest esse primus & vult esse primus: & ille solus potest sibi facere bellum. Et ideò quia isti duo amores sunt inimici inquantum primi habent contrarias proprietates & conditiones. Et ideò cognitis proprietatibus

*Amor  
Dei &  
amor sui  
ipsius sūt  
inimici.*

T I T V L V S C X X X I X.

*Quod prerogatiua primitatis de iure vni soli istorum  
amorum potest competere & solum vni debetur.*

**F**T quoniam isti duo amores inter se pugnant super  
possessione primitatis: & cum non possit esse nisi vnus  
primus, & oportet, scilicet quod sit: ideo necesse est  
quod vni soli debeat de iure possessionis, & detur  
possessio primitatis seu prerogatiua. Et quia omnia iu-  
ra naturæ & omnes creaturæ concluderunt quæ non pos-  
sunt mentiri: quod amor Dei de iure debet esse primus:  
& quod Deus debet esse res primo amata: & quod ei  
solus debetur totus amor primus & nulli alteri: ac ha-  
bet ex naturali obligatione quæ non possunt negari Et *Tit. 133.*  
sic iam declaratum est quod amor Dei debet habere de  
iure & iustitia: possessionem primitatis & prerogati-  
uam: & quod Deus debet esse res primo amata: & etiam  
natura amoris hoc requirit quod ei, scilicet Deo detur  
vt iam probatum est: quia nulla res digna est primo a-  
more nostro nisi Deus. Et exinde concluditur quod *Tit. 133.*  
amor Dei qui solus esse debet esse primus in nobis de  
iure & debito obligationis. Et si sit primus vt debet esse:  
tunc ipse est ordinatus, iustus, verus, rectus, & ista pri- *Amor*  
ma iustitia, prima rectitudo est voluntatis. Sed si amor *ordina-*  
sui ipsius seu proprius sit primus: ita quod primo ali- *tus vel*  
quis det amorem sibi ipsi, & taliter quod ipsemet sit *inordi-*  
res primo amata tunc iste amor per oppositum primi a- *natus est.*  
moris dicti cum de iure naturæ non debeat esse primus:  
est inordinatus, iniustus, falsus, tortuosus, indebitus,  
contra Deum, contra veritatem, contra totum ordinem  
naturæ: & est prima iniustitia, prima inordinatio, prima  
iniuria Dei, prima offensa Dei, primum malum, primum  
vitium & prima obliquitas. Vnde cum do primo mi-  
hi ipsi amorem cui non debeo & non do Deo cui primo  
debeo: tunc facio Deo maximam iniuriam, maximum  
contemptum, quia aufero sibi debitum suum, & amo-  
rem quem sibi debeo, & facio sibi maximam iniustitiam  
& maximum dedecus, & est Dei contemptus primus  
& maximus. Et ideo quando homo dat primo sibi ipsi *Dant si-*  
& suæ propriæ voluntati amorem duobus modis est *bi ipsi*  
contra Deum. Primò quia ipse homo est res primo ama- *primo a-*

*morem  
duplici-  
ter est  
contra  
Deum.*

ta : & solus Deus est res primo amanda de iure naturæ & hoc sua dignitate : & sic ipse homo vel ipsamet voluntas recipit locum primum : & prærogatiuam ac primitatem : quæ soli Deo debetur. Secundo quia ipse homo dat amorem sibi metipso primo & in hoc facit Deo maximam iniuriam : quia tollit ab eo quod suum est : & dat sibi cui non debet : & etiam accipit ipsemet honorem & amorem Dei : & sic in quantum dans & in quantum recipiens inimicatur Deo : & est contra Deum. Si autem res primo amata est alia res quam ipse homo : tunc solum vno modo , scilicet in quantum dans iniuste alteri : quod solum Deo debetur.

## T I T V L V S C X L.

*Quod homo qui primo amat seipsum : facit seipsum  
tanquam Deum & præponit se Deo.*

*Amans  
primo se-  
ipsum  
facit so-  
tanquam  
Deum.*

**E**T quia prærogatiua primitatis soli Deo debetur & nulli alteri : & sibi soli debetur primo amor : ideo qui primo dat amorem & prærogatiuam primitatis alteri quam Deo : dat alteri quod soli Deo conuenit & quod soli Deo debetur : & per consequens repugnat ei : & consentit in illam rem tanquam Deum. Si ergo homo dat amorem alteri rei quam sibi ipsi tunc constituit & facit illam rem tanquam Deum. Si autem primo amat seipsum : & ipse sit res primo amata : tunc facit seipsum tanquam Deum : & tunc non solum est contra Deum : quia aufert Deo quod sibi debetur : sed est contra Deum magis & maxime : quia facit seipsum tanquam Deum : quia recipit dignitatem & prærogatiuam primitatis : & tunc homo de directo quantum in eo est destruit & annihilat Deum : & facit Deum non Deum. Et hæc est summa inimicitia : summa contrarietas qua non potest esse maior : quia qui facit se Regem : facit contra Regem : & summè inimicatur Regi. Et sic homo efficitur summè inimicus & aduersarius Dei capitalis & totalis : & de directo pugnat contra Deum. Et quia amor conuertit, mutat & transponit voluntatem seu amantem in rem amatam : ideo tunc ipsa voluntas seu amor mutatur : conuertitur & transformatur in seipsam : seu ipsa voluntas totaliter mutatur & conuertitur in seipsam : & facit seipsam suum proprium fundamentum extra Deum & contra Deum : & sequitur solum seipsam & amat so-  
lum



lum seipsam. Et quia primo amat se : ideò amat omnia alia quæ amat propter se & in omnibus non diligit nisi se. Et quia ipsa voluntas est res primo amata : ideò habet totum dominium & totum imperium suiipsius : & solum dominatur sibiipsi : & nullam aliam sequitur voluntatē : sed ipsa est prima in seipsa & facit seipsam primam. Et ideò tunc est contra Deum : quia aufert Deo quod soli ei proprium est. Et quia soli Dei proprium est habere propriam voluntatem : & nullam aliam habere supra se quam sequatur & esse primam voluntatem : & velle quicquid vult propria voluntate. Sed quando homo amat seipsum & suam voluntatem : tunc vult illud quod vult propria voluntate : & nullam aliam sequitur voluntatem. Et ideò aufert tunc Deo quasi coronam suam. Quia sicut corona soli Regi competit : sic amare propriam voluntatem competit soli Deo. Et sicut inhonoraret & iniuriaretur Regi in summo qui auferret Regi coronam suam : ita homo in hoc iniuriatur & inhonorat Deum si aufert sibi suum privilegium , scilicet propriæ voluntatis : quia illud solus Deus debet habere. Et sic quia ex amore suiipsius sequitur propria voluntas : ideò sequitur maxima inimicitia contra Deum de directo. & qui homo facit se tantum : ideò facit se tanquam Deum. Ideò ex consequenti appetit & vult & desiderat illa quæ soli Deo debentur, scilicet proprium honorem laudem & gloriam. Quia postquam homo facit se tanquam Deum : oportet ex consequenti quod velit sibi dari quæ Deo debentur. Quia sequitur quod qui facit se Regem : vult illa quæ Regi debebatur. Et tunc homo facit in semetipso suum regnum proprium dominium : extra Deum & inchoat aliud regnum quod est contra Deum. Ergò homo qui primo amat seipsum & constituit se tanquam Deum facit Deo iniuriam & contra Deum : & facit se inimicum capitalem Dei : & per consequens pugnat semper contra Deum : & aufert continuo quod Deo debetur inquantum in eo est. Sic ergò solus amor suiipsius ex quo sequitur propriam voluntatem : constituit ipsum hominem inimicum Dei capitalem.

*Simile  
infra.*

*Quod sicut amor Dei quando est primus : est prima radix & prima origo & fons omnium bonorum : ita amor suiipsius quando est primus : est prima radix & prima origo & exordium omnium malorum.*

*Tit. 199.*

*Tit. 139.*

*Amor  
Dei est  
radix  
omnium  
bonorū.*

**Q**uoniam autem isti duo amores : ideò sunt primæ radices amoris : & omnium amorum aliorum qui fiunt ab homine : quia amor est causa omnium : & per amorem omnia fiunt. Et quia sunt capitales inimici : ideò si vnus est bonus oportet quod alter sit malus. Et quia amor Dei debet esse primus solum & tunc est rectus : bonus iustus : verus : & secundum Deum vt iam dictum est : & ideò quia amor Dei est prima radix oportet quod omnia oriantur ab illo, scilicet omnes amores : & quod omnia quæ fiunt fiant secundum illum amorem. Et quia est prima radix bona : ideò necesse est quod sit radix omnium bonorum & origo & fons. Quia qualis est radix : talia sunt omnia quæ oriuntur de radice. Et quia amor Dei quando est primus in nobis : est primum bonum nostrum : ideò omnia bona nostra oriuntur ab eo : & nihil est bonum nostrum : nisi oriatur ab ipso : & nullum malum potest oriri ab ipso : ideò quia est prima iustitia nostra & ideò omnis iustitia nostra oritur ab ipso. Et etiam est primum bonum nostrum : ideò est prima lux nostra & lumen nostrum à quo oritur omne lumen nostrum : & etiam est omnis rectitudo nostra à quo oritur omnis rectitudo nostra. Et est prima ordinatio recta : à qua oritur omnis recta ordinatio. Et est prima amicitia vera & bona : à qua nascitur omnis amicitia nostra bona & vera. Et est prima fortitudo & prima vita & primum bonum : à quo oritur omne bonum nostrum : & primus amor : prima quies : prima pax & tranquillitas : à quibus oritur omnis pax vera & quies vera. Sicut ergò amor Dei est primum bonum nostrum existens in nobis : ideò est radix omnium bonorum nostrorum sequitur quod est radix in nobis finis & origo omnis iustitiæ omnis lucis & luminis : veræ pacis : veræ consolationis : veræ lætitiæ : veri gaudij veræ quietis : veræ amicitia : omnis virtutis & veritatis : omnis fortitudinis : omnis vitæ : omnium bonorum operum : & omnium quæcumque sunt bona homini.

ni. Qui ergò habet in se amorem Dei : primo habet in se radicem tot bonorum & omnium bonorum & omnia ista procedunt à re primo amata quæ est Deus : qui est omne bonum , & quia amor conuertit voluntatem nostram in rem primo amatam : ideò conuertit , mutat , & transformat totaliter hominem in Deum & in suam voluntatem : & sic facit hominem diuinum vnum cum Deo : amicum Dei. Et quia Deus est communissimus & vniuersalissimus ad omnia : ideò quia tantum se extendit amor quantum res amat : sequitur quod amor Dei facit voluntatem nostram communem & vniuersalem communicabilem & extensibilem ad omnia : ideò amat non propter necessitatem & indigentiam : sed quia Dei sunt. Et ideò quia Deus non indiget creaturis ideò etiam tunc voluntas nulla indiget creatura : & per consequens talis voluntas nullam habebit indigentiam : non est fluctuans : non est variabilis : sed est stabilis : firma & solida : & hoc habet : quia res primo amata est Deus. Sicut autem amor Dei quando est primus : est prima radix omnium bonorum in nobis : eo quia est primum bonum nostrum existens in nobis : ita per oppositum necesse est quod amor proprius seu priuatus : qui est amor suiipsum quando est primus : sit prima radix omnium malorum & necesse est quod omnia mala oriuntur ab illo quia primum malum est radix & origo & exordium omnium malorum. Et ideò amor suiipsum : seu propriæ voluntatis est origo & radix omnis iniustitiæ : omnis vitij : omnis peccati : & omnis cæcitatæ & ignorantie : & breuiter omnium dolorum & malorum : & ideò ab ipso necessario oriuntur tot mala & venena & maculæ. Qui ergò habet in seipso amorem suiipsum : habet in se plantatam radicem omnium malorum. Et omnia ista procedunt ex eo quod res primo amata est ipsamet voluntas seu ipse homo non quia est amata sed quia est primo amata : nec quia est amor suiipsum : sed quia est primus in quantum primus : & ideò est contra Deum & sine Deo. Et sicut Deus est fons & origo & radix omnium bonorum : ita ipsa voluntas : quando est primo amata : est radix & origo omnium malorum : & est pœnitus contra Deum : eo quia facit se primam voluntatem contra Deum : ideò facit se Deum falsum. Ideò sicut Deus verus est origo omnium bonorum : ita propria voluntas quæ est falsus Deus est origo omnium

*Amor Dei facit voluntatem nostram communem ad omnia.*

*Ex amore proprio sunt omnia mala.*

*Amor suiipsum est radix omnium malorum.*



*Dua sūt  
radices  
omnium  
bonorū, s.  
& ma-  
lorum.*

malorum. Et quia ipsa res primo amata est creatura de nihilo facta & in se nullam habens firmitatem, sed semper tendens ad non esse de natura sua & est semper indigens: & ideo cum amor mutat amantem in rem amatam tunc homo nullam habet in se firmitatem, nullam securitatem sed semper fluctuat, & indiget: nunquam quiescit. eo quod est mutatus in creaturam, scilicet in seipsum. Et ideo quia creatura est in se vanitas: ideo homo tunc conuersus est in vanitatem. Et quia homo indiget aliis creaturis sine quibus esse non potest: ideo tunc amat alias creaturas propter indigentiam & propter vanitatem, & est subiectus eis. Et quia creaturae corrumpuntur & mutantur & non permanent: ideo ipsa est in continua sollicitudine & tribulatione. Sic ergo amor suiipsius quando est primus facit hominem inimicum Dei capitalem & facit ipsum malum & peruersum ac plenum omnibus malis & subiectum aliis creaturis. Et sic habemus duas radices primas oppositas vnā omnium bonorum, aliam omnium malorum & necesse est semper vnā vel aliam esse in voluntate & in homine: & operatur contrarias res in voluntate. Et prima radix, scilicet amor Dei quando est primus facit voluntatem diuinā communem & vniuersalem communicabilem sed alia radix scilicet amor suiipsius quando est primus facit voluntatem contra Deum, & propriā & priuatā totā & suiipsius & incommunicabilem. Prima facit voluntatem iustā sanctā & rectā, bonā, benignā & humilem: sed amor suiipsius reddit voluntatem iniustā, malā, peruersā & malignā & superbā. Amor Dei facit voluntatem quietā, pacificā & amicabilem, sed amor suiipsius reddit ipsā inquietā, litigiosā & discordem. Amor Dei facit voluntatem largissimā, amplissimā & maximā: sed amor suiipsius reddit ipsā strictissimā & minimā. Amor Dei facit voluntatem in summa libertate nulli creaturae subiectā, sed omni creaturae inferiori dominantem, sed amor suiipsius ponit ipsā in summa captiuitate & omni creaturae subiectā. Amor Dei facit ipsā immobilem, stabilem, firmā, fixā: sed amor suiipsius reddit ipsā fluctuantem, instabilem, mobilem, ac variabilem. Amor Dei facit ipsā mitissimā, vnitissimā in se, & ideo fortissimā: sed amor suiipsius reddit ipsā diuisibilem, frangibilem, & ideo valde debilem.

debilem. Amor Dei facit ipsam plenam, saturam, diuitem, sed amor suiipsius facit eam vacuam, esurientem, pauperem & indigentem. Amor Dei facit voluntatem habitare in proprio regno, in propria terra, & in propria patria, & in domo sua: sed amor suiipsius facit ipsam exire de terra propria, de patria propria, de domo propria, & habitare in terra aliena, & in patria extranea, & facit ipsam vagam extra domum suam. Amor Dei facit voluntatem pulcherrimam & amabilem: sed amor suiipsius facit eam turpissimam & odibilem ab omnibus.

T I T V L V S CXLII.

*Quod amor Dei & amor suiipsius sunt dua porta,  
dua ianua & duo principia ac duo lumina  
cognitionis hominis.*

**E**T quia ab istis duobus amoribus oriuntur omnia: *Simile*  
procedunt omnia & fiunt omnia & gubernantur omnia *infra*  
scilicet quæ fiunt ab hominibus voluntariè: ideo *Tit. 199.*  
cum isti duo amores sint causa omnium aliorum amorum: sequitur quod ab ipsis dependet tota cognitio aliorum, scilicet bonorum & malorum; quia amor Dei est principium ad cognoscendum omnia bona hominis: & amor suiipsius seu proprius est principium ad cognoscendum omnia mala hominis. Et qui ignorat amorem Dei: ignorat omnia bona hominis: & qui ignorat amorem suiipsius: ignorat omnia mala hominis. Quia qui ignorat radices & causas bonorum & malorum hominis non videt bonum nec malum quia non videt ianuas nec portas bonorum & malorum. Et tamen magna est differentia inter istas duas radices: quia qui habet amorem Dei primo in se: talis cognoscit ipsum per ipsum. Etiam cognoscit amorem alium: scilicet suiipsius & omnia quæ sequuntur ex illo. Et qui habet in seipso amorem suiipsius primo: talis non cognoscit neque amorem Dei neque suiipsius neque illa quæ consequuntur ex eis. Et causa est quia amor Dei lux est & lumen illuminans & ideo facit videre seipsum & suum oppositum. scil. amorem suiipsius & illa quæ oriuntur ab eis: sed amor suiipsius quia est tenebra & obscuritas prima de natura sua: ideo abscondit & obscurat seipsum & celat ne videatur: atque obscurat & excæcat

*Amor  
Dei lux  
est.*

*Amor  
suiipsius  
est tenebra.*

N 5, intelle

intellectum ne videat ipsum amorem. Et ideo qui habet talem amorem: omnia bona & mala hominis ignorat: & nihil videt de bonis & malis hominis quia tenebræ totum possident & nulla lux est in eo & talis est ignorantissimus. Et quia etiam radix est semper occulta & latens: ideo difficile est cognoscere ipsam radicem: quia est causa latentissima omnium malorum. Sic igitur sicut habemus duas radices omnium bonorum & malorum: ita habemus duas portas ad intrandū in cognitionem omnium bonorum & malorum. Continue ergo debemus videre istas portas ne ignoremus eas: quia si ignoramus eas: ignoramus duas ciuitates scilicet ciuitatem bonorum & ciuitatem malorum.

## T I T V L V S CXLIII.

*Quod ex amore sui ipsius nascuntur duo principales amores distincti.*

*Ex amore sui ipsius nascuntur omnia peccata etiam mortalia.*

ET quia homo habet animam & corpus quæ non sunt idem neque appetunt idem: ideo ab amore sui ipsius fluunt & oriuntur duo amores distincti: quorum vnus non causatur ab altero. Nam vnus est ratione animæ: alius vero ratione corporis. Ratione animæ causatur amor proprii honoris & excellentiæ: & ratione corporis causatur amor delectationis & voluptatis corporalis. Vnde qui amat primo seipsum: amat statim honorem proprium seu excellentiam: vel amat delectationem carnis. Et ista duo amat tanquam duo maxima bona sui ipsius. Et deinde ad istos maximos amores sequuntur alij amores: quia necessario amat omnia illa quæ ad proprium honorem augendum: defendendum & conseruandum: vel ad corporis delectationem pertinent: & contrahitur amicitia magna & familiaritas cum illis rebus. Et ideo necessario amat bona exteriora: scilicet diuitias & res temporales: & abundantiam earum & magis amat illa quæ magis valent ad hoc. Et quia pecuniæ multum valent ad vtrumque: ideo summe amat eas: & sic contrahitur maxima amicitia & singularis familiaritas cum pecunijs. Amat etiam scientias officia & dignitates quæ valent ad honorem & excellentiam propria. Et sic ex amore sui ipsius oriuntur quatuor amores vitiosi: mali & corrupti: qui dicuntur quatuor vitia: scilicet superbia: quæ est amor



mor proprii honoris & excellentiæ : & luxuria & gula quæ sunt amor corporis & carnalis voluptatis : & avaritia quæ est amor inordinatus rerum exteriorum & maxime pecuniarum. Et qui amat honorem proprium & propriam delectationem : habet odio omne id quod potest destruere vel diminuere illum vel quod potest venire contra ipsum honorem vel ipsam delectationem : & exinde nascitur ira quæ est amor vindictæ contra illos qui nituntur lædere honorem proprium vel delectationem corporalem. Nascitur etiam invidia quæ habet odium de alieno bono in quantum potest diminuire proprium & amorem de alieno malo in quantum non potest diminuere. Nascitur etiam ex amore propriæ delectationis corporis amor quietis corporis : & fugiuntur labores & exercitia & hæc est pigritia & accidia seu negligentia. Et sic omnia vitia oriuntur ex amore sui ipsius & proprio.

TITVLVS CXLIV.

*Quod solus amor Dei quando est primus : causat veram  
unionem inter homines & facit eos vnum. Et solus  
amor sui ipsius seu proprius facit diuisionem  
& litem inter eos.*

**Q**Voniam autem amor mutat voluntatem in rem primo amatam : ideo si res primo amata vt vna numero tantum existens communis omnibus hominibus & illa res sit primo amata à quolibet : tunc omnes illi amores sunt similes & conformes : & necessario omnes illi amantes habent unionem inter se. Et ideo si amor Dei sit primus in quolibet homine : est prima radix tantum : quia res primo amata est vna numero ab omnibus hominibus & indiuisibilis & communis omnibus & insuper omnes tales amores sunt conformes & conformes & oriuntur ab vna & eadem re : ab vno & eodem capite. Ideo tunc necessario est vnitas pax & concordia vera inter homines : quia nullus amat propriam voluntatem sed tantum Dei. Et ideo tunc talis diuisio & discordia non habent portam per quam possunt intrare inter homines quia amor Dei qui est in qualibet primus claudit totum vt non intrent. Et tunc necessario oportet quod omnes se ament adinuicem quia amor cuiuslibet oritur ab alto loco scilicet à Deo. Et sic amor



*Amor  
Dei cau-  
sat v-  
nionem  
inter ho-  
mines.*

*Tit. 140.*

*Amor  
sui ipsius  
facit dis-  
cordiam  
inter ho-  
mines.*

mor Dei quando est primus in quolibet causat veram vnionem & concordiam inter homines & vnit eos & facit vnum. Sed quando quilibet amat seipsum primo & suam propriam voluntatem : ita quod amor sui ipsius est primus in quolibet tunc res primo amata à quolibet non est vna numero communis omnibus : immo tot sunt res primo amatae quot sunt homines quia quilibet est conuersus & mutatus in seipsum singulariter & in suam propriam voluntatem & sequitur eam & per consequens amat primo suum proprium honorem & suam singularem excellentiam & suam propriam delectationem corporalem : ideo non potest amare alium honorem neque aliam excellentiam nisi propter suum honorem & in quantum augeat & conseruat proprium honorem & cum multiplicat. Et ideo impugnatur honorem alium vt defendat honorem suum. Et sic præponit suum honorem omni alij honori : & necessario habet odio omnem alium honorem qui potest diminueret suum honorem. Et quia supra monstratum est quod qui se primo amat facit se Deum in quantum in eo est : quia amat suam propriam voluntatem & suum singularem honorem primo : & ideo quot erunt homines amantes seipsos & suam propriam voluntatem & suum proprium honorem tot erunt dii in mundo diuisi & separati inter se non habentes adinuicem vnitatem : quia non est res vna existens eadem numero primo amata ab omnibus à qua oritur vnitas inter homines & societas vera. Et ideo necessario tunc oportet quod sit lis diuisio & discordia : inimicitia : ira odium : & bellum inter homines : quia quilibet vult conseruare custodire augmentare & defendere suum proprium honorem quem primo amat : & hoc non potest fieri sine discordia lite & odio : quia nullus in hoc mundo habet sufficientiam neque de honore neque de corporalibus voluptatibus de se : sed semper indiget aliis & aliorum iuuamentis. Et sic patet quod amor sui ipsius seu proprius aut propria voluntas causat veram diuisionem in hoc mundo : discordiam : litem & bellum. Et per consequens solus amor proprius est causa omnium malorum & radix & fundamentum omnis discordiæ. Amor vero Dei primo est causa omnium bonorum & omnis concordie sicut prius dictum est.

T I T V L V S C X L V .

*Quod omnis homo qui amat seipsum primo amat se tanquam hunc hominem & non tanquam hominem.*

**Q**uoniam autem quicquid est vel est singulare vel Tit. 136.  
est commune quia singularitas & communitas  
sunt duo modi oppositi conuenientes omnibus. Et ideo  
qui primo amat seipsum necesse est quod amet se sicut  
hunc hominem & non tanquam hominem. Et quilibet  
homo est hic homo singularem existens : ideo idem  
numero habens suam propriam & singularem existen-  
tiam & personam & est diuisus & separatus à quolibet  
alio homine eo quia est hic homo & non est alius. Et  
ideo qui amat seipsum amat seipsum tanquam hunc ho-  
minem & sub ratione singulari tantum & non ratione  
communitatis: quia est separatus & diuisus ab omnibus  
aliis : quia amor mutat amantem in rem amatam. Et  
quia res amata est hic singularis homo & hoc indiui-  
duum : ideo tunc quia primo amat seipsum est muta-  
tus, conuersus, transformatus, in hunc singularem  
hominem. Et ideo talis est ligatus cum seipso tanquam  
cum hoc homine singulari. Et cum hic homo tanquam  
singulariter ut hoc indiuiduum est diuisus & separatus  
ab omni alio homine & ab omni alia re singulari quæ-  
cunque sit illa & cum nulla alia re conuenit propter  
hoc iste amor est singularis proprius & priuatus & non  
communis. Et quia tantum se extendit amor quantum  
res amata & non ascendit supra : ideo quia res primo  
amata est hic singularissimus homo in quantum est hic:  
ideo iste amor non potest se extendere neque ascende-  
re ad communem hominis rationem: & ideo non exten-  
dit se ad hominem in quantum homo est : quia est res  
communis & altior. Et ideo tunc non potest amare a-  
lios in quantum sunt homines : quia hic amor non po-  
test ascendere ultra hunc hominem & in quantum hic  
homo est. Et quia iste amor est primus : ideo ex isto  
exibunt omnes alij amores & omnes erunt amores pri-  
uati : & diligent bonum suum priuatum primo : scili-  
cet suum honorem : suam priuatam excellentiam : nec  
se potest extendere iste amor nisi ad illa quæ respiciunt  
suum bonum priuatum ut honorem proprium : dele-  
ctationem propriam : & voluntatem propriam. Et ideo  
diliget



diliget alios homines in quantum valent ad suum bonum priuatum ad suum honorem delectationem & voluntatem & non aliter neque alias. Et sub isto respectu & sub ista causa amabit omnia quæ amabit. Et in omnibus non amabit nisi seipsum quia omnia amabit propter se. Et sic possumus concludere quod cum amor sui ipsius seu priuatus sit radix omnium malorum & amor prius oriatur ex hoc quod res primo amata est hic homo : & ideo tanquam hic homo est radix & origo omnium malorum : quia quilibet qui amat primo seipsum tanquam hunc singularem hominem : ab omnibus est diuisus & separatus. Sed quia Deus est communis & vniuersalis omnibus creaturis : quia omnes ab ipso veniunt ; & ab ipso manentur & conseruantur. Ideo quando Deus est res primo amata tunc amor talis est communis & vniuersalis : & ideo est radix omnium bonorum. Sic ergo communitas & vniuersalitas reddunt amorem bonum & singularitas & proprietates reddunt amorem malum. Quanto ergo amor magis communis est & vniuersalis tanto melior est : & quanto magis particularis tanto peior. Et hoc totum oritur à re primo amata & secundum quod est magis communis & vniuersalis : aut magis priuata : & singularis.

## TITVLVS CXLVI.

*Quod quilibet homo non potest facere certitudinaliter & per experientiam exemplorum scientiam sibi ipsi : ex seipso per amorem sui ipsius : quali forma se habere debeat erga Deum & quid debeat Deo in quantum Deus est.*

**Q**Voniam autem homo quilibet debet conari quantum poterit vt certissime videat omnia quæ debet dare Deo : quia hoc est bonum suum. Et ideo quia homo non potest esse magis certus quam per seipsum : & quando seipso videt quid debet facere Deo : ideo dabitur hic quædam breuissima doctrina quæ fundatur in amore sui ipsius seu amore proprio : per quam doctrinam omnis homo potest videre in seipso tanquam in exemplari propinquissimo : qualiter ipse debeat se habere erga Deum & non indigebit nisi seipso ad cognoscendum : nec oportebit quærere alios testes extrinsecos.

*Tit. 133.*

cos. Vnde iam monstratum est quod solus Deus de *Tit.139.*  
iure naturæ debet esse res primo amata : & ideo soli  
Deo hoc debetur vt sibi primo amor detur. Et exinde *Tit.140.*  
monstratum fuit quod qui primo amat seipsum & pri-  
mo dat amorem sibi met quod ipse facit se tanquam *Tit.141.*  
Deum : quia ipse est res primo amata quod soli Deo  
debitum est. Si ergo primo diligo meipsum : constituo  
me Deum : quia quod primo debeo Deo hoc do mihi : &  
& sic teneo locum Dei ex meipso : & per consequens  
omnia quæ deberem dare Deo & attribuere do mihi-  
ipso : vnde postquam amor est primum quod debitum  
est dari primo soli Deo : & ego do mihi metipso primo.  
Et per consequens do mihi omnia quæ sequuntur a-  
morem primum & quæ ligantur cum amore. Et quia  
omnia illa quæ aliquis debet sibi metipso vel vult sibi  
dari vel fieri : eo quia primo amat seipsum in quantum  
primo diligit seipsum : omnia illa debet dare Deo soli :  
& etiam velle quod ei soli detur : eo quia primo debet  
amare Deum. Si ergo aliquis vult scire quæ sunt illa  
quæ debet dare Deo videat quæ sunt illa quæ vult pro  
seipso & sibi dari : & quid pro seipso : facit eo quia  
primo amat seipsum. Vnde illa quæ vult & facit pro se-  
ipso & vult sibi dari & fieri eo. Et propter hoc : quia  
primo amat seipsum vult & facit tanquam Deo sibi ipso.  
Quia tunc est quasi Deus : & tunc erit certus quod om-  
nia illa debet dare & facere pro ipso : & velle soli Deo  
dari & pro seipso fieri. ponat ergo Deum loco sui ipsius :  
& ideo quia quando amo meipsum : primo amo vo-  
luntatem meam & sequor eam & nullam aliam. Et ideo  
similiter quia primo debeo amare Deum. primo debeo  
amare voluntatem suam & solum sequi eam & nullam  
aliam. Similiter eo quia amo meipsum & sequor primo  
voluntatem : desidero : volo : amo primo honorem  
meum præpono omni honori : & volo quod omnes mi-  
hi dent honorem & conseruent & augmentent illum.  
Ergo conformiter hoc debeo Deo. s. velle desiderare &  
amare primo honorem suum & conseruare illum & au-  
gmentare & exaltare & eius honorem omni honori  
præponere : & debeo velle quod omnes honorem suum  
augmentent : conseruent : & defendant. Ita quod Deum  
præponam mihi. Similiter quando diligo honorem  
meum primo habeo odio omnem alium honorem qui  
non concordat cum honore meo : & in quantum hono-  
rem



rem meum minueret : & contra illum pugno & irascor. Similiter debet habere odio omnem honorem qui non concordat cum honore Dei : & in quantum possum debeo diminuire & desinere illum : & debeo pugnare contra omnem alium honorem qui potest diminuire honorem Dei. Conformiter si primo amo meipsum amo primo laudem meam : & volo laudari ab omnibus : & volo quod omnes dicant bonum de me : & quod nullus dicat de me malum : & volo habere magnam famam & magnum honorem & nomen. Ita similiter quia debeo amare Deum : debeo ponere Deum loco mei : & ideo debeo primo laudem suam amare : & velle quod laudetur ab omnibus : & velle quod Deus habeat magnam famam & magnum nomen & quod nullus vituperet suam famam neque suum nomen. Quia postquam mihi metipsum volo ista : debeo ista magis velle de Deo : quia primo debeo amare Deum. Et si primo credo mihi metipsum : & nolo quod alij dent fidem & credulitatem mihi & nullus reputet me mendacem. Ita quia primo debeo amare Deum debeo Deum ponere loco mei : & debeo primo credere & dare fidem & credulitatem & velle quod omnes alij dent fidem & credulitatem sibi & nullus reputet eum mendacem. Similiter si primo diligo me volo quod omnia spectantia ad me conseruentur. Ita quia primo debeo Deum amare : debeo velle quod omnia quæ sunt Dei & quæ pertinent Deo conseruentur & crescant & non diminuantur. Et similiter de omnibus aliis quæ facio : quæ volo : & quæ desidero mihi debeo excellentius velle & desiderare de Deo. Sic ergo manifestum est quod quilibet homo potest habere veram & certam cognitionem de his quæ debet dare & facere Deo : & hoc per amorem sui ipsius seu per proprium amorem quando omnia quæ quilibet facit & vult sibi fieri in quantum est res primo amata debet facere & velle fieri Deo qui solus debet esse res primo amata. Quia in hoc quilibet tenet locum & occupat locum Dei : quia Deus debet esse ibi ubi ipse est : debet ergo ipse remouere seipsum de illo loco primitatis & dare Deo locum illum & tunc faciet Deo in veritate omnia illa quæ sibi met faciebat vel fieri volebat : quia ista in veritate debent esse. Et sic amor sui ipsius & proprius quando est primus manifestat & declarat per experientiam



tiam modum & formam qualiter nos debemus nos habere erga Deum. Et sic patet quod quilibet in seipso portat modum: formam: & exemplar scriptis & depictis: quomodo & qualiter se habeat habere erga Deum: & hæc est scientia certissima & clarissima quam nemo potest negare: quia videt ea in seipso quod falli non potest.

T I T V L V S C X L V I I.

*De ultimo & finali fructu qui nascitur ex istis duobus amoribus.*

**Q**Voniam autem ultimum & finale quod expectatur in omni re & desideratur est fructus: & nihil aliud expectatur ultra: & hoc manifestum est in seminibus & plantis & arboribus: quia propter fructum omnia finaliter fiunt. Quia illud quod de qualibet re colligitur est fructus eius. Diversa autem semina habentur à diversis fructibus: diversæ arbores & plantæ habent diversos fructus: & etiā diversa semina producant diversos fructus: ita quod quilibet semen habet suum proprium fructum & quilibet fructus habet suum proprium semen. Et ideo quia in voluntate nostra tanquam in agro spirituali: & terra spirituali possunt esse & seminari & plantari & radicari duo amores primi: & amor Dei, & amor sui ipsius tanquam duo semina duæ primæ plantæ: & duæ primæ radices. Et ideo considerandum est cum summa diligētia qualem fructum producat nobis quodlibet semen, quælibet planta: & quælibet radix finaliter & quem fructum colligemus de amore Dei: qui est primus in nobis: & quid de amore proprio quando erit primus. Et quia non sunt neque possunt esse plures radices quam duæ primæ radices amoris: & duo prima semina. Ideo etiam non possunt esse finaliter nisi duo fructus finales & ultimi. Et quia semina & radices contrariantur & opponuntur & inimicantur adinuicem ita quod non possunt aliquo modo simul esse in eadem terra quia una radix destruit aliam totaliter. Ideo etiam necesse erit quod fructus finales & proprii istarum duarum radicum inter se contrariantur: opponantur & inimicentur: & non possint aliquo modo simul esse. Et necesse est quod unus alium omnino destruat: occidat: euellat: & expellat. Considerandum ergo qui sunt isti fructus.

*Quod gaudium durans sine fine & tristitia sine fine sunt duo fructus qui finaliter nascuntur in voluntate tanquam in agro de amore Dei: & de amore proprio suiipsius tanquam de duobus seminibus in ea primo seminatis.*

*Nota.*

*Homosē-  
per qua-  
rit gau-  
dium.*

*Tit. 137.*

**E**T quia ex omnibus quæ homo facit & operatur non remanet finaliter in homine & ipsius voluntate nisi gaudium vel tristitia: ita quod gaudium & tristitia sunt duo finalia & vltima quæ nascuntur & oriuntur in voluntate & in corde hominis: & ad ista duo terminantur omnia quæ facit homo. Quia quicquid facit homo non potest aliud colligere in seipso: neque secum ducere seu portare quod manet nisi gaudium vel tristitiam: hoc est enim totum suum lucrum quod de suis laboribus secum portat: vnde ista duo sunt colligata quod sequuntur omne opus hominis & necesse est quod sequatur gaudium vel tristitia in eo. Et ideo gaudium vel tristitia sunt fructus quos colligit homo de omnibus. Et propter hoc quicquid homo operatur propter gaudium operatur & habet finaliter gaudium: nec aliud vult nisi gaudium: & quando habet gaudium nil aliud querit: quia gaudium ipsum implet. Et nulla res alia potest ipsum satiare nisi gaudium. Et quia tristitia opponitur gaudio & ei contrariatur. Ideo homo semper fugit tristitiam & querit gaudium. Et quia verum gaudium est verus fructus hominis bonus, & vera tristitia est verus fructus malus, & quia quilibet fructus habet suum semen proprium. Ideo necesse est quod ipsum verum gaudium habeat suum semen proprium de quo nascatur: & etiam ipsa tristitia. Et cum in homine non possunt esse nisi duo semina prima: & duæ primæ radices: scilicet duo amores iam dicti. Ideo necesse est quod omnia alia ex istis nascantur & oriantur & quod habeant ista semina: & sicut non sunt nisi duo prima semina contraria inter se: & duæ primæ radices: ita non sunt nisi duo fructus contrarij, scilicet gaudium & tristitia. Sic ergo habemus duas primas radices & duos finales fructus illarum radicum. Et quia gaudium est bonus fructus & desideratus & amabilis. Ideo est necesse quod oriatur & nascatur de bono semine & de bona radice.

dice. Et quia tristitia est malus fructus: ideo est de malo semine & de mala radice. Et ideo necesse est quod verum gaudium oriatur & pullulet de amore Dei: & vera tristitia & finalis oriatur de amore sui ipsius seu proprio. Et sic habemus primo agrum, scilicet ipsam voluntatem. Secundo habemus duo semina & amorem Dei & amorem proprium. Et habemus duos fructus finales, scilicet gaudium & tristitiam.

T I T V L V S CXLIX.

*Declaratio qualiter ex Dei amore quando est primus oriatur gaudium durans sine fine.*

**Q**Voniam autem ubi amor non est: vllum gaudium non potest esse: quia ex solo amore nascitur gaudium. Vnde gaudium generatur quando voluntas habet illud quod vult & amat. Si enim nihil amat nec aliquid vult tunc nullum gaudium habet. Sed tristitia similiter generatur quando voluntas habet illud quod non vult neque etiam amat: sed illud habet quod habet odio. Et ideo quando Deus est res primo amata ab ipsa voluntate tunc ex tali amore necessario generatur gaudium: quia Deus non potest mori: non potest deficere neque deperdi ab ipsa voluntate: sed semper est præsens, semper adest ipsi voluntati. Et ideo voluntas habet semper principaliter illud quod vult & quod amat: & habet semper rem amatam indeficientem immortalem immutabilem, semper viventem, invariabilem & nullo indigentem. Et ideo amor Dei semper potest durare & permanere: quia talis est amor: qualis est res primo amata. Et ideo talis amor erit immortalis indeficiens, fixus, firmus, immobilis, semper vivens nullo alio indigens continuè manens & durans. Vide ergo quod voluntas nostra in qua generatur amor & seminatur est immortalis & perpetua & spiritualis. Quia res primo amata quæ est Deus & immortalis impassibilis & invariabilis, summè bonus, summè amabilis, summè delectabilis, summè spiritualis, & summè conueniens voluntati qui solus est dignus primo amari: & cui primus debetur amor: sequitur quod talis amor qui habet talia fundamenta immortalia erit immortalis & in perpetuum durans sine fine sine termino nunquam deficiens: quia ipsa voluntas per amorem

*Ex amore Dei necessario gaudium sequitur.*

*Amor Dei est immortalis.*



*Infini-  
tū  
gaudiū  
amoris  
Dei.*

mutatur in naturam rei amatae. Ergo sequitur quod quicquid sentitur de re amata : sentitur etiam de amante. Et si res amata est indeficiens & immortalis etiam ut probatum est sequitur quod voluntas nostra si primo amet Deum sit immortalis, indeficiens, firma, fixa, inuariabilis, semper viuens, semper durans, sine fine, sine termino. Et quia ex tali amore necessario oritur gaudium : sequitur quod tale gaudium erit semper durans sine fine numquam deficiens numquam fluens : sed inuariabile, firmum, solidum, fixum, & immortale, manens in ipsa voluntate. Sicut enim ex amore oritur gaudium : ita ex æterno amore oritur æternum gaudium. Declaratum est ergo qualiter ex Dei amore quando est primus in voluntate oriatur in ipsa gaudium durans sine fine.

### T I T V L V S C L.

*De conditionibus & proprietatibus quibus  
indutum est istud gaudium.*

*Tit. 148.*

*Tit. 134.*

**E**T quia ut dictum est gaudium est fructus amoris ideo tale erit gaudium qualis est amor : & talis est amor qualis est res amata. Et quia iam monstratum est certissime quas condiciones, quas proprietates habet ipse amor Dei : ideo sequitur quod similes condiciones & similes proprietates erunt in gaudio orto & nato de illo amore. Quia qualis arbor talis fructus eius. Et ideo quia amor Dei quando est primus : est semen iustum, sanctum, verum & ordinatum, purum, sincerum & immaculatum, mundissimum diuinum & optimum rectum & secundum naturam hominis in quantum homo est. Exinde sequitur quod istud gaudium quod nascitur de tali amore est fructus iustus, sanctissimus verus ordinatus purus sincerus immaculatus, mundissimus, diuinus optimus & rectus, & est gaudium quod conuenit homini in quantum homo & est secundum naturam hominis : & est totus secundum Deum. Quia sicut totus amor est secundum Deum ; ita totum gaudium est secundum Deum : quia ex illo amore oritur gaudium : sic totum gaudium oritur & nascitur de Deo : & radicatur in Deo & in Creatore : & non in creatura & durabit tandiu quamdiu Deus Creator durabit : & quia Deus durabit semper : sic gaudium etiam quod inde sur-

git

git durabit semper. Et quia ubi est verum gaudium ibi est vera læticia. Ideo tale gaudium includit veram læticiam: veram iocunditatem: veram hylaritatem delectationem veram: & delectamentum verum: veram complacentiam: quietem: tranquillitatem: delicias exultationes: iubilationes: suavitatem: dulcedinem: satietatem & veram saturitatem. Et quia gaudium erit æternum semper durans sine fine: sequitur quod cum illo gaudio erunt omnia ista & læticia æterna & vera sine fine: delectatio æterna: vera & recta, iocunditas æterna: hylaritas semper durans complacentia perpetua tranquillitas æternæ delitiæ: exultatio: iubilatio sine fine. Ecce ergo conditiones & proprietates quibus erit vestitum & fulcitum ipsum gaudium.

T I T V L V S C L I.

*Quod gaudium quod nascitur de amore Dei est tota  
vita hominis & voluntas.*

**E**T quoniam istud gaudium est fructus. Ideo quia fructus nascuntur & oriuntur propter vitam & ad dandum vitam & nutrimentum ac sustentationem sequitur quod istud gaudium dat vitam & nutrimentum homini & eius voluntati. Et de ipso ipsa voluntas viuet & nutrietur: & est propria vita hominis & cordis. Sicut enim tristitia est mors hominis: ita gaudium est vita hominis. Vbi enim nulla vita est ibi nullum gaudium. Sed ubi tristitia est ibi mortis nuncius vel mors. Nam gaudium dilatat confortificat & confortat: nutrit & delectat. Et ideo nil aliud vult vel desiderat nisi gaudium: per contrarium vero ipsa tristitia mortificat constringit: debilitat: destruit & annihilat. Et nemo eam vult, neque etiam appetit. Nullus enim vult esse in tristitia continua neque in tribulatione sed in gaudio continuo. Sicut enim tristitia est mors animæ: ita gaudium est vita animæ. Quia qui habet verum gaudium & perpetuum: habet vitam veram & perpetuam: & qui habet veram tristitiam & perpetuam habet mortem veram & perpetuam. Ergo qui habet amorem Dei in se habet vitam veram & perpetuam. Quia de ipso amore Dei nascitur verum gaudium quod est vita vera. Qui ergo habet verum gaudium habet totum complementum: quia ergo totum bonum quod homo vult habere

*Gaudium  
amoris  
Dei est  
vita ho-  
minis.*

*Habens  
amorem  
Dei ha-  
bet veram  
vitam.*

*Habens  
amorem  
Dei ha-  
bet totum  
bonum.*

*Amans  
Deum  
portat  
totū suū  
bonum in  
corde.*

est ipsum gaudium quod est vita eius : & quando habet gaudium habet totum quod vult habere : & nihil aliud vult habere : quia omnia vult habere propter gaudium & vt gaudium habeat. Et quia istud gaudium oritur de amore Dei solum & de nulla re alia : ideo sequitur quod ad habendum totum bonum nostrum & totam vitam nostram & totum complementum nostrum : sufficit habere vnicam rem. scil. amorem Dei. Et quia amor Dei est intra hominem & non extra : quia est in voluntate & in corde : ideo sequitur quod ad habendum totum bonum nostrum : & totum quod finaliter volumus. scil. ipsum gaudium : non est necesse habere aliquas res extraneas. Et per consequens nec aurum nec argentum neque lapides pretiosos : nec honorem : nec dignitates : nec officia : neque delectationes : neque scientias : nec bona temporalia : neque cibos neque potus. Sufficit ergo habere amorem Dei de quo nascitur omne bonum nostrum : & totum gaudium. Et quia amor Dei portatur in sola voluntate : ergo homo potest portare totum bonum suum in sua voluntate. Et quia voluntas est semper in sua libertate : & in suo dominio : & nullo modo potest cogi : neque potest auferri ab ea aliquid nisi ipsa volente : sic quod ipsa voluntas si vult non potest in æternum perdere bonum suum : nec suum gaudium. Et per consequens vitam suam : quia nemo potest tollere ab ipsa amorem Dei in quo est vita & omne gaudium nisi ipsa velit. Concludamus ergo quod ipsum gaudium quod nascitur de amore Dei est tota vita hominis & voluntas.

### T I T V L V S C L I I.

*De gaudio quod nascitur ex amore Dei dum homo  
viuit in hoc mundo.*

*Tit. 134.*

**Q**Voniam autem ipsum gaudium sequitur amorem : & prius est amor quam gaudium : quia eius fructus est ideo necesse est quod sicut dilatatur & extenditur amor sicut crescit amor : sicut multiplicatur amor : ita dilatetur & extendatur gaudium : ita crescat gaudium : ita multiplicetur gaudium. Et quia iam monstratum est quod ex amore Dei quando est primus oriantur & multiplicentur multi & infiniti amores : quia necesse est quod qui primo amat Deum : amet omnia quæ  
Dei



Dei sunt. Et ideo amor Dei extendit se ad omnes crea- *Amans*  
 turas in quantum Dei sunt : sed primo se extendit in *primo*  
 imaginem Dei viuam. Et quia quilibet homo est imago *Deū etiā*  
 Dei : ideo quia primo amat Deum : statim amat eius *amat ho-*  
 imaginem viuam : & per consequens amat omnem ho- *minem.*  
 minem : & exinde oritur statim gaudium ex tali amo-  
 re. Quia sicut de amore Dei oritur gaudium : ita etiam  
 de amore suæ imaginis viuæ : in quantum est Dei ima-  
 go : & sic tot gaudia habebit quot homines amabit :  
 in quantum sunt Dei imagines. Et sic de quolibet ho-  
 mine quem amabit in quantum est imago Dei : poterit  
 habere gaudium : & sic multiplicabitur gaudium in hoc  
 mundo. Et etiam quilibet gaudebit de seipso in quantum  
 est Dei imago viua. Vt etiam qui amabit omnes  
 creaturas in quantum Dei sunt sic gaudebit de omni *Amans*  
 creatura in quantum Dei est. Et sic de amore Dei in- *creatu-*  
 quantum est primus : nascentur homini & multiplica- *ras pro-*  
 buntur innumerabilia gaudia : quæ omnia habent or- *pter Deū*  
 tum ab vna radice ab vno semine, scilicet, ab amore. Et *gaudet*  
 ideo iam homo viuens in hoc mundo : recipit & colligit *de omni-*  
 inestimabilem fructum de Dei amore : quia semper est *bus crea-*  
 in gaudio : quia semper est in amore recto & bono : & *turis.*  
 per consequens continue est in vita : & continue viuit *Amans*  
 & istud gaudium nemo potest tollere : sicut nemo po- *Deum*  
 test tollere amorem. Nec oportet in hoc mundo habere *habet*  
 aurum nec argentum : neque abundantiam rerum tem- *suas di-*  
 poralium ad habendum istud gaudium. Quia qui ha- *uitias in*  
 bet amorem Dei in hoc mundo habet suas diuitias in *corde.*  
 seipso intra se : quas nemo videt : nemo scit nec cognoscit  
 nisi qui habet. Et ideo qui habet amorem Dei : nihil  
 extra se desiderat : nihil extra concupiscit : ideo nulli in-  
 uidet nil alienum desiderat : quia iam in se abundat : &  
 est plenus suo bono. s. suo gaudio quod est vita cordis. *Amans*  
 Et ideo omnia alia pro nihilo reputat : & ideo non sitit *Deum*  
 neque esurit bona corporalia : sed solum curat de a- *omnia*  
 more Dei : de quo totum oritur gaudium. Patet ergo *despicit.*  
 gaudium quod nascitur de amore Dei dum homo viuit  
 in hoc mundo.

## TITVLVS CLIII.

*Quod gaudium sempiternum quod oritur de amore Dei potest esse tale & simile in infinitis hominibus sicut in vno : & in quolibet potest esse suum proprium gaudium sine impedimento alterius.*

*Gaudiū  
vnius n  
impedit  
gaudiū  
alterius.*

*Sicut ho-  
mines sic  
& amor  
Dei &  
gaudiū  
multi-  
plicatur.*

**E**T quia vna res potest esse primo amata ab omnibus hominibus. scilicet Deus : & in quolibet potest esse amor Dei similis : & ideo sequitur quod etiam istud gaudium potest nasci & generari in quolibet homine : & tale potest habere vnus sicut alius. Quia sicut omnes simul possunt habere amorem Dei : ita possunt habere gaudium quod nascitur de amore isto. Nec gaudium vnius potest impedire gaudium alterius. Et sic omnes homines possunt habere simile gaudium : & possunt impleri gaudio : & tamen propter hoc nullus habet minus : & tale gaudium habere potest vnus sicut alius : & quilibet potest habere suum singulare gaudium & proprium : & tamen tale erit vnum sicut aliud : quia sunt similia : sicut amor talis vnus sic & aliud gaudium potest de nouo multiplicari semper : & semper potest fieri nouum gaudium & generari. Quia licet sint innumera- biles homines & illi habeant gaudium : attamen de nouo possunt innumerabiles generari : augmentari : & nunquam terminari : sed semper multiplicari. Et tamen propter hoc gaudium alterius non minuitur. Quanto ergo homines multiplicantur : tanto gaudium magis & magis multiplicatur. E tota causa est : quia res primo amata est ipse Deus : & est ipsa res primo amata quam vnusquisque potest habere in voluntate & corde amaram : & talis amor potest esse in quolibet & sic vnus amor est : quia est vna res primo amata : & per consequens erit vnum gaudium multiplicatum in infinitis hominibus. Sic ergo ex vna re gaudium potest in infinitum multiplicari sine diminutione : quia non propter hoc Deus perdit aliquid de suo. Ecce ergo qualiter omnes homines etsi sint infiniti possunt habere simul totum suum bonum : totam suam vitam, scilicet totum suum gaudium : & hoc ex ipso solo Deo. Et qualiter ipse solus est per seipsum sufficiens dare vitam simul omnibus hominibus : & æternum & sine sui diminutione : & hoc per amorem suum. Videte ergo qualiter bo-

na.



na vera hominum nunquam diminuuntur: semper crescere possunt & non habent mensuram neque terminum: sed magis multiplicatis hominibus magis multiplicantur etiam bona & gaudium.

## TITVLVS CLIV.

*De gaudio quod nascitur ex Dei amore post vitam corporalem: & ostendetur ex perfectione gaudij & amoris: quod anima clarè Deum Creatorem suum facie ad faciem: & sine medio videbit.*

**Q**Voniam autem ipsum gaudium est fructus amoris Dei: & ideo necesse est quod illud gaudium similiter impleatur & veniat in tantam plenitudinem: in tantam abundantiam: quod non possit esse maior neque crescere ultra: ita quod anima non possit capere amplius de gaudio: & sic gaudium plenum fiat. Et quia anima amavit Deum primo per voluntatem: ideo ex tali amore sequitur gaudium. Et quia voluntas totaliter per amorem vnitur Deo: sequitur etiam quod ipsa vnietur ei per fruitionem & per gaudium quod est fructus amoris. Et cum ex clara cognitione Dei sequitur maior amor. Quia ubi maior cognitio est: ibi maior amor aut maius odium est. Et quanto magis aliquid bonum cognoscitur: tanto magis amatur. Sed quia Deus est solum bonum nostrum: quanto ergo eum magis cognoscimus: tanto magis eum amabimus: & quanto magis eum amabimus: tanto magis gaudium habebimus. Et quia etiam Deus non potest cognosci & non amari: eo quia est summè bonus: summè benignus: summè sapiens: summè nobilis: summè pulcher: & in eo est plenitudo omnium gaudiorum & diuitiarum. Neque patitur in aliquo bono defectum. Si ergo Deus vult à nobis maximè amari: sequitur etiam quod vult à nobis maximè cognosci: & ut gaudium nostrum in eo plenum sit: necesse est ut anima videat ipsum Deum facie ad faciem: & hæc cognitio est clara: certa ac perfectissima & ad vota & tantum quantum voluerunt sine medio & sic magis diligatur: & ut sic animæ maius gaudium oriatur: quia istud aliter esse non potuit. Quia nisi Deus quem primo anima amavit in fide: ostendat se & manifestet clarè: & clarissimè non faceret debitum & ius amoris. Quia amor verus & purus

*Plus amans Deum plus vnietur ei per fruitionem.*

*Maximè amans Deum maximè cognoscat: gaudebit & fruetur eo.*



*Cognitio  
erit cau-  
sa maio-  
ris amo-  
ris.*

*Amor  
perfe-  
ctissimus  
habebit  
gaudiū  
perfectis-  
simum.*

omnia aperit : omnia secreta reuelat. Hoc autem requirit natura amoris. Et quia anima primo amauit quando cum non vidit meretur eum videre facie ad faciem dum eo fruatur vt maius gaudium ex eo sequatur. Et quanto clarius eum videbit : tanto magis eum amabit : etiam & quanto magis amabit tanto magis gaudebit : quia res quam aliquis habet quando est bona : magis gaudebit quanto eam magis cognoscat. Et per oppositum est de re mala. Quanto aliquis rem malam quam habet cognoscit : tanto eam magis odio habet : ergo ille qui primo Deum amauit cum sit bonus & optimus : cum ipsum magis cognoscit : tanto ipsum magis amabit & per consequens magis gaudebit : & sic cognitio erit causa maioris amoris : & amor erit causa maioris gaudij : & tantum gaudebit anima : quantum amabit : quantum cognoscat & videbit : & vt perfectissime gaudeat : oportet vt perfectissime amet : & oportet vt perfectissime cognoscat : & videat si perfectissime amare & gaudere debeat. Et ideo plenitudo arguit & ostendit : quod omnia clarè videbit : & cognoscat Deum Creatorem suum : summè bonum : summè benignum : summè suauem & delectabilem. Quia quando clarissime videbit eum esse talem fortius amabit eum : & fortius tunc gaudebit. Et quia perfectio gaudij oritur ex perfectione & nobilitate amoris. Ideo vt gaudium sit perfectissimum : oportebit quod amor sit perfectissimus : & quod amor ascendat ad gradum vltimæ perfectionis & dignitatis. Non autem erit talis nisi qualis conuenit Deo. Et ideo quia Deus de se & propter se est summè amabilis : eo quia est summè bonus & totus bonus : immò ipsa bonitas & purissima bonitas est summè benignus & summa benignitas & tota benignitas : & totus liberalis summè dulcis : summè suavis : perfectissime amans summè verus & summè potens : summè sapiens & summè perfectus. Et propter hoc sequitur : quod amor non erit perfectus : neque ascendet ad vltimum gradum perfectionis : dignitatis & puritatis : nisi anima amet ipsum Deum Creatorem suum propter suam solam bonitatem : benignitatem & liberalitatem & pulchritudinem suam. Et non propter dona : neque propter obligationem : quia Deus amabilis : purissimus : nobilissimus & perfectissimus est. Et ex tali amore sequitur perfectissimum & purissimum gaudium. Et quia ad perfectionem gaudij requiritur



quiritur summa securitas : ita quod omnia sint certissima & securissima : ita quod nunquam perdet tale gaudium. Et ideo ut anima perfecte gaudeat : erit summe certa & segura : quia nunquam poterit amittere tale gaudium : & quod Deus nunquam velit auferre ab eo tale gaudium & etiam quod nullus est ita potens quod possit auferre ab eo quod anima clarissime cognoscet Deum & perfectissime amabit eum : & cognoscet : quia non poterit ipsum non amare eo quia cognoscit quia Deus est : quia est summa bonitas : in æternum diliget eam : & sic anima erit securissima : quia ipsa in æternum diliget Deum. Et quod in æternum Creator Deus eam amabit & quod in æternum videbit eum : & quod nulla alia res poterit destruere eam neque illum amorem. Et per consequens erit securissima de suo æterno gaudio : quod in æternum non amittet : sed tenebit in æternum.

*Perfe-  
ctissime  
gaudens  
erit sum-  
me secu-  
rus.*

## T I T V L V S C L V.

*Quod ex natura gaudij & amoris ostenditur quod anima recuperabit corpus suum in statu magis amabili : & per omnia sibi conformiter : in quo poterit anima magis gaudere.*

**E**T quoniam anima quæ primo amat Deum & etiam seipsam in quantum est Dei & in quantum est Dei imago viua. Et ideo postquam anima amat seipsam vult bonum sibi : & amat bonum sibi : & gaudet de bono suo : quoniam ergo animam amat suum corpus naturali amore : & habet naturalem inclinationem ad illud. Et quia Deus copulauit animam cum corpore : & corpus cum anima : & alligauit corpus animæ : & fecit quoddam naturale matrimonium inter ea : & anima cognoscit corpus esse factum propter ipsam. Et ideo anima amat suum corpus & omnia sua membra. Et exinde sequitur quod anima vult recuperare corpus suum : & vult bonum sui corporis. Et etiam quia anima est principalis pars hominis & non totus homo nec corpus est homo : sed simul anima & corpus sunt homo. Et ideo hoc est ad perfectionem animæ quod ipsa recuperet suum corpus : quia melius & perfectius est totum quàm & etiam hominem totum esse quàm animam esse tantum. Et ideo quia anima amat suam perfectionem : amat suum corpus : & remanet cum eo : & per

*Quod a-  
nima a-  
mat cor-  
pus suū.*



*Quod  
corpus  
tandem  
restitu-  
tur.*

*Corpus  
restitu-  
tur im-  
mortale.*

*Corpus  
quantū  
possibile  
est sequi-  
tur ani-  
mam.*

*Omnes  
creatura  
renoua-  
buntur.*

per consequens vult & appetit quod suum corpus ei re-  
stauretur: nec potest velle contrarium. Quia hoc habet  
ex naturali inclinatione. Et ideo ut gaudium animæ  
impleatur: necesse est quod ei restituatur corpus suum:  
& hoc in illa forma in illo statu quo erit magis ama-  
bile ipsi animæ ac magis conforme: & magis propor-  
tionatum: conueniens & delectabile secundum statum  
ipsius animæ: & in quo poterit ipsa anima magis gau-  
dere: & per consequens erit necesse ut sit plenum gau-  
dium quod restituatur ei suum corpus in maxima pul-  
chritudine & in summo decore & impassibile & immor-  
tale: subtile: agile clarum: sicut sol fulgens & resplen-  
dens: quia in isto statu erit magis amabile ipsi animæ:  
magis conforme & magis proportionatum secundum  
statum ipsius animæ: & hoc poterit facere Deus. Si enim  
potuit facere animam de nihilo cum non esset: & po-  
tuit facere de terra corpus tale: & potuit facere terram  
ascendere ad tantam dignitatem: ut ex ipsa fieret cor-  
pus ita mirabile ut coniungeretur animæ rationali &  
intellectuali portanti suam imaginem viuam: quare  
non postet facere ascendere ipsum corpus ad altio-  
rem gradum quàm antè. Et sicut anima mutata est ad altio-  
rem gradum & digniorem statum. Ita etiam expedit ut  
corpus eius mutetur in statum etiam altio-rem & nobi-  
liorem gradum & digniorem formam proportionabili-  
ter. Et sicut anima ascendit: ita ascendit corpus suo  
modo. Item sicut anima mutata est in Deum & in natu-  
ram Dei per voluntatem & amorem. Ita etiam mutetur  
corpus in animam quantum fieri poterit & in naturam  
animæ secundum possibilitatem: & quantum naturæ  
corporis non repugnat: ut sicut anima facta est diuina:  
ita corpus factum spirituale: & hoc concludit & osten-  
dit perfectio gaudij & natura amoris. Sic ergo anima  
vult tale corpus sibi restitui: quod sit impassibile: sub-  
tile: agile: clarum: sicut sol & cum omni decore &  
pulchritudine & immortale: & hoc poterit Deus face-  
re. Ergo ut omnibus modis anima gaudeat ita fiet rur-  
sum quod anima amet omnes creaturas in quantum Dei  
sunt. Et ideo ut anima magis & pluribus modis gau-  
deat: totus mundus & creaturæ debent disponi: renoua-  
ri & in statu poni: in quo amabiles & placibiles sint: ut  
sic ex eis sequatur maius & maius gaudium. Ut sicut  
anima est mutata: innouata & renouata in statum al-  
tiorum



tiorem & digniorem : & corpus quod est propter animam : fuerit etiam mutatum & innouatum in altiore & digniorem statum ita totus mundus qui factus est propter hominem debet renouari & immutari in altiore & digniorem statum : ad gaudium ipsius hominis : vt sicut anima est vestita noua veste amoris perfectissimi in seipsa : & etiam corpus suum est vestitum nouo habitu etiam pulcherrima veste impassibilitatis : claritatis : agilitatis & immortalitatis : ita etiam totus mundus & omnes creaturæ mundi quæ factæ sunt propter hominem : induantur etiam noua veste : vt totum sit proportionatum : vt ipso homine qui est Rex & Dominus mundi innouato & exaltato : serui sui & omnia quæ sunt propter ipsum facta etiam innouentur & exaltentur. Et sicut omnia processerunt ex amore & sunt propter amorem : & ex amore nascitur gaudium : tanquam fructus eius : ita omnia sint in gaudio & taliter disponantur vt ex ipsius sequatur maius gaudium quod est fructus omnium. Sic ergo natura gaudij concludit & probat debere fieri innouationem totius mundi & omnium creaturarum.

T I T V L V S C L V I.

*De magnitudine gaudij post hanc vitam & de sua multiplicatione.*

**Q**Voniam autem gaudium est fructus vltimus qui expectatur : nihil aliud expectatur nisi gaudium. Et quia videmus per experientiam : quod fructus in fine & vltimate veniunt in summa abundantia & multitudine : sicut apparet in arboribus : vnde videmus quod de vno semine scilicet de vna parua nuce vel de vno amigdalo si plantetur : aut seminetur exhibit vna magna arbor : & ex illa arbore exhibunt infinitæ nuces vel amigdala : & tamen omnia venient de vno paruo semine. Et ideo quia gaudium est finalis fructus qui venit de amore : necesse est quod ipsum gaudium finaliter vltimate veniat in maxima abundantia & multitudine. Si enim fructus corporales tantum multiplicantur : quanto magis debent multiplicari fructus spirituales. Videmus ergo magnitudinem & multitudinem ipsius gaudij : quod expectatur : & quia gaudium nascitur de amore Dei : ideo necesse est quod gaudium se extendat

*Quilibet  
gaudebit  
de seipso.*

extendat ad tantum : ad quantum extenditur amor : & magnificetur ad tantum ad quantum amor. Vnde quia quilibet post Deum amabit seipsum : & per consequens de bono suo gaudebit : quia quanto aliquis amat aliquem tantò gaudet de bono suo. Et ideo quilibet gaudebit de bono suo tantum quātum amabit seipsum. Et quoniam gaudebit vbi habebit gaudium sempiternum : & vbi erit lætitia sempiterna : iocunditas & delectatio : & omnis perfectio sempiterna : ibi habebit plenum gaudium : & quicquid vult habebit : & quicquid non vult non habebit : vbi erit immortalitas perpetua : impassibilitas æterna : agilitas : subtilitas & claritas corporis vt solis perfecta cognitio & clarissima visio de summa amicitia : de Deo creatore suo. Quantum igitur sic poterit videre se exaltatum : tantum poterit gaudere : quia videbit se abundare omnibus delitiis. Et

*Quilibet  
gaudebit  
de alio.*

quia quantum quis amat alium : de tanto gaudebit de bono suo. Et ideo si aliquis haberet simile bonum & simile gaudium quē tantum amaret sicut seipsum : tantum gauderet de bono illius sicut de bono suo : & non minus gauderet de illo quam de seipso : & sic duplicaretur gaudium : & sic tertium triplicaretur : & sic quartum & sic de aliis : semper multiplicaretur gaudium in millesies millia : in tantum augmentaretur gaudium in millesies millia. Et sic tantum quantum multiplicarentur homines quos amaret sicut seipsum qui haberent simile & tale bonum sicut ipse : tantum multiplicarentur eius gaudia : & hoc totum faceret ipse amor : quia ad multiplicationem amoris multiplicaretur gaudium. Et

*Tit. 134.  
Gaudiū  
vnius  
erit gau-  
dium al-  
terius.  
Eodem  
titulo.  
Plus a-  
mabi-  
mus Deū  
quam  
nos ipsos  
aut alios.*

quia demonstratum est quod qui primo amat Deum amabit omnem alium hominem sicut seipsum : & omnis qui amabit Deum primo habebit omnia supradicta bona. Ergo si innumerabiles sunt homines habentes similia & eadem bona innumerabilia erunt gaudia cuiuslibet : quia nullus minus alium quam seipsum diligit : & ideo non aliter gaudebit quisque pro singulis quam pro seipso. Si ergo homo de tanto bono suo vix poterit capere suum gaudium : quomodo capax erit tot gaudiorum & tantarum deliciarum. Et insuper quia dictum est : quantum quis diligit alium : tantum gaudebit de suo bono. Et ideo quia post hanc vitam vnusquisque plus amabit Deum sine comparatione quam seipsum : & quam alios secum : & ita plus gaudebit de Dei bono quam

quam de suo & omniū suorum. Quia quanto amor crescit de tanto gaudium crescit. Ecce ergo magnitudinem & multiplicationem gaudij: & abundantiam quam quilibet qui primo amat Deum colliget de amore Dei. Et si placuerit eum in seipso primo: ecce quos fructus & in quanta multiplicatione colliget: & omnia ista erunt æterna: quæ nunquam deficient: quia amor Dei ex quo omnia oriuntur erit æternus & indeficiens: & sic est radix. Et ita radix & fructus in æternum durabunt: & in æternū viuet homo de tot & de tantis fructibus æternis & indeficientibus. Ecce quos & quales fructus colliget homo & anima de ipso amore Dei tanquam de vno semine: tanquam de vna radice in voluntate plantata tanquam in agro spirituali. Declaratus est ergo finalis *Tit. 109.* & vltimus fructus qui nascetur ex amore Dei quando erit primus: videte ergo & notate ordinem totius processus. Primo enim inuenta fuit obligatio amoris. Secundo natura amoris. Tertio fructus amoris qui est gaudium. Sic ergo obligant nos ad amorem & omnia facta sunt & nobis data propter amorem: & amor propter gaudium: & gaudium propter nihil aliud: in tribus autem totum clauditur in obligamine: in amore & in gaudio. Totus ergo ordo creaturarum: tota scala naturæ ostendunt nobis obligationem ad Deum & debitū *Tit. 147* amoris: & etiam gaudium. Ex creaturis manifestatur obligatio. Ex obligatione debitum amoris. Et ex amore gaudium. Et sic per scalam naturæ continue ascendimus de bono in melius: & de infimis ad summa cum Dei auxilio.

T I T V L V S C L V I I .

*De fructu qui nascitur de amore proprio & priuato seu propriæ voluntatis: & ostenditur quod de tali amore non potest nasci verum gaudium: sed sophisticum & deceptiuum ac tantum appatens quod intus portat tristitiam latentem quæ nascitur post gaudium.*

**Q**Voniam autem iam dictum est quod quando homo habet rem quam vult & amat: & etiam sperat certitudinaliter habere tunc exinde sequitur gaudium. Et ideo de amore propriæ voluntatis potest generari gaudium Quia qui amat suam propriam voluntatem vult sibi ipsi propriam laudem: proprium honorem *Tit. 149.* propriam



## 224 De fructu amoris proprii.

*Amor  
proprius  
etiā ha-  
bet gau-  
dium.*

*Gaudiū  
propriū  
amoris  
vertitur  
in tristi-  
tiam.*

propriam gloriam & propriam excellentiam : & hoc ex parte animæ : vult etiam & amat libimet voluptates & delectationes corporis : & per consequens vult & amat omnia illa quæ valent ad hoc & ad habendum illa : sicut sunt bona exteriora : dignitates & officia & scientiæ. Et ideo quia homo dum viuit in hoc mundo potest habere omnia prædicta. scil. honorem ; laudem, excellentiam & gloriam delectationes corporis & illa quæ valent ad hoc : ideo potest gaudere & habere gaudium. Et quia ista possunt perdi & destrui : & non durant sed transeunt : & homo timet perdere ea. Et etiam quia qui amat aliquam rem : habet odio illud quod destruit illam rem : vel potest diminuerē illam. Et ideo qui amat omnia supradicta : necessario habet odio omnia illa quæ possunt destruere & diminuerē proprium honorem propriam laudem propriam excellentiam & voluptatem propriam : & omnia quæ valent ad hoc. Et exinde sequitur : quod ex tali gaudio nascitur tristitia : & tale gaudium conuertitur in tristitiam : quia ex tali timore & odio sequitur tristitia : & ex perditione & destructione talium sequitur tristitia. Et ideo tale gaudium est falsum : vanum : deceptiuum & sophisticum quia intus abscondit maiorem tristitiam quam sit gaudium. Et sic de amore proprio non potest nasci nisi gaudium falsum & vanum ac deceptiuum quod tristitiam importat.

### TITVLVS CLVIII.

*De conditionibus & proprietatibus ab indumentis quibus indutum est gaudium quod nascitur de amore suæ propriæ voluntatis.*

**E**T quia qualis est radix tale est illud quod sequitur ex radice : ideo necessario tale erit gaudium qualis erit amor ex quo oritur. Et ideo ex proprietatibus conditionibusque amoris proprii : concludemus proprietates & conditiones istius gaudij. Et quia iam conclusum est quod amor proprius : & suæ propriæ voluntatis est inordinatus . iniustus : indebitus : tortuosus falsus : vitiosus & corruptus : immundus : contra naturam hominis in quantum homo est, & contra totum ordinem vniuersi : contra omnes creaturas pessimus nequissimus : turpissimus : malignissimus ; immo est primum malum

*Tit. 139.*

*Tit. 141.*



malum: & radix omnium malorum: primum vitium  
 primum venenum: prima mors: prima tenebra: prima  
 cœcitas: prima felicitas: primum mendacium: & radix  
 omnium mendaciorum: prima iniustitia: prima tur-  
 pido. Et ideo gaudium quod nascitur ex tali amore,  
 necessario habet proprietates talis amoris. Ideo tale  
 gaudium necessario est inordinatum: iniustum: inde-  
 bitum: falsum: vitiosum: corruptum: immundum:  
 contra naturam hominis: contra totum ordinem uni-  
 versum: contra omnes creaturas: pessimum: malignis-  
 simum: nequissimum: turpissimum: vitiosum: veneno-  
 sum: mortale: tenebrosus: mendosus: quia talis est  
 radix unde oritur. Tale est gaudium quod quis habet  
 de suo amore proprio: & de amore suæ laudis: suæ  
 propriæ excellentiæ: proprii honoris, propriæ gloriæ  
 & de voluptate carnis: & de omnibus quæ ipse amat  
 propter ista. Et quia ubi est gaudium ibi est lætitia: &  
 delectatio & exultatio: ideo etiam erit ibi talis dele-  
 ctatio: talis exultatio talis lætitia: talis complacen-  
 tia. Et quia tale gaudium est corruptum: iniustum: pes-  
 simum, &c. Ideo etiam talis lætitia, talis delectatio,  
 talis complacentia, talis exultatio, sunt pessimæ,  
 corruptæ, inordinatæ, & iniustæ. Et quia iam declara-  
 tum est quod amor proprius seu propriæ voluntatis to-  
 taliter & de directo contra Deum, sine Deo, aduersus Deum,  
 extra Deum, præter Deum, etiam inimicatur Deo, &  
 constituit hominem inimicum Dei capitalem: eo quia  
 qui primo amat se & suam propriam voluntatem, facit  
 seipsum Deum, & aufert in quantum in eo est suam pro-  
 priam coronam à Deo, scilicet, privilegium suæ pro-  
 priæ voluntatis. Ideo sequitur quod istud gaudium,  
 quod homo habet de tali amore est contra Deum, & ad-  
 uersus Deum extra Deum sine Deo, Et totaliter & de di-  
 recto inimicatur Deo. Et per consequens tunc homo  
 gaudet, lætatur, delectatur, complacet & exultat con-  
 tra & aduersus Deum, & contra suam voluntatem: &  
 creatura contra Creatorem, & opus contra suum artifi-  
 cem. Et quia etiam ubi est amor suæ propriæ volunta-  
 tis, ibi est contemptus Dei qui est tantus, sicut ipse est:  
 quia solus Deus dignus est amari primo; ergo tale  
 gaudium, quod oritur de tali amore, oritur de contem-  
 ptu Dei, & in contemptum, & offensam, & iniuriam  
 eius. Et ideo illud gaudium est summe Deo inimicum,

*Gaudiū  
hominis  
de se ipso  
est inter-  
dinatū.*

*Tit. 138  
Tit. 100*

*Gaudiū  
propriū  
amoris  
est cōtra  
Deum.*



*Est ini-  
micum  
Deo.*

& auget & multiplicat, complet & consummat contrarietatem & inimicitiam contra Deum. Quia amor proprius in quo est Dei contemptus, est radix & initium inimicitiae Dei, iniuriae & offensae eius. Et gaudium, quod nascitur exinde, complet ipsam inimicitiam, & augmentat & multiplicat. Quia dum homo magis gaudet contra Deum, & lætatur: tunc efficitur & cautatur maior inimicus eius. Et quia gaudium est inimicum contra Deum, & ideo confirmat inimicitiam contra Deum: & ideo illud gaudium portat & abscondit intra se latenter summum venenum, pessimum venenum & maximum virus, pessimam mortem: quia portat secum & abscondit iniuriam Dei, offensam Dei, & inimicitiam sui Creatoris quo nihil est peius & venenosius, nihil mortalius, nihil magis nocivum, nihil damnable, nihil magis læsivum, nihil tristius, & nihil indelectabilius. Malum enim est amare contra Deum, sed multo peius est lætari & gaudere, complacere & exultare contra Deum in iniuriam & offensam Dei.

Sic ergo patent conditiones & proprietates, quibus indutum est gaudium, quod nascitur de amore sui ipsius & suae propriae voluntatis de proprio honore & propria laude, propria gloria, de delectatione carnis, de omnibus, quae sequuntur ad propriam amorem: quoniam tale gaudium est inordinatum, iniustum, indebitum, falsum, vitiosum, mendosum, corruptum, immundum, malignum, pessimum, nequissimum, veneno plenum, mortale, contra naturam hominis, contra totum ordinem vniuersi, contra omnes creaturas, sine Deo, præter Deum, extra Deum, & contra Deum, momentaneum, non permanens, fluens in momento, transiens, portans secum & abscondens iniustitiam & Dei iniuriam & offensam. Ecce ergo fructus qui nascitur de amore proprio, dum homo vivit in hoc mundo.



## TITVLVS CLIX.

*De duobus gaudijs & comparatione eorum adinuicem  
cum duobus amoribus.*

**S**icut tunc sunt duo amores contrarij & capitales inimici, ita sunt duo gaudia adinuicem contraria & totaliter inimica: & ideo sicut duo amores primi, & amor Dei & amor sui ipsius non possunt simul esse in voluntate: Ita nec ista duo gaudia, quæ oriuntur ab eis non possunt simul stare in voluntate: sed necessario ad inuicem se destruunt & expellunt, vnumque fugat aliud. Primum gaudium quod oritur de amore Dei, nascitur in veritate, & est verum. Secundum gaudium, quod nascitur de amore sui ipsius, nascitur de falsitate, & est falsum. Primum gaudium quod nascitur de amore Dei, oritur de iustitia: secundum, quod de amore sui ipsius nascitur, de falsitate & iniustitia. Primum igitur nascitur de radice omnium virtutum. Secundum oritur de radice omnium vitiorum: primum oritur de radice omnium bonorum, secundum de radice omnium malorum. Primum oritur de æternitate: secundum de vanitate. Primum de incorruptibilitate: secundum oritur de corruptibilitate. Primum gaudium oritur de Deo. Secundum gaudium oritur sine Deo, extra Deum, & contra Deum. Primum gaudium coniungit, consolidat, reficit & satiat & vnit hominem cum Deo: secundum gaudium diuidit, elongat, separat & ponit hominem extra Deum. Primum gaudium multiplicat & auget amicitiam cum Deo: secundum verò auget, & multiplicat inimicitiam cum Deo. Primum gaudium complet, satiat, solidat, dulcificat voluntatem: Secundum gaudium amarificat debilitat, euacuat voluntatem, & facit eam fluctuantem, inquietem, instabilem, esurientem & sitientem. Primum gaudium est secundum naturam hominis in quantum homo est: secundum gaudium est contra naturam hominis in quantum homo est. Primum est secundum ordinem vniuersi & omnium creaturarum: secundum gaudium est contra ordinem totum vniuersi & omnium creaturarum. Primum est durans, permanens & perpetuum: secundum est fluens, transiens & momentaneum. Primum gaudium quod nascitur de amore Dei, potest haberi de amore Dei sine

*Duplex  
gandiū  
& eorū  
differen-  
tia*

labore, sine expensis, sine adiutorio aliorum: sed secundum gaudium quod nascitur de amore sui ipsius, non potest haberi nisi cum labore, cum expensis, cum multitudine rerum temporalium, cum damno aliorum & destructione. Primum gaudium numquam vertitur in tristitiam, sed secundum gaudium semper vertitur in tristitiam & dolorem. Primum gaudium facit hominem benignum, suauem, mitem & mansuetum; sed secundum gaudium facit hominem malignum, crudellem, pessimum. Primum gaudium multiplicat, auget, conseruat, fortificat, nutrit pacem, vnitatem, concordiam, amicitiam & omne bonum inter homines: sed secundum gaudium multiplicat omne contrarium, & seminat inter homines omne malum. Item de primo gaudio nullum potest sequi malum, nullum potest sequi scandalum: sed ex secundo gaudio non potest sequi nisi malum & scandalum. Primum gaudium excitat ad operandum omne bonum: secundum gaudium excitat ad operandum omne malum. Primum gaudium est vitale, salutiferum, laudabile, amabile, desiderabile, gloriosum, honestum, delectabile, & secundum naturam & rationem: sed secundum gaudium est mortale & mortiferum, vituperabile, odibile, vitiosum, ignominiosum, contra naturam, & rationem. Primum gaudium est causa, origo & motuum omnium bonorum operum: sed secundum est causa, origo & motuum omnium malorum operum. Primum gaudium proficit semper habenti; secundum gaudium est semper damnosum & nocet habenti. Primum gaudium est quo Deo nihil amabilius, neque placibilius: sed secundum gaudium est quo Deo nihil odibilius & displicibilius. Primum gaudium auget amorem & desiderium omnium bonorum, sed secundum gaudium auget amore omnium malorum & desiderium omnium vitiorum. Primum gaudium est conuenientissimum naturæ hominis in quantum homo est: sed secundum gaudium est disconuenientissimum & contra naturam hominis in quantum homo est. Et ideo nihil peius in homine, nihil mortalius, nihil magis damnosum. Primum gaudium illuminat & clarificat intellectum: sed secundum excorcat & obtebreat intellectum: complet cœcitatem animæ. Primum gaudium est summè præmiabile, sed secundum gaudium est summè punibile, & causa omnis punitio-

nis

nis, & propter ipsum debetur summa poena. Ecce ergo quantum malum natum est, & generatum est in corde & voluntate, quando in ea est natum & ortum tale gaudium venenosum: quanta malignitas & quanta malitia.

## TITVLVS CLX.

*Regula comparandi ista duo gaudia, ut comprehendantur omnia prædicta.*

**V**T autem omnia prædicta facilius comprehendantur, debentur ista duo gaudia comparari. Primo penes conuenientiam: secundo penes differentiam. Penes conuenientiam, quia ista duo gaudia conueniunt in nomine: quia vtrumque vocatur gaudium. Item conueniunt, quia vtrumque habet esse in voluntate. Item conueniunt, quia omnia quæ fiunt, fiunt propter gaudium, siue vnum siue aliud. Sed differentia istorum gaudiorum capitur comparando ista ad radice, vnde oriuntur scilicet ad duos amores primos, vel ad Deum, vel ad operationes & effectus, quos faciunt in natura hominis, vel ad ipsas creaturas. Et sic diuersimodè comparando poterimus videre quæ attribuuntur vni gaudio, & quæ alteri, proprietates & conditiones vtrorumque. Ergo exercita te ipsum nunc in duobus amoribus, nunc in duobus gaudiis: modò considerando vnum per se, modò comparando cum alio: & sic habebis magnam cognitionem de bono & malo hominis in quantum homo est. Considerandum tamen est, *Gaudiū est.* quòd gaudium est illud, quod super omnia petitur, quæritur, & desideratur: & omnia desiderantur propter gaudium. Et ideo ipsum gaudium statim attrahit hominem ad se, quia talis naturæ est: & ideo omnis deceptio fit ratione gaudij: & nullus decipitur nisi propter gaudium: & ideo gaudium in quantum gaudium semper attrahit & appetitur semper. Sequitur etiā quòd malum gaudium attrahit semper & appetitur, non quia malum, sed quia gaudium importat delectationē. Deinde excæcat hominem, & totum conuertit ad se, & dominatur totaliter homini. Nihil autem fortius quàm gaudium & delectatio: quia omnia vincit, omnia ad se trahit, omnia ad se conuertit, omnibus dominatur. Et ideo supra omnia fugiendum est malignum



230 *De finali fructu proprij amoris.*  
gaudium, sophisticum, fraudulentum & deceptorium,  
falsum, apparens & transitorium.

## TITVLVS CLXI.

*De finali fructu, qui nascitur post hanc vitam de amo-  
re proprio, & de suo malo gaudio. Et ostenditur quòd  
tristitia vera qua finem non habet, est finalis fructus  
proprij amoris, & sui, & proprij gaudij.*

Tit. 154 **Q**Uoniam autem iam monstratum est, quale & quā-  
Tit. 155 tum gaudium nascetur in voluntate post hanc  
vitam ex amore Dei; exinde concluditur, quòd ubi non  
est amor Dei, ibi erit priuatio illius, & talis gaudij  
erit etiam priuatio infinitorum gaudiorum. Sed non  
solum priuatio talis gaudij, sed priuatio perfecta & pu-  
ra omnis gaudij: & per consequens non erit ibi nisi pu-  
ra & simpliciter tristitia. Vnde voluntas est talis na-  
turæ, quòd in ea potest generari gaudium vel tristitia:  
quia aliquando habet quod vult, & non habet quod  
non vult: & aliquando habet quod non vult, & non ha-  
bet quod vult. Et tristitia causatur, quando aliquis  
non habet id quod vult, & quando habet id quod sum-  
mè odio habet, & non potest à se repellere. Non enim  
maior tristitia est, quàm non habere id quod vult ho-  
mo semper, & desiderat, & continuò desiderat: Neque  
enim est maior tristitia, quàm habere semper & conti-  
nuò in reipso id quod homo non vult, & quod summè  
habet odio, & non posse à se repellere, & maximè si  
illud sit in ipsa voluntate. Et quoniam anima post hanc  
vitam priuabitur omnibus quæ amabat, & nihil habe-  
bit quod amet: quia non habebit nec proprium hono-  
rem, nec laudem, nec gloriam, nec delectationem cor-  
poris, nec aliquid quod amabat: ideo priuabitur omni  
gaudio, quod habebat, dum vivebat in hoc mundo:  
& nullum aliud gaudium poterit habere. Et quia erit  
etiam priuata amore Dei, quia secum non portabit a-  
morem Dei, quia erit totaliter extra amorem Dei:  
ideo etiam nullum gaudium bonum poterit habere: &  
sic erit priuata omni gaudio tam bono quàm malo. Et  
quia anima post hanc vitam erit exuta à corpore & à  
carne: ideo tunc ipsa anima erit cognoscens se clarè,  
& videbit seipsam, & reducetur ad seipsam: quia erit  
præsens sibiipsi. Ideò cogitabit circa seipsam, & sentiet  
seipsam

seipsam, & intelliget propter quod facta erat, & quot bona habitura erat, & quantum bonum perdidit, & quare perdidit: & cognoscer, quòd ipsamet fuit in causa, quare priuata est tanto bono, & quòd ipsa fuit in culpa, & ideò sibiimet imputabit. Et cognoscer clarissimè quod in æternum perdidit, & quòd numquam rehabet: tamen vellet habere & desiderabit habere, & non poterit non desiderare, imò necessario desiderabit. Et quantò magis ipsa intelligit illud bonum, tantò magis desiderabit illud bonum. Ecce ergo summa tristitia cognoscere bonum, quod habitura erat, & quod sibi debebatur secundum naturam, & necessario velle & desiderat illud habere: quia quælibet res necessario desiderare habere bonum suum, quando cognoscit: & ultra numquam posse habere, & scire se in æternum non posse habere. Coniunge ergo ista simul, & vide quanta erit hæc tristitia, & quia anima non erit occupata nisi circa seipsam: ideò hoc continuò cogitabit, & non poterit hoc non cogitare: & ideò ista cogitatio dabit sibi perpetam & æternam tristitiam. Vtcrius quia anima tunc tota reducta ad seipsam clarè videbit seipsam: ideò videbit clarissimè voluntatem suam esse inimicam Deo, esse tortuosam, deformem, peruersam, & contra naturam suam turpissimam & inordinatissimam, & totam deuiatam, & videbit se clarè sicut est, & quia totaliter est contra Deum. Et quicquid est contrarium Deo necessario est turpissimum, peruersissimum &c. eò quia Deus est pulcherrimus, ordinatissimus, &c. Ideò anima, quæ erit contraria Deo, necessario erit per oppositum. Et quia anima clarissimè cognoscer & videbit seipsam & sine medio, & videbit se esse talem, vt est dictum: & quia totum hoc erit contra naturam suam, & non deberet habere, & hoc habebit: & etiam quia anima necessario habebit odio suum malum, suam turpitudinem, suam confusionem: quomodo enim non habebit omnia illa odio in seipsa, cum haberet ea odio in aliis rebus: ideò ex tali odio generabitur summa tristitia in anima, eò quia semper habebit odio suum malum, & vellet expellere à se: tamen in æternum non poterit: & sic in seipsa habebit in æternum illud quod summè habet odio: & sic ipsa anima erit sibiipsi causa tristitiæ summæ, & talis tristitia erit continua & æterna: quia anima semper erit præsens sibiipsi: & ita ex ipsa.

*Anima  
exuta  
clare co-  
gnoscer  
seipsam.*

orietur sibi tristitia, & ideo habebit odio seipsam sum-  
 mē, ut vellet non esse, eo quia non poterit sustinere,  
 nec tolerare seipsam propter suam turpitudinem, de-  
 formitatem & horribilitatem. Quia nulla maior tur-  
 pitude, nulla maior deformitas, nulla maior horribi-  
 litas, quam ipsius voluntatis & animæ: nihilque magis  
 odibile, nihil magis displicibile, quam sit voluntas tur-  
 pis & deformis. Et sic in ipsa erit fons & origo ac ra-  
 dix æternæ tristitiæ. Et omnia ista habebunt ortum ex  
 amore suiipsius ex eo quia anima amavit primò suam  
 voluntatem propriam, & omnia amavit secundum suam  
 voluntatem propriam, extra Deum, contra Deum, ex-  
 tra voluntatem Dei, & contra Dei voluntatem. Et sic  
 ex tali amore sequitur summum odium & summa dis-  
 placentia suiipsius: & ex tali odio sequitur summa  
 tristitia. Et loco amoris proprii generatum est odium,  
 & ipsum odium est radix & origo tristitiæ: & ipsa ani-  
 ma erit tota plena odio, & nihil erit in ipsa nisi odium.  
 Sicut autem amor Dei erit radix æterni gaudij: ita gau-  
 dium erit radix æternæ tristitiæ. Et ex odio suiipsius  
 sequitur odium Dei: quia anima vellet tunc non esse,  
 & non poterit tunc non esse: & ideo necessario habebit  
 tunc odio Deum, qui dedit sibi esse, & qui manutener  
 ipsam in esse. Et ideo vellet Deum non esse, ut ipsa  
 non esset. Et quia Deus non potest non esse: ideo erit  
 summa tristitia in anima ex hoc. Item habebit odio  
 omnem creaturam: quia vellet, quod nihil esset, nec  
 ipsa, nec aliæ res. Et quia hoc non poterit esse: si ex hoc  
 sequitur odium omnium, quæ sunt: ut sicut prius ama-  
 vit seipsam primò, & omnia alia amavit propter se, &  
 secundum se: ita postea habebit odio primò se, & om-  
 nia alia habebit odio propter se. Et sicut prius non gau-  
 debat nisi propter seipsam, secundum seipsam, &  
 de seipsa, extra Deum totaliter; ita postea omnis tri-  
 stitia orietur sibi secundum seipsam, & propter seipsam,  
 & secundum seipsam, & de seipsa. Et sicut prius nihil  
 placuit sibi nisi propter seipsam & de seipsa; ita om-  
 nia sibi displiceant propter seipsam, & ipsamet sibi  
 displiceat, sicut sibi ipsi prius complacuit. Et sicut  
 prius fuit amica suiipsius primò: ita postea sit inimica  
 suiipsius primò. Et sicut anima prius fecerat se tan-  
 quam Deum contra Deum dando sibi ipsi primò amo-  
 rem & propter se, & per consequens fecerat in seipsa  
 suam

*Summū  
odium.*

*Damna-  
ti odient  
Deum.*

*Odent  
omnem  
creatu-  
ram.*

*Odent  
seipsos.*



suum principium, suum fundamentum, & suum caput ponendo se loco Dei, faciendo se rem primò amatam. Et ideò sicut Deus, si fuisset res primò amata, esset fons & origo omnium gaudiorum ipsi animæ: ita per oppositum ipsamet sibi ipsi fit principium, fons & origo omnium tristitiarum. Et quia anima tunc non quiescet, nec poterit cessare à cogitatione: sed semper erit in continua cogitatione, semper erit in actu sicut ignis, & semper continuo intellectus operabitur, & memoria, & voluntas, & subito: ideo tunc anima cogitabit omnes operationes suas, quas fecit: omnia venient ad memoriam, & videbit: eò quod portabit secum similitudines omnium suorum operum in seipsa. Et quia omnia opera sua fuerunt contra Deum, extra Deum, contra naturam, contra rationem, contra veritatem, contra ordinationem rectam: ideo erant inordinata, turpia, deformia, horribilissima de natura sua & odibilissima, falsissima, contra seipsam, contra suam propriam naturam. Et ipsa anima necessariò habebit odio omnia illa opera, & cognoscat turpitudinem & deformitatem & horribilitatem & confusionem illorum operum: & quantò magis cognoscat, tantò magis habebit odio, & tamen semper erunt sibi præsentia in memoria in æternum & in æternum non delebuntur de memoria, sed semper viuent in memoria. Si tamen ipsa anima ea videre, nec cogitare vellet, neque recordari: sed semper vellet obliuisci, & non poterit. Et sic erit in anima continua tristitia & summa: quia continuo habebit in se, & videbit in se, quod summè habet odio, quod nollet videre: continuo recordabitur de illis, de quibus nollet. Et sic omnes suæ cogitationes, omnes sui actus, omnis memoria, omnis cogitatio, omnis visio, omnis recordatio, omne velle suum, omne suum nolle, omne desiderium, & quicquid in anima potest esse erunt summè aspera, & summè amara ipsi animæ, & summè contraria, & erunt in continuum tormentum & æternam tristitiam, & pœnam ipsius animæ sine fine: eò quia anima semper viuet, semper erit, semper durabit, & in æternum nullam sentiet, neque percipiet dulcedinem, neque suauitatem: quia continuo erit in tristitia & odio per puram amaritudinem & asperitatem contra naturam suam, quæ semper appetit dulcedinem & suauitatem & gaudium & delectationem. Et sic possumus

*Anima  
cogita-  
bit: õnes  
operatio-  
nes suas.*

*Anima  
cognoscat  
turpitu-  
dinem  
suorum  
operum.*

concludere quòd anima dum viuit extra Deum & contra Deum, & amat contra Deum, & facit sua opera contra Deum: ipsa semper multiplicat & congregat, acquirit & thesaurizat omnia illa, vnde sibi oritur postea æterna miseria & tristitia: & ita ipsamet anima facit sibi ipsi suam pœnam, suam tristitiam & suum tormentum. Quanta autem pœna est, quantus dolor, quantum tormentum habere talem tristitiam continuam intra seipsam, cum omnia sunt propinquissima ipsi animæ: Quod ipsamet est sibi præsentissima, & omnia opera sua, & omnes cogitationes suæ. Non est intellectus, non est memoria, non est cor hominis, quod possit hoc cogitare, cum tota tristitia illa sit intellectualis & spiritualis: & ideo excedit omnem tristitiam corporalem sine comparatione. Et sic manifestissime declaratum est, quòd tristitia pura, quæ finem non habet, est finalis fructus, qui nascitur ex amore proprio & propriæ voluntatis: & hæc est mora æterna.

## TITVLVS CLXII.

*Quod ista tristitia futura nunc occultissima potest videri in clara experientia.*

**I**sta autem tristitia, ista pœna, istud tormentum, iste dolor potest manifestari in vera experientia multis modis & experienciis manifestissimis. Primò sic. *Prima experientia.* Nam per experientiam videmus, quòd quando aliquis poterat habere aliquod bonum magnum sibi convenientissimum, per quod esset ditatus, & exaltatus per totam vitam suam, vt verbi gratia, imperatum, ducatum, cardinalatum, seu episcopatum, vel aliquod huiusmodi siue officium, siue beneficium, & maxime in terra & in loco proprio: & si iste perdat tale & tam magnum bonum per culpam suam: & alius habeat, & ipsemet sit in causa & non alius: nonne toties quoties cogitat se perdidisse tantum bonum per suam culpam videndo quod nullus alius habuisset, esset in magna tristitia: ita quod sola cogitatio daret sibi magnam tristitiam in corde suo secreto: & quanto magis cognosceret hoc bonum esse maius, tantò magis doleret? Et tamen tota tristitia oriretur ex hoc: quia sua culpa perdidit. Sic ergo iste haberet in se continuam causam



causam tristitiæ. Ad propositum. sic erit de anima: quia *Anima*  
 cogitabit videlicet, & cognosceret clarissimè se perdidisse *cognosces*  
 per suam culpam propriam infinitum bonum, infinitum *se perdi-*  
 gaudium & æternum, quod nunquam in æternum habe- *disse in-*  
 bit? & tamen alij habent: nonne ipsa in æternum ista co- *fnitum*  
 gitando contristabitur? Et quia hoc incessanter cogita- *bonum.*  
 bit, incessanter tristabitur, & talem cogitationem per- *Secunda*  
 dere non poterit. Secundò poterit ista manifestari tri- *experie-*  
 stitia ex parte turpitudinis & deformitatis ipsius animæ *ria.*  
 & suorum operum. Quoniam quilibet quantuncunque  
 malus abhorret & habet odio turpitudinem & defor-  
 mitatem in omnibus rebus suis: quia in omnibus, quæ  
 habet, diligit atque affectat pulchritudinem & amœ-  
 nitatem. Et quantò magis illæ res sunt sibi magis po-  
 pinquæ & intrinsecæ & magis charæ, tantò magis abhor-  
 ret, & habet odio turpitudinem & deformitatem: &  
 magis amat in eis pulchritudinem; quia abhorret tur-  
 pitudinem & deformitatem in domo sua magis quàm  
 in horto, & magis in vestibus quàm in domo, in per-  
 sona propria quam aliena: & sic de aliis multis simi-  
 libus. Sic ergo anima amat naturaliter pulchritudinem,  
 munditiam & amœnitatem: & habet odio turpitudi-  
 nem, immunditiam, obscuritatem & deformitatem. Et  
 quanto maior est turpitudine & deformitas maior, tantò  
 magis abhorret: & quantò magis est in nobiliori re &  
 digniori sibi propinqua: ita quòd homo non possit  
 pati aliquam turpitudinem in rebus suis. Ad propo-  
 situm. Cum anima, quæ est contraria Deo, sit turpissi-  
 ma, deformatissima & inordinatissima, eo quòd Deus  
 est pulcherrimus & ordinatissimus: si ergo anima  
 videat in seipsa tantam turpitudinem & deformitatem,  
 necessariò abhorrebit, & odio habebit illam, nec po-  
 terit amare, neque pati. Et quia continuò videbit se-  
 ipsam; continuò contristabitur, & tantò magis, quan-  
 tò habebit magis odio illam turpitudinem & defor-  
 mitatem. Si enim Deus est summè delectabilis & ama- *Damna-*  
 bilis & summum gaudium de sua natura: necesse est, *tus odio*  
 quod quicquid est contra Deum, sit summè tristabilis, *habebis*  
 summè odibile, & det tristitiam de natura sua. Ergo *turpitu-*  
 necessariò ipsa anima, quæ est contra Deum & contra- *dinem*  
 ria Deo, erit valde tristabilis & odibilis, & dabit tri- *peccati.*  
 stitiam sibi ipsi, cum seipsam viderit. Et si omnia, quæ  
 sunt facta secundum rationem, secundum ordinem, se-  
 cundum



*Nota.**Tertia  
experien-  
tia.**Damna-  
tus sen-  
tiet suū  
malum  
in aeter-  
num.*

cundum mensuram, secundum regulam & secundum Deum sunt pulcherrima & delectabilia & amabilia ex natura sua: necesse est, quod omnia, quæ facta sunt contra rationem, contra ordinem, contra regulam & contra Deum, sint turpissima, deformatissima, tristabilissima, & odibilissima de natura sua. Ergo cum ipsa anima portet in seipsa tanquam in libro viuo omnia opera turpia, deformia, quæ fecit contra rationem, contra ordinem, contra regulam, contra Deum, sint turpissima, deformatissima, necesse est, quod odio habeat ea & abhorreat, nec poterit ea amare, immo necesse est quod sibi displiceant sine mensura. Non tamen sibi displicebunt, quia sunt contra Deum; sed quia de natura sua sunt odibilia & deformatoria: & quia sunt contra suam propriam naturam & propriam rationem. Et sic cum anima non posset currere, nec ambulare nisi secundum duas vias scilicet, per viam amoris Dei; vel per viam amoris proprij: nam semper multiplicat & auct sibi causam suæ tristitiæ vel sui gaudij: si ambulat per viam amoris propriæ voluntatis: tunc ambulat extra Deum, vel contra Deum, & sic multiplicat & auct malum suum. Et totum apparebit dum separabitur à corpore, & à carne. Item tertio potest manifestari tristitia animæ: quia ipsa anima sentit in corpore dolorem & infirmitatem & vulnera & malæ corporis & læsionem: & statim sentit quicquid est contra corpus, & quicquid non conuenit corpori, aut quicquid est in corpore superfluum, vt patet in capite, in oculo, in auribus, & stomacho & in aliis membris: ita quod non potest sustinere, aut pati talia in corpore. Ergo multo magis anima quando sentit in seipsa vulnera sua, aut suam infirmitatem, aut aliud malum quodcunque, aut quicquid fuerit in ea superfluum, & contra naturam suam dolebit & tristabitur sine comparatione eò amplius de quanto erit sibi propinquius. Ergo cum anima portet secum totum suum malum, dum separabitur à corpore necesse est, quod sentiat illud in æternum & doleat. Vnde tunc anima vulneratur, & læditur, quando voluntas inclinatur voluntariè per consensum contra Deum, contra ordinem, contra regulam & mensuram, contra Deum, & contra seipsam: & talis inclinatio est suum malum, suum vulnus, sua læsio, & sua infirmitas, sua turpitudine, sua deformitas, & sua obliquitas,

tas, sua tortuositas, sua malignitas, suus casus, sua peruerfitas, sua iniustitia, sua inordinatio, suum opprobrium, suum vituperium, suum vitium, sua deuiatio. Et ideo tot, quot habet inclinationes tales, & toties quoties inclinatur contra Deum, tot acquirit vulnera in seipsa, & toties ipsa vulnerat seipsam. Et ideo anima quando separatur à carne; sic vulnerata, sic læsa, sic inclinata contra Deum, contra rationem, contra ordinem rectum, contra seipsam, sic obliqua, sic turpis, sic deformis, sic deuiata sic inordinata, sic irregularata, sic maculata & confusa: necessario sentiet ista vulnera, & necessario tristabitur & maxime: quia in æternum remanebit talis, quia ista vulnera semper remanebunt in voluntate. Et ipsa anima tunc cognoscat per intellectum suum, quod hoc est totum contra rationem, contra veritatem, & quod totum deberet esse per oppositum. Et ideo tristabitur in æternum: & quanto magis cognoscat; tanto magis tristabitur: & magis ex hoc tristabitur, quia cognoscat, quod ipsamet ex sua propria voluntate & libertate, nullo cogente eam, fecit seipsam talem. Sic igitur declarata est tristitia futura, occultissima & æterna per rationes & exempla sensibilia, quam anima patietur sine fine de seipsa, & per seipsam & in seipsa: quam tristitiam ipsamet fecit, causauit, radicauit, plantauit, egit, perfecit, & fundauit in seipsa, dum erat coniuncta corpori, & in carne super terram.

Concludit.

### TITVLVS CLXIII.

*Quod non solum patietur anima æternam tristitiam à seipsa intrinsecus; sed etiam à pœna sibi debita, & à Deo inflicta per vindictam, & iustitiam exterius.*

**E**T quoniam anima, quæ primò amauit suam propriam voluntatem, fecit maximam iniuriam, maximam offensam, maximum vituperium & maximum dedecus Deo Creatori suo: quoniam Deus dedit esse: ergo primo debet amari solum, quia ei primo debetur prærogatiua primitatis, vt probatum est: & ipsa anima remouit à Deo istam dignitatem, & dedit sibiipsi & suæ voluntati iniustissimè: & hoc nullo modo fieri debet. Et sic dupliciter facit contra Deum. s. in quantum dans Tit. 133. recipiens

**Tit. 139.** recipiens primitatem amoris : & per consequens fuit ibi maxima iniuria sui Creatoris & contemptus, qui solus est dignus amari primò. Et sic Deus Creator est vilissime contemptus, & per consequens est iniuriatus & offensus sine mēfura ab ipsa anima; & maximè quia se posuit loco Dei, & per consequens fecit se ipsam Deum quantum in ea fuit : & omnia, quæ Deo debebantur de iure, sibi met tribuit; & aliis tribuere voluit, & à Deo remouit : quia ab ipso remouit priuilegium propriæ voluntatis, quod soli Deo debetur, & conuenit singularissimè; & etiam honorem, laudem & gloriam, quæ soli Deo primò debebantur, ab ipso abstulit, & sibi propriè dedit, & semper quæsiuit, amauit proprium honorem & propriam laudem, & non Dei : & voluit quòd illi, qui debebant dare Deo laudem, darent sibi, & laborarent pro laude & honore suo, & non Dei : & sic ipsa in hoc fecit se inimicam capitalem Dei : & contempsit, & iniuriauit & offendit infinitum Deum Creatorem suum, volendo suam laudem propriam, & destruendo honorem & laudem Dei : & non solum hoc, sed ipsa delectata est, & gaudium habuit in propria & singulari laude, & in proprio honore, & in illis, quæ sunt contra Deum. Et hæc est maior iniuria habere gaudium, lætitiā, delectationem contra Deum : habere placitum & complacentiam contra Deū, & complacere sibi ipsi contra Deum. Et non solum hoc, sed ipsa anima, quæ primò amauit suam propriam voluntatem, commisit contra Creatorem suum summam ingratitudinem : quia non cognouit summa beneficia & innumerabilia recepta, quæ sibi Deus contulit incessanter gratis ex sua sola & ineffabili bonitate, sine suis meritis : propter quæ ipsa anima erat perpetuò obligata Deo totaliter ad ipsum amandum primò, totaliter super omnia ad Deo seruiendum. Et tamen ipsa nullo modo seruiuit Deo, nec amauit Deum, neque soluit Deo debitum obligationis : sed seruiuit sibi ipsi, & suam propriam voluntatem fecit, & non Dei contemnendo Deū & eius voluntatem, ac eius amorem. Et non obstantibus istis, Deum contemnendo, iniuriando, offendendo, & summam ingratitudinem committendo, ipsa anima continuò vsa est beneficiis & donis Creatoris sui, recipiendo continuò beneficia & seruitia, ab eis augmentando semper ingratitudinem. Quia ergo anima contempsit



contempsit atque iniuriauit & offendit omnipotentem Deū,  
 & contempsit ac iniuriauit Deum Creatorem, suum  
 summè bonum, summè benignum, summè liberalem,  
 summè largum. & contra ipsum ingratitudinem fecit  
 infinitam: quia etiam ipsa existens sua creatura & opus  
 manuum suarum, iniuriauit ac contempsit suum facto-  
 rem & opificem, & habuit contrariam voluntatem  
 contra eum, & ipsum impugnauit totis viribus suis, &  
 toto corde suo, & se supra Creatorem suum erexit, &  
 Deum Creatorem suum inferius depressit, & eum pro  
 nihilo reputauit, quantum in ea fuit, & Dei volunta-  
 tem annihilauit, ac omnia propter seipsam amauit, &  
 omnia ad suam voluntatem propriam tanquam ad fi-  
 nem vltimum ordinauit, & ad se tanquam si ad Deum  
 ordinata fuissent, ordinauit: quia Deum & omnes  
 creaturas quantum potuit, ad seipsam ordinauit: & hoc  
 contra Dei voluntatem: & quia etiam ipsa anima por-  
 tabat imaginem sui Creatoris pulcherrimam & nobilif-  
 simam, deturpauit, deformauit & denigrauit eam,  
 & fecit eam turpissimam, summè deformem, summè  
 horribilem ad iniuriam, contemptum & offensam Dei  
 sui Creatoris: & ideo meruit iram & indignationem  
 sui Creatoris, & vt de ipsa fiat summa iustitia & vin-  
 dicta. Et quia à creatura contemnendo suum Creato- *De dā-*  
 rem, & conuertendo omnia beneficia in ingrati- *natis fuit*  
 nem fit summa iniuria, summa offensa, summa ingrati- *summa*  
 tudo, summa nequitia, & certè summa stultitia: eò *vindi-*  
 quia est tanta iniuria & offensa, quantus est ille, qui *cta.*  
 offensus est: & tanta est ingratitudo, quanta sunt be-  
 neficia recepta, & quanta est liberalitas & largitas  
 tribuentis: idcirco ipsa anima lucrata est & meruit  
 infinitam pœnam & punitionem: & toties lucrata est  
 infinitam pœnam, quoties multiplicauit contemptum  
 Dei, & iniuriam & offensam Dei. Si enim ordinatum  
 est, quòd qui facit crimen læsæ maiestatis, capite suo  
 truncatur: quæ tunc debet esse pœna animæ contem-  
 nentis Deum omnipotentem & summam maiestatem?  
 Et quis poterit excogitare punitionem ei debitam? Et *Totalis*  
 quia anima totaliter, dum separatur à corpore, est ini- *indigna-*  
 mica capitalis Dei, & est contra suam omnipotentiam & *tio Dei*  
 iniustitiam: ideo necesse est, quòd ira Dei, vindicta & *enit con-*  
 indignatio veniant totaliter contra eam tanquam con- *tra dā-*  
 tra inimicam suam formatam, & quòd iustitia Dei *natos.*  
 æternaliter

æternaliter puniat eam, & exerceat suam vindictam contra eam. Vnde quia conceptus, iniuria & offensa est facta contra Deum, qui est iustitia: ideo necesse erit, quòd ipsamet iustitia iniuriata, & offensa & contempta vindicet suum contemptum, suam iniuriam & suam offensam. Et quia est omnipotens, poterit: & quia est sapientissimus, sciet utique facere suam vindictam. Si ergo ipse contemptus Dei, & gaudium siue delectatio contra Deum est formata inimicitia ipsius animæ quæ necessariò, cum omnia sint coniuncta cum amore propriæ voluntatis, concludunt necessario pœnam & punitionem infligendam animæ exterius per vindictam iustitiæ: Quia ergo anima non potest primò amare suam propriam voluntatem, nec deuiare, nec facere malum nisi contemnendo, iniuriando & offendendo Deum, & gaudendo & delectando contra ipsum, & infinitam ingratitudinem committendo: ideo ultra malum & tristitiam perpetuam, quam ipsamet facit sibiipsi, & in quam cadit per seipsam, incurrit aliam pœnam & aliam tristitiam per iustitiam: quia incurrit indignationem Dei & iram eius perpetuam ac inimicitiam propter contemptum & iniuriam.

## TITVLVS CLXIV.

*De loco & instrumento punitionis perpetuæ: & ostenditur quòd locus debet esse infimus omnium, in quo debent proici faces totius mundi, & quòd ignis æternus comburens & non consumens, nec lucens erit instrumentum ad puniendum.*

*Damna-  
ti summe  
contem-  
nentur.  
Et ab  
omnibus  
creatu-  
ris con-  
temnen-  
tur.* **E**T quia necesse est quòd punitio ipsius animæ fiat in aliquo loco, & cum aliquo instrumento: ideo oportet inquirere in quo loco anima æternaliter collocetur & puniatur, & per quod instrumentum fiat vindicta punitionis æternæ. Est quia causa & origo punitio- nis per vindictam iustitiæ est ipse contemptus Dei, & gaudium siue delectatio contra Deum: ideo necesse erit quòd punitio correspondeat ipsi contemptui Dei & gaudio siue delectationi: ideo necesse erit, quòd quia anima contempsit Deum, quòd etiam ipsa summe contemnatur: & quia contempsit Creatorem creaturarum omnium: necesse est, quòd ipsa contemnatur ab omnibus creaturis. Et ideo erit necesse, quòd ipsa pro-  
iciatur

iiciatur in locum infimum & maximè longinquum à  
 cœlo : & hoc erit in medium terræ, in quo erit infer-  
 nus profundissimus. Et vt perfectissimè contemnatur,  
 necesse erit, quòd fœces omnium rerum corporaliū  
 ibidem proiciantur, in quibus ipsa anima totaliter de-  
 figatur : vt ipsa, quæ spiritualis est, in ipsis fœcibus  
 rerum corporaliū immergatur, & contra suam vo-  
 luntatem & appetitum naturalem, vt sic ab infima na-  
 tura patiatur. Et ideo necesse erit, quòd omnes crea-  
 turæ à suis fœcibus purgentur, & omnes fœces in di-  
 cto loco ponantur. Et quoniam delectatiō debet pu-  
 niri per oppositum, scilicet, per tristitiam contrariam  
 & afflictionem : & quia ignis inter omnes creaturas est  
 magis afflictiuus : ideo necesse erit, quòd ipsa maligna  
 delectatio per ignem puniatur corporalem, qui com-  
 burat & non consumat, nec interimat, & nunquam  
 in æternum extinguatur, nec mutetur, nec crescat, nec  
 diminuatur : vt scilicet, ipsa anima sit inseparabiliter  
 alligata igni corporali contra suam voluntatem. Sicut  
 enim anima quamuis sit spiritualis potuit delectari &  
 complacere in rebus corporalibus inordinatè contra  
 Deum & rationem ; ita etiam poterit tristari & puniri  
 ac affligi in eis per iustitiam. Et ita ipsa diuina iustitia  
 poterit facere talem ignem perpetuum, in quo ipsa ani-  
 ma æternaliter puniatur. Vnde sicut anima potuit alli-  
 gari corpori per Dei voluntatem & ordinationem, vt  
 homo fieret ; ita poterit alligari igni corporali insepa-  
 rabiliter ad suam iustitiam exercendam, non vt anima  
 influat vitam igni corporali ; sed vt recipiat pœnam  
 in eo. Sicut enim Deus potuit animam coniungere cor-  
 pori, & sibi dare inclinationem & appetitum, vt a-  
 marer corpus, & appeteret illud naturaliter, & incli-  
 naretur ad illud, & sentiret in illo ad perfectionem  
 naturæ : ita poterit ipsam alligare igni corporali, &  
 dare inclinationem sibi & appetitum contra illum, &  
 immittere timorem & errorem : vt sit alligata contra  
 suam voluntatem, vt sentiat ipsum ignem ad comple-  
 mentum iustitiæ suæ. Quando ergo anima sit punien-  
 da & alliganda per iustitiam exterius, & hoc debet fieri  
 per naturam corporalem : & cum aliqua res corporalis  
 non sit tantum actiua, tantum afflictiua sicut ignis :  
 conuenientissimum est, vt anima puniatur æternaliter  
 in igne, qui concremet, urat & non consumat, nec interi-

*Ad fœces  
 omnium  
 rerum  
 proiciē-  
 tar.*

*In igne  
 punien-  
 tur.*

*Quod  
 anima  
 parietur  
 ab igne  
 corpo-  
 rali.*



## 242 De finali fructu proprii amoris.

mat, neque luceat. Quia enim omnis poena omnis & punitio fit ratione tristitiae: ut ubi nulla est tristitia, nulla fit & poena: & omnis tristitia nihil aliud est, quam facere contra voluntatem: ideo erit necesse, quod omnis punitio fiat per illa, per quae maior fit tristitia: & per illum modum, per quem maior poterit fieri tristitia. Et ideo necesse erit, quod fiat per illa quae magis erunt contra voluntatem, & etiam quod ipse ignis aeternus affligens sit concremans & vrens, sed non consumens, & nullo modo lucens, ut sic maiorem tristitiam inferat, & magis sit contra voluntatem.

### T I T V L V S C L X V.

*Ut maior fiat declaratio, hic ponitur fundamentum, quare poterit homo puniri, & quare debet puniri, & qualiter debeat puniri.*

*Quare  
homo po-  
test pu-  
niri.*

*Primò*

*Secundò*

*Tertiò*

**V**T autem tota cognitio puniendi facilius videatur: tria sunt videnda fundamenta, in quibus consistit tota rectitudo punitiois. Primum fundamentum est scire, quare poterit homo puniri. Vnde nulla res potest puniri, nisi habeat voluntatem: quia aliqua res potest ideo puniri, quia potest fieri aliquid contra suam voluntatem. Si autem nihil potest puniri: & quia homo habet voluntatem, & potest fieri contra voluntatem alicuius: tunc illa res non potest fieri aliquid contra suam voluntatem: ideo homo potest puniri. Ex exinde sequitur, quod potest pati tristitiam: quia potest aliquid fieri contra suam voluntatem. Et quia voluntas hominis est immortalis & perpetua: ideo homo potest puniri perpetuo, & potest pati perpetuam tristitiam: quia perpetuo potest aliquid fieri contra suam voluntatem. Et exinde sequitur, quod Deus non potest puniri, nec pati tristitiam: quia nihil potest fieri contra eius voluntatem: quia ipso volente aut permitte, omnia fiunt. Et etiam quia Deus semper vult suum honorem, & bonum suum: ideo omnia reducit ad suum honorem & suum bonum: & nullus potest facere contra istam voluntatem, quin impleatur. Sic ergo habemus fundamentum, quare anima potest puniri & pati tristitiam. Et exinde sequitur, quod quanto voluntas est maior & fortior & altior: tanto est magis susceptiva punitiois & tristitiae, intensiue & extensiue.

tenſiue. Ideò ſi voluntas eſſet infinita, & aliquid poſſet fieri contra eius voluntatem: tunc eius voluntas poſſet pati triſtitiam infinitam. Secundum autem fundamentum, quare homo poſſet puniri, & ſit dignus punitione, eſt: quia poſſet facere contra voluntatem Dei. Et ſi non faceret contra voluntatem Dei, nunquam deberet puniri. Quoniam etiam homo faciens contra voluntatem Dei, quantum in eo eſt, facit Deo infinitam triſtitiam quia voluntas Dei eſt infinita: ideò iuſtum eſt, quòd Deus facit contra hominis voluntatem. Similiter homo eſt dignus recipere infinitam triſtitiam, quia Deo fecit infinitam triſtitiam, quantum in eo fuit. Et quia non poſſet in ſe intenſiue recipere infinitam triſtitiam ſimul; ideò ſucceſſiue ſine fine recipit. Et etiam quia homo fecit contra Dei voluntatem perpetuò, quia ſemper manſit in eadem voluntate contra Dei voluntatem; ideò conueniens eſt, quòd Deus faciat perpetuò contra hominis voluntatem. Et exinde ſequitur, quòd qui facit magis contra Dei voluntatem, debet magis puniri, & magis pati triſtitiam, & magis Deus debet facere contra eius voluntatem. Tertium fundamentum, qualiter homo debet puniri. Vnde quia voluntas non punitur, niſi quia paritur triſtitiam: ideò punire animam eſt dare triſtitiam ſibi: ideò practica & ars puniendi ſumetur ab ipſa triſtitia. ſcil. ſcire illa adminiſtrare, quæ dant triſtitiam. Et ideò perfectiſſimè punire eſt completiſſimè adminiſtrare illa, quæ completiſſimè dabunt triſtitiam: quamuis enim omnia, quæ ſunt contra voluntatem, dent triſtitiam, atq̃amen ſecundum maius & minus ſunt contra voluntatem. Et quia ipſa voluntas mala & inordinata primò appetit honorem, laudem & excellentiam: ideò dare ſibi contrarium, ſcilicet, vituperium, confuſionem, contemptum & opprobrium ſempiternum eſt maximè contra voluntatem, & ſemper dat ei maximam triſtitiam. Et ideò cum anima, quæ eſt natura ſpiritualis & excellens, ſit cum re corporali infinita ligata, & patiatur ab ipſa re continuò, eſt contra honorem ipſius animæ. Ideò eſt maxima pœna ei, quòd ſit ligata cum igne corporali, & magis eſt contra voluntatem, quòd ipſa voluntas contra ſuam naturam cremetur & vratur in igne, quàm ſi corpus vreretur. Et quia etiam anima mala & inordinata voluit delectationes corporales, & voluit dele-

*Quare  
homo ſit  
dignus  
punitione.*

*Primò.*

*Qualiter  
homo de-  
bet puniri.*

*Recapi-  
tulat &  
ad oppo-  
ſitum ſe-  
confert.*

## 244 *De finali fructu proprii amoris.*

Etari corporaliter : ideo debet sibi dari punitio corporalis , scilicet quod sentiat dolorem in re corporali . s. in igne : & hoc est dare sibi maximam tristitiam . Et sic habemus tria fundamenta , in quibus consistit notitia tribulationis & remunerationis , scilicet , quare potest homo remunerari , & quare debet homo remunerari , & qualiter debet remunerari . Vnde ideo est homo aptus , ut possit remunerari , quia habet voluntatem , & quia potest fieri aliquid secundum eius voluntatem , & ad eius voluntatem , & exinde potest habere gaudium & lætitiā . Ideo ea , quæ non habent voluntatem , non sunt apta ad hoc , ut possint remunerari : quia non habent in quo . Et secundum quod maiorem & minorem habent voluntatem , magis vel minus possunt remunerari : quia ubi maior voluntas , ibi maior aptitudo & capacitas ad remunerandum . Sed quare homo debet remunerari , causa est : quia facit Dei voluntatem , & sic quantum in eo est , dat & facit Deo gaudium infinitum . Et ideo dignus est , quod Deus det sibi econtra gaudium infinitum in duratione : quia homo non potest capere infinitum gaudium intensivè : ideoque si capere non potest hoc modo , successivè extensivè capiat . Et quia homo semper fecit Dei voluntatem , & fecit ei semper gaudium : ideo dignum & iustum est , quod Deus etiam faciat semper ipsius hominis sic facientis voluntatem , & per consequens ut habeat perpetuum & sempiternum gaudium . Sed qualiter homo debeat remunerari , fundamentum capietur ex gaudio & lætitiā : quia remunerare hominem est facere secundum eius voluntatem : & hoc est dare sibi gaudium . Et sic remunerare hominem non est aliud , quam dare sibi gaudium , & completissimè remunerare est dare illa quæ completissimè dant gaudium : & illa , quæ magis sunt propinqua voluntati , & magis sunt secundum naturam voluntatis , magis dant gaudium . Ideo quia amat Deum , non vult nisi amorem bonum primò est ordo in dando gaudium : & quia voluntas primò & principaliter : quia amor bonus est secundum naturam voluntatis bonæ & ordinatæ : & ideo necesse est , quod detur amor ei & augmentetur amor eius , & compleatur . Ideo Deus complebit ipsi voluntati ipsum amorem : quia hoc vult ipsa voluntas ordinata completissimè amare Deum : & tunc dabit ei plenum gaudium , & deinde complebit voluntatem in visione : quia



hoc vult voluntas, & Deus facit ad eius voluntatem, postquam ipsa fecit ad Dei voluntatem.

T I T V L V S C L X V I.

*Hic ostenditur quæ sit voluntas Dei.*

**S**ed quæ sit voluntas Dei, hoc manifestant nobis creaturæ & ordo creaturarum: quia quicquid significant nobis creaturæ, & dicunt nobis: totum est secundum voluntatem Dei, & hoc vult Deus, hoc dicit Deus: quia omnes creaturæ sunt ordinatæ secundum voluntatem Dei. Ideò quando creaturæ dicunt, vel significant nobis aliquid, hoc est secundum voluntatem suam: quia nil est in creaturis ordinatum contra Dei voluntatem. Et quia quicquid conclusum est in hoc libro, totum extractum est ab ipsis creaturis & ab ordine & comparisonem creaturarum. Ideò quicquid conclusum est in hoc libro, est secundum Dei voluntatem. Ergo qui facit contra scripta in hoc libro, facit contra Dei voluntatem. Et qui facit ea, quæ hic scripta sunt, facit Dei voluntatem.

*Dam-  
ni reci-  
pient cor-  
pus con-  
tra suam  
volunta-  
tem.*

T I T V L V S C L X V I I.

*Quod ab ipsa tristitia ostenditur: quod anima, quæ erit æternaliter punienda, recuperabit corpus proprium in illo statu, in quo erit magis tristabile, & odibile, & contra voluntatem animæ.*

**E**T quia tota punitio animæ est tristitia, & nihil punit eam, nisi id, quod dat ei tristitiam: & nihil dat ei tristitiam, nisi sit contra eius voluntatem: ideò necesse est, quod anima recuperet suum corpus contra eius voluntatem, & in illa forma & in illo statu, in quo magis erit contra eius voluntatem, & per consequens in quo maiorem inferat tristitiam animæ: ut sicut vsa est suo corpore proprio, & fecit in corpore contra Dei voluntatem; ita habeat corpus contra suam voluntatem. Et sicut homo fecit contra Dei voluntatem, ita Deus faciet contra hominis voluntatem: & sic totus homo punietur, & non tantum anima, quæ est pars hominis. Et quia magis erit contra voluntatem animæ corpus si sit passibile, quam impassibile: ideò recuperabit ipsum passibile. Et etiam quia magis erit contra

*Accipiet  
corpus  
immor-  
tale &  
passibile  
& tene-  
brosum.*

## 246 *De finali fructu proprii amoris.*

animæ voluntatem si sit passibile, & tamen immortale, quàm si esset mortale: ideo recuperabit ipsum immortale. Et quia magis erit contra voluntatem, si sit tenebrosum, quàm si esset lucidum: ideo recuperabit ipsum tenebrosum. Quia etiã erit magis contra eius voluntatem, si sit ponderosum quàm si esset leue; ideo recuperabit ipsum ponderosum. Et vt omnia concludantur, erit tale, quale magis erit contra voluntatem ipsius animæ. Recuperabit ergo ipsum immortale, passibile, tenebrosum, ponderosum, grauissimum, obscurissimum & deformissimum. Et omnia concluduntur ex parte tristitiæ.

## T I T V L V S C L X V I I I.

*De magnitudine & multiplicatione tristitiæ post hanc vitam.*

**Q**Uoniam anima, quæ primò amauit suam voluntatem, & suum proprium honorem: & suam propriam laudem, & fecit contra voluntatem Dei: & etiã destruxit eam, quantum in ea fuit: & etiã annihilauit Deum & suum honorem, & sic fecit se inimicam Deo: sequitur etiã, quòd in hoc contempsit omnes creaturas, & omnes eas iniuriavit, & inimicam omnium earum se constituit, postquam Creatoris omnium inimica semper fuit, & abusa est omnibus creaturis: & eis maximam iniuriam fecit, quia eas ad honorem Dei factas supra Deum amauit: & in iniuriam Dei conuertit. Et ideo necesse est, quòd omnis creatura vindicet iniuriam sui Creatoris; & propriam contra ipsam animam, quæ tota fuit dedita iniuriæ Creatoris omnium, cum ipsa esset creatura. Et ideo necesse erit, quòd omnis creatura sit contra voluntatem ipsius animæ, & in tristitiam eius: vt nullum gaudium, nullam lætitiã, nullam consolationem recipiat ab aliqua creatura, neque in seipsa: quia creatura est. Et sic Creator & omnis creatura & ipsamet anima & sua propria natura, quàm ipsamet iniuriavit & contempsit: omnia erunt contra animam & in tristitiam animæ: & non solum Creator & omnis creatura, sed etiã malum, quòd fecit, turpitudine & deformitas, erunt contra eam & in tristitiam eius. Et sic omne malum & omne bonum erunt contra eam. Et quicquid est, erit in tristitiam animæ: &  
ab omni

ab omnibus debet pati: ut nec in bono, nec in malo consoletur, neque gaudeat, nec lætetur: nec etiam in malis aliorum ipsa consoletur, nec solamen sit ei miseria aliorum, sed omnia sint in augmentum suæ tristitiæ: & sic in omnibus tristetur, & in nullis consoletur in æternum. Et sic ipse Creator & omnis creatura & omne malum tam culpæ quàm pœnæ, & omne gaudium aliorum, & malum aliorum, omnia sint in tristitiam animæ, quæ primò amavit suam propriam voluntatem, non Deum. Sed per oppositum & ipse Creator & omnis creatura & omne bonum, & omne malum tam culpæ quàm pœnæ, & gaudium aliorum, & malum aliorum: & omnia erunt in gaudium animæ, quæ primò amavit Deum: & nil potest ei dare tristitiam. Et sic apparet magnitudo & multitudo tristitiæ, & etiam longitudo & duratio, quæ generabitur in anima ex amore proprio & priuato. Et sic tradita est vera & infallibilis certitudo de duobus finalibus fructibus, qui sequuntur ex duobus primis amoribus.

T I T V L V S C L X I X.

*Quod ex istis duobus amoribus concluditur infallibiliter  
duas esse ciuitates perpetuas omnibus modis  
contrarias & inimicas.*

**S**icut autem purissimum gaudium & purissima tristitia totaliter abinuicem separantur & elongantur; ita oportet esse duas ciuitates & duo habitacula & duo loca, quæ abinuicem separantur & elongantur localiter, tanta elongatione, tanta distantia, qua non possit esse maior: quarum vna sit ciuitas gaudij, alia sit ciuitas tristitiæ: vna amoris, alia odij: vna vitæ æternæ, alia mortis æternæ: vna ad præmiandum, alia ad puniendum & vindicandum: vna in qua recipiantur amici Dei, alia in qua recipiantur inimici Dei: vna bonorum, alia malorum: vna in qua sit purus amor, alia in qua sit purum odium: vna in qua sit palatium Dei, alia in qua sint carceres & tormenta: vna in qua sit purum bonum, alia in qua sit purum malum: vna in qua sit pura pax, alia in qua sit pura discordia: vna ordinatissima, alia inordinatissima: vna in qua sit omne bonum, alia in qua sit omne malum: vna altissima, alia profundissima: vna clarissima in qua sit pura lux, alia in qua sint ob-



## 248. *De fructu amoris proprii.*

*Duo sunt tantum loca animae.* securitas & tenebræ. Et ut omnia concludantur vno verbo, in vna erit bonum, quod non potest cogitari, in alia erit malum, quod non potest cogitari. Et istas duas ciuitates necesse est esse, & non plures. Cum enim non sint nisi duo primi amores, necessario oportet quod homines vel habeant vnum, vel alium: cum isti duo amores sint inimici capitales, & adinuicem se destruant. Et per consequens isti duo homines per istos duos amores sunt inimici inter se. Ideo cum inimici non debeant simul habitare: necesse est, quod sint duæ ciuitates distinctæ & separatae ac oppositæ & non plures. Vnde videmus per experientiam, quod omnes res vnius naturæ & vnius inclinationis tendunt ad vnum locum, & collocantur in vno loco & congregantur adinuicem, & separantur ab aliis. Ergo cum omnes homines, qui primo amauerunt seipsos, sint vnius naturæ, & vnius inclinationis & rationis, omnes debent situari simul & congregari, & in vno loco poni: quia faciunt vnum corpus. Et cum omnes homines, qui primo amauerunt Deum, sint etiam vnius inclinationis & vnius naturæ & rationis: ideo etiam debent insimul congregari & ab aliis separari, & per se collocari. Et cum non sint nisi istæ duæ inclinationes hominum, & non plures, non debent esse duæ ciuitates hominum. Et quia locus & habitatio debet dari cuilibet rei secundum suam naturam, & non contra suam naturam: ideo necesse est, quod istæ duæ ciuitates seu habitationes sint ordinatæ & situatæ secundum quod conuenit naturæ hominum inhabitantium. Et ideo illi, qui primo amauerunt seipsos, sunt inimici Dei capitales: quia quilibet fecit se Deum, & per consequens sunt inimici omnis creaturæ: ideo necesse est, quod ponantur in loco remotissimo à Deo secundum suam naturam & dignitatem. quantum fieri poterit: & hoc est medium terræ & in loco remotissimo ab omni creatura & nobilitate omnis creaturæ. Et etiam necesse est, quod qui primo amauerunt Deum, quod sint amici Dei, & ponantur in loco propinquissimo Deo secundum naturam suam & dignitatem: & hoc est cælum. Ergo vna ciuitas erit in cælo; alia vero in medio terræ. Item qui primo amauerunt suam propriam voluntatem, sunt extra Deum & extra omnem creaturam: imo fecerunt se non creaturas; sed fecerunt seipsos nihil, & à Deo elongauerunt se totaliter:

*Locus damnatorum in medio terra.*

*Secunda ratio.*

liter:



Alter : ergo debent collocari iuxta eorum naturam , & per consequens debent poni secundum debitum ordinem extra omnes creaturas prope nihil : & talis locus est medium terræ : quia terra est prope nihil. Sed homines , qui primò amauerunt Deum : eo quòd facti sunt dij per amorem , & sunt intra Deum : debent poni super omnes creaturas localiter , & ideo supra cælum. Et sequitur quòd primi debent poni infra omnem locum ; & secundi supra omnem locum. Item homines , qui primò amauerunt seipsos habent voluntatem strictissimam ; sed homines , qui primò amauerunt Deum, *Tertia* habent amplissimam. Ergo primi debent habere locum *ratio.* strictissimum , & hoc est medium terræ & secundi debent habere locum amplissimum , & hoc est supra cælum. Præterea nihil leuius amore Dei , & nihil grauius quàm amor sui ipsius , & nihil ponderosius. Ergo *Quarta* sequitur , cum locus debeat dari cuilibet secundum *ratio.* propriam naturam : quòd illi debent ascendere ad supremum locum & super omnem locum ; & alij debent descendere in profundissimum locum. Quare sequitur, *Concludit.* quòd duo amores arguunt duas ciuitates de necessitate quarum vna est in profundissimo , & alia in altissimo : quarum vna est exilium , alia patria. Et hoc summè congruum , imò necessarium est omni Regi. Quare non magis Deo , qui est super omnes Reges , qui est summus iudex , summè iustus , summè sapiens , & summè potens ? Et ideo sicut fecit homines , qui possunt tendere per duas vias oppositas , & possunt fieri amici sui & inimici sui & possunt esse digni præmiari , vel puniri æternaliter : ideo necesse fuit , quòd ordinauerit à principio duo loca specialia , & duo habitacula iuxta naturam cuiuslibet : aliter remaneret aliquid inordinatum , maximè in homine , propter quem facta sunt omnia.

## TITVLVS CLXX.

*Sequitur de odio : & ostenditur , quòd obligatio extendit se ad odium sicut ad amorem : & quòd eadem est scientia de odio & de amore.*

**Q**uoniam autem tractatum est cum Dei auxilio de obligatione amoris & de ipso amore ; & odium



est contrarium amoris: ideo tractandum est de odio sicut de amore: & quia eadem est scientia de odio & amore: ideo omnia quæ tradita & probata sunt de amore, possunt probari de odio suo modo. Vnde sicut voluntas habet amorem: ita habet odium. Et sicut potest amare; ita potest odire: ita quod in voluntate est amor & odium, sed amor est primò; & odium secundò. Amor est principale, quod est in voluntate; & odium est secundarium; & semper ad amorem sequitur odium. Et quia iam probata est obligatio de amore, scilicet, quia homo obligatur ad amandum Deum primò ex tota voluntate, & ex tota sua potestate, & quantum poterit, & meliori modo, quo poterit, & continuo, & indefinenter & fortiter, & sic de aliis conditionibus. Exinde necessario concluditur, quod etiam homo obligatur de iure naturæ ad odiendum quicquid est, vel potest esse contra Deum, quicquid inimicatur & contrariatur Deo: & hoc primò ex toto corde, ex tota voluntate quantum potest, & meliori modo, quo potest, continuo & indefinenter & fortiter: ita quod eadem est obligatio de odio & de amore. Et etiam quia nulla creatura in quantum est creatura, est contra Deum: ideo homo non debet habere odio aliquam creaturam. Sed sicut homo primò debet amare Deum; ita primò debet odire id quod primò est contra Deum. Et quia id quod primò est contra Deum, & inimicatur Deo primò, & primò est rebelle Deo, est propria voluntas & proprius amor & priuatus, ut iam probatum est, non in quantum amor, nec in quantum voluntas, sed in quantum propria voluntas: ideo sequitur, quod omnis homo primò & principaliter & supra omnia, ex toto corde, quantum poterit, fortiter, continuo, indefinenter obligatur, & debet de iure naturæ odire propriam voluntatem in quantum propria est, & priuatum amorem in quantum priuatus est. Et sicut quia primò homo tenetur amare Deum, & consequenter omnia, quæ Dei sunt; ita quia primò debet odire propriam voluntatem; ita omnia debet odire quæ sequuntur ex propria voluntate, & colligantur cum ea, & oriuntur ab ea. Et quia amor proprii honoris & propriæ laudis & excellentiæ sequitur propriam voluntatem, & etiam delectationis carnalis: ideo homo debet habere odio proprium honorem, propriam excellentiam, & etiam delectationem

*Naturaliter tenemur odire contraria Deo.*

*Tit. 144.*

*Propria voluntas primò odienda est. Proprius honor secundò est odiendus.*



tionem carnalem. Et quia ad ista sequuntur auaritia, inuidia, ira, acidia: ideo homo tenetur de iure naturæ odire omnia ista. Item sicut ex vno amore sequuntur multi amores; ita ex vno odio sequuntur multa odia. Item quia ex propria voluntate sequitur contemptus Dei, vituperium, dedecus Dei, offensa Dei, iniuria Dei: ideo obligatur & tenetur odire, quantum potest, contemptum Dei, & omnem offensam & iniuriam Dei, & vituperium Dei. Item sicut homo obligatur immediate post Deum, suam imaginem viuam amare: ita etiam obligatur odire quicquid est contra imaginem Dei viuam, & quicquid inimicatur ei, & turpat & destruit eam. Item sicut quilibet homo debet & tenetur amare omnem alium hominem sicut seipsum; ita debet odire quicquid est contra alium hominem, sicut quicquid est contra seipsum. Item sicut quilibet homo debet amare seipsum, quia est Dei, & est imago Dei; ita debet odire quicquid est contra seipsum: eo quia est contra Deum, & quia est contra seipsum in quantum Dei est, & in quantum Dei imago est.

*Tertio  
contem-  
ptus Dei  
est odien-  
dus.*

## TITVLVS CLXXI.

*De natura & viribus & proprietatibus odij & de fructu eius.*

Sicut etiam principalis fortitudo & proprietas amoris est, quod vnit amantem cum amato, & immutat & conuertit; ita principalis fortitudo odij est, quod diuidit, separat, elongat odientem à re, quam habet odio. Et sicut omnis vnitas, omnis vnio, omnis propinquatio hominis fit per amorem, & non aliter: & sicut quanto magis amatur aliqua res, fit magis vnio; ita quanto magis habetur odio, fit magis diuisio & elongatio. Sic ergo elongatio & distantia & diuisio voluntaria ab aliqua re non est nisi odium. Et ideo tunc voluntas est perfecte elongata, quando habet perfectum odium. Et sicut amor transformat amantem in rem amatam; ita quod voluntas recipit formam rei amatae; ita odium expoliat voluntatem à forma rei exosae: & hoc est verum, quando amor rei contrariæ est primus & habetur. Item sicut amor non potest cogi, nec violentari; imò vadit liberè, voluntariè, quocumque vadit; ita odium non potest cogi; imò voluntariè



tariè vadit. Præterea etiam sicut tantum se extendit amor, quantum se extendit res primo amata, ita tantum se extendit odium, quantum se extendit res primo exosa.

## TITVLVS CLXXII.

*De duobus odijs sicut de duobus amoribus.*

*Odium  
Dei &  
suiipsius.*

Sicut etiam sunt duo amores primi & principales; ita etiam sunt duo odia prima & principalia eis contraria. Sicut enim est amor Dei, & amor suiipsius, seu amor propriæ voluntatis; ita etiam est odium Dei, & odium suiipsius, seu odium propriæ voluntatis: ita quod quilibet amor habet suum proprium odium sibi oppositum. Et sicut duo primi amores sunt inter se inimici capitales, cōtrarij & aduersarij, & nō possunt esse simul; ita ista duo odia sunt inter se capitalia inimica, aduersaria & contraria. Et ideo amor Dei & odium Dei opponuntur inter se: & amor suiipsius & odium suiipsius opponuntur etiam: & odium Dei & odium suiipsius etiam opponuntur. Et ideo amor Dei & odium suiipsius, seu propriæ voluntatis conueniunt, & amor suiipsius & odium Dei etiam conueniunt, & simul stare possunt. Et possumus dicere, quod amor Dei & odium Dei opponuntur contradictoriè: & amor suiipsius & odium suiipsius etiam opponuntur contradictoriè: sed amor Dei & amor suiipsius contrariè opponuntur: & odium Dei & odium suiipsius subcontradictoriè. Sed odium suiipsius & amor Dei subalternantur: etiam amor suiipsius & odium Dei subalternantur. Ergo ad amorem suiipsius seu propriæ voluntatis sequitur odium Dei: & ad amorē Dei sequitur odiū suiipsius, seu propriæ voluntatis. Et amor Dei fugat totaliter odium Dei; & amor proprius fugat etiam odium suiipsius. Et qui recedit ab amore suiipsius, vadit ad amorem Dei, nec potest ire aliò: sicut qui recedit à frigiditate, vadit ad caliditatem, nec potest ire alibi. Similiter qui recedit ab amore Dei, necesse est, quod veniat ad amorem suiipsius, seu priuatum amorem, nec potest venire ad alium locum: sicut qui recedit à caliditate, necesse est, quod veniat ad frigiditatem. Et similiter est de odio: quia qui recedit ab odio suæ propriæ voluntatis, statim vadit ad odium Dei: & qui recedit ab odio Dei, statim vadit



vadit ad odium suiipsius. Et sic ipsa voluntas, quæ currit & ambulat, & vadit & venit; vel stat, vel quiescit: necesse est, quod vel vadat ad amorem Dei & ad odium suiipsius: vel ad amorem suiipsius & ad odium Dei. Et necesse est, quod superstet, vel quiescat, maneat & habitet in istis: quia non potest habitare extra illa: vel de vno ad aliud moueatur & ambulet, nec potest exire, nec ambulare extra ista sicut aqua de frigiditate ad caliditatem, & econuerso. Sed est differentia in ista ambulatione: quia sicut aqua per se currit ad frigiditatem: & per se quiescit, & habitat in illa: & ad caliditatem non potest currere, nec venire, nec ibi manere per se, nisi cum adiutorio alterius; ita voluntas per se currit & venit ad amorem suiipsius, & per se in illo quiescit & habitat sine adiutorio alterius: sed ad amorem Dei non potest currere, nec venire, nec ibi manere per se, nisi cum adiutorio alterius. Et potes facere comparisonem de aqua ad voluntatem, & de caliditate & frigiditate ad amorem Dei & suiipsius. Exerce ergo te.

## T I T V L V S C L X X I I I .

*De fructibus amoris, qui oriuntur ex isto  
duplici odio.*

**E**T quoniam amor tenet principalitatem & primatatem odij, semper enim amor est principalis & primus, & ex amore oritur odium: ideo enim habeo odium alicuius rei, quia amo aliquid: & ideo quia sunt duo amores; ita sunt duo odia: & quilibet amor ipsorum duorum respicit duo odia: quia vnum respicit aliud tanquam oppositum & inimicum suum: & aliud tanquam suum amicum & sibi conueniens. Et amor Dei respicit odium Dei tanquam suum oppositum: & respicit odium suiipsius seu propriæ voluntatis tanquam amicum. Et similiter est de amore suiipsius, qui respicit odium suiipsius tanquam oppositum: & odium Dei tanquam amicum. Et ideo sicut amor Dei est optimus, ordinatus, iustus & sic de cæteris proprietatibus iam dictis: ita odium Dei, quod est oppositum, est pessimum, inordinatum, iniustum, & sic de aliis conditionibus oppositis. Et similiter sequitur, quod odium propriæ voluntatis est bonum, ordinatum, iustum, & sic



& sic de aliis : sicut amor Dei, cum quo conuenit. Et similiter amor sui ipsius est pessimus, inordinatissimus, & sic de aliis : ideo sequitur, quod odium sui ipsius est ordinatum, bonum, &c. quia ei opponitur : & sic vnum odium est bonum, & aliud malum. Quia ergo ex amore oritur odium, & bonum odium oritur ex bono amore, & malum ex malo amore, possumus dicere, quod fructus illi, qui sequuntur ex bono amore, sequuntur ex bono odio, & illi fructus qui sequuntur ex malo amore, sequuntur ex malo odio ; sed tamen principaliter ratione amoris, quia odium sequitur amorem. Et sic de odio suæ propriæ voluntatis sequuntur fructus, qui sequuntur ex amore Dei : & priuantur fructus qui sequuntur ex amore proprio, & omnia mala sua : & de odio Dei oriuntur omnes pessimi fructus, qui sequebantur ex amore proprio : & priuantur omnes boni fructus, qui oriebantur ex amore Dei. Et hæc sufficiant, quæ sunt de amore & odio, & de primo debito obligationis, quod est debitum amoris Dei.

*Odium  
bonum &  
malum.*

#### TITVLVS CLXXIV.

*Sequuntur alia debita, quæ Deo debentur, quæ homo debet, & obligatur dare & reddere Deo ultra amorem. Et primò in generali, & postea in speciali de quolibet.*

**Q**uoniam tractatum est ante cum Dei adiutorio de principali & primo debito obligationis naturalis, quod homo debet dare Deo de iure naturali, scilicet de ipso amore : & visum est qualiter ipsa obligatio & debitum & solutio debiti, scilicet dare amorem Deo, totum redundat in maximum bonum hominis, imo hoc est totum bonum hominis, inquantum homo est : quia conuertit hominem in Deum, & dat gaudium infinitum : ideo quia tantum bonum sequitur homini si det sibi amorem : debet homo continuo inquirere & inuestigare in seipso, si habeat aliquid aliud in se, quod possit dare, quod conueniat Deo : quoniam sicut de amore sequitur maximus fructus homini & maximum bonum : ita de omnibus aliis, quæ dabit Deo, sequetur maximus fructus & maximum bonum homini : Et sicut si homo non dat Deo amorem, sequitur

quitur infinitum damnum & malum homini; ita si non dederit Deo alia, quæ debet ei dare, sequetur infinitum damnum & malum homini. Et ista utilitas, iste fructus, istud bonum maximum, & vitatio mali tanti debent inclinare hominem, ut det omnia quæ poterit Deo. Et non solum hæc debent inclinare hominem, ut det Deo omnia, quæ poterit sed etiam fortissima obligatio iam probata: quia virtute illius omnia, quæ potest dare, debet Deo. Vnde quia homo est opus Dei, & Deus est suus opifex & suus artifex, qui cum totum fecit, cum non esset: & homo est factura Dei & creatura: & non solum hoc, sed & propter ipsum fecit Deus omnia alia opera & alias creaturas: ideo quicquid homo habet, & quicquid potest, totum accipit à Deo: & ideo totum debet suo artifice: & tantum obligatur homo Deo, quantum opus suo artifice, & magis adhuc; quia Deus totum fecit, & ipsum hominem & omnia alia & quia opus debet amare suum artificem & timere & laudare & honorare, si potest hoc facere: ideo cum homo sit opus Dei viuum & possit amare, timere, laudare, honorare, & glorificare: debet omnia ista dare Deo, & nulli alteri debet ista dare: quia nulli aliquid debet nisi Deo, cui totum se debet. Ut autem homo clarè cognoscat: quæ sunt illa specialiter, quæ debet facere Deo, debet cogitare in seipso, quòd quicquid habet opus aliquod, totum posuit & ordinavit artifex propter aliquid: & non in vanum, & nihil posuit frustra: & quòd ille, qui facit opus, vel fieri facit, propter seipsum facit, ut ei seruiat in aliquo: & secundum quod seruitium exigit, & requirit, taliter fit, & disponit opus. Et ideo aliter fit domus, aliter gladius, aliter serra, aliter clavis. Et quia homo cognoscit se esse opus Dei factum ab ipso solo: potest cognoscere, quòd quicquid posuit Deus plus in homine quàm in aliis rebus: quòd totum posuit propter seruitium suum, scilicet, ut de hoc seruiat ei principaliter & non in vanum: & quòd quicquid habet, totum habet propter suum artificem: ita quòd sicut quicquid habent res aliæ, quia factæ sunt propter hominem, habent propter hominem; ita quòd quicquid habet homo ultra alia opera facta, habet propter Deum, & ut de hoc seruiat Deo immediatè: quia inter Deum & hominem nullum est medium. Et ideo

*Omnia  
debemus  
Deo da-  
re.*

*Liberum arbitriū tenemur Deo dare.* ideo quia homo habet liberum arbitrium, scilicet intellectum & voluntatem, cum quo potest intelligere, velle, amare, timere, honorare, gratias reddere, cognoscere beneficia, laudare & honorare, adorare, orare, deprecari, supplicare, credere, confidere, magnificare, glorificare, benedicere, gaudere, lætari & exaltare: & alia res non habent omnia ista, nec habent cum quo possent hæc facere: sequitur, quod homo habet omnia ista propter Deum immediate: ut cum istis seruiat Deo, & omnia ista applicet Deo factori suo, & omnia reddat ei. Quid enim debet cognoscere ipsum opus factum, nisi factorem suum postquam potest & habet cum quo? Ad quid datum est sibi a factore suo, ut hoc possit facere, nisi ut ipsum cognoscat? Quid debet amare opus factum: quid debet velle, nisi suum factorem, postquam potest & habet cum quo? Ad quid dedisset sibi hoc, nisi ut amaret ipsum? Cui debet dare amorem opus, nisi factori suo? Quid debet aliud timere opus factum, nisi factorem suum, postquam cognoscit ipsum, & habet cum quo potest timere? Ad quid datum esset sibi, ut possit timere, nisi ut timeat ipsum? Quem debet honorare opus factum de nihilo, nisi factorem suum, postquam potest & scit? Cui dabit honorem & reuerentiam, nisi factori suo? Quem alium debet adorare opus nisi opificem, postquam potest? Cui debet supplicare, cui debet curuare genua opus factum de nihilo, nisi factori suo? Quem debet orare, quem debet deprecari, nisi factorem suum, postquam potest? Cui debet gratias reddere opus totaliter factum de non esse, nisi factori suo, postquam scit & potest? Cui totum se debet opus, nisi factori? Cui obligatur, nisi factori suo? Quem debet amare, quem debet glorificare, quem debet magnificare, quem benedicere ipsum opus, nisi suum opificem? Cui debet dare laudem & gloriam & honorem, nisi factori suo, postquam potest? Cui ipsum opus factum de nihilo debet credere, & in quo debet credere, & in quo debet sperare, in quo debet confidere, nisi in factore suo? De quo debet lætari & gaudere & exultare opus, nisi de Deo suo artifice? In quo debet complacere, in quo debet consolari, nisi in suo factore? Quantum obligatur opus factum de nihilo factori suo, qui fecit ipsum & viuum, & quod possit cognoscere suum factorem?

Quæ



Quæ dignitas est ista : qua opus possit cognoscere suum opificem ? Quantum obligatur opus factori suo, qui fecit ipsum, cum nihil esset, simile sibi : cui dedit suam imaginem viventem, intelligentem, cognoscentem & amantem & memorantem ? Cui dedit inextinguibilem libertatem : cui dedit, ut possit seipsum mouere, & de vno loco ad alium per se ambulare. Quantum obligatur opus istud factori suo, qui fecit ipsum maius, excellentius, dignius, altius, nobilius, & superius omnibus aliis operibus suis, qui ipsum magnificauit & nobilitauit super omnia alia opera sua : cui soli & non aliis suam imaginem viuam dedit : supra quod nullum aliud opus posuit : qui fecit ipsum Dominum aliorum operum suorum, propter quod fecit & ordinauit omnia opera sua, & ipsum propter nullum aliud opus fecit, nec ad aliud ordinauit, nisi ad seipsum immediatè. Quantum obligatur illud opus factori suo, qui fecit ipsum solum, & non alia opera, & ordinauit ad hoc, scilicet, ut in æternum maneat secum, & secum habitet, & cum eo habeat æternum gaudium, æternam lætitiā cum eo, & viuat in æternum sua societate, ut & sibi communicet bona sua, seipsum & quicquid habet. Quantum obligatur opus illud factori suo, cui soli, & non aliis voluit dare nomen filij, & ipsum filium appellare, & nomine suo nominari, & seipsum patrem eius vocari, cum non sit de natura sua, sed de nihilo factum. Ecce ergo ex eo quia homo est opus Dei factum de nihilo, & cognoscit se esse opus Dei, potest clarissimè cognoscere quantum obligatur Deo : & quia omnia, quæ potest, debet factori suo dare & facere : & quod propter ipsum habet omnia.

T I T V L V S C L X X V.

*Quod homo ex his, quæ habet in seipso ultra alias creaturas, & ex propriis conditionibus potest arguere conditiones & proprietates, quas habet Deus factor suus.*

**Q**uia ergo immediatè homo est propter Deum : & omnia, quæ habet, habet propter Deum : & inter Deum & hominem nullum est medium : ideo inter Deum & hominem erit correspondentiā proportiona-

*Deus est  
aman-  
dus.*

*Cogno-  
scendus.*

*Timen-  
dus.*

*Laudan-  
dus.*

lis: vt Deus corrippondeat homini iuxta suas conditio-  
nes proportionabiliter. Vnde homo potest arguere  
per suas conditiones, quas habet in quantum homo:  
quas conditiones non habent aliæ res correspondentes  
in Deo factore suo. Ideo potest homo arguere, quòd  
quia ipse potest amare, Deus est amandus: & quia po-  
test cognoscere & intelligere, quòd Deus est co-  
gnoscendus & intelligibilis: & quia homo potest  
timere, Deus est timendus: & quia potest ho-  
norare, Deus est honorandus: & quia potest ado-  
rare, Deus est adorandus: & quia potest orare,  
Deus est orandus: & quia potest dedeprecari,  
Deus, est deprecandus: & quia potest supplica-  
re, Deus est supplicandus. Et quia potest laudare,  
glorificare & benedicere, Deus est laudandus, glorifi-  
candus, & benedicendus. Et quia homo potest co-  
gnoscere beneficia, Deus est beneficiorum largitor: &  
quia potest admirari, Deus est admirabilis factor: Et  
quia potest credere, Deus est credendus: & quia potest  
sperare, in Deo est sperandum: Et quia homo potest  
confidere, in Deo est confidendum, & Deus est fide-  
lis: & quia potest delectari, Deus est delectabilis: Et  
quia homo quærit semper veritatem, ideo Deus est ve-  
rax: & quia semper desiderat bonum; ideo Deus est  
bonus: Et quia homo potest in infinitum petere; ideo  
Deus potest in infinitum dare: Et quia homo potest in  
infinitum desiderare, Deus potest in infinitum satiare:  
Et quia homo potest benefacere, Deus potest ipsum re-  
munerare: Et quia homo potest peccare & malefacere,  
Deus potest ipsum punire: Et quia homo potest cadere,  
Deus potest leuare ipsum: Et quia homo potest esse  
reus, Deus potest esse iudex: Et quia homo potest ve-  
niam postulare, Deus potest ei parcere: Et quia homo  
potest esse infirmus, Deus potest ipsum sanare: Et quia  
homo est miserabilis, Deus est misericors: Et quia  
homo est debilis & fragilis, Deus est fortis. Et sic de  
conditionibus ipsius hominis possumus proportionabi-  
liter arguere per correspondentiam ad conditiones Dei:  
econuerso ex conditionibus Dei possumus arguere ad  
hominem; vt quia Deus est primò amandus; ideo ho-  
mo debet ipsum primò amare, & ei primò debetur a-  
mor. Et quia Deus est primò & solum timendus; ideo  
homo debet ipsum primò & solum timere, & ei debe-  
tur

tur primò timor. Et quia Deus est primò & solum honorandus; ideo homo debet ipsum primò honorare, & ei debetur primò honor: Et sic de aliis conditionibus. Et quodammodo est simile de anima ad corpus, & econuerso, sicut de homine ad Deum: quia sicut sibi adinuicem correspondent anima & corpus: ita Deus & homo. Vnde quia corpus habet oculos; ideo anima habet virtutem viuendi: Et quia corpus habet aures; ideo anima habet potestatem audiendi: Et quia corpus habet nasum; ideo anima habet virtutem odorandi: Et quia corpus habet pedes; anima habet virtutem ambulandi: & sic de aliis. Et econuerso possumus arguere de anima ad corpus.

T I T V L V S C L X X V I.

*Quod licet quodlibet debitum Deo debeatur virtute amoris; tamen quodlibet per se habet suam propriam rationem specialem; quare debet Deo dari.*

**Q**uamuis autem omnia & vniuersa debita, quæ homo debet Deo, debeantur virtute primi & principalis debiti, scilicet, ratione amoris: quia omnia sunt obligata & connexa cum amore, & omnia sequuntur amorem, & omnia sunt inclusa in amore: & ideo cui homo debet totum amorem primò & principaliter, illi etiam debet totum timorem primò & totaliter, & illi etiam debet totum honorem primò & totaliter & quantum potest: illi etiam debet omnem laudem, omnem fidem, & quicquid dare potest, Deo conuenit. Vnde omnia ista dantur & donabilia sunt, scilicet, amor, timor, honor, laus, gloria, & obedientia, fides, spes & confidentia: & Deo conueniunt: ergo cum amor sit primum donum, & in ipso sint omnia dona: sequitur quòd cui debet homo ipsum amorem, debet omnia ista: quia homo vni solùm obligatur, & totum debet illi. Attamen vnumquodque istorum debitorum debetur Deo per suam propriam rationem specialem. Et per aliam rationem in speciali Deo debetur amor, & per aliam timor, & per aliam honor, & sic de aliis. Quia enim sunt distincta & diuersa dona inter se, & vnum non est aliud: ideo sub vna ratione debet dari vnum, & sub alia ratione aliud. Vnde amor, non est

*Omnia  
debentur  
Deo sub  
sua ra-  
tione,*



*Deus est  
aman-  
dus.*

*Timen-  
dus.*

*Hono-  
randus.*

*Ei obe-  
diendū.*

timor, nec honor, nec timor est honor: nec potest dari amor sine timore & honore; nec timor sine honore & econverso. Quamvis ergo omnia debeantur Deo; tamen sub distinctis rationibus. Vnde Deus est primò amandus: quia est primò bonus, & summè bonus, & solus bonus: quia nihil est bonum nisi per ipsum, & ab ipso, & eo modo quò est bonus, est amandus: & quia est summè bonus, est summè amandus: quia est purissimè bonus, est purissimè amandus: & quia in infinitum est bonus, in infinitum est amandus: quia nihil est bonum nisi propter ipsum, nihil est amandum nisi propter ipsum. Item Deus debet primò amari ab homine: quia Deus ipsum primò amavit, & propter dona & beneficia, quæ illi dedit: quia totum, quod habet, ille dedit, & ab eo accepit & seipsum. Propterea Deus est timendus, & ei debetur timor: quia est Dominus omnipotens: & eo modo, quo est Dominus, est timendus & eo modo debetur ei timor. Et ideo quia est omnipotens Deus, & infinitus, & summus, ideo debetur ei summus timor & infinitus, & est in infinitum timendus. Et quia est primò Dominus; ideo ei debetur soli timor, & solus est timendus. Et quia verissimè est Dominus, verissimè est timendus: Et quia semper est Dominus, semper est timendus: Et quia solus est Dominus hominis, & nullus alius; ideo debet timeri ab homine solus. Præterea Deo debetur honor & est honorandus: quia est primus & quia principium & quia maior & eo modo quo est primus & maior, & principium, est honorandus. Et quia est primum principium & primò: ideo primò honorandus est, & ei debetur primò honor: Et quia ipse solus est principium per se, & nihil est principium per se, nisi Deus; ideo propriè solus est honorandus per se, & nihil est honorandum per se, nisi ipse: & quicquid honorandum est, est honorandum propter ipsum: & quicquid est principium, est principium propter ipsum. Et quia est summum & infinitum principium; ideo summè & infinitè honorandus est: Et quia est verissimè principium: ideo verissimè est honorandus: Et quia est primum principium hominis; ideo ab homine debet primò honorari, & dari honor. Item Deo debetur obedientia: quia est superior: & eo modo, quo est superior, est ei obediendum. Item Deus est laudandus & glorificandus: quia est

est operarius & artifex seu opifex : & eo modo : quo *Laudan-*  
 est operarius seu artifex, est laudandus & glorificandus : *du.*  
 Et ideo quia est summus & optimus & sapientissimus  
 & primus & solus operarius & artifex, ideo solus &  
 summè & primò est laudandus & glorificandus, & ei  
 debetur laus & gloria primò. Et quia est operarius & *Creden-*  
 artifex hominis ; ideo ab homine est laudandus. Item *du.*  
 Deus est credendus, & ei debetur fides & credulitas,  
 quia est verus & non mendax : & eo modo, quo est  
 verus, eo modo debetur ei & fides. Et ideo quia est  
 primò verus & perfectè verus, & est prima veritas;  
 ideo debetur ei primò & per se fides : & quia est sum-  
 mè verus ; ideo debetur ei summa fides & credulitas.  
 Et quia in infinitum elongatur à mendacio, quia non  
 potest fallere, nec falli : ideo in infinitum debet ei  
 credi. Præterea Deo debetur confidentia, quia est  
 fidelis : & eo modo, quo est fidelis, ei debetur con-  
 fidentia, & in eo confidendum est. Item Deo debe-  
 tur spes, & in eo sperandum est : quia potens & volens  
 & sciens iuvare & saluare & dare : & eo modo debe-  
 tur ei spes, quo modo est potens, & eo modo est in eo  
 sperandum. Et quia solus est potens, & nullus alius, *Speran-*  
 & primò potens & summè potens ; ideo in eo est primò *du.*  
 & solum & summè sperandum : Et sic de omnibus.

Sic ergo alia ratione est Deus amandus, alia ratione  
 rimendus, alia ratione honorandus, & sic de aliis. Et  
 quia in ipso sunt omnes rationes istæ dictæ ; ideo sibi  
 soli debet dare homo omnia ista & primò. Non ergo  
 sufficit homini dare solum amorem, nisi etiam det ti-  
 morem & honorem, laudem & gloriam, fidem, spem,  
 obedientiam & confidentiam : quia omnia debentur ei  
 sicut amor. Sed primò & principaliter amor : quia in  
 hoc correspondet Deo de simili : quia Deus amor est, &  
 dat amorem, sed non honor ei timor : & sic de aliis. Et  
 ideo principalissimum quod Dei debetur, est amor :  
 sed non vult solum amorem, sed vult ipsum sociatum  
 cum aliis, scilicet timore & honore : & sic de aliis :  
 quia taliter ei debetur.

## TITVLVS CLXXVII.

*Quod quamuis sint multe spirituales rationes, quare omnia prædicta debent dari Deo ab homine, tamen una potest esse ratio generalis ex parte Dei, & alia ex parte hominis.*

**Q**Voniam omnes prædictæ rationes possunt concludi in vna ratione ex parte Dei, & alia ex parte hominis: ideo possumus ducere omnes ad duas generales rationes. Istæ autem duæ rationes sunt opus & factor. Vnde omnia debentur Deo ab homine: quia Deus est factor eius: & omnia debet homo dare, quia est opus eius. Et eo modo, quo Deus est factor hominis, & homo est opus suum: eo ei debentur dari, & homo debet dare Deo. Et ideo amor, timor, honor, laus & gloria, fides, spes, fiducia, confidentia, obedientia, debentur Deo ab homine: quia homo est opus suum, & Deus est factor eius. Vnde debet homo amare Deum: quia est opus eius, & Deus est factor suus. Homo debet honorare Deum, quia est opus eius. Et quia Deus est factor hominis, & homo est opus eius; ideo debet ei summè obedire: Et sic de aliis. Vnde quia Deus est factor hominis, & homo est opus suum; ideo amat ipsum hominem: quia factor amat suum opus, & ipsi dat sua beneficia. Quia Deus est factor hominis; ideo Deus est Dominus eius: Et quia Deus est factor hominis; ideo est principium hominis: & quia est factor hominis; ideo non decipit, nec fallit hominem, sed semper dicit ei veritatem: quia factor non decipit opus suum: & quia est factor hominis, est homini fidelis: & quia est hominis factor; ideo nescit deficere homini: quia factor non deficit operi suo: Et sic de aliis. Quia igitur homo est opus Dei, & solus homo se cognoscit opus Dei esse, & factum à Deo: & alia opera non cognoscunt se esse opera Dei, nec esse facta à Deo: & etiam solus homo cognoscit se esse obligatum Deo, & solus cognoscit, quid debet opus factori suo, & cognoscit quòd omnia prædicta debet opus factori suo. Et quia potest dare omnia prædicta Deo. Coniunge omnia ista simul, homo cognoscit se esse opus Dei, & cognoscit quid debet opus factori suo,



suo, & homo cognoscit se esse servum Dei & subditum, & cognoscit quicquid debet servus Domino suo facere, & cognoscit se omnia accepisse à Deo, & cognoscit quid debet facere recipiens danti, & homo cognoscit posse dare & habere omnia, quæ debet dare. Ex istis omnibus sequitur, quòd homo debet dare omnia prædicta Deo: nec excusatur, si non dat, quia habet & potest dare. Et sic in generali & simul manifestata sunt debita & dona, quæ Deo debentur, & quæ homo debet dare Deo, & obligatur ultra amorem dare.

## T I T V L V S C L X X V I I I.

*Sequitur de istis in speciali, & primò de timore.*

**Q**Voniam autem dictum est & tractatum de amore, Tit. 110. quod est primum donum & primum debitum in speciali, etiam tractatum est de aliis debitis & donis in speciali, sed tamen quia amor est primum debitum & donum, & ad ipsum sequuntur omnia alia debita & dona, & nihil potest dici donum nisi ratione amoris, quia est primum donum; ideò necessario includitur amor in omni dono & dato, aliter non esset donum nec datum: quia ipse amor primò habet nomen boni, & primum semper includitur in aliis, & nihil potest esse verum donum, nec datum, nisi oriatur ab amore, & fundetur in amore: Et si amor non est, nullum donum est: quia bonum debet esse voluntarium, liberum, spontaneum & gratuitum: & nihil est tale nisi amor. Et ideo nihil est acceptum nisi amor vel propter amorem. Et propter hoc timor, honor & obedientia, &c. quæ possunt dari absque amore, non sunt acceptabilia, quia non sunt voluntaria, nec dulcificata, nec mellificata cum dulcedine amoris, quæ est prima dulcedo. Ideo sine amore omnia sunt amara: Ideo nec dans gaudet de dando, nec recipiens complacet in recipiendo. Et propter hoc qui timet sine amore, habet poenam & tristitiam & qui honorat sine amore, adulatur: quia non est honor, sed adulatio. Quia ergo ipse amor est primum donum & debitum; ideo scientia & cognitio de amore est principium & ianua ad cognoscendum omnia alia dona & debita: & similis processus est de omnibus sicut de amore.

*Differē-  
tia inter  
timorem  
& amo-  
rem.*

Incipiamus ergo primò ab ipso timore. Vnde timor differt ab amore: quia amor est donum liberale & spontaneum, & ideo datur cum delectatione & lætitia, sine fatigatione, sine pœna, sine tristitia, sine coactione & liberalissimè: sed timor solus de se non potest dari nisi cum pœna & tristitia, fatigatione & coactione, non sponte, non liberè: quia non est donum voluntarium. Et ideo nisi coniungatur cum amore, dat tristitiam, pœnam & desperationem. Et ideo ipse timor est primus seruus, nullam libertatem habens. Sed quando coniungitur cum amore: tunc est liber, spontaneus & voluntarius & liberatus à seruitute & manumissus: & tunc non habet pœnam, nec tristitiam; sed gaudium. Sic ergo amor liberat timorem à seruitute, & ponit ipsum in libertate: & hoc facit amor bonus, & non amor malus. Et quia timor de se est seruus, & dat pœnam: ideo non debet multiplicari sicut amor. Vnde ex vno timore bono non sequuntur multi timores; sed quantò timor est melior, tantò minus multiplicatur. Ideo ex timore Dei nullus alius timor oritur; sed ex amore Dei sequuntur infiniti amores. Et sic amor extenditur quantum res amata; sed timor non extenditur quantum res, quæ timetur: quia nihil est timendum nisi Deus: quia creatura nullo modo est timenda. Et sic differentia est inter timorem & amorem; quia timor non est donum voluntarium, & dat pœnam de se & tristitiam, quando est solus, & non extenditur: & amor de se est voluntarium donum, & dat gaudium & extenditur. Sed etiam multum conuenit timor cum amore, & est optima mixtura & optima societas: quia Dei timor iuuat amorem: quia timor vnit & ligat voluntatem magis cum Deo. Et ideo timor & amor sunt duæ cathenæ, duo clauī tenentes voluntatem fixam cum Deo, & adinuicem se iuuant & fortificant. Vnde quia creatura facta est ex nihilo, & Deus est infinitæ potestatis: non esset conueniens coniunctio creaturæ cum Deo, nisi per amorem & timorem: nec aliter conuenit creaturæ amare Deum; nec Deo conuenit aliter amari: quia apparet quædam æqualitas, & nulla superioritas: nec esset firmissima unio inter creaturam & creatorem. Et ideo quia timor maximè conuenit cum amore: quia ipsum confortat, fortificat, & iuuat & solidat, & habet virtutem vnituiam: ideo post amo-

*Conue-  
niunt ti-  
mor &  
amor.*

rem

rem tractari debet de timore.

## T I T V L V S C L X X I X.

*Quod sicut duo amores sunt ; ita sunt duo timores.*

**Q**Uoniam autem duo amores principales iam dicti sunt radices omnium bonorum & malorum, quæ pertinet ad homines; ideo necesse est ut omnia, quæ pertinet ad hominē, diuidantur in duas partes: Et ideo necesse est ponere duos timores, sicut duos amores. Vnus timor est, qui oritur ex amore Dei; & alius timor est qui oritur ex amore sui ipsius. Et sicut se habent duo amores inter se; ita & duo timores. Et ideo timor, qui oritur ex amore Dei, & conuenit cum Deo, bonus, sanctus & iustus est, & habet omnes conditiones ipsius amoris Dei. Sed timor, qui oritur ex amore proprio, est malus, iniustus, & inordinatus, & habet omnes conditiones proprii amoris. Et isti duo timores faciunt operationes contrarias: quia timor Dei non multiplicatur, sed semper est vnus solus: quia qui timet Deum, nihil timet aliud, quia nihil aliud est timendum: & ideo vnit & fortificat hominem cum Deo, & nullam poenam, nec tristitiam dat: quia semper coniunctus est cum bono amore. Sed timor, qui oritur ex amore sui ipsius, multiplicatur in infinitum, & pluraquam ipse amor, unde oritur: imò ex vno amore oriuntur infiniti timores. Et quia timor de se poenam dat & tristitiam, nisi sit iunctus cum bono amore: ideo quilibet timor, qui oritur ex amore sui ipsius, dat poenam & tristitiam: & ideo ad multiplicationem timoris sequitur multiplicatio poenarum & tristitiarum. Vnde ista multiplicatio timoris clarissimè manifestat venenositatem & malitiam ipsius amoris proprii, & quantum noceat habenti. Qui enim primò amat seipsum, summè amat vitam suam, suum esse, & consummationem sui ipsius: Et ideo summè timet perdere seipsum primò, & suam vitam: eo quòd potest perdi & destrui & corrumpi: quia est res perdibilis & destructibilis: & ipse non potest conseruari per seipsum: & per consequens timet omnia ista, quæ possunt perdere & destruere, seu diminuerē seipsum & suum esse & suam vitam & sibi nocere. Et ideo timet mortem, infirmitatem & pestes,

*Timor  
malus  
multiplicatur in  
infinitum.  
Amans  
seipsum  
& omnia timet.*



& fugit illas quantum potest: timet terram, timet aquas; aërem & ignem, venena, famem, sitim, animalia, timet homines, qui possunt auferre vitam suam. Item qui i. amat seipsum, amat i. proprium honorē, propriā famā, & suam laudem & excellentiam; & ideo timet perdere honorem suum, suam famam & suam laudem, & timet vituperari & per consequens timet omnia illa, quæ possunt diminuere & destruere suum honorem, suam famam & suum nomen. Item qui primò amat seipsum, amat suas proprias delectationes carnis: & ideo qui timet eas perdere, timet omnia illa, quæ possunt destruere, vel diminuere illas delectationes. Ideo timet tormenta, frigus, calorem, amaritudinem, paupertatem bonorum & penuriam. Item etiam quia pecunias diligit; ideo timet eas perdere. Ideo timet omnia illa, quæ possunt auferre, vel diminuere pecunias. Ecce ergo qualiter timor malus multiplicatur in infinitum: cò quia oritur de malo amore. Item etiam qui amat primò seipsum, amat omnes illos, qui sunt coniuncti secum, vel qui iuuant ipsum, vel consolantur ipsum. Ideo amat amicos, filios, vxorem, parentes & fratres, & etiam omnia illa, quæ ei seruiunt, sicut sunt domus, possessiones & animalia. Et ideo timet omnia ista perdere: & per consequens timet omnia illa, quæ possunt auferre ista supradicta omnia, vel destruere. Fundamentum ergo quare generantur tot timores est: quia illud, quod amat, potest perdi & destrui & auferri, & est res perdibilis. Et sic amor malus non liberat timorem à seruitute & à pœna: imò ipsum timorem multiplicat, & pœnam auget. Sed qui amat primò Deum, quia Deus non est res, quæ potest destrui, vel auferri, nec corrumpi, nec per violentiam tolli, nec aliquid sibi potest nocere: ideo nihil aliud timet, sed solum timet eum, quem amat & sic amor Dei non multiplicat timores; sed habet solum vnicum timorem: & ille timor cum amore liberat ab infinitis timoribus malis, qui dant pœnam & tristitiam. Et quia timor alicui debetur, quia Dominus: & ille, qui timet, est tanquam seruus: ergo sequitur, quòd homo, qui primò non timet Deum, subiicitur & est seruus omnium rerum, quas timet, & constituit se seruum omnium illarum rerum: & illæ res omnes dominantur homini: & ideo homo constituit se seruum & subiectum omnium creaturarum

*Timor  
Dei non  
multiplicatur.*

*Amans  
seipsum  
omnium  
rerum  
seruus  
est.*

creaturarum, & omnis creatura dominatur ei: quia omnes timet, & sic incurrit infinitas seruitutes & captiuitates & perdit libertatem suam. Sed qui primò timet Deum, est solum seruus vnus, & solum vnum habet Dominum, qui est Dominus omnium creaturarum. Qui ergo timet Deum primò, quia timet quod timendum est: ideo habet bonum timorem: sed qui non timet Deum primò, timet quod primo timendum non est, quia timet creaturas de nihilo factas: & talis timor est contra naturam hominis inquantum homo est, & contra totum ordinem creaturarum: quia creaturæ sunt factæ propter hominem ad seruiendum homini: & sic est ordo peruersus in natura. Sed timor Dei est secundum naturam hominis inquantum homo est, & secundum ordinem omnium rerum, & ideo non est contra hominem; sed conuenit homini inquantum homo est: & ideo semper proficit homini. Et sic apparet, qualiter sunt duo timores, sicut duo amores.

## T I T V L V S C L X X X.

*Quòd sicut sunt duo timores contrarij; ita sunt duo contemptus oppositi.*

**E**T quia etiam amorì opponitur odium, & duobus amoribus opponuntur duo odia: ita etiam similiter timori opponitur contemptus. Et sicut sunt duo timores, ita erunt duo contemptus. Ideo sicut est timor Dei; ita est contemptus Dei: & sicut est timor creaturæ; ita est contemptus creaturæ, seu contemptus sui ipsius. Et ideo similiter potest fieri hæc oppositio & comparatio inter duos timores & duos contemptus, sicut inter duos amores & duo odia. Vnde timor Dei & timor creaturæ, seu qui oritur de amore proprio, sunt contrarij, & contemptus Dei & contemptus creaturæ, seu sui ipsius sunt subcontrarij. Sed timor Dei & contemptus Dei contradicunt: & timor creaturæ & contemptus creaturæ etiam contradicunt. Et timor Dei & contemptus creaturæ subalternantur: & timor creaturæ & contemptus Dei etiam subalternantur. Compara ergo timorem ad amorem, & duos timores ad duos amores & ad contemptus: & sic acquies magnam scientiam de timore.

*Quòd honor & utilitas, seu commodum sunt duo,  
propter quæ omnia fiunt.*

*Soli Deo  
honor.*

*Homini  
utilitas.*

**Q**Vamuis autem sit tractatum de honore aliquammodo simul cum amore & aliis debitis; attamen honor requirit specialem tractatum ab aliis distinctum propter suam singularem naturam & excellentiam: quia omnia, quæ facta sunt & fiunt, propter honorem fiunt. Vnde omnia, quæ fiunt, vel fieri possunt, ad duo reducuntur, scilicet, ad honorem & utilitatem. Quia omne, quod fit, vel fit propter honorem, vel propter utilitatem, vel propter utrumque simul: ita quòd honor & utilitas sunt duo fructus, qui colliguntur finaliter ab omnibus. Cum autem Deus fecerit mundum, necesse est quòd vel fecit propter honorem, vel propter utilitatem, vel propter utrumque simul. Vnde cum non sint nisi duo, scilicet, Deus & creatura, necesse est, quòd omnia fiant vel propter Deum, vel propter creaturam, vel propter utrumque simul. Et quia creatura semper est indigens, quia de nihilo facta est & non potest per se esse, nec existere, & sic potest crescere in bonitate & perfectione, & melior fieri intra se: ideo ei solùm debetur utilitas, seu commodum, & non honor. Sed quia Deus creator est plenus intra se omni perfectione, nullo indigens extra se: quia nullo modo potest crescere in seipso, quia summè plenus: & ideo quia in ipso nulla est, nec potest esse indigentia, quia est summè dives, omnibus abundans, habens omne complementum: ideo ei nulla debetur utilitas; sed solum honor. Et sic creaturæ solùm debetur utilitas, & Deo creatori solùm honor. Et quia Deus est summè bonus; ideo nihil potest operari, quin sit propter utilitatem. Ideo ista duo sunt simul coniuncta in omni opere suo, scilicet honor & utilitas: quia honor sine utilitate videtur esse vanitas, quod non potest esse in summo bono: ideo Deus non potest operari propter solum honorem: ideò omnia, quæ Deus operatur, propter honorem operatur & utilitatem, scilicet, propter honorem suum, cui debetur: & propter utilitatem creaturæ, cui convenit utilitas & commodum: aliter sua operatio non haberet finem completum & plenum, quod esse non potest. Et sic omnia consistunt in duobus,



bus, scilicet in honore & utilitate: & propter ista duo omnia fiunt: & utilitas convenit indigenti, & honor non indigenti, sed pleno in se. Cum enim Deus operatur omnia, quæ operatur, propter se primò, & ipse non possit aliquid recipere intra, nec crescere intra, nec augeri: sequitur, quòd non potest operari extra se nisi propter honorem & gloriam, quæ sunt exteriora bona. Impossibile est enim, quòd propter nihil operetur. Et cum sit summè bonus, est impossibile, quòd operetur nisi propter aliquam utilitatem: & quia ipse nulla utilitate indiget, ideo necesse est, quòd operetur propter utilitatem creaturæ. Et sic honor Dei & utilitas creaturæ semper sunt colligata in operibus suis.

## T I T V L V S C L X X I I .

*Quamvis simul sunt honor & utilitas, attamen magis principalis est honor quàm utilitas.*

**E**T quoniam honor pertinet Deo, & utilitas creaturæ: ideo magis est principalis honor Dei, quàm utilitas creaturæ: & de tanto, quanto Deus est principalior, quàm creatura: imò sicut Deus & creatura in infinitum distant; ita distant in infinitum & sine mensura honor Dei & utilitas creaturæ. Et ideo quamvis simul operetur propter suum honorem & creaturæ utilitatem; attamen magis principaliter operatur & primò propter suum honorem, & minus principaliter & secundariò propter creaturæ utilitatem: ita quòd principalius respicit suum honorem quàm creaturæ utilitatem. Sicut enim primò est Deus quàm creatura; ita similiter primò debet respicere Deus ea, quæ pertinent ad ipsum, quàm ea, quæ pertinent ad creaturam, licet utrunque simul respiciat. Et ideo sequitur, quòd Deus principaliter fecit mundum & omnia, quæ in eo sunt propter suum honorem & ad suam laudem & gloriam, ut scilicet exinde sequatur diuinus honor: & etiam consequenter propter creaturæ utilitatem. Et exinde sequitur, quòd Deus omnia potest, quæcunque possunt pertinere ad propriam laudem & veram gloriam & veram utilitatem & ad verum honorem: & quòd omnia quæ Deus operatur in mundo, operatur ad suum honorem, & nihil potest facere contra suum honorem. Et ideo omnes creaturæ sunt factæ ad suum honorem,  
ad

ad suam laudem, & regimen mundi & omnium creaturarum & totius vniuersi, totum est ad suum honorem. Et quia utilitas creaturæ est ligata cum honore Dei; ideo sequitur, quod quanto magis Deus respicit suum honorem, tanto magis respicit utilitatem & commodum creaturæ: & quanto magis vult suum honorem, tanto magis vult utilitatem creaturæ: & quanto magis crescit honor Dei, tanto magis crescit utilitas creaturæ. Et sicut Deus nihil potest facere contra suum honorem; ita nihil potest facere quantum est de se contra utilitatem creaturæ: quia simul sunt colligata. Quamuis ergo Deus intendat suum honorem principaliter, tamen non potest facere suum honorem, nisi faciat creaturarum utilitatem & commodum: quia summè bonus, non potest nocere quantum est de se: ideo summè bonus non potest de se nisi proficere. Utilitas ergo creaturatum & commodum sequitur semper honorem Dei.

## T I T V L V S C L X X I I I .

*Quod sicut Deus solum intendit vnum honorem, ita solum respicit & intendit vnā utilitatem principalem.*

**E**T quoniam utilitas sequitur honorem Dei, & non potest ab eo separari. & cum Deus respiciat vtrumque simul: sequitur; quod sicut solum respicit vnum honorem, scilicet suum; ita respicit vnā utilitatem principalem principaliter & primò. Quia enim creaturæ deberetur utilitas, & Deo honor: ideo quia ipse est vnus solus Deus, solum est vnus honor. Ita similiter quamuis sint multæ creaturæ; attamen vna est principalis creatura super omnes creaturas. Et quia creatura rationalis est supra omnes creaturas; ideo sequitur, quod principaliter Deus intendit & respicit utilitatem creaturæ rationalis, & utilitatem aliarum creaturarum respicit propter utilitatem creaturæ rationalis. Et quia solus homo in hoc mundo est creatura rationalis: ideo Deus primò & principaliter in mundo respicit utilitatem hominis, & utilitates aliarum creaturarum, quæ sunt in hoc mundo, respicit propter utilitatem hominis: & utilitatem hominis propter aliam utilitatem non respicit. Ideo solum vna est principalis

*Deus intendit  
utilitatem  
hominis.*

principalis utilitas ad quam ordinantur omnes animarum utilitates : & hæc est hominis utilitas : & utilitas hominis non est propter aliam utilitatem : quia nulla est utilitas alia supra utilitatem hominis ; sed solum honor Dei laus & gloria sunt supra hominis utilitatem : quia amor & honor Dei est superior , quàm hominis utilitas. Ecce ergo ordinem : utilitates omnium creaturarum sunt propter utilitatem hominis , & utilitas hominis propter honorem Dei est , & honor Dei propter nihil aliud est , quam propter Deum. Ergo omnia tendunt ad utilitatem hominis & ad Dei honorem. Et quia iam probatum est, quòd Deus omnia, quæ operatur exterius , operatur propter honorem suum & hominis utilitatem : & sic honor Dei & utilitas hominis sunt simul coniuncta & colligata , nec seperari possunt. Et sic habemus in vniuerso vnum honorem solum, & vnâ principalem utilitatem , quæ sunt duo fructus totius vniuersi. Et hoc est valde conueniens, quòd solum utilitas hominis sit principalis : quia sicut solus homo scit & potest honorare Deum in vniuerso , & laudare , quòd ita ipse solus recipiat utilitatem.

*Omnia  
tendunt  
ad utili-  
tatem  
hominis.*

*Tit. 181.*

#### T I T V L V S C L X X I V .

*Quod per Dei honorem & utilitatem hominis seu creaturæ rationalis potest reddi ratio de omnibus, quæ operatur Deus extra se.*

**E**T quoniam Deus operatur omnia , quæ operatur extra se, ad suum honorem & ad suam gloriam , & etiam ad utilitatem hominis seu creaturæ rationalis : & nihil potest operari contra suum honorem , nec contra creaturæ rationalis utilitatem : ideo cum finis principalis, propter quem operatur exterius , sit honor suus & gloria cum utilitate creaturæ , sequitur , quòd omnia, quæ de ipso possunt dici in opere extra se : & omnia opera eius possunt exterius reduci ad honorem & utilitatem : & quòd per honorem & utilitatem potest reddi ratio de omnibus , quæ operatur Deus exterius. Qui ergo vult habere scientiam de diuinis operibus, cognoscat vnum honorem Dei, & illa, quæ pertinent ad suum honorem & suam gloriam : & etiam cognoscat utili-  
tatem



tatem hominis, seu creaturæ rationalis. Quoniam necesse est, quòd opera diuina concordent & conueniant cum honore diuino, & nullo modo repugnent, nec contradicant: & etiam oportet, quòd conueniant cum utilitate creaturæ rationalis. Simus ergo bene radicati in Dei honore & in vera hominis utilitate: quia in istis omnia diuina opera radican- tur. Et inde sequitur, quòd qui non semper videt, considerat, & cogitat Dei honorem & gloriam, nec ipsam hominis utilitatem, nihil potest intelligere de operibus Dei, imò penitus ignorat: quia non videt lumen, in quo videntur opera Dei. Et quia Deus est potestas, est sapientia, est bonitas, est iustitia, & sic de aliis: ideo omnia operatur ad honorem & gloriam suæ potestatis, suæ sapientiæ, suæ bonitatis, suæ iustitiæ, suæ virtutis, & sic de aliis: ita quòd nihil potest facere contra honorem suæ potestatis, nec contra honorem suæ sapientiæ, nec contra honorem suæ bonitatis. Et omnia opera diuina possunt reduci ad potestatem, sapientiam & bonitatem, & per hæc tria operatur omnia extra se, & ad ista tria reducuntur alia. Ad operandum enim ista tria sufficiunt, scilicet bonitas, potestas & sapientia: & ista tria simul requiruntur, nec vnum sufficit sine aliis.

## T I T V L V S C L X X X V.

*Quod in diuino honore includitur utilitas hominis seu creatura rationalis.*

**E**T quia Deus operatur omnia opera sua ad honorem suæ potestatis, suæ sapientiæ & suæ bonitatis: & honor & gloria bonitatis est operari utiliter & cōmodè ad maiorem utilitatem: ideo sequitur, quòd utilitas semper includitur in Dei honore, & nullo modo honor diuinus potest separare à se utilitatem creaturæ: quia nullo modo potest facere contra honorem suæ bonitatis: in cuius honore semper includitur utilitas & commodum alicuius. Et ideo cum dico Dei honorem, dico creaturæ utilitatem: nec est necesse exprimere ipsam utilitatem, quia Dei honor totum importat. Et sic omnia totaliter reducuntur ad diuinum honorem, & de omnibus potest reddi ratio per diuinum honorem.

T I T V L V S C L X X X V I .

*Quod diuinus honor probat opera Dei exterius esse  
potentissime, optime, sapientissime, &  
beneuolentissime facta.*

**Q**uoniam autem Deus operatur omnia opera sua ad honorem suæ potestatis, suæ sapientiæ & suæ bonitatis: nec aliter potest ea operari: & quia honor & gloria potestatis est potenter potentissime, operari: & honor & gloria sapientiæ suæ est sapienter & sapientissime proportionabiliter & proportionabilissime & congruentissime & ordinatissime operari: & gloria bonitatis est bene & optime, beneuolenter, & beneuolentissime, utiliter & utilissime, operari: ideo sequitur, quòd opera Dei sunt potentissime, sapientissime, & optime facta. Et ideo omnia opera Dei sunt proportionabilissima, ordinatissima, congruentissima & utilissima. Ideo nihil potest esse in diuinis operibus improporcionatum, incongruum, nihil inutile, nihil superfluum, nec diminutum, vel inordinatum.

T I T V L V S C L X X X V I I .

*Quod quanto opera sunt magis ardua, magnifica,  
altiora, magis mirabilia & difficilia, & magis  
& pluribus utilia & communia:  
magis Deo conueniunt &  
pertinent.*

**H**oc autem ostenditur sic, quoniam honor & gloria soli Deo conueniunt & pertinent, & quantò magis honor ascendit, tantò magis Deo conuenit: & quantò magis aliqua pertinent & respiciunt ad honorem & gloriam Dei, magis Deo pertinent: & quantò opera sunt magis ardua magis alta, magis mirabilia, magis subtilia & difficilia, magis pertinent ad gloriam & honorem diuinæ potestatis & sapientiæ diuinæ: quantò etiam aliqua sunt magis utilia & pluribus communia, tantò magis pertinent ad gloriam & honorem & laudem diuinæ bonitatis: ergo cum Deo conueniat quicquid potest esse magis & pertineat ad honorem suæ summæ potestatis & suæ summæ sapientiæ & infinitæ bonitatis: sequitur, quòd opera summæ potestatis &

summæ bonitatis Deo conueniunt & pertinent: & quanto magis sunt talia, tanto etiam magis ei cōueniunt. Et per consequens ei conuenit ad honorem suæ potestatis, sapientiæ & bonitatis ita potēter operari, quod nō possit potentius cogitari: ita sapienter, quod non possit cogitari sapientius: ita vtiliter & benignè, quod non possit cogitari benignius, nec vtilius: & hoc requirit honor & gloria suæ potestatis, suæ sapientiæ & bonitatis. Quare concluditur, quod quanto opera sunt magis ardua, magnifica magis, alta magis, magis incomprehensibilia & magis mirabilia, & subtilia & difficilia, & magis & pluribus vtilia: magis Deo conueniunt & pertinent, cum omnia, quæ magis pertinent ad honorem & gloriam suam & laudem, magis ei conueniunt. Et exinde possunt multa alia concludi & sequi. Vnde potest sequi, quod quicquid magis pertinet ad honorem & gloriam Dei, magis oportet esse, magis debet fieri. Et ideo magis oportet mundum esse productum totaliter de nihilo, quàm de aliquo: & magis de nouo, quàm ab æterno: quia magis hoc pertinet ad honorem & gloriam suæ potestatis & bonitatis. Item sequitur, quod quanto opera erunt magis vtilia homini & creaturæ rationali, magis fient: quia hoc magis est ad honorem suæ bonitatis. Item quia conuenit Deo, vt honor suus & gloria crescant exterius, quantum fieri poterit: & hoc non possit fieri nisi per opera: ideo conuenit Deo facere opera summæ bonitatis, summæ potestatis, summæ sapientiæ & benignitatis. Sic ergo per ipsum honorem Dei possumus cognoscere, quod Deo conuenit magis extra se operari considerando honorem & gloriam suæ potestatis, suæ sapientiæ & bonitatis & iustitiæ & misericordiæ & pietatis. Et ex omnibus potest concludi, quod opera Dei ex se consummabuntur, finientur & terminabuntur in summo honore, in summa laude & in summa gloria suæ potestatis, suæ sapientiæ, bonitatis & iustitiæ: & quod tunc cessabit operari exterius, quando honor suus, laus sua & gloria erunt completa.



*Quod honor Dei cum gloria & laude in æternum durabit  
& sine fine permanebit.*

**Q**Via autem iam dictum est, quòd quicquid operatur Deus exterius, operatur ad honorem & gloriam & laudem suæ potestatis, sapientiæ & bonitatis: ideo quia Deus à nullo potest impediri, necesse est, quòd honor suus fiat & compleatur: quia aliter honor & gloria suæ potestatis destruerentur. Et per consequens sequitur, quòd omnia debent determinari & consummari ad suum honorem & ad suam laudem & gloriam. Et quia non esset summus honor, nec summa gloria, nisi honor & gloria sua durarent & perpetuarentur in æternum, vt nunquam cessent: ideo necesse est, quòd honor Dei permaneat in æternum & gloria & laus. Et per consequens opera Dei debent permanere in æternum. Et quia honor requirit honorantem, & gloria glorificantem, & laus laudantem: ideo propter æternitatem honoris Dei & suæ gloriæ & laudis oportet, quòd sint creaturæ, quæ possint in æternum Deum laudare, honorare & glorificare de operibus suis, & quæ cognoscant opera. Si enim nulla esset creatura, quæ cognosceret opera Dei, & videret, in vanum Deus operaretur propter honorem & laudem & gloriam suam. Et quia sola creatura rationalis potest hoc facere: ideo creatura rationalis debet in æternum durare propter honorem Dei & laudem & gloriam. Et sic perpetuitas honoris Dei & gloriæ & laudis arguit perpetuitatem creaturæ laudantis & glorificantis. Et quia honor Dei non potest esse sine utilitate: ideo sicut honor Dei debet perpetuari; ita debet etiam utilitas perpetuari. Et ideo etiam utilitas creaturæ rationalis perpetuabitur, vt simul maneat honor & utilitas sine fine.

*Quod honor Dei est duplex , & dupliciter debetur.*

*Honor naturalis.*

*Honor acquisitus.*

*Honor est premium virtutis.*

*Soli Deo honor.*

**C**onsiderandum autem , quòd honor vno modo est naturalis, & debetur ex debito naturæ, scilicet, ratione primitatis & principalitatis & auctoritatis. Et iste honor debetur alicui, quia est principium & primum: quia omne principium & primum in quantum tale est honorandum: Et quia solus Deus est principium totaliter, & nihil est ipsum primum principium nisi per ipsum: ideo ipse est solus honorandus isto honore primo: & omne aliud in quantum est principium & primum & honorandum, quia repræsentat ipsum. Et ideo pater & mater & principatus honorantur, quia sunt principium quoddam. Et talis honor non includit gloriam, nec laudem, nec famam, nec nomen: quia non datur, nec debetur nisi ratione primitatis. Alius est honor, qui non est à natura, nec ex debito naturæ; sed est honor acquisitus & debitus ex mirabilibus operibus, honorabilibus, & gloriosis. Et iste honor includit in se gloriam & laudem, famam & excellentiam & benedictionem. Et iste honor iunctus cum laude & gloria est præmium extrinsecum, & remuneratio exterior bonorum, operum, quod debetur ab omnibus cognoscentibus talia opera. Vnde fructus exterior bonorum operum est honor, laus, gloria, fama, benedictio: & sunt corona bonorum operum: quia propter honorem, gloriam & laudem coronantur exterius bona opera, quia digna sunt exterius coronari. Et quia solus Deus facit bona opera, & omnia bona opera per ipsum fiunt: & quamvis creaturæ operentur; tamen ab ipso habent, quòd operentur, & non à seipsis, quia de nihilo factæ sunt: & ideo ipsæ creaturæ & opera creaturarum bona ipsius Dei sunt radicaliter & principaliter: ideo honor, laus & gloria, quæ sunt præmium exterius & corona bonorum operum, soli Deo debentur. Siue ergo Deus immediate operetur, per seipsum, seu per creaturam; semper ipse honor, laus & gloria Dei sunt, & soli Deo debentur. Sed quia creatura rationalis operatur simul cum Deo liberè, voluntariè & sponte: & complacet in operibus bonis: ideo debetur

*ci*

Et præmium & remuneratio ratione libertatis & complacentiæ in bonis operibus : sed non debetur ipsi creaturæ præmium , nec remuneratio exterius ; sed interius : quia esset ei vanitas. Et ideo non debetur creaturæ honor , nec gloria , nec laus ex operibus suis ; sed solum utilitas interius : quia creatura debet perfici & compleri & crescere intra se , donec sit completa. Quando ergo Deus operatur per se immediate sine creatura : tunc talia opera non possunt præmiari , nec remunerari nisi exterius per honorem , laudem & gloriam : & hoc soli Deo debetur : quia est plenus interius , & intra se. Sed quando operatur per creaturam rationalem : tunc debentur duo præmia , vnum interius , aliud exterius : vnum pro Deo , aliud pro creaturis. Præmium Dei est honor & operis laus & gloria ; præmium creaturæ est utilitas : & hoc est valde rationabile : ut sicut duo concurrunt voluntariè simul ad vnum , quod uterque habeat præmium sibi conueniens , scilicet Deus honorem & creatura utilitatem. Quid enim faceret creatura indigens de honore & gloria : & quid faceret Deus summe plenus de utilitate , cum Deus non possit crescere intra se , & creatura possit crescere intra se ? Et sic honor est præmium extrinsecum , & utilitas est præmium intrinsecum. Et sic Deus præmiat & remunerat creaturam rationalem interius , dando sibi præmium perficiendi eam & complendo & augmentando : & ipsa creatura rationalis , ut ipse homo præmiat & remunerat Deum & coronat exterius , dando sibi laudem & gloriam & honorem & benedictionem de ipsis operibus. Et ita uterque habet suum præmium. Et in hoc ostenditur magna Dei dignatio : qui vult à sua creatura præmiari , honorari , laudari & glorificari. Et inde sequitur , quod postquam honor laus & gloria sunt præmium , quod Deo debetur exterius , quod excedunt omnia creata sine mensura. Et ideo maior est honor Dei , quam totus mundus : quia hoc est corona sua exterior. Et ideo qui aufert sibi honorem , plus tollit , quam si tolleret totum mundum : Et ideo iniuria Dei non potest per omnes creaturas reparari. Dicamus ergo , quod quicquid datur , vel acquiritur , vel est intrinsecum bonum illi rei , cui datur : ita quod est eius perfectio & complementum , vel iumentum : vel est bonum extrinsecum non pertinen-

*Homini*

*debetur*

*præmium*

*interius.*

*Præmiū*

*Dei.*

*Honor est*

*præmium*

*extrinse-*

*cum, uti-*

*litas in-*

*trinsecū.*

*Honor*

*Dei est*

*maior to-*

*to mun-*

*do.*



ad perfectionem, vel ad complementum, nec ad adiutorium: & hoc est honor laus & gloria: sed primum est utilitas, & hoc debetur solum creaturis; sed aliud solum Deo. Quicquid ergo pertinet ad perfectionem & complementum & ad adiutorium, ipsi creaturæ debet dari. Sed quicquid non pertinet ad perficiendum, nec ad complendum rem, nec ad adiutorium, soli Deo debet dari: & hoc est honor, gloria, laus, benedictio, gratiarum actio, & omnia, quæ exterius dantur. Et ex hoc possumus videre, quod duplex est crementum, & dupliciter aliqua res habet crescere, scilicet intra se & extra se. Nam tunc aliqua res crescit intra se & interiorius, dum completur & perficitur. Et tamdiu crescit & potest crescere, donec perveniat ad ultimum complementum. Sed tunc aliqua res crescit exterius & extra se, dum acquirit honorem, laudem & gloriam & famam. Et istud crementum nullo modo intrat intra rem, nec unitur ei: quia honor, gloria, fama, nullo modo sunt intra rem, sed extra rem, nec pertinent ad rem: & ideo sunt crementa exteriora, nec complent, nec perficiunt ipsam rem. Et ideo tale crementum non debetur creaturæ, sed præmium: quia creatura potest crescere intra se. Et ideo si non habeat in se totum suum crementum & quærat extra se crementum, quærit vanitatem: quia ipsa existens vacua à sua perfectione, à propria bonitate exteriori, à suo complemento interiorius quærit crementum intra se, quod nullo modo potest intrare rem nec perficere. Et ideo si creatura rationalis nondum completa quærat honorem, gloriam, laudem, exterius: tunc intra se impletur vacuitate & vanitate, & efficitur vacua à sua propria perfectione & bonitate interiori: & intrat in eam vanitas & inanitas, quæ est vacuitas propriæ perfectionis & bonitatis & utilitatis: & in ea nulla est soliditas, nec firmitas: quia ibi non est propria bonitas, nec perfectio, nec potest esse firmitas. Et ideo sibi nihil proficit crementum exterius, honoris, laudis & gloriæ: imò dum magis vult crescere exterius, deficit interiorius, & remanet pauperrima intra se. Et quantum quærit extra se de honore, laude & gloria, tantum perdit intra se de perfectione & bonitate & vera utilitate propria. Et quia omnis res appetit semper crescere, donec sit completa: ideo creatura rationalis si non quæ-

*Quærens  
honorem  
quærit  
vanita-  
tem.*

rit

rit crescere interius, necesse est, ut quærat crescere ex- *Quarere*  
terius: ideo si non quærit propriam bonitatem intra se, *honorem*  
necesse est, quod quærat honorem, laudem & gloriam *est contra*  
extra se:& hoc est contra naturam,& contra rationem: *rationē.*

quod res existens vacua intra se, & carens propria per-  
fectione quærat honorem extra se,& gloriam, cum sit  
pauperrima & miserrima. Et ideo crementum extrin-  
secum non debetur creaturæ. Sed quia Deus est ple-  
nus intra se, & nullo modo potest interius crescere:  
ideo ei soli debentur laus, & gloria, & honor: quia  
in Deo nulla potest esse vanitas, neque vacuitas: quia  
in eo est summa plenitudo. Sic ergo habemus duplex *Epilo-*  
crementum vnum extrinsecum, aliud intrinsecum: vnum *gat.*  
pertinens creaturæ, aliud pertinens creatori. Et habe-  
mus etiam, quod honor debetur principio in quantum  
principium est, & debetur etiam bonis operibus. Et  
per consequens Deo debetur honor dupliciter: & quia  
est primum principium & etiam propter opera bona.  
Primus honor est naturalis, secundus est acquisitus: &  
iste honor acquisitus est crementum exterius, qui est  
semper coniunctus cum gloria & laude. Quod autem  
semper bono operi debeat laus & gloria & honor,  
signum est euidētissimum, quia homo timet face-  
re mala coram hominibus propter vituperium & con-  
fusionem: quia vituperium & confusio dantur propter  
mala opera & acquiruntur ex ipsis. Ergo per con-  
trarium bonis operibus debetur honor, laus & gloria.  
Si ergo Deus facit opera bona: ei debetur honor,  
laus & gloria.

T I T V L V S C X C.

*Quod Deus fecit creaturam rationalem & totum mun-  
dum propter honorem qui acquiritur & debetur &  
sequitur propter opera ut ipse cresceret in creatura  
rationali extra se: & ipsa rationalis creatura cre-  
sceret simul intra se.*

**Q**Uoniam autem Deus non potest crescere in seipso  
nec intra se: quia infinitus est & summe perfectus;  
sed tamen potest crescere extra se: & creatura potest  
crescere in seipsa & intra se: ideo propter ista duo cre-  
menta debent fieri omnia. Et quia tunc Deus potest  
crescere extra se, quando suus honor, sua laus, & sua

*Homo  
factus  
est, ut  
Deus in  
eo cre-  
sceret.*

gloria, & sua fama crescunt. Et cum honor coniunctus cum gloria & cum laude acquiratur de nouo & sequatur opera: sequitur quod ipse omnia opera extra se facit, ut per illa sequatur & acquiratur honor cum laude & gloria. Et quia honor, laus & gloria, quæ sunt exteriora crementa, non possunt esse nisi Deus cognoscatur & cognoscantur etiam opera sua: & cum sola creatura rationalis potest cognoscere Deum & opera sua: sequitur quod propter honorem Dei & laudem & gloriam rationalis creatura facta sit. Et ideo cum Deus non possit crescere intra se, sed extra se: & extra se non possit crescere nisi in creaturis ipsis crescat: & quia tunc Deus crescit extra se, quando suus honor, sua laus, & sua gloria, & sua fama crescunt: & hoc non potest fieri nisi in sola creatura rationali: ideo sequitur quod fecit creaturam rationalem, ut ipse cresceret in ea, scilicet, ut cognitio Dei noua, & notitia Dei noua fieret in ipsa creatura. Quando enim notitia & cognitio Dei crescit, tunc crescit suus honor, laus sua, & sua gloria & fama. Et ideo quando notitia Dei multiplicatur & crescit, tunc Deus crescit & multiplicatur. Vnde notitia rei est similitudo rei: & ideo quando fit notitia in creatura rationali de Deo, tunc quodam modo fit Deus de nouo: quia sua similitudo fit in creatura rationali. Et quanto maior fit notitia Dei, tanto magis crescit Deus: Et quanto magis crescit notitia Dei, tanto magis crescit suus honor, sua laus, & sua gloria. Et sic fecit Deus homines & creaturas rationales, ut in eis cresceret. Et quia dum Deus crescit extra se in hominibus & in creatura rationali, ipsa creatura rationalis crescit intra se, & homines crescunt interius: ideo simul & semel Deus crescit extra se in creatura rationali: & creatura rationalis crescit intra se & in Deo & de Deo; & est vnũ & idem crementum. Sic ergo crementum Dei exterius & extra se est crementum creaturæ rationalis interius & intra se, & crementum ipsius creaturæ est crementum Dei. Et sic creatura rationalis intra se crescit, dum Deus crescit in ea: & tunc Deus crescit in ipsa, dum fit cognitio & notitia Dei in ipsa. Et talis notitia fit in creatura per opera Dei: quia cognoscendo opera Dei cognoscitur Deus & manifestatur extra se: & dum cognoscitur per sua opera, tunc honoratur, laudatur &

*glorifica*



glorificatur. Sic ergo quærat<sup>ur</sup> Deus extra se ut co-  
gnoscatur exterius & exinde honoretur, laudetur &  
glorificetur, & honor suus & laus sua multiplicentur:  
& ex sequenti ut creatura rationalis ipsum cognosce-  
ndo crescat de sua cognitione, & impleatur notitia  
ipsius: & exinde honor, laus & gloria Dei crescat &  
multiplicetur in ipsa creatura rationali, quæ dum Deum  
cognoscit, ipsum honorificat, laudat & glorificat. Sic  
ergo ad ista duo clementa tendunt omnia opera Dei,  
quæ tamen sunt vnum clementum. Si enim Deus non  
cresceret extra se, nec creatura rationalis posset crescere  
intra se & quia rationalis creatura habet intellectum &  
voluntatem: ideo Deus debet crescere in intellectu &  
voluntate ipsius creaturæ: & ipsa creatura debet imple-  
ri de Deo tam in intellectu, quam in voluntate ad ho-  
norem, laudem & gloriam Dei. Et quia aliter crescit  
intellectus, aliter voluntas: & aliud est clementum  
vnius & aliud alterius: & vtrumque clementum oportet,  
quod fiat de Deo: ideo oportet, quod Deus multis  
modis crescat extra se: & ideo sunt plures modi  
crescendi Dei extra se: quia creatura rationalis multis  
modis potest crescere intra se. Vnde Deus crescit,  
dum notitia de Deo crescit: & Deus crescit, dum amor  
Dei crescit: etiam Deus crescit, dum timor de  
Deo crescit: & Deus crescit, dum spes & confidentia  
in Deum crescunt: Deus crescit, dum fides in Deum  
crescit: & dum omnia crescunt, tunc honor, laus &  
gloria Dei crescunt. Et ideo etiam similiter creatura  
rationalis ut ipse homo crescit intra se, dum fit in eo  
& generatur cognitio Dei: crescit etiam, quando fit  
in eo amor Dei: crescit etiam, quando generatur in  
eo timor Dei, spes in Deo, confidentia in Deum, & fides  
in Deum. Ista ergo sunt incrementa Dei extra se, & in-  
crementa creaturæ rationalis, seu hominis intra se. Atta-  
men licet multis modis crescat Deus extra se, & creatura  
rationalis intra se; tamen duo sunt, principalia incremen-  
ta, sicut duo sunt, qui possunt crescere in creatura, scili-  
cet, intellectus & voluntas. Ista autem duo incrementa sunt  
notitia & amor. Vnde cognitio & notitia Dei est incremen-  
tum intellectus: sed amor Dei est incrementum voluntatis.  
Tunc ergo crescit intellectus in Deo & de Deo, & Deus  
in intellectu, dum crescit Dei cognitio & notitia. &c.  
Et tunc crescit Deus in voluntate, & voluntas in Deo;

*Deus de-  
bet cres-  
cere in  
intellectu  
& volū-  
tate ho-  
minis.*

*Duo  
principa-  
lia incre-  
menta  
hominis.*

dum crescit amor Dei in voluntate. Sed tamen primum incrementum, scilicet, cognitio & notitia Dei est fundamentum omnium & radix. Si enim non sit cognitio Dei, non erit amor Dei, nec timor, nec honor, nec laus, nec gloria Dei. Ecce ergo quanta vnitas, & quanta propinquitas, & quanta obligatio Dei cum hominibus & cum rationali creatura: quia Deus voluit crescere exterius in ipsis hominibus, ut ipsi crescerent in eo, & simul honor, laus & gloria Dei fierent, & homines intra se crescerent. Ecce qualiter honor, laus & gloria Dei fecit rationalem creaturam, & homines fieri: Ecce qualiter honor Dei fecit homines crescere & impleri: Ecce qualiter laus Dei, gloria Dei fecit mundum, qui non erat, fieri. Ecce qualiter honor & gloria & gloria Dei fecit Deum extra se operari. Diligere ergo debemus super omnes creaturas honorem, laudem, & gloriam Dei: quia fecit nos fieri, fecit nos esse. Præponere debemus omnibus honorem Dei, propter quem sumus: custodire debemus honorem Dei, propter quem immortales erimus, & perpetuo viuemus.

## T I T V L V S C X C I.

*Quod sicut Deus omnia operatur propter suam laudem, suum honorem & gloriam: ita operatur omnia propter suum nomen.*

**Q**Uoniam autem quicquid potest de nouo acquiri, vel est res, vel est nomen: & quia Deus non potest sibi de nouo acquirere aliquam rem, cum omnes res mundi ipse fecerit: & sic cum fine suæ, non potest eas de nouo acquirere. Item frustra acquirere cum nulla re indigeat, quia est infinitus, & sic summè plenus intra se: ergo quicquid de nouo potest sibi Deus acquirere, est solum nomen. Et hoc Deo maximè conuenit: quia solum potest extra se crescere, quia acquirere, hoc est crescere extra se potest, non intra se. Vnde tunc aliqua res extra se crescit, quando nomen nouum acquirit: & quanto magis illud nomen crescit, tanto magis res extra se ipsam crescit. Nomen autem acquiritur ex operibus, quæ apparent & videntur. Quando enim opera sunt bene facta, necessario ex eis sequitur honor, laus, fama &

& gloria, cum attribuantur & debeant attribui illi, cuius est illud opus bene factum, & tunc res illa, cuius est opus, & cui attribuitur, acquirit sibi nomen novum ex tali opere. Acquirere ergo nomen, est acquirere novum honorem, novam laudem, & novam gloriam, & famam novam ex propriis operibus. Et quia opera possunt esse bene facta, vel male facta: ideo ex operibus potest acquiri nomen bonum, vel nomen malum. Quia sicut ex operibus bene factis de necessitate sequitur honor, laus & gloria: ita ex operibus male factis sequitur dedecus, vituperium & inhonoratio. Vnde iste est ordo, quoniam res primo est, & deinde datur sibi nomen proprium importans & representans & significans illam rem distinctè & determinate, ut verbi gratia, primo homo est & deinde datur sibi nomen proprium: Et istud nomen non datur propter opera bene facta: quia ante nominis proprii impositionem nondum homo operatus est aliquod opus bene factum, nec malefactum; sed significat rem nudam sine operibus. Et ideo habere istud nomen non est acquirere honorem, nec laudem, nec gloriam, nec famam; sed postea homo per cursum vite sue operatur bona opera bene facta: & tunc acquirit honorem & laudem & gloriam & famam propter opera, & acquirit novum nomen propter opus, & secundum naturam operis acquirit nomen, & ex multis operibus multa nomina. Et omnia ista nomina acquisita ex operibus coniunguntur cum primo nomine ipsius rei, quod erat nudum sine honore, sine fama: & sic primum nomen efficitur magnum & honorabile & laudabile & famosum, & crescit in nobilitate, in honore, in fama, in laude & in gloria, propter opera rei, cuius est. Sic ergo à principio nomen rei est sine honore, sine laude & sine fama: sed postea propter operationes rei, cuius est, ipsum nomen crescit & efficitur magnum in honore, in laude, in fama: & quantum crescunt opera bona, tantum crescit nomen rei in nobilitate & in dignitate: & opera illius rei à principio usque ad finem importantur postea per illud nomen, & dum illud nomen auditur, intelliguntur omnia opera sua: Ita ergo res dum operatur, facit crescere suum nomen: & dum magis operatur, facit ipsum magis crescere: quia nomen sequitur rem. Et ideo quia propter bene facta opera

*Deus ac-*  
*quirit*  
*nomen.*

*Ex ope-*  
*ribus ac-*  
*quiritur*  
*nomen*  
*bonum.*

*Nota*  
*pulcher-*  
*rimum*  
*exemplū.*



pera de necessitate sequitur honor, laus, gloria, fama & ista sunt exteriora & extra rem, sicut nomen etiam est extra rem; & non est ipsa res: ideo ipse honor, ipsa laus, & gloria, & fama coniunguntur cum nomine ipsius rei, per ipsum nomen ipsa res impletur honore, laude, gloria & fama. Vnde cum honor, laus, gloria & fama, quæ sequuntur ad opera, non possint intrare ipsam rem, cuius sunt opera: & ipsa res nihil habeat extra se magis propinquum, magis familiare quam nomen suum, quod importat totalem ipsam rem, & per quod ipsa res ubicunque portatur, imò prædicatur de ipsa in recto, quod nihil aliud exterius facit: sequitur quod ipse honor, ipsa laus, gloria & fama debentur nomini ipsius rei, eo quia ipsum nomen potest crescere & impleri de honore & laude, &c. Quia ergo ipsa res non potest crescere intra se de honore, nec de laude, nec de fama, & ipsum nomen potest crescere de ipsis: necesse est quod ipsum nomen crescat & impleatur honore, laude & gloria & fama: ut postquam non possunt manere in ipsa re, remaneant in suo nomine & dentur nomini suo. Ecce ergo opera exeunt à re, & apparent & videntur exterius, & ex operibus talibus debetur honor, laus, quæ sunt exteriora: & ipsum nomen rei est exterius & apparet: ideo honor, laus, fama, & gloria, quæ sequuntur ad opera, debent dari, nomini ipsius rei operantis. Ergo ipsa opera faciunt exterius crescere ipsum nomen, & faciunt ipsum nomen honorabile, laudabile, famosum & gloriosum & benedicendum. Ipsum autem nomen potest duobus modis crescere. Primo in seipso, scilicet dum crescit & impletur honore, laude, gloria & fama propter opera: & istud est primum clementum. Secundo crescit nomen, cum iam est plenum in se, quando multiplicatur & dilatatur & extenditur per plures homines in cordibus hominum. Et ergo propter opera bene facta, quæ apparent, necessario sequitur verè honor, laus, gloria & fama rei, cuius sunt opera, quæ coniunguntur cum nomine ipsius rei, & faciunt nomen magnum. Et cum solus Deus operetur opera bene facta, & omnia opera benefacta sint ipsius Dei, quia omnis creatura est ipsius Dei opus, & per consequens omne opus creature benefactum est opus Dei: sequitur quod honor, laus, gloria & fama, quæ sequuntur ad omnia opera bene facta

*Nomen  
alicuius  
duplici-  
ter cres-  
cit.*

Quia omnium rerum, vere & verissimè Dei sunt, & Deo debent verè dari, & nulli alteri rei. Et per consequens solus ipse debet acquirere nomen ex operibus omnibus bene factis, & solum suum nomen debet crescere in vniuerso in vero honore, laude, gloria & fama, in dignitate & nobilitate: Et per consequens omnis honor, omnis laus, omnis gloria & omnis fama in veritate omnium operum benefactorum nomini ipsius Dei debent dari. Et ideo solum suum nomen debet esse honorabile, laudabile, famosum, gloriosum, magnificum & benedictum; & nullum nomen creaturæ de se debet honorari, laudari, glorificari. Et sequitur vltèrius, quod hoc est proprium soli Deo, scilicet acquirere nomen veri honoris & laudis & gloriæ. Et per consequens concluditur, quod Deus operatur omnia extra se propter suum nomen, scilicet vt impleatur omni vero honore, vera laude, gloria & fama: vt sit magnum magnificum, honorabile & gloriosum, famosum & laudabile: vt postquam non potest crescere intra se, crescat exterius in suo nomine. Et ideo sequitur, quod sicut operatur omnia propter sui honorem, laudem & gloriam: ita operatur omnia propter suum nomen. Et per consequens sequitur, quod idem est operari propter suum nomen, & operari propter suam laudem & gloriam & honorem. Et ideo necesse erit, quod quicquid fit, vel fieri potest in toto vniuerso siue bonum, siue malum, veniat ad honorem & laudem & gloriam nominis sui. Etiam quicquid iam conclusum & dictum est de honore Dei, concludi & dici potest de suo nomine.

*Solum  
nomen  
Dei de-  
bet cres-  
cere in  
mundo.*

T I T V L V S C X C I I.

*Quod nomen Dei ex operibus acquisitum respicit  
semper veram utilitatem hominis &  
commodum.*

**Q**Voniam autem iam declaratum est, quod honor verus & utilitas vera sint ita colligata, vt non possint separari: ita vt verus honor Dei respiciat semper veram utilitatem non suam, sed alterius: & vera utilitas respiciat semper verum honorem: ideo verus honor Dei semper respicit veram hominis utilitatem, & vera hominis utilitas semper respicit verum honorem Dei.

Dei. Et quia omnia, quæ pertinent ad honorem Dei, pertinent ad suum nomen, & suum nomen exterius acquiritur & constituitur ex omnibus operibus, quæ pertinent ad honorem & laudem & gloriam: ideo etiam sequitur quod suum nomen ex operibus extra acquisitum semper respicit vtilitatem hominis veram. Quia enim Deus omnia fecit propter hominis vtilitatem: & cum nomen Dei acquiratur ex operibus, quæ facit extra se: sequitur, quod etiam suum nomen pertinet ad hominis vtilitatem imò de tanto nomen Dei acquisitum magis pertinet ad vtilitatem hominis, de quanto suum nomen excedit omnes alias creaturas. Plus ergo proficit, plus valet & plus est vtile nomen Dei homini, quam omnes creaturæ simul: Et plus valet nomen Dei, quàm omnes creaturæ: quia nomen Dei respicit Deum, & de directo & principaliter ad ipsum pertinet, & est magis propinquum ei, quàm omnes creaturæ. Creaturæ ergo & omnia, quæ Deus operatur, sunt & fiunt, vt Dei nomen constituatur & acquiratur, & postea ipsum nomen Dei constitutum & acquisitum facit & causat totam vtilitatem hominis. Si enim Deus nihil operaretur extra se, nullum nomen acquireret extra se: Quia ergo nomen Dei respicit veram vtilitatem hominis, & cum vera vtilitas hominis sit, vt amet & timeat Deum, honoret & laudet & glorificet eum, speret & confidat in eo, credat & obediat ei: vt scilicet fiat & nascatur in homine amor Dei, timor Dei, & spes eius, confidentia in Deo, & fides & obedientia, & totaliter homo vniatur Deo: sequitur quod nomen Dei acquisitum ex suis operibus semper respicit ad ista supradicta, scilicet, vt per nomen Dei generetur in homine amor Dei & timor Dei, spes & confidentia, fides & obedientia. Ideo hoc sequitur, quod totaliter debet esse nomen Dei extra se constitutum & acquisitum, vt possit causare in homine & generare amorem, timorem, spem, confidentiam, fidem & obedientiam. Igitur quicquid pertinet ad nomen Dei, pertinet ad amorem, vel spem, vel confidentiam, &c. Et etiam nomen Dei acquisitum debet esse nomen amoris, timoris, spei, confidentiæ, fidei, & obedientiæ, honoris, laudis & gloriæ, & sit proportionatum & conueniens homini ad eius vtilitatem. Et ideo vt nomen Dei conuenientissimè & congruentissime consti

*Nomen  
Dei vti-  
le est ho-  
mini.*



constituatur ad veram hominis vtilitatem, conuenit, quod homo faciat opera amoris, opera fidei & fidelitatis, opera spei, confidentiæ, & obedientiæ opera honoris, laudis & gloriæ. Et ideo conuenit Deo, vt faciat extra se opera omnipotentis, vt acquirat nomen omnipotentis, vt per hoc nomen timor Dei generetur in hominibus: Conuenit etiam, vt faciat opera, per quæ acquirat hoc nomen Dominus extra se, vt per hoc nomen generetur timor in hominibus: Conuenit etiam, vt faciat opera iustitiæ & iudicii, vt acquirat nomen iusti & iudicis, vt etiam per hoc nomen generetur timor in hominibus: Conuenit etiam, vt faciat opera exterius, opera summæ bonitatis, vt acquirat exterius hoc nomen ( bonus, ) vt per hoc nomen generetur amor in hominibus: Conuenit etiam, vt faciat opera summæ sapientiæ extra se, vt acquirat nomen sapientis extra se & summæ sapientis, vt sic laudetur ab hominibus: Conuenit etiam, vt faciat opera, per quæ acquirat nomen & famam exterius, vt scilicet sit & nominetur veraciter fidelis & verus & pius, misericors & benignus, sanctus, amicus, adiutor, saluator, protector, vt sic per hæc nomina generetur in hominibus spes, confidentia & fides in eum. Sic ergo conuenit, vt ex multis operationibus acquirat Deus multa nomina, & ex multis nominibus constituatur & integretur vnū nomen Dei magnum, gloriosum, laudabile, honorabile, magnificum, famosum, admirabile, amabile & timendum. Et hoc est summè vtile homini. Vnde quia voluntas non trahitur nisi excitetur, ideo oportet quod nomen Dei exterius acquisitum sit tale, quod excitet voluntatem, & excitet ad timorem & ad amorem, &c. quamuis enim Deus ab æterno sit Dominus omnipotens, sapiens, iustus & bonus, verax, fidelis, & sic de aliis: attamen hoc non esset manifestum, nec notum exterius extra se: & ideo quia res manifestatur exterius per operationes suas, conuenientissimum est Deum operari extra se opera, per quæ acquirat nomen & famam apud homines: vt sic cognoscatur & nominetur ad honorem sui & vtilitatem hominum. Deo enim non est necesse habere exterius nomen, nisi vt cognoscatur ab hominibus.

*Nomen  
omnipotentis  
Domini.  
Iusti.*

*Boni.*

*Sapientis.*

*Illa nomina excitant hominē.*

## TITVLVS CXIII.

*Quid intelligitur per nomen Dei acquisitum.*

**V**T autem omnia clarius manifestentur, considerandum est, quid intelligatur per nomen Dei acquisitum. Vnde nomen rei extra rem est; quia non est ipsa res, sed repræsentat ipsam rem, & significat & notificat. Per nomen autem Dei exterius acquisitum intelligitur tota illa cognitio & tota illa notitia, quæ habetur de Deo & acquiritur per illa opera, quæ operatur intra se. Vnde Deus non cognoscitur extra se, nisi per opera, quæ apparent & sunt manifesta. Tota ergo illa notitia, quæ acquiritur de Deo ex operibus, vocatur nomen Dei. Tantum enim cognoscitur de Deo, quantum opera sua manifestant. Per opera ergo, quæ Deus operatur extra se generatur notitia de ipso in cordibus hominum, siue æstimatio, siue reputatio, seu fama: & hoc est nomen Dei acquisitum apud homines. Vnde nomen bonum acquisitum est notitia, seu fama, siue æstimatio, seu reputatio cum laude & honore acquisita & generata in cordibus hominum de aliquo: sicut per contrarium malum nomen est notitia, seu fama, siue æstimatio cum vituperio & contemptu acquisita de aliquo in cordibus hominum. Tantum ergo habet aliquis de nomine, quantum habet de fama & reputatione & æstimatione in cordibus aliorum. Et qui nullius est reputationis & æstimationis, nullius est nominis apud homines, nec alicuius honoris. Tantum enim honoratur aliquis ab aliis, quantum cognoscitur, reputatur & æstimatur apud eos: Et quia ista æstimatio, seu reputatio, seu notitia potest esse maior vel minor, & crescere, & diminui: ergo & honor etiam. Nomen ergo Dei acquisitum est prima notitia, seu æstimatio, seu reputatio generata de nouo in cordibus hominum de Deo per opera sua. Et tale nomen habet Deus apud homines, secundum quod æstimatur & reputatur ab eis, & cognoscitur: Et secundum quod æstimatur & reputatur ab hominibus, secundum hoc honoratur ab eis. Et quia talis notitia seu æstimatio causatur per opera Dei: ideo quando non cognoscit opera Dei, nec cogitat in quantum Dei sunt, nihil cognoscit de Deo, nec ipsum æstimat aliquid, nec reputat.

Et

Et per consequens Deus nullius nominis, nec famæ, nec honoris est apud illum. Et secundum quod magis, vel minus cognoscit opera Dei aliquis in quantum Dei sunt: secundum hoc nomen Dei crescit in illo. Et exinde sequitur, quod locus & habitaculum nominis Dei, in quo habitat, est cor hominis. Vnde nomen Dei est extra Deum: & ideo oportet, quod habitet in aliquo loco: & nullus locus est, in quo possit habitare nisi in corde hominis: ideo cor hominis est vas nominis Dei. Et quia omnes multiplicantur & per consequens corda eorum: ideo etiam nomen Dei multiplicari potest per corda hominum. Sed istud nomen, quod manet & latet in corde, est occultum, & manifestatur exterius per aliud nomen sensibile, audibile & visibile. quod est vocale, vel scriptum correspondens nomini existenti in corde, & repræsentans ipsum exterius & significans. Et etiam honor occultus in corde & invisibilis inclusus in nomine occulto ipsius cordis manifestatur exterius per alium honorem visibilem: & talis honor, qualis est intus in corde, repræsentatur extra per signum visibile. Omnia enim, quæ extra fiunt per hominem, sunt signa eorum, quæ fiunt in corde eius. Sicut enim Deus manifestat seipsum & dat notitiam de seipso per opera exteriora: ita homo extra manifestat nomen Dei occultum, notitiam & æstimationem occultam de Deo per signum visibile, & etiam honorem occultum manifestat per honorem visibilem. Sic ergo duplex est nomen Dei, scilicet occultum & visibile, vnum intus & aliud extra: & etiam duplex honor, scilicet, occultus & sensibilis; vnus interior, alius exterior. Et ista nomina sunt apud homines, & fiunt in ipsis hominibus per opera Dei cognita in quantum Dei sunt: & ista duo nomina mensurantur secundum mensuram cognitionis operum Dei: quia quantum opera Dei cognoscuntur ab hominibus, tantum notitia de Deo generatur in hominibus, & tanta æstimatio & reputatio generatur de Deo in ipsis, quanta est notitia, æstimatio & reputatio de Deo in hominibus: tantus nominatur extra per vocem, quantus est honor exterior. Sic ergo nomen vocale exteriùs mensuratur secundum mensuram notitiæ & æstimationis seu reputationis interioris: & ipsa notitia, seu æstimatio mensuratur secundum mensuram cognitionis operum Dei, in quantum Dei sunt. Et ideo

*Locus  
nominis  
Dei est  
cor ho-  
minis.*

*Duplex  
est nomē  
Dei.*



quia opera Dei in quantum Dei sunt, non æqualiter cognoscuntur ab omnibus: ideo non est in omnibus æqualis notitia, seu æstimatio, seu reputatio de Deo, nec per consequens æqualiter nominantur exterius ab omnibus. Ista ergo sunt inter se ordinata, nomen vocale exterius, notitia, seu æstimatio interior, & cognitio operum Dei mensuratur secundum maiorem vel minorem capacitatem hominis; & secundum maiorem vel minorem familiaritatem hominis, & exercitium circa opera Dei cognoscenda: sed ipsa opera mensurantur, vel per cognitionem ipsorum operum intra se, vel per comparisonem ad hominem, propter quem sunt; vel per comparisonem ad potestatem & sapientiam & bonitatem Dei, unde procedunt. Radix ergo & fundamentum & origo nominis Dei acquisiti & notitiæ seu æstimationis, quæ fiunt de Deo, sunt opera Dei: ergo ipsa opera Dei portant in seipsis & includunt radicaliter & fundamentaliter & originaliter nomen Dei exterius acquisitum & honorem & laudem, gloriam & famam suam. Et ideo quanta sunt opera Dei, tantum est nomen suum, & tantus est honor suus & laus sua & gloria & fama sua veraciter & radicaliter & in se & de se. Et possumus ponere nomen Dei tribus modis. Primo modo in ipsis operibus. Et isto modo nomen est sibi acquisitum veraciter & de debito statim, dum opera facta sunt, & etiam honor, laus & gloria: quia semper ipsa opera portant secum nomen Dei, laudem, gloriam & honorem: & nomen & laus, gloria & honor semper consequuntur opera Dei. Et ideo ipsa opera Dei semper sunt plena laude; honore & gloria Dei & laudis eius plena est terra: & omnes creaturæ, quæ sunt opera Dei, sunt plenæ honore, laude & gloria Dei: & portant in seipsis semper nomen Dei & suum honorem, laudem, gloriam & famam. Et illud nomen est immortale & perpetuum, & etiam honor, laus, gloria & fama: quia postquam semel sunt, semper manent & nunquam destruuntur, sed semper viuunt. Et istud est primum nomen Dei acquisitum, & primus honor, & prima laus. Deinde ipsa opera Dei plena honore, laude & gloria sua & nomine intrant cor hominis & cognoscuntur ab homine, & veniunt ad eius notitiam, & tunc portantur in corde hominis, & relinquunt in eo notitiam & similitudinem Dei, seu vestigium

*Nomen  
Dei in  
operibus.*

*Nomen  
Dei in  
corde ho-  
minis.*



stigium cum honore, laude & gloria, quia sunt plena sua similitudine & notitia eius & honore, laude & gloria & ideo dant illud, quod habent in seipsis. Et sic ipsa Dei opera cognita ut Dei sunt, causant & faciunt in homine notitiam, æstimationem, & reputationem de Deo, à quo procedunt: & hoc cum honore, laude & gloria & bona fama: Et hoc est secundum nomen Dei acquisitum in cordibus hominum. Deinde sequitur tertium nomen, quod est sensibile, visibile & audibile in voce, vel in scripto: Et istud nomen est signum ordinatum ad placitum ad significandum & repræsentandum secundum nomen & etiam primum. Et istud nomen magis est signum nominis, quam sit nomen; sed inquantum significat & repræsentat verum nomen, dicitur nomen Dei. Ecce ergo tria nomina: Primum nomen acquisitum est, quod sedet in omnibus operibus Dei, & est fixum & permanens & immutabile, & non potest deleri, & solum semel generatum est cum ipsis operibus. Sed secundum nomen, quod habitat in cordibus hominum, quamvis sit fixum & permanens; attamen potest deleri de cordibus hominum, & quotidie de nouo generatur & multiplicatur, secundum quod homines multiplicantur, & est idem apud omnes homines, sed variatur secundum magis & minus, & secundum quod magis, vel minus crescit. Sed tertium nomen est audibile, ut scriptum, non est idem apud omnes homines, sed variatur secundum diuersitatem linguarum & idiomatum. Et sicut dictum est de nomine; ita dici potest de honore, laus & gloria. Nomen ergo Dei, laus, honor & gloria quasi dormiunt in ipsis operibus, & quasi sunt in potentia nondum actuata: sed postea dū ipsa opera intrant cor hominis & cognoscuntur; tunc ipsum nomen, laus, honor & gloria, quæ ibi dormiebant, excitantur & euigilant & actuantur, & ultimò per sensibile signum exterius manifestantur. Et sic homo quodammodo viuificat nomen Dei & suum honorem & laudem, gloriam & famam suam. Apparet igitur, & declaratum est, quid intelligitur per nomen Dei acquisitum sibi de nouo, & in quo fundatur radicaliter. Aliud autem nomen habet Deus ab æterno, quod non est acquisitum ab operibus: & hoc est hoc nomen esse, quia Deus est ipsum esse: Et hoc est primum nomen, in quo includuntur omnia nomina, &

*Nomen  
Dei in  
voce, vel  
scripto.*

*Epilogat  
de tripli-  
ci nomi-  
ne.*

*Nomen  
Dei dor-  
mit.*

*Nomen  
Dei æter-  
num.*

T. 9. &amp;c.

clauditur omne nomen, vt declaratum est in principio libri in capitulo de esse. Et sic Deus ab æterno in seipso absque mundo & creaturis habet nomen vniuersale, in quo continetur omne nomen: Et sicut in hoc nomine esse continetur omne nomen; ita in nomine Dei acquisito continetur omnis honor, omnis laus, gloria & fama.

## T I T V L V S C X C I V.

*Quod notitia de Deo acquisita per opera eius in hominibus habet multos gradus, & etiam nomen eius.*

*Notitia  
de Deo  
est inae-  
qualis.*

*Maior  
cognitio  
de Deo.*

**Q**uoniam autem opera Dei sunt radix & fundamentum notitiæ, quæ de Deo acquiritur in hominibus: ideo quia opera Dei habent gradus intra se; secundum hoc etiam notitia, quæ acquiritur in homine de Deo per opera eius, habet gradus. Vnde quædam sunt opera Dei, quæ multum distant ab homine, quædam propinqua homini, & quædam opera sunt & fiunt extra hominem, & quædam sunt & fiunt in homine: & illorum, quæ fiunt in homine, quædam fiunt in corpore, quædam in anima, & etiam quædam sunt opera Dei magis familiaria homini, & quædam minus. Et sic opera Dei non habent se æqualiter ad hominem, in quo debet generari notitia de Deo, & per consequens notitia, seu cognitio generata de Deo in corde hominis per opera Dei non est æqualis, sed habet multos gradus. Vnde maior est notitia, quæ acquiritur de Deo per opera Dei, quæ sunt propinqua homini, quàm per opera Dei, quæ multum distant ab homine. Et etiam maior est cognitio, quæ est generata de Deo in homine per opera, quæ sunt in homine, quàm per illa, quæ sunt extra hominem: & per opera Dei, quæ fiunt in homine, quàm per illa, quæ fiunt extra hominem: & etiam maior est cognitio generata de Deo in homine per illa quæ sunt in anima, quàm per illa, quæ sunt in corpore. Et quia nullum opus Dei est magis propinquum ipsi homini, quàm ipsemet sibi, quia opus est Dei: ideo notitia generata de Deo in homine per cognitionem sui ipsius, qui est opus Dei, est maior omnium. Et sic homo dum cognoscit seipsum in quantum est opus Dei, magis cognoscit, & magis videt de Deo: quàm dum cognoscit pecus, quod etiam est



est opus Dei. Et quia omne opus Dei inquantum Dei est, portat suam notitiam, suum nomen & suum honorem, suam laudem & suam gloriam: & opera maiora & digniora portant maius nomen, maiorem laudem & gloriam: ideo cum homo sit maius opus Dei inter omnes creaturas manifestas: sequitur quod homo dum cognoscit seipsum inquantum est opus Dei, magis æstimat de Deo & magis reputat & maius nomen & maiorem laudem & gloriam sibi dat, quàm quando cognoscit alia opera. Et ista notitia acquisita de Deo per cognitionem hominis, inquantum est opus Dei, potest esse maior, vel minor, secundum quod homo magis vel minus cognoscit & videt seipsum. Præterea quædam sunt opera Dei, quæ fiunt circa illa, quæ sunt extra hominem, scilicet in aliis creaturis: & alia sunt opera, quæ fiunt in ipsomet homine & circa ipsum hominem. Et magis cognoscit homo Deum per opera, quæ fiunt in homine, quàm per illa, quæ fiunt extra hominem: Item quædam sunt opera Dei, quæ omnis homo potest videre per experientiam; & alia sunt, quæ non videt nisi per testimonium aliorum, qui dixerunt & viderunt. Et certius & magis cognoscit homo Deum per opera, quæ videt & percipit per experientiam, quàm per opera, quæ cognoscit per testimonium aliorum. Item quia nihil magis cognoscit homo, quàm illud, quod sentit & videt per experientiam: ideo notitia generata de Deo per opera Dei, quæ homo videt per experientiam, tenet ultimum gradum cognitionis per opera sua. Et iste habet duos gradus: quia aliquando *Duplex* homo videt per experientiam opera, quæ Deus operatur *cognitio* circa alium hominem, vel circa aliam rem extra se; *Dei ex-* aliquando videt & sentit per experientiam opera, quæ *perimen-* Deus operatur circa seipsum singulariter: Et iste est *talis.* ultimus gradus cognitionis per experientiam; & iste est certissimus, solidissimus, & firmissimus, qui semper manet: & ibi est complementum cognitionis. Vnde ista notitia non potest esse nisi in vno homine; nec potest alicui communicari: quia nullus homo potest totaliter percipere, nec sentire illa, quæ fiunt circa seipsum, sicut ipsemet homo. Potest enim quilibet homo cognoscere per experientiam opera, quæ fiunt circa alios extra se; sed non sentire, sicut illa, quæ fiunt circa seipsum: sed magis cognoscit, quæ fiunt circa

*Maxima  
cognitio  
Dei ex-  
perimen-  
talis.*

*Homo  
diuersi-  
modè no-  
minat  
Deum.*

*Deus ac-  
quirit  
multi-  
plex no-  
men.*

seipsum, quam circa alios; imò nullus alius potest sentire illa, quæ fiunt circa seipsum, nisi ipse solus. Sic ergo cognitio per experientiam habet duos gradus. Et quia per opera Dei cognita generatur notitia de Deo in homine: & ideo cognitio, quam homo habet de operibus, quæ fiunt circa ipsum, est vltima, maxima & firmissima & solidissima & certissima: ideo sequitur, quod cognitio, seu notitia, seu æstimatio acquisita de Deo in homine per opera Dei, quæ fiunt circa ipsum singulariter, est vltima, maxima, firmissima, solidissima, & certissima: & donec homo cognoscat Deum per talia opera, non habet veram certitudinem, nec securitatem de Deo, nec verè Deum honorat, nec glorificat, nec cognoscit, nec amat, nec timet. Si ergo bonum est homini habere veram notitiam de Deo; bonum est ergo ei, quod Deus operetur in ipso & circa ipsum: Et quantò plus operabitur Deus circa ipsum singulariter; tantò maiorem acquirat de Deo notitiam per experientiam. Et ideo sequitur, quod secundum quod Deus multis modis operatur circa ipsum hominem: secundum hoc homo diuersimodè nominat Deum: Aliquando enim nominat & dicit & cognoscit per experientiam Deum esse potentem, quando, scilicet sentit circa seipsum opera potentiae Dei: aliquando nominat ipsum sapientem, aliquando pium, aliquando bonum, aliquando misericordem & benignum, secundum quod diuersimodè sentit operari Deum circa seipsum. Et tunc homo acquirit certissimam notitiam de Deo cum laude, gloria & honore: & hoc modo quilibet homo dat magnum nomen propter opera singularia, quæ operatur Deus in quolibet. Et sic Deus acquirit nomen multipliciter; Primò scilicet generaliter & communiter ab omnibus creaturis ex operibus vniuersalibus, quæ sunt communia creaturis: Secundo modo acquirit nomen specialiter & singulariter in quolibet homine, quando operatur singulariter & secretò in aliquo homine: & ideo notitia Dei & suum nomen multiplicatur & crescit in hominibus per talia opera, & secundum quod magis, vel minus operatur circa quemlibet: secundum hoc notitia & suum nomen crescit in quolibet. Et hoc est verè cognoscere Deum, sentire opera sua circa seipsum per experientiam. Item magis sentit homo per experientiam opera, quæ



quæ Deus operatur circa animam, quàm circa corpus: quia anima, quæ cognoscit, magis est propinqua sibi ipsi quàm corpus: & ideo maior & magis acquiritur notitia de Deo in homine per opera, quæ operatur circa suam animam, quàm circa ipsum corpus: & in illis operibus est ultimus finis, & ultima certitudo de Deo per opera. Ecce ergo qualiter notitia acquisita de Deo per experientiam, per opera, quæ homo videt per experientiam, habet multos gradus. Primus gradus est per opera, quæ homo videt extra se in aliis: Secundus gradus est per opera, quæ homo sentit in proprio corpore suo fieri: Tertius gradus est per opera, quæ homo sentit & percipit circa suam animam. Et omnia ista pertinent ad nomen Dei & ad laudem & gloriam & honorem & ad suam famam. Sic ergo secundum quod opera Dei sunt communia & vniuersalia omnibus, vel pluribus, vel singularia & secreta: secundum hoc acquiritur de Deo notitia communis, vel singularis, & maior, vel minor. Et homo potest cognoscere Deum per creaturas extra se in quantum sunt opera Dei; & per seipsum in quantum est opus Dei: & per opera, quæ operatur extra se in aliis hominibus & creaturis: & per opera, quæ operatur circa seipsum tam circa animam, quàm circa corpus. Et per consequens multis modis potest ipsum laudare, glorificare, magnificare & honorificare, & ei famam dare. Patet ergo, quod notitia de Deo acquisita per opera eius in hominibus habet multos gradus: Et per consequens reputatio & æstimatio de Deo est maior, vel minor in cordibus hominum, & habet multos gradus, nec est æqualis apud omnes. Et exinde sequitur, quod cum secundum maiorem, vel minorem reputationem, seu æstimationem detur honor maior, vel minor, & etiam laus & gloria & nomen sequitur, quod ab omnibus hominibus non datur æqualiter, honor, laus & gloria, & nomen interius & exterius.

*Epilogus  
de gradibus  
experientialibus  
notitiæ Dei.*



*De obligatione hominis erga honorem Dei & laudem  
& gloriam : & nomen suum.*

*Primo.*

*Secundo.*

*Tertio.*

**Q**uoniam iam manifestum est, quòd omnia, quæ Deus operatur extra se in creaturis, operatur ad suum honorem, laudem & gloriam & nomen : & etiam dictum est quod honor, laus & gloria & nomen Dei acquiritur & generatur & crescit per opera benefacta, & opera creaturarum : & quia homo, qui est creatura nobilior Dei, quæ sit in mundo, potest operari & habet potestatem operandi : ideo sequitur, quòd homo debet & obligatur operari omnia opera sua, quæ facit, propter honorem, laudem & gloriam & nomen Dei, & ad hoc debet dirigere omnia opera sua, ut scilicet per opera sua sequatur honor Dei, laus & gloria & nomen Dei. Ulterius sequitur, quòd homo debet & tenetur solum quantum potest, velle & laborare, ut suum nomen fiat, crescat & multiplicetur, in quantum fieri poterit. Et quia per opera hominis bene facta : sequitur, generatur & fit maior laus, maior gloria, & maius nomen, quam per opera aliarum creaturarum, cum homo sit nobilior creatura : sequitur, quòd non solum homo debet & obligatur facere omnia opera sua propter honorem Dei, ut dictum est ; sed etiam tenetur & debet tantum operari, quantum poterit, & multiplicare opera sua & meliori modo, quo poterit operari. Et in hoc debet continuò & incessanter studere & omnem diligentiam apponere ad hoc, ut per opera sua honor Dei, laus, gloria, fama & nomen crescant, & multiplicentur, quantum fieri poterit. Et non solum hoc tenetur facere, sed & velle & laborare, ut in omnibus rebus, in omnibus hominibus, & in omnibus operibus honor Dei, laus, gloria, nomen & fama fiant, crescant & multiplicentur, quantum fieri poterit. Aliiter si homo facit contrarium omnium supradictorum, sequitur, quòd homo non operatur ut creatura Dei, nec ut homo ; imò operatur contra Deum & contra intentionem Dei totaliter, & contra ordinationem divinam, & contra finem, ad quem facta sunt omnia. Et quia honor Dei semper est cum utilitate, nec possunt separari honor Dei & utilitas : & ubi maior honor Dei, ibi maior

maior utilitas : & quia etiam tota utilitas est hominis, & non Dei, sequitur, quod quando homo operatur ad honorem, laudem, & gloriam Dei; & ipse operatur ad suam utilitatem : quod quanto magis homo laborat, ut honor Dei crescat & multiplicetur : tanto etiam magis laborat, ut sua propria utilitas crescat & multiplicetur. Item quia homo debet & obligatur *Quarto.* amare honorem Dei, & laborare, ut crescat & multiplicetur, in quantum fieri poterit : sequitur, quod homo obligatur ponere totum seipsum, & totam vitam suam, & dare vitam suam, & omnia, quæ habet ad honorem Dei, laudem & gloriam. Et per consequens, quod quando homo dat vitam suam, & quicquid habet, ad honorem Dei : quod tunc facit maximam suam utilitatem : quia tunc laborat, quantum potest usque ad ultimum de potentia ad Dei honorem : quia non potest magis laborare ad Dei honorem, quam dare vitam suam pro illo : & ideo hoc est summa utilitas, summum commodum & lucrum hominis. Et ideo sequitur quod homo nihil perdit, sed summè lucratur, dum vitam suam dat ad honorem Dei : & ideo non perdit vitam. Præterea etiam sequitur & concluditur, quod homo debet & obligatur & tenetur credere de Deo, & confiteri, & attribuere, & dicere de ipso omnia illa, quæ pertinent ad suum honorem, ad suam laudem, ad suam gloriam & ad suum nomen, & famam suam : & magis illa, quæ pertinent ad maiorem laudem, ad maiorem honorem, & ad maiorem gloriam, quam illa, quæ pertinent ad minorem. *Quinto.*

T I T V L V S C X C V I.

*Quod omnia, quæ potest homo, vel debet dare Deo, reducuntur ad honorem : & quicquid facit homo Deo, semper ipsum honorat, vel inhonorat, seu contemnit, vel iniuriatur.*

**Q**uoniam autem iam declaratum est, quod omnia, quæ Deus facit extra se, facit propter suum honorem : & quod omnia, quæ Deo pertinent extra se, pertinent ad suum honorem, quia honor respicit & comprehendit totum statum Dei extra se : & quia homo potest & debet & tenetur reddere Deo & dare

*T. 181.*

*& t. 182.*

*Tit. proximo.*

plura, ut probatum est: & omnia, quæ homo potest facere Deo & reddere, sunt extra Deum: ideo sequitur quod omnia debita, quæ homo potest & debet dare Deo, reducuntur, & pertinent ad honorem Dei. Et quia omnia, quæ respiciunt Deum, exterius respiciunt & pertinent ad suum honorem, vel ad contrarium sui honoris, scilicet ad inhonorationem, seu contemptum & iniuriam: ideo quicquid homo facit Deo, semper ipsum honorat, vel inhonorat. Cum enim honorare & inhonorare contrarietur inter se: & omnia, quæ fiunt exterius extra Deum, debeant fieri ad suum honorem: sequitur, quod si non fiunt ad suum honorem, quod fiunt contra suum honorem. Et per consequens homo Deum semper honorat, vel inhonorat. Et ideo sequitur, quod omnia ista quæ homo debet Deo, scilicet amor, timor, laus, honor, & gloria, obedientia, spes, fides & credulitas & confidentia reducuntur & pertinent ad honorem Dei, & opposita istorum sunt contra honorem Dei. Et ideo qui amat Deum primò, honorat ipsum: & qui non amat ipsum primò, inhonorat ipsum: Et qui amat Deum, & non amat eum primò, inhonorat ipsum: quia est primò amandus: Et si non amatur, quod primò amandum est, iniuria & contemptus est: Et qui timet Deum primò, honorat ipsum; & qui non timet, inhonorat: & qui obedit Deo, honorat ipsum: & qui non obedit, inhonorat: Et qui sperat in Deo, ipsum honorat: & qui non sperat in Deo, ipsum inhonorat: Et qui confidit in Deo, honorat ipsum: & qui non confidit, inhonorat: Et qui credit & dat fidem Deo, ipsum honorat: & qui non credit ei, ipsum inhonorat: & qui non credit Deo primò & totaliter, etiam ipsum inhonorat. Sic ergo amare Deum primò, timere Deum primò, glorificare & laudare Deum primò, obedire Deo primò, sperare in Deum primò, & confidere in Deo primò, & credere Deo primò, hoc est honorare Deum. Sed non amare Deum primò, non timere Deum primò, non obedire Deo primò, non laudare, non sperare in Deo primò, non confidere in Deo primò, non credere Deo primò: hoc est Deum inhonorare, contemnere & iniuriare. Et sic omnia, quæ Deo dantur per hominem, reducuntur ad honorare Deum, & contemnere, vel iniuriari. Et sic honorare Deum, vel inhonorare, omnia claudunt.

*Omnia  
reducantur  
in honorem  
Dei vel  
contra.*

Et



Et quia honorare Deum & inhonorare opponuntur ; sicut nullum maius bonum potest facere homo , quàm honorare Deum ; ita nullum peius malum potest facere homo , quàm Deum inhonorare. Et sicut nihil maius potest esse extra Deum , quàm honor Dei ; sic nihil peius potest esse extra Deum , quàm inhonoratio Dei, seu iniuria Dei. Sic ergo soluere & reddere Deo debitum est ipsum honorare ; & non soluere , neque reddere est ipsum inhonorare & contemnere & iniuriari. Studere ergo debet homo diligentissimè , vt diligat Deum & reddat & soluat Deo quod debet. Vnde quia Deus vult suum honorem, quia propter illum fecit omnia : & omnia, quæ homo debet facere, & reddere Deo, pertinent ad eius honorem : sequitur , quòd Deus vult, quòd homo reddat Deo quod debet, & nihil potest velle contra suum honorem.

## TITVLVS CXCII.

*De multiplicatione honoris & iniuria.*

**Q**uia autem omnis creatura facta est ad honorem Dei, & respicit honorem Dei, & pertinet ad honorem Dei, & etiam respicit Deum quodammodo : ideo honor Dei respicit honorem omnium creaturarum ; & iniuria Dei respicit iniuriam omnium creaturarum. Et ideo quando honoratur Deus, honorantur omnia, quæ Dei sunt, scilicet omnes creaturæ. Et quando Deus inhonoratur, & contemnitur, seu iniuriatur: etiam iniuriantur & contemnuntur & inhonorantur omnes creaturæ. Et sic in inhonorare Deum includuntur infinitæ inhonorationes, & in iniuria Dei includuntur infinitæ iniuriæ simul & semel. Et sic nihil ita citò crescit & multiplicatur, sicut honor & iniuria: quia honor vnius est honor infinitorum, & iniuria vnius simul & semel est iniuria infinitorum. Qui ergo honorat Deum, honorat omnes creaturas : & qui iniuriat Deum, simul & semel iniuriat omnes creaturas : sicut qui iniuriat regem, iniuriat omnes de regno simul & semel.

*Peccans  
inhono-  
rat Deū  
in infinitum.*

## T I T V L V S C X C V I I I .

*De honore proprio qui est contrarius honori Dei tanquam eius capitalis inimicus.*

**Tit. 95.** **Q**uoniam iam probatum est, quod homo debeat facere omnia opera sua ad honorem Dei, & tenetur laborare quantum potest, ut honor Dei, laus, gloria, & fama & nomen crescant & multiplicentur, quantum fieri poterit tam in seipso, quam in omnibus aliis; aliter si non faciat hoc, tunc homo non operatur ut creatura Dei, nec ut opus Dei; imò facit contra Deum & contra intentionem totalem eius & contra suam ordinationem, quamvis hoc sit magnum malum. Sed tamen peius est, si operetur omnia & faciat homo, quæ facit, ad suum proprium honorem & ad suam propriam laudem & gloriam, & ad acquirendum sibi ipsi nomen & famam: & ad hoc studeat & laboret, ut honor suus proprius, laus, gloria & fama & nomen fiant, crescant & multiplicentur: quia tunc homo studet & laborat de directo contra Deum; imò nihil magis est contra Deum, nihil magis repugnat Deo, nihil magis inimicatur Deo, quam talis honor proprius, talis laus, talis gloria, & fama: quia contrariatur & inimicatur de directo honori Dei & suæ laudi & gloriæ, & statui toti diuino extra se, qui consistit in laude, in gloria & in honore: quia Deus omnia fecit propter suum honorem, & soli Deo debetur laus & gloria, & hoc est sibi proprium: quia tunc homo facit per seipsum suum statum sicut Deus, separatus & diuisus à Deo & contra Deum, & tollit, rapit & furatur id, quod est proprium Deo. Et ideo sequitur, quod nullo modo homo potest esse maior inimicus eius visibilis & manifestus: nullo modo potest magis iniuriare & inhonorare Deum, quam quando studet & laborat & facit omnia ad suum proprium honorem & suam gloriam & laudem propriam. Et sic patet qualiter homo subito potest effici inimicus Dei capitalis, volendo proprium honorem & laudem & gloriam: qualiter subito fit guerra inter Deum & hominem: & maxima inimicitia & maxima diuisio & discordia fit propter proprium honorem, laudem & gloriam: quia hoc est de directo ire contra intentionem Dei, contra

**Tit. 181.**

**Tit. 189.**

*Subito  
efficitur  
quis ini-  
micus  
Dei.*

COR

cor Dei, & contra fundamētū Dei, & tangere cor ipsius Dei, & contra totum ordinem vniuersi. Et per consequens sequitur, quòd per nihil magis homo potest cognoscere manifestè & experimentaliter & infallibiliter, quòd ipse vadit contra Deum, & quòd iniuriat ipsum, & quòd sit cōtra ipsum, quàm per proprium honorem, laudem & gloriam: & quia nihil magis experimentaliter, visibiliter ad oculum manifestat iniuriam Dei & offensam, & inimicitiam Dei, quàm proprius honor: & nihil magis & nihil facilius homo sentit & videt in seipso, quàm proprium honorem & propriam laudem. Ergo proprium honorem & laudem & gloriam tanquam per illud, quòd est summè sibi familiare, omnia potest cognoscere & iudicare experimentaliter: quia nihil magis est manifestum hominibus, quàm honor, laus & gloria. Et ideo sicut per duos amores *Tit. 187.* superius dictos omnia poterant probari; ita similiter *Tit. 152.* per duos honores. Vnde dictum fuit in tractatu de amore quòd duo amores, scilicet, amor Dei & amor sui ipsius erant duæ portæ & duæ primæ radices ad intelligendum omnia; ita similiter duo honores, scilicet, honor Dei & honor proprius sunt duæ portæ ad intelligendum omnia. Vnde magis sunt manifestiores isti duo honores, quàm duo amores: quia magis manifestus est honor, quàm amor. Et ideo probare per honorem est magis manifestum, quàm probare per amorem. Sicut autem omnia bona reducebantur ad *Tit. 141.* Dei amorem, & ab ipso oriebantur, & omnia mala reducebantur ad proprium amorem & priuatum, & ab ipso oriebantur; ita omnia bona reducuntur ad honorem Dei, & ab ipso oriuntur magis manifestè, & omnia mala reducuntur ad honorem proprium & priuatum, & ab ipso oriuntur magis manifestè. Quamuis autem omnia oriantur à duobus amoribus; non tamen ita manifestè, sicut à duobus honoribus; & tamen ipsi duo *Tit. 181.* honores oriuntur à duobus amoribus, vt dictum est: quia sunt duæ primæ radices.



*Declaratio ad oculum, qualiter homo per honorem proprium est, & fit verus & rectus inimicus Dei.*

*Tit. 213.*

*Quarens proprium honorem occupat locum Dei.*

*Secundo.*

**Q**Voniam autem superius iam tractatum est de honore Dei & laude & gloria & fama & nomine suo, qualiter scilicet sit, qualiter generatur & qualiter crescit in cordibus hominum, vnde dictum est, quod corda hominum debent impleri de cognitione Dei, & ad hoc facta sunt, vt fama Dei & nomen Dei habitent in cordibus hominum; vt scilicet homines cognoscendo Deum per opera sua habeant de Deo bonam æstimationem, bonam reputationem, & opinionem, & per consequens ipsum honorent, laudent, & magnificent, & glorificent in cordibus eorum: sic quod corda hominum debent esse vasa nominis Dei & honoris sui, & laudis suæ. Sed homo qui quærit proprium honorem, propriam laudem, & propriam gloriam, & famam: ipsemet primò occupat cor suum circa suummet proprium honorem, & circa illum continuò cogitat, & semper vigilat, & studet quomodo honor proprius fiat, crescat, multiplicetur & permaneat; & tamen deberet occupare cor suum circa honorem Dei, laudem, & gloriam, & in ipso fieri cognitio de Deo. Et sic cor suum, quod est nominis Dei vas, occupat circa honorem proprium suum, & tenet occupatum de proprio honore. Et in hoc facit maximam iniuriam: quia occupat sibi suum proprium locum & ponit illud, quod est contra Deum, intus in corde suo. Item non solum occupat, nec tenet occupatum & impeditum suum proprium cor circa suum proprium honorem; imò quod peius est, vult quod corda aliorum hominum, quæ sunt vasa honoris Dei & nominis sui, occupentur & repleantur de suo proprio honore, de sua laude, fama, & nomine suo, & de sua æstimatione & reputatione: ita quod cogitent circa sua opera, circa suam famam, circa suum nomen, vt ipse cognoscatur & reputetur ab hominibus: & vult quod suus honor, sua laus & gloria & suum nomen, & sua fama, & reputatio sua diffundatur, crescat & multiplicetur, & habitet in cordibus hominum, & permaneat in æternum,

æternum, & ad hoc laborat quantum potest. Vnde qui  
 quærit proprium honorem, necessario vult, quòd ille  
 crescat & multiplicetur: & non potest multiplicari nisi  
 in ipsis hominibus: & sic corda hominum vult esse occu-  
 pata circa facta sua cogitanda, & non circa Dei facta:  
 circa proprium honorem & non circa honorem Dei: circa  
 laudem & famam suam & circa nomen suum magnifi-  
 candum & exaltandum & honorandum, & non circa  
 honorem Dei, nec nomen: & vult tenere impedita  
 omnia corda hominum, & seipsum multiplicare in eis:  
 & vult, quòd imago sua multiplicetur & imprimatur  
 in cordibus omnium hominum, ut semper cogitent de  
 ipso, & loquantur de ipso, & sic vult totum mundum  
 esse occupatum circa suum honorem. Et per conse-  
 quens vult Deum expellere de regno suo, de habitacu-  
 lo suo, & de domo sua propria. Ecce maxima inimi-  
 citia & manifesta contrarietas, grandissima iniuria  
 contra Deum velle occupare, velle impedire omnia  
 loca Dei, omnia corda hominum, & ponere intus  
 inimicum Dei capitalem, scilicet honorem proprium,  
 qui est contra Deum. Ecce ergo qualiter ad oculum  
 manifestatur, quòd homo quando quærit proprium  
 honorem, fit verus & directus inimicus Dei: Et ho-  
 mo, si non quærit honorem Dei, laudem, gloriam  
 & famam: quærit suum honorem, suam laudem, glo-  
 riam & famam propriam: & si non operatur ad Dei  
 honorem, operatur ad proprium honorem: nec est da-  
 re medium. Ideò homo necessariò est semper amicus,  
 vel inimicus Dei, semper est pro Deo, vel contra Deum:  
 quia non datur medium. Qui ergo non occupatur, non  
 laborat, non cogitat, non vigilat circa honorem, lau-  
 dem, & gloriam, & famam Dei: signum est, quòd  
 occupatur, cogitat, laborat, vigilat, studet circa  
 propriam laudem & gloriam: Et per consequens non  
 potest videre, nec cogitare honorem Dei & gloriam:  
 quia iam excecatus est per proprium honorem & pro-  
 priam laudem. Cauere ergo debet homo, tanquam  
 à mortalissimo veneno & subito interficiente, à pro-  
 prio honore & propria laude & gloria, & semper vi-  
 gilare circa Dei honorem, laudem & gloriam. Ecce  
 ergo videte ad oculum, quomodo homo, qui occu-  
 patur & laborat circa proprium honorem, perdit to-  
 taliter tempus suum: videte qualiter occupatur circa  
 vanita

*Propria  
 amor fa-  
 cit ini-  
 micum  
 Dei:*

*Proprius  
 honor  
 excæcat.*

### 304 *De fructu proprii honoris.*

vanitatem & nihilum : Videte quomodo est seruus vanitatis & nihil : Videte qualiter facit Deum suum de vanitate & de nihilo : videte qualiter exponit seipsum, & quicquid habet, & illa, quæ Dei sunt, ad vanitatem & nihilum : videte quomodo vult tenere statum suum contra Dei honorem, & de his quæ Dei sunt, & quomodo laborat circa impossibile. Quia solus honor Dei fiet & permanebit, & omnis alius peribit & destruetur & ad nihilum reuertetur. Quis potest manutenere proprium honorem suum, nisi solus Deus omnipotens? Quæ creatura potest tenere honorem proprium, contra honorem sui creatoris? Qualiter opus de nihilo factum poterit tenere proprium statum suum contra statum & honorem sui opificis omnipotentis? Quæ maior stultitia, quæ maior inordinatio, quæ maior absurditas, quæ maior cæcitas, quid magis contra naturam, quàm quod opus de nihilo factum quærat proprium honorem, propriam laudem & gloriam & propriam famam, contra honorem & laudem sui creatoris, & furetur & rapiat gloriam sui creatoris, & constituat se inimicum capitalem sui factoris omnipotentis? Et quid magis contra naturam, quàm quod opus specialiter factum ad laudandum, honorandum, glorificandum, & magnificandum suum factorem, laboret & studeat totis viribus ad laudandum, honorandum, glorificandum, & magnificandum seipsum in iniuriam sui factoris?

#### T I T V L V S C C.

*Quod sicut ad honorem Dei sequitur utilitas hominis:  
ita ad honorem proprium sequitur eius inutilitas  
& damnum.*

*Honor  
proprius  
peruertit  
totum  
mundū.*

**E**T quia homo qui quærit honorem suum proprium, suam laudem, gloriam & famam suam, & nomen suum, totaliter est contra Deum : quia Deus fecit omnia & ipsum hominem propter suum honorem & suam laudem & gloriam : sed homo quærens proprium honorem facit omnia propter suummet honorem, & omnia reducit ad suummet honorem & seipsum & totum mundum : & omnia, quæ Deus fecit ad suum honorem, vult quod seruiant suo proprio honori : & per consequens ipse peruertit totum mundum & totam ordi-  
nationem



nationem Dei quantum potest & in eo est, & facit aliam ordinationem peruersam contra Dei ordinationem, & ordinat seipsum & omnes creaturas ad alium finem, quam Deus, ordinauit, & ad aliam intentionem contrariam intentioni Dei. Et sic homo tunc est totus peruersus in seipso, & Deo, qui fecit omnia, contrarius, & permutatus in contrarium finem omnium creaturarum, & facit seipsum alterum Deum propria auctoritate. Et *Tit. 185.* sicut iam probatum est, quod ad honorem Dei sequitur utilitas hominis, & semper cum Dei honore est coniuncta, nec possunt separari: ita necesse est, quod ex contrario honore sequatur oppositum, scilicet inutilitas. Et ideo necesse est, quod ad honorem proprium hominis scilicet quando homo querit honorem proprium, sequatur inutilitas hominis & damnum & incommodum: quia isti duo honores sunt contrarii & inimici adinuicem, & ex vno sequitur omnis utilitas: ergo ex alio debet sequi omnis inutilitas. Quia ergo iste honor est peruersus, & peruertit totam ordinationem Dei, necesse est, quod ex ipso homini sequatur inutilitas & damnum. Quia enim soli Deo debetur honor, & homini utilitas: ideo si homo rapiat honorem, & auferat Deo quod suum est: necesse est, quod perdat utilitatem & perdat quod suum erat, & acquirat inutilitatem & damnum, & totum peruertatur.

T I T V L V S C C I.

*Collectio damnorum & malorum & inutilitatum: quae sequuntur hominem quando querit proprium honorem.*

**E**Cce quot mala, quot damna & incommoda, quantalibet, inutilitas sequatur homini ex proprio honore & propria laude & propria gloria. Primum malum *Primò.* est, quia homo, qui est factura Dei & opus Dei, efficitur capitalis & formatus inimicus Dei factoris sui. Et quid peius homini est, quam proprius honor, per quem fit inimicus Dei, & per quem destruit, quantum in eo est, Deum factorem suum: quia destruit intentionem suam, suum honorem, & per consequens elongat seipsum à Deo in infinitum: quia tantum distat à Deo, quantum sua intentione elongatur ab intentione

- Dei? Et quia homo intendit proprium honorem, & Deus suum, qui in summo elongantur & distant inter se: ideo totaliter tunc homo distat à Deo & elongatur. Et quia Deus est totum bonum hominis, & totum bonum hominis est, quod homo coniungatur & uniatur cum Deo: ideo quantum elongat se à Deo, tantum elongat se à bono suo. Item aliud malum, postquam homo elongatur à bono suo in infinitum, necesse est, quod appropinquet suo malo, & quod cadat in tantum profundum malum, quantum Deus est altum bonum: Et ideo necesse est, quod cadat in infinitum profundum malum & in carcerem profundissimum & abyssum.
- Secundo.* Item aliud malum: Quia facit Deo factori suo infinitam iniuriam & offensam, & destruit suam ordinationem & legem: ideo meretur infinitam poenam & punitionem.
- Tertio.* Item aliud malum: quia omnia, quæ facit, facit contra seipsum ad suum damnum & ad suam destructionem & ad suam perditionem: quia omnia reducit ad suum proprium honorem, quia peruersus & contrarius Deo: Et ideo quânto magis vult facere proprium honorem; tantò magis facit suum damnum.
- Quarto.* Item aliud damnum: quia excoecat seipsum per proprium honorem, laudem & gloriam: & quânto magis querit suum honorem & cogitat circa illum & studet; tantò magis excoecatur in cognitione Dei: quia proprius honor, propria laus & propria gloria totaliter sunt contra Deum. Et ideo obtenebrant & obscurant & excoecant totaliter hominem, & ponunt ipsū extra Deum, extra lucem, extra veritatem, & extra viam: Et ideo tunc homo non potest cognoscere illa, quæ Dei sunt, nec illa quæ pertinent ad hominem in quantum homo est, nec bonum, nec malum hominis, nec ordinem vniuersi, nec aliquo modo scientia Dei potest recipi in eo: quia totus est peruersus, & ideo contrarius, & ideo omnia, quæ Dei sunt, iudicat inordinata.
- Sexto.* Item aliud malum: quia facit totum fundamentum suum in mendacio, in errore, in deceptione, in vanitate, in nullitate & in nihilo: quia proprius honor & propria laus hominis est mendacium, error, falsitas & deceptio & vanitas & nullitas.
- Septimo.* Item quia honor est extra rem, & non intra ipsam rem: ideo homo, qui querit laborare circa proprium honorem, & ad illum augmentandum & multiplicandum totaliter ædificat

dificat extra se, & nihil intra se, & totaliter laborat & est extra seipsum, & vult crescere extra se, & remanet vacuus intra se, nullum bonum habens intra se, & sic nihil boni acquirit intra se, sed tantum malum. Item in vanum laborat, perdit tempus suum, tempus *Octavo.* exponit inane & frustra, perdit conatum, perdit laborem, & ad impossibile tendit: quia nunquam suus honor poterit impleri: quia solus honor Dei fiet, cui nihil potest resistere: quia omnipotens est solus, qui potest manutenere suum honorem. Ecce ergo quot damna, quot inutilitates incurrit homo, qui quærit suum proprium honorem, quoniam est totaliter contra Deum, contra seipsum, contra omnes creaturas & contra principalem intentionem & finem, propter quem facta sunt omnia, & ad quem tendunt omnia. Videte ergo quomodo homo totis viribus, toto conamine fugere & fugare debet proprium honorem & propriam laudem & propriam gloriam.

T I T V L V S C C I I.

*Quod ex proprio honore & propria laude & gloria hominis, necessario sequitur eadem aterna confusio, aeternum vituperium, & sempiternum opprobrium.*

**E**T quia honor verus & confusio opponuntur, & laus & vituperium, & gloria & opprobrium: & honor non potest mutari, nisi in confusionem, & laus non nisi in vituperium, & gloria nisi in opprobrium & econverso, sicut calidum in frigidum & econtra: & etiam nullus honor verus nisi honor Dei, nulla laus vera nisi laus Dei, nulla gloria vera nisi gloria Dei: & per consequens nulla gloria, nulla laus, nullus honor permanebit nisi Dei. Et ideo ex honore Dei non potest sequi confusio, sed honor: ex laude Dei non potest sequi vituperium, sed laus: & ex gloria Dei non potest sequi opprobrium, sed gloria. Et ideo homo, qui quærit & laborat circa honorem, laudem & gloriam Dei, oportet, quod transeat & perueniat in verum & perpetuum honorem, & veram & perpetuam laudem & gloriam. Sed quia honor proprius hominis est perversus, inordinatus, falsus, iniustus, indebitus, & similiter de laude & gloria: & per consequens non



### 308 *Per qua homo differt à brutis.*

permanebit , sed destruetur : ideo necesse est per oppositum , quòd ex tali honore sequatur confusio , & ex laude vituperium , & ex tali gloria opprobrium. Et sic necesse est , quòd honor proprius hominis & propria laus & gloria transeant in æternam confusionem , perpetuum vituperium , & in sempiternum opprobrium. Et sic qui quærit proprium honorem , propriam laudem & gloriam , quærit æternam confusionem , perpetuum vituperium & sempiternum opprobrium sui ipsius : Et  
*Tit. 161.* est etiam simile de proprio amore. Nam sicut de proprio amore finaliter sequitur odium perpetuum sui ipsius. Et non solum hoc , sed etiam summa inutilitas , summum damnum & incommodum. Et sic desiderans proprium honorem desiderat summam suam confusionem , & suam summam inutilitatem.

### T I T V L V S C C I I I .

*Quod per honorem laudem & gloriam & per eorum contrarium scilicet per confusionem & vituperium magis visibiliter manifestatur distinctio & separatio ipsius hominis à brutis animalibus, quàm per aliquid aliud.*

**Q**Voniam autem experientia est rerum magistra, & quicquid videtur per experientiam est multum certum : & quia honor laus & gloria & fama sunt nota hominibus per experientiam : ideo illa , quæ probantur & concluduntur per honorem & alia , sunt multum certa hominibus & propinqua. Et ideo quantum possumus, debemus omnia probare per illa , quæ sunt nobis magis propinqua & familiaria , sicut sunt honor, laus & gloria, & eorum contraria, scilicet inhonoratio, confusio, vituperium. Videmus autem per experientiam , quòd animalia bruta , quæ sunt infra hominem, non cognoscunt honorem , nec laudem , nec gloriam, nec opposita istorum , scilicet inhonorationem , nec confusionem , nec vituperium : Et ideo videmus, quòd ipsa animalia nesciunt, nec possunt dare alicui honorem , nec laudem . nec gloriam , nec opposita istorum , scilicet inhonorationem , nec etiam appetunt , nec quærunt , nec desiderant honorem , nec laudem, nec gloriam , famam , nec nomen , nec timent inhono

inhonorationem, nec timēt confusionem, nec verecundiam, nec vituperium, nec opprobrium, nec contemptum, nec ignominiam, nec derisionem, nec diffamationem, quæ omnia contrariantur honori: nec tamen videmus, quod aliquo modo amant & timent: sed per experientiam est manifestum, quod ipse solus homo in mundo cognoscit omnia ista, & potest & scit dare alicui, & potest recipere & appetere & quærere & desiderare & tractare & inuestigare: Vnde potest dare aliis honorem, laudem, gloriam, & quærere sibi ipsi: & etiam super omnia timet & fugit inhonorationem, confusionem, verecundiam, vituperium & opprobrium & diffamationem. Et exinde possumus cognoscere manifestissimam differentiam & separationem & distinctionem ad oculum inter homines & omnia animalia per honorem, laudem & gloriam & contraria istorum. Et ideo sequitur, quod omnia ista ascendant per animalia: & per consequens sunt res insensibiles & intellectuales & apprehensibiles per intellectum. Et ideo sequitur, quod honor, laus & gloria, &c. solum pertinent ad res intellectuales & spirituales. Et exinde etiam possumus concludere, quod homo habet in se aliquid occultum & inuisibile, & alios oculos occultos, & alias aures, & alium visum, alium auditum super omnia animalia: quia cognoscit honorem & confusionem, &c. & animalia non possunt.

T I T V L V S C C I V.

*Quod exinde ostenditur quod maximè Deo conuenit honor.*

**E**T quia honor, laus & gloria pertinent solum ad res intellectuales inuisibiles & spirituales, & non ad res corporales nec brutales: sequitur, quod quanto res est magis spiritualis, intellectualis, inuisibilis, & magis distat à brutis; tanto magis ei conuenit honor, laus & gloria. Et quia Deus est summè spiritualis, summè intellectualis, & summè inuisibilis; ideo sequitur, quod Deo summè & in summo conuenit honor, laus & gloria: & quod Deus est summè honorabilis, laudabilis, & glorificabilis. Et per consequens opposita istorum, scilicet inhonoratio, confusio, vituperium,



*Titul. 1.* opprobrium, & verecundia, contemptus, diffamatio & irrisio, & omnia, quæ sunt contra honorem, in summo ei disconueniunt & contrariantur. Et sic ordo creaturarum & scala naturæ manifestat, quòd Deo summè contienit honor, laus & gloria.

## T I T V L V S C C V.

*Probatio quòd Deus velit defensare & manutenere suum proprium honorem.*

**Q**Uod autem Deus velit manutenere, defensare, augmentare, & conseruare suum honorem, qui maximè & in summo ei conuenit: hoc possumus manifestare ex parte hominis. Si enim homines tantum diligunt honorem proprium, quibus tamen non conuenit: & omnia, quæ habent, exponunt pro honore proprio ad illum manutenendum, defendendum, & conseruandum, scilicet, aurum, argentum & amicos, & quicquid est eis subiectum: & quicquid magis diligunt; imò & quod plus est seipsos exponunt morti, & vitam propriam dant pro honore proprio defendendo & manutenendo: quantò ergo magis Deus, cui in summo conuenit honor & debetur, diligit & conseruabit, manutenebit & augmentabit suum proprium honorem & illum defendet? Et si homo eò quia diligit suum honorem proprium, nullo modo patitur, quòd suus honor diminuat; quantò minus patietur Deus suum honorem diminui, cui solum debetur. Item si homo, qui diligit suum proprium honorem, habet odio omnem alium honorem, qui potest lædere & destruere, vel diminuere suum proprium honorem: quantò ergo magis Deus, qui diligit suum proprium honorem & singularem, & cui in summo conuenit, habet odio omnem alium honorem cuiuscumque, qui contrariatur suo honori, vel non concordat cum suo honore: & illum destruet & annihilabit? Ex hoc possumus concludere, quòd Deus deducet quicquid est, vel erit, vel fuit ad suum honorem: & quod omnia seruiunt suo honori. Et etiam possumus videre, quàm magna res est honor in se, quomodo est aliquid excellentissimum, & aliquid supra homines, cum homines exponunt seipsos morti pro illo manutenendo, & quicquid habent, dant pro illo & præligunt mori,



mori , quàm quòd honor moriatur.

## T I T V L V S C C V I.

*Quod per illa quæ dicta sunt de honore Dei , clarissimè  
& indubitanter ostenditur , quod Iesus-Christus  
est verus filius Dei æterni patris  
omnipotentis.*

**A**D probandum autem , quòd Iesus-Christus, quem colit & adorat tota Christianitas , sit verus filius Dei æterni , omnipotentis , summè sapientis , summè boni ; qui creavit mundum de nihilo, oportet resumere omnia quæ sunt iam conclusa de honore Dei. Vnde probatum est primò , quòd Deus operatur omnia , quæ facit extra se, propter suum honorem & ad suum honorem , & ad suam laudem & gloriam.

*Tit. 181.**Gr. 182.**Tit. 189.**Tit. 191.**Tit. 188.**Tit. 25.*

Item quòd soli Deo debetur honor, laus & gloria, & hoc quod est soli Dei proprium.

Item quod sicut Deus operatur omnia propter suum honorem ; ita operatur propter suum nomen.

Item quod honor Dei permanebit in æternum.

Item conclusum est per creaturas, quod Deo summè convenit honor , & quod Deus diligit honorem suum, & quod illum defendet & manutenebit.

Item quod Deus habet odio omnem alium honorem qui repugnat suo honori , vt dictum est in causa præcedenti.

Et quod Deus nihil potest facere contra suum honorem , nec permittere , quin totum reducatur ad suum honorem.

Istis præmissis, veniamus ad Iesum-Christum, quem colit & adorat populus Christianus : & videamus verba & facta sua , & opera toti mundo manifesta. Vnde hoc est manifestum , quòd ipse se dicit esse verum filium Dei : & non solum hoc ; sed dicit se esse æqualem Deo , & esse vnum Deum in essentia , eundem numero , in eadem deitate numero , sine diuisione cum Deo. Item dicit , quòd habet totam deitatem , ita quod est Deus à patre , & est ei æqualis per omnia , & quòd est genitus à Deo æternaliter : ita quod est æternus filius , & nunquam habuit principium ; sed semper cum Deo patre fuit. Item dicit per consequens se esse omnipotentem Deum, Creatorem omnium , sicut

*Ioann. 8.**Ioan. 10.**Ioan. 14.*

### 312 *Christus verus filius Dei.*

pater : & vnum & eundem Dominum cum Deo patre, & non duos. Item dicit se missum à Deo patre suo in mundum, & dicit se venisse in nomine patris sui, qui est Deus, & non in nomine patris sui, qui est Deus, & non in nomine suo. Præterea attribuit sibi opera sua, quæ soli Deo conueniunt, & nullo modo alteri. Vnde remittit peccata hominum, quod est proprium Dei, vt probatum est: dixit se iudicaturum omnes homines in fine mundi, quod soli Deo conuenit: Item dicit se resuscitaturum omnes homines in fine mundi, & promittit dare vitam æternam omnibus credentibus in eum: Item misit discipulos suos per vniuersum mundum, ad prædicandum nomen suum, & doctrinam suam nouam & inauditam à sæculo: & nouam legem dando, promittendo credentibus vitam æternam, & comminando incredulis mortem & damnationem æternam. Item in nomine suo est tota christianitas ædificata, & ante non erat: & populus christianus, in quo est imperium romanum & multa regna mundi, colit Christum & adoratur, & credit tanquam verum filium Dei, vnum in essentia cum patre, æqualem per omnia Deo patri, & tanquam missum à Deo, & tanquam vnum Deum cum patre, & non tanquam duos Deos: timet ipsum, honorat ipsum tanquam verum Deum Creatorem cœli & terræ. Et non solum hoc, sed etiam omnes Discipuli sui & Apostoli, qui ipsum prædicauerunt, & pro honore suo laborauerunt, sunt honorati & exaltati & dignificati in hoc mundo. Item ipse primò venit ad populum Iudæorum, qui colebat & adorabat solus in mundo verum Deum, qui creauit cœlum & terram: qui solus erat populus Dei, & venit ad eos tanquam filius missus à patre. Et multa alia possumus dicere, quæ iam sunt manifesta per totum mundum. Si ergo ille homo Iesus Christus non sit verus filius Dei, æqualis Deo, nec sit vnus Deus cum patre, nec sit missus à Deo vero; sed totum sit mendacium: tunc sequitur, quòd ipse sit verus inimicus Dei, aduersarius Dei, & contrarius Deo; imò nullus est, nec potest esse maior inimicus Dei, si non sit ita, sicut Iesus-Christus dixit. Si ergo non sit verus filius Dei, nec missus à Deo patre: & tamen se dicit esse filium, & missum à patre, & venire in nomine patris sui, & tale nomen attribuit sibi, & omnia, quæ operatur, facit vt Dei filius; sed totum sit



fit mendacium: quomodo Deus verus, qui creavit  
cælum & terram pateretur & permetteret Iesum-  
Christum, si non sit missus ab eo, nec sit filius eius,  
vsurpare sibi in mundo totum honorem diuinum, &  
exercere opera illa, quæ soli maiestati diuinæ conue-  
niunt? Cum enim Deus diligit suum honorem, & fa-  
cit omnia propter suum honorem, quomodo patere-  
tur, quod aliquis alius, qui non sit de natura sua, nec  
missus ab eo, imò totaliter contra ipsum, vsurpet sibi  
proprium honorem? Ergo sequitur, quòd cum hic  
destruat totaliter statum Dei, & honorem veri Dei de  
directo, si non sit ita: quòd vel necessario ita est quòd  
Iesus-Christus est verus filius Dei, genitus de sua pro-  
pria substantia, & missus ab eo; vel quòd Deus non est.  
Quia vero Deus est, vt iam probatum est: & Iesus-  
Christus non est filius suus, nec missus ab eo, nec de  
suo consensu, nec voluntate: sequitur quòd non pote-  
rit pati destructionem sui honoris. Quis enim Rex  
sapiens pateretur & permetteret in regno suo, in quo  
habet totum Dominium, quòd aliquis alius extraneus,  
qui non sit filius suus, nec missus ab eo, nec de sua  
voluntate, vellet regnare & dominari in regno suo: &  
quod diceret se esse verum filium Regis & missum à  
rege tanquam à patre & nomine Regis faceret om-  
nia. Nonne iste talis esset contra regem totaliter &  
maior inimicus Regis, qui possit esse. A simili ergo de  
Deo. Cum ergo Iesus-Christus regnet in mundo &  
regnauit & vigit, & obtinuit principatum & Domi-  
nium per mille & quadringentos annos, & honoratur &  
adoratur & colitur & timetur & creditur vt verus Deus,  
& vt filius Dei, vel æqualis patri, vnus in essentia cum  
patre, nullo modo diuisus ab eo: sequitur, quòd vel  
iple est verus filius Dei; vel quòd Deus non est. Sed  
Deus est, ergo Iesus-Christus est filius Dei, qui pati-  
tur ipsum regnare, adorari & coli & honorari ab om-  
nibus tanquam suum verum filium ab eo missum, &  
tanquam de sua propria substantia genitum, tanquam  
Deum verum de Deo vero genitum & æqualem per  
omnia ei, in potestate, in maiestate, in dignitate, in  
sapientia, in bonitate, & æternitate & gloria. Item si  
Iesus-Christus non est verus filius Dei, nec missus à  
Deo æterno, vnus Deus cum eo: & tamen dicit se esse  
verum filium Dei, missum à Deo: & tunc quero, an

*Secundo.*



### 314 *Christus verus filius Dei.*

verus Deus sciat hoc, aut ignoret. Non potest ignorare: ergo scit. Sed si scit & taceat: ergo permittit regnare & adorari & honorari mendacem in nomine suo, & permittit mundum decipi in nomine suo: quia

*Ioan. 10.* omnia, quæ Christus fecit, fecit in nomine patris. Sed

*Ioan. 14.* hoc est contra honorem diuinum, & derogat honori Dei de directo: ergo sequitur, quod Iesus-Christus est verus filius Dei missus à patre. Item nullus alius ab

*Tertiò.* initio mundi vsque modo assumpsit sibi tale nomen, nec talem honorem, quod diceret se verum filium Dei esse & Deum verum, vnum in essentia cum Deo æterno, & esse vnum Deum cum Deo & missum ab eo: Iesus Christus est solus, qui de seipso hoc dicit. Non potest esse maius nomen, quam istud, nec maior honor, nec ultra est ascensus. Nullus autem ante Iesum-Christum, nec post eum assumpsit sibi tam grandissimum nomen, nec tam grandissimum honorem. Vnde Mahometus, qui venit post Iesum-Christum per multos annos, non dixit se esse Christum, nec Deum, nec filium Dei, nec æqualem, nec de essentia deitatis; sed dixit seipsum prophetam. Nulla autem comparatio est inter nomen prophetæ, & nomen filij Dei: quia in infinitum nomen filij Dei excedit nomen prophetæ: quia nomen filij Dei dicit æqualem honorem deitati: quia filius Dei necessario Deus est, postquam genitus est de deitate. Quare sequitur, quod cum istud sit maius nomen, quod possit esse: & maior honor, qui possit esse & cogitari: cum Iesus-Christus assumpsit sibi istud nomen nouum, nunquam auditum antea talem honorem nouum, sequitur, quod vel est talis, qualem dicit se esse, vel Deus non est, cum istud nomen adhuc dureret & eius honor. Ergo Iesus-Christus est verus filius Dei missus à Deo. Si autem post Iesum-Christum venit, vel veniat aliquis, qui assumat sibi aliquod nomen ex parte Dei, vel assumat sibi nomen Dei: & sic contra Iesum Christum iam significauit Deus & declarauit omnem talem esse mendacem, & non venire ab ipso: quia Iesus-Christus est primò ab eo missus, & est verus filius eius. Quare in hoc quod permisit & voluit Iesum-Christum regnare primò sub nomine suo, & tamquam filium eius: declarauit omnem alium, qui sit contra Iesum-Christum, qui venit in nomine suo, esse mendacem, esse falsum & deceptoré, nec esse missum ab eo. Quare nullus alius, qui sit contra I.C. est recipiendus,

nec ei aliquo modo est credendum, nec obediendum. *Quarto.*  
Præterea si I.C. non sit verus filius Dei, cum ipse assummat sibi nomen istud & honorem istum, sequitur, quod nullus est, nec potest esse magis contra Deum, nec maior aduersarius, nec inimicus Dei, quam ipse, cum usurpet sibi nomen deitatis: & per consequens est capitalis inimicus Dei, qui creauit cælum & terram. Ergo sequitur, quod omnes illi, qui persecuti fuerint, & occiderint I.C. propter hanc causam & propter hanc rationem, quia faciebat se filium Dei, & dicebat, & quia assumebat sibi istum honorem, quod omnes tales fecerunt Deo vero maximum honorem: quia occiderunt & persecuti fuerunt suum inimicum capitalem, qui usurpabat sibi talem honorem & dominium: & per consequens tales debent à Deo multum amari, honorari & exaltari super omnes alios, qui sic vindicauerunt diuinam iniuriam & conseruauerunt diuinum honorem. Et per oppositum omnes sustinentes I.C. debent esse in odium Dei, & deprimi vilificari, debilificari super omnes gentes mundi: quia sustinent illum, qui est inimicus Dei capitalis, qui usurpat sibi talem honorem Dei. Ergo sequitur ex istis omnibus, quod populus Iudæorum qui persecutus est I.C. & occidit ipsum uorte turpissima, & crucifixit: & hoc propter hanc causam, quia assumebat sibi istud nomen & istum honorem, scilicet quia faciebat se filium Dei: debet esse super omnes populos, & super omnes gentes honoratus, exaltatus & dignificatus, cum occideret inimicum Dei & aduersarium Dei capitalem. Et per oppositum populus christianus, qui sustinet, adoratur, honoratur & colitur I.C. debet esse super omnes gentes depressus, inhonoratus, & in odio Dei ab ipso totaliter derelictus. Sed tamen totum oppositum est in facto: quia ille solus populus Iudæorum est in mundo captiuatus, depressus, vilipensus, & in opprobrium totius mundi dispersus. Et tamen antequam occiderunt I.C. erant in honore: & tamen Deus non debet permittere, quod ille populus, qui vindicauit suum honorem, sit in vituperio totius mundi, cum ei fecerit maximum honorem, quo non potest esse maior: & cum nulla sit gens in mundo, quæ tantum fecerit Deo honorem, occidendo aduersarium suum & defendendo honorem suum, si I.C. non sit filius Dei & tamen sustinendo adhuc patrem contra I.C. manent Iudæi in captiuitate, & propter hanc causam sunt in opprobrium totius mundi, & fuerunt per mille



*Quintò.*

annos & quadringentos. Et per oppositum populus Christianus est, & fuit in magno honore, in magna exaltatione, & in magna dignitate, & tenet imperium romanum, & hoc propter Iesum-Christum: & omnes illi, qui sustinuerunt Iesum-Christum, sunt in maximo honore & reuerentia in mundo, & fit festum de ipsis, sicut de suis Apostolis, de suis Martyribus, de suis Confessoribus: & infra Ecclesiam Iesu Christi sunt & fuerunt Imperatores, Reges & plura regna. Ergo sequitur, quod Iesus-Christus est filius Dei verus: vel Deus non est Deus. Item Iudæi occiderunt Iesum-Christum & crucifixerunt, quia dicebat se filium Dei, & missum à Deo: & hoc est manifestum per totum mundum: ergo si non erat verus filius Dei, post mortem suam perdere debuit istud nomen & istum honorem, ut amplius non fieret sermo de isto in mundo, nisi in suum vituperium & dedecus; & tamen post mortem suam magis regnavit & vixit nomen suum, quam ante, & habuit maiorem honorem quam ante: quia post mortem suam prædicatus est, adoratus, honoratus & creditus tanquam verus filius Dei & æqualis Deo per omnia. Si ergo non erat verus filius Dei, cum fuerit verè mortuus per Iudæos suos inimicos capitales occidentes eum tanquam filium Dei, quomodo post mortem obtinuit tantum nomen, tantum honorem per vniuersum mundum? Et sic ante mortem & magis post mortem claruit ipsum esse filium Dei, quam ante: ergo sequitur, quod ipse est verus filius Dei. Item non solum ipse Iesus-Christus fuit in maiore honore post mortem; sed etiam omnia, quæ Iudæi fecerunt ei in vituperium, conuersa sunt in honorem maximum: & crux, quæ erat supplicium latronum, conuersa est propter ipsum in maximum honorem. Et tamen si non esset verus filius Dei, non permisisset Deus verus ipsum post mortem honorari: nec illa, quæ facta sunt sibi in vituperium conuerti in honorem suum. Præterea si Christus non sit verus filius Dei, æternus, natus de deitate; tunc necesse est, quod sit pura creatura; & tamen dicit se esse Deum, & natum de deitate: ergo sequitur, quod dicit summum mendacium, quo non potest esse maius: sequitur ergo, quod totaliter est contra Deum, & per consequens non amat verum Deum primò, ex toto corde; sed amat primò seipsum, amar

*Sextò.*




amat primò suam propriam voluntatem, & amat primò suum proprium honorem, suam laudem, suam gloriam, & facit se Deum sua propria voluntate & auctoritate. Et per consequens est elongatus in infinitum à Deo, & habet in se omnia mala, quæ sequuntur ex proprio honore & proprio amore: ita quod est iniustus, inordinatus, & deuiatus à veritate, excæcatus in seipso, non cognoscens veritatem, non habens in seipso quietem, nec verum gaudium, quod nascitur ex vero amore Dei, & est contra hominem in quantum homo est: & est contra bonum hominis & contra seipsum, & contra ordinationem vniuersi totius: & est Deus falsus, deceptuosus, dolosus, fraudulentus, latro, proditor, rapiens sibi honorem diuinum. Et ideo est pessimus, pessima creatura, nec aliqua creatura potest esse peior: & superbissimus & in summo gradu superbiæ, appetens omnem honorem sibi & omnem laudem & omnem gloriam. Item sua propria lex, quam dedit, oportet quod sit contra Deum, contra veritatem, contra iustitiam, & contra naturam hominis in quantum homo est: & contra ordinem creaturarum, contra naturam liberi arbitrij. Item habet in seipso radicem & fontem omnium malorum in summo gradu, scilicet amorem suiipsius priuatum, & per consequens habet in seipso radicem & originem totalem omnis iniustitiæ, omnis peccati, omnis vitij, omnis falsitatis & erroris, doli, fraudis, deceptionis, sicut est dictum superius in capitulo de duobus amoribus. Sed tamen *Tit. 137.* omnia ista sunt falsissima: quia lex & doctrina Iesu-Christi est verissima, sacratissima, purissima, mundissima, iustissima, rectissima, ordinatissima, nullo modo contra Deum; sed totaliter secundum Deum convenientissima homini in quantum homo est, toti ordini creaturarum, tendens ad bonum hominum & ad verum bonum & ad veritatem, fraternitatem & concordiam & pacem omnium hominum: tota spiritualis de rebus æternis, tota fundata in amore verissimo & castissimo, pugnans contra radicem omnium malorum, & illam totaliter destruens, scilicet contra proprium amorem & priuatum, & contra proprium honorem & propriam voluntatem. Et hoc patet discutiendo totum nouum testamentum, in quo continetur lex sua. *Ioann. 5. Septimo.* Et per consequens Iesus-Christus est verus filius Dei, sicut

sicut ipsemet dicit. Præterea sit Iesus-Christus non sit verus filius Dei, & per consequens non sit verus Deus, sicut ipsemet dicit se esse: sequitur, quod est superbissimus, & cupidissimus honoris, laudis, gloriæ, & propriæ excellentiæ: ergo impossibile, quod homo superbus, qui vult reputari Deus & credi, cum non sit, velit subire & recipere tam humiliter, tam pacifice, tam libenter, tam voluntariè tantam confusionem, tantam illusionem, tantam deiectionem, tantam passionem, tam ignominiosam mortem turpissimam, & subire sponte mortem crucis, quæ crux erat in vituperium & scandalum totius mundi. Et tamen Iesus-Christus voluntariè, spontè, libenter voluit pati omnia supradicta. Et tamen omnia ista sunt contra naturam superbiæ. Quare sequitur, quod cum omnia facta Iesu Christi sine fundata in summa humilitate, qua non possit esse maior, quod ipse verè est filius Dei, & verus Deus, & impossibile est aliter esse. Et sic patet ex omnibus dictis, quod ex parte honoris divini, & ex natura honoris concluditur, quod IESVS-CHRISTVS est verus

Filius DEI, & est verus

DEVS.

\*\*\*



TITVLVS



## TITVLVS CCVII.

*Quod per omnia supradicta probatur, quòd tota christianitas fundata est in summa veritate.*

**E**T quia I. C. est verus filius Dei, sequitur, quòd quicquid dicit, est verum: & impossibile est ipsum dicere mendacium, impossibile est ipsum errare, impossibile est ipsum deficere, impossibile est ipsum aliquod malū agere, malè ordinare, malè loqui, impossibile est ipsum velle aliquem decipere, impossibile est ipsum velle alicui nocere. Et quia ipse dicit, quòd in deitate est Pater & Filius & Spiritus sanctus: & quòd hi tres vnum sunt, & quòd ipse est secunda persona in deitate: ergo sequitur, quòd ita est, & hoc est verissimum, quòd tres personæ sunt in diuinitate. Et sic probata est summa Trinitas personarum eo, quia filius Dei dicit. Item quia ipsemet dicit se esse hominem & filium hominis, sequitur, quòd ipse est homo verus, & per consequens est verus Deus & verus homo: quia ipsemet dicit: & quicquid ipse dicit, est summæ auctoritatis & infinitæ & summæ veritatis: quia est filius Dei loquens ex parte patris & auctoritate patris. Item sequitur, quòd quicquid ipse ordinauit, vel de mandato suo est ordinatum, totum est verissimum. Et quia tota Christianitas habet ortum à Iesu-Christo, & est fundata in ipso, & per ipsum, & secundum ipsum: sequitur, quòd ipsa est fundata in summa veritate, quia in vero filio Dei. Quia si radix est vera & sancta: totum quicquid inde procedit, est verum & sanctum. Et quia quicquid in Ecclesia fit, & est ordinatum: totum fit & est ordinatum in nomine & auctoritate Iesu-Christi filij Dei: sequitur, quòd omnia, quæ fiunt in Ecclesia Iesu-Christi, sunt verissima & summæ auctoritatis, & quicquid Ecclesia facit in quantum Ecclesia est, totum verissimum & summæ auctoritatis est. Et per consequens quicquid Ecclesia Christi probat, est comprobatum: & quicquid reprobat, est reprobatum. Et sic probata est auctoritas Ecclesiæ. Item postquam I. C. est filius Dei, sequitur, quòd omnes articuli sunt verissimi: Item sequitur, quòd tota biblia est vera, & in ea nullum mendaciū potest esse. Vnde totum nouum testamentum est à C. & ipsemet probauit antiquum testamentū &

*Ioan. 15.*

*Ioann. 3.*

*Auctori-  
tas Ec-  
clesiæ  
proba-  
tur.*



*Quod bi-  
blia sit  
vera  
probat.*

*Christus  
sponte  
voluit  
pati.*

& prophetas, & dicit, quod de ipso loquebantur: & per consequens necesse est, quod sit verum: & sic utrumque testamentum est verum. Ecce ergo qualiter probari habet hoc, scilicet quod Iesus-Christus est verus filius Dei: & est fundamentum & radix vnica ad probandum omnes articulos fidei, & utrumque testamentum & totam christianitatem: & totam Ecclesiam esse in veritate: quia omnia respiciunt Iesum-Christum. Ecce ergo qualiter per vnā veritatem probantur omnia. Fundare ergo debemus istam veritatem principaliter in nobis, scilicet quod Iesus-Christus est filius Dei: quia est fundamentum totius scripturæ & totius Ecclesiæ, & omnium articulorum fidei, & omnium sacramentorū. Et exinde sequitur, quod omnes illi, qui sunt & veniunt contra Iesum-Christum, sunt contra Deum, & extra Deum, extra viam & extra veritatem. Timere ergo debet omnis homo Iesum-Christum, qui non credit in eum, postquam ipse est verus filius Dei: & etiam infiniti homines veraciter crediderunt in ipsum, & ipsum crediderunt esse verum filium Dei missum à patre, & propter hanc causam mortui sunt, & voluntariè receperunt mortem, non potest excusari. Sequitur ergo, quod nullus homo excusatur. Si enim nullus credidisset, forsitan excusari posset. Cauere ergo debent super omnia illi, qui iam Christiani sunt, ne deuiant ab ipso, ne sint contra ipsum. Super omnia autem considerare debet Christianus summum opus & arduissimum & vltimum quod fecit Iesus-Christus, quia voluntariè, sponte, scienter, libenter voluit pati & sustinere tam ignominiosam & turpissimam passionem, qua de causa voluit hoc facere. Quia cum esset sapientissimus, quia filius Dei erat, non sine maxima causa & utilitate & necessitate voluit hoc facere: quia hoc tangebatur personam suam. Et ideo super omnia considerare debet Christianus, quæ causa, quæ utilitas, quæ necessitas, quis fructus tantæ passionis: quia impossibile est filium Dei in vanum tanta voluisse pati & sustinere. Vnde nihil magis publicum, nihil magis certum apud omnes homines de Christo, quam passio sua. Et ideo in passione sua debemus facere nouum fundamentum tanquam in illo, quod est notissimum & manifestissimum & indubitatum, & tanquam in id, quod fuit vltimum suorum operum.

*Præterea*

Præterea considerare debent homines, postquam Deus habuit filium, & ipsum misit hominibus, & fecit eum similem hominibus, cum quanto amore, cum quanto honore, cum quanta deuotione debent ipsum recipere. Si enim homines recipiunt creaturas, quia Dei sunt, & quia Deus fecit eas: quanto magis debent recipere filium Dei ad homines missum? Et si vnus homo amat alium hominem, quia est imago Dei creata: quanto magis debent homines amare illum hominem, qui est filius Dei? Et si homines debent amare Deum, quia dedit eis omnes creaturas: quanto magis debent amare Deum, quia misit eis filium suum & fecit eum hominem? Plus ergo est filius datus, quam omnes creaturæ: quia factus est de natura hominum, & non potest dari magis hominibus: quia creaturæ sunt extra naturam humanam; filius autem Dei intra naturam humanam. Item si homines arguunt verum amorem Dei erga eos propter creaturas, quia fecit propter hominem, & dedit hominibus: quanto magis possunt arguere amorem Dei, quia misit filium suum, & fecit eum hominem? Pensare etiam debet homo cum quanta deuotione, cum quanto honore debet recipere & audire verba, quæ dicit filius Dei ex parte Dei patris. Nonne debet relinquere omnia alia verba & recipere verba & sermones filij Dei, quæ locutus est ex parte patris? Nonne semper debet legere librum illum, in quo sunt verba, quæ filius Dei dicit ex parte Dei? Sicut enim homo recipit creaturas Dei, nonne magis debet recipere verba filij Dei, quæ dicit ex parte Dei? Nonne etiam homo debet accipere doctrinam filij Dei, & relinquere omnem aliam doctrinam? Cum quanta etiam obedientia & honore debent homines obedire filio Dei, cum sit verus homo? Quem enim alium hominem debent homines imitari, quem alium debent sequi, nisi hominem, qui est filius Dei? Cui alteri homini debent magis credere, quam filio Dei, qui est homo? Cuius hominis verba, vel facta debent homines pensare & cogitare nisi verba & facta hominis, qui est filius Dei? Quia sua verba & facta excedunt in infinitum omnia verba & facta omnium hominum. Nonne præualet vnum verbum filij Dei, quam omnia verba omnium hominum? Quid securius, quid firmitus, quid solidius, quid pretiosius, quid dul-



### 322 *Confirmatio credentium &*

cuius, quàm verba hominis, qui est filius Dei? Quis maior contemptus, quis maior spretus, quàm contemnere verba & facta filij Dei, & de ipsis non curare? Item cum quanto honore, cum quanta reuerentia debent homines honorare matrem hominis, qui est filius Dei? Cum quanta etiam reuerentia debent homines honorare duces & milites & seruitores hominis, qui est filius Dei? Cum quanta etiam deuotione debent haberi & tangi omnia illa, quæ tetigit homo, qui est Filius Dei?

#### T I T V L V S C C V I I I.

*Confortatio & confirmatio credentium in Iesum-Christum tanquam in verum filium Dei: Et increpatio non credentium.*

**E**Cce in quanta securitate sunt, qui nunc credunt in Iesum-Christum tanquam in verum hominem & verum filium Dei: & qualiter increpandi sunt summè qui non credunt.

*Gloriosum est credere in Iesum Christum.*

Primò considerandum est quàm gloriosum est de se, quàm amabile, quàm iocundum, quàm bonum esse cum filio Dei, sequi filium Dei, habere societatem cum filio Dei, esse de regno, esse de populo, esse de gente filij Dei, esse sub regimine, esse sub regula, sub doctrina, & viuere sub protectione filij Dei. Nonne est hoc magis gloriosum, magis nobile, magis honorabile, magis amabile, magis bonum & securum & iocundum, quàm sequi purum hominem, qui non est filius Dei: quàm sequi puram creaturam, quàm credere in prophetam, quàm esse & viuere sub regula, sub doctrina & sub regimine puri hominis, & prophetæ & creaturæ? Ergo illi, qui credunt in hominem filium Dei, tenent & credunt illud, quod de se est summè gloriosum, summè nobile, summè honorabile, summè amabile, summè iocundum, & summè bonum & securum. Et illi, qui credunt in purum hominem & prophetam, qui non est filius Dei, sed pura creatura: tenent & credunt, quod de se est minùs gloriosum, minùs amabile, minus bonum, minus nobile, minus securum, imò de tanto qui credunt in hominem filium Dei, sunt nobiliores & altiores & digniores & honorabiliores in sua credulitate & fide, quàm illi qui credunt



dunt in purum hominem & prophetam : de quanto homo, qui est filius Dei, excedit in nobilitate in dignitate & gloria & honore hominem, qui est pura creatura & propheta solum. Confortari ergo & confirmari debent christiani in sua credulitate & fide : quia credunt in hominem filium Dei, in hominem Deum, quo nihil maius : & alii homines credunt in hominem purum, in hominem prophetam, & in hominem puram creaturam. Et hoc est primum confortativum & confirmativum omnium credentium in Iesum-Christum tanquam in hominem verum & filium Dei verum.

Secundò considerandum est, quod Iesus-Christus totus novus modo novo apparuit in mundo : quia ante eum nunquam talis aparuerat, nec post eum apparuit cum tanto nomine, cum tanta auctoritate, cum tanto diuino honore, qui diceret se esse verum hominem & filium Dei missum à Deo, sicut Iesus Christus dicit de seipso. Vnde ipse dicit se esse Dei filium & Deum *In Ioanne in multis locis.* verum missum à Deo patre suo, & habere omnia, quæ habet, à patre suo, & non à seipso, & habere omnem potestatem sibi datam à patre & tanquam missus à Deo : omnia fecit cuius se dicit esse filium, & quem confidentur esse patrem suum, & tanquam verus filius Dei habens omnem potestatem & auctoritatem à patre super omnes homines & creaturas patris sui mandata denuntiavit, præconisavit toti mundo per suos Apostolos, quòd ipse est verus filius Dei missus in mundum, & promisit credentibus in eum vitam æternam, & eos resuscitare in nouissimo die, & promisit regnum cælorum, remissionem peccatorum omnium, quæ fecerunt contra Deum : & comminatus est omnibus non credentibus in eum pœnas æternas, damnationem æternam, & mortem æternam, & ignem æternum, & quod in fine mundi veniet iudicare omnes homines, & retribuere bonis bona, & malis mala : & dicit tales minas & comminationes : ita quod non possunt esse, nec cogitari maiores. Ecce ergo generale mandatum quod præceptum omnibus omnes comprehendit, omnes includit, neminem secludit, & auctoritate Patris ex parte Filij. Ecce dicit se tantum, quòd non posset se maiorem dicere : promisit tam grandes promissiones, quòd non possint esse maiores, nec quibus possint cogitari valentiores : locutus est cum tanta auctoritate,

### 324 *Confirmatio credentium &*

*Doctrina  
Christi  
est san-  
cta.*

qua nec potest esse, nec præcogitari maior. Et hoc est secundum confortatium & confirmatium omnium credentium in Iesum-Christum tanquam in verum hominem & verum filium Dei, scilicet generale mandatum omnibus factum.

Tertiò considerandum qualiter doctrina & lex Iesu-Christi est ita sancta, ut non possit esse sanctior: ita bona, ut non possit esse melior: ita utilis bono hominis & conueniens in quantum homo est, ut non possit esse magis utilis: ita concordans toti vniuerso, & ordini creaturarum, ut non possit magis concordare: ita concordare omnibus hominibus, ut non possit esse plus communis: ita tota secundum veritatem & secundum Deum, ut non possit esse magis secundum Deum: ita conueniens Deo & homini, ut non possit esse magis. Et hoc est tertium confortatium & confirmatium omnium credentium in Iesum-Christum.

Quartò cum supradictis considerandum est, quod infiniti homines crediderunt in Iesum-Christum tanquam in verum hominem & verum filium Dei, & secuti sunt eum & doctrinam eius & legem & totaliter vixerunt secundum eam cum summa deuotione, cum summa diligentia, & confessi sunt Iesum-Christum esse verum hominem & verum filium Dei publicè, qui omnes fideles fuerunt Iesu-Christo, & nunquam eum negauerunt; imò innumerabiles pro ista confessione sola dederunt vitam corporalem voluntariè, & sustinuerunt libenter tormenta infinita, pœnas & tribulationes innumerabiles permanendo semper fideles in confessione Iesu-Christi, sine timore, sine tremore, cum fiducia & audacia summa, & cum summa fortitudine. Et hoc totum est manifestum in tota christianitate, in qua Christus Iesus regnat & regnavit tanquam verus homo, & verus filius Dei, cum tanta auctoritate, qua non potest esse maior: cum tanta obedientia, qua non potest cogitari maior: cum tanto honore, quo non potest esse maior: Et fuit intantum dilectus, quod pro eius amore & honore voluerunt innumerabiles dare propriam vitam, & relinquere omnia, quæ in mundo sunt, patrem, scilicet, & matrem, uxorem, filios, & fratres, amicos, possessiones, & omnes mundi honores & delectationes: Et aliqui istorum fuerunt Reges, aliqui potentes in mundo, Duces, Comites,



Comites, milites, & aliqui fuerunt summi Clerici & sapientes in mundo. Ecce quot Imperatores, & Reges, quot regna, quot duces, quot Comites, quot potentes mundi, & quot sapientes crediderunt in Iesum-Christum tanquam in verum filium Dei & verum hominem. Et hoc est quartum, quod debet confortare omnes homines nunc credentes in eum, ut permaneant & magis credant in ipsum.

Quintò considerandum est, quòd nulli homini constat de opposito, scilicet quòd Iesus-Christus non sit filius Dei verus & verus homo missus à Deo patre, nec constat alicui, quòd Deus cœli reuocauerit Iesum-Christum, & dixerit ipsum nec esse filium suum, nec missum ab eo; tamen constat, quòd ipse Iesus-Christus nomine & auctoritate Dei viui patris sui regnavit & regnat & dominatur, & imperavit & imperat, etiam usus est & vitur & tanquam Deus auctoritate & officio deitatis supra totam christianitatem, & super omnes homines, quos Deus cœli creauit, & hoc per magna tempora. Et hoc est quintum, quòd debet confirmare credentes.

Coniungamus ergo omnia ista simul & fiet vnum *Epilofortificatum, corroboratum, & confirmatum gat.* nunc omnium credentium in Iesum-Christum, & incredulatum non credentium. Ecce melius, securius, amabilius, & magis honorabile & gloriosum est sequi hominem filium Dei, quàm quemcunque alium: & credere in eum, quàm in quemcunque alium purum hominem & puram creaturam. Et quoniam Iesus-Christus apparuit nouus in mundo, & dicit, se verum filium Dei, verum hominem missum à Deo patre, qui creauit cœlum & terram: & nomine suo & auctoritate sua fecit omnia, & fecit promissiones & comminationes, quæ soli Deo pertinent, & hoc omnibus hominibus in generali: & dedit mandata & præcepta omni homini, & toti mundo generalia: dedit legem sanctissimam, qua non potest esse purior, nec verior, nec sanctior: & innumerabiles populi crediderunt iam in eum firmissimè, & secuti sunt eum & doctrinam suam fidelissimè, & cum summa deuotione, & non constat de opposito, nec de reuocatione, & ex parte Dei. Ex omnibus istis sequitur, quòd valde securum est credere in Iesum-Christum & sequi eum: & quòd valde dete-



### 326 *De modo credendi verbis Dei.*

stabile & increpabile & nullo modo excusabile est non credere in eum : quia illi , qui non credunt , nihil possunt allegare pro ipsis , & nihil habent contra ipsos , qui credunt , & nihil potest allegari contra ipsos : nec Deus cœli potest eos in aliquo increpare , nec inculpate , nec redarguere. Secuti sunt enim filium suum , & in eum crediderunt tanquam in missum à Deo : & si decepti sunt , vel essent : in nomine filij Dei decepti essent , quod summa deitas pati non posset. •

#### T I T V L V S CCIX.

*De modo credendi verbis Dei. Et ostenditur ex parte honoris diuini , quod homo debet credere verbis Dei primò & per se , & ex eo quod dicit ipse.*

*Tit. 189.*

**Q**Voniam declaratum est , quod Deo debetur honor in summo , & homo tenetur & debet Deo summum honorem : & quia credere alicui , & verbis eius est dare sibi honorem , quia reputatur verax , sicut qui non credit alicui & verbis eius , reputat eum mendacem , vel velle mentiri , vel posse mentiri. Et ideo cum honor sit credere alicui & verbis eius , sequitur , quod homo debet credere Deo ; imò debet ei primò & per se sine alio testimonio , sine alia aliqua probatione purè & simpliciter suo simplici verbo solùm , quia ipse dicit , vel dici fecit , credere : & per consequens debet homo credere quicquid Deus dicit : ita quod tota causa , tota radix , totum fundamentum credendi verbis Dei debet esse . quia ipse dicit , & talem honorem tenetur & debet homo Deo & verbis eius , scilicet credere omnia verba Dei , quia ipse dicit. Aliter sequeretur , quod ipse faceret Deo maximum vituperium contra suum honorem , quia reputaret eum mendacem , vel velle mentiri , vel fallere , vel posse falli. Si enim non volo credere verbis Dei propterea quia ipse dicit ; sed quæro aliam probationem & aliud testimonium : tunc magis credo alicui alteri quàm Deo & reputo aliquid aliud magis verax quàm Deum : & si credo Deo & verbis eius eo quia mihi videtur , & propter meam rationem : tunc magis credo mihi metipsi , quàm Deo , & reputo me magis veracem quàm Deum : & sic facio  
Deo

Deo maximum vituperium, & contra suum honorem, pono me supra Deum: quia primò credo mihi metipsi & rationi meæ & sensui meo plus quàm Deo. Sic ergo honor diuinus probat modum & formam credendi verbis Dei: ita quòd ratio credendi Deo & tota causa & tota radix debet esse: quia Deus dicit. Et iste modus & ista forma credendi Deo, debetur etiam ratione excellentissimæ suæ maiestatis & auctoritatis. Vnde quantò homo est in maiori dignitate constitutus, magis creditur ei ratione dignitatis. Vnde magis creditur Regi, quàm alicui alteri de regno: & Papæ quàm alicui alteri de Ecclesia. Quantò ergo magis & maximè debet credi Deo suo simplici verbo, qui est Rex Regū & Dominus dominantium? Et quantam iniuriam & quantum vituperium faceret aliquis subditus Regi, si non crederet verbis eius? Quis esset ausus dicere Regi: non credo verbis vestris? Quid igitur de Deo debet esse? Item etiam ratione suæ infinitæ bonitatis & purissimæ, debet eius credi simplici verbo, & debet homo credere quicquid Deus dicit: quia datur fides & credulitas verbis & dictis alicuius hominis, quia reputatur bonus: & quantò magis aliquis reputatur bonus, tantò magis creditur verbis eius. Ergo cum Deus sit summè & infinitè bonus, maximè debet credi verbis & dictis eius suo simplici verbo, & quia ipse dicit. Item etiam ratione suæ veritatis infallibilis: quia est summè verax & summè sapiens, qui non potest falli. Et ideo debet ei credi simpliciter. Sic ergo ratione summi honoris, qui ei debetur, & ratione summæ maiestatis & potentissimæ auctoritatis & dignitatis, & ratione suæ infinitæ bonitatis, & ratione suæ veritatis & sapientię, debet ei credi & verbis eius primò & per se simpliciter, quia ipse dicit.

T I T V L V S CCX.

*Quod similis modus procedendi erit in verbis Dei sicut factus est in creaturis, quæ sunt facta Dei.*

Sicut autem duo sunt, quæ procedunt ab homine extra se & apparent exterius, scilicet factum & dictum, seu opus & verbum: & per ista manifestat seipsum homo exterius: ita similiter quia homo est ad



### 328 *De modo credendi verbis Dei.*

*Deus dup-  
pliciter  
se mani-  
festat.*

*Ecce di-  
uisio li-  
bri.*

*Differunt  
cognosce-  
re crea-  
turas in  
se & in-  
quantum  
sunt Dei.*

*Nota de  
verbo  
Dei au-  
diendo.*

imaginem & similitudinem Dei : duo sunt, quæ procedunt à Deo & procedunt siue apparent: exterius, scilicet facta & dicta, siue opera & verba : & per ista duo Deus manifestat seipsum exterius. Duo ergo possumus habere de Deo exterius, scilicet facta & verba : & ad ista duo reducuntur omnia, quæ procedunt à Deo extra se. Et quia aliud est factum, & aliud est dictum, & aliud est opus, & aliud est verbum : ideo alia est scientia de factis & operibus Dei ; & alia est scientia de dictis & verbis Dei. Et sicut laborauimus ad cognoscendum facta & opera Dei ; ita debemus laborare ad cognoscendum verba & dicta Dei, si sint aliqua verba & dicta Dei. Vnde scientia creaturarum est scientia de factis & operibus Dei : & illa iam dicta est. Sed nunc restat tractare de verbis Dei, & videre si Deus dicit & locutus est aliqua verba, & si est aliquis liber, in quo sunt verba Dei scripta. Et quia opera Dei permanent facta, sicut sunt ipsæ creaturæ, quæ sunt nobis manifestæ ad oculum, & sunt omnibus nota, & ab omnibus videntur & cognoscuntur, & omnes vtuntur eis. Sed verba Dei, si aliqua sunt in mundo, non sunt omnibus manifesta : & ideo per cognitionem creaturarum seu operum Dei, tanquam per primò nota & magis manifesta, debemus ire ad cognitionem verborum Dei tanquam ad minus nota ; ita quod ipsa facta, & ipsæ creaturæ Dei ducent nos ad verba Dei. Sicut autem aliud est videre & cognoscere ipsas creaturas & opera in se, non comparando ad Deum ; sed solum cognoscere, quia sunt & existunt ; & nescire cuius sunt ; nec cogitare ; & aliud est cognoscere ipsas creaturas & opera Dei inquantum Dei sunt, & sub isto respectu, & scire quod Dei sunt, & quod à Deo sunt, & hoc est occultum, & hoc quæritur & inuestigatur de se : sed primum est manifestum de se : ita conformiter aliud est scire & intelligere verba Dei & audire in se & dicta non comparando ; sed solum intelligere quid significant : & sententiā verborum, & nescire cuius sunt : & aliud est nescire cuius sunt : & aliud est scire & cognoscere verba & dicta inquantum Dei sunt, & quod Dei sunt, & quod Deus locutus est ipsa. Nam multi possunt audire ipsa verba : & percipere quid significant in se ; sed non possunt cognoscere quod Dei sunt talia verba, nec quod à Deo sunt dicta : sicut possunt cognoscere



scere terram sub isto respectu inquantum Dei est, & quod Dei est. Sicut autem ad cognoscendum ipsas creaturas, quod Dei erant, oportebat primò videre & cognoscere ipsas creaturas in se; ita quod iste erit primus gradus cognitionis, quia videbamus ipsas creaturas esse absque dubio, & hoc est certissimum nobis: sed ignorabamus unde erant, & cuius erant. Deinde per istum gradum ascendimus ad alium gradum, & cognouimus Deum esse, & quod creaturæ erant Dei, & à Deo erant: & iste fuit secundus gradus. Deinde cognouimus creaturas inquantum erant Dei donum; ita quod cognouimus ipsas creaturas esse datas hominibus à Deo ad seruiendum: & iste fuit tertius gradus cognoscendi creaturas. Sic ergo primò cognouimus ipsas creaturas in se, & sciuius, quòd erant. Secundo cognouimus quod Dei erant, & quod à Deo erant. Tertio quod donum Dei erant, & quod à Deo nobis datæ erant. Primò ergo cognouimus, quòd erant, & quod nobis seruiebant; sed ignorabamus unde erant, & cuius erant. Et ideo hoc quærebamus & inuenimus, quod Dei erant: & inde cognouimus, quod erant datæ nobis ad seruiendum. Ita ergo conformiter oportet procedere circa verba & dicta Dei ad cognoscendum quod Dei sunt. Vnde primò oportet videre ipsa verba in se: & iste erit primus gradus. Deinde per istum primum gradum ascendemus ad alium secundum, scilicet cognoscere cuius sunt verbum & dicta: vtrum sunt verba Dei, vel hominis: vel creaturæ, vel creatoris. Et tertius gradus erit cognoscere, quòd nobis data sunt sicut creaturæ. Sicut autem ipsæ creaturæ nobis manifestauerunt Deum, & portabant in seipsis aliquod signum, per quod cognoscimus vtrum sunt Dei, vel hominis: creaturæ, vel creatoris: ita per ipsamet verba poterimus cognoscere, si Dei sunt, & si Deus dicit illa. Mirum etiam erit, quod si poterimus cognoscere ipsas creaturas cuius erant per ipsasmet: si non poterimus cognoscere de verbis vtrum sunt Dei per ipsa verba: sed ad hoc iuuabunt nos ipsæ creaturæ & scientia ipsarum. Vnde iam per ipsas creaturas cognoscimus Deum esse, & proprietates & conditiones Dei, & modum suum, & quid conuenit ei. Et etiam cognoscimus proprietates & conditiones creaturæ, & modum suum, & quid conuenit ei. Ergo nunc non oportet nisi investi-

*Ostenditur modus procedendi in sequentibus.*

### 330 *De verbis Dei & scriptura sacra.*

gare, vtrum talia verba sint Dei. Et quia iam scimus modum & formam, & conditiones creaturæ & creatoris: ideo ipsamet verba statim se debent manifestare, vtrum sint Dei vel hominis: vtrum habeant modum creaturæ, vel creatoris.

#### T I T V L V S C C X I.

*Hic probatur, quòd Deus dixit verba scripta in biblia,  
& quod biblia est liber Dei.*

**Q**Voniam autem in mundo inuenimus plures libros & plura dicta & scripta & verba, necesse est, quod omnia verba & dicta alicuius sint, & ab aliquo sint dicta, & omnis liber alicuius est. Et quia omnis loquens vel dicens, vel est creator, vel est creatura: & si est creatura, oportet quòd sit rationalis. Et ideo omnis loquens vel est creator Deus, vel est creatura rationalis, vel est factor, vel est res facta. Et ideo omnis liber, omne verbum & omne dictum vel est creatoris, vel est creaturæ rationalis. Et quoniam nos habemus vnum librum in mundo, qui vocatur biblia, qui continet duo testamenta, scilicet antiquum & nouum testamentum, & affirmatur, & creditur, quod ille liber est Dei, & à Deo, & quod Deus dicit omnia verba, quæ ibi continentur: ideo inquiramus, si poterimus cognoscere, si dictus liber & verba & dicta, quæ ibidem continentur, sint Dei, vel hominis: creaturæ, vel creatoris.

Ad cognoscendum autem hoc: oportet ponderare & considerare ipsa verba, quæ ibi continentur in se, & oportet considerare modum & formam, & conditiones verborum, & qualiter dicuntur. Et etiam oportet considerare modum & formam loquendi ipsius Dei Creatoris, qui ei conuenit: & etiam oportet considerare modum & formam loquendi creaturæ, qui ei conuenit, Deinde oportet comparare ipsa verba ad Deum Creatorem & ad ipsam creaturam: & videre si modus & forma & conditio ipsorum verborum conuenit Deo creatori, vel creaturæ.

Considerandum est ergo primò, quod ipse liber biblicæ habet singularem modum, quia in ipso non fiunt probationes, nec rationes, nec argumentationes ad probandum



probandum illa, quæ ibi dicuntur; sed simpliciter absque probatione omnia dicit & affirmat, & dicit ita esse simplici verbo sine probatione; & tamen illa quæ ibi dicuntur & affirmantur esse vera, indigerent maximis probationibus & rationibus, ut crederentur & affirmarentur ab hominibus: quia homines non possunt credere, nec affirmare talia verba per se: quia non sunt per se manifesta, nec per se cognita. Alij autem libri aliter procedunt, quia probantur omnia, quæ ibi dicuntur per rationes & argumentationes: & incipiunt ab illis, quæ per se sunt manifesta ad sensum. Liber autem biblicæ à principio incipit: In principio creavit Deus cælum & terram. Etiam affirmat Deum esse, affirmat Deum creasse cælum & terram, affirmat mundum habuisse principium & nihil probat: nec hæc sunt nota per experientiam immo contra experientiam. Vnde licet aliqui libri dicant Deum esse; tamen hoc probant per multas argumentationes. Quia Philosophus Aristoteles fecit octo libros physicorum ad probandum solum hoc, scilicet Deum esse: & etiam fecit in metaphysica duodecim libros ad probandum Deum esse. Sed liber biblicæ incipit in hoc, quod dicit Deum esse & ibi facit suum principium sine probatione. Quod significat hoc, quod omnes alij libri non laborant nisi ad probandum & certificandum Deum esse; & liber biblicæ incipit ibi sine aliqua probatione & certificatione. Quid significat iste modus dicendi biblicæ ipsius? Et quid hoc significat, nisi quod ille, qui loquitur in biblia & dicit illa verba, est tantæ auctoritatis, quod ei debet credi simplici verbo absque alia probatione, absque aliqua alia certificatione, absque aliquo testimonio: & quod sola sua auctoritas est tota certitudo, & probatio & testimonium ipsorum verborum: & quod sua auctoritas, scilicet loquentis talia verba, excellit omnes probationes & omnia testimonia: & per consequens, quod præualeat sua auctoritas sola, & suum simplex verbum plus quam omnes alij libri, & quam omnes rationes omnium aliorum librorum, qui probant Deum esse. Et per oppositum quia alij libri probant per rationes, per argumentationes, significatur, quod ille, qui loquitur, non est tantæ auctoritatis, quod ei debeat credi per suum simplex verbum. Duo ergo sunt modi dicendi & loquendi: Vnus est dicere, siue docere

*Responsio  
ad qua-  
stionem.*



### 332 *De verbis Dei & scriptura sacra.*

*Duplex  
modus  
loquēdi.*

*Duplex  
modus  
credēdi.*

*Tit. 209.*

*Ergo bi-  
blia est  
liber Dei.*

*Primò.*

*Secundò.*

docere, & loqui sine probatione, absque argumentatione & ratione: Alius est dicere & loqui cum probatione, cum argumentis & rationibus. Primus modus est auctoritatis, dignitatis excellentiæ, honoris, maiestatis, dominationis potestatis & superioritatis. Et sicut sunt duo modi dicendi & loquendi; ita sunt duo modi credendi proportionabiliter. Vnus est credere verbis simpliciter & dictis absque aliqua probatione & argumentatione, sed per solam auctoritatem dicentis & loquentis: Alius modus est credere per rationes & probationes. Omne ergo, quod credimus, vel credimus per auctoritatem dicentis, vel rationem probantem. Et quoniam iam probatum est ex parte honoris, quod modus credendi verbis Dei est, scilicet credere verbis eius primò & per se absque probatione, absque testimonio, sed solum quia ipse dicit. Iste enim est modus credendi, qui ei debetur & conuenit. Et etiam sequitur, quòd modus dicendi & loquendi Dei, in quantum Deus est, debet esse loqui simpliciter sine probatione, sine argumentatione, sine rationibus, tanquam existens Dominus omnium & Imperator & Rex, tanquam habens omne Dominium, omne imperium, omne mandatum, omne præceptum, & nihil habens supra se, sed omnia infra se. Ergo cum liber bibliæ incipiat loqui per talem modum & formam, & ita procedit continuò in toto processu suo, & talis modus soli Deo conuenit, & taliter ei credi debet: sequitur, quòd modus loquendi ipsius bibliæ arguit & probat, & ostendit librum bibliæ esse Dei, & à Deo, & quòd Deus dicit illa, & quòd sunt verba creatoris & non creaturæ, nisi creatura loqueretur ex parte Dei, & hoc idem est: Siue enim Deus loquatur per se, siue per creaturam, semper loquitur Deus. Et per consequens sequitur, quòd liber bibliæ magis est credibilis & magis debemus ei credere, quia nihil probat, sed simpliciter loquitur, quàm si probaret: quia in hoc significatur, quòd Deus est locutus, & dixit illa verba: Et quia nos debemus credere quicquid Deus dicit, eo quia ipse dicit; ideo debemus magis credere verbis & dictis bibliæ, quia non probantur, quàm si probarentur. Et vltius sequitur, quòd dum minus probat, magis probat, & magis se reddit veracem: quia magis significat, quòd est à Deo, & quòd Deus locutus est.

Et

## *De verbis Dei & scriptura sacra. 333*

Et exinde sequitur, quòd magis sunt credibilia verba & dicta bibliæ, & magis vera & solida & firma, & ab omni dubitatione remota, quàm alia verba aliorum librorum de tanto, de quanto auctoritas Dei loquentis excedit & superat omnes rationes, omnes argumentationes, & omnes probationes omnium aliorum librorum, qui sunt hominum; immo nulla est comparatio. Tertiò.

Et ex istis apparet summa concordia, summa convenientia inter librum naturæ, seu creaturarum, & inter librum bibliæ: quia liber creaturarum dicit, quòd debemus credere Deo primò & per se & simpliciter absque probatione, solum quia ipse dicit, & talis est modus loquendi Dei sine probatione: & ipse liber bibliæ ita loquitur & ita procedit. Vnde ipse creaturæ, quæ à Deo sunt, summè conueniunt, summè concordant cum verbis Dei & verbis bibliæ: quia ipsæ creaturæ in nullo fundantur, in nullo sustentantur, nisi in solo Deo immediatè, & ante se nihil habent nisi Deum. Ita ipsa verba & dicta Dei & ipsius bibliæ in nullo fundantur, in nullo sustentantur, nisi in sola Dei auctoritate immediatè, quia non fundantur in aliqua probatione, nec argumentatione. Et sic in hoc significatur, quòd sicut creaturæ sunt immediatè à Deo, quòd etiam verba bibliæ sunt immediatè à Deo. Et quoniam certitudo & firmitas & soliditas veritatis ipsius bibliæ sanctissimæ oritur & dependet ex sola Dei auctoritate infallibiliter, & in ea solum fundatur, eo quia ipse dicit, sequitur quòd nullus potest credere & adhærere verbis sacre bibliæ, nisi primò cognoscat Deum esse & cognoscat ipsum esse veracem, & non posse mentiri, quia qui non habet notitiam de Deo, non potest cognoscere vtrum biblia sit liber Dei: Et per consequens si non cognoscit, quòd sit Dei, non credit ei: quia non probat, nec procedit per rationes. Et per consequens creditur, quòd liber creaturarum debet primò sciri, antequam homo veniat ad librum sacre scripturæ: quia liber creaturarum docet cognoscere Deum, & suas proprietates, & suum modum. Et ideo liber creaturarum est porta, via, ianua, introductorium & lumen quoddam ad librum sacre scripturæ, in quo sunt verba Dei: & ideo ille præsupponit istum.

*Conuenientia libri creaturarum & libri bibliæ supra in prologo.*

TITVLVS



*Sequitur alia probatio ad probandum, quòd Deus dixit  
verba scripta in biblia.*

*Prima  
ratio.*

**P**Ræterea alia probatio quod Deus dicit verba, quæ sunt in biblia: Quia liber biblicæ procedit per modum præcepti & prohibitionis, per modum promissionis & comminationis. Vnde præcipit & prohibet, & promittit promissiones æternas & beneficia æterna, & comminatur pœnas æternas & æterna mala, quæ finem non habent. Præcipit enim & monet & exhortatur, & dat præcepta omnibus hominibus, ut faciant bonum, & sint boni promittendo vitam æternam & beneficia perpetua: & prohibet, ne faciant mala, comminando de pœnis æternis & malis perpetuis. Sed iste modus loquendi & dicendi, scilicet per modum præcepti cum prohibitionem, cum promissione bonorum æternorum, & comminatione pœnarum æternarum nulli creaturæ conuenit, sed soli creatori conuenit, qui solus habet præceptum & mandatum, Dominium & prohibitionem super omnes homines, & qui solus potest promittere & dare beneficia æterna, & comminari & dare pœnas æternas, & punitiones æternas ipsis hominibus.. Quæ enim diceret creatura: ego iudicabo omnes homines in die iudicii, & dabo unicuique iuxta opera sua, bonis bona & malis mala? Quæ enim esset illa creatura, quæ ex seipsa, & ex sua auctoritate comminaretur omnibus hominibus præteritis, præsentibus & futuris de pœnis æternis: & diceret se iudicare omnes homines, & omnia facta & verba & cogitationes hominum, & omnia simul discutere & iudicare, sicut scribitur in libro Isaia? Quæ creatura diceret: ego resuscitabo omnes homines simul, & dabo bonis vitam æternam, & malis æternam pœnam? Quæ esset illa creatura, quæ perciperet & prohiberet & daret præcepta & prohibitiones omnibus hominibus: & quæ promissionibus & comminationibus æternis promitteret omnibus bene operantibus vitam æternam, & malè operantibus punitionem æternam? Quæ esset illa creatura quæ poterit dicere: delebo omnem hominem de facie terræ, & inducam aquam diluuij super terram, sicut scribitur in libro Genesis? Quæ etiam esset illa creatura; quæ  
propria



propria auctoritate prouocaret, induceret & moneret omnes homines ad bonum, & vt essent boni, & reuocaret à malo quantum fieri potest, modò per praecepta, modò per exhortationes & comminationes terribiles, modò per promissiones aeternas. Et apparet, quòd cum verba sacrae scripturae sunt talia, vt dictum est, & apparet per processum suum, quòd nulla creatura ex seipsa & suamet auctoritate potuit dicere talia verba. Aut enim esset bona creatura, aut mala. Non

*Probat*

*ur*

*sufficien-*

*ti diui-*

*sione*

*quod*

*verba*

*biblia di-*

*xerit*

*Deus.*

• potest esse mala creatura: quia verba sacrae scripturae repugnant malae creaturae totaliter: quoniam verba sacrae scripturae prouocant, inducunt & monent quantum fieri potest omnes homines cum exhortatione & praecepto, promissione & comminatione ad verum bonum hominis inquantum homo est, scilicet ad verum amorem intra se & veram vnitatem, societatem & fraternitatem pacem, & concordiam; sed mala creatura non potest ex seipsa, & ex natura sua amare homines, nec verum bonum hominis inquantum homo est, nec inducere, nec prouocare ipsos homines ad verum bonum hominis; immo totum per oppositum: quia mala creatura est contra verum bonum hominis inquantum homo est, & illud destruit inquantum potest: quia mala creatura est deuiata, & est contra veritatem & habet in se radicem omnium malorum, scilicet amorem priuatum & per consequens habet conditiones & proprietates superius dictas de amore sui ipsius & propriae voluntatis. Quare concluditur, quòd nulla creatura mala ex seipsa & propria inclinatione poterit dicere verba sacrae scripturae. Nec etiam poterit bona creatura dicere verba sacrae scripturae ex seipsa & proprio motu primò: quia verba sacrae scripturae dicuntur per modum mandati & praecepti, per modum comminationis & auctoritatis & dominationis, vt iam dictum est; sed nulla creatura bona assumeret sibi talem auctoritatem ex seipsa, vt perciperet & mandaret & comminaretur de poenis aeternis, & promitteret bona, seu beneficia aeterna: quia tunc non esset bona creatura, immo praesumptuosa, quae ex seipsa assumeret sibi talem auctoritatem praecipendi & comminandi, & sic loquendi, quae soli Deo pertinent: immo esset pessima & summe superba & contra Deum. Et hoc non potest esse: quia bona creatura habet in se radicem omnium bonorum.

*Tit. 201.*

*Cōcludit*

*quod*

*Deus di-*

*xit verba*

*biblic.*

Quare



### 336 *De verbis Dei & scriptura sacra.*

Quare concluditur, quòd nulla creatura neque bona, neque mala potuit primò dicere ex seipsa & propria inclinatione & inuenire scripturam sacram. Ergo restat & concluditur, quòd cum ista verba sunt dicta ab aliquo primò, & aliquis dixerit ea primò & propria auctoritate, quòd vel Deus dixit primò & propria auctoritate verba sacrae scripturae; vel aliqua creatura ex mandato & voluntate & ordinatione Dei, & non ex seipsa. Et sic modus & forma verborum sacrae scripturae ostendunt manifestissimè, quòd Deus dixit verba bibliae, & quòd biblia est liber Dei.

*Differè-  
tia inter  
librum  
creatu-  
rarum &  
librum  
bibliae.*

*Tit. 112.*

*Deut. 6.*

*Mat. 22.*

Quamuis autem omnia, quae probantur per librum creaturarum, sint scripta in libro sacrae scripturae & ibi contineantur: & etiam illa, quae ibi continentur in libro bibliae, sint in libro creaturarum, tamen aliter & aliter. Quia in scientia libri creaturarum sunt omnia per modum probationis, quia ibi probatur per ipsas creaturas, quòd ita debet facere homo & probatur debitum & obligatio hominis erga suum creatorem: Sed in libro bibliae omnia eadem illa continentur per alium modum, scilicet per modum praeccepti, & per modum mandati, per modum monitionis & exhortationis promittendo & comminando. Aliud autem est probare, quòd ita debet fieri, & aliud est praecipere & mandare & monere & exhortari cum promissionibus & poenis, quòd fiat, hoc enim solum pertinet auctoritati & dominio: primum autem non, scilicet probare: quia quilibet potest probare, quòd fieri debet; sed non mandare, quòd fiat. Vnde per librum creaturarum probatum est, quòd homo debet amare primò Deum & super omnia ex toto corde, & ex tota mente, & ex totis viribus, & quòd ad hoc obligatur, & quòd omnis homo debet amare secundò omnem hominem sicut seipsum. Sed sancta biblia dicit hoc idem, sed aliter, quia per modum mandati & praeccepti, & non per modum probationis, & promittit facientibus hanc vitam aeternam. Et iste modus est altior & maior: quia maior est praecipere, quàm probare. Et in hoc ostenditur, quòd liber bibliae, qui loquitur per modum auctoritatis & praeccepti, est de tanto maior & altior & superior, quàm liber creaturarum, de quanto maius est praecipere & mandare, seu imperare, quam probare tantum. Item liber creaturarum, seu naturae probat, quòd

quod Deus est primò timendus super omnia , laudandus & glorificandus : & quòd omnis homo debet timere Deum , laudare & honorare & glorificare , & illi soli seruire , credere , obedire , & in eo solo confidere. Et liber bibliæ dicit hoc idem , sed aliter : quia non per modum præcepti & mandati & exhortationis : ultra proponit præmium & promittit retributionem æternam facientibus hæc , scilicet timentibus Deum , honorantibus , glorificantibus , & laudantibus. Vnde dicit : Time Deum , honora Deum , seruias Deo , honorifices , & laudes Deum , &c. Et liber creaturarum dicit & probat : hoc debeo facere , liber bibliæ præcipit : fac hoc.

*Epilogat*

Et sic apparet summa concordia , summa consonantia , & summa conuenientia inter librum sacrae scripturæ & librum creaturarum : & quòd liber creaturarum seruit & famulatur libro sacrae scripturæ quasi imperanti , mandanti & præcipienti : & apparet , quòd non differunt nisi in modo dicendi & loquendi : quia vnus loquitur per modum probationis , alter per modum præcepti & auctoritatis.

T I T V L V S C C X I I I .

*Alia probatio est , quòd Deus dixit verba sacra  
biblia , & quòd liber est à Deo.*

**V**lterius est alia probatio , quòd Deus dicit ea , quæ sunt in libro bibliæ scripta. Vnde in libro bibliæ sunt verba quæ sunt supra homines , & supra naturam humanam totaliter : ita vt impossibile sit quòd homines dixerint talia verba de se primò , per se , nec inuenerunt. Vnde nullus potest dicere , nec loqui per se & ex propria scientia illa , quæ non potest cogitare : quia omne quod dicitur , primò cogitatur in corde. Sed verba , quæ scripta sunt in libro bibliæ , non possunt primò cogitari ab homine , nec intelligi , nec imaginari , non possunt primò cadere in imaginationem hominis ; immò sunt supra omnem intellectum , supra omnem æstimationem , & supra omnem opinionem & cogitationem omnium hominum , & sunt totaliter incogitabilia ab omni homine , eo quia sunt altissima & profundissima & secretissima.

Y



### 338 De verbis Dei & sacra scriptura.

Probat  
per utrū  
que te-  
stamen-  
tū, quòd  
Deus di-  
xit ver-  
ba bi-  
blia.

Gen. 1.

Isa. 6.

Psal. 66.

Si ergo verba scripturæ sacræ sunt ita altæ & extra & supra æstimationem omnium hominum, sequitur, quòd si non potuit homo cogitare omnia illa primò, nec inuenire, quòd etiam non potuit ex seipso dicere, nec loqui: hoc autem patet discurrendo per vtrumque testamentum. Quis enim homo potuit primò cogitare in corde suo, & affirmare & dicere, quòd tres personæ essent realiter distinctæ: ita vt vna non sit alia: & essent vna & eadem essentia & substantia numero: ita vt vna & eadem res numero & essentiâ esset in tribus realiter distinctis personis: & quòd tres personæ essent vnus Deus simplex & indiuisibilis? hoc enim est supra omnem cogitationem, & supra omne cor humanum: nec aliquis homo potest hoc primò cogitare, nec dicere. Bene enim homo potuit cogitare, quòd vnus Deus esset tantum, simplex & indiuisibilis; sed quòd vnus Deus esset tres personæ realiter distinctæ & æquales in omnibus: hoc non potuit primò cadere in corda hominum. Ergo sequitur, quòd illæ, qui dixit & primò locutus est hoc, quod vnus Deus essent tres personæ, quod erat supra homines & plus quàm homo: ergo erat Deus. Ergo Deus primò dixit hoc, quia homo non potuit. Quis enim homo primò dixisset & cogitasset hoc de Deo, cum adhuc vix homines cogitare possunt, quòd vnus Deus est: & tamen ista verba sunt scripta in libro bibliæ in nouo testamento per totum, & prædicata & publicata per totum mundum?

Item quis homo, vel creatura posset primò ex seipsa cogitare, aut dicere, vel affirmare de facto, scilicet, quòd Deus factus est homo, & quod ita est de facto, & quòd Deus vnitus est humanitati, & humanitas vnita est deitati in vna persona: ita quod humanitas & deitas sunt in vna & eadem persona: ita quod Deus est homo, & homo est Deus, & quòd hoc factum est in secunda persona Deitatis Trinitatis, scilicet filij; & non in prima, vel tertia personâ deitatis? Quia ergo homo non potuit hoc primò cogitare, quæ creatura potuit hoc primò de Deo ex seipsa? Sic posset fortè cogitari, vel dici, quòd deberet fieri homo: sed quod de facto Deus sit factus homo, & quando, quomodo & in quo loco, quis homo potuit de Deo dicere, vel de Deo cogitare? Neque enim creatura bona, nec ma-

la potuit hoc primò dicere ex seipsa. Mala autem non potuit hoc primò dicere ex seipsa : quia hoc est ad verum bonum & exaltationem & summam dignitatem humanæ naturæ & maius bonum , quod possit esse. Neque etiam bona creatura potuit hoc dicere primò *Ioann. 1.* ex seipsa : quia nulla creatura potuit hoc scire ex se- *Luc. 1.* ipsa. Ergo si bona creatura dixit , à Deo habuit , quia aliter dicere non potuit. Ergo qui primò hoc dixit & reuelavit, Deus fuit, & à Deo primò reueatum fuit. Sed cum totum testamentum nouum sit plenum istis verbis , quod Deus factus est homo : & homo non primò dicit : ergo Deus dicit.

Item quòd virgo concipiat in vtero suo puerum sine viro , & quòd pariat ipsum puerum existens virgo & permanens virgo post partum : quis homo potuit hoc primò cogitare , aut dicere ; aut affirmare , cum hoc sit contra vsum humanum , & nullo modo possit cogitari, aut cadere in cogitationem hominis? Quæ mulier potuit hoc primò cogitare ex seipsa? Ergo sequitur, quòd qui primò hoc dixit, vel reuelavit, scilicet quòd virgo deberet concipere & parere , vel Deus fuit , vel ex parte Dei dixit. Sed hoc scriptum est in libro bibliæ, scilicet in nouo testamento, scilicet , quòd virgo concepit & peperit, & post partum virgo permansit, & quòd ita factum est. Ergo sequitur , quòd si ibi est , quòd aliqua dicit hoc de seipsa, scilicet quòd ipsa concepit *Luc. 1.* filium sine viro , & peperit permanens virgo ; sequitur quòd ita est factum, & quòd verum est : quia ipsa mulier , quæ hoc dicit , non potuit hoc primò cogitare ex seipsa : quia hoc est extra omnem æstimationem , & contra omnem experientiam consuetam. Ergo si dicit, & ex seipsa cogitare non potuit : sequitur , quòd dicere non potuit , nisi quia sensit per experientiam , & vidit in seipsa : sequitur, quòd ita factum est : ergo prius factum est in seipsa, quam dicit, quia aliter dicere non potuit. Si autem ideo dicit , quia sibi reuelatum est , quia ita deberet fieri, quia solus Deus potuit hoc reuelare, vel aliquis ex parte eius : sequitur etiam quòd ita est, quia à Deo dictum est. Si ergo dictum est hoc, quòd virgo concepit & peperit : sequitur quòd ita factum est : & si ita factum est, à solo Deo factum est : vel ergo Deus dicit & reuelavit , quòd ita fieret ; vel si Deus non dicit, vel



### 340 *De verbis Dei & scriptura sacra.*

reuelauit, & aliqua mulier dicit: sequitur quod ideo dicit, quia in ea Deus hoc fecit, priusquam ipsa dixerit. Sic ergo vel hoc est à Deo dictum & factum prius dictum, postea factum; vel est à Deo primo factum, & postea à muliere dictum: & sic semper necessario est à Deo. Et sic quia hoc dici non potuit à muliere, nisi prius Deus hoc fecerit; nec Deus hoc dixerit, nisi quod ita faceret: sequitur quod ita factum est.

Præterea quæ creatura, quis homo potuit cogitare in corde suo & dicere, quod substantia panis inuisibilis sub colore latens & sub accidentibus conuertatur & *Mat. 26.* mutetur substantialiter in corpus humanum uiuum, & *Mar. 14.* vinum conuertatur in sanguinem humanum uiuum? *Luc. 22.* Nulla enim creatura potuit hoc primò cogitare, nec *Ioann. 6.* dicere; & tamen dictum est & scriptum in nouo testamento. Ergo sequitur, quod Deus dicit hoc: & supra homines est hoc primo cogitare, vel dicere.

Præterea quis homo potuit primo cogitare, vel dicere ex seipso, quod Deus creauit mundum, dicendo *Gen. I.* tempus, & quando creauit, modum & formam & ordinem, sicut scribitur in antiquo testamento in primo libro, ubi scribitur tempus & modus & forma creationis, & ordo omnium creaturarum? hoc enim nullo modo potest scribi ab homine, nisi aliquis ei dixerit, scilicet quod mundus tali tempore inceperit. Quamuis autem potest probari, quod mundus sit creatus & quare, & propter quem finem sit creatus; sed tamen quando fuerit creatus, & quot anni fuerunt, quod mundus est creatus ponendo certum numerum; nullo modo potest hoc scire homo ex se, neque probare. Oportet enim, quod ille, qui creauit mundum, hoc dixerit. Neque enim primus homo hoc dicere potuit, neque aliquis alius post eum. Potuit enim primus homo scire de seipso, quando creatus fuit; sed quando alia creata sunt, quæ præcesserunt ipsum, hoc scire non potuit. Vnde scribitur, quod primus homo inter omnes creaturas vltimus fuit, & quod sexta die formatus fuit. Quomodo enim scire potuit, quod illa dies, quæ ille formatus fuit, erat sexta, & quod non præcessissent nisi quinque dies, nisi quod Deus dixerit ei? Quia ergo in libro bibliæ scribitur primus dierum, quo



quo mundus incepit, & certum initium temporis: & hoc nullo modo potest fieri ab homine: hoc significat, quod ille, qui dixit hoc, est supra omnes homines, & reuelavit. Quia enim nullus homo ex seipso potuit hoc dicere, nec scribere; ideo ostenditur, quod nullus talis istum librum fecerit. Omnis enim homo qui facit librum & scribit ex seipso aliquid, vult quod ei credatur: & quod illi, qui legent librum, credant verbis scriptis. Et ideo oportet, quod illud, quod homo scribit in libro suo, sit tale: vel quod sit per se manifestum, vel quod possit per experientiam manifestari, vel quod aliquo modo possit induci, vt credatur, vel per rationem, vel per sensum, vel per signum, vel per quemcumque alium modum. Quis enim homo potest affirmare in libro suo ex seipso illud, quod est omnino incertum; nec aliquo modo scribi potest ab homine, neque fieri potest credibile per aliquam probationem, nec per aliquod motium; sed est extra omnem estimationem, & extra omnem opinionem? Quis ita fatuus esset? ita sine sensu, qui ex seipso talia faceret & scriberet librum de hoc? Sed certum est & clarum, quod tempus, hora & dies inceptionis mundi, nullo modo potest ab aliquo homine sciri, neque possunt esse rationes, neque persuasiones, neque probationes, neque inductiones, neque signa, neque experientiae, neque estimationes, quibus possit credi, quod tali die incepit mundus, & non ante; immo hoc est occultum homini cuicumque & ignotissimum. Ergo sequitur, quod nullus homo fuit ita fatuus, ita stultus, ita sine sensu, sine experientia, quod ex seipso scripserit talia & affirmauerit in libro suo; sed tamen in primo libro bibliae in antiquo testamento certitudinaliter scribitur & affirmatur tempus & dies inceptionis mundi. Ergo sequitur, quod homo ex seipso non scripsit, nec affirmavit. Quare oportet, quod ille qui mundum creauit, hoc reuelauerit & scribi fecerit & dixerit. Et sic concluditur, quod Deus dixit verba bibliae, vel homo ex parte Dei: & per consequens, quod liber sacrae scripturae est liber Dei, & est liber Dei, & est à Deo. Et exinde concluditur, quod quantò verba & dicta, quae sunt in sacra biblia, sunt magis alta & supra omnem rationem & sensum: & quantò magis excedunt naturam humanam, quod

*Gen. I.*

*Gen. I.*

*Epilogando concludit propositum.*



### 342 *De verbis Dei & scriptura sacra.*

magis debent credi : & dum videntur magis difficilia ad credendum , debent credi : quia tunc signum est quod sunt à Deo dicta , & non ab hominibus : & homo debet credere quicquid Deus dicit. Et exinde sequitur , quod quia articuli fidei christianæ sunt altissimi & supra omnem hominem , quod ex hoc sunt magis credibiles , & maxime certi & firmi. Et sic probatum est , quod in mundo est vnus liber , qui est liber Dei & à Deo , qui nominatur biblia continens duo testamenta : Et quod Deus dicit verba in dicto libro scripta , vel aliquis ex parte sua.

#### T I T V L V S C C X I V .

*Hic concluduntur ex iam probatis aliqua proprietates circa librum Dei , & qualiter se debet habere circa illum librum ipse homo.*

Tit. 121:

*Prima  
proprie-  
tas bi-  
blie.*

**Q**Voniám autem iam probatum , est quod Deus habet librum , & quod vnus liber Dei est in mundo , in quo continentur verba , quæ Deus dicit , & quis est iste liber : nunc restat ostendere & concludere aliquas proprietates & conditiones illius libri , & qualiter homo se debet habere erga librum Dei. Vnde ex isto fundamento , scilicet quia ille liber est Dei , & quia Deus dicit verba illius libri , multa possunt sequi & concludi de illo libro & verbis eius. Vnde postquam ille liber est Dei , & verba illius sunt verba Dei : sequitur quod homo debet credere totum librum , & omnia verba scripta in libro : ita quod totus liber est credendus firmissimè & ex toto corde absque aliquo dubio : & hoc illo modo , qui conuenit libro & Deo , videlicet simpliciter , sine aliqua probatione & argumentatione : sed solum quia Dei est & Deus dicit : & hoc est totum fundamentum credendi ipsi libro. Et ideo tota ipsa biblia , & omnia verba eius reducuntur ad vnum fundamentum , ad vnâ rationem , scilicet quia Dei est , & Deus dicit : & sub isto fundamento & sub ista ratione sunt credenda & accipienda omnia verba sacra bibliæ , & non sub alia. Si autem per istam portam & per istud principium & generale fundamentum non intrat quis in ipsam bibliam , sed vult intrare per aliam portam , scilicet per rationes & argumentationes : tunc intrare non poterit , quia  
iste



## *De verbis Dei & scriptura sacra. 343*

iste est solus modus conueniens tam libro Dei, quàm ipsi Deo. Qui enim aliter non vult credere ipsi Deo & libro suo nisi per rationes & probationes & argumentationes: tunc facit maximam iniuriam Deo, & libro suo & verbis eius: quia vult ire & intrare in librum Dei contra naturam & modum libri & Dei. Et ideo necesse est, quòd talis repellatur à libro Dei, & liber sibi claudatur & secreta libri non videat: eo quia iniuriavit librum & Deum, cuius est, reputat ipsum posse mentiri. Et hoc est primum, quod concluditur de libro Dei.

Uterius concluditur de libro, quia Dei est, & Deus dicit, quòd nihil potest esse falsum in eo, & nihil potest esse inutile, nihil superfluum, nihil diminutum, & ideo nihil est ibi contemnendum, nihil respuendum, nihilque iniquum. Uterius concluditur de necessitate: eo quia Deus dicit verba in dicto libro contenta, quod omnia verba implebuntur, & nihil remanebit incompletum: quoniam Deus nihil potest facere contra suum honorem. Vnde si non complerentur verba Dei, ipsemet mendax esset. Ideo propter suam honorem necesse est quod omnia verba impleantur, postquam verba Dei sunt, & ipse dicit. Si enim quilibet homo quantumcunque modicus non vult quod verbum suum mendax, sit sed impleatur: quanto maior est Dominus, tantò magis vult verba sua impleri, & non retrocedere; immo vnus Rex citius exponeret totum suum regnum, quàm verbum suum non impleretur. Quanto magis ergo Deus adimplebit verbum suum & illa, quæ dicit, cum sit omnipotens? Uterius concluditur, quod postquam Deus habet librum, & verba Dei sunt in mûdo, & Deus locutus est: quod homo debet, obligatur & tenetur diligere & amare Deum & verba Dei: quæ processerunt de ore suo. Vnde quia homo debet amare Deum primò & super omnia, vt probatum est, sequitur, quòd debet etiam amare verba sua. Et quia nihil magis propinquum Deo, quàm verbum suum, quia verbum suum repræsentat ipsummet: & nihil magis pertinet Deo, quàm verbum suum, quia exit de ore suo: & per consequens nihil maius, nihil excellentius, nihil nobilius, nihil pretiosius, nihil melius, nihil potentius, nihil amabilius, quàm verbum Dei. Et per consequens sequitur, quòd verbum Dei est super omnes

*Secunda  
proprie-  
tas.*

*Tertia  
proprie-  
tas.*

*Quarta  
proprie-  
tas.*

*Tit. 112.  
Nihil  
pretio-  
sius ver-  
bo Dei.*



### 344 De verbis Dei & scriptura sacra.

*Verbo  
Dei de-  
betur  
honor.*

creaturas, & excellit omnes creaturas, & magis propinquum est Deo, & magis pertinet Deo, quam omnes creaturæ. Item sequitur, quod sicut homo tenetur amare Deum; ita debet amare verbum suum repræsentans eum. Et sicut Deo tenetur dare omnem honorem; ita tenetur dare verbo Dei omnem honorem & omnem gloriam & omnem laudem, & debet se exponere ad mortem pro verbo Dei. Et sicut debet amare Deum plus quam omnes creaturas, & quam seipsum; ita debet amare verbum Dei plus quam omnes creaturas & quam seipsum. Et per consequens homo debet cauere super omnia, ne contemnat, ne iniuriat, ne offendat verbum Dei. Et per consequens sequitur, quod postquam homo habet in seipso locum, in quo possunt recipi verba Dei, scilicet ipsum cor, debet recipere in corde verbum Dei, & præparare cor suum ad recipiendum verba sua. Et nulla alia verba debet primò in corde suo recipere, sed debet implere totum cor suum de verbis Dei. Et ideo homo si recipiat primò in corde suo alia verba; quam verba Dei: tunc facit maximam iniuriam Deo & verbis eius: expellit verba Dei de sua domo, de suo loco proprio eis debito, & ponit ibi alia verba. Et quia etiam verbum Dei repræsentat Deum, & exit de ore Dei, & mittitur à Deo: sequitur quod qui recipit verbum Dei in corde suo, recipit Deum: & qui habet verbum Dei in corde suo, habet Deum in corde suo & qui portat verbum Dei in corde suo, portat Deum. Et ideo nihil maius, nihil melius, nihil nobilius, nihil pretiosius, nihil amabilius potest homo habere in corde suo, quam verba Dei. Et quia verbum Dei intrat cor hominis, & nulla alia res potest intrare ipsum cor, nisi ipsum verbum, & ipsum verbum principaliter in corde habitat: ideo nulla res est magis propinqua cordi, quam ipsum verbum habens ingressum ad cor. Et quia verbum Dei est viuum, sicut Deus viuit, cuius est, & exit de ore eius: ideo necesse est, quod viuificet ipsum cor, & faciat ipsum iocundum & lætum. Et quia est calidum, quia est ardens igne amoris: ideo calefacit cor, & facit ardere & inflammari in amore. Et quia est verum & certum; ideo firmat ipsum cor in veritate, & solidat, & illuminat & clarificat. Et quia est virtuosissimum & potentissimum & summè actiuum & operatiuum: ideo operatur

*Tit. 193.*

*Qui ver-  
bum Dei  
recipit,  
Deum  
recipit.*

*Tit. 193.*

*Verbum  
Dei vi-  
uificat.*

*Verbum  
Dei ca-  
lefacit  
cor.*

operatur



operatur in corde subditò, & mutat ad se, & protegit & defendit. Et quia verbum Dei est altissimum; ideo eleuat ipsum cor & trahit ad altissima. Et sic patent aliquæ proprietates verbi Dei, & libri sui, in quo sunt verba Dei: & etiam qualiter se debet homo habere ad librum Dei & verbum Dei: quoniam debet primò Dei librum studere, audire & habere, & legere.

T I T V L V S C C X V.

*Comparatio verbi Dei ad creaturas.*

**D**Vo autem sunt nobis manifesta, quæ habemus & tenemus de Deo in hoc mundo, scilicet creaturæ eius & verba. Sed ista duo non sunt æqualia: quia verbum Dei est supra hominem, & supra omnem creaturam & omnis creatura exiuit de nihilo; sed verbum Dei exit de ore Dei. Et ideo verbum Dei, quia est maius omnium creaturarum, habet potestatem & dominium supra omnem creaturam: & omnis creatura subiecta est totaliter & penitus verbo Dei: & ideo impossibile est, quòd aliqua creatura possit resistere verbo Dei: & ideo verbum Dei mutat creaturam, & ipsa creatura non potest mutare verbum Dei: quia est immutabile, inuariabile, sicut Deus à quo est. Et quia verbum Dei est efficacissimum, virtuosissimum, & summè operatiuum & actiuum: ideo subito quando mittitur & venit supra creaturam, mutat eam sine aliqua resistantia, & omnis creatura obedit verbo Dei. Item omnis creatura summè distat à verbo Dei: quia per verbum Dei omnis creatura facta est, & de nihilo venit in esse per virtutem verbi Dei: quia habet omnem virtutem & potestatem Dei, à quo est. Vnde Deus per verbum & dicendo creauit omnes creaturas: & ideo omnis creatura subiecta est totaliter verbo Dei: quia per ipsum esse habet & etiam portatur & sustinetur in esse. Vnde quia Deus dixit, creaturæ factæ sunt: & si non dixisset, nulla creatura facta fuisset: & sic omnis creatura ideo est, quia Deus dixit. Vnde primum, quòd exit à Deo, est verbum suum, & per ipsū omnia alia creantur, & recipiunt esse de nihilo. Et sic apparet maxima inæqualitas inter verbum Dei & ipsas creaturas: & quòd necesse est esse omnem creaturam subiectam verbo Dei. Item Deus dedit homini crea-

*Omnia sunt subiecta verbo Dei.*

*Verbum Dei mutat creaturam.*



### 346 De verbis Dei & scriptura sacra.

*Deus cō-  
solatur  
nos per  
verba  
sua.*

*Verba  
Dei por-  
tant cor  
Dei &  
eius in-  
tentionē.*

*Qui non  
vult au-  
dire ver-  
ba Dei,  
maxime  
iniuria-  
tur Deo.*

turas & verba sua; sed plus dedit, quando dedit verba sua, quàm quando dedit creaturas suas, de quanto plus valent verba Dei quàm omnes creaturæ. Et sic Deus duobus modis consolatur hominem, scilicet per creaturas & per verba sua: & plus per verba, quàm per creaturas: quia creaturæ sunt de nihilo; sed verba Dei exeunt de ore Dei. Et ideo sicut sponsa plus consolatur de verbis sponsi, quàm de arra sibi missa & de muneribus: & subditus magis appretiat verba Regis, quàm munera & magis consolatur: & filius bonus plus consolatur de verbis patris, quàm de muneribus; ita homo plus debet appretiare verba Dei, quàm creaturas, quæ sunt munera Dei data sicut arræ: & plus debet gaudere de verbis Dei, quàm de creaturis sibi datis ad serviendum. Si ergo homo tantum consolatur in creaturis Dei, magis debet consolari & lætari in verbis Dei. Et si recipit creaturas Dei cum tanta diligentia, magis debet recipere verba Dei & cum maiori reuerentia. Et si appretiat creaturas Dei, multo magis debet appretiare verba Dei. Valde enim contra rationem est, quod homo quotidie vtatur creaturis Dei, & quod contemnat verba Dei, & nolit audire verba Dei. Verba enim Dei procedunt & exeunt de corde Dei; & ideo portant cor Dei & intentionem & voluntatem Dei & intrant in cor hominis. Sed creaturæ exeunt de nihilo; & ideo verba Dei sunt propinquissima Deo: sed creaturæ sunt quasi alienæ à Deo, quia de nihilo. Quare sine comparatione plus valet verbum Dei, quàm omnes creaturæ: & Deus plus appretiat verbum suum, quàm omnes creaturas. Qui ergo non vult recipere, nec audire verba Dei, non est dignus, quod vtatur creaturis Dei. Postquam ergo Deus locutus est homini & dignatus est loqui hominibus, Dominus seruo, Rex subdito, creator creaturæ, artifex operi manuum suarum, Dominus infinitæ maiestatis rei de nihilo factæ, & verba sua scripta sunt: magnam iniuriam facit homo Deo & multum contemnit eum, si non vult audire, nec verba sua recipere, & contemptis illis, audit, legit & studet & recipit verba hominum. Magis debet homo audire & legere verba Dei, quàm verba hominis: magis debet audire verba creatoris, quàm verba creaturæ: & magis debet audire illum, qui creauit omnia, quàm illum



illum, qui est creatus inter omnia de nihilo. Magis debet audire verba illius, qui non potest mentiri, sed est veritas, quàm illius, qui potest mentiri & decipi & decipere: & magis debet audire verba illius, qui viuit in æternum, quàm hominis mortalis: & qui iam mortuus est, & non viuit: & magis debet audire verba illius, à quo creatus est: & qui dedit ei suam imaginem, & à quo recipit quicquid habet, quàm verba illius, à quo nihil accepit: magis debet audire verba illius, qui continuo seruat eum in esse, & indefinenter largitur & dat ei sua beneficia, sine quibus non potest esse, quàm illius, à quo nullum beneficium recipit, nec potest recipere, nec potest aliquid sibi dare. Magis debet audire verba illius, qui promittit sibi vitam æternam, quàm illius, qui nihil promittit, nec aliquid potest dare. Multò magis debet audire homo, qui est opus, verba illius, qui facit eum & sui factoris, quàm illius, qui factus est: & magis verba Domini, quàm serui: Regis, quàm subditi: & omnipotentis, quàm nihil potentis: & illius, qui de se est infinitum & omne bonum, quàm illius, qui habet in se radicem omnium malorum: & illius, qui habet omnem hominem iudicare, quàm illius, qui iudicandus est: & multò magis debet delectari in studendo & legendo verba & librum Dei, qui creauit illum, quàm illius, qui creatus est. Si ergo homo facit oppositum istorum, maximam iniuriam & contumeliam facit Deo creatori suo & verbis eius.

TITVLVS CCXVI.

*Qualiter creatura & verba Dei conueniunt homini.*

**Q**Voniam autem homo habet corpus & animam, & vnum non est aliud: quia anima est intellectualis & spiritalis; & corpus terrestre & elementale: & vtrumque habet suam vitam: quia aliter viuit corpus, quàm anima. Quamuis enim corpus viuat mediante anima, & ex præsentia animæ; attamen corpus indiget cibo & potu & nutrimento & conseruatione. Sicut autem corpus indiget cibo & nutrimento, vt viuat & nutriatur & conseruetur & argumentetur, aliter periret & moreretur; ita similiter anima indiget cibo & potu



*Quod  
verbum  
Dei est  
cibus  
anima,*

potu & nutrimento & alimento, vt augmentetur, nutriatur & conseruetur in vita sua, qui est amor bonus, gaudium & spes & consolatio secundum Deum. Et quoniam nutrimentum & cibus & alimentum debet habere conuenientiam, seu conuenire cum re, quæ alitur & nutritur: & debet intrare in rem nutriendam, & vniri cum ea, aliter non nutrit: & ideo quia corpus est terrestre & elementale, ideo nutritur, viuit & crescit de cibis & alimentis terrestribus & elementalibus, tanquam sibi similibus, qui intrant corpus hominis realiter & per suam præsentiam, ex quibus fit bonus humor & sanguis: ita conformiter quia anima est spiritualis & intellectualis, & nullo modo terrestris, nec elementalis: ideo nutriri & viuere debet de cibis & nutrimentis & alimentis spiritualibus & intellectualibus, & non corporalibus, nec terrestribus tanquam de sibi similibus, quæ solum possunt intrare animam per suam præsentiam. Et quia anima est ad imaginem Dei facta, & nullum est medium inter animam & Deum: ideo debet nutriri & alimentari de cibis & alimentis & nutrimentis diuinis, quæ immediatè procedunt à Deo.

*Verbum  
Dei cor-  
roborat  
& con-  
seruat  
animam.*

Et quia verbum Dei exit de corde Dei & procedit de ore eius & potest intrare in cor animæ & eam penetrare: ideo anima debet nutriri & viuere, crescere & sustentari in verbis Dei, quæ procedunt de ore eius: & solum verbum Dei est proprium alimentum, proprius, cibus, & proprium nutrimentum ipsius animæ & cordis. Sicut ergo cibus terrestris & alimentum corporale intrant in corpus iam prius viuum, & ipsum augmentant, nutriunt, corroborant, conseruant, ita verbum Dei, quod intrat cor & animam iam prius viuam & viuentem, augmentat ipsam & nutrit & corroborat, conseruat & sustentat in amore Dei, & spe bona

*Epilogat*

& gaudio & consolatione, & in omnibus, quæ pertinent ad vitam animæ & cordis. Ecce ergo qualiter conueniunt homini & proportionantur creaturæ & verba Dei: quia creaturæ corporales respiciunt corpus & vitam corporalem, & verba Dei respiciunt animam & vitam spirituales: vt sicut corpus, quod est propter animam, viuit de creaturis corporalibus de nihilo factis; ita anima, quæ est propter Deum, & est ad imaginem Dei, viuit de verbo, quod immediatè procedit de ore Dei, quod est spirituale & intellectuale & diuinum.



vinum. Ecce quanta propinquitas hominis ad Deum, quanta assimilatio, quanta vnitas, quanta Dei bonitas: quia verbum, quod exit immediatè de corde Dei, intrat cor hominis: verbum, quod procedit de ore Dei, intrat in animam hominis: Et nihil propinquius Deo quàm verbum eius: ideo totaliter trahit cor hominis & animam ad Deum, vnde exit, & facit cor hominis vnum cum corde Dei. Ecce ergo conuenientissimè dedit Dei. Ecce ergo conuenientissimè dedit Deus homini duo, scilicet creaturas & verba sua: creaturas ad augmentandum, nutriendum & conseruandum corpus in vita sua; & verba ad augmentandum, nutriendum & conseruandum animam in vita sua propria. Et ideo verba Dei sunt verba vitæ, & non corporis, sed animæ: & non carnis, sed cordis. Et ideo animalia bruta non possunt viuere de verbis Dei: quia non habent animam spiritualem, nec intellectualem, nec Dei imaginem. Ecce quantum distant ab inuicem, cibus corporis & cibus animæ, quia cibus, qui nutrit corpus, est corruptibilis; sed cibus, qui nutrit animam, scilicet verbum Dei, est incorruptibilis, permanens in æternum. Sicut autem homo non facit per seipsum cibos corporales, sed recipit iam factos & ordinatos à Deo; ita homo non facit cibum spiritualem, scilicet ipsum verbum Dei; sed recipit ipsum dictum & datum à Deo: quia vtrumque est à Deo. Si enim homo per se non potest facere cibos corporales, quibus viuat corpus, quomodo poterit facere cibum spiritualem, ex quo viuat anima? Et ideo nullum verbum hominis, quod procedit de corde & ore hominis, potest dare vitam animæ & nutrire ipsam; sed oportet, quòd ab alio procedat, scilicet de corde & de ore Dei.

Et sicut ad hoc, quòd cibus corporalis nutriet corpus, non est necesse, nisi quòd corpus recipiat ipsum: nec est necesse inquirere causam & fundamentum & rationem, quare potuit sic fieri, qualiter factus est; ita ad hoc, quòd verbum Dei nutriet animam: non est necesse quòd homo inquirat causam & fundamentum & rationem verborum Dei; sed sufficit scire, quia Dei sunt, & recipere ipsa verba in corde, quia sine hoc nutriunt animam.

Et quoniam in ipsa anima voluntas habet totum dominium

*Verbum Dei trahit animam ad Deum. Verbum Dei est verbum vita.*

*Verbum Dei est incorruptibile.*

*Verbum Dei nutrit animam absque ali. qua investigatione cause.*



*Verbum  
Dei ha-  
bet modū  
conue-  
nientem  
volūtatī.*

nium & imperium, & in ea consistit principaliter vita animæ, quia quando illa viuit, tota anima viuit: quando illa est satiata, tota anima est satiata: quando illa crescit, tota anima crescit: quando illa nutritur, tota anima nutritur: quando illa deficit, tota anima deficit: quia ipsa est cor animæ, & quia verba Dei respiciunt animam & diriguntur principaliter ad voluntatem, & respiciunt principaliter ipsam tanquam cor ipsius animæ, & tanquam habentem totum imperium in anima: ideo verba Dei & liber Dei, habere debent modum secundum quem conuenit voluntati, quæ est libera & in libertate posita. Et ideo verba Dei, quæ sunt in libro Dei posita, habent aliquando modum præceptium, aliquando modum prohibitium, aliquando promissuum, aliquando comminatum, aliquando narratiuum exemplorum, aliquando deprecatorium, aliquando laudatorium: quia omnes isti modi conueniunt voluntati & affectui, & inclinant & mouent & excitant & nutriunt ipsam voluntatem ad timorem & amorem & spem & gaudium & ad consolationem.

*Verbum  
Dei est  
certissi-  
mum ex-  
cedens  
omnes  
probatio-  
nes.*

Sed quia anima quærit semper certitudinem, & non recipit aliqua verba, nisi sint sibi certa & non dubia: quia intellectus, qui est in anima, semper appetit certitudinem, & in hoc satiatur & viuit; & aliter non quiescit, donec sit certus: ideo necesse est, quod liber Dei & verba libri sui sint certissima & non dubia. Et ideo est in verbis Dei & in libro suo certitudo diuinæ auctoritatis, quæ est ita magna, ut excedat omnes rationes, omnes probationes hominum, & omne ingenium humanum, ut iam dictum est: ideo totus liber Dei est authenticus, & habet modum generalem autenticum per totum. Et sic liber Dei & verba Dei totam animam complent & confortant & nutriunt & intellectum & voluntatem. Ecce igitur qualiter habemus cognitionem & scientiam de creaturis quæ sunt opera Dei & facta & de verbis Dei, quæ sunt dicta Dei. Et sic Deus manifestauit seipsum homini tam per creaturas, quæ sunt à Deo, quàm per verba, quæ dicit; sed magis propinquè se manifestauit per verba, quàm per creaturas: quia verba exeunt immediatè de corde Dei, & directè tendunt ad cor hominis, & ipsa verba sunt magis familiaria homini & propinqua, quàm creaturæ: quia etiam ipse homo habet verba, & dicit ea & loquitur

*Epilogat*

&

*Quod anima sit immortalis: 351*

& habet, & in multis concordat cum Deo: quia Deus loquitur & dicit, & homo loquitur & dicit, & sic hominis verba conueniunt Deo. Et sic multum est familiaris & propinqua cognitio Dei per verba sua. Et sic ipse homo & per creaturas Dei & per verba Dei potest, venire ad Deum, & ipsum inuenire, & scire intentionem & voluntatem Dei. Ergo homo debet seipsum excitare tam in creaturis Dei, quam in verbis Dei, ut se propinquet ad ipsum, & fiat familiaris cum Deo.

TITVLVS CCXVII.

*Quod anima rationalis existens in homine non est de natura corporis; sed potest viuere per se separata à corpore, & est immortalis, viuens sine fine.*

**Q**Voniam autem hæc scientia est de homine, & principaliter res, quæ sit in homine, est anima rationalis: & quia fortè plures credunt, quod anima sine corpore nihil sit: & quod mortuo corpore, anima moriatur, & non remaneat viuens & viuua: & per consequens non credunt bona æterna; & ideo non curant laborare pro illis: nec etiam credunt mala æterna; nec per consequens curant fugere illa: ideo ut omnis homo cognoscat, quod ipse habeat animam immortalem, quæ in æternum viuet, hic probatur, quod anima rationalis est immortalis. Quamuis enim superius in pluribus locis dictum sit, quod anima sit immortalis, & quod liberum arbitrium est immortale; tamen hoc probatum fuit accidentaliter: ideo hic nunc tractabitur principaliter de immortalitate animæ, recolligendo etiam illa, quæ iam dicta sunt superius in multis locis sparsim: quoniam super omnia valde necessarium est homini, quod cognoscat sine dubio, quod habeat animam immortalem & semper viuentem: quia maximè erit diligens circa seipsum, ne in æternum perdat seipsum, & maximam diligentiam apponet ad habendum scientiam libri de homine, seu libri creaturarum, seu libri Dei, seu libri scripturæ sacræ.

*Titu. 92.*

*Tit. 102.*

Ad probandum autem, quod anima rationalis non sit de natura corporis, sed quod potest viuere & stare  
*Idem sunt.*  
per



## 352 *Quod anima sit immortalis.*

per se sine corpore separata, & quòd sit immortalis, capiemus fundamenta sequentia. Primum fundamentum erit ex parte obligationis, quia anima potest obligari Deo immortalis & æterno: aliud fundamentum est ex parte honoris, laudis & gloriæ Dei: aliud fundamentum erit ex natura libertatis: aliud erit comparando operationes, quæ apparent in homine inter se: aliud erit comparando hominem ad omnes alias creaturas, quæ sunt propter hominem. Et sic probabitur, quòd anima rationalis est immortalis, vel comparando hominem ad Deum, vel comparando operationes hominis inter se, vel comparando hominem ad alias creaturas inferiores.

- *Titu. 96.* Quantum ad primum, scilicet quòd est ex parte obligationis, seu comparando hominem ad Deum, *Tit. 100.* considerandum est, quod iam probatum est, quòd homo obligatur Deo immortalis & æterno, & homo potest facere iustitiam soluendo; vel iniustitiam & iniuriam non soluendo Deo, sed oppositum faciendo. Si ergo homo potest facere iniustitiam, iniuriam & offensam contra Deum, & potest contemnere Deum. Et quia qui facit iniuriam Deo & offensam, debet pati pœnam æternam, æternaliter debet puniri: ergo anima potest mereri & lucrari pœnam æternam: & per consequens necesse est, quòd potest puniri æternaliter. Et hoc non potest fieri, nisi anima sit immortalis & semper viuat: ergo de necessitate sequitur, quòd anima rationalis existens in homine est immortalis & semper durans.
- Tit. 165.* Item homo potest obligare sibi Deum æternaliter, & hoc faciendo iustitiam & placitum & complacentiam sibi. Sicut enim si anima facit iniuriam Deo & offensam, obligat seipsam ad pœnam & ad punitionem æternam: ita per oppositum si facit Deo placitum & complacentiam, obligat Deum ad remunerationem æternam: quia non est maior ratio de vno, quàm de alio. Sed hoc non potest esse, nisi anima sit immortalis: ergo necesse est, quòd anima hominis sit immortalis & permaneat & duret in æternum.



*Aliud fundamentum.*

*Fundamentum autem, quod fundatur in honore & laude Dei, dictum est in capitulo de honore.*

**P**Ræterea alia probatio potest fundari in natura libertatis, seu liberi arbitrij: & quasi concordat cum prima, quæ modò dicta est. Vnde operationes hominis inquantum homo est, sunt remunerabiles, vel punibiles de natura sua: eo quia factæ sunt cum libertate. Et exinde concluditur de necessitate, quòd anima est immortalis, in qua est ista libertas. Sed ista probatio ad plenum deducta est superius in rubrica de comparatione hominis ad alias res per differentiam generalem scilicet liberi arbitrij, in vltima parte illius rubricæ: & ideò vadite ad illam. *Titu. 62.*

*Aliud fundamentum.*

**A**Lia autem probatio fundatur in operationibus, quæ apparent in homine. Vnde homo per suasmet operationes comparando eas adinuicem potest cognoscere, quòd anima est immortalis. Vnde pro fundamento primo præsuppono istam regulam, quòd tandiu durat res, quamdiu durat operatio sua. Exemplum de igne, qui tandiu durat, quamdiu durat operatio sua: Ergo si operatio alicuius semper durat; tunc illa res, cuius est illa operatio, semper durabit. Et ideo si in homine sit aliqua operatio, quæ semper duret; necesse est, quòd in homine sit aliqua res, quæ semper duret. Modò videamus, si in homine sit aliqua operatio, quæ semper duret: & discurremus per omnes operationes, quæ sunt in homine: & primò per operationes exteriores; videamus, si illæ operationes semper durent, & apparet, quòd non: quia operationes quinque sensuum exteriorum possunt diminui, debilitari, corrumpi, destitui, & auferri: & hoc fit per organum, cum quo fit illa operatio. Vnde ista operatio, quæ est videre, quæ fit cum oculo, aliquando diminuitur, aliquando debilitatur & totaliter aufertur: & hoc fit propter oculum. Et similiter est de ista operatione, quæ est audire, & sic de aliis. Ergo per istas operationes exteriores non possumus probare, quòd in homine sit

*Res tan-  
diu du-  
ra, quã-  
diu du-  
rat eius  
operatio.*

### 354 *Quòd anima sit immortalis.*

aliqua res immortalis. Sed intendamus interiùs in operationes interiores & occultas, & videamus, si sit inrus aliqua operatio, quæ non potest destrui, nec impediri, quæ semper duret. Inter omnes autem operationes est ibi vna operatio, quæ semper durat, scilicet velle, nolle, desiderare. Et ista operatio quamuis sit occulta & interior; attamen est manifestissima cuilibet homini intra se; ita quòd quilibet sentit in seipso istam operationem per experientiam.

*Quod  
velle, nol-  
le, deside-  
rare sit  
immor-  
tale, pro-  
bat.*

Sed quòd ista operatio, scilicet velle, nolle, desiderare sit immortalis in homine: hoc ostenditur & probatur clarissimè ad oculum sic: Omnis enim operatio, quæ nec per debilitatem corporis, nec per infirmitatem debilitatur, non dependet à corpore, nec est ligata cum corpore: sed non videmus per experientiam, quòd istæ operationes, scilicet velle, nolle, desiderare non debilitantur, nec diminuuntur propter debilitatem corporis, nec propter infirmitatem: vnde videmus, quòd in infirmis velle, nolle, & desiderare non debilitantur, nec diminuuntur; immo dum corpus magis debilitatur: tunc magis crescunt velle, nolle, desiderare: nec propter hoc cessant desideria; immo ad minus desiderant salutem; ita vt operatio desiderij non debilitetur propter debilitatem corporis: ergo sequitur, quòd istæ operationes non dependent à corpore, nec ligantur cum corpore, nec fiunt cum corpore, nec cum organo corporali: sicut istæ operationes, quæ sunt videre, audire. Ergo si corpus moriatur, adhuc remanent istæ operationes.

Item ista operatio, quæ fortificatur & crescit, dum magis corpus debilitatur & destruitur, non dependet à corpore, nec fit cum organo corporali, nec est ligata cum corpore: sed istæ operationes, velle, nolle, & desiderare fortificantur & crescunt, dum magis corpus debilitatur & destruitur; hoc autem apparet per experientiam: quia quantò homo efficitur magis antiquus, & corpus tendit ad destructionem: tantò magis desiderat & vult, & fortius & magis crescit desiderium suum: ergo sequitur, quòd talis operatio non dependet à corpore, nec ligatur cum corpore. Ideò sequitur exinde, quòd cum tandiu duret res, quâdiu durat operatio eius, quòd illa res, cuius officiũ est & operatio propria velle, nolle, desiderare, est immortalis & perpetua, sèper duras &

## *Quòd anima sit immortalis. 355*

& semper viuens, & remanet, quando corpus moritur. Et per consequens sequitur, quòd illa res, quæ vult, & non vult, & desiderat, non est coniuncta, nec ligata cum corpore; sed per se existens, & non indiget auxilio corporis ad operandum suam propriam opera-  
*Concludit, quòd anima sit immortalis.*  
tionem, & est nuda & separata & expoliata ab ipso corpore: & per consequens non est subiecta corpori, sed libera. Item sequitur, quòd illa res est maior & excellentior & superior res, quæ sit in homine, habens dominium supra totum hominem. Quare sequitur, quòd homo habet intra se rem immortalem, incorruptibilem, viuentem in perpetuum: & hoc est ipsa voluntas, cuius officium & propria operatio est velle, nolle, & desiderare. Et sic voluntas hominis nunquam moritur, quamvis corpus moriatur; sed viuit in æternum in gaudio, vel tristitia. Et per consequens tota anima, in qua est voluntas, intellectus & memoria viuet, in æternum. Et sic voluntas non est de natura corporis, nec per consequens ipsa anima; sed potest viuere per se separata à corpore. Ergo homo debet ædificare & facere suum fundamentum supra voluntatem, tanquam supra fundamentum perpetuum & incorruptibile & durans in æternum.

*Alia ratio, quòd anima non est de natura corporis.*

**I**tem aliter probatur, quòd anima hominis non sit de natura corporis ex parte suæ operationis, & sui modi. Quia anima abstrahit & denudat & expoliat illud, quòd recipitur in ea, ab omni quantitate, ab omni loco, & ab omni qualitate corporali: & quia anima nominat ipsas res, quas intelligit: nominando ipsas res, nominat eas sine qualitate corporali, sine quantitate, sine loco: vnde ita nominat, sicut intelligit: quia primò intelligit, quàm nominat: & sic anima dum recipit ipsas res in seipsa, facit ipsas sine quantitate, sine qualitate: sicut stomachus dum recipit cibos, expoliat & denudat eos à suis vestimentis & suis conditionibus, & induit eos vestimentis corporis & conditionibus: ita vt cibus perdat proprium modum & recipiat modum corporis. Ita & ipsæ res dum intrant animam, perdunt modum proprium & recipiunt alic-



### 356 *Quòd anima sit immortalis.*

*Quod  
animæ est  
sine quan-  
titate,  
qualita-  
te & loco.*

num, scilicet modum animæ; ita quod perdunt quan-  
tatem & locum & qualitatem accidentalem: & reci-  
piunt modum & formam animæ. Et ideo ipsæ res  
dum intrant animam, recipiunt ab anima modum cō-  
munem vniuersalem, & perdunt modum particularem  
& singularem & indiuidualem: ita vt non conueniant  
magis vni particulari, quàm alteri: sicut homo, qui  
est in anima, habet modum communem & vniuer-  
salem, qui æqualiter conuenit omnibus hominibus,  
& non magis vni quàm alteri: & ita nominatur ab  
anima communiter & vniuersaliter: & tamen talem  
modum non habet homo extra animam: quia  
nullus homo extra animam conuenit in suis condi-  
tionibus omnibus hominibus; sed homo, qui est in  
anima, conuenit omnibus: ergo sequitur, quòd ta-  
lem modum recipit ab anima, & non à se: ergo ani-  
ma hominis de natura sua est sine quantitate, sine fi-  
gura, sine loco, sine quantitate corporali, & sine om-  
nibus illis conditionibus existentibus in rebus exterio-  
ribus, per quas ipsæ res sunt particulares: quia anima  
assimilat ipsas res sibiipso: hoc autem clarissimè osten-  
ditur, vel manifestatur in ista litera, a, & etiam in alijs  
literis: quia ista litera, a dum est in scripturis, habet  
certam quantitatē & magnitudinem, certum colo-  
rem, scilicet nigrum, vel rubeum: certum locum,  
scilicet in tali pergameni, & in tali parte pergameni:  
ita vt nullum aliud, a, scriptum sit illudmet, a, immo  
habeat differentiam ab illo. Sed dum ista litera, a,  
intrat animam: recipit alium modum & aliam formam  
& alias condiciones: & perdit modum proprium, quem  
habebat in scriptura: quia dum est in anima, tunc non  
est magnum, neque paruum, nec talis quantitatē, nec  
talis: & sic perdit quantitatē: Item perdit omnem  
locum: Item non est rubeum, neque nigrum, neque  
alicuius coloris; & sic perdit colorem & qualitatem:  
nec est scriptum in pergameni, nec papiro: sed istud,  
a, existens in anima est vniuersale & commune omni-  
bus alijs, & tantum conuenit vni, sicut alteri: & ante  
de se non erat tale: ergo sequitur, quòd ab anima  
recipit talem modum. Quare sequitur, quòd anima  
hominis est sine quantitate, sine loco, nec est magna,  
nec parua: non est nigra, neque rubra, & est sine om-  
ni colore. Et hoc nullus potest negare, quia sua ope-  
ratio

tatio hoc manifestat. Quare concluditur, quòd anima hominis est sine quantitate, sine loco, nec est magna, nec parua: non est nigra, neque rubea, & est sine omni colore. Et hoc nullus potest negare, quia sua operatio hoc manifestat. Quare concluditur, quòd anima nullo modo est corporalis, nec est de natura corporis, nec habet conditiones corporis: quare sequitur, quòd non est grauis, nec leuis, nec rotunda, nec quadrata, nec alicuius figuræ: & sequitur quod omnes proprietates & conditiones corporis repugnant animæ, & sunt feces respectu animæ, & superfluitates. Si enim anima remouet tales conditiones à rebus, quando intrant animam, tanquam sibi repugnantes, tanquam quasdam feces & superfluitates: quanto magis ipsa in natura sua est separata ab illis? sic clarè possumus concludere, quòd quædam sunt res corporales, quædam spirituales, quædam res quantæ, & quædam sine quantitate. Item possumus concludere, quòd res sine quantitate & spirituales sunt nobiliores, altiores & digniores, quàm res corporales & quantæ, immo res corporales & quantæ sunt feces & superfluitates. Sicut enim, a, existens in anima est dignius, & nobilius & superius, quàm existens in scriptura: quia quando est in anima, est vniuersale, commune & perpetuum, & incorruptibile & inuariabile; sed, a, scriptum est variabile, corruptibile & particulare. Sic similiter se habet anima respectu rerum corporalium, quæ habent quantitatem & qualitatem corporalem. Quare sequitur, quòd anima hominis non est visibilis; quia non habet colorem: non est audibilis; quia non habet sonum: non est odorabilis, quia nullum habet odorem: non est gustabilis, quia non habet saporem: non est tangibilis, quia nullam habet quantitatem, nec qualitatem, quæ possit tangi: quia non est calida, nec frigida, nec humida, nec sicca, nec aspera, nec lenis, nec longa, nec breuis, nec ampla, nec stricta, nec lata, nec profunda, nec spissa, nec leuis, nec ponderosa: quia omnia ista sunt de natura corporis: & per consequens nobilior est, quia non habet, quàm si haberet. Et exinde possumus arguere de Deo, qui est supra animam: quia Deus non est visibilis, nec audibilis, nec odorabilis, nec gustabilis, nec tangibilis; nec palpabilis, nec coloratus, nec leuis, nec ponderosus, nec habens aliquam qualitatem corporalem.

*Quod anima est nuda ab omnibus conditionibus corporis.*

*Quod Deus est exesus ab omnibus conditionibus corporali-  
bus.*

### 358 *Quòd anima sit immortalis.*

lem, nec quantitatem, nec superficiem, & sic de aliis. Et sic probatum est quòd anima rationalis non est de natura corporis: & sic dum corpus moritur, anima remanet in sua natura. Et sic tam per operationes voluntatis, quàm per operationes intellectus probatur, quòd homo habet animam, quæ non est de natura corporis.

#### *Vltimum fundamentum.*

Tit. 101.  
Ec.

*Quod  
anima  
inceperit  
esse pro-  
bat.*

**V**Ltimum fundamentum ad probandum, quòd homo habet animam immortalem, sumitur comparando homines ad alias creaturas, quæ sunt propter hominem, & seruiunt homini. Vnde pretiositas & nobilitas & incorruptibilitas creaturarum seruientium homini manifestant clarè, quòd in homine est aliquid immortale & incorruptibile, semper viuens. Et ista ratio fuit posita superius in rubrica de conditionibus obligationis in illa parte: quòd magis est obligatus homo Deo, &c. quærite ibi. Et sic comparando hominem ad Deum, comparando alias creaturas ad hominem & comparando operationes hominis inter se, probatur immortalitas animæ rationalis. Et sic anima hominis non habet finem post se; sed quòd anima sit creata & habeat ante se principium, ipsamet experitur in seipsa: quia ipsa anima non meminit se semper fuisse, & tamen si semper fuisset, recordaretur: quare sequitur, quòd non semper fuit, & sic habuit principium: sed non habet finem: & per consequens est creata ante se de nihilo à Deo. Et ultra possumus arguere, quòd si anima habeat principium, & non habeat finem, quòd Deus, qui est supra animam, & creauit eam, non habuit principium, nec finem. Ecce igitur postquam homo habeat animam immortalem, qualiter debeat esse sollicitus de custodia eius, ne in perpetuum male habeat, ne in perpetuum maneat in tristitia, ne in perpetuum captiuetur, ne in æternum puniatur, ne incidat in omnia mala iam superius nominata, & ne perdat in perpetuum æterna bona & infinita iam supra dicta. O tam grandis res est anima! O tam grande malum malum animæ! O tam grande bonum, bonum animæ! Immortalis est utique anima. Sed necesse est tamen ipsam esse bonam, vel  
ma



malam : iustam , vel iniustam : puniendam , vel remunerandam : necesse est ipsam esse & vivere in æternum in gaudio, vel in æterna tristitia: necesse est ipsam esse in æterna iocunditate & felicitate, vel in perpetua miseria: necesse est ipsam esse & vivere in æterna delectatione & dulcedine , vel in sempiterna amaritudine & dolore : necesse est ipsam esse & vivere in æterna societate cum Deo suo creatore , vel in æternum esse separatam à societate & consortio sui creatoris : nec inter illa est dare medium, imò necesse est , quòd vnum, vel aliud habeat.

T I T V L V S CCXVIII.

*Hic enim inuestigatur an sit & realiter existat aliqua  
tertia natura creata , qua sit tantum spiritualis ,  
& tota intellectiva per se existens sine  
corpore.*

**Q**Voniam autem scala naturæ & creaturarum est nobis manifesta ad sensum ; & nullus potest dubitare, an creaturæ ordinatæ per quatuor gradus sint & existant : quia hoc est per se manifestissimum. Sed quia omnes creaturæ nobis ad sensum manifestæ, quas videmus , reducuntur ad duas naturas : quoniam est vna natura, quæ est corporalis tantum, sicut sunt omnes creaturæ, quæ continentur in primo, secundo & tertio gradu : quia omnes illæ creaturæ sunt corporales tantum : quia in eis non est spiritus rationalis , seu anima intellectualis. Alia autem est natura corporalis & intellectualis seu spiritualis simul , sicut homo , qui est in quarto gradu, qui continet simul & coniunctim duas naturas in vna persona , scilicet corporalem & spiritualem seu intellectualem : quia in homine est anima rationalis, immortalis & corpus, vt dictum est. Et ideo quia videmus naturam corporalem & spiritualemente con-  
*Tit. 217.  
de fun-  
damento  
quinto.*  
iunctas in vna persona in homine : & ultra videmus naturam corporalem per se existentem separatam ab intellectu-  
ali , vt in terra : quia per se existit terra , & est natura purissimè corporalis. Exinde habemus causam, quærendi & inuestigandi an sit & existat etiam natura spiritualis creata purissimè spiritualis, per se existens, nullo modo coniuncta cum natura corporali. Et quoniam nos nullo modo dubitamus de natura corporali

tantum an sit ; & etiam de natura coniuncta ex corporali & spiritali : ideo per istas duas videtur, quod debemus inuenire tertiam : quia per notum debemus inuenire, id, quod est ignotum. Vnde postquam est & existit realiter natura corporalis & natura spiritalis simul coniuncta in vna persona, vt in homine : & ultra hoc etiam natura corporalis est & existit per se separata : quare etiam non erit & existet natura spiritalis creata per se, sicut natura corporalis ? Vnde fieret iniuria naturæ spiritali seu intellectuæ : quia natura corporalis haberet duos modos existendi, scilicet diuisum & coniunctum : quia reperitur coniuncta cum spiritali, & reperitur per se existens sine illa : & natura spiritalis non haberet nisi vnum modum existendi, scilicet coniunctum. Cū enim nobilior sit natura spiritalis, quàm corporalis, si corporalis inuenitur per se existens sine spiritali : quanto magis debet habere natura spiritalis per se existentiam sine corporali, vt sic habeat duos modos existendi, s. coniunctum & diuisum per se. Vnde natura corporalis esset totum & pars ; & natura spiritalis creata esset tantum pars, & non totum : & etiam natura corporalis esset per se existens ; & natura spiritalis esset tantum cum alio existens : & etiam natura corporalis faceret per se vnum, & cum alio vnum, & sic duobus modis faceret vnum ; sed natura spiritalis solum faceret vnum cum alio, & non faceret vnum per se. Sed quod natura corporalis esset totum per se ; & natura spiritalis creata esset tantum pars, & non totum : & quod natura corporalis faceret per se vnum ; & spiritalis non faceret per se vnum : hoc esset contra ordinem vniuersi, & contra naturam rerum : & contra nobilitatem & dignitatem & excellentiam naturæ spiritalis, & fieret maxima iniuria naturæ spiritali, & hoc Deus facere non debet. Vnde cum Deus sit totus spiritalis, plus debet dare naturæ spiritali, quàm corporali. Non enim repugnat naturæ spiritali, quod per se creetur sine corporali, & existat, sicut non repugnat corporali, vt patet ad sensum. Nec etiam vniuersum esset completum : quia deficeret iste modus existendi naturæ creatæ spiritalis : esset enim natura corporalis & spiritalis simul, & esset natura corporalis per se, & non esset natura spiritalis creata per se & tamen ista natura magis decorat vniuersum, immo est principalior

*Quod sit  
natura  
aliqua  
spiritalia  
per se  
tantum hoc  
probat.*

*Magnū  
inconueniens  
si non esset  
spiritalis  
creatura  
tantum.*

principior pars vniuersi: quare sequitur, quod non potest deficere in vniuerso, vt sit complementum in creaturis. Quare de necessitate istæ duæ naturæ, scilicet natura corporalis & spiritalis coniunctæ simul & natura corporalis tantum, arguunt & concludunt naturam per se esse & existere sine corporali. Et sic habemus in vniuerso tres naturas, scilicet spiritualem tantum, corporalem tantum, & spiritualem & corporalem simul: & probatio fit ex parte creaturarum, quæ sunt in scala naturæ, ita vt ipsa scala naturæ hoc probet.

Præterea alia probatio sumitur ex parte Dei, qui est Dominus & creator omnipotens. Vnde cum Deus sit spiritus summus & totus intellectualis & nullo modo corporalis, magis conuenit cum Deo natura spiritalis & intellectualis, quàm corporalis; immò corporalis est ei opposita, & spiritalis est ei similis. Si ergo Deus fecit naturam corporalem sibi oppositam & infimam per se solam: quare non fecerit etiam naturam, quæ est ei similis, per se existentem? Item conuenit Deo magis facere sibi simile, quàm dissimile: & creaturas totaliter sibi similes, quàm dissimiles: & magis conuenit Deo facere creaturas prope se, quàm distantes à se: ergo magis conuenit Deo facere creaturam spiritualem sibi similem & propinquam, existentem per se, quàm corporalem per se existentem, sibi totaliter dissimilem, & à se longè distantem: sed Deus fecit creaturas per se tantum existentes sibi totaliter dissimiles, longè ab ipso distantes, vt patet in primo, secundo, & tertio gradu scalæ naturæ: ergo magis facere debuit creaturas per se existentes sibi similes & prope se existentes. Item non solum debuit facere creaturam spiritualem per se existentem sine corporali; immò primò debuit facere creaturam spiritualem, quàm corporalem: quia est ei magis propinqua & similis. Et sic probatum est tam ex parte creaturarum, quàm ex parte Dei quod natura spiritalis creata est & existit realiter & per se sine corpore: & talis natura vocatur angelica natura. Et ideo ista natura est sine quantitate, sine figura, sine longitudine & breuitate, sine latitudine & profunditate, sine extensione, & sine spissitudine, sine ponderositate & leuitate, nullum habet colorem, nullum saporem, nullum odorem, nec habet aliquam qualitatem, quæ pos-

*Quod sit creatura spiritalis tantum hoc probat.*

*Alia probatio ad idem.*



fit tangi. Ideo non est visibilis, nec audibilis, nec tangibilis, nec aliquo modo per aliquem sensum perceptibilis, sicut dictum fuit superius de anima & de ista litera a.

## TITVLVS CCXIX.

*De multiplicatione naturæ spiritualis creata, id est Angelica.*

*Tit. praecedenti.*

*De multitudine Angelorum.*

**P**ostquam probatum est, quod natura spiritualis creata est & existit, vltcrius est magis inuestigandum, si est multiplicata in multas species & in multa individua. Sicut autem istæ duæ naturæ, scilicet natura corporalis humana, quæ constat ex spirituali & corporali, manifestauerunt nobis naturam spiritualem puram esse; ita etiam manifestabunt omnia alia & omnes suas conditiones & proprietates. Vnde necesse est, quod omnia sint proportionata & ordinata inter se. Videmus autem, quod in natura corporali infima, non solum est vna species, immo innumerabiles species. Vide enim quot species sunt in primo gradu, vide quot in secundo, & quot in tertio gradu. Si ergo natura corporalis est tantum multiplicata, quod non potest comprehendere sub numero; quare etiam non erit multiplicata creatura spiritualis quasi sine numero? Itaque non potest esse quod ibi sit tantum vna creatura spiritualis: immo debent esse innumerabiles tales creaturæ & spiritus. Si enim Deus voluit tantum multiplicare corporales creaturas sibi dissimiles, nonne magis debet multiplicare creaturas spirituales sibi similes & vniformes? Sicut enim magis debuit facere creaturam spiritualem, quam corporalem; ita etiam magis debuit eam multiplicare, cum sint magis multiplicabiles res spirituales quam corporales. Itē videmus etiam quod in natura humana, quæ constat ex spirituali & corporali, est maxima multiplicatio; quare etiam in natura purè spirituali, non erit maxima multitudo & multiplicatio spirituum & creaturarum spiritualium, cum natura purè spiritualis facit per se suum membrum in vniuerso, quia non sunt nisi tria membra, vt dictum est, in vniuersitate creaturarum. Ergo necesse est innumerabilem multitudinem esse creaturarum spiritualium & non vnā tantum creaturam.

*Tit. praecedenti.*

TITVLVS

## T I T V L V S C C X X.

*Quod inter ipsas creaturas spirituales est multiplex  
ordo & inferioritas & superioritas, & non sunt  
omnes aequales.*

**N**on solum autem debet esse maxima multitudo creaturarum purè spiritualium, immo debent ibi esse multi ordines, & debent ibi esse inferioritas & superioritas inter eas: & vna creatura debet esse superior quàm alia. Videmus enim quod in natura corporali est ordo & inferioritas & superioritas, & non æqualitas: sicut in primo gradu etiam sunt multi ordines. Nam est ibi ordo elementorum: terra est infima, aqua superior, aër super aquam, ignis super omnia. Ecce ibi ordinem & superioritatem & inferioritatem. Similiter est ordo in metallis, & superioritas & inferioritas. Similiter est ordo in lapidibus pretiosis. Si ergo in gradu infimo est ordo & superioritas & inferioritas nonne etiam in gradu summo erit ordo & inferioritas & superioritas in ipsis creaturis summè spiritualibus? Si in minimis est ordo, nonne & in maximis erit? Similiter est ordo in secundo gradu scalæ inter arbores & herbas. Similiter est ordo & in tertio gradu in animalibus & in piscibus, & in auiibus & in illis, quæ super terram ambulant. Vide ergo quot sunt species arborum & herbarum. Vide quot sunt species piscium, quot species auium, quot species animalium, quæ ambulant super terram. Vide quomodo est ibi superioritas & inferioritas: Et omnes isti gradus sunt in natura corporali. Si ergo Dominus Deus omnipotens posuit tantum ordinem in creaturis corporalibus, nonne magis debuit ponere ordinem & superioritatem & inferioritatem in creaturis spiritualibus & rationalibus, cum magis ordo & ordinatio conueniat creaturis spiritualibus quàm corporalibus. Sicut ergo in creaturis corporalibus sunt multi ordines, quare etiam in creaturis spiritualibus non erunt multi ordines? Præterea etiam in natura humana, quæ est corporalis & spiritualis simul sunt multi ordines, & est ibi superioritas & inferioritas: & est ibi multiplex dignitas, multiplex prælatura multiplex principatus; immò est in omnibus ordo dignitatum, ordo officiorum, & ordo principatum:

*Quod inter  
An-  
gelos sit  
ordo.*

*Alia præ-  
batio ad  
idem.*

tuum : iste homo maior , iste minor, iste superior , iste inferior, iste prælatus, iste subditus: est enim in humana natura multiplex status. Nam est ibi status agrorum infimorum, status mercatorum , status burgensium : Item status nobilium, ubi continetur ordo militum, ordo Baronum, ordo Vicecomitum, ordo Comitum , ordo Ducum : deinde est Rex & Imperator : & sunt multi Reges & unus Imperator. Et etiam multiplex est ordo potestatum. Nam sunt iudices inferiores & iudices superiores & medij : & potestates inferiores & mediæ & supremæ. Hoc etiam videmus in statu Ecclesiastico , in quo est multiplex ordo & inferioritas & superioritas. Nam sunt ibi rectores & Archidiaconi , Diaconi, Decani, præpositi , Abbates , Episcopi , Archiepiscopi , Patriarchæ , &c. Si ergo in natura, quæ est partim corporalis , & partim spiritualis, non est æqualitas, sed distinctio mirabilis & ordo, quâvis omnes homines quoad naturam sunt æquales; attamen per accidentia , quæ eis adveniunt , & quæ acquirunt postea, fiunt inter homines isti ordines. Ista autem accidentia sunt iurisdictio, potestas, officium, scientia , & ars : & ista accidentia nobilia fundantur in humana natura , rationæ naturæ spiritualis & naturæ intellectualis , quæ est pars humanæ naturæ & non ratione corporalis. Quare igitur postquam in natura, quæ est partim corporalis , & partim spiritualis, est tam multiplex ordo & mirabilis , & ratione naturæ intellectualis , scilicet ratione animæ , quare etiam non erit multiplex ordo & mirabilis in natura parè spiritualis & intellectuali & etiam distinctio dignitatum & officiorum & statuum , cum maior debeat esse ordo in spiritualibus quàm in corporalibus ? quare non erit ibi Principatus & Prælatio & superioritas & inferioritas suo modo , & aliquæ superiores , & aliquæ inferiores & aliquæ mediocres ?

*Tertia  
probatio  
ad idem.*

Item infra hominem est ordo & superioritas & inferioritas & Principatus: & hoc à natura : nam est ibi status virtutum infimarum, scilicet generatiuæ, augmentatiuæ , & nutritiuæ : & istæ habent alias inferiores, scilicet virtutem attractiuam , digestiuam , & retentiuam. Vtcrius post istum statum est secundus status superior, scilicet status virtutum & potestatum sensitivarum : & tertius post istum est supremus status , scilicet  
virtutum



virtutum & potestatum intellectualium. Si ergo in homine est talis ordo & Principatus, quare etiam in natura purè spirituali non erit ordo & Principatus? Et sic patet, quare in creaturis spiritualibus & summis spiritibus debet esse sacer ordo & multiplex, & superioritas & inferioritas & mediocritas, & æqualitas.

T I T V L V S C C X X I.

*Quod quamvis ibi sint multi ordines; tamen necesse est, quòd certus numerus sit ipsorum ordinum, & omnes debent consummari in unitate.*

**Q**Vare autem in ipsis spiritibus summis debet esse tantus ordo, tanta ordinatio, & tanta regulatio, quòd non possit esse maior: eo quia sunt prope Deum & ei similes totaliter in natura, à quo est omnis ordo & omnis regula & mensura. Et ideo in ipsis creaturis spiritualibus nulla potest esse confusio, sed necessariò debet esse in eis certus numerus ordinum, & omnes debent consummari in unitate. Videmus autem, quòd in natura purè corporali sunt tres gradus generales: ita quod tota natura corporalis, quæ non habet aliquid spirituale & immortale, diuiditur per tres gradus: quia quædam habent esse tantum, alia habent vivere tantum, & quædam habent sentire tantum. Et ultra quilibet *Supra ti-* istorum graduum continet plures gradus sub se: quia *itulo 1.* in primo gradu, ubi est tantum esse, sunt plures ordines, scilicet ordo elementorum, ordo metallorum, & ordo lapidum pretiosorum: & in quolibet istorum ordinum est status & vnum principale, ut in ordine elementorum ignis, in ordine metallorum aurum, in ordine lapidum pretiosorum carbunculus. Similiter secundus gradus, qui est vivere, continet sub se multos ordines: nam est ibi ordo herbarum, ordo arborum. In tertio gradu, qui est sentire, sunt multi ordines: nam est ibi ordo piscium, ordo avium, ordo animalium, quæ ambulant super terram, seu animal volatile, aquatile, terrestre: Et quilibet istorum ordinum consummatur in unitate: quia in genere piscium est vnus summus piscis: in genere avium, est vna maior & dignior super omnes aues, sicut est aquila: similiter in genere animalium, quæ ambulant super terram,

*Quod  
tres sint  
hierar-  
chia An-  
gelorum.*

terram, est vnum animal & vna species, quæ est maior omnium, & dominatur aliis, sicut est species leonum. Si ergo in natura corporali est tanta ordinatio, regulatio, & mensuratio sine confusione & certus numerus: nonne magis debet esse in natura purè spirituali? Et si Deus posuit tantam ordinationem & regulationem in natura infima corporali, quæ est ei maximè dissimilis: nonne magis posuit in natura purè spirituali sibi simili & propinqua, cum omnia ista pertineant ad pulchritudinem & ornatum? Nonne ergo tota natura spiritualis debet diuidi etiam generaliter per certas portiones & gradus generales, & iterum quilibet istorum graduū in certos ordines, & quilibet ordo in suas species: vt sit ibi omnimoda claritas & distinctio sine confusione; & in quolibet ordine sit vna species supra omnes, & quilibet ordo consummetur in vnitatem. Et sic videmus, quòd ista natura purè spiritualis partitur & diuiditur generaliter in tres portiones generales, scilicet in tres principatus sacros: quia apposita communiter æqualiter diuiduntur, & maximè quia natura spiritualis est prior, quàm corporalis: & ideo natura spiritualis imitatur corporalem, & econtra: ideo per illa, quæ videntur in natura corporali, quam videmus, possumus arguere in natura spirituali, quam non videmus.

Item sicut videmus quod omnes naturæ & species corporales correspondent vni speciei summæ, scilicet naturæ & speciei humanæ, quæ est spiritualis & corporalis: & illa species est super omnes & dominatur omnibus aliis & præest ex ordinatione Dei: ita vt omnes ordines creaturarum corporalium consummentur in vna specie, supra quam nulla est: ita conformiter possumus arguere, quòd omnes conditiones creaturarū spiritualium debent correspondere vni summæ speciei spirituali & vni summo spiritui creato, qui est super omnes, vt omnes ordines Angelorum consummentur in vnitatem & finiantur.

Item sicut arguimus per naturam purè corporalem: ita possumus arguere per naturam, quæ est corporalis & spiritualis simul: quia tota natura, quæ est corporalis & spiritualis simul, scilicet natura humana, etiam diuiditur in certas portiones, & in certos gradus, & in certos principatus, & omnia consummantur in vnitatem: ita vt sit vnus supra omnes. Et etiam in ipsomet homine

mine omnes virtutes, omnes potestates, & omnes status virtutum naturalium consummantur in vna virtute summa, scilicet in ipsa voluntate, quæ est domina omnium aliarum & maior. Et tota etiam anima hominis diuiditur in tres generales portiones, seu partes, seu hierarchias, scilicet in vegetatiuam, sensitiuam, & intellectiuam: & iterum quælibet illarum diuiditur in suas partes. Quare ergo similiter non erit certa diuisio & certus numerus in generali in natura spirituali: ita vt tota diuidatur in certas portiones generales & hæ iterum in alias? Postquam ergo tres sunt naturæ distinctæ creatæ in vniuerso, scilicet corporalis tantum, & spiritualis tantum, & mixta ex vtraque: ergo si natura corporalis habet suas hierarchias & suos ordines infra se: quare etiam natura summa & spiritualis non habebit suo modo suas hierarchias & suos ordines infra semetipsam? Et etiam postquam natura purè corporalis & distincta per differentias & gradus naturæ: & natura mixta, scilicet humana est distincta per differentias & gradus naturæ, scilicet per accidentia nobilia dignitatum & officiorum: quare igitur etiam natura purè spiritualis non erit distincta per differentias & gradus naturæ & differentias officiorum & dignitatum, vt sit vtraque distinctio? Et quoniam numerus trinaris magis concordat cum Deo, quàm aliquis alius numerus: quia in Deo est Trinitas personarum: ideo magis conuenit Deo ponere numerum trinarium in rebus, quàm alium numerum, & maximè in creaturis spiritualibus, quæ sunt ei conformes & similes. Et ideo magis conueniens fuit Deo, quòd tota natura spiritualis creata, scilicet angelica distingueretur & diuideretur per numerum trinarium, quàm per alium numerum. Vnde tota vnitas creata diuiditur in tres partes generales, scilicet in naturam corporalem tantum, & spiritualement tantum, & corporalem & spiritualement simul. Et iterum natura tantum corporalis diuiditur in tres partes, vt dictum est. Quia ergo diuisio est multiplex, scilicet quædam generalis, & quædam specialis, & alia specialissima, &c. ideo prima diuisio generalis & distinctio debet esse trinaria in Angelis, vt sicut diuina natura existens tantum eadem numero & indiuisibilis in se, tantum diuiditur in tres personas per tres proprietates distinctas, & non plures, neque pauciores:

*Quod  
Angeli  
diuidun-  
tur in  
tres hierarchias.*



### 368 De Angelorum obligatione,

*Quod no- uem sint ordines Angelo- rum.* ciores : ita conformiter natura spiritualis creata , seu angelica sibi totaliter similis & conformis & propinqua , diuiditur & distinguitur in tres portiones & tres hierarchias generales : & deinde quælibet earum iterum in tres ordines : & sic est ibi diuisio generalis & specialis per trinarium numerum. Et sic patet quod in creaturis spiritualibus seu Angelicis debet esse certus numerus ordinum & certa distinctio : & etiam quod talis numerus debet esse trinarus magis quam alius : & hoc ostendit natura corporalis & etiam natura diuina, quæ creauit omnia.

Patet etiam quod omnes ordines debent consummari in summa unitate, quantum potest esse in creaturis : & quod supra omnes debet esse vnus summus Angelus & vna summa creatura spiritualis, & consummans in unitate omnes ordines spiritualium creaturarum. Et sic Tit. 219. probatum est quod est natura purè spiritualis creata, Tit. 220. & quod est innumerabilis multitudo spiritualium creaturarum & Angelorum , & quod est ibi ordo debitus, *Quod Angeli simul sint creati ex nihilo.* quantum potest esse. Quamuis autem ibi sit innumerabilis multitudo Angelorum : attamen omnes simul fuerunt creati de nihilo : quia vnus Angelus non potest causare alium , nec generare de sua substantia : nec vnus potest descendere de alio , sicut fit in hominibus : quia non sunt corporales , sed quilibet immediate à Deo est creatus. Et ideo potuerunt omnes simul creari : quia nulla poterat esse resistentia : quia Deus est omnipotens , qui de nihilo creauit eos : & ita potuit creare omnes simul sicut vnum , qui solo velle omnia creat : nec repugnat eis creari simul.

#### T I T V L V S C C X X I I .

*Quod natura spiritualis creata obligatur Deo sicut homo : & quod omnia probata de homine in quantum homo est , sunt iam probata de Angelis : & quod quidem est bonum hominis & Angeli.*

**Q**Uoniam autem natura purè spiritualis creata existit , & quia ipsa habet liberum arbitrium sicut homo : ideo omnia , quæ probata sunt de homine ratione liberi arbitrij , iam probata sunt de Angelis : & quicquid conuenit homini ratione liberi arbitrij , conuenit Angelo. Et ideo qui vult habere scientiam de Angelis,

Angelis recurrat ad illa, quæ dicta sunt de homine, & applicet eis & faciat similem processum circa obligationem & circa amorem & circa fructum amoris, quod est gaudium: & comparet fructum amoris, & Angelū & alias creaturas, seu ad creaturas inferiores eo: & videat quod plus accepit à Deo, quàm aliæ creaturæ inferiores & qualiter cognoscit se habere & accepisse à Deo quicquid habet: quia de nihilo factus est, & nihil habet à seipso. Vnde Angelus ad cognoscendum suam dignitatem & suum gaudium, in quo est, potest se primo comparare ad ipsum nihil, unde venit: deinde ad creaturam sibi oppositam, scilicet ad naturam corporalem: & potest videre quantum ascendit super illam in dignitate & excellentia: & hoc ex dono Dei. Deinde potest se comparare ad naturam mixtam scilicet ad humanam: & sic omnes creaturæ seruiunt Angelis, ut cognoscant propriam excellentiam, & quantum acceperunt. Et sic patet quod Angelus obligatur Deo sicut homo: & idem modus procedendi est in Angelo sicut in homine ad inuestigandum obligationem, per quam Deo obligatur: & per consequens ad inuestigandum omnia illa, quæ sequuntur ad illam obligationem. Et sicut comparamus hominem ad alias creaturas inferiores per conuenientiam & differentiam; ita possumus comparare Angelum. Exercita ergo te ipsum. Et hæc sufficiant.

Ecce igitur qualiter per scalam naturæ habentem quatuor gradus distinctos inuenimus naturam diuinam esse & existere ab æterno sine principio & sine fine: deinde inuenimus totam scalam & omnes creaturas contentas in scala à Deo processisse ex nihilo per creationem: deinde inuenimus obligationem hominis ad Deum. Vltèrius exinde deuenimus ad immortalitatem animæ hominis, ita ut inueperimus hominem habere animam immortalem, & per consequens ut esse compositum ex duabus naturis, scilicet corporali & spirituali: & reduximus omnes quatuor gradus scalæ ad duas naturas in generali, scilicet ad naturam corporalem tantum, quæ nihil habet immortale: & ad naturam mixtam ex corporali & spirituali, quæ habet aliquid immortale. Et vltimatè per istas duas naturas inuenimus tertiam naturam, quæ tantum est spiritualis: quæ dicitur Angelica natura. Et sic habemus in summa na-

*Quod  
Angelus  
obligatur  
Deo.*

*Epiloga-  
gat, totū  
processū  
huius li-  
bri.*

*Titul. 3.  
Titu. 16.  
Tit. 100.  
Tit. 217.*

*Tit. 118.*

### 370 *De facto & debito hominis.*

turam diuinam increatam, quæ realiter vna & eadem numero existit, & est communis in tribus personis realiter distinctis: & habemus tres naturas distinctas creatas ab ipsa diuina natura, quæ est Deus æternus, trinus, & vnus, cui est laus & gloria inæternum.

#### T I T V L V S C C X X I I I.

*Hic inuestigatur si homo est talis de facto: qualis debet esse: & si facit quod facere debet secundum ordinem creaturarum. Et inuenitur de facto quod homo est & facit contra ordinem creaturarum & est totus mutatus in oppositum & in contrarium sue propriae naturæ, quam debet habere, sicut vinum in acetum.*

**D**ictum est in tota parte præcedenti vsque huc de debito hominis, ad quod obligatur de iure naturæ: & conclusum est & probatum aliquod occultum esse debitum, quod homo debet Deo: & hoc tam ex datis & acceptis, vbi fundatur obligatio debiti, quam ex parte dignitatis Dei, cui primò debetur amor, timor & honor: & hoc etiam requirebat natura amoris. Ergo vsque ad hanc partem processimus per debet & per modum obligationis & debiti: & vidimus qualis est: quoniam est primò naturalis & perpetua & infallibilis, indelebilis, incorruptibilis, & immortalis, & est generalis omni homini, & patens omnibus: quia est scripta in libro naturæ in omnibus creaturis, & in ipso homine tam in corpore, quam in anima: & ipse homo, & omnes creaturæ sunt purissimum testimonium istius obligationis. Visum est etiam & conclusum quantum & quale bonum adueniet homini, si homo adimplet & facit debitum, ad quod obligatur Deo: & quantum & quale malum adueniet homini, si non facit debitum, quod debet Deo. Si ergo tria cognoscimus de homine, scilicet ipsum debitum hominis & bonum & malum, quod oportet sequi. Ipsum autem debitum semper viuit, semper manet radicaliter in suo vigore: & impossibile est, quod tollatur; semper homo est debitor, semper est obligatus Deo, siue homo faciat. Et quoniam ordinatur debitum ad factum, & debere ordinatur



tur ad facere, & obligatio ad solutionem; immò *Omnia*  
omnia quæ pertinent ad hominem, concluduntur in *consistunt*  
istis duobus, scilicet in debito & in facto, seu in iure *in debito*  
& in facto: quia ipsum debitum est ius, & ipsa solutio *& facto.*  
factum: sed ipsum debitum est primum & præcedit;  
& factum debet sequi post debitum: & ipsum factum  
est ultimum & complementum debiti: ideo nisi post  
debitum sequatur ipsum factum & facere, totum est  
vacuum: & si sequatur factum, totum est plenum. Ista  
ergo duo, scilicet debitum & factum debent esse pro-  
portionata & ligata in se: quia vnum nihil proficit  
sine alio. Quid enim proficit debitum, nisi non sequa-  
tur factum? Et quid valet factum, nisi concordet cum  
debito. Factum ergo & debitum quando concor-  
dant faciunt mirabilem armoniam; si autem discordant,  
destruitur armonia, & fit pessimus sonus. Et quia ista  
scientia est de homine in quantum homo est, & docet  
cognoscere hominem, & cognitio de homine consistit  
in duobus, scilicet in cognitione ipsius debiti, & in  
cognitione ipsius facti, seu facere: & cognitio ipsius  
debiti præcedere debet cognitionem ipsius facti, quod  
non est, nisi tanquam lumen ad cognoscendum ipsum  
factum: quia impossibile est cognoscere ipsum factum  
an sit tale, quale debet esse, vel non, scilicet utrum  
sit iustum, vel iniustum, ordinatum vel inordinatum,  
nisi prius cognoscatur debitum. Debitum enim est *Debitum*  
mensura & regula & lex ipsius facti. Qui ergo ignorat *est men-*  
ipsum debitum, ignorat ipsum factum & facere. Ideo *sura fa-*  
postquam habemus infallibilem cognitionem de ipso *cto.*  
debito hominis in quantum homo est, ad complendam  
totam cognitionem de homine necesse est nos habere  
cognitionem de ipso facto ipsius hominis & de suo fa-  
cere, utrum ius, & facere concordant in homine: ut  
postquam cognoscimus quod debeat facere, videamus  
quid facit: utrum suum proprium factum, seu facere  
concordet cum suo proprio debito; vel discordet: &  
utrum sit iustum, an iniustum: & ordinatum, vel in-  
ordinatum: rectum, vel tortuosum: secundum naturam  
hominis, vel contra naturam hominis: secundum  
Deum, vel contra Deum: ut postquam vidimus quid *Debitum*  
de iure, vel in iure, videamus quid in facto, vel de *hominis*  
facto. Quamvis autem ista duo pertineant ad homi- *semper*  
nem. scil. debitum & factum; non tamen similiter & *manet.*

### 372 *De facto & debito hominis.*

eodem modo: quia ipsum debitum semper manet in  
 suo vigore, & est necessarium & de necessitate: nec est  
 in potestate & libertate hominis, quia velit homo, aut  
 non velit semper manet debitum, & homo semper ma-  
 net debitor & obligatus. Sed ipsum factum est volun-  
 tarium & in libertate hominis: & ideo potest homo  
 habere suum factum & suum facere, quod concordet  
 cum suo debito: vel potest habere factum contrarium  
 debito, vel potest desistere ab ipso facto. Et sic sunt  
 ibi tria, scilicet facere quod debet, vel facere contra-  
 rium illius, quod debet, vel totaliter desistere ab ipso  
 facere. Non est autem ita, nec similiter in aliis crea-  
 turis: quia factum & debitum semper concordant. Sed  
 quia quando homo resistit ab ipso facere, tunc facit  
 quod non debet; ideo homo potest generaliter ambula-  
 re per duas vias. Quia vel factum & facere hominis  
 est simile & concordans cum debito, vel est discordans  
 & contrarium suo debito proprio: Et quia ipsum de-  
 bitum est propria lex, propria mensura & propria re-  
 gula, proprium lumen & proprium ius ipsius hominis:  
 ideo quando in homine factum concordat cum debi-  
 to, tunc homo concordat cum sua propria lege & re-  
 gula, & cum suo proprio lumine. Sed quando in ho-  
 mine factum est contrarium debito, tunc homo est  
 contrarius sibiipso, & suæ propriæ naturæ, & suæ re-  
 gulæ, & suæ propriæ legi, & suo lumini, & iuri naturæ,  
 & est contrarius omnibus creaturis & Deo. Quid est  
 enim omnem hominem esse contrarium sibiipso, nisi quod  
 ipsum factum hominis & suum facere sit contrarium  
 suo proprio debito, & suæ legi naturali. Igitur nunc  
 profundè intremus in ipsum hominem, & perscrutemur  
 interiora eius, & palpemus viscera eius, & videamus  
 suum factum & suum facere. Vique enim modò non  
 tetigimus hominem nisi superficialiter & in generali,  
 ostendendo suum proprium debitum; nunc autem tan-  
 gemus ipsum in visceribus & in profundo & in parti-  
 culari tangendo proprium factum. Porremus tamen  
 ante oculos ipsum proprium debitum tanquam lucer-  
 nam & lucem ad videndum suum proprium factum  
 & facere suum. Ipsum autem factum & facere homi-  
 nis est duplex, scilicet visibile & invisibile, intrinse-  
 cum & extrinsecum, intus & extra, occultum & ma-  
 nifestum: & utrumque oportet concordare cum de-  
 bito

*In aliis  
 creaturis  
 factū &  
 debitum  
 semper  
 concor-  
 dant.*

*Nota.*

*Duplex  
 facere  
 hominis.*

bito & cum iure , seu lege sua naturali.

T I T V L V S C C X X I V .

*Hic comparatur factum seu facere hominis ad suum proprium debitum, & ad suam propriam legem, si conuenienter concordent.*

**Q**uoniam autem ipsum debitum hominis inquantum homo est, ius naturæ est & lumen ad cognoscendum ipsum factum hominis, quale sit & est propria lex & regula facti : ideo comparemus factum , seu facere hominis tam visibile , quam inuisibile seu occultum ad ipsum debitum : & statim apparebit utrum factum , seu facere hominis sit iustum , vel iniustum , bene vel malè. Si enim consideremus ipsum factum , seu facere per se , non comparando ipsum , nec applicando ad proprium debitum : tunc impossibile est cognoscere ipsum factum hominis : quia non potest cognosci, nisi in suo lumine, quod est debitum proprium. Et ideo qui magis cognoscit debitum ipsum hominis, facilius cognoscit ipsum factum , seu facere hominis : & qui totaliter ignorat debitum hominis , totaliter ignorat factum , seu facere hominis, & per consequens ignorat totaliter seipsum. Prima enim lux est & prima porta intrandi & cognoscendi hominem , scilicet cognoscere quid debeat facere : deinde intratur ad ipsum facere. Et quoniam ad cognoscendum utrum factum hominis , seu facere concordet cum debito , oportet per experientiam videre ipsum factum in se & ipsum facere : & quia quilibet homo perfectæ ætatis cognoscit experimentaliter & infallibiliter suum proprium factum & suum proprium facere, tam interius, quam exterius, & nullo modo dubitat : quia est sibi certissimum quod est , immò nihil magis notum cuilibet nisi suum proprium facere , licet ignoret utrum sit iustum , vel iniustum , donec applicauerit , vel comparauerit facere ad debitum. Ideo quilibet homo , qui cognoscit debitum hominis inquantum homo est , & propriam eius legem naturalem, potest statim & infallibiliter cognoscere utrum suum proprium factum, seu facere sit contrarium debito , vel concordans , comparando facere ad debitum, quod habet & cognoscit in seipso. Debet ergo omnis homo videre & comparare totum suum fa-

*Ut titulo*

223.



### 374 *De facto & debito hominis.*

ctum, & suum facere, & suas inclinationes, & quicquid sentit in seipso ad suum proprium debitum & propriam legem: & veraciter cognoscet & infallibiliter, quod totum suum factum, seu facere tam interius quàm exterius, & omnis inclinatio contrariatur ipsi debito, seu iuri, & legi naturæ, & totaliter discordat ab eâ: & sic in ipso homine debitum seu ius & factum discordant & contrariantur.

*Quid sit  
debitum  
hominis.*

Vt autem hoc ad oculos videamus, dicamus, quid sit debitum hominis, seu ius naturæ, ad quod obligatur homo, & tenetur in quantum homo. Debitum autem hominis, ad quod homo obligatur ex testimonio omnium creaturarum & sui ipsius & Dei, est istud, quod homo debet Deo dare primò amorem, & totaliter, & debet ipsum amare & incessanter: & per consequens debet totaliter sequi & amare voluntatem Dei, & per oppositum debet habere odio totaliter & incessanter quicquid potest esse contra Deum, & contra suam voluntatem: Et exinde sequitur, quod homo debet Deo timorem & honorem primò. Ecce ergo debitum amoris, & timoris & honoris primò: Et per consequens debet homo esse gratus Deo, & regratiari illi, & esse ligatus & vnitus realiter cum Deo: hoc ergo est

*Tit. 111.*

*Tit. 178.*

*Debitum  
hominis  
ad se &  
ad proximum.*

debitum erga Deum factorem & creatorem suum. Sed ex isto debito ortum est aliud debitum erga omnia, quæ Dei sunt, & maximè erga suam imaginem viuentem, & per consequens erga omnem hominem, scilicet quod omnis homo debet amare quemlibet hominem, in quantum est Dei imago, sicut seipsum: & habere odio quicquid est contra hominem, sicut contra seipsum, in quantum est Dei imago: & etiam debet quilibet amare seipsum propter hoc, quod est Dei imago viuens. Ecce duplex debitum hominis, vnum & primum respicit Deum: & secundum respicit illa, quæ Dei sunt, & principaliter suam imaginem; & tamen non sunt nisi vnum debitum: quia secundum includitur in primo, & ab ipso oritur. Et hoc est totum debitum hominis, totum ius naturæ, & tota lex naturæ, & totum quicquid debet homo, vel ab ipso oritur, vel in ipso includitur. Secundum ergo istud debitum, & secundum istud ius, & secundum istam regulam & legem debet homo regulare, mensurare, ordinare omne factum suum & omne facere tam interius, quàm exterius: &

*eum*

cum isto debito, seu iure debet concordare totum suum *Quomo-*  
facere. Talis debet esse homo in ordine creaturarum, *do homo*  
quod in isto homine istud debitum, seu ius, & suum *debet re-*  
factum & facere suum non discordent, non contrarien- *gulare*  
tur: & talem hominem requirit ordo vniuersi, & ordo *suum fa-*  
naturæ, qualis debet esse natura hominis, in quantum *cere.*  
homo est. Comparat ergo quilibet factum suum seu  
suum facere interius & exterius, & quicquid sentit in se  
debitum istud, seu ius naturæ. Et comparemus omne  
factum & omne facere, quod est in hominibus, ad istud  
debitum: & videbimus, & per experientiam sentiemus  
& iudicabimus, quod omne factum & omne facere  
hominis, vel ad minus inclinatio, totum est con-  
trarium & repugnans isti iuri seu debito, & discordans  
totaliter ab eo. Vnde per experientiam videmus & *Experi-*  
sentimus, quod homo habet amorem suiipsius primò, *mentali-*  
& non Dei, & primò amat seipsum & suam voluntatem *ter vide-*  
propriam realiter, & de facto eam sequitur, & non *mus,*  
voluntatem Dei: & habet odio quicquid est contra *quod*  
suam voluntatem propriam, & amat omnia, quæ amat, *omnia*  
propter seipsum, & non propter Deum, nec quia Dei *facimus*  
sunt: & sic realiter & de facto non amat nisi seipsum. *contra*  
Videmus autem, quod homo quærit, intendit, & amat *debitum.*  
primò suum proprium honorem, & realiter & de fa-  
cto, & non Dei: & suum proprium honorem præpo-  
nit honori Dei, & vult, quod omnia, quæ primò de-  
bet dare Deo factori suo, detur sibiipsi & creaturæ &  
operi facto. Et sic homo de facto habet amorem sui-  
ipsius primò, & non Dei: & habet propriam volunta-  
tem, & quærit primò suum honorem proprium: &  
sic facit totum contrarium illius, quod debet facere,  
& facit illud, quod non debet, & nullo modo facit,  
quod debet.

## T I T V L V S C C X X V.

*Hic concluditur perditio totalis & lapsus & corruptio  
hominis.*

**E**T quoniam omne factum & facere hominis proce-  
dit à voluntate sua, quia ipsa est radix, origo,  
causa, & domina omnis facti & totius facere, & sic fa-  
ctum hominis seu facere est voluntarium: ideo sequi-  
tur quod omne factum & omne facere hominis est cō-

tra debitum totum hominis, contra ius naturæ, contra legem naturæ, & contra totum ordinem creaturarum, & contra hominem inquantum homo est, & contra Deum totaliter. Sequitur exinde, quod ipsa voluntas hominis est contraria ipsi debito & iuri naturæ, & legi naturæ, & toti ordini creaturarum, & Deo factori suo: & ideo de facto & realiter ipsa voluntas est extra omnem mensuram, omnem legem, & omnem regulam, & extra omnem ordinem & ordinationem, & extra totum ius, extra Deum, & extra seipsam: quia est extra suam propriam legem naturæ, & non recognoscit Deum superiorem, sed ponit se supra Deum, vel facit se æqualem Deo. Et per consequens ipsa voluntas hominis est deviata & lapsa à proprio suo statu, perdita, corrupta & peruersa & mutata & alienata in oppositum suæ propriæ naturæ: & ideo est inordinatissima, turpissima, irregulatissima, superbissima, & in errore & falsitate, extra suum bonum, & semper quærit vanitatem & mendacium: & ideo totaliter odibilis, & nullo modo amabilis: & separata totaliter à consortio & amicitia & societate sui creatoris: & per consequens sequitur, quod talis est homo, qualis est sua voluntas. Sequitur ergo, quod homo, qui primò amat seipsum, quam Deum, est totaliter à societate & consortio Dei separatus. Et quia iam in parte præcedenti tractatum est ad longum de duobus amoribus primis, & de propria voluntate, & de proprio honore: & conclusum est, quod proprius amor suiipsius & propria voluntas & proprius honor, ista tria sunt simul alligata, nec possunt separari, & totaliter sunt contra Deum, & contrariantur Deo, nec aliquid est contra Deum, nisi proprius amor, propria voluntas, & proprius honor: & in istis est tota radix inimicitiae & contrarietatis ad Deum: ideo conclusum est, quod qui habet amorem suiipsius primò, & propriam voluntatem, & proprium honorem, quod talis est inimicus capitalis Dei: & ideo est in ira Dei. Quare sequitur, quod homo cum habeat ista in se, est capitalis inimicus Dei, & ideo est in odio Dei. Et etiam quia conclusum est, quod homo nihil habet, quod sit suum, nisi amorem: & ideo quia amor hominis est totus contrarius Deo, & totus corruptus & peruersus, totus malus, totus deviat, & totus alienatus, totus inordinatus & totus iniustus: ideo sequitur,

*Tit. 179.*  
*etc.*



tut , quòd homo est talis , qualis est suus amor. Item *Tit. 119.*  
 etiam quia amor sui ipsius & propria voluntas , & proprius honor sunt radix omnium malorum : ideo homo habet in se radicem omnium malorum & vitiorum. Quia etiam iam probatum est , qualis fructus sequitur homini ex amore Dei , & ex amore sui ipsius , & propria voluntate & proprio honore quærendo illum : ideo homo incidit in omnia mala , quæ oriuntur ex illis : & perdit omnia bona , quæ sequuntur ex amore Dei & honore. Et per consequens homo vadit ad æternam tristitiam , ad æternam poenam , & perpetuum dolorem , & æternum luctum , & perdit æternum gaudium , quod finem non habet , & æternam amicitiam & societatem sui creatoris. Et omnia ista iam conclusa sunt : & sic *Tit. 145.*  
 apparet , qualiter comparando factum hominis & omne facere & propriam voluntatem , à qua oritur , ad suum proprium debitum , ad suum proprium ius , & ad suam propriam legem naturæ , cui obligatur , verissimè invenimus , & cognouimus , deviationem & lapsum , totalem perditionem , alienationem , corruptionem , degenerationem & peruersitatem hominis & naturæ suæ à suo proprio statu , & à sua propria natura , quæ deberet esse. Et sic per quandam scalam & ordinem devenimus ad notitiam & cognitionem perditionis , lapsus & corruptionis naturæ hominis , quæ omnia erant occulta homini : & hoc per cognitionem obligationis ipsius naturalis , quæ fuit manifestata per omnes creaturas : Et sic *Epilogus*  
 per scalam naturæ manifestatus est Deus , manifestata est productio mundi de nihilo , manifestata est obligatio & debitum hominis ad Deum , & per consequens ius naturæ seu lex , & manifestatus est lapsus hominis & corruptio , seu perditio , & ita omnia ista se manifestant inuicem , & vnum manifestat & discooperit aliud. Ecce artem & modum qualiter quilibet potest cognoscere se ipsum esse æternaliter perditum , lapsum & corruptum , deviatum , comparando factum ad debitum , & videndo distantiam elongationem & contrarietatem inter factum & debitum hominis , in quantum homo est & ignorat se esse perditum & corruptum & lapsum. Et sic omnes creaturæ clamant & dicunt & manifestant hominem esse veraciter perditum æterna perditione , & mortuum perpetua morte : quia separatus est æternaliter à Dei societate , qui solus est vita hominis , sicut anima sola

est vita corporis : & sic homo est totaliter separatus à toto bono , & à tota sua vita.

# T I T V L V S C C X X V I .

*Quod etiam lapsus & corruptio hominis manifestatur comparando factum hominis, seu facere ad secundum debitum , quod respicit ea , quæ Dei sunt.*

**V**isum est qualiter comparando factum & facere hominis ad debitum & ad ius naturæ, quod respicit Deum, inuenimus hominem lapsum & perditum: ideo nunc restat comparare hominem ad secundum debitum, quod respicit imaginem Dei. Videamus ergo si factum & facere hominis concordat cum secundo debito & secundo iure, quod oritur à primo debito. Secundum debitum est , quod quilibet homo debet & obligatur amare quemlibet alium hominem , in quantum est Dei imago sicut seipsum: & odio habere quicquid est contra omnem alium hominem, in quantum est Dei imago, sicut contra seipsum , in quantum est Dei imago : & etiam quilibet debet amare se ipsum, in quantum est Dei imago viuens. Et sic ratione istius debiti & iuris debet esse inter homines fraternitas, vnitas, societas, amicitia, concordia & pax, & omnes debent se reputare tanquam vnum. Sed per experientiam videmus, quod vnus homo lædit alium hominem, adinuicem se occidunt, inter illos nulla vera vnitas est, nulla vera societas est, nulla vera amicitia, nec pax, nec concordia; sed magis diuisio, lis, discordia, & bellum & inimicitia: & si forte sit pax aliqua & amicitia: non est propter hoc, quia est Dei imago, nec propter, debitum, sed propter alias causas. Et talis vnitas oritur ex amore corrupto & inordinato, iniusto & contra Deum. Et sic homo quia est inimicus Dei, & contrariatur Deo totaliter, est etiam verus inimicus suæ imaginis: & per consequens est inimicus cuiuslibet hominis, in quantum est Dei imago: & etiam inimicus & contrarius sui ipsius, & seipsum lædit, destruit & occidit, in quantum est Dei imago, & persequitur & lædit Dei imaginem. Et sic comparando hominem ad secundum debitum, inuenimus ipsum esse contrarium totaliter illi debito, & per consequens lapsum & corruptum.

TITVLVS

## TITVLVS CCXXVII.

*Quod homo potest videre continuò in aliis rebus extra se, tanquam in speculo, suum statum, in quo existit, & suam perditionem, suum lapsum & corruptionem.*

**Q**Voniam autem homo quamuis sit corruptus, perditus, lapsus & mutatus in contrarium suæ naturæ, immò in non hominem, non sentit, vel vix sentit se esse corruptum & lapsum, & esse in tali statu, in quo est: ideo non dolet, non flet, non tristatur de sua perditione & corruptione, cum tamen continuò dolere & flere deberet tam pro statu, in quo est, quam pro futuro statu, & pro malis, quæ ipsum expectant; imò ridet iocundatur, lætatur, recipit suas delectationes, suas consolationes, comedit, bibit, ac si nihil mali esset. Ex quo apparet, quòd est tanquam freneticus, stultissimus, sine omni sensu, quia freneticus & stultus non sentiunt se esse tales: etiam est tanquam dormiens, nihil sentiens, sicut somnians, vel incantatus, vel illusus. Et ideo quia homo in seipso non bene videt, nec sentit suam corruptionem, debet videre in aliis rebus extra se similitudinem suæ perditionis & sui lapsus, & facere sibi quoddam speculum, in quo continuò videat suum statum corruptum & mutatum, ut non tradat obliuioni suum malum, ut sic doleat. Postquam ergo homo comparauit seipsum, & totum facere suum ad ipsum debitum, per quod cognoscit se esse perditum & lapsum, debet se comparare ad res alias extra se, quando mutantur, aut quando in contrarium suæ naturæ corrumpuntur: vel debet fingere contrarium cuiuslibet rei, quam videt & corruptionem: & cogitet qualis est quælibet res, quando mutata est in contrarium suæ propriæ naturæ, & quando corrupta est, vel qualis esset, si mutaretur & corrumpere: & cogitet, quòd pro cetero talis est ipse secundum ius propriæ naturæ, in quo debet esse: & cogitet, quòd quantò res est nobilior, quæ corrumpitur & melior in sua propria natura: tantò est peior & vilior, quando est corrupta & mutata in contrarium suæ naturæ; & in quantò gradu bonitatis est, in tanto gradu malitiæ est: & quantò erit alta, tantò efficitur inferior.

Ve

*Contemplatio  
ducens  
hominem  
in considerationem  
status sui.*



*Experientia qua homo cognoscit suum lapsum.* Vt verbi gratia, faciamus exemplum in ipso vino, quoniam ipsum vinum quando mutatur & corrumpitur in contrarium suæ naturæ, tunc efficitur acetum. Ergo sicut se habet status aceti ad statum vini, sic se habet status hominis nunc, in quo est, ad statum, in quo debebat esse: & quantum distat acetum à vino, tantum distat homo à statu suæ naturæ: & sicut acetum nihil valet ad illud, ad quod ante valebat, quando erat vinum, & ad quod ordinatum erat; ita homo nihil valet ad illud, ad quod valebat in statu suo debito, nec valet aliquid ad illud, ad quod ordinatus erat: & ideo non valet, nisi ut in ignem mittatur. Et quantum etiam distat & elongatur acetum à vino in bonitate; tantum etiam distat & elongatur homo in bonitate à propria natura hominis: Et sicut nihil de bonitate vini mansit, nec est in aceto; ita nihil de bonitate hominis in quantum homo est, & quæ debet esse secundum suam propriam naturam, est in homine: & sicut doleret acetum, si cognosceret vinum; ita debet dolere homo, si cognoscat statum, in quo debet esse.

Item in vino possunt esse duæ mutationes, quia vinum aliquando mutatur & fit turbatum, tunc est infirmum: sed tunc remanet vinum, & retinet aliquid de bonitate vini, & non est totaliter perditum & non potabile, sed non sicut ante: aliquando mutatur vinum in acetum, & tunc est totaliter perditum: quia nihil retinet de bonitate vini. Homo autem est sicut acetum, & non sicut vinum turbatum: quia est totaliter perditus; & nihil habet de bonitate hominis, quam debet habere: ideo habet in se nullam dulcedinem, nullum bonum saporem; sed habet in se amaritudinem & acetositatem & pessimum saporem & crudelitatem: quia deficit homini tota propria bonitas, quæ debebat esse: & est in eo contraria malitia, quæ non debebat esse. Sicut autem fecimus comparisonem hominis ad vinum & ad acetum: ita possumus comparare hominem ad omnes alias creaturas, & res tam naturales quam artificiales, quæ perdi & mutari possunt: tamen exemplum de vino & aceto est valde conueniens ad videndum statum hominis in seipso.

Possumus etiam facere comparisonem de homine, dum habet sensum & utitur ratione, & dum factus est freneticus & stultus: quia sicut se habet homo stul-

tus & freneticus ad statum eiusdem & sui ipsius, dum est in suo sensu naturali; sic se habet status, in quo homo est nunc, ad statum, in quo debebat esse.

Potest etiam fieri comparatio de muliere ad virum, quando facta est meretrix: quia sicut se habet status mulieris, dum est in bono matrimonio & bona societate cum viro suo: ad statum eiusdem, quando est separata à societate sui mariti seu sponsi, & facta est meretrix stans in prostibulo. Sic similiter se habet status naturæ hominis, in quo nunc est, ad statum, in quo debebat esse in ordine ad Deum & respectu Dei: quia debebat habere societatem veram & fidelem cum Deo.

Similiter potest fieri comparatio de filio perditto & deuiato: quia sicut se habet status filij perditij & deuiati & separati à patre totaliter ad statum eiusdem filij, dum est sub obedientia & sub regula patris & in domo; sic similiter est de statu hominis respectu Dei. Ecce igitur qualiter homo potest videre continuò in pluribus rebus & exemplis tanquam in speculo suum statum, in quo existit, & suam perditionem & suum lapsum & corruptionem: ut sic non rideat, sed magis lugeat seipsum perditum esse & à sua propria natura totaliter mutatum.

## TITVLVS CCXXVIII.

*Quod etiam perditio, lapsus & corruptio clarissimè manifestantur in natura hominis comparando & respiciendo ad debitum & ius & legem paternitatis, filiationis & fraternitatis.*

**P**ossumus autem videre infallibiliter per alium modum peruersionem & perditionem naturæ hominis, si comparemus ipsum ad ius & ad debitum, quod fundatur in paternitate & filiatione & fraternitate. Propter quod considerandum est, quòd duplex est paternitas, duplex filiatio & duplex fraternitas in hominibus: vna manifesta, visibilis & sensibilis, quam nemo ignorat: alia occulta, inuisibilis & spiritualis, quam plures ignorant. Et quia ordo cognoscendi est, quòd per visibilia & manifesta cognoscamus inuisibilia & occulta,

*Duplex est paternitas & fraternitas:*

ta, & per magis nota minus nota : ideo per paternitatem manifestam & corporalem manifestabimus paternitatem occultam & spirituales, & similiter de filiatione & fraternitate. Vnde videmus per experientiam, quod aliquis dicitur pater alicuius : quia dedit ei corpus & carnem immediate : & aliquis dicitur filius alicuius, quia recepit immediate corpus & carnem & principium ab illo, sine medio alio : ita quod dare & recipere faciunt paternitatem & filiationem : & quia homo habet animam & corpus, & quia anima est immortalis ut iam probatum est in capitulo de immortalitate animæ : & Deus immediate per se solum dat &

Tit. 217.

Quod  
Deus sit  
pater no-  
ster spiri-  
tualis.

Quod su-  
mus fra-  
tres spi-  
rituales.

creat animam, & homo recipit animam immortalem immediate à Deo sicut recipit immediate carnem & corpus à patre suo : si ergo aliquis est pater alicuius, quia dat sibi carnem & corpus : & aliquis filius eius, quia recipit ab eo immediate corpus & carnem : nonne etiam Deus erit pater cuiuslibet hominis, quia immediate & per se dat ei animam rationalem : & quilibet homo erit filius Dei, quia ab eo recipit immediate animam immortalem ? Si enim ratione corporis causatur paternitas & filiatio : quare etiam non ex parte animæ ? Et etiam aliqui ideo sunt fratres, quia immediate recipiunt corpus & carnem ab vno & eodem. Quare etiam non erunt omnes homines fratres, quia immediate recipiunt animam immortalem ab vno eodem patre, scilicet Deo ? Quæ quidem anima est ad Dei imaginem creata : immò de tanto paternitas & filiatio & fraternitas, quæ sunt ex parte & ratione animæ rationalis immortalis, excedunt paternitatem, filiationem, fraternitatem, quæ sunt ratione corporis mortalis : & sunt nobiliores, maiores, excellentiores & digniores, altiores & meliores quàm illæ, de quanto anima immortalis ad imaginem Dei creata excedit corpus creatum & mortale & terrenum, & Deus hominem & creator creaturam. Vnde paternitas & filiatio & fraternitas, quæ sunt ex parte corporis, pereunt, dum corpora pereunt & moriuntur. Sed quæ sunt ex parte animæ, semper durant : quia anima est immortalis, & Deus est immortalis. Et sic probata est paternitas invisibilis & spiritualis, & etiam filiatio & fraternitas, & ita habemus ipsam visibilem & invisibilem, manifestam & occultam. Deus igitur est pater invisibilis



bilis & occultus cuiuslibet hominis & immediatus, & Conclu-  
 omnes homines sunt filij Dei, quia ab ipso immediate dit, quòd  
 recipiunt omnes animam propriam, & inter se sunt Deus sit  
 fratres. Et magis sine comparatione Deus est pater pater no-  
 carnalis propter corpus: quia corpus in comparatione ster spi-  
 ad animam nihil est; sed propter animam homo est ritualis.  
 homo, & habet esse completum, & corpus habet esse  
 propter animam: & sic inquantum anima est primitiua  
 in homine, de tanto Deus, à quo immediate prouenit  
 anima, erit magis pater, quàm pater carnalis: & qui-  
 libet homo magis est filius Dei, quàm filius patris  
 carnalis: quia à Deo recipit principalissimam partem,  
 per quam homo est homo, & est in honore & digni-  
 tate super omnes creaturas mundi: & etiam quia qui-  
 libet homo recipit à Deo solo totam animam, sed non  
 recipit à patre totum corpus, immò à duobus, scili-  
 cet à patre & matre: & etiam pater carnalis non est  
 nisi instrumentum in generatione hominis, quia Deus  
 est principalis causa, quia pater non est formator cor-  
 poris & membrorum, sed Deus inuisibiliter operans:  
 quia non est in potestate patris generare, quando vult:  
 & sic pater carnalis ideo est pater, quia per ipsum mi-  
 nistratur tanquam per instrumentū principium corporis  
 in prima materia: sic ergo Deus magis sine compara-  
 tione debet dici pater. Item etiam quia magis est pro- *Maiores est*  
 pinqua & conueniens hominibus paternitas, filiatio, & fraterni-  
 tas secundum animam, quàm secundum cor- *tas spirit-*  
 pus. Sic enim potest conuenire animalibus brutis, sci- *ualis.*  
 licet secundum corpus, sed non secundum animam.  
 Quare sequitur, quòd omnes homines magis sine cõ-  
 paratione sunt fratres, quia immediate quilibet recipit  
 animam à Deo creatam ad suam imaginem: quàm illi,  
 qui recipiunt corpus ab vno & eodem patre carnali &  
 visibili immediate, & magis sunt filij Dei, quia imme-  
 diate recipiunt ab ipso animam, quàm illi, qui imme-  
 diate recipiunt corpus ab vno & eodem patre carnali.  
 Et quia ex paternitate & filiatione & fraternitate oritur  
 ius, debitum & obligatio, quia filius inquantum filius  
 & ratione obligationis obligatur & debet reddere ali-  
 qua debita patri inquantum pater est, & frater inquan-  
 tum frater est, & iure fraternitatis debet aliqua red-  
 dere fratri inquantum frater est. Et quia omnia ista  
 debita & iura iam manifesta sunt, & de facto soluuntur



tur in fraternitate, filiatione & paternitate secundum carnem: ideo per illa, quæ sunt de facto in paternitate & fraternitate secundum carnem, arguamus omnia illa, quæ fieri & esse debent in paternitate, filiatione & fraternitate secundum animam. Si filius facit & reddit aliqua patri suo carnali propter hoc, quia est pater, & quod accepit ab eo corpus? multò magis debet sine comparatione illa eadem facere & reddere illi spirituali patri, scilicet Deo, à quo recipit animam immortalem ad sui similitudinem creatam. Et etiam si frater carnalis facit & reddit aliqua fratri suo carnali propter fraternitatem, quia ambo receperunt corpus mortale ab vno & eodem patre: multò magis sine comparatione debet facere & reddere fratri suo illa secundum animam ratione fraternitatis, & quia ambo receperunt animam ab vno & eodem patre, scilicet à Deo.

*Ratione  
paterni-  
tis obli-  
gamur  
Deo.*

Arguamus igitur primò & probemus debitum & ius paternitatis & filiationis secundum animam per illud, quod de facto fit in paternitate & filiatione secundum corpus. Si enim nos amamus, honoramus, & timeamus patrem carnalem, mortalem, quia ab eo recepimus corpus mortale: quantò magis debemus honorare, amare, & timere patrem nostrum spiritualem & immortalem, scilicet Deum, qui ab eo recepimus animam immortalem, & de tanto magis, quanto præualet anima, quàm corpus, & Deus quàm homo. Et si nos seruimus patri carnali, & obedimus & confidimus in eo totaliter, nec dubitamus de eo, quod nobis deficiat, nec quod velit nos decipere, & hoc quia recepimus ab eo corpus & carnem corruptibilem: ergo multò magis debemus seruire patri secundum animam & obedire & confidere in eo, nec dubitare de ipso, quod nobis deficiat, nec decipere velit: & hoc quia ab ipso recepimus animam immortalem creatam ad sui imaginem. Item si nullo modo possumus, nec volumus audire, nec pati iniuriam patris nostri carnalis, nec audire malum dici de ipso, immò exponimus nos ad mortem propter honorem eius, & reputamus nos honorem suum, honorem nostrum: quantò magis sine

*Tenemur  
defende-  
re hono-  
rem Dñi.* comparatione nullo modo debemus audire, nec pati iniuriam patris nostri secundum animam, nec posse audire dici malum, nec blasphemare de ipso, & exponere nos debemus ad mortem propter honorem suum,

&c



& reputare honorem suum honorem nostrum. Et sicut nos cauemus quantum possumus ab offensa patris nostri carnalis, nec volumus, quòd aliquis offendat eum, nec volumus aliquid facere contra voluntatem suam: ergo quantò magis hoc facere debemus erga patrem nostrum cælestem? Et etiam sicut nos cauemus quantum possumus, ne aliquid turpe & inhonestum agamus in conspectu patris nostri carnalis, nec etiam alio modo, per quem honor patris nostri posset diminui: quantò ergo magis debemus cauere ne aliquid turpe, seu inhonestum agamus in conspectu Dei patris nostri secundum animam, nec aliquid, per quod honor suus posset diminui, quia omnia videt? Etiam quantò magis pater carnalis est potens, magis sapiens & magis bonus, tantò filius eius honorat ipsum magis, & timet eum & amat eum, & obedit ei, & cauet, ne ipsum offendat: & si sit Rex, vel Imperator, vel princeps iustus: tunc sine comparatione timet eum & honorat & obedit ei & ei subiicitur omni humilitate & omni subiectione: ergo quantò magis quilibet homo debet timere & honorare Deum patrem suum secundum animam, & ei obedire & subiici cum omni humilitate & subiectione, & summè cauere, ne ipsum offendat, cum sit pater eius, & est omnipotentissimus, sapientissimus, optimus & iustissimus Rex Imperator & Princeps æternus, habens omne dominium & omnem potestatem ab æterno & à seipso, cui nihil potest resistere: quia potest totum perdere, si vult subito: & nullus dicet quare fecisti? Itè si pater carnalis vult, quod filius suus carnalis propter hoc, quia est filius suus, sibi seruiat, sibi obediatur, & eum timeat & honoret: nonne magis vult Deus, qui sine comparatione est magis Pater noster, quam pater carnalis, cum sit pater animarum nostrarum immediatus, quòd omnis homo ei seruiat & obediatur, timeat eum & honoret? Et si pater carnalis reputat sibi ad summam iniuriam & offensam, si filius carnalis non obediatur sibi, & non timeat eum, nec honoret: quantò ergo magis Deus, qui est pater noster, cum sit Dominus omnipotens, à quo recepimus animam, reputabit sibi ad summam iniuriam & offensam, si ei non seruiamus, nec obediamus, nec eum honoremus, nec timeamus; sed contra voluntatem suam faciamus, immo de tanto magis de quanto maior est anima, quam



corpus, & Deus quàm homo. Et sic in multis aliis, quæ sunt in paternitate & filiatione secundum carnem, possumus arguere. Ecce igitur qualiter per illa, quæ sunt de facto in paternitate & filiatione secundum carnem visibili, probamus & arguimus illa, quæ debent fieri in paternitate & filiatione inuisibili secundum animam: & hoc iure & ratione paternitatis & filiationis; immò paternitas & filiatio secundum carnem sunt speculum & exemplum paternitatis & filiationis secundum animam: & quædam scala, ut per hoc cognoscat omnis homo, quid debeat Deo patri suo, iure & ratione paternitatis & filiationis, & qualiter se habere debeat erga ipsum in quantum est pater. Cum enim nos faciamus omnia prædicta patri carnali qui moritur, & nihil potest nobis nocere, dum mortuus est: quanto magis debemus omnia illa facere patri spirituali & immortalis, ad cuius manus habemus devenire, qui potest nos æternaliter perdere?

### T I T V L V S C C X X I X.

#### *Manifestatio lapsus & defectus hominis.*

*Non est  
nobis a-  
mor Dei.*

**E**T quoniam visum est quid debemus de iure & ratione paternitatis & filiationis & qualiter sumus obligati: Videamus nunc factum nostrum & nostrum facere, si concordant cum isto debito & iure: Videamus si habeamus omnia, quæ habere debemus erga Deum patrem nostrum verissimum: & in veritate & in facto nihil habemus, quod habere debuimus: nihil facimus, quod facere debuimus: immo totum oppositum & contrarium facimus & habemus in nobis. Iam non est amor erga Deum patrem nostrum, nec timor, nec honor, nec reuerentia, nec obedientia, nec humilitas, nec subiectio, nec spes, nec confidentia, nec credulitas: immo omnia ista de facto deficiunt nobis erga Deum patrem nostrum; & tamen de iure deberent esse; immo magis contraria omnium istorum & aliorum, quæ debent etiam esse, sunt in nobis omnibus erga patrem nostrum: quia in nobis est contrarius amor amoris Dei, & etiam odium Dei, & est timor contrarius timori Dei patris nostri, & est contemptus patris nostri spiritualis, & honor contrarius honori paterno, & offensa, iniuria eius, inhonoratio,

ratio, vituperatio, irreuerentia, inobedientia, superbia, resistentia, diffidentia, incredulitas. Quare possumus hic concludere lapsum & perditionem, corruptionem, degenerationem, deuiationem, & alienationem nostram & naturæ hominis, & mutationem in suum contrarium: & qualiter homo totaliter distat & elongatur à veritate.

Sed vt clarè videamus statum nostrum respectu Dei patris nostri qualis sit, manifestabimus ipsum per paternitatem & filiationem, quæ sunt secundum carnem arguendo à contratio sensu. Si enim filius carnalis non amet, nec timeat patrem suum, nec honoret, à quo recipit corpus, quod est propter animam: nonne dicitur malus & pessimus filius? Ergo quantò magis, cum nos non timemus, nec amamus, nec honoramus patrem nostrum, à quo recipimus animam, propter quam est corpus, sumus mali & pessimi filij? Item si nos reputamus & iudicamus illum filium carnalem pessimum, ribaldum, nequissimum, ingratisimum, & peruersum totaliter, qui continuò iniuriat, offendit & persequitur suum patrem carnalem, & semper contrariatur, & omnia facit contra ipsum: ergo quantò magis nos sumus reputandi pessimi filij & ribaldi nequissimi & peruersi totaliter & summè ingrati respectu Dei patris nostri principalis: quia continuò ipsum iniuriamus, offendimus, & persequimur, & semper ei contrariamur & omnia facimus contra eum, à quo recepimus animam & conseruamur in esse, & à quo nobis continuò dantur beneficia multa? Item si filius carnalis non curaret de honore patris sui, immo totaliter in quantum in eo esset destrueret illū & annihilaret, & totaliter curaret de honore suo proprio contra honorem patris: nonne talis filius esset nequissimus filius? Ergo multò magis nos sumus nequissimi filij erga Deum, qui est pater noster, cum semper laboremus pro honore nostro proprio, & non pro suo honore: & primò & principaliter quæramus honorem nostrum, & non suum; & tamen viuimus quotidie de bonis suis. Item si filius carnalis haberet patrem Regem potentem & viuentem & sapientem & multum iustum: & talis filius patre viuento faceret se Regem & vellet dominari sine voluntate & auctoritate patris, & vellet esse æqualis patri: nonne talis filius esset nequissimus? Ergo multò magis

*Sumus  
malifilij.*

*Iniuri-  
mur Deo.*

*Inhono-  
ratus  
Deum.*



*Insurgimus contra Deū.*

*Diffidimus Deo.*

nos sumus nequissimi filij respectu Dei patris nostri, qui cum habeamus patrem omnipotentem, summum Regem, semper viuentem, summè sapientem; & tamen constituimus nos Reges, & nos volumus dominari sine voluntate & auctoritate sua, & habere propriam voluntatem & sequi illam sicut ipse, & facere nos Reges & regnum nostrum, & imperium nostrum in nobismetipsis contra suum regnum & contra suam voluntatem. Item si filius carnalis insurgat contra patrem, tunc dicimus, quòd est effectus stultus, freneticus, & inamatus: & maximè si pater sit potens & sapiens. Ergo multo magis nos sumus verissimè stulti, & frenetici, & inamati, cum continuo insurgamus contra patrem nostrum verissimum, omnipotentem & iustissimum. Item si filius carnalis habeat patrem summè diuitem & potentem, & non confidat de patre suo, immò diffidat: tunc signum est certissimum, quòd aliquam magnam offensam & iniuriam & displicentiam fecit contra patrem suum, propter quod diffidit. Ergo cum nos non confidamus in Deo patre nostro, nec speremus in eo, immo diffidamus de eo, qui est verus pater noster: signum est, quòd aliquam offensam magnam & aliquam iniuriam & aliquod magnum displicitum fecimus contra ipsum, propter quod perdidimus confidentiam & spem: cum ipse sit pater noster, & sit omnipotens, & summè diues. Vtèrius quantò pater carnalis est magis bonus, benignus, pius, prudens, & nobilis: tunc si filius offendat & iniuriet talem patrem, tantò reputabitur peior, malignior, & nequior. Ergo cum pater noster secundum animam sit summè bonus, summè benignus & pius, & nobilissimus, & summè sapiens: tantò sumus peiores, maligniores, & nequiores: quia de facto talem patrem offendimus, iniuriamus, & contemnimus, & de ipso nullum computum facimus. Præterea si filius carnalis habeat patrem, qui non solum sit pater suus, immo totaliter Dominus suus, Rex suus, & princeps suus, & iudex suus, si insurgat contra patrem talem, vel ipsum offendat, & iniuriet, & totaliter faciat contra suam voluntatem & sit contrarius ei: nonne iste filius non solum dicetur malus & pessimus; immò stultissimus & sine sensu? Ergo multò magis cum nos habeamus omnes patrem æternum, qui non est solum pater, quia ab eo recepimus animam



animam immortalem; immò totaliter Dominus noster, *Similes*  
 Rex noster, & iudex noster, qui potest nos totaliter *frenari*  
 perdere, si vult: nonne sumus stultissimi & sine sensu: *cis sit-*  
 quia talem patrem offendimus & iniuriamus, & quo- *mus.*  
 tidie facimus contra suam voluntatem, immo sumus  
 contrarij & inimici sui, & non dubitamus esse tales,  
 nec potest esse maior stulticia: quia tunc non solum  
 filius est contra patrem, immò seruus contra Domi-  
 num suum, subditus contra principem suum, & iu-  
 dicandus reus contra iudicem suum. Et tunc iniuria-  
 mus & offendimus Deum vt patrem, vt Dominum, vt  
 principem, & vt iudicem nostrum: & sic facimus  
 contra ius & debitum paternitatis & filiationis, contra  
 ius & debitum dominij, imperij, & principatus, & ser-  
 vitudinis: & ita incurrimus simul iram & indignationem  
 patris nostri, Regis nostri, Domini nostri, & principis  
 nostri, & summi iudicis nostri. Et sic omnibus ex su- *Filiatio*  
 pradiçtis possumus clarè videre statum nostrum, qua- *nostra*  
 lis est respectu Dei Patris nostri, & quales filij sumus: *spiritua-*  
 quoniam forma & imago filiationis spiritualis, quæ *lis est to-*  
 est secundum animam in ordine ad Deum patrem no- *taliter*  
 strum, totaliter est perdita, corrupta & deformata, *corru-*  
 annihilata, & in contrarium mutata: & habemus for- *pta.*  
 mam contrariam contra formam filiationis: ideo su-  
 mus filij deformes, deformati, peruersi, turpes & in-  
 gratissimi: vnde non sumus, nec facimus vt filij; sed vt  
 hostes & inimici Dei patris nostri: quoniam inter pa-  
 trem nostrum & nos sunt omnia illa in medio, quæ  
 repugnant paternitati, & veræ formæ filiationis, scili-  
 cet inobedientia, irreuerentia, contemptus, præsumptio,  
 superbia, rebellio, ingratitude. Et quia nos habemus  
 formam contrariam veræ filiationis, quæ est secundum  
 animam: ideo sumus contrarij patri nostro per contra-  
 riam formam. Et ideo quia in nobis est deformitas &  
 peruersitas filiationis: sequitur, quòd pater noster ha-  
 beat iram contra nos, & sumus ei odibiles & abomi-  
 nabiles, & digni sumus ira & indignatione sua pro-  
 pter deformitatem. Item quia forma filiationis est *Perdi-*  
 corrupta & perdita in nobis, sequitur quòd nos perdi- *mus om-*  
 mus omnia bona, omnes diuitias, omnem hæreditatem, *nia bona.*  
 quæ debebant nobis euenire ratione istius veræ filia-  
 tionis, quæ quidem sunt tanta & tam magna, quàm  
 magna erat filiatio & paternitas. Et quia pater noster



*Hereditas nostra est spiritualis.*

*Debemus vivere de spiritualibus bonis.*

spiritualis est in infinitum diues, nec habent finem, nec numerum omnia bona sua, & omnia bona patris debent esse filiorum: sequitur quod nos perdidimus infinitas diuitias & infinita bona: quia perdidimus omnia bona patris nostri, quæ debebantur nobis ratione filiationis. Et quia pater noster est rotus spiritualis & inuisibilis, nullo modo corporalis: & illud, per quod nos sumus filij, etiam est inuisibile & spirituale, & nullo modo corporale, scilicet ipsa anima: sequitur, quod bona & diuitiæ & hæreditas patris nostri: omnia sunt inuisibilia spiritualia & nullo modo corporalia. Ideo perdendo formam filiationis perdidimus infinita bona spiritualia. Et cum filius debeat pertractare negotia patris sui, & nos tractemus semper negotia contraria, scilicet corporalia negotia & corruptibilia, & nullo modo spiritualia: sequitur quod sumus extra bona patris nostri: & sumus totaliter exheredati à bonis paternis & ab æterna hereditate. Et hoc maximè manifestatur: quia cum filij debeant viuere de bonis paternis: & cum bona patris nostri sint spiritualia & inuisibilia, & nullo modo corporalia: ideo debemus viuere de bonis spiritualibus & inuisibilibus: & tamen tota vita nostra consistit in bonis corporalibus, & solum viuimus sicut animalia bruta de rebus corporalibus & visibilibus, & sic facimus vitam nostram bestialem: & non sicut filij Dei. Et quia pater noster non solum est pater, immo est Rex etiam summus, & per consequens habet regnum tantum & tale, sicut pertinet ei: & palatium & astantes & seruientes ei iuxta suam regiam maiestatem: & ideo quia perdidimus formam suæ filiationis, quæ est summæ dignitatis & summi honoris: & acquisiimus formam contrariam, turpissimam & peruersam: sequitur, quod perdidimus regnum suum æternum, & consortium omnium eorum, qui continuo cum eo assistunt & seruiunt ei: & sumus in æternum exules à regno suo, à domo sua, & à palatio suo. Et sic clarissimè possumus videre & cognoscere perditionem, corruptionem, lapsum & totalem peruersionem hominum comparando homines ad debitum & ius paternitatis & filiationis, quæ est secundum animam. Quare summè flere debent homines & dolere, qui tales fiunt & tanta bona perdiderunt: qui non solum sunt lapsi à verò statu, in quo debebant esse; immò à vero statu



statu filiationis Dei , quod est maius.

T I T V L V S C C X X X .

*Quod etiam perditio, lapsus & corruptio natura hominum cognoscuntur comparando ad ius & debitum fraternitatis, quæ est secundum animam, & primò ostenditur quomodo se debent habere inter se.*

Sicut autem probatum est & conclusum ius paternitatis & filiationis secundum animam per illud, quod de facto fit in paternitate & filiatione secundum corpus & carnem : ita conformiter probabimus ius & debitum fraternitatis quæ est secundum animam , per illud , quod de facto fit in fraternitate , quæ est secundum carnem . Si enim fratres carnales se amant tantum, & tanta amicitia & tanta vnitas, & tanta coniunctio est inter eos , quòd nihil habent diuisum, nihil proprium, vnus moritur pro alio , vnus reputat se alium : & omnia ista fiunt ratione fraternitatis , scilicet quia habent vnum patrem immediatum , scilicet à quo immediatè receperunt corpus & carnem mortalem, corruptibilem & putrefactibilem : ergo quantò magis, & sine comparatione debemus nos omnes amare adinuicem, nihil reputare proprium , & reputare omnes vnum ratione fraternitatis, quæ est secundum animam , quam habemus immortalem : quia , scilicet omnes sumus vnus & eiusdem patris filij immediatè secundum animam, à quo omnes nos, & à nullo alio immediatè recepimus animam immortalem , rationalem, quæ magis valet, quàm corpus sine comparatione: immò de tanto debet esse fortior, maior, purior, sincerior iste amor, de quanto anima est maioris & dignioris naturæ , quàm corpus, in qua anima fundatur & fraternitas ? Si ergo vnitas & identitas vnus patris carnalis est causa tantæ dilectionis inter fratres secundum carnem, multò magis vnitas & identitas eiusdem patris secundum animam debet esse causa maioris dilectionis inter fratres secundum animam. Quia igitur nos omnes homines habemus solum vnicum patrem & eundem secundum animam , & non duos , propter quem sumus omnes fratres , sequitur quod inter omnes homines debet esse maxima vnitas, maxima amicitia & coniunctio. Item fratres carnales eiusdem patris si habeant patrem po-



tentem, diuitem, & sapientem, cauent quamdiu pater  
 viuit, ne vnus inferat alteri iniuriam, ne lædat al-  
 terum, ne vnus decipiat alterum, nec dolum, nec  
 fraudem faciat; immò stant in concordia inter se, &  
 hoc propter honorem patris & timorem, ne pater ira-  
 scatur, nec tristetur. Igitur multò magis nos omnes  
 homines, qui sumus fratres, qui habemus eundem  
 patrem omnipotentem, summè sapientem, qui semper  
 viuit, & nunquam potest mori: cauere debemus, ne  
 inuicem offendamus nos, & iniuriemus, & lædamus  
 nos, & fraudem faciamus inter nos; sed immò debe-  
 mus esse in concordia & in pace: & hoc propter hono-  
 rem tanti patris & timorem & amorem: quia omnia  
 videt & cogitationes occultas, ne irascatur contra nos,  
 ne contristetur. Si enim pater carnalis tantum gaudet  
 de concordia & pace filiorum inter se, quanto ergo  
 magis pater noster spiritualis, qui dedit nobis omnibus  
 animas nostras, gaudebit de nostra pace & concordia?  
 Ecce igitur ius & debitum fraternitatis, quod debent  
 omnes homines seruare adinuicem, ad quod obligan-  
 tur: quia sunt fratres. Ecce qualis vnitas, qualis con-  
 cordia debet esse; & quia in veritate & in facto licet  
 omnes sint fratres secundum animam, velint aut no-  
 lint: tamen nullo modo faciunt inuicem vt fratres  
 secundum animam, nullus seruat istam fraternitatem;  
 immò ista fraternitas est totaliter mortificata, ac si non  
 esset: non se diligunt, nec habent concordiam, nec  
 vnitatem inter se propter istam fraternitatem; cum ta-  
 men ista sit maior & principalis fraternitas: immò se-  
 inuicem occidunt, lædunt & consumunt & persequun-  
 tur se inuicem, defraudantur, & decipiunt se inuicem,  
 inuident sibi inuicē & iniuriātur & diffamant. Et si for-  
 tē sit inter homines aliqua pax & concordia, vel vni-  
 tas, non est ratione istius fraternitatis; sed propter aliam  
 causam, quæ repugnat fraternitati, quæ est secundum  
 animam. Et quia totum bonum fratrum in quantum  
 sunt fratres, est pax & concordia & vnitas eorum: quia  
 si ista deficient, etiam quæcunque alia sunt, nullum  
 bonum est in eis, totum malum eorum est diuisio, dis-  
 cordia & dissensio: ideo sequitur, quòd istud bonum  
 deficit inter homines, quod deberet esse: & per conse-  
 quens totum bonum deficit: quia hoc est totum bonum,  
 quod debet esse inter eos, quia sunt fratres. Ita nullum  
 bonum

bonū est inter homines, imo deficit omne bonum: & per consequens inter homines non est nisi malum. Et sic hominibus deficit totum, quod debebant habere: & in eis est malum, quod non debebat esse. Quare per corruptionem istius fraternitatis, quæ est secundum animam manifestatur verissimè perditio, lapsus & corruptio hominum. Et ita patet, quòd homines sunt lapsi à statu magni honoris & magnæ dignitatis ad statum maximi vituperij & opprobrij, scilicet à statu veræ naturæ hominis, veræ filiationis Dei, & veræ fraternitatis, in statum bestialitatis & omnis deformitatis. Et sic patet qualiter per duas vias in generali manifestatur perditio, lapsus & corruptio naturæ hominum, & permutatio in suum contrarium, scilicet primò comparando factum hominis & facere ad ius & ad debitum naturæ, quod fundatur in obligatione: & secundò comparando ad ius & debitum paternitatis & filiationis & fraternitatis, quæ sunt secundum animam. Attamen ista secunda via, seu regula, quæ fundatur in paternitate, probatione, & fraternitate, oritur à prima via obligationis: quia obligatio fundabatur in dare & accipere, & similiter paternitas, filiatio & fraternitas fundatur in dare & accipere.

## T I T V L V S C C X X X I.

*Quod ex omnibus prædictis ostenditur veraciter homines esse mortuos secundum animam, & solum esse viuentes, quantum ad corpus.*

**E**T quoniam aliqua res cognoscitur esse viuens & edicitur per operationes suas; ideo res, quæ totaliter perit, vel non habet operationes suas, quas debebat habere, est mortua totaliter. Et quia in hominibus nulla est operatio, quæ deberet esse, ut iam declaratum est, quoniam homines nullo modo operantur illa, quæ deberent operari inquantum homines, & quia istæ operationes, quas homo debet facere inquantum homo respectu Dei, pertinent ad animam, scilicet amare Deum, timere Deum, honorare Deum & obedire Deo, confidere in Deo, credere ei: quare sequitur, quòd anima si comparetur ad Deum, mortua est, & non viuit. Quare sequitur, quòd homines sunt



*Perdi-  
mus  
gaudiū  
verum.*

mortui quantum ad animam. Item quia homines per-  
diderunt totaliter formam filiationis erga Deum, &  
formam fraternitatis inter se, quia totaliter est extin-  
cta in eis, quia nulla est operatio in eis secundum for-  
mam filiationis & fraternitatis secundum animam, ut  
iam declaratum est: ideo quia homines nullo modo  
viuunt, nec operantur secundum formam filiationis &  
fraternitatis secundum animam: sequitur, quod sunt  
mortui quoad hoc: quia si anima viueret, cognosce-  
ret istam filiationem & fraternitatem, & operaretur  
secundum illa. Item quia vita hominis est gaudium  
verum animæ; ideo ubi nullum verum gaudium est,  
ibi nulla vera vita est: & ideo quia verum gaudium  
hominis est & prouenit ex vero & puro amore cum  
Deo, ex vera societate cum Deo patre suo, propter  
pulum amorem & filialem timorem, & ex tali socie-  
tate necessario sequitur verum gaudium, quod est vita  
hominis. Item verum gaudium oritur ab amore &  
societate fraternitatis secundum animam: & ideo quia  
homines perdiderunt istam filiationem & istam socie-  
tatem cum Deo, & sunt separati à Deo per amorem, &  
nullam societatem habent cum Deo, immo diuisionem,  
& sunt elongati à Deo per contrarium amorem, ut  
iam dictum est: ideo perdiderunt totaliter verum gau-  
dium: & quia etiam perdiderunt veram fraternitatem,  
quæ est secundum animam, & sunt diuisi inter se, &  
nullo modo vniti per istam fraternitatem: ideo etiam  
perdiderunt verum gaudium, quod oritur ex ista vera  
fraternitate: quare sequitur, quod homines quia pri-  
uati sunt vero gaudio, sunt etiam priuati vera vita,  
etiam sunt veri mortui, quia non habent veram vitam. Itē  
quia anima non sentit se esse in tali statu, in quo est,  
nec sentit suum malum, nec sentit se separatam à Deo  
patre suo, nec sentit se esse corruptam, nec perditam,  
nec lapsam, nec mutatam in suum contrarium: nec  
sentit quod omnia, quæ facit, sunt contra Deum, nec  
percipit se esse inimicam Dei patris sui, nec incurrisse  
iram & indignationem eius, nec se perdidisse tantum  
gaudium: & ita quia nullo modo sentit vnum verum  
malum, quod habet, nec cognoscit malum æternum,  
ad quod tendit: sequitur quod ipsa est mortua. Si  
enim esset viua, sentiret malum suum, & doleret sine  
mensura. Et sic anima non sentit nec bonum suum,  
nec



nec malum suum, nec sentit seipsam, nec sentit Deum, à quo creata est, nec cognoscit: & ideo verè mortua est. Et sic veraciter homines mortui sunt quo ad vitam animæ: & hoc quantum ad veram vitam, quæ est animæ propria: & licet homo mortuus sit & anima mortua quantum ad veram vitam, quæ est secundum Deum; tamen in se nunquam moritur anima: quia immortalis est, & semper viuet in æternum. Ideo duplex est vita animæ, vna naturalis, quia ipsa est vita, & per istam semper viuit, & per istam vitam viuificat corpus. Alia est vita, quæ causatur ex societate cum Deo, & cum hominibus propter Deum, quæ vita est gaudium verum: & secundum istam vitam mortua est anima, quia perdidit omnia illa & omnia fundamenta, in quibus fundatur verum gaudium, & quæ valent ad habendum verum gaudium, & ideo anima viuens mortua est. Et quia anima habet radices & fundamenta, ex quibus necessariò orietur æterna tristitia, quæ est mors eius: ideo anima perdidit æternam vitam & æternum gaudium, & acquisiuit æternam mortem & æternam tristitiam. Sic homines mortui sunt secundum Deum & quantum ad animam, & vadunt ad mortem æternam, licet viuant quantum ad corpus & vitam corporalem. Ecce ergo manifestum est qualiter status hominis est peruersus, corruptus, lapsus & in contrarium mutatus; & tamen iste lapsus, ista corruptio, & ista peruersitas occulta erat nobis & abscondita.

*Duplex  
vita ani-  
ma.*

## TITVLVS CCXXXII.

*Hic probatur, quòd homo factus fuit completus in genere suo, & in gradu suo & habuit omnia, qua habere debuit iuxta suum gradum.*

**Q**Voniam autem ex omnibus præmissis, & ex toto processu iam facto concludere possumus veraciter duos esse status hominis contrarios inter se & oppositos: vnus status est, in quo nunc est de facto, qui est corruptus; alius status est, in quo debebat esse, qui non est, nec existit de facto: ideo quia videmus statum hominis, qui non est in facto; & alium statum contra

contrarium, qui debebat esse, non vidimus in re, sed cognoscimus, quod debebat esse: sequitur, quod possumus dubitare, si status, in quo est nunc, fuit primus; vel si aliquando de facto fuit in statu debito: sicut si aliquis nunquam bibisset nisi acetum, & nunquam vinum, posset dubitare, si status aceti fuisset primus, ita quod nunquam fuit in alio statu. Et quia iam probatum est superius, quod homo factus est, & quod non fecit seipsum: ideo si nos probamus, quod Deus non fecit hominem talem in tali statu, in quo nunc est; & tamen fecit hominem: necesse est dicere, quod Deus fecit hominem primò in statu debito & vero, in quo rectè debebat esse, & quod status debitus fuit primus, & non iste, in quo est modò. Et ideo oportet primò probare, quod Deus non fecit hominem in statu, in quo nunc est: & hoc ostenditur multis modis.

*Deus fecit hominem in statu recto.* Primus ex parte honoris Dei: quoniam dictum est superius, quod per honorem Dei potest reddi ratio de omnibus, quæ operatur Deus extra se; Deus enim operatur omnia, quæ fecit extra se, ad honorem suæ potestatis, suæ sapientiæ, & bonitatis: ergo fecit hominem ad honorem suæ potestatis, suæ sapientiæ & bonitatis, & non contra honorem. Sed si Deus fecisset hominem in tali statu in quo nunc est, fecisset ipsū contra honorem suæ potestatis, suæ sapientiæ & bonitatis: quoniam fecisset hominem corruptum, perditum, turpem, inordinatum, deviaturum, bestialem, iniustum, & sic de aliis conditionibus pessimis, in quibus modò existit: quæ omnia derogant & repugnant honori Dei: ergo Deus non fecit primò hominem talem: Ergo necessario est dicere, quod fecit hominem talem, & in tali statu, in quo debebat esse, ut esset honor suæ potestatis, suæ sapientiæ & bonitatis. Item iste status, in quo est homo modò, est totaliter contrarius & oppositus Deo, ut probatum est: quia homo est inimicus Dei, & contrariatur Deo, & est contra suum honorem, facit enim ei iniuriam, & tollit Deo, quod ei debet: & dat, cui non debet: sed Deus non fecit hominem, ut esset inimicus suus, nec contrariaretur ei, nec resisteret ei, nec dedit homini aliquid, per quod esset inimicus suus, nec dedit ei aliquid quod esset contra se, sed pro se: sed tamen homo habet amorem contrarium Deo & timorem & honorem, ut probatum est: ergo

*Tit. 184*

*Tit. 228. &c.*

*Tit. 179.*



ergo sequitur quod Deus non fecit hominem talem & sic inclinatum contra se & contra Deum, sed cum sit verum, quod homo sit factus à Deo: ergo sequitur, quod Deus fecit hominem in statu contrario, quàm nunc sit: ergo Deus fecit hominem talem, qui nihil haberet in seipso contra Deum, neque aliquam inclinationem.

Præterea iam conclusum est in capitulo de honore, *Tit. 181.* quòd omnia, quæ Deus facit, facit propter suum honorem, & propter vtilitatem creaturæ rationalis: ergo Deus non fecit hominem ad malum hominis, ad damnum hominis, & incommodum hominis, sed magis ad bonum, commodum & vtilitatem ipsius hominis: sed homo in isto statu, in quo nunc est, habet in se radicem omnium malorum, scilicet amorem suiipsius priuatum, propriam voluntatem & proprium honorem: quæ sunt radices & fundamenta omnium malorum, *Tit. 141.* omnium vitiorum & errorum, vt iam superius probatum est: & per istas radices viuentes in homine, homo continuo multiplicat mala sua per totam vitam suam, & hoc facit voluntariè, & per consequens est punibilis & iudicabilis de omnibus, vt iam probatum est. Et quia opera hominis punibilia & iudicabilia sunt, vel præmiabilia, eo quia sunt facta voluntariè: & cum homo semper operetur opera mala & contra Deum, operatur semper opera punibilia, & operatur homo continuo contra seipsum ad suum damnum, & ad suam *Tit. 161.* punitionem, & ad suam confusionem & opprobrium, & semper facit illa, per quæ acquirit æternam pœnam & æternam tristitiam, quia habet animam immortalē, quæ potest pati æternam tristitiam, vt probatum est, & sic continuo homo viuit contra seipsum: & dum viuit acquirit illa, per quæ æternaliter crucietur, & hoc facit voluntariè sine coactione; & tamen nulla alia creatura facit contra seipsam, nisi solus homo. Igitur concluditur, quòd Deus non fecit hominem ta- *Tit. 161.* lem, nec in tali statu, nec in eo posuit radices tales pessimas; sed tamen Deus fecit hominem: ergo sequitur, quòd fecit ipsum in statu alio & contrario, & quòd posuit in eo radices omnium bonorum, scilicet amorem Dei, timorem & honorem, & non amorem priuatum: & fecit hominem, vt possit voluntariè operari opera bona remunerabilia, & posuit in ipso omnia illa



illa, per quæ posset acquirere æternum gaudium, & non tristitiam. Ergo sequitur, quòd homo fuit aliquando in tali statu debito contrario statui, in quo nunc est, & non potest aliter esse.

*Homo  
lapsus  
contra  
ordinem  
vniuersi.*

Item Deus non fecit hominem contra ordinem creaturarum vniuersi; immo magis secundum ordinem creaturarum vniuersi, cum homo sit pars vniuersi & principalis pars, & sit in ordine creaturarum, sed homo modò in isto gradu, in quo nunc est, est contra totum ordinem creaturarum & vniuersi, & deuiatus à toto ordine: quia omnes aliæ creaturæ faciunt, quod debent iuxta suam naturam, & nulla facit aliquid contra seipsam, & contra suam propriam naturam: sed homo facit quod non debet & nullo modo facit, quod debet iuxta suam naturam & gradum suum; immò facit continuò contra se ipsum & contra naturam hominis. Vnde omnes creaturæ clamant & dicunt: qualis debet esse homo iuxta naturam hominis, & gradum hominis in ordine creaturarum? clamant & dicunt, quid debet facere homo, quid pertinet ad ipsum hominem? vnde dicunt & clamant, quòd homo debet esse talis iuxta ordinem, & gradum suum in vniuerso: quod debet cognoscere seipsum, & omnes creaturas, & suum creatorem, & cognoscere omnia beneficia sui creatoris, & debet esse gratus & regratiari continuò suo creatori, tam pro seipso, quàm pro omnibus creaturis, debet continuò amare creatorem suum, timere & honorare, & ei seruire soli, vt iam probatum est, talem hominem requirunt omnes creaturæ & totum vniuersum, qui talia faciat. Sed tamen homo est totus per contrarium, & facit oppositum: quia non cognoscit seipsum, nec creatorem suum, nec sua beneficia, & est ingratus Deo de omnibus sibi collatis, non amat Deum, sed seipsum, non timet Deum, nec honorat; sed iniuriat & offendit, non seruit creatori suo, sed creaturis.

*Tit. 190.*

*Homo  
lapsus  
est freneticus.*

Item creaturæ requirunt hominem, quòd sit amicus Dei: quia creaturæ Dei sunt, & seruiunt homini propter Deum; sed tamen homo est inimicus Dei & contrarius Deo: ergo homo in isto statu est contra totum vniuersum, & contra totum ordinem creaturarum, & destruens armoniam vniuersi. Item creaturæ, & ordo vniuersi requirunt hominem rationalem & non bestialem

*Homo la-  
psus est  
bestialis.*

stialem, sapientem & non stultum, nec freneticum hominem, ordinatum intra seipsum, & non inordinatum hominem, in quo anima dominetur secundum rationem & regat, & corpus famuletur, & regatur: quia creaturæ serviunt corpori propter animam. Sed tamen totum oppositum est: quia homo in isto statu est bestialis, stultus, freneticus, inordinatus intra seipsum, & in ipso corpus dominatur; & anima, quæ est naturaliter domina, famulatur, & seruit corpori. Ecce quanta inordinatio, quanta iniustitia est intus & intra hominem; cum tamen anima sit immortalis, incorruptibilis & spiritualis de natura sua, portans imaginem Dei; & corpus sit mortale, corruptibile & terrenum & corporale. Ergo secundum rectum ordinem & ordinationem & veram iustitiam, postquam corpus est unitum, scilicet cum tali anima ita digna, deberet ei obedire, obtemperare & nullo modo dominari, nec impedire, & anima deberet imperare mandare & regere & nullo modo subiugari; & tamen totum est per oppositum & totum est peruersum; ita quod intus in homine corpus habet proprias inclinationes & inhonestissimas, contra rationem irrationabilissimas, turpissimas & abominabilissimas: & anima dum deberet castigare corpus suum, cum sit naturaliter domina & regina ipsa, sequitur inclinationes sui corporis turpissimas, & viuit secundum eas, & sic totaliter corpus trahit animam ad se & ad suam vitam, & dominatur & captiuat eam totaliter. Ecce quantum vituperium est intra hominem: quia res mortalis, corruptibilis & bestialis, & corporalis dominatur & regit; & res immortalis, & incorruptibilis & spiritualis seruit & regitur & famulatur & subiugatur: Dominus obedit seruo nequissimo, superior inferiori, & Rex subdito. Quare sequitur, quod intra hominem est tanta inordinatio, qua non potest cogitari maior in homine. Sed tamen omnes aliæ creaturæ sunt ordinatæ intra se: & quia sunt propter hominem, sequitur, quod requirunt hominem ordinatum intra se, & non talem hominem sicut est. Quare concluditur quod homo in statu isto est contra totum ordinem vniuersi & creaturæ; immo est turpitudine vniuersi & totius ordinis: ergo cum Deus nihil faciat contra ordinem vniuersi & creaturarum, sequitur, quod non fecit hominem talem, nec in tali statu



## 400 *De primo statu hominis.*

*Homo  
fuit fa-  
ctus com-  
pletè in  
suo ge-  
nere.*

statu, in quo est modò; sed cum Deus fecerit hominem, sequitur, quòd fecerit eum in alio statu, sicut requirit totus ordo creaturarum & vniuersi. Ergo concluditur, quod aliquando fuit homo in statu conuenienti secundum ordinem creaturarum & hoc ostendit ordo creaturarum, qui semper manet. Vnde cum aliæ creaturæ, quæ sunt inferiores & minores homine, sint completæ quælibet in genere suo & in gradu suo: sequitur, quòd homo factus fuit completus in genere suo & in suo gradu, & habuit omnia, quæ habere debuit iuxta gradum suum; aliter Deus magis amasset res inferiores & minores, quàm maiores; & tamen sunt propter hominem. Cum ergo Deus fecit creaturas bonas propter hominem; ergo magis debuit fieri homo bonus. Item per experientiam videmus, quòd impossibile est, quod illud, quod modò est acetum, primò fuerit acetum; immò primò fuit vinum bonum; ita impossibile est, quod natura hominis primò fuerit corrupta, ita quod status corruptus fuerit primus, immo de necessitate priùs fuit bona & perfecta. Sicut ergo acetum arguit vinum; ita iste status, in quo nunc est homo, arguit de necessitate alium statum, in quo primò fuit. Item etiam nullus artifex facit suum opus primò corruptum & malum & contra naturam rei; immo facit opus suum secundum quod conuenit operi: ergo cum Deus sit summus artifex, fecit hominem secundum quod conuenit homini, & vt fieri debuit. Præterea iam probatum est, quod Deus pater hominis magis quàm pater carnalis sit pater: si ergo bonus pater carnalis nihil daret filio suo, quod esset contra filium, & destrueret filium: ergo minus daret Deus aliquid homini quod sit contra hominem; immo magis pro bono hominis. Et sic probatum est, quod dicebatur prius.

*Tit. 229.*

## TITVLVS CCXXXIII.

*Qualis erat status primus ipsius hominis, & quas conditiones debebat habere.*

**Q**Voniam autem ex præmissis habitis habemus duos status naturæ ipsius hominis, vnum corruptum, in quo nunc est; alium perfectum, in quo fuit primò



primò realiter & de facto: & cum scientia de homine consistat in isto duplici statu, scilicet ut conditiones cognoscamus utriusque status; ideo oportet, investigare conditiones istorum duorum statuum, & quid unicuique convenit. Et quia isti duo status sunt contrarij inter se, ideo oportet quòd habeant contrarias conditiones, & per consequens ex conditionibus unius status possumus arguere & concludere conditiones alterius. Et quoniam status primus, in quo primò erat homo, modò non apparet, nec videtur realiter nisi inquantum ordo creaturarum ostendit nobis: & status in quo modo est, qui est contrarius illi, apparet realiter & videtur: ideo duo sunt, per quæ possumus conditiones primi status cognoscere, scilicet ordo creaturarum, quem videmus ad oculum; & status hominis corruptus, qui non apparet. Vnde postquam creaturæ ostendunt nobis primum statum hominis; ita etiam debent ostendere & manifestare omnes conditiones & proprietates, quas debebat habere homo secundum illum statum. Vnde necesse est, quòd conditiones & proprietates sequantur quamlibet naturam secundum suum statum & secundum quod ei conveniunt. Et etiam postquam iste status, in quo modò est, est contrarius primo statui, in quo primò erat: sequitur, quod per conditiones istius status corrupti possumus investigare alterius deinde per creaturas. Vnde postquam iste status, in quo nunc est, est malus: sequitur, quòd omnes conditiones, quas habet secundum istum statum sunt malæ: & tot conditiones malas, quot habet homo in statu isto tam ex parte animæ, quàm ex parte corporis, tam intus, quàm extra: tot conditiones bonas contrarias istis habuit in primo statu suo, tam ex parte animæ quàm ex parte corporis, tam intus, quàm extra: & hoc necesse est ita esse. Et ideo videamus & numeremus conditiones malas, quas nunc habet homo: quia in contrariis conditionibus Deus fecit hominem. Vnde malum est homini, quòd sit ignorans, & non cognoscat seipsum & suum factorem: malum est homini, quòd habeat malum amorem, propriam voluntatem, timorem malum, & quærat vanitatem, & quærat proprium honorem, & sequatur sua propria desideria, & suam pro-

*Condi-  
tiones  
hominis  
lapsi.*



*Cōditio-  
nes ho-  
minis in  
primo  
statu.*

*Locus  
primi  
hominis.*

priam voluntatem. Malum est homini, quòd irasca-  
tur contra rationem, quòd habeat concupiscentiam  
inordinatam contra rationem, quod plus appetat co-  
medere & bibere, quàm sit necesse. Et malum est ho-  
mini ex parte corporis infirmitas & mors, senectus,  
dolor: malum est homini, quòd corpus dominetur,  
& anima famuletur, & quod sit rebellis corpori & ani-  
mæ. Malum est homini ex parte corporis, quòd patia-  
tur famem & sitim, calorem & frigus contra naturam  
sui corporis: & vt omnia concludamus, malum est ho-  
mini omnis pœna & miseria. Ergo arguamus per con-  
trarium: omnes conditiones bonas contrarias istis:  
quoniam necesse est, quòd homo habuerit in primo  
statu suo bono omnes conditiones bonas contrarias  
istis. Igitur in primo statu homo non erat ignorans;  
immo sciens & cognoscens seipsum & suum creatorem,  
quantum ei expediebat, & omnes creaturas. Item habe-  
bat amorem bonum & debitum, scilicet amorem Dei, &  
non amorem priuatum: non habebat propriam volunta-  
tem, sed Dei: non habebat mala desideria, sed habebat  
amorem Dei bonum: sed nullum malum timorem ha-  
bebat, nec quærebat vanitatem, nec proprium hono-  
rem, nulla concupiscentia erat in eo inordinata, nec cō-  
tra rationem, non plus appetebat comedere, nec bi-  
bere, quàm esset necesse. Item nulla infirmitas erat  
in eo ex parte corporis, nec senectus, nec mors, immò  
semper iuuentus, nullus dolor, nulla tristitia. Item  
perfecta obedientia corporis ad animam sine aliqua re-  
bellione. Item non patiebatur, nec famem, nec si-  
tim, nec calorem, nec frigus, nec in eo (vt omnia con-  
cludamus) erat aliqua pœna, neque miseria, nec ali-  
quid quod habebat nomen mali, siue ex parte animæ,  
siue ex parte corporis, siue interius, siue exterius. Et  
exinde concluditur, quod iste locus, in quo nunc ha-  
bitat homo, non erat conueniens, nec debitus iuxta  
primum statum, immò totaliter repugnans. Nota  
quòd si homo non peccasset, nuncquam in loco, in  
quo nunc stat, habitasset: quia in isto loco est distem-  
perantia in caliditate & frigiditate, in humiditate &  
siccitate, & sic necessariò homo alteraretur in corpore,  
& pateretur nunc calorem, nunc frigus, nunc siccita-  
tem, nunc humiditatem, & senesceret: quæ omnia  
repugnant primo statui, in quo nihil mali debebat esse  
in

in corpore, nec in anima. Ergo concluditur, quòd alius erat locus, in quo primò habitabat in primo statu: qui totaliter erat coueniens illi statui, in quo nulla erat asperitas, nulla alteratio corporis, nullum frigus sensibile, nec calor sensibilis, nec aliquid lædens corpus, nec impediens animam; sed omne temperamentum. Sicut ergo sunt duo status hominis contrarij: *Dua habitatio-* ita necessariò sunt duæ habitationes hominis corporales, & duo loca corporalia: quæ contrariantur adinuicem, & habent contrarias condiciones. Sicut se habet locus ad locum, & habitatio ad habitationem. Et ideo iste locus se habet tanquam carcer respectu alterius. Hoc autem potest manifestari in exemplo de vino & aceto: quia vinum quandiu manet in statu vini manet in bono vase: sed quia est corruptum: *Exemplum.* mutatur in alium locum. Ecce ergo qualiter per condiciones status corrupti & lapsi, in quo nunc est homo, arguimus condiciones primi status & perfecti, in quo primò erat homo. Comparemus ergo vnum statum ad alium, & habebimus magnam notitiam de homine.

T I T V L V S C C X X I V.

*Qualiter probantur condiciones & proprietates primi status hominis, scilicet per ordinem creaturarum, & per naturam ipsius status & exigentiam.*

**P**ostquam autem probauimus condiciones primi status hominis, & hoc per contrarium statum: nunc probabimus condiciones & proprietates, quas debebat habere, & hoc per ordinem creaturarum, & per naturam ipsius status in se. Vnde conclusum est, quòd Deus fecit hominem talem, & in tali statu, sicut ordo creaturarum & vniuersi requirit & petit, & per consequens in statu debito contrario statui, in quo modò est. Sed homo secundum ordinem creaturarum debet esse talis, quòd debet Deo dare primò totum suum amorem & continuò & incessanter ipsum amare meliori modo quo poterit: debet ipsum timere, honorare quantum poterit, ei obedire & totaliter credere, & sibi soli seruire: & omnia ista debet homo facere secundum modum propriæ naturæ suæ, quæ est libertas: & ideo cum libertate voluntariè & sponte & sine coactione. Et ideo homo debet talis esse secundum ordinem creaturarum,

*Tit. præcedenti.*

*Tit. præcedenti.*



quòd debet esse vnitus & colligatus Deo immediate per totam suam voluntatem, sicut opus suo factori, sicut filius suo patri, & creatura creatori suo, & beneficiatus beneficiatori suo, sicut seruus Domino suo, tanquam subditus regi suo, & tanquam iudicabilis iudici suo, & sicut sponsa suo sponso, & sicut amicus amico suo concordialissimo. Talis ergo erat homo in primo statu respectu Dei, & talis factus erat: quia si aliter esset, non esset talis, qualis esse deberet, quod fieri non debet. Igitur sequitur quòd nihil debuit esse in natura hominis, nec ex parte animæ, nec ex parte corporis, nec intus, nec extra, quod repugnaret isti statui, quod impediret hominem ab omnibus supra dictis, quod inclinaret hominem contra prædicta, nihil quod posset nocere homini, nec lædere contra suam voluntatem & libertatem. Nihil ergo mali debebat esse in homine, & per consequens nulla pœna, neque miseria, nec in corpore, nec in anima; sed omnia debebant esse, quæ conveniebant suo statui ad honorem Dei, & perfectionem & bonum hominis; aliter fecisset Deus contra honorem suæ potestatis, suæ sapientiæ & bonitatis. Item tota dignitas & nobilitas naturæ hominis consistit in libero arbitrio: quia per liberum arbitrium homo est homo, & est super omnes alias creaturas: vnde iam probatum est, quòd liberum arbitrium sedet super creaturas inferiores, nec maior nobilitas potuit dari homini, quàm libertas naturalis. Nihil ergo maius potest esse in mundo libero arbitrio. Si autem liberum arbitrium sit corruptum, nihil tunc peius, nihil vilius, nihil turpius, nihil abominabilius; si autem sit perfectum & tale, quale esse debet: tunc nihil potest creati melius, nec dignius. Ergo cum propria natura hominis sit habere liberum arbitrium & voluntatem cum libertate, sequitur, quòd Deus fecit hominem cum libero arbitrio perfectò, sano, & tali, quale esse debebat, & per consequens dedit homini libertatem voluntatis, & dedit omnia, quæ pertinent ad libertatem voluntatis: & nihil dedit, quod esset contra naturam libertatis & voluntatis: quia si dedisset aliquid contra naturam libertatis, ergo dedisset libertatem contra libertatem in malum hominis & pœnam: quoniã omnis pœna ideò est pœna, quia est contra libertatem voluntatis: & nihil est pœnosum homini, nisi quia est contra

Titu. 93.  
 & 101.

Deus fecit hominem cum libero arbitrio perfectò.

tra

tra voluntatem liberam. Ergo sic Deus dando homini libertatem, nihil dedit contra libertatem: quia dando aliquid contra libertatem: dedisset homini libertatem voluntatis contra libertatem, & in damnum hominis & pœnam, & sic fecisset hominem contra hominem. Ergo dedit omnia homini, quæ pertinent ad libertatem voluntatis: Ergo concluditur, quòd homo in primo statu nihil habuit contra suam voluntatem liberam, nec in corpore, nec in anima; nec in se, nec extra, & per consequens nullam pœnam, nullam miseriam, nullam violentiam & nullam coactionem. Et ex isto concluso & probato possumus concludere & probare omnes condiciones & proprietates illius tam in corpore quàm in anima. Vnde sequitur, quòd homo in illo statu habebat corpus totaliter subiectum animæ sine rebellionem & ei proportionabile, ita quod in corpore nulla esset libido, concupiscentia inordinata, nec aliquis motus inordinatus, nec aliquid contra rationem & voluntatem regulatam. Item quia anima hominis est immortalis, ut probatum est superius, & naturaliter suum corpus amat & vult esse cum corpore: ergo vult, quòd corpus suum viuat, & non moriatur, nec separetur ab ea, sed conseruetur in esse, nec vult, quòd corpus suum putrefiat & conuertatur in vermes & in cinerem. Ergo in primo statu homo habuit tale corpus, quod non moreretur, neque morte violenta, neque morte naturali, scilicet quam vocamus naturalem, quia mors semper est contra naturam in humana natura; quia aliter anima haberet corpus contra suam voluntatem & contra naturam animæ quæ est immortalis.

*Homo in primo statu nihil habuit contra li.ar. Habuit corpus subiectum animæ.*

*Titu. 92. Tit. 217.*

*Habuit corpus quod non moreretur.*

Item mors est vltimum terribilium, est odibilissima, timendissima, & horrendissima, & nullo modo amabilis, nec placibilis: quare sequitur, quòd in primo statu mors nullo modo habuit locum, sed solum vita, quia est contra voluntatem.

Item per mortem homo desinit esse homo, sed homo in primo statu semper vellet esse homo, & nollet esse non homo, nec mortuus homo: quia homo nullo modo in primo statu potuit velle, nec amare mortem; immo odire: quia nihil magis inimicum homini quàm mors, nihil magis contrarians: ergo mors tunc non habuit locum in natura hominis, sed vita. Ergo in pri-

*Homo  
erat im-  
mortalis.*

mo statu erat immortalis : quia non debuit habere villo modo illud, quod non est amabile, sed totaliter odibile & horribile. Igitur tunc nullo modo potuit habere mortem nisi in pœnam, & omnis pœna est contra voluntatem, & homo nihil debuit habere contra suam voluntatem, maximè mortem, quæ non solum destruit corpus, sed totum hominem.

*Homo  
nunquã  
potuisset  
senescere.*

Item sicut homo nollet mortem ; ita nollet senectutem, nec perdere iuventutem, nec pulchritudinem corporalem, nec fortitudinem ; sed semper vellet conservari in suo vigore : quia maxima miseria est venire ad senectutem. Ergo sequitur, quod talis erat natura hominis in primo statu, ut nunquam senesceret, nec perderet iuventutem, nec fortitudinem, nec vigorem ; aliter sequeretur, quod homo pateretur, & haberet aliquid contra suam voluntatem, & sic pateretur pœnam & tristitiam, quod fieri non debuit. Nec est de animalibus brutis simile sicut de homine : quia non habent animam immortalem & semper viventem & liberum arbitrium : vnde eis convenit mors naturalis, senectus, & senescere.

Et sic conclusum est, quod homo in primo statu inæternum non moreretur : & ideo necesse est, quod haberet alium locum, quàm istum, in quo tunc habitabat, in quo homo nullam pateretur alterationem in corpore, nullam læsionem, nec calorem, nec frigus, nec aliquid haberet contra suam voluntatem ; sed esset locus temperatissimus, qui conveniret immortalitati corporis, qui totaliter esset locus quietissimus sine vento, sine perturbatione aliqua. Vbi autem talis sit locus in terra ad præsens relinquitur ; sed sufficit probare talem locum esse. Item ex necessitate erat esse alios cibos & fructus quibus homo vteretur, qui convenirent immortalitati corporis, qui essent temperatissimi. Qualiter autem esset corpus immortale, & qualiter homo fieret, nimis longum esset declarare : sed sufficit scire, quod Deus facere potuisset, & sciuisset, & voluisset, postquam ita fieri conveniebat. Tamen possumus dicere, quod fiebat tam per complexionem corporis temperatissimam, per quam corpus esset dispositum ad immortalitatem, quàm per virtutem animæ, quæ est immortalis, quæ vivificaret corpus imperpetuum, & daret corpori vitam indeficientem, sicut ipsa de natura



tura sua est vita indeficiens creata, quæ conseruaret corpori suam complexionem, quæ ita quantum est de se, potest viuificare corpus imperpetuum sicut per vnum diem, quàm etiam per virtutem & fructum loci illius temperatissimi. Qui autem bene cognoscit causam, quare est necesse, quòd nunc corpus moriatur, poterit scire modum, quare tunc non moreretur per oppositum.

T I T V L V S C C X X X V.

*Quod in primo statu omnes creatura obediebant homini.*

**E**X prædicto etiam fundamento, scilicet ex natura liberi arbitrij & ipsius libertatis probatur, quòd in primo statu hominis erat obedientia creaturarum. Vnde postquam in primo statu nihil erat contra naturam voluntatis & libertatis, seu liberi arbitrij hominis: quia erat totaliter obediens Deo liberè & sponte, quādiu stabat in illo statu: & quia vbi est libertas voluntatis, seu liberum arbitrium, ibi est naturaliter dominiū, imperium, principatus, & dominatio: & cum inobedientia, seu rebellio sit contra dominium, imperium seu principatum: sequitur, quòd in primo statu nulla erat inobedientia, nulla rebellio contraria: & per consequens erat vera obedientia & subiectio; aliter enim sequeretur, quòd liberum arbitrium, in quo est dominium, esset datum homini in pœnam & in tristitiam. Ergo concluditur, quòd omnia inferiora obediebant imperio & dominio hominis, & nihil erat sibi rebelle & inobediens. Sicut enim homo, qui habebat liberum arbitrium, erat sub Dominio Dei, & sub obedientia eius, ita inferiora, quæ erant sub homine, quæ nullum habebant liberum arbitrium, nec per consequens dominium, deberent esse sub dominio & obedientia hominis. Solus enim homo in vniuersitate creaturarum huius mundi habebat dominium & naturam imperandi & dominandi: ergo omnia illa, quæ non habebant dominium, nec naturam aptam ad dominandum, debebant esse sub dominio. Quare homo debebat dominari omnibus creaturis inferioribus tanquam Rex & Imperator omnium creaturarum, cui solum à Deo datum fuerat, vt posset dominari. Frustrà enim de-

*Hominis  
nihil  
erat re-  
belle.*

minium, vbi non esset obedientia inferioris.

*Homo  
erat to-  
taliter  
obeditus.*

Item homo in primo statu erat totaliter amicus Dei, totaliter obediens Deo, quia talis erat primus status: ergo omnia, quæ Dei erant, habebant inclinationem ad hominem: ergo nihil poterat esse contra voluntatem hominis; aliter omnia non essent Dei. Ergo si homo obediebat totaliter Deo, omnia, quæ erant sub homine, obediebant homini & faciebant voluntatem eius.

*Conclu-  
dit pro-  
positum.*

Item qui dominatur homini, debet dominari omnibus, quæ sunt sub homine, & quæ sunt propter hominem, sed homo dominabatur homini: quia dominabatur sibiipsum; erat enim Dominus suæ propriæ voluntatis & sui corporis & omnium membrorum suorum: ergo debebat dominari omnibus creaturis inferioribus, quæ sunt minores homine & sunt propter hominem. Qui enim dominatur verè maiori, debet dominari minori. Ecce patet qualiter per naturam liberi arbitrij & libertatis probantur omnes conditiones status, in quo primo erat homo. Qui ergo bene cognoscit excellentiam & dignitatem liberi arbitrij, poterit clarè videre omnia illa, quæ pertinent ad primum statum hominis: quia omnia fundantur in libero arbitrio; sicut qui bene cognoscit dignitatem & excellentiam regis maiestatis, cognoscit omnia illa, quæ pertinent ad statum Regis & suæ dignitatis. Ecce ergo qualiter per duas vias inuenimus conditiones & proprietates primi status, in quo fuit homo primò factus, scilicet tam per istum statum corruptum, in quo est homo: tam etiam per ordinem creaturarum, & per naturam status, in se, qui est status libertatis, in quo nulla erat corruptio, nec perversitas. Sicut autem per naturam liberi arbitrij, sani & perfecti probauimus conditiones illius status; ita e contrario per naturam liberi arbitrij corrupti & perversi possumus probare conditiones sui status, & quæ pertinent ad ipsum, quia eadem est scientia oppositorum. Comparemus ergo istos duos status inter se, & videamus, qualis primò erat homo, & qualis modò est: vbi erat primò, & vbi modò est, & quot & quanta bona perdidit, & quot & quanta mala nunc habet: sic per istum modum habebimus veram cognitionem de homine; aliter ignorabimus hominem: Ecce igitur quomodo creuit scientia

de

de homine : quia nunc habemus duas scientias ,  
vnam de homine perfecto , & aliam de homine corru-  
pto & lapso.

T I T V L V S C C X X V I.

*De origine corruptionis malique natura hominis.*

**P**ost prædicta oportet inuestigare originem corru-  
ptionis & mali ipsius naturæ hominis, & quomodo  
intrauit: & videre quis hominem fecit talem, & in  
tali statu, sicut modò est. Vnde probatum est, quòd *Tit. 232.*  
Deus non fecit hominem talem, immo fecit ipsum in  
debito statu: ergo necesse est vel quòd ipsemet homo  
fecerit seipsum talem, scilicet quod fecerit suam corru-  
ptionem, suam perditionem, suum malum: vel ali-  
qua alia creatura. Et quia probatum est, quòd nihil *Tit. 234.*  
poterat nocere homini, nec ledere hominem, nec aliquā  
violentiam facere contra eum, contra suam volunta-  
tem, nec contra suam libertatem: ergo necessariò con-  
cluditur, quòd ipsemet homo voluntariè & liberè &  
sponte per suam voluntatem, nulla alia re cogente fecit  
seipsum talem & in tali statu, fecit suam corruptionem,  
& suum malum, & perdidit seipsum & statum primum  
bonum, fecit seipsum malum. Et quia nos probaui- *Tit. 235.*  
mus omnes condiciones primi status hominis per libe-  
rum arbitrium & ratione voluntatis & libertatis, & fe-  
cimus fundamentum & caput nostrum in ipso libero  
arbitrio, ita quod omnia debebant homini euenire ra-  
tione suæ libertatis & voluntatis, scilicet immortalitas,  
conseruatio iuuentutis, obedientia creaturarum,  
& alia suprædicta, ita quod nullum malum debebat  
esse in homine contra suam voluntatem: ergo per op-  
positum arguamus, quod si in homine est aliquod ma-  
lum & aliqua pœna seu miseria quod ipsum liberum  
arbitrium seu voluntas libera est in causa: ergo neces-  
sariò primum malum fuit in libero arbitrio & in vo-  
luntate libera. Cum ergo in natura hominis reperian-  
tur multa mala & multiplex pœna & multiplex miseria  
& calamitas & multus defectus: & tamen non deberent  
esse secundum statum debitum: quia non conueniunt  
statui debito liberi arbitrij sani & perfecti: ergo se-  
quitur quòd ipsum liberum arbitrium est corruptum  
& peruersum, malum, deuiatum & mutatum in suum



*Prima  
corruptio  
fuit in li-  
bero ar-  
bitrio.*

contrarium : ergo sicut diximus , quòd Deus dederat tales conditiones , & proprietates bonas in primo statu debito : quia liberum arbitrium , quod est bonum , ita exigebat : dicas per oppositum , quòd ideo homo habet nunc oppositas conditiones , & tot mala tam in anima , quàm in corpore , tam intrus quàm extra : quia liberum arbitrium ita exigit , & ita debetur ei : & per consequens ipsum est malum , & ideo in eo est corruptio & malitia , quæ non deberent esse. Omnia debent proportionari libero arbitrio. Sic ergo primum malum & prima malitia , seu prima corruptio fuit in libero arbitrio & voluntate libera. Et sic habemus radicem omnium malorum in natura hominis. Cum ergo primum malum in vnoquoque genere sit causa omnium malorum , sequitur , quòd malum liberi arbitrij , seu voluntatis , quod est primum malum , sit causa omnium malorum , & ab ipso habent originem omnia mala , & propter illud malum sunt ; & si illud malum non esset , nullum malum esset. Et quia ipse Deus non fecit ipsum liberum arbitrium malum , nec corruptum : ergo sequitur , quòd ipsum liberum arbitrium fecit seipsum malum , & corripit seipsum , & nocuit primò sibiipso. Si ergo voluntas hominis fecit seipsam malam liberè , spontè , nullo cogente & voluntariè : quia aliter fieri non potuit.

## T I T V L V S C C X X X V I I .

*Quod non sunt nisi duo mala, scilicet voluntarium  
& inuoluntarium.*

**E**T quia nihil potest fieri maius , quàm liberum arbitrium : ergo sequitur , quòd nullum maius malum , nulla maior malitia , nulla maior corruptio , nulla maior peruersitas , quàm liberi arbitrij & voluntatis , nec per consequens maior deformitas , seu turpitudine. Et ideo quia liberum arbitrium facit tantam malitiam tantam corruptionem in seipso voluntariè & sponte , sequitur , quòd est odibile , & nullo modo amabile , & quòd istud malum totum est ei imputabile , & culpa est in eo , quia istud malum est voluntarium , & per consequens istud malum est punibile & vindicabile & iudicabile , & ei debetur pœna & punitio. Et ideo de necessitate ad istud malum debet sequi aliud malum,

malum, scilicet malum pœnæ & punitionis & vindictæ: & istud malum est inuoluntarium & contra voluntatē. Et sic duplex est malū, scilicet voluntarium & inuoluntarium, seu malum culpæ & malum pœnæ, & ad ista duo mala reducuntur omnia mala. Vnde quia primum malum est voluntarium, & ideo delectabile, & placet voluntati: ideo non sentitur, nec dat dolorem, nec tristitiam: ideo necessario est secundum malum, scilicet inuoluntarium, quod est tristabile & displicibile voluntati, quod dat pœnam, dolorem & tristitiam, & quod sentiatur à voluntate. Et ideo illud malum manifestat primum, & facit ipsum cognosci; nec aliter cognosceretur: & ideo bene ordinatum est, ut qui facit malum, quod non sentit, quod habeat malum, quod non sentiat & percipiat. Et ideo propter ista duo mala necesse est, quod sit ordo iustitiæ, & ordo iudiciarius: quia voluntas, seu liberum arbitrium facit primum malum, scilicet voluntarium; sed secundum malum, scilicet inuoluntarium, scilicet pœnæ & punitionis, voluntas non facit, scilicet per modum iustitiæ, sed alius facit: ideo necesse est, quod sit iudicium & iustitia ad faciendum secundum malum, & ad proportionandum: quia secundum malum ordinat primum, quod est inordinatum & contra ordinem naturæ. Et ideo quia voluntas exit ab ordine naturæ debito, necesse est, quod cadat in ordinem iustitiæ. Vnde isti duo ordines correspondent duobus statibus liberi arbitrij. Primus status liberi arbitrij stat sub ordine naturæ; sed secundus status, scilicet corruptus & malus stat sub ordine iustitiæ, & iudiciali. Sic igitur omne malum, quod est in homine, vel est voluntarium, vel inuoluntarium: vel est malum culpæ, vel pœnæ. Et quia in homine reperitur malum involuntarium & pœnæ & miseriæ, ut patet per experientiam: ideo de necessitate arguitur, quod in homine fuit malum voluntarium & malum culpæ: quia impossibile est malum pœnæ esse sine malo culpæ. Et quia homo non fecit sibiipsum malum pœnæ & miseriæ; quod est malum involuntarium, & contra suam voluntatem: ideo sequitur, quod alius fecit istud malum homini: & per consequens Deus fecit malum involuntarium in homine; & homo fecit malum voluntarium: & homo fecit malum culpæ; & Deus fecit malum pœnæ & miseriæ & punitionis & vindictæ.

*Malum  
culpa &  
pœna.*

*Ordo iu-  
stitiæ &  
iudicia-  
rius.*

Attamen

*Deus fecit malum  
pœna; &  
homo  
malum  
culpa.*

*Ordo  
malorum.*

Attamen possumus dicere, quod homo facit atro-  
bo mala, primum voluntariè; & secundum meri-  
torie; quia secundum malum fit propter primum  
& iustè & debitè, quia ei debetur. Vnde quia  
liberum arbitrium, seu voluntas libera corripit se-  
ipsum, & deformauit, seu deturpauit, & destru-  
xit bonitatem, quam Deus ei dederat, & pulchri-  
tudinem & decorem, & mutauit se in turpitudinem  
& malitiam, & formam contrariam: ideo fecit Deo  
iniuriam, offensam & vituperium, fuit contrarium,  
discordans & dissimile totaliter Deo: Propter quod  
necesse erat, quod separaretur & diuideretur à Deo ra-  
tione contrarietatis, & perderet vnitatem & amicitiam,  
quam habebat cum Deo: propter quod nullo modo  
potuit placere Deo, immò totaliter displiceret, & esset  
displicibile & esset odibile. Et ideo Deus propter of-  
fensam & iniuriam sibi factam & summam ingrati-  
tudinem puniuit ipsum hominem dando sibi malum pœ-  
næ & miseriæ & tristitiæ, vt ad oculum videmus. Et  
ideo secundum malum, scilicet pœnæ & miseriæ &  
tristitiæ est debitum, ordinatum & secundum rectam  
rationem, quia est secundum Deum. Ecce igitur or-  
dinem malorum: nam primum est malum culpæ, seu  
voluntarium quantum ad ordinem; sed quantum ad  
cognitionem primò apparet nobis malum pœnæ &  
miseriæ, seu inuoluntarium: & deinde per illud argui-  
mus de necessitate præcessisse malum voluntarium in  
homine, seu culpæ: & illud malum culpæ separauit  
hominem à Deo. Nunquam enim Deus permetteret in  
homine esse malum pœnæ & miseriæ, nisi præcessisset  
malum culpæ. Et per consequens concluditur de ne-  
cessitate, quod inter Deum & hominē fuit culpa, iniu-  
ria, & offensa primaria: & quod homo primò iniuri-  
auit & offendit Deum factorem suum. Et sic homo semper  
portat in seipso signum & testimonium infallibile,  
per quod potest veraciter arguere culpam,  
& offensam contra Deum & naturam  
hominis fuisse.

**TITVLVS**



*Quod ista culpa iniuria & offensa contra Deum, propter quam est pœna & miseria in natura hominis, fuit facta per primum virum & primam mulierem insimul.*

ET quoniam per malum pœnæ & miseriæ nos arguimus culpam & iniuriam fuisse: ideo secundum modum & conditionem pœnæ arguamus etiam modum & qualitatem & conditionem culpæ, quia in pœna relucet culpa. Vnde quia pœna, quæ est in natura hominis, est vniuersalis & communis omnibus hominibus, quia omnes patiuntur pœnam mortis, & alias misérias, & in vtroque sexu tam in viro, quàm in muliere: ideo sequitur, quòd culpa & iniuria est communis omnibus hominibus, & vniuersalis. Et quia omnes nascuntur cum ista pœna & miseria; & dum sunt in vtero, & quando nascuntur, non possunt committere culpam, nec iniuriam: quia culpa, seu iniuria & offensa est malum voluntarium, & nullus homo in vtero, nec quando nascitur extra vterum, potest committere malum voluntarium, nisi tunc quando vtitur libero arbitrio: ergo sequitur, quòd ille, qui fecit primum malum voluntarium & primam culpam, fuit magnus & adultus, & quod fuit primus homo, qui fuit communis & vniuersalis omnibus hominibus: quia nisi fuisset in primo homine, nō se extendisset ad omnes homines: Et sic communitas & vniuersalitas & identitas pœnæ & miseriæ arguit & probat omnes homines descendisse ab vno homine primo, in quo fuit primum malum culpæ, & primum malum voluntarium, & primum malum inuoluntarium. s. pœnæ & miseriæ, in quo primò ipsa natura hominis fuit corrupta, lapsa & peruersa, & ab illo deriuatum est malum in omnes homines. Et quia pœna & miseria est in vtroque sexu: ideo sequitur etiā, quòd in prima muliere fuit idem malum, quod in primo viro, & quod culpa fuit communis ambobus. Et sic conclusum est, quòd est dare primum virum & primā mulierē, qui ambo fecerunt culpā & iniuriam & offensam contra Deum, & quòd ab ipsis tanquam à primis radicibus, deriuata sunt omnia mala in posterum in filios eorum & filias per successionem.

Et

*Primum  
malum  
fuit in  
ambobus  
primis  
parenti-  
bus.*

#### 414 *De primo statu hominis.*

Et sic omnes homines habent vnum primum hominem patrem, & vnam primam mulierem matrem in communi & in generali : & ideo omnes sunt fratres respectu istius patris primi & primæ matris , & hoc secundum carnem. Quia autem factus fuit primus homo & prima mulier , & in quo statu iam per illa , quæ dicta sunt superius de primo statu hominis , potest sciri & cognosci, quoniam in statu meliori & perfectiori & in ætate pulchriori. Et ideo primus homo & prima mulier habuerunt ambos status naturæ hominis : quia fuerunt primò in statu perfecto , deinde ceciderunt in statum corruptum & malum. Sed natura , quæ fuit in omnibus aliis hominibus , non fuit in statu corrupto & lapso : & ideo homines, qui fuerunt post ipsos , & sunt, credunt naturam hominis , quam habent , fuisse sic conditam, & nunquam fuisse in alio statu. Sed ulterius inuestigandum quis primò fecit culpam & offensam & iniuriam contra Deum , vel vir , vel mulier ? & quis magis offendit ? sed hoc scire poterimus ex quantitate pœnæ & miseriæ. Vnde videmus per experientiam in muliere quasi duplicatam pœnam & miseriæ respectu viri. Ideò concludere possumus, quòd mulier primò offendit Deum, & ab ipsa habuit originem prima culpa & offensa, cum sit magis punita, quam vir : & per consequens in ipsa muliere fuit primò humana natura corrupta.

*Mulier  
primò fecit malū.*

#### T I T V L V S C C X X X I X.

*Quod prima culpa & offensa , seu iniuria fuit inobedientia contra Deum.*

**E**T quoniam modum inuestigauimus in speciali de prima culpa seu offensa primi viri & primæ mulieris, quæ & qualis fuit , propter quam puniuit eos Deus : & ideo oportet hoc inquirere in speciali. Et quia nos videmus punitionem per experientiam, ideo poterimus inuenire ipsam culpam, qualis fuit. Vnde iam probatū est superius , quòd in primo statu omnia membra corporis erant obedientia rationi & voluntati sine aliqua rebellionē, omnia mouebantur ad imperium rationis ; sed modò videmus per experientiam, quòd vnum membrum tam in viro , quam in muliere est totaliter rebelle & inobediens imperio & dominio liberi arbitrij, scilicet

*Tit. 234.*



scilicet membrum, per quod fit generatio, quoniam nullo modo obedit rationi, immò semper contra rationem mouetur, & contra voluntatem; cætera autem membra obediunt voluntati. Quid autem significet hoc, quòd solum membra generationis sunt sine obedientia, & alia obediant, nisi quod sicut omnes generamur & eximus per membrum inobedientiæ; ita etiam sumus filij inobediëntiæ. Vnde postquam mouetur aliquid in homine contra imperium rationis, & non aliud, signum est, quòd sumus filij parentum inobedientium: ita quòd omnia mala euenerunt nobis ex inobedientia: quia in porta generationis est vera inobedientia & rebellio: ergo prima culpa fuit inobedientia. Sed inobedientia non potuisset esse sine aliquo mandato: ergo aliquod fuit mandatum à Deo, cui fuerunt inobedientes.

Item hoc idem potest ostendi ex natura liberi arbitrij & status primi, in quo fuit formatus. Vnde natura liberi arbitrij est, vt faciat opus remunerabile: quia opera bona facta ex libertate sunt remunerabilia. Item quia homo debuit ita formari, vt posset acquirere aliquod bonum, quod nondum sibi datum fuerat: quamuis enim perfectus esset in natura; tamen nondum erat totaliter consummatus, quia aliquid maius adhuc habere poterat, scilicet confirmationem illius status, in quo erat, quia perdere poterat, sed non nisi voluntariè, & non per violentiam. Item adhuc non habebat gloriam cælestem & glorificationem corporis & animæ, ad quam transmittendus erat. Si enim homo fuisset totaliter completus & transmutatus & consummatus in gloria, vt amplius nihil posset ei dari, iam per ipsum liberum arbitrium non posset aliquid lucrari nec mereri sibi. Et sic in natura hominis perfecta duo status sunt considerandi, scilicet status, in quo posset mereri & lucrari per ipsum liberum arbitrium; & status, in quo esset completus & consummatus in gloria: & sic est status meriti & status præmij. Et ideo quia ista duo debent esse in natura, scilicet meritum & præmium, victoria & corona: & hoc propter liberum arbitrium, quod propter proprium opus debet coronari: conuenientius fuit, quòd homo primò fieret in statu meriti, vt scilicet posset mereri: deinde de statu meriti & victoriæ transiret ad statum præmij.

Titu. 88.

Quod homo est factus in statu, in quo posset mereri.

Status in riti & præmij.

præmij



# 416 De primo statu hominis.

præmij & coronæ. Et hoc erat valde laudabile & gloriosum, & saporosum ut propter proprium meritum acquireret suum præmium & ultimum & finale bonum: quia sic magis esset sibi sapidum, quia hoc requirit natura liberi arbitrij, quia potest flecti ad duas partes oppositas. Et ideo si se flectit totaliter ad meliorem partem & perseverat in illa, quasi tunc dicitur habere victoriam de opposita parte quasi de inimico: & ideo meretur coronari: & ideo Deus, quia ita fieri conveniebat, fecit hominem primò in statu merendi, & dedit ei completissime omnia illa, quæ pertinebant ad illum statum: ita quod dedit omnia illa, quæ poterant ipsum iuvare ad merendum suum finale & ultimum bonum in æternum: & nihil habebat, quod impediret ipsum. Et ideo convenientissimum fuit, quod Deus dederit homini occasionem merendi, ne in vanum esset creatus in statu merendi. Et quia nihil est magis efficax ad merendum, quam pura obedientia, seu opus factum ex pura obedientia & mera: quia primum & radicale opus servi respectu Domini, & subditi respectu principis, & inferioris respectu superioris est obedire pure & simpliciter: & in isto fundantur omnia alia opera, quæ præcipiuntur: quia si obedientia non est pura, nullum opus est quod sit acceptabile. Si ergo ex operibus factis ex libertate est meritum, sequitur quod in primo opere, in quo omnia opera meritoria fundantur, est radicaliter meritum totum & lucrum: ergo in opere obedientiæ sine aliquo adiuncto est omne meritum radicaliter. Ideo certè homo debuit exerceri primò in opere obedientiæ: sicut erat perfectus in statu merendi; ita primò faceret opus perfectum meritorium, ut quia poterat obedire & non obedire, si haberet victoriam contra inobedientiam, perseverando totaliter in ipsa obedientia quasi per modum pugnæ & victoriæ acquireret suam coronam. Et ideo convenientissimum fuit, quod Deus daret præceptum homini, in quo pura obedientia appareret & exerceretur; ita quod in illo præcepto nulla appareret utilitas homini, ne propter commodum & utilitatem illius operis induceretur; sed solum ex pura obedientia præcipientis & mandantis; & sic dilectio per experientiam probaretur. Et quia magis apparet obedientia in præcepto negativo, seu prohibitivo, quam affirmativo: ideo debuit esse illud

*Radix merendi est in opere obedientia.*

*Conveniens fuit Deum dare præceptum primo homini.*



illud mandatum prohibitivum magis, quàm affirmativum, & breuiter eo modo debuit esse, quo modo conuenit magis puræ obedientiæ & meræ obedientiæ.

Et sic concludere possumus, quòd Deus à principio, quando fecit primum hominem & primam mulierem, dedit eis aliquod præceptum de sola obedientia, vt homo haberet solam occasionem merendi & lucrandi suum finale bonum æternum & gloriam cælestem, & confirmationem omnium bonorum, quæ possidebat: vt sic homo transiret rectissimè de statu meriti, per obedientiam consummatam & perfectam, ad statum præmij, scilicet ad gloriam cælestem. Et vt homo maximè esset attentus ad seruandam obedientiam, & fugiendam inobedientiam, & firmiter constaret ei de voluntate Dei mandantis, conueniens fuit, vt Deus apponeret pœnam cum præcepto, & talem pœnam, qua non posset cogitari maior, scilicet pœna mortis, qua pœna mortis nulla maior est: quare nihil magis terribile, nec magis timédū, quàm mors, maximè in statu illo primo.

*Tit. 238.*

Et sic postquam conclusum est superius infallibiliter, quòd aliqua culpa & iniuria, seu offensa communis, seu generalis est inter Deum & hominem: quæ vniuersaliter tangit omnes homines, postquam etiam declaratum est, quòd Deus dedit aliquod præceptum homini de sola obedientia exercenda & probanda, sequitur, quòd illa culpa & iniuria & offensa fuit inobedientia contra Deum, scilicet quia homo fregit præceptum Dei per inobedientiam, & incepit habere & sequi suam propriam voluntatem, contra Dei voluntatem. Et quia declaratum est in pluribus locis superius, quòd nihil est magis contra Deum, quàm propria voluntas. Et propria voluntas idem est, quòd inobedientia; ideo homo nihil potuit facere peius quàm inobedientiam, vel aliquod maius malum quàm inobedientiam erga Deum. Et ideo sicut homo per obedientiam meruisset confirmationem omnium bonorum, quæ habebat, & glorificationem cælestem & habitationem æternam cum Deo in cælis: ita per inobedientiam meruit perdere omnia bona, quæ possidebat: & meruit pœnam æternam & habitationem inferni, & æternam separationem à consortio Dei.

*In isto ti.*

*Tit. 242.*

*Ge.*

Ecce igitur recolligentes habemus in natura hominis *duos status*, scilicet statum integrum & perfectum; & *ius ho-*  
*minis.*



## 418 *De primo statu hominis.*

*Duo sunt  
mala.  
Status  
meriti.  
Status  
præmij  
duplex.*

statum lapsum & corruptum: & secundum hoc habemus duos ordines, scilicet ordinem naturæ & ordinem iustitiæ seu iudicialem. Primus igitur status erat totus in ordine naturæ debitæ; sed secundus totus cecidit in ordinem iustitiæ: quia est status punitio- nis, & pœnæ iudicij: quia in isto statu non est nisi culpa & pœna, & totus versatur circa ista duo: quia homo cecidit in culpam & in miseriam, & ibi semper manet per se: quia ipsemet fecit illum statum. Et exinde patuit, quòd non sunt nisi duo mala, scilicet malum voluntarium, quod est malum culpæ, & malum inuo- luntarium, quod est malum pœnæ & miseriæ. Primum malum fecit homo, sed secundum malum fecit ordo iustitiæ. Item etiam status integer & sanus diuisus fuit in duos status, scilicet in statum meriti, seu merendi; & in statum præmij: & iste status præmij recipiebat duo præmia. Primum præmium erat in hoc mundo confir- matio omnium bonorum, quæ possidebat; secundum præmium, erat vltimū in cælesti gloria inæternū. Simi- liter autem status lapsus recepit duas pœnas & misérias, scilicet pœnam & miseriam temporalem, in qua ho- mo perdidit omnia bona, quæ sibi collata fuerunt à Deo, & locum delectabilem; & habuit mala contra- ria illis bonis, & recepit pœnam & miseriam æternam post mortem corporalem, loco gloriæ æternæ & gau- dij sempiterni. Habemus etiam, quòd inobedientia hominis contra Deum fuit illa culpa, per quam in- trauerunt omnia mala in naturam humanam.

### T I T V L V S C C X L.

*Hic inuestigatur si homo per se nullo alio instigante & ducente offendit & iniuriavit Deum, vel si fuit instigatus.*

**S**Ed valde mirandum est cum primus homo in pri- mo statu esset ita perfectus, ita completus in omni perfectione & in omni cognitione sibi necessaria, esset etiam amicus Dei, amaret Deum, qui eum creauerat in tanta dignitate super omnes alias creaturas, quomo- do potuit velle offendere Deum, & facere aliquod displicitem ei, & contra suam voluntatem? Nec per experientiam videmus, quòd in isto statu lapso amicus vult offendere amicum: & ideo qui recipit beneficia ab aliquo, diligit illum; immò amicus multo citius pro amico moreretur: ergo multò magis in illo statu sano &



& perfecto, cum homo esset bonus totus & gratus & talis erat. Ergo videtur, quòd homo proprio motu non offendit Deum, nisi fuerit instigatus & inductus per aliquem alium. Item etiam non potuit hoc fieri, ut homo frangeret mandatum Dei, & faceret contra suam voluntatem, nisi sibi esset promissum aliquod maius bonum, quàm illud, quod habebat: quia aliter non viderur qualiter homo potuit facere contra Deum, nec ad hoc induci, nisi propter aliquod donum maximum acquirendum. Sic ergo apparet, quòd duo fuerunt ibi. scilicet instigatio, & cum hoc maxima promissio maioris boni, quàm illud, quod habebat. Item etiam confirmatur hoc totum: quia primò peccavit contra Deum, & plus mulier, quàm vir: quia in duplo punita est. Sed si peccassent in illo vir & mulier, videtur, quòd peccassent ex elatione & superbia bonorum, quæ habebant super animalia, & ex Dominio & dignitate: quia habebant dominium super omnia creata: sed si ita esset, tunc prius peccasset vir, quàm mulier: quia in maiori dignitate erat; & tamen oppositum est. Ergo alio instigante peccauerunt. Sed quæ fuit illa res, quæ potuit inducere primum virum & primam mulierem contra Deum? Non enim potuit esse aliqua res inferior homine: quia non habet intellectum, nec natura propria hominis fuit ad hoc inclinata; immò magis oppositum: quia bona erat: ergo sequitur, quòd fuit aliqua res magna habens intellectum & voluntatem & sciens facere malum & cupiens nocere homini & inuidens ei, cognoscens bonum suum, quod poterat acquirere: & quæ inimicabatur Deo, quia *Diabolo instigante* instigabat hominem contra Deum. Ergo oportuit, *homo cecidit.* quòd illa res fuerit de natura spiritali & intellectuali creata: ergo erat aliquis spiritus, seu Angelus: ergo iam erat aliquis spiritus malus corruptus & lapsus. Ergo videtur ex hoc, quòd in natura purè spiritali erat malum, seu corruptio in Angelica natura prius quàm in humana natura.

TITVLVS CCXLI.

*Quod per rationem ostenditur, quòd lapsus, seu perditio, & corruptio primò fuit in natura spiritali simplici, quàm in natura mixta, seu humana.*

**Q**uamuis autem per processum iam factum satis probabiliter sit ostensum, quòd in natura ange-

Dd .2

Tit. 218.

lica fuerit primò malitia , quàm in humana ; eo quia humana alio instigante & inducente facta est mala & corrupta ; attamen possumus hoc aliter ostendere & probabiliter , scilicet comparando naturas adinuicem : & ex conditionibus vtriusque arguendo. Vnde iam dictum est superius , quòd tres sunt naturæ creatæ , ex quibus constat totum vniuersum , scilicet natura corporalis tantum , quæ non habet immortalem spiritum & natura corporalis & spiritualis insimul , scilicet humana , & natura spiritualis tantum . s. angelica . Sicut autem per istas duas naturas , quas videmus , probauimus tertiam esse , scilicet spiritualement tantum , quam non videmus : ita similiter quodam modo ex corruptione & lapsu naturæ mediæ , s. corporalis , & spiritualis insimul , seu mixtæ possumus suspicari de corruptione naturæ spiritualis tantum . Vnde natura infima , s. corporalis tantum , est bona , non corrupta , nec mutata à suo statu , nec perditā , nec lapsa ; sed natura corporalis & spiritualis insimul , seu mixta est tota mala , & corrupta & lapsa & perditā à suo statu : & ideo cum nos videmus naturam supremam , visibilem corruptam , & non aliam , s. corporalem : & hoc factum est , quia habuit liberum arbitrium & liberam voluntatem : querere possumus , si natura spiritualis tantum , s. Angeli , cum similiter habeat liberum arbitrium sicut mediā , fuit corrupta primò & mala . Vnde sicut natura hominis debuit habere duos status propter liberum arbitrium , s. statum meriti , seu merendi & lucrandi ; & statum præmij & gloriæ , seu glorificationis ; ita natura angelica debuit similiter habere istos duos status : quia hoc exigit liberum arbitrium creatum . Et ideo primò fuit creata in statu , vt posset mereri & lucrari per liberum arbitrium suum finale & vltimum bonum , & habuit omnia necessaria pro illo statu : sed non fuit creata in statu completo & vltimo : quia hoc debebat mereri , sicut humana . Et ideo sicut humana natura lapsa à primo statu , in quo creata fuerat , & non peruenit ad secundum statum , quem debebat mereri & lucrari per liberum arbitrium , imò perdidit eum ; ita similiter potest dici de angelica : quia eadem est ratio vtrobiq̃ue , quia vtrobiq̃ue liberum arbitrium , quia vtrobiq̃ue duo status iam dicti . Et sic natura Angelica potuit esse lapsa à primo statu , in quo creata fuerat , potuit perdere illum statum , ad quem debebat

*Natura  
angelica  
primò  
corrupta  
est.*



bat peruenire. Et ideo si de facto ita est, quare hoc querimus, quia de possibilitate non dubitamus. Hoc autem nullo modo probare possumus nisi per corruptionem & lapsum in natura humana, quæ apparet, quam videmus, quæ de facto est corrupta & lapsa. Vnde probabiliter arguere possumus, quod postquam in humana natura, quæ est media, est de facto malum; quod etiam in illa suprema fuit malum: & quod illud malum, quod est in natura media, scilicet humana, habuit originem ab illo malo, quod primò erat in natura Angelica, & quod nisi in natura altissima creata fuisset malum & corruptio, quod non fuisset in media natura, scilicet humana, quamuis vtrobique malum fuerit ex libertate. Arguamus ergo sic. Certum est, quod primum malum est malum spirituale, voluntarium, intellectuale: ergo malum corporale non potest esse primum. Vnde in natura humana est vtrumque malum, scilicet malum spirituale & malum corporale: sed spirituale & voluntarium fuit causa mali corporalis, quod est inuoluntarium. Ergo cum nos videmus malum spirituale simul coniunctum cum malo corporali in humana natura, videtur quod primò fuit malum spirituale purum sine corporali, & per consequens primò fuit malum in natura purè spirituali: quia videtur esse in malis, si est in bonis: postquam ergo malum est in natura, videtur, quod habeat suum ordinem, non tamen necessarium, sed voluntarium: quia in malis voluntariis nulla potest esse necessitas, sed voluntas; sed mala inuoluntaria & corporalia habent necessitatem & ordinem necessarium inter se: quia mala voluntaria exigunt & requirunt mala inuoluntaria & corporalia, vnum malum, scil. corporale, accusat aliud. Item in humana natura fuit vertibilitas ratione liberi arbitrij: quia natura purè corporalis non se potest vertere in oppositum per se: quia non habet liberum arbitrium: ergo videtur, quod vbi liberum arbitrium vertibile est magis purum, magis in sua actione & sua natura; quod ibi est maior vertibilitas & possibilitas ad vertendum se quò voluerit: ergo sequitur quod liberum arbitrium fuit magis vertibile & citius in natura tantum spirituali, quam in natura, corporali & spirituali insimul: quia ista natura appropinquat totaliter naturæ puræ corporali, quæ est totaliter inuertibilis de se: quia



habet eam in se; & alia multum distat. Ergo cum malum reperiatur de directo in natura minus vertibili, & quæ appropinquat totaliter naturæ inuertibili: videtur quod primò ipsum malum fuerit in natura magis vertibili. Ergo videtur, quòd corruptio primò fuit in natura purè spirituali, quæ habet liberum arbitrium magis vertibile, quàm in natura corporali & spirituali insimul, quæ habet liberum arbitrium minus vertibile & quia corruptio liberi arbitrij minus vertibilis. Habuit originem à corruptione liberi arbitrij magis vertibilis; non tamen de necessitate, sed voluntariè: quia liberum arbitrium non potest corrumpi nisi voluntariè & sponte: sed tamen potest instigari & induci & persuaderi ad corruptionem, & ad malum per aliud & tentari: ergo videtur, quòd liberum arbitrium supremæ naturæ angelicæ tentauit, instigauit & induxit liberum arbitrium mediæ naturæ ad malum & ad corruptionem, & hoc per inuidiam & malitiam. Præterea natura humana est media inter naturam purè corporalem & purè spirituales: & ex istis tribus constat vniuersum tanquam vnum tantum: sed cum natura humana stans in medio duarum naturarum fuit facta bona, videtur, quòd non fuit facta corrupta nisi traheretur ad malum, & ad corruptionem per vnā, vel per aliam: sed non potuit trahi ad malum primò, nec instigari primò per naturam purè corporalem, cum illa natura nunquam fuit corrupta, sed semper fuit bona: ergo videtur, quòd malitia & corruptio fuit primò in natura purè spirituali, & illa corrupta trahit aliam ad corruptionem. Item etiam quia videmus, quòd quando totum corpus est sanum, vel totum regnum vniuersi, quòd nisi corruptio fiat in principali, quòd non fit in minus principali: sed cum tria sint membra in vniuerso, s. tres naturæ, & cum natura spiritualis sit maius & principalius membrum, videtur quòd corruptio non potuit esse in aliis membris, nisi primò fuerit in illo: sed cum corruptio reperiatur in membro non tamen principali, videtur quòd primò fuit in magis principali. Et sic per istas rationes possumus probabiliter dicere, quòd lapsus & corruptio, seu malum primò fuerit in natura angelica, quàm in humana, & quod in illa incepit malum. Et per consequens natura angelica prius fuit inimica Dei & contra Deum, quàm

quàm humana. Et sic habemus duas naturas in vniuerso lapsas & corruptas & perditas. Sed non est necesse, quòd si lapsus fuerit in natura angelica, quod fuerit in tota natura angelica, sicut est de humana: quia vnus Angelus non descendit ab alio, sed quilibet fuit creatus per se, quamuis omnes insimul fuerint creati. Et sic habemus originem mali & corruptionis in natura hominis; sed nondum habemus originem mali & corruptionis in natura angelica.

## TITVLVS CCXLII.

*De origine corruptionis & malitia in natura spirituali, seu Angelica: & de aliis, quæ pertinent ad hoc.*

**Q**Voniam autè probabiliter ostensum est corruptionē, & lapsum fuisse in natura angelica; ideo videamus quomodo intrauit ibi malum & corruptio, cum esset bona & perfecta in suo statu, & nihil deficeret ei pro statu, in quo creata fuerat. Vnde ista natura nō potuit induci, nec instigari ad malū per aliam naturā: quia nō erat altera natura nisi natura diuina, quæ creauit omnia bona: ergo ista peccauit sine aliqua instigatione, nec inductione per aliquam aliam naturam. Attamen sicut in humana natura malum primò inceperat in muliere, deinde venit ad virum; ita potuit esse in natura angelica, vt primum malum inciperet in vno Angelo, deinde veniret ad alios, cum essent eiusdem naturæ, licet non eiusdem excellentiæ, nec gradus, vt iam probatum est: ita quod origo mali primò fuit in Vno Angelo; in aliis autem incepit post: & ideo inquiramus, quomodo potuit hoc fieri. Vnde in humana natura, quæ cecidit per instigationem alterius, primò fuit malum in parte minus forti, minus digna, & minus perfecta: & deinde de parte minus forti venit ad partē fortiores: & hoc rationabiliter fuit factum: quia primò debet tentari & instigari, & induci pars debilior quàm fortior: & ista est ars rectè tentandi. Ideo in humana natura conuenienter incepit malum in parte minus forti, scil. in muliere: & vltimò venit ad partem fortiores, scilicet ad virum. Sed in angelica natura videtur, quod per oppositum intrauerit malum, scilicet primò per partem fortiores, & deinde ad partes minus dignas: quia illa natura cecidit per se, non instigata ab aliquo alio

Tit. 120.

&amp;c.



*Occasio  
ruina  
luci.*

exteriori, nec inducta, sed proprio motu. Ergo sequitur, quòd illa pars primò cecidit, seu lapsa est: vel in ea incepit primò malum, in qua fuit maior occasio ruendi & cadendi proprio motu; sed in Angelo, in quo erat liberum arbitrium magis purum, altum & dignum, & voluntas altior & dignior & nobilior, & in quo erat pulchritudo maior, maior erat occasio superbiendi, ruendi & cadendi, quàm in aliis: quia in illo debebat esse maior vertibilitas & flexibilitas liberi arbitrij, & maior actiuitas & natura dominandi per se, & maior occasio sequendi suam voluntatem propriam: ergo videtur, quòd in illo Angelo, qui erat maior in tota natura angelica, & dignior creatus, incepit malum, & ille fuit primò malus originaliter: & deinde descendit malum in omnes alios ab eo, qui post illum mali fuerunt adhærendo per liberum arbitrium maiori Angelo malo. Sic vir fuit factus malus adhærendo mulieri iam malæ. Sic ergo primus Angelus, sed maior super omnes in natura angelica, & prima mulier in natura humana similiter se videntur habere quoad originem mali: sed alij Angeli, qui facti sunt mali, & primus vir similiter se videntur habere quo ad receptionem mali & consensum: quia adhærendo facti sunt mali in consentiendo, scilicet per propriam voluntatem, tamen non coacti. Ecce igitur originem mali & corruptionis. Primò maximus Angelorum fuit malus, & in voluntate sua fuit primum malum, & ille infecit alios Angelos, qui facti sunt mali, quia consenserunt ei: & deinde per naturam Angelicam, seu per aliquem de natura angelica, qui erat malus, fuit prima mulier tentata, inducta, & instigata ad corruptionem & malum: & deinde mulier primò corrupta instigauit & induxit virum ad suum malum, & ad suam corruptionem: deinde à primo viro, & à prima muliere deriuatum est malum in omnes filios eorum.



## TITVLVS CCXLIII.

*Qualiter Angelus, qui primò fuit factus, malus fuerit,  
& omnes sibi consentientes.*

**E**T quia origo mali fuit in primo & supremo Angelo, videndum est, qualiter incepit & intrauit malum in ipsum & corruptio: & tunc habebimus completam originem corruptionis & mali. Vnde quia Angeli fuerunt omnes creati in statu merendi, vt lucrarentur & mererentur per modum victoriæ statum completum, qui est status gloriæ & coronæ: & cum Angeli eo quia sunt purè spirituales, habebant liberum arbitrium subito vertibile, eo quia est valde actiuum de se: & ideo totum meritum, totum lucrum, totum quicquid poterant facere, pro primo statu erat, vt starent & figerent seipsos in illo statu bono, in quo creati erant, & non mouerent se ab illo statu bono, nec mutarentur: vnde poterant stare & se mutare, si vellent. Nonne est ita de homine: quia in homine non erat liberum arbitrium vertibile ita subito: ideo maius opus, quod posset homo facere, non erat in illo statu stare, in quo creatus est: sed maius opus, quod posset facere, est obedire & seruare obedientiam. Et ideo Angeli si steterunt per vnum momentum post creationem in illo statu, quia hoc fecissent proprio & libero arbitrio, statim in eodem momento ascenderunt ad statum gloriæ, & fuissent in æternum firmati & confirmati, & coronati secundum gradus suos, & coniuncti cum Deo. Vnde primò quod fuerunt, statim inceperunt velle & amare aliquid per propriam voluntatem: & quia quilibet debebat primò velle & amare Deum, & non seipsum, nec propriam voluntatem, cum cognosceret se creatum fuisse de nihilo, & à Deo, & accepisse se omnia à Deo, & quia ad hoc creati erant, & attendere debebant, & talis erat status eorum: ideo illi, qui primò verterunt suum velle & amare ad seipsos & non ad Deum, deniauerunt & errauerunt & peccauerunt, & habuerunt primum velle & primum amare inordinatum: quia solus Deus est primò amandus, vt iam probatum est supra: & nulla creatura est primò amanda. Et ideo primus Angelus & superior inter omnes, quia habebat naturam magis excellentem

super omnes, & post Deum erat creatura dignior & melior & pulchrior, & altior, & ideo excitatus consideratione suæ pulchritudinis & altitudinis primò voluit & dilexit seipsum & suum priuatum bonum, & sic totaliter separauit se à Deo per suam voluntatem, & nunquam dilexit Deum, & mutauit seipsum à statu primo, in quo Deus creauerat ipsum, quia habuit totum suum amare inordinatum, iniustum, peruersum & contrarium Deo: vnde in hoc constituit seipsum sibi primum principium & primum bonum & Deum: ideo statim fuit inimicus Dei & contrarius Deo per propriam voluntatem. Et quia habuit velle inordinatum, statim cupiuit proprium honorem & propriam priuatam excellentiam inordinatè, & voluit omnibus aliis dominari, & esse Prælatus propria auctoritate & sine meritis: quam prælaturam supra omnes alios habuisset, si non peccasset: quia sua natura ad hoc erat apta & ordinata: vt si primò dilexisset Deum, qui primò diligendus erat; & non seipsum, qui primò diligendus non erat, sed secundariò & in secundo loco; constitutus fuisset in æternum prælatus habens dominium super omnes Angelos, & omnes essent sub eo. Et quia prius dilexit seipsum totaliter quàm Deum, delectatus est primò in seipso & in sua pulchritudine, quàm in Deo. Et cum esset creatura de nihilo facta, quamuis excellentissima, tamen non creator erat, sed creatura: ideo in hoc fecit summam iniuriam & iniusticiam & offensam creatori suo: quia quod soli suocreatori debebatur, dedit sibiipso, & in hoc constituit seipsum tanquam Deum & primum: & præposuit creaturam creatori & violauit & destruxit totum ordinem dilectionis & voluntatis in seipso. Et quia amor conuertit amantem in rem primò amatam, & in dominio eius: ideo ipse primus Angelus totus & totaliter peruersus est in seipsum, & in suam voluntatem: & ideo statim habuit propriam voluntatem & priuatam, separatam totaliter à voluntate creatoris: ipsa quod semper sequitur suam voluntatem & nullam aliam: & quicquid vult, semper vult propria auctoritate & voluntate: & per consequens nulli alteri voluntati vult esse subditus. Et ideo constituit seipsum Regem, & fecit seipsum suum regnum & imperium & suum dominium contra regnum & imperium & dominium Dei. Et quia Angelus est

simplex,

*Angeli  
sunt in-  
uertibi-  
les.*



simplex, postquam primò elegit & dilexit aliquid, ha-  
 bet immutabilitatem in illo, vt non possit, nec velit  
 aliud eligere, nec amare: ideo statim primus Angelus  
 fuit firmatus & obstinatus in sua propria voluntate  
 inordinata: vt in æternum non possit aliud velle nisi  
 suam propriam voluntatem: per consequens habet odio  
 quicquid est contra suam voluntatem: & ideo habet  
 summè odio Deum creatorem suum & suam volunta-  
 tem: & ideo repugnat quantum potest contra Dei vo-  
 luntatem. Et sic facta est de nouo vna voluntas mala &  
 prima voluntas mala, quæ non erat. Et ideo fuerunt  
 statim duæ voluntates primæ contrariæ totaliter inter  
 se, scilicet voluntas Dei æterna, summè bona, &  
 primò bona, & voluntas primi Angeli noua, & valde  
 mala, & primò mala, quam voluntatem ipsemet An-  
 gelus fecit malam, quam Deus fecit bonam. Et ideo  
 quia ipsemet fecit suam voluntatem malam, quia hoc  
 fuit suum primum opus: ideo vult totis viribus suis  
 defendere & sustinere illam, & pugnare pro illa. *Diabo-*  
 Attamen ipsa voluntas mala prima, quia est creata, *lus pu-*  
 semper est sub potestate & manu primæ voluntatis *gnat pro*  
 bonæ, increatæ & sub Dei voluntate. Ecce pri- *sua vo-*  
 mum bellum, prima pugna, prima inimicitia inter *luntate.*  
 voluntates. Quia ergo istæ duæ voluntates sunt pri-  
 mæ: ideo ad istas duas habent reduci omnes aliæ  
 voluntates: quia omnis bona voluntas reducitur  
 & coniungitur cum voluntate Dei: & fit vna vo-  
 luntas cum illa, & omnis mala voluntas reducitur ad  
 voluntatem primi Angeli mali, & coniungitur cum  
 ea, & fit vna voluntas cum illa. Et ideo omnes alij *Omnes*  
 Angeli, qui primò consenserunt & adhæserunt & con- *mali an-*  
 iunxerunt se voluntati malæ primi Angeli, & compla- *geli sunt*  
 cuerunt in ea: facti sunt vnum cum eo, & non possunt *vnus*  
 velle nisi quod ipse vult: & ideo est caput, & isti sunt *volun-*  
 membra eius. Et factus est vnus chorus malus ex ipsis, *tatis.*  
 & vnus exercitus malus vnitus in vno sensu, in vna vo-  
 luntate, in tanta vnitare, quòd non potest esse maior  
 & fortior ad sustinendum, defendendum, pugnandum  
 pro voluntate mala primi Angeli capitanei, & ad tota-  
 liter complendam illam contra voluntatem Dei bonam.  
 Et similiter omnes illi Angeli, qui adhæserunt & se  
 coniunxerunt primæ voluntati Dei: & complacuerunt  
 in ea, facti sunt vnum totaliter cum Deo, & non pos-  
 sunt



sunt velle nisi quod Deus vult: & factus est alius exercitus bonus, & alius chorus in vno consensu: in vna voluntate & in tanta vnitatem: quæ non potest esse fortior ad pugnandum pro voluntate Dei & ad totaliter complendam illam contra voluntatem primi Angeli & suorum Angelorum: Sed in isto exercitu bonorum Angelorum non est illud caput, quod debebat esse: quia creator non est caput alicuius corporis, nec alicuius exercitus: quia caput est pars; & creator est totum: & ideo quia caput debet esse creatura sicut membra, deficit ibi caput, quod sit creatura: quia ille maximus Angelus debebat esse caput, & ipse perdidit illum locum. Ideo conuenit, quod Deus faciat vnum caput de nouo, quod sit caput bonorum Angelorum: & ideo notemus de isto capite, quale erit: quia oportet, quod de nouo fiat: & hinc notemus reparationem & restorationem faciendam: sed iam facta est: & ista tractabuntur suo loco Dei auxilio. Ecce qualiter primus Angelus factus est malus, & omnes ei consentientes.

## TITVLVS CCXLIV.

*De magnitudine malitia & corruptionis primi Angeli.*

**Q**Voniam autem natura Angelica, seu spiritualis est lapsa & corrupta in primo & in supremo spiritu, seu Angelo, & in alijs ei adhaerentibus & consentientibus: ideo sicut in natura hominis consideramus duos status, scilicet bonum & malum, ita similiter debemus considerare in natura spirituali duos status, scilicet integrum & lapsum, & comparare eos inter se. Vnde sunt contrarij & oppositi, sicut vinum & acetum, & quia res, quæ corrumpitur & mutatur in contrarium suæ naturæ, deuenit ad tantum gradum malitiæ, quantus erat gradus bonitatis, in quo erat, & ad quem venire poterat: & quanto res, quæ peruertitur, erat melior & altior in natura, tanto efficitur peior & inferior & malignior. Vnde de quanto vinum est melius, de tanto quando fit acetum, acetum tale est fortius: & peior est corruptio Regis, quam minimi de regno: ideo quia primus Angelus erat summus in to-

*Malitia  
diaboli  
non posset  
esse ma-  
ior.*

ta natura angelica, & maior res & dignior & melior post Deum: sequitur, quod sua malitia & sua corruptio ascendit ad tantum gradum malitiæ, quanta erat nobilitas, in qua creatus erat, vel ad quam venire poterat: & factus est ita infimus & vilis inter omnes creaturas, sicut erat altus & nobilis in dignitate, & hoc per voluntatem propriam. Vnde in sua voluntate est malitia & corruptio tota & peruersitas: quia inordinatè amando & volendo & eligendo factus est malus & corruptus. Et tota bonitas & pulchritudo bonitatis in amando consistit in volendo & eligendo ordinatè, scilicet illud quod est amandum, eligendum & volendum. Et ipse primus Angelus nunquam amauit Deum: & ideo quia sua voluntas erat maior, altior & pulchrior super omnes voluntates creatas, facta est tunc mala, tam turpis & infima, quàm in omnibus aliis creaturis insimul, si corrumperentur, non esset tanta malitia, nec vituperium, nec turpitudine. Et quia ipse amauit totaliter suam propriam voluntatem, in qua est maxima malitia, & vult illam implere quantum potest: ideo non amat nisi malum & summam malitiam & turpitudinem: & laborat totis viribus, vt malum crescat & multiplicetur & bonum destruat: & habet odio omnem bonitatem contrariam suæ voluntati. Et sic propria voluntas facta est radix, fons & origo omnium malorum. Et quia habet intellectum altissimum in cognoscendo & valde subtilem super omnes creaturas post Deum: ideo quia voluntas dominatur intellectui, & vtitur eo ad illa, quæ vult: ideo conuertit totum intellectum suum, & totam voluntatem suam ad faciendum mala, ad inueniendum omnes artes faciendi omnia mala, ad deceptiones, ad cautelas & ad persuasiones falsas & tentationes & ad nocendum, & factus est summus deceptor, summè cautelosus, summè fraudulentus & dolosus, & summus mendax, & inuentor omnium mendaciorum. Et ideo quicquid habebat, conuertit in malum, & nihil remansit de bonitate priori. Et quia sua propria voluntas est ligata, firmata, obstinata, & coniuncta inseparabiliter cum seipsa, cum sua propria malitia per amorem: ideo non potest videre, nec cognoscere seipsum, nec suum malum, quod fecit: quia intel

*Diabolus laborat vt malum crescat.*

*Diabolus conuertit totum suum intellectum ad malum.*



*Diabo-  
lus non  
potest co-  
gnoscere  
suā ma-  
litiam.*

intellectus est totaliter excæcatus per propriam voluntatem, ut non possit iudicare de sua malitia: quia amor suæ malitiæ excæcat ipsum: & ideo non potest dolere, nec pænitere de peccato suo, nec de suo malo voluntario, quod fecit. Et ideo semper murmurat contra Deum, dum aliquid habet contra suam voluntatem, quod est ei multum tristabile. Ecce magnitudinem suæ malitiæ & corruptionis, quæ vix cogitari posset. Et sic ex hoc apparet, quod ipse Angelus primus est factus per se Princeps & caput Angelorum malorum, & Princeps omnium malorum, omnium vitiorum & renebrarum & omnis iniquitatis est inuentor primus.

## T I T V L V S C C X L V.

*De duplici malo in Angelo, scilicet, voluntario & inuoluntario.*

*De ex-  
pulsione  
diaboli à  
suo loco.*

**E**T quia non sunt nisi duo mala, scilicet voluntarium & inuoluntarium, scilicet malum culpæ & malum pænæ: & primum malum facit voluntas per seipsam, quod placet sibi & complacet in eo, quia est voluntarium; sed secundum malum facit Deus per iustitiam & iudicium: quia primum malum ita requirit: ideo quia primus Angelus malus fecit malum voluntarium & omnes consentientes ei: ideo requirit ordo iustitiæ, quod ei detur secundum malum, & suis Angelis, scilicet malum inuoluntarium, quod est pœna & punitio. Et ideo sicut homo perdidit suum locum, in quo positus fuerat: & expulsus fuit, & positus in alio loco tanquam in carcere, scilicet in isto loco, in quo nunc est: ita similiter primus Angelus malus cum suis Angelis perdidit suum locum, in quo creatus fuerat, & fuit expulsus cōtra suam voluntatem, & positus fuit in alio loco tanquam in carcere. Et ideo expulsus fuit à summo cælo, & positus est in regione elementorum. Et quasi proportionabiliter sicut homo, qui est terra, expulsus est de altissimo loco terreno & nobilissimo, ad locum habitabilem terrenum infimum, & ventis & pluuiis & nubibus subiectum; ita ipse primus Angelus, cum omnibus Angelis suis, qui est totus spiritualis, expulsus est de loco cælesti altissimo ad locum infimum, terrenum & aëreum, in quo est obscuritas



securitas & caligo, ubi fit grandinis generatio & tempestatis. Et sicut iste locus est proportionatus homini pro suo statu corrupto ad punitionem, ita ille conuenit Angelo corrupto pro carcere, & hoc pro pœna & carcere temporali, quæ habet finem; sed pro pœna & carcere æternis, debetur ei locus infimus in centro terræ: & in medio terræ paratus est ei locus cum Angelis suis infimis, cum igne æterno, in quo æternaliter puniatur & comburatur, quamuis non habeat corpus: quia hoc fit per ordinem iustitiæ omnipotentis Dei, qui potest facere & scit proportionare pœnam secundum quantitatem malorum ad honorem suæ iustitiæ. Vnde quia primus Angelus malus si fterisset & meruisset, fuisset præmiatus & coronatus: quia in æternum locum habitationis in quo creatus fuerat per modum præmij obtinuisset: & vltius præmiatus & coronatus fuisset in gloria æterna: & post Deum primam dignitatem, & sedem obtinuisset: & ideo quia per contrarium fecit & peccauit & demeruit, & seipsum fecit malum, & tantum quantum bonus erat & ex hoc cecidit & deuiavit ab ordine naturæ: & per consequens cecidit in ordinem iustitiæ, & iudicij, & debuit omnia habere per contrarium. Et ideo primò debuit perdere dignitatem loci, & poni in carceribus, tanquam culpabilis & reus, & iudicandus: deinde pro loco gloriæ æternæ, quam meruisset, in pœnam æternam. Et quamuis iam sit condemnatus ad æternam pœnam per Dei iudicium, dum fuit expulsus de cælo, eo quod est obstinatus in malo: & nullo modo potest esse bonus: attamen executio sententiæ nondum facta est: sed expectatur vsque ad vltimum diem iudicij. Si enim executio iam à principio facta fuisset: iam non primos parentes tentasset, nec potuisset eos instigare contra Deum. Et quia locus, in quo sunt carceres; & locus, in quo fit executio iustitiæ & punitionis non sunt idem: ideo nunc ipse primus Angelus cum suis Angelis habitant in isto aëre caliginoso, tanquam in carceribus, in quo non puniuntur, nec patiuntur pœnam per iustitiam eis inflictam, nisi quia sunt in carceribus: sed alius locus est sibi paratus, in quo fiat vltima executio iustitiæ diffinitiuæ, in quo sentiant ipse & Angeli eius æternam pœnam & punitionem, tam pro prima culpa, qua perpetraverunt, quam pro omnibus aliis, quæ post fecerunt.

*Aër caliginosus est carcer diaboli.*

*Mundus  
est nobis  
carcer.*

*Diabo-  
lus non  
habet  
quietem.*

fecerunt. Et iste locus vocatur infernus, qui à Deo paratus est primo Angelo malo tanquam capiti, & Angelis eius tanquam suis membris: & omnibus consentientibus & adhaerentibus, qui faciunt vnum corpus cum eo. Et similis processus debet fieri circa hominem: & ideo primò positus est homo in isto loco, in quo nunc est tanquam in carcere: & ultimò apparebit in iudicio publico & coram iudice: & talis, qualis fuerit repertus iudicabitur sententia diffinitiva: & hoc in vno & eodè iudicio publico cum primo Angelo & cum aliis Angelis malis, in quo iudicio poena sua incipiet sine fine duratura. Et quia non est nisi vnus iudex, qui in vno & eodem iudicio insimul, in vna die, & eadem hora, omnibus videntibus omnia, finaliter iudicabit: quia hoc pertinet ad magnitudinem tanti iudicis, quia omnia potest & scit, & nihil ignorat: ideo non debet tenere nisi vnam publicam curiam & vnum publicum iudicium per semper. Licet autem Angelus malus non patiatur poenam per iustitiam sibi datam de præsenti; attamen per seipsum patitur intra se: quia est inquietus & inordinatus & in cogitationibus suis, & in desideriis suis, & in tota sua voluntate: & ideo non est in eo nisi horror & caligo & perturbatio. Quare sequitur, quòd in seipso nullam potest habere quietem, & maximè etiam patitur poenam: quia vult complere maximè & totis viribus suis nequissimam voluntatem suam, & non potest, quod est sibi magna tristitia; sed aliquando gaudet, delectatur & quiescit, quando potest facere malum iuxta suam voluntatem; nec aliter potest gaudere: & quantò facit maius malum, tantò magis gaudet: & quando fit aliquod bonum, tristatur, & de maiori bono magis tristatur. Sed istam poenam non fecit Deus, sed ipsemet sibi ipsi. Et sic declaratum est primi Angeli duplex malum, scilicet tam voluntarium quàm inuoluntarium.

#### T I T V L V S C C X L V I.

*Qualiter homines incorporantur & uniuntur cum primo Angelo malo, & fiunt membra eius.*

*Tit. præcedenti.*

**Q**Voniam iam declaratum est, quòd non sunt nisi duæ primæ voluntates, & vtraque est prima voluntas, & per consequens sunt diuisæ & separatæ.

Vna



Vna est voluntas Dei bona, quæ etiam est communis voluntas, quia est causa omnium bonorum: alia est voluntas primi Angeli mala, quæ est etiam voluntas communis, quia est causa omnium malorum. Et ideo quia omnis prima voluntas, inquantum prima, nulli subiicitur, sed facit in seipsa suum regnum & imperium, & suum dominium, & suas leges: ideo non sunt nisi duo regna, scilicet regnum Dei omnipotentis, & Angeli mali: & omnes aliæ voluntates vel sunt de regno Dei, vel de regno mali Angeli. Et ideo quia ipse primus Angelus habet suam propriam voluntatem tanquam Deus, quod soli Deo conuenit: ideo appetit & vult sibi dari omnia illa, quæ debentur Deo, scilicet honorem & adorationem: ideo vult honorari & coli & adorari tanquam Deus, & in ista superbia est obstinatus & excæcatus. Et ideo quantum potest, facit omnia illa, per quæ potest coli & adorari tanquam Deus: & quantum potest destruit honorem & gloriam & culturam Dei: & ideo studet facere mirabilia per omnem modum. Et quia ipse vult, quantum potest, dominari & augere suum regnum & suum dominium, & vult destruere regnum Dei: ideo quia vidit hominem esse creatum propter regnum Dei, vt ascenderet ad locum, quem ipse perdiderat, statim habuit inuidiam contra hominem & voluit turbare toto conamine, ne homo ascenderet ad locum, vnde descenderat, & hoc ad destruendum regnum Dei & gloriam eius: & etiam propter inuidiam, quam habuit contra homines, & etiam vt traheret homines ad suum dominium, & ad suum regnum, vt ipse dominaretur homini, sicut dominabatur Angelis suis. Et ideo toto conamine studuit ad subuertendum hominem, & separandum ipsum à societate & Dei, & ad subiugandum eum sibi & totam suam posteritatem: quia hoc non poterat fieri, nisi homo separaretur à Deo per inobedientiam & per propriam voluntatem, quæ contrariatur Deo, & separat totaliter à Deo: ideo quantum potuit, fecit, vt homo separaretur ab eo habendo propriam voluntatem: & sic postea reciperet hominem, & dominaretur suæ voluntati, & ipsum captiuaret: quia omnis voluntas hominis, quæ non est subiecta Deo, nec obediens Deo, potuit ponere seipsam sub Angelo

*Dua sūt voluntates communes.*

*Duo sūt regna.*

*Quomodo diabolus subiicit sibi hominem.*



# 434 *De subiectione malorum.*

*Aliter  
subijci-  
tur homo  
supremo  
diabolo,  
aliter in-  
feriores  
dæmones.*

*Inter dæ-  
mones nō  
est pu-  
gna.*

*Peccato-  
res quo-  
modo sūt  
membra  
diaboli.*

malo. Et illo modo captiuauit hominem subtiliter & cautelosè, primò mulierem, deinde virum per mulierem, & per istos omnes filios eorum. Et sic per accidens acquisiuit dominium supra naturam humanam, & fecit homines seruire suæ voluntati. Sed tamen aliter Angeli mali sunt sub dominio & seruitute primi Angeli, & sunt membra eius; & aliter homines: quia inter ipsos malos Angelos solus primus habet propriam voluntatem, & omnes alij sequuntur vnanimiter, vno corde, vno consensu eius voluntatem, & nullus habet propriam voluntatem separatam à voluntate primi Angeli mali: quia à principio omnes elegerunt suam propriam voluntatem: ideo sunt vniti cum sua propria voluntate inseparabiliter: & ideo omnes faciunt vnum regnum, & non duo regna, & laborant pro honore primi Angeli mali. Et ideo inter eos non est discordia, nec lis, nec pugna: quia omnes tendunt ad vnum regnum, & ad vnam voluntatem & concorditer, scienter & voluntariè. Et ideo primus Angelus vtitur omnibus Angelis malis, sicut vult: & omnes obediunt ei ad suam voluntatem scienter & voluntariè: & ideo sunt verissimè membra eius, sicut membra corporis sunt membra hominis: & ideo dicuntur sui Angeli: quia omnes voluntariè dederunt seipsos ei à principio, quando primò consenserunt suæ voluntati. Et ideo regnum diaboli est fortè & valdè forte propter istam indiuisibilitatem & vnionem inter eos. Sed homines aliter sunt membra primi Angeli: vnde homo habet suam propriam voluntatem de se: quia primò fuit sub voluntate Dei, & vnitus cum ea; sed postquam homo separauit se à voluntate Dei, statim incepit habere propriam voluntatem per se separatam à Dei voluntate; sicut primus Angelus habuit propriam voluntatem, & factus fuit quasi primus Angelus in hoc. Et sic homo per se incepit alterum regnum, alterum imperium & dominium separatum à Deo in seipso sine Deo, & fecit se quasi alterum Deum. Et sic duæ voluntates fuerunt propriae separatæ à Dei voluntate, scilicet voluntas primi Angeli, & voluntas hominis: & vtraque in quantum fuit propria, statim pugnavit contra Deum, & voluit auferre à Deo coronam & priuilegium propriae voluntatis: quia ei soli conuenit habere propriam voluntatem & non creaturæ. Sed tamen voluntas primi Angeli

Angeli mali nunquam fuit vnita cū voluntate Dei; immò primò cum seipsa : quia si semel fuisset vnita, in æternum non fuisset separata ; sed voluntas hominis primò fuit vnita cum voluntate Dei , sed postea separauit voluntatem suam à Dei voluntate ad instigationem Angeli mali : & tunc ipsa voluntas hominis fuit truncata , & sine capite , & stetit per seipsam , & dedit ingressum Angelo malo, & aperuit sibi portam. Et quia voluntas primi Angeli erat prior , maior & potentior; ideo statim rapuit & captiuauit voluntatem hominis sub sua voluntate : eò quia inuenit eam separatam à diuina voluntate , & etiam quia erat ei similis, quia erat propria voluntas, sicut & mala & contra Deum. Sed tamen hoc factum est, homine nesciente & ignorante: quia homo non intendebat esse sub voluntate diaboli, nec volebat, nec propter hoc erat Deo inobediens. Et sic ipse malus Angelus habuit dominium supra voluntatem hominis, & ideò quasi tyrannicè, & quasi violenter diabolus rapuit voluntatem hominis : quia homo nolebat sibi subiici, immò volebat magis esse Dominus sui ipsius. Sed quia voluntas primi hominis fuit signata signo primi Angeli, scilicet quia fuit propria & inobediens Deo : ideo tanquam suam recepit eam : Et sic homo pertinuit ad regnum primi Angeli mali, quia noluit esse de regno Dei : & sic homo factus est membrum eius præter intentionem suam : & sic primus Angelus dominatus est homini tanquam alienæ naturæ, quam appropriauit sibi : sed Angelus damnatus est tanquam illis, qui sunt de sua propria natura, scilicet malis : sicut arbor habet ramos proprios & de sua natura, & aliquando recipit alios alterius naturæ, qui incorporantur. Licet autem homo sit sub potestate & dominio primi Angeli mali ; attamen habet semper propriam voluntatem in seipso, nec propter hoc destruitur sua propria voluntas : quia non potest destitui illa proprietas, nisi iterum vniatur cum Dei voluntate ; immò semper sequitur suam propriam voluntatem : quia per hoc concordat cum primo Angelo, & ligatur & vnitur cum eo, & contrariatur Deo, & facit omnia mala ; immò ipse malus Angelus tenet & ligat, & solidat hominem magis, vt maneat in sua propria voluntate & iuuat : quia tunc multiplicat omnia mala per hominem tanquam per membrum suum : & mala,

*Diabolus tyrannicè rapuit hominem.*

*Illius differentia exemplum.*

## 436 *De subiectione malorum.*

*Inter  
peccato-  
res est  
cōtinua  
lis, & nō  
inter da-  
mones.*

*Eodem  
tit.*

*Diabo-  
lus com-  
plet suā  
volūta-  
tem per  
homines  
malos.*

*Notabile  
magñū.*

quæ per se non potest facere, facit per hominem. Quia propria voluntas in homine est radix, ut homo faciat omnia mala, & per quam ipse Angelus malus mouet hominem, sicut vult. Et quia plures sunt homines, & quilibet habet suam propriam voluntatem, quæ non est eadem inter omnes homines; ideo inter homines est lis & discordia & pugna: quia non habent vnā voluntatem communem, scilicet quilibet habet suam voluntatem, nisi quia aliquando plures fiunt quasi vna voluntas & vna persona in malo. Et ideo non est simile de hominibus & de malis Angelis: quia nullus habet propriam voluntatem separatam à voluntate primi Angeli mali; & ideo non est pugna inter eos, ut dictum est. Et isto modo malus Angelus exercet omnia mala inter homines: quia quilibet habet suam propriam voluntatem: quia omnes homines, qui habent propriam voluntatem extra Deum, sunt sub potestate eius, & ipse utitur eis tanquam membris eius. Et quia ipse non gaudet nisi in malis; ideo commouet hominem contra hominem, & gentem contra gentem, & regnum contra regnum, & facit prælia fieri, & per homines complet suam voluntatem, faciendo omnia mala per eos, & inter eos: & hoc facit suadendo & suggerendo & consulendo, tentando & mouendo & inflando ipsos: & inflammando ipsas voluntates hominum sibi subiectorum secretè & occultè, & inuisibiliter & imperceptibiliter, & inueniendo infinitos modos faciendi mala, & docendo illos secretè. Et sic patet, quod primus Angelus utitur Angelis suis tanquam membris propriis & naturalibus, & est vnum corpus cum eis; sed utitur ipse cum omnibus Angelis suis ipsis hominibus propriè tanquam iumentis suis & equis, quia equitat super voluntates hominum: Quia sicut iumenta & equi ignorant Dominum, qui equitat: ita homines ignorant mala & malos Angelos, quos portant, & qui dominantur eis & utuntur eis, sicut volunt, quamdiu sequuntur suas proprias voluntates. Ecce igitur qualiter lugere & dolere debet homo, quia non solum est lapsus & corruptus & perdidit tanta bona; immò etiam est factus seruus, & captiuus & iumentum mali Angeli crudelissimi, cuius malitia explicari non potest, & aliorum Angelorum suorum:



& sic non solum est captiuus, immò captiuus captiuorum.

T I T V L V S C C X L V I I.

*De multiplici carcere & captiuitate hominis.*

**M**ulti autem sunt carceres hominis & captiuitates : Vnus carcer est corporalis, & hic est locus, in quo positus est nunc : alius carcer est spiritualis, in quo est propria voluntas hominis incarcerata ignoranter, & iste carcer est propria voluntas mali, Angeli, quæ quidem voluntas est carcer vniuersalis & generalis omnium voluntatum malarum, & omnium propriarum voluntatum creaturarum. Vnde ipse malus Angelus primò fecit istum carcerem, in quo ipsemet est incarceratus voluntariè : deinde sub isto carcere sunt omnes mali Angeli, & omnes homines habentes proprias voluntates. Sed alius est carcer *Spiritualis carcer peccatoris.* proprius & spiritualis ipsius hominis, scilicet sua met propria voluntas : quia illa proprietas, quæ est in voluntate hominis, est carcer & catena ligans, constringens, compeditans, incarcerans voluntatem hominis sub voluntate primi Angeli mali : & sic homo est captiuatus, incatenatus, vinculatus & compeditatus in seipso sub propria voluntate, & per hoc incarceratus maximo carcere spiritali ipsius Angeli, & hoc est pondus importabile & iugum ferreum, quod homo fecit sibi : quia nulla maior captiuitas, quàm captiuitas propriæ voluntatis, quæ est insatiabilis, & sic nunquam potest impleri, quia tendit ad infinita desideria, eò quia separata est ab vnitate Dei, & per ipsam diuiditur in tot partes, quot desideria habet : & semper euenit sibi malum, quia, si aliquando habet, quod vult, & gaudet : tunc est in culpa, quia gaudet contra Deum, & vult contra Deum : quia omne velle & desiderium, quod prouenit ex propria voluntate, malum est, & contra Deum, quia propria voluntas semper est contra Deum. Si autem non habet, quod vult, tunc est in pœna & tristitia. Et sic quocunque se vertat propria voluntas, semper habet vel malum culpæ, vel malum pœnæ. Sicut autem prima voluntas mala primi Angeli

*Esse in  
propria  
volunta-  
te esse  
in car-  
cere.*

mali est carcer spiritualis omnium malorum, vitiorum & voluntatum propriarum; ita voluntas Dei est patria spiritualis omnium bonarum voluntatum & communium. Et sic patet, quod esse in propria voluntate est esse in carcere & in captiuitate, in compedibus ferreis, & esse in seruitute, & esse incatenatum, & iumentum primi Angeli mali, & habere supra se pondus & onus importabile, & iugum ferreum, & habere in se radicem omnium malorum. Et per consequens esse extra propriam voluntatem, & esse sub voluntate Dei, est esse in patria, in vera libertate, & esse liberatum & redemptum à vera captiuitate & potestate primi Angeli mali, à suo carcere obscurissimo, & à compedibus ferreis, à catena ferrea, pondere importabili, & ab omni seruitute maligna, & ab omni tristitia, & ab omni malo, & à sententia & ira Dei, & à radice omnium malorum. Et sic proprietas in voluntate esse malum; & communitas in voluntate est esse bonum.

Ecce igitur ex prædictis colligitur, qualiter non sint nisi duæ primæ & principales voluntates, scilicet Dei, quæ est bona; & primi Angeli mali, quæ est mala: quæ nunquam fuerunt coniunctæ simul; sed semper voluntas primi Angeli est sub potestate Dei: & omnes aliæ voluntates coniunguntur, seu incorporantur cum duabus istis, & sequuntur istas duas, vel vnâ, vel aliam, nec est dare medium. Patet etiam qualiter primus Angelus malus dominetur hominibus, & homines sint captiui eius, & incorporantur cum eo. Et sic declarata & manifestata sunt mala tam humanæ naturæ quàm Angelicæ & origines & radices malorum. Si autem volumus magis in particulari prædicta videre, legamus librum scripturæ, in quo omnia, quæ in isto libro dicuntur & probantur & dicuntur per modum probationis: continentur per modum autoritatis, cui libro scripturæ sacre summè credere debemus, ut iam probatum est. Et sic tam per librum scripturæ quàm per librum creaturarum homo potest esse securus de veritate: quia vnus iuuat alium & fortificat. Multæ autem quæstiones sunt, quas homo debet quærere, sed sufficit, quod cognoscat illud, quod est in facto, & quod factum est, & quærat remedium in malis suis, & quod credat, quod Deus omnia bene fecit: & nihil mali imputet ei; sed totum homini, quia ita  
Deus

Deus omnia fecit , sicut fieri conueniebat : quia summè potens est , & summè bonus , & summè sapiens.

T I T V L V S C C X L V I I I .

*Quod malum & corruptio liberi arbitrij , & carnis, seu corporis contrario ordine se habent in primis parentibus totius humana natura : & in his, qui nascuntur ab eis.*

**Q**Voniam autem tota humana natura generaliter diuiditur in duas partes , vna pars est primus vir & prima mulier , qui ambo sunt radices & principia humanæ naturæ ; alia pars humanæ naturæ est tota posteritas , scilicet omnes viri & mulieres , qui venerunt ex ipsis per generationem naturalem. Et istæ partes differunt sic differunt : quia prima pars ; scilicet primus vir & prima mulier fuerunt formati totaliter per manum Dei in corpore & in anima sine aliquo instrumento & sine aliquo coadiuuante ; sed alia pars , scilicet tota posteritas aliter : quia caro , seu corpus generatur & nascitur ex Dei ordinatione ab ipsis primis parentibus ; & ipsa anima rationalis immediatè creatur & datur à Deo : quia anima rationalis est immortalis & indiuisibilis , & non potest prouenire nisi à Deo immediatè. Et ideo omnes postea nati sunt filij primi hominis & primæ mulieris per solam carnem & non ratione animæ : & omnis caro cuiuslibet hominis naturaliter generati , fuit in eis radicaliter : & ideo ratione carnis , & non ratione animæ : ideo sequitur , quòd totum malum & tota corruptio descendit & extenditur in totam posteritatem propter carnem corruptam. Et exinde sequitur , quòd malum & corruptio liberi arbitrij , & malum seu corruptio carnis contrario ordine se habent in primis parentibus , & his , qui nascuntur ex eis. Quia in primis duobus primò fuit malum & corruptio & perversitas in libero arbitrio , seu in anima rationali : & per illud venit malum & corruptio in carnem ; ita quòd malum voluntarium , seu liberi arbitrij fuit causa totius mali & corruptionis carnis , seu corporis , vt iam declaratum est : sed in omnibus posterioribus est totum per



#### 440 *De translatione peccati originalis.*

*Anima  
inficitur  
ex con-  
iunctione  
corporis.*

oppositum, quia malum & corruptio, carnis, est causa mali & corruptionis animæ, seu liberi arbitrij: quia Deus creat animam bonam & puram & non corruptam: sed quia caro, cui coniungitur est corrupta & infecta & generata libidinose contra modum debium, & tota mortalis, languida & infirma & rebellis rationi, plena concupiscentiâ inordinata: deo anima cum sociatur cum tali corpore & carne rebeli, turpi & mortali, inficitur, corrumpitur, & pervertitur, & totaliter trahitur ad concupiscentiam carnis, & sequitur concupiscentiam eius: quia oportet, quod postquam anima est coniuncta carni, & unita, quod trahat ipsam, vel quod trahatur ab ipsa, & anima non potest trahere carnem tam rebellem, infirmam, languidam in concupiscentiis suis ratione mortalitatis: ideo necesse est, quod trahatur à carne, & incurrat suam infectionem & corruptionem. Ideo anima efficitur mala, turpis, perversa contra Deum, & odibilis Deo, & tota inordinata, & hoc manifestatur postea, quando anima utitur libero arbitrio: quia ignorat Deum, à quo est, & ignorat seipsam, & suum bonum, & suum malum, & habet propriam voluntatem, quæ semper est contra Deum, & contra suum debitum naturale, & semper iniuriat & offendit Deum: & omnia ista mala contrahit ex societate carnis maculatæ in ordine ad Deum, quia Deus non fecit talem carnem immundam, sed mundam.

*Anima  
habet  
duos sta-  
tus in  
carne.*

Anima autem habet duos status in carne. Vnum primò antequam possit uti libero arbitrio, & velle aliquid propria voluntate: & tunc iam est immunda & corrupta & turpis & odibilis & mala & iniusta apud Deum, quamvis nihil mali fecerit: quia non potuit adhuc & hoc propter societatem carnis maculatæ, quæ est de genere primi hominis corrupti, inimici Dei, qui actualiter iniuriavit & offendit eum: à qua carne anima contrahit radicaliter & originaliter istam perversitatem, istam inordinationem & istam inclinationem, per quam efficitur apta, ut quando utitur propria voluntate, operetur contra Deum ad suam iniuriam & offensam. Et sic anima maculatur & incurrit vitium, ipsa nesciente, & imputatur ei illa corruptio & macula, quamvis non sit voluntaria. Alius autem status animæ est, quando iam utitur libero arbitrio & propria

## *De traductione peccati originalis. 441*

pria voluntate : & tunc quia liberum arbitrium est corruptum & voluntas peruersa & mala & vitiosa : iam actualiter per se ipsam facit malum , & non potest facere nisi malum , & voluntariè facit malum , & semper operatur contra Deum. Et ideo efficitur peior & turpior , & magis in odio Dei : quia propria voluntate facit malum , & crescit sua corruptio , & totum imputatur ei à Deo. Si enim malum , quod contrahit à carne ipsa nesciente , imputatur ei à Deo , quantò magis quod ipsa propria voluntate facit ?

Et sic anima habet duo mala , vnum originale , quod ipsa non facit ; aliud actuale , quod ipsamet facit : & vtrunque imputatur homini : & ideo vtrumque est malum culpæ : & sic est culpa originalis , & culpa actualis : sed primi parentes non habuerunt in anima nisi malum actuale , quod ipsi fecerunt. Propter primum malum originale , quod anima non fecit , sed contraxit ex societate carnis ignoranter & inuoluntariè , anima est digna separari æternaliter à consortio Dei ; sed non debetur ei dari per iustitiam aliquod malum inuoluntarium , nec aliqua pœna sensibilis ; sed propter secundum malum , scilicet actuale , quod anima voluntariè facit , debetur ei malum inuoluntarium , seu pœna æterna. Et in hoc apparet qualiter iustitia Dei est strictissima & incomprehensibilis : quia animæ imputatur malum corruptionis , quod ipsa non fecit , sed aliunde contraxit : & hoc apparet ad oculum. Et sic patet quomodo in primis duobus parentibus malum & corruptio carnis prouenit originaliter à malo & corruptione liberi arbitrij , seu animæ ; sed in tota posteritate malum & corruptio liberi arbitrij , seu animæ prouenit originaliter à malo & corruptione carnis , & hoc ita est in facto. Ecce ergo ordinem omnium malorum , seu culparum , & peccatorum naturæ humanæ : quia omnia mala , omnes culpæ & omnia peccata totius mundi & omnium hominum , orta sunt à primo malo , à prima culpa , & à primo peccato primorum parentum. Vnde primò fuit malum voluntarium ipsorum , quod fuit actuale , deinde in omnes homines descendentes ab eis per libidinem de lege communi est vnum malum culpæ originalis , seu peccatum originale : & quot homines , tot peccata originalia : deinde post peccatum origi-

*Duo sunt peccata, scilicet originale & actuale.*



## 442 *De translatione peccati originalis.*

*Infectio  
originalis  
non  
imputatur  
Deo.*

nale in quolibet homine peccata actualia multiplican-  
tur sine numero : & sic totus mundus est plenus pec-  
catis. Licet autem Deus creet animam , & uniat eam  
cum carne infecta ; tamen infectio animæ nullo modo  
potest imputari Deo , nec est contra iustitiam Dei , si  
malum culpæ & corruptionis transit ad posteros: quo-  
niam ordinatissimum erat , quod natura hominis ita  
conderetur, sicut condita fuit à principio : & quod  
condita ita propagaretur, scilicet quod homo genera-  
ret corpus, seu carnem, & Deus infunderet animam  
illi carni præparatæ ad receptionem animæ rationalis:  
ita quod unita corpori immortalis, & sibi obedienti es-  
set debite ordinata, & nulla inclinatio mala, nec ali-  
quod vitium, seu corruptio esset in ea, quia caro esset  
munda. Sed ex quo primus homo peccavit, & caro sua  
facta est rebellis animæ, & tota mortalis & corrupta,  
oportuit, quod tale corpus transmitteretur ad poste-  
ros, & quod Deus animam infunderet secundum pri-  
mariam institutionem, quam ipse ordinaverat : ita  
quod quamvis homo corruperit opus suum, scilicet  
corpus, Deus propositum suum, nec ordinem mutare  
non debuit : quia homo per iustitiam debitam incur-  
rit mortalitatem carnis, ex qua mortalitate sequitur  
rebellio & corruptio in carne. Quia si esset immor-  
talis, nulla esset corruptio, nec inordinatio in ea. Et  
ideo quia punitio est in carne secundum ordinem iu-  
stitiæ, Deus propter corruptionem carnis debuit suum  
ordinem non mutare primum, nec propositum bo-  
num, scilicet quin debeat creare animas mundas, &  
sociare eas corporibus, in quibus dum inveniunt cor-  
ruptionem, exinde trahunt corruptionem : hoc est  
non ex Deo, qui creat animam sine corruptione; sed  
ex homine, qui est causa corruptionis corporum: quia  
culpa & corruptio originalis in animam non posset  
transfundi, nisi processisset in carne pœna mortalitatis  
& rebellionis : & pœna talis non esset, nisi culpa præ-  
cessisset : & ipsa culpa & corruptio voluntaris processit  
à voluntate hominis inordinata, & non à voluntate  
Dei. Et ideo tota corruptio, quam contrahit anima,  
est & procedit à peccato primi hominis, & non à Deo,  
nec à natura hominis condita à Deo, sed à vitio &  
corruptione voluntatis primi hominis. Et ideo ipsa  
propagatio, seu generatio in se non transmittit in po-  
steros



steros corruptionem, qua corrumpitur anima; sed ipsa libido, quæ est adiuncta cum propagatione: quæ quidem libido habet ortum à corruptione voluntatis, quando etiam ante peccatum esset propagatio & generatio, sed non esset libido. Ecce declarauimus lapsum, corruptionem & malum naturæ humanæ, & vidimus totum statum suum, in quo est: Et ita habemus scientiam tam de debito, quam de facto ipsius hominis.

T I T V L V S C C X L I X.

*Quid necessarium est homini lapso, perduto & deuiato, si debeat, & velit reduci, & exire de statu perditionis, & peruenire ad illum bonum, propter quod factus est, quod perdidit.*

**M**Anifestum est ex præcedenti tractatu, in quo statu factus fuerat homo à Deo, & in quo statu cecidit, quando perdidit illud bonum vltimum, propter quod factus fuerat, scilicet gaudium æternum, quod oritur de amore Dei & societate eius: & perdidit etiam regnum cæleste & hæreditatem Dei, & sic perdidit infinitum bonum, ad quod habendum factus fuerat. Et non solum hoc, sed etiam vadit & currit ad infinitam & æternam tristitiam, propter quam factus non erat: tendit ad malum perpetuum, & ad æternam pœnam & miseriam. Et quia in talem statum lapsus est, vt omnia illa mala finaliter adueniant ei, postquam separatus est à Deo & ab amicitia eius, & lucratus est inimicitiam Dei & iram eius: & sic de facto homo incurrit omnia mala, quæ declarata sunt in capitulo de fructu, qui nascitur ex duobus amoribus primis: quia habet in se radicem omnium malorum. Item etiam homo in statu lapso, in quem cecidit, est captiuus inimici capitalis Dei, & captiuus primi Angeli mali, qui vocatur diabolus, & seruit ei, & est seruus eius, & facit voluntatem eius, vt iam declaratum est: ita quòd homo non seruit Deo, qui Tit. 147. creauit eum, nec facit voluntatem eius, immo contra voluntatem eius, & seruit nequissimo Angelo, qui Tit. 246. non creauit eum, & facit voluntatem eius. Et sic homo in statu lapso & corrupto semper augmentat malum suum, & acquirit culpas, & seruit abomina-  
tioni

tionem & corruptionem, & per hæc seruit diabolo. O quàm bonum & delectabile esset homini exire de isto statu lapso & corrupto ad statum bonum & integrum & iocundum, ac de captiuitate exire nequissimi Angeli & proditoris ad libertatem, & reuocari de via, quæ tendit ad perpetuam tristitiam & damnationem æternam! O quàm iocundum esset homini reuerti à via iræ æternæ & damnationis perpetuæ, & introire in viam salutis & iocunditatis & libertatis æternæ! Magna est diuersitas æternæ tristitiæ & æternæ lætitiæ. Nonne esset summum gaudium habere omnem voluntatem, & habere plus quàm potest excogitare & capere, & habere Deum & dominum cæli & terræ in amicum dilectissimum, & omnes Angelos & Spiritus beatos? O quantum homo esset obligatus illi, qui eum de tali statu eriperet & liberaret, & poneret eum in statu contrario, scilicet in statu æternæ, iocunditatis, lætitiæ ac libertatis: & liberaret ipsum de seruitute diaboli & omnium malorum, & defenderet ipsum, ne aliquis posset ipsum lædere, aut ei displicere, & eriperet eum ab ira Dei, & eius iustitia, & poneret eum in amicitia Dei & propria libertate!

*Quis possit reformare hominem.*

*Restauratio hominis est maior quàm creatio eius.*

Sed quis esset ille? Nunquid homo-met, an Angelus? Non homo: quia homo est captiuus in culpa iustitiæ & in carceribus huius mundi, qui est iudicandus tanquam reus & captiuus sub diabolo & in ira Dei. Nec etiam aliquis Angelus potest hoc facere: quia Angelus est finitus: ergo non potest infinitum soluere. Si enim culpa est infinita, quia Deum infinitum offendit, sequitur, quod etiam pœna debet esse infinita: & quia pœna sequitur culpam. Sic Angelus, nec creatura pura potest, sed solum Deus, qui hominem creauit, potest eum etiam reformare. Nam plus est hominem restaurare, quàm de nouo facere. Et hæc est ratio. Nam in creatione nihil resistit, quin creatura obediat creatori: in restauratione siue reformatione resistit culpa & pœna, ac etiam voluntas corrupta. Ergo si nullus potest creare hominem de nouo, sequitur, quod etiam eum nullus potest reformare nisi solus Deus. Quia si non potest quod minus est, etiam non potest quod maius est. Ergo relinquitur, quod solus Deus potest: quia si Deus non fecerit, nullus potest. Sed quia Deus est iniuriatus & offensus ac inhono-



inhonoratus ab homine & contemptus, & sic homo est in ira Dei, & etiam in indignatione eius: & etiam quia Deus est iudex, & ipse est ipsa iustitia, cui facta est iniuria: quomodo ipse eum liberabit à manu suæ iustitiæ, cum iustitia sit iniuriata, offensa & contempta? Quomodo enim iustitia faciet contra seipsam, cum ipsa debeat ex natura sua vindicare & punire? Ergo nisi iniuria & offensa Dei, quæ est facta per hominem, tollatur & destruatur, per quam homo est inimicus Dei, & iustitia Dei sit placata & reconciliata, non est remedium, quo homo possit liberari à malis suis. Quamdiu enim iniuria manet in suo vigore, impossibile est, quòd homo recuperet Dei amicitiam: quia amicitia & ira sunt duo contraria, quæ non possunt stare simul in vno subiecto. Inuestigandum est nunc quomodo iniuria possit tolli & auferri, quoniam ipsa semper separat hominem à Deo: quia homo, qui existit in iniuria & offensa Dei, habet cum Deo inimicitiam; & ideo iniuria claudit homini viam & portam intrandi ad Deum, & facit ne ipse sit aptus intrandi in regnum cæleste: propter quod factus est. Vnde prima iniuria & offensa primorum duorum hominum, in quibus consistebat tota humana natura, quæ iniuria fuit generalis toti humanæ naturæ, clausit portam omnibus filiis eorum, vt nullus possit ingredi in cælum, quia omnibus imputatur. Ideo nisi illa vniuersalis offensa destruatur, impossibile est hominem restitui ad illud bonum, propter quod factus est. Sed præter istam offensam generalem sunt etiam offensæ particulares & personales aliorum hominum: quia in quolibet homine descendente à primis duobus parentibus per libidinem quantum de se est vna culpa generalis & originalis, quam Deus imputat animæ propter societatem, quam habet cum corpore, & ista culpa claudit etiam portam, ne quis possit ingredi vitam æternam. Ecce ergo duas clausuras & duo obstacula prima. Ultra istas duas clausuras in quolibet homine sunt innumerabiles offensæ & iniuriæ personales & actuales, quas quilibet facit per se voluntariè, & quælibet istarum etiam claudit portam, & quælibet iniuria & offensa facit etiā clausuram vnā per se, & claudit portā.

Et

*Quomodo possit  
reduci  
homo.*



*Calum  
clandi-  
tur tri-  
bus ho-  
minibus.*

*Infratit.  
261.*

Et sic veraciter possumus dicere faciendo tres partes in natura humana: quia pro primis duobus fuit clausura propter iniuriam propriam, secundò nobis propter eorum culpam, & tertio propter nostrammet culpam. Paruulis verò non habentibus vsum rationis clauditur tantum propter peccata primorum parentum, & culpam peccati originalis, quam contraxerunt propter carnem corruptam; sed hominibus habentibus vsum liberi arbitrij clausa est porta tam propter peccata primorum parentum, & propter peccatum originale, quàm etiam propter iniurias & offensas personales, quas fecerunt per propriam voluntatem. Et ideo quamvis in homine adulto & magno essent deletæ & destructæ iniuriæ propriæ & personales, adhuc remaneret culpa primorum parentum & peccatum originale: & sic adhuc maneret porta clausa propter offensam primorum parentum. Et ergo si homo, siue paruulus sit, siue adultus, debeat peruenire ad illud bonum, propter quod factus est, scilicet ad amorem & vnionem cum Deo: oportet, quòd ipse sit mundatus à culpa & peccato primorum parentum, deinde ab aliis personalibus culpis. Et ideo tota difficultas reparationis consistit in auferendo & tollendo iniurias Dei & offensas, quæ intrauerunt in humanam naturam, quæ antea non erant & modò sunt. Postquam enim offensa est commissa, oportet, vt tollatur de medio, vt non sit: quia aliter non possunt homines laudari.

### T I T V L V S C C L.

*Qualis & quàm magna est obligatio hominis pro  
iniuria & offensa Dei.*

**Q**Voniam autem non possumus scire qualiter auferatur & tollatur iniuria & offensa Dei, quam fecit homo, nisi cognoscamus naturam & pondus offensæ, & ipsius conditionem, & quid & quantum est iniuriare & offendere Deum, & ad quid & ad quantum se obligat homo pro illa iniuria: ideo oportet etiam hoc cognoscere. Vnde natura & conditio iniuriæ & offensæ est, quòd ipsa crescit & augmentatur tantum, quantum persona, quæ est offensa, est magna, vt dictum fuit de voluntate & amore. Et ideo quia Deus est infinitus in sua potestate & maiestate sua, & in sua bonitate, quæ sunt

*Tit. 100.  
&c.*



sunt inæstimabilia, sequitur, quòd iniuria & offensa facta contra Deum est infinita & inæstimabilis: & idem est de contemptu Dei. Et ideo qui iniuriat & offendit Deum, & contemnit eum, obligat se Deo ad infinitum: & per consequens ad pœnam infinitam & punitionem, quæ debetur iniuriæ. Item etiam quia iniuria ipsa & offensa Dei & contemptus destruit Dei honorem & lædit eius honorem, quantum in ea est, & aufert ipsum: & quia honor Dei est infinitus, & excedit omnes creaturas: quia omnes creaturæ sunt propter honorem Dei, & quia honor Dei non capit æstimationem: quia est tantus, quantus est ipse, vt declaratum est in capitulo de honore Dei: ideo sequitur, quòd homo, qui iniuriat & inhonorat Deum, & aufert honorem Dei, quòd talis iniuria sit infinita, & homo obligatur Deo in infinitum, & ad tantum quantum valet honor suus: & quia plus aufert Deo, quàm si auferret ipsi omnes creaturas. Item etiam si homo voluntatem Dei fecisset, extunc infinitum bonum & infinitam mercedem meruisset. quia talis naturæ est liberum arbitrium, quòd debet remunerari: quia actus liberi arbitrij sunt tales de natura, quòd causant obligationem. Vnde qui facit placitum alicuius, obligat ipsum sibi: & qui facit contrarium, obligat se sibi: & illi obligatur, cui fit displicitum. Sic qui facit placitum Deo, obligat Deum sibi, vt det sibi infinitum bonum: quia nulla res creata potest esse remuneratio liberi arbitrij; immò qui facit placitum Deo & acceptabile, meretur habere Deum pro remuneratione. Ergo per oppositum qui facit displicitum Deo & iniuriam, & contra suam voluntatem, obligat seipsum Deo ad infinitum, & ad tantum, ad quantum obligaretur Deus ei, si faceret voluntatem eius: non enim videtur ratio diuersitatis. Ex istis concluditur, quòd homo quādo facit iniuriam & offensam & displicitum Deo, & contra suam voluntatem, quod tunc facit infinitum malum. Et sic fecit homo plus de malo, quàm Deus sibi fecerat de bono: & malum superauit bonum: quia quicquid fecerat Deus homini, hoc erat finitum. Et sic verissimè patet, quòd quando homo offendit Deum: fecit obligationem infinitam nouam. Et sic in rei veritate sunt duæ obligationes in homine. Prima est naturalis, & de iure naturæ, quæ iam probata est, & per istam obligatur homo Deo dare

*Tit. 181.*

*Peccans obligat se Deo in infinitū.*

*Dua obligationes peccatoris.*

*Titu. 96. Titu 97.*

quicquid



quicquid habet & quicquid potest & ista obligatio est bona, quia tendit ad bonum hominis ex toto, ut iam probatum fuit clarissimè. Secunda obligatio est, quam fecit homo pro malo, quod fecit, & pro iniuria & offensa & pro crimine: & ista est mala & pessima, & tendit ad totum malum hominis. Et ista secunda & noua non aufert primā, quæ est naturalis & indelebilis & permanens semper. Et ideo homo tam pro prima obligatione, quàm pro secunda est obligatus Deo. Et tamen homo non potest soluere, nec reddere Deo, quæ debet Deo, nec pro prima, nec pro secunda: quia non potest Deo reddere totum amorem suum, nec timorem, nec honorem, nec obedientiam, nec voluntatem Dei facere: quia corruptus est & mutatus in contrariū suæ naturæ & ipsemet fecit se talem, ut non possit Deo facere quod debet; & tamen semper debet, & sic debitum semper manet, nec excusatur: quia tenetur: & si non potest, ipsemet est in causa & in culpa, quare non potest. Item nec potest reddere pro secunda obligatione, quæ est pro crimine & iniuria & contemptu: quia est infinita & infinitum debet Deo, ut iam dictum est: & homo non potest soluere infinitum, cum sit finitus: & etiam si quid posset Deo reddere, hoc totum debet pro prima obligatione naturali; & tamen non excusatur, quia soluere non potest, ut dictum est: quia ipse per se fecit secundam obligationem.

*Eodem  
tit.*

*Obliga-  
tio pœna-  
lis sem-  
per cre-  
scit.*

*Tit. 181.*

Istæ autem obligationes sic se habent, quòd quando homo non soluit, nec reddit Deo quod sibi debet secundum primam obligationem: tunc secunda obligatio multiplicatur: quia prima est iustissima, & iustè debetur secundum illam obligationem. Et ideo qui non soluit, neque reddit Deo quod suum est: & aufert ei suum debitum, iniustus est, & iniuriam facit Deo, & per consequens peccat, & offendit ipsum, & eum inhonorat & contemnit, & est in culpa. Vnde iam declaratum est in capitulo de honore, quòd quicquid homo facit Deo, semper ipsum honorat, vel inhonorat: & ideo quando reddit ei illud quod debet, tunc eum honorat; & quando non reddit ei illud, quod debet, tunc eum inhonorat: quia aufert ei illud, quod debet, & ideo cadit in offensam Dei. Et sic obligatur Deo de iniuria & contemptu, & facit ei obligationem ad infinitum cum qualibet iniuria & offensa. Et sic necesse



neceſſe eſt , quòd ſi homo non ſoluit quod debet ſecundum primam obligationem , quòd cadat in ſecundam , quæ eſt magis infinita , quàm prima : & tunc quando ſecunda obligatio eſt facta , tunc prima poteſt ſolui : quia quicquid homo poſſet , hoc totum debet pro ſecunda. Et ſic prima obligatio ſi non ſoluitur , cauſat ſecundam : & ſecunda ſi ſit ſoluta , impedit primam , ne poſſit ſolui. Exemplum. Si homo debens ſaneratori centum denarios ad certum tempus cum condicione , quòd ſi illo die non ſoluerit , quòd tunc duplum dabit : & ſic multiplicando , donec debitor non poſſit ſoluere uſuram : & ſi uſuram non poterit ſoluere , quomodo ſoluet principale debitum , ſcilicet illos centum denarios ? Sic etiam hic quia primum debitum cauſat ſecundum , quod multum excedit primum : & homo eſt debitor pro utroque iuſtè , & in neutrum poteſt ſoluere. Ecce quomodo malum , quod homo facit , & offenſa obligat ipſum ad infinitum . & homo fit ſubiectus malo , quod ipſemet fecit, Et ſic malum & iniuria dominantur , homini , & ponunt ipſum in manum iuſtitie , & ei dominantur : eumque inclinant ad ſimile agendum : quia malum perpetratum vult ſemper crefcere & multiplicari : & non poteſt crefcere , niſi homo faciat ipſum crefcere. Et ſic homo poſtquam cecidit in poteſtatem ipſius mali, ſeu peccati, efficitur ſeruus peccati, & ponitur ſub iugo & eius ſeruitute , vt non poſſit euadere manus ſuas. Et quia ipſum malum multiplicat , ſeiſipſum poſtquam inceptum eſt ; ſic etiam multiplicat obligationem continuò. Et ſic terribiliſſimum & peſſimum eſt cadere in peccatum & in manus mali : quia obligatio eſt maxima , in quâ ipſum hominem ponit, Et ſic patet quanta eſt obligatio hominis pro peccato, & qualiter ipſum peccatum cauſat ſecundam obligationem in natura humana. Et ideo in ſtatu lapſo homo ſemper multiplicat malum , iniurias & offenſas contra Deum , & multiplicat & crefcere facit ſecundam obligationem : & ſic nihil facit de prima obligatione. Ecce declarata eſt modò , qualiter homo eſt obligatus duabus obligationibus ſed tamen ſecunda multiplicatur in quolibet homine ſecundum quòd multiplicantur peccata , & iniurie contra Deum. Et ſi pro qualibet offenſa debeat infinitum ſoluere , quomodo poſ-

*Malum  
domina-  
tur ho-  
mini.*

450 *Quod oporteat Redemptorem*  
set soluere pro pluribus offensis?

T I T V L V S C C L I.

*De magnitudine primæ offensa & primi mali primorum  
duorum hominum, & quanta sit obligatio.*

**Q**Voniam autem offensa primorum parentum est prima inter omnes in natura humana; ideo necesse est in speciali tractare de illa & videre magnitudinem illius primi mali & obligationem pro illo malo. Vnde quia maior & dignior res est liberum arbitrium & voluntas libera: ideo nullum maius malum, quam malum voluntatis & liberi arbitrij, & modicum malum est ibi magnum. Et quia omnes creaturæ erant factæ propter liberum arbitrium hominis ad seruendum ei: quia ita exigebat dignitas & excellentia liberi arbitrij: ideo quia homo corrumpit liberum arbitrium, destruxit & violauit totum ordinem vniuersitatis creaturarum: quia perdidit seipsum, ita vt nil valeret: & in perdendo seipsum totum ordinem rerum turbauit: quia homo erat dignissima creaturarum, quæ ornabat & decorabat totum vniuersum: & sic non sibiipsi nocuit tantum, sed totum vniuersum deformauit in pulchritudine ordinis, quem Deus posuerat in mundo: & quantum in eo fuit, frustraui omnes creaturas: & sic voluit honorem Dei violare & annihilare destruendo suum ordinem & pulchritudinem sui ordinis. Ecce magnum malum, & hoc fecit voluntariè, & est in culpa met. Item etiam perdendo seipsum, frustraui intentionem Dei, quantum in eo fuit: vt nihil amplius valeret ad illud, quod Deus intendebat facere de homine. Et quia fregit præceptum Dei fortissimum sibi sub maxima pœna, scilicet mortis mandatum, consensiendo inimico Dei & faciendo eius voluntatem, & contemnendo mandatum Dei & comminationem eius; & tamen ipse non poterat ignorare illum, qui suadebat ei, vt frangeret mandatum Dei, esse inimicum & aduersarium Dei: quia audiuit loqui contra mandatum Dei, & audiuit Deum reputari mendacem, cum dixerat nequaquam; sed eritis sicut dii, &c. Et sic inhonorauit Deum sine mensura, faciendo sui inimici voluntatem, & faciendo contra voluntatem Dei. Item etiam quia non solum seipsum perdidit & se subtraxit  
à ser



à seruitio Dei & à sua obedientia, & posuit se sub manu inimici Dei; immo & se subtraxit & totam suam posteritatem à seruitio Dei, & obligauit eam sub manu diaboli, & sic augmentauit honorem diaboli, & destruxit honorem Dei quantum in eo fuit. Ecce ergo quod per primum peccatum ordo vniuersi fuit violatus, & sua pulchritudo deuastata & deturpata, & in hoc honor Dei fuit læsus, qui fecit pulchritudinem & ordinem creaturarum: & etiam Deus in suo mandato & præcepto est contemptus & inhonoratus, & suus aduersarius honoratus. Etiam factum est magnum malum seruatoribus Dei: quia diabolus acquisiuit omnes homines, & Deus eos perdidit. Ecce quanta damna & quanta iniuria: ecce quanta obligatio est ad reparandum & satisfaciendum pro illis & pro honore violato. Quomodo autem potuerunt reparari omnia ista? Impossibile est enim, quòd homo satisfaciat & tamen ipse debet.

TITVLVS CCLII.

*Quod omnis homo si vult & debet liberari ab illa obligatione infinita, & restitui ad illud bonum, propter quod factus est, indiget satisfactione infinita, quam non potest facere, nec soluere nisi persona infinita, quæ simul sit Deus & homo in eadem persona, quæ pro seipsa nulli pœna sit obligata.*

**I**Am autem declaratum est, quòd malum voluntarium Tit. 200.  
hominis, quod fecit, est infinitum, & culpa hominis est etiam infinita & iniuria & offensa: & quia culpæ infinitæ debetur pœna & punitio infinita: & hoc declaratum est in capitulo de comparatione hominis ad alias res per differentiam liberi arbitrij. Et nisi culpæ detur debita pœna, esset dare vacuum in vniuerso, quod natura non patitur, nec Deus qui omnes creaturas ordinat rectè, & nihil relinquit inordinatum in vniuerso. Et ideo de necessitate homo est obligatus ad infinitam pœnam, & per consequens ad æternam pœnam. Si autem homo debeat iussè liberari ab ista pœna infinita & æterna, necesse est, quòd satisfaciat pro ea, & quòd satisfactio sit tanta, quanta pœna est, ad quam obligatur: & det tantum Deo de suo voluntarie & sponte, pro quanto non debuit Deum offendere.

*Titu. 82.*



## 452 *Quod oporteat redemptorem*

re, neque inhonorare. Et quia homo non deberet Deum inhonorare, & iam, si necesse esset, perire omne quod non est Deus: & si necesse esset, perire infinitos mundos; immò homo potius deberet dimittere perire omnes creaturas, quæ sunt, seu possunt esse, antequam inhonoraret & iniuriaret Deum, & faceret aliquid contra suam voluntatem & contra suum mandatum. Pro conseruanda ergo omni creatura nihil deberet homo facere contra voluntatem Dei: Vnde Deus fecit omnes creaturas de nihilo. Facere ergo contra voluntatem Dei non est comparabile alicui damno, seu inhonorare Deum. Igitur si homo vult liberari à pœna, ad quam est obligatus propter offensam & iniuriam Dei: & quia Deum iniuriauit & inhonorauit, oportet, quod reddat aliquid Deo, & suæ iustitiæ per honorem, quem abstulit maius quàm sit illud, pro quo non debuit Deum inhonorare, nec facere contra suam voluntatem, nec aliter satisfacit. Apparet ergo quod satisfactio, quam homo debet dare Deo, ut liberetur, sit infinita, quia pœna est infinita, & debitum infinitum: & si non soluit debitam satisfactionem, non est dignus, nec debet liberari à pœna, quam debet: quia necesse est, quòd ad omne peccatum & culpam, aut sequatur pœna, aut satisfactio; aliter esset inordinatio in vniuerso: quia ipsa pœna, seu satisfactio ordinat peccatum, seu ipsam iniuriam: & quia etiam culpa non destruitur nisi per suum contrarium, scilicet per meritum: nec offensa, seu displicium non remouetur, nisi per placitum, ideo oportet, quòd homo, ut destruat culpam, faciat aliquid meritum, quod sit tantum, quanta fuit culpa, seu peccatum: & ut destruat displicium Dei, oportet, quòd faciat Deo tantum placitum, quantum fuerat displicium; aliter culpa & iniuria remanerent in suo vigore, nec homo posset Deo reuniri, neque reconciliari, nisi illud tollatur de medio, quod impedit eorum vnionem. Igitur ad recuperandam amicitiam Dei perfectam necesse est, quòd reddat Deo infinitam satisfactionem propter obligationem infinitam: & quod hoc faciat Deo magis placitè, quàm displicuit sibi. Ergo necesse est, quod talis satisfactio sit voluntaria, libera & amorosa, procedens de intimo cordis affectu, de optima voluntate sine aliqua coactione & sine violentia; aliter

*Quod  
satisfactio de-  
bet esse  
voluntaria.*

aliter satisfactio non esset acceptabilis Deo, nec  
 tolleretur iniuriā, nec per consequens vniret & coniungit hominem cum Deo, nec tollit inimicitias;  
 nec Deum placat. Non potest ergo homo sine tali  
 satisfactione voluntaria liberari à sua obligatione  
 neque restitui ad illud bonum, propter quod  
 factus est, neque Deo reconciliari. Et quia nullus  
 homo, qui est obligatus & debitor pœnæ infinitæ,  
 potest satisfacere, nec pro se, nec pro alio, nec potest  
 habere talem satisfactionem infinitam: quia nec omnes  
 homines insimul, nec infiniti mundi, si essent, possent  
 satisfacere pro tali debito, neque quicquid est citra  
 Deum, nec aliquis homo purus, nec omnes insimul,  
 cum sint obligati ad pœnam infinitam, possent soluere  
 tantum debitum, nec facere Deo tantum seruitium voluntarium  
 quod destruat & vincat iniuriā iam factam:  
 & hoc maximè, quia quicquid possent facere, totum  
 iam debent, & sunt in debito; sed talis satisfactio debet  
 fieri de aliquo, quod non sit iam debitum Deo,  
 neque Deo obligatum. Ideo concluditur, quòd cum  
 illud, quod debet homo soluere Deo pro satisfactione,  
 debet esse maius, quàm quicquid est citra Deum: &  
 hoc non est nisi Deus: sequitur ergo, quòd nullus potest  
 facere istam satisfactionem, nisi Deus: & nullus debet  
 & tenetur facere, nisi homo: ergo oportet, quòd ille,  
 qui faciet, sit Deus & homo: ita quod sit vna  
 & eadem persona, quæ sit Deus & homo: ita quod  
 non sit alius Deus, & alius homo: ita quod non sint  
 duæ personæ; sed ita coniungantur duæ naturæ, scilicet  
 Dei & hominis, vt idem sit Deus, qui est homo.  
 Nam si aliter coniungantur, impossibile est, quòd satisfactio  
 fiat: quoniam si sit alius Deus, & alius homo: tunc  
 Deus faceret quod non debet, & homo faceret quod non  
 potest. Vt igitur hanc satisfactionem faciat Deus & homo,  
 oportet eundem esse perfectum Quod Deum & perfectum hominem: quoniam eam non potest  
 facere nisi verus Deus: & eam non debet facere nisi verus  
 homo. Item si satisfactio debet fieri & homo liberari,  
 necesse est inuenire Deum & hominem, seruata vtraque  
 natura in sua integritate: & necesse est has duas naturas  
 coniungi in vnā personam; sicut corpus & anima rationalis  
 conueniunt in vnum hominem.



#### 454 *Quod oport. redemp. esse Deum.*

*In Chri-  
sto inue-  
nitur me-  
ritum &  
placitum  
infinitū.*

minem ; quoniam aliter fieri non potest , vt idem ipse sit Deus perfectus & perfectus homo. Et tunc talis persona erit infinita, & etiam tunc talis persona habebit in se aliquid , quod superabit quicquid est citra Deum , & erit maius quam omne debitum , quod deberent soluere omnes homines pro satisfactione. Et cum talis persona nihil pro se debeat , quia ita oportet esse , quod nihil pro se debeat : & sic poterit soluere pro omnibus , qui non possunt reddere , quod debent, quia non habent. Igitur extra talem personam non potest inueniri satisfactio infinita, quam homines debent ad debitum infinitum, In sola igitur tali persona potest inueniri illud, quo homo indiget. Vnde talis persona poterit habere meritum infinitum , & etiam poterit facere placitum infinitum dupliciter : primò quia Deus , secundò quia erat persona infinita ex parte Dei, cui fiet placitum , quia omne placitum & acceptum Deo est infinitum. Et sic duobus modis meritum seu placitum, quod poterit facere, erit infinitum. Sed culpa hominis , seu iniuria & offensa fuit solum infinita vno modo, scilicet ex parte Dei, contra quem facta est, & non ex parte facientis : & ideo meritum, seu factum placitum talis personæ infinitæ erit maius : & sic vincet & destruet totaliter & superabit omnem culpam, & omne demeritum , & omnem iniuriam , & omnem offensam , & omne displicitum , quod est contra Deum ex parte hominis. Ergo si talis persona infinita det aliquid de suo pro hominibus ad satisfaciendum pro eis iustitiæ Dei, & hoc cum bona voluntate , cum intimo cordis affectu : tunc satisfaciet Deo totaliter, & tollet iniuriam & offensam omnem. Sic ergo habemus iam dictum quæ sunt necessaria, & quibus indiget homo, si velit, & debeat liberari. Primum est satisfactio infinita voluntariè facta : Secundum est persona infinita , quæ simul sit Deus & homo.

#### T I T V L V S C C L I I I.

*De conditionibus , quas debet habere talis persona infinita , quæ est necessaria pro satisfactione.*

**E**T quia natura humana indiget pro sua liberatione tali persona infinita , quæ simul sit Deus & homo : ideo vltcrius considerare & inuestigare debemus de  
con

conditionibus necessariis, quas debet habere ista persona, quæ conueniant satisfactioni: quoniam si non habeat omnes conditiones, quæ requiruntur ad satisfactionem, non satisfaceret pro hominibus: & ideo oportet, quod sit proportionata satisfactioni, sicut homo indiget. Et ideo oportet, quod sit de genere istius hominis, qui est obligatus ad pœnam infinitam, & non sit de nouo factus, sicut primus homo: quoniam si non sit de genere primi hominis, qui est debitor: tunc homo, qui est Deus in quantum homo non pertinebit ad genus humanum, nec ad homines descendentes à primo homine, qui fecit offensam. Quare sequitur, quod non debet satisfacere pro illo, quantum erit de illo. Sicut enim iustum est, vt pro culpa & offensa omnis homo satisfaciatur: ita etiam oportet, quod satisfaciens sit idem cum eo, qui obligatus est. Oportet enim, quod sit eiusdem generis; aliter nec primus homo, nec genus ipsius satisfaceret pro se. Ergo sicut de duobus primis hominibus obligatio in omnes homines descendit: ita nullus, nisi qui de ipsis nascitur, debet satisfacere pro illa obligatione hominum. Oportet ergo quod ille homo, qui satisfaciet, nascatur de genere primi hominis: quia hoc requirit satisfactio. Vltius oportet, quod talis homo, qui satisfaciet pro humano genere, concipiatur & generetur mundissime, scilicet sine libidine & sine corruptione, & ideo sine coitu. Vnde quia iam declaratum fuit, quod membra genitalia tam in viro, quam in muliere sunt membra inobedientiæ, & quod mouentur contra rationem, & ideo sunt membra peccati & membra rebellionis. Et ideo hoc fuit causa, quod omnes homines sunt rebelles: quia per ipsa membra libidinosa generantur & producantur: ita quod per illud membrum genitale intrat omnis corruptio in omnes homines. Oportet ergo talis, qui debet esse Deus & homo, & qui satisfaciet pro hominibus, quod nullo modo sit conceptus, nec generatus per membrum genitale, cum ipse debeat destruere omnem culpam & omne peccatum: quia iam esset in carne initium corruptionis & culpæ: & tunc esset debitor & obligatus esset sicut alij homines: & tunc non posset satisfacere pro alijs hominibus. Natura ergo satisfactionis exigit quod caro illius hominis non sit generata per virum: ergo non debet esse de semine

*Quod redemptor sit homo.*

*Quod redemptor generetur sine libidine. Tit. 258.*

*Oportuit Christum sine virili semine cõ-*



#### 456 *De conditionibus Redemptoris.*

*Oportuit  
Mariam  
esse vir-  
ginem.*

*Oportuit  
Christus  
nasci ex  
virgine.*

virī : quia si sic , nihil valeret nobis pro satisfactione  
& sic erit sine patre immediato. Erit ergo talis ho-  
mo formatus quantum ad corpus immediatē per ma-  
num Dei : quia aliter fieri non potest. Quia sicut pri-  
mus homo immediatē factus fuit per manum Dei ;  
ita & secundus. Sed quia oportebat , ut iste secundus  
homo qui satisfaceret pro hominibus nasceretur ab  
homine , scilicet à viro , vel muliere , & de genere pri-  
mi hominis : & cum mulier est ordinata ad concipien-  
dum & ad nutriendum & ad lactandum : convenien-  
tius fuit , ut à muliere generaretur , quàm à viro : &  
hoc sine concupiscentia libidinosa mulieris : ita quod  
ista mulier , de qua formabatur , nullam sentiat libi-  
dinem ; immo necesse est , quòd in illa muliere nun-  
quam fuerit libido : & ideo necesse est , quòd talis mu-  
lier sit virgo perpetua. Et quia tale corpus ipsius ho-  
minis non erat conceptum in vulva mulieris , sed in  
ventre per virtutem Dei de sanguine mulieris sine  
violatione virginitatis : ideo etiam necesse est , quòd  
talis homo etiam nascatur de ipsa muliere sine fra-  
ctione & apertione vulvæ mulieris. Quia sicut non  
intrauit , ita non debet exire. Quoniam vulva mulie-  
ris non aperitur nisi per membrum viri cum libidine :  
ideo cum vulva illius mulieris nullo modo debeat  
aperiri per membrum viri , sequitur , quòd ille homo  
nascendo de tali muliere nullo modo debeat aperire  
vulvam eius , aliter relinqueret in ipsa signa libidinis  
& corruptionis carnis & signa , ac si ipsa libido præces-  
sisset , & vulva fuisset aperta per mēbrum viri : quæ om-  
nia debent esse aliena ab ipso homine , quem requi-  
rit diuina iustitia & humana obligatio , cum debeat  
summè distare à libidine , & ab omni vestigio libidi-  
nis. Vnde aliàs faceret opus , quod consuevit mem-  
brum virile facere , scilicet vulvam mulieris aperire :  
& tamen debet esse elongatus ab illo membro tota-  
liter & à proprio opere , quod solum illi membro  
vitioso ac rebeli & libidinoso conuenit. Ergo ne-  
cesse est , quòd ille homo , qui per manum Dei fuit  
formatus intus in ventre virginis mulieris sine omni  
libidine nascatur & exeat sine apertione & violatione  
sicut intrauit , & ut ipsa maneat virgo incorrupta. Et  
ut in generali & breuiter concludamus omnes condi-  
tiones personæ illius infinitæ , quæ necessaria est ho-  
mini

mini & naturæ humanæ pro solutione satisfactionis: oportet, quòd habeat tales conditiones ex parte humanitatis & animæ & corporis, quæ nullo modo derogent, nec contrariantur diuinæ naturæ & deitati, nec derogent, nec disconueniant satisfactioni & solutioni, pro qua facienda est necessaria nobis illa persona, immo totaliter conueniant & proportionentur. Et ideo exinde possumus concludere in speciali omnes conditiones quantum ad animam & quantum ad corpus, & quantum ad vnionem animæ & corporis cum natura diuina in vna persona. Et quoniam in natura diuina sunt tres personæ realiter distinctæ, scilicet Pater & Filius & Spiritus-sanctus: ideo videamus quæ persona est magis conueniens, vel Pater, vel Filius, vel Spiritus-sanctus, cum qua vniretur humanitas, seu corpus & anima? Et apparet, quòd persona filij sit magis conueniens, ut sit vna persona in duabus naturis: quoniam persona filij Dei habet multas conuenientias cum homine, quòd non habent aliæ personæ. Vnde quia filius est productus, & accepit omnia, quæ habet, à patre, & accepit esse: ita homo etiam est productus, & accepit esse à Deo. Et etiam filius est imago patris increata, & homo est imago Dei creata: & sic magis conuenit productus cum producto, quàm improductus: ideo magis conuenit personæ filij Dei, quàm Patris: & etiam quia magis conuenit imago cum imagine, quàm ille, qui non est imago: ideo magis conuenit Filius, quàm Spiritus-sanctus. Etiam quia erit Filius hominis, conuenit, quòd potius sit Filius Dei, quia iam Filius Dei est, quàm quòd sit Spiritus-sanctus: quia rationabile est, quòd qui Patrem habet in cœlis, quòd matrem habeat in terris. Item quia homines sunt filij Dei ex parte animæ, ut probatum est, quamuis sunt deformati: ideo magis conuenit filius Dei naturalis, quàm Spiritus-sanctus.

*Quòd  
filius sit  
carni  
natus.*

*Tit. 228.*

\* \* \*



*Si talis persona infinita in quantum homo debeat esse mortalis, vel immortalis ad satisfaciendum.*

**Q**uoniam autem talis persona erit infinita, quæ simul Deus sit & homo: ideo est necessaria pro satisfactione totius humanæ naturæ, ut scilicet habeat in se aliquid maius, quàm quicquid est sub Deo, quod sponte det, & non ex debito, Deo: quod extra talem personam talem similem, vel aliquid tale inuenire non possumus: quæramus ergo quid poterit dare talis persona, quod valeat tantum, per quod possit fieri infinita satisfactio. Aut enim ille homo, qui simul erit Deus & homo, dabit seipsum, aut aliquid de se: videamus ergo qualis debet esse talis datio, seu donatio. Vnde cum talis homo in quantum homo est creatura Dei, sequitur, quod quicquid habet, est Dei, & est obligatum Deo: & omnia, quæ potest, debet Deo per primam obligationem naturalem: quia quicquid habebit, accepit à Deo. Et ideo debet Deo honorem, obedientiam & amorem: & totum quicquid facere poterit, erit iam Deo obligatum & debitum, non pro iniuria, quia nullam fecit; sed pro naturali prima obligatione, quia omnia ab eo accepit. Quomodo ergo poterit satisfacere pro aliis hominibus, cum omnia pro seipso debet, & Deus ex debito exigit ab illo homine quicquid habet, & quicquid poterit: quia creatura sua erit: Quæramus ergo quid in se habebit ille homo, quod Deo non sit debitum, sed sit verè suum, & quod Deus non possit ab eo exigere. Si enim nil tale habet, non poterit satisfacere pro aliis, qui debent Deo infinitum per secundam obligationem. Sed certè ille homo non tenetur se tradere morti, seu animam suam & vitam exponere pro honore Dei: quia hoc non exigit Deus ex debito ab illo homine, scilicet, quod det vitam & animam suam ad mortem. Vnde quia mors est in omnibus hominibus propter peccatum & culpam, quia si primus homo non peccasset, nunquam mortuus fuisset: ergo cum iste homo erit sine peccato & sine omni culpa, innocentissimus, cum sit Deus: multò magis non debebit mori. Ergo si ille  
det

det spontè & liberè se morti ad honorem Dei : tunc dabit aliquid de suo , quod Deus non exigit ab eo ex debito : nec etiam potest ab eo exigi per obligationem , quia non est peccator. Etiam non poterit se magis dare Deo , quàm dare vitam & animam suam ad honorem illius. Nec etiam aliquid poterit dari pretiosius Deo : quia nihil asperius, aut difficilius potest homo sponte & non ex debito pati , quàm mortem ad honorem Dei. Igitur sequitur, quòd necessaria erit mors illius hominis ad satisfaciendum pro aliis hominibus. Ergo per solam mortem illius hominis poterit fieri satisfactio , seu per vitam suam sponte traditam morti ad honorem Dei. Inuenimus igitur pretium & debitum ad soluendum pro peccatis & iniuriis ac offensis omnium hominum. Igitur necessarium est pro satisfactione totius humanæ naturæ , quòd talis homo , qui erit Deus & homo , qui necessarius erit pro satisfactione, sit mortalis: ita quòd possit mori, si velit, & hoc sponte , quamvis sit Deus. Et tamen ipsum nullus poterit occidere , si non velit , nec contra suam voluntatem : & hoc , quia erit Deus, & sine peccato. Si enim nullo modo mori posset, non esset utilis , nec conueniens pro satisfactione hominum. Et etiam hoc est summè conueniens , vt satisfactio fiat per mortem : quia homines sunt obligati ad sustinendum mortem æternam; sed conuenientius fieri non potest, vt homo euadat mortem æternam , quam debet , nisi homo sustineat illam voluntariè , qui non debet. Sed homo qui iam obligatus est ad infinitam pœnam, non potest soluere talem pœnam, quæ liberet à pœna infinita : quia quaecunque pœnam acciperet, iustè & dignè eam sustineret. Vt igitur homo , qui est obligatus ad debitam pœnam possit euadere ipsam pœnam , necesse erit , vt talis homo pro homine suscipiat pœnam voluntariè & sponte, qui nil pœnæ debeat pro se. Sed nullus talis poterit esse nisi ille homo , quem quærimus , qui erit Deus & homo : vt moriendo & sustinendo pœnam pro homine , quam sustinere non debeat iustè , homo propter eam euadat & mortem & pœnam , quam debebat. Et ideo necesse erit , quòd ille homo , qui est necessarius nobis pro satisfactione , possit pati & mori & sustinere pœnam , si velit ; sed nullo modo possit pati nec mortem

*Per mortem Christus debuit satisfacere.*

*Quòd Christus voluntariè moriatur.*



## 460 *De virtutibus Redemptoris.*

*Quod  
Christus  
cogno-  
scat om-  
nia bona  
& mala  
hominis.*

mortem nec aliquam poenam contra suam voluntatem, nec aliqua res possit sibi nocere contra suam voluntatē, sed sua voluntate permittente omnia possit. Nam innocentissimus erit, nec propter hoc talis homo erit in miseria, sicut ceteri homines mortales: quia voluntariē erit talis, ut possit pati, sed non contra suam voluntatem. Necessē est etiam, quod ille homo, qui erit necessarius pro satisfactione nostra, intelligat & cognoscat omnia bona & omnia mala hominis & cognoscat perditionem & lapsum hominis, & omnia, quæ sint necessaria pro reparatione & totali satisfactione, & quid debeant homines Deo, & quod cognoscat de seipso, quid erit illud, quod oportet Deo, fieri pro hominis satisfactione; & etiam quod ipse cognoscat, quod ipse solus est, qui potest satisfacere, & non alius: & hoc per mortem suam: etiam quod si ipse non moriatur, quod omnes homines perdentur æternaliter: quoniam si non cognosceret hoc, non posset satisfacere: quia oportet, quod det vitam suam voluntariē & scienter propter peccata hominum.

### T I T V L V S C C L V.

*De benignitate, amore & pietate, patientia & mansuetudine ipsius.*

*Tit. praecedenti.*

*Oportuit  
Christū  
ex charitate  
pati,*

**E**T quoniam iam declaratum est, quod satisfactio, quam debet facere iste homo, quæ quærimus, & quod indigemus: oportet, quod sit voluntaria & spontanea cum magno cordis affectu & optima voluntate: quia aliter non tolleretur offensam & iniuriam, quæ inter Deum & homines est, nec placaret iram Dei: ideo oportebit, quod ille homo, qui satisfaciet pro hominibus, non solum moriatur, & det vitam suam morti ad honorem Dei; immo oportebit, si debeat satisfacere, quod sustineat mortem libentissimē & voluntariē cum desiderio, & cum intimo cordis affectu ad honorem Dei: quia nullus poterit cum cogere, nisi ipsemet permittere velit. Et ideo necesse erit, quod talis homo sit benignissimus, ut habeat voluntatem ita piam & benignam erga humanam naturam & alios homines: & tantum diligat homines & & compatiatur eis, ut velit mori, & dare vitam suam pro ipsis.

## *De virtutibus Redemptoris. 461*

ipsis : vt per mortem suam liberentur à pœnis æternis : & quod magis velit saluationem hominum , quàm seruare vitam suam : quoniam si non sit ita , tunc non morietur pro hominibus : quia nullus poterit eum compellere ad moriendum , nisi procedat ex eius mera voluntate pia & bona. Et ideo oportebit , quòd non attendat ad malitiam hominum , *Christus* nec ad iniurias , nec ad offensas ; sed magis attendat *paciendo* ad homines propter naturam humanitatis , & diligat *debit* eos inquantum sunt homines , & portant Dei imagi- *naturam* nem propter animam rationalem , & inquantum *huma-* sunt sui fratres per sui naturam. Et ideo oportebit , *nam in-* quòd non habeat homines odio propter peccata & ma- *spicere.* litias eorum , sed magis compatiatur & doleat de malis eorum : quoniam si talis non esset , tunc non esset conueniens pro satisfactione : & tali homine indiget natura humana , nec potest aliter liberari. Et ideo necessario oportebit , quòd tanta sit sua bonitas & benignitas , quòd vincat malitiam & nequitiam : & tanta sit sua mansuetudo , quòd vincat omnem crudelitatem & impietatem : & tanta sit sua patientia , quòd vincat omnem iniuriam & offensam sibi inferendam. Et ideo oportet , quòd sit talis , quòd diligat omnes sibi *Christus* contradicentes , vel persequentes , aut ipsum occidere *debit* volentes : ita quòd tanta sit in eo bonitas , quòd omnes *crucifi-* remittat offensas , & de nullo velit vindictam propter *gentes* aliquam iniuriam : quoniam talis est necessarius homi- *diligere.* nibus pro satisfactione. O quanta bonitas & benignitas erit ista , quòd talis homo iustus & innocens velit mori & dare vitam suam pro hominibus iniustis , iniquis , malis & ingratis , perditis , & omni pœna dignis , & pro peccatis , culpis & offensis omnium hominum totius mundi ! Et ideo necesse est propter prædicta , quòd iste homo sit de genere eorundem hominum , qui obligati sunt ad pœnam , propter amorem , unitatem & propinquitatem : quoniam magis diligit homines & compatietur eis , quia erit de natura eorum. Vnde si fieret de nouo sicut primus homo , non esset tantum propinquus hominibus obligatis ad pœnam. O quantum homo , & rota humana natura deberet gaude- quòd talem poterit habere hominem , qui pro eis satisfaceret !

TITVLVS



*Qualiter ille homo poterit mori & occidi ad honorem Dei, & quis eum poterit occidere.*

**E**T quia mors illius hominis, qui erit Deus & homo, erit totum pretium & satisfactio liberationis hominum si sit voluntariè, & ad honorem Dei suscepta: ideo vltèrius inuestigandum est, quomodo poterit ille homo vitam suam dare morti sponte ad honorem Dei: an ipsemet se debeat occidere; vel an alij eum debeant occidere. Sed quòd ipsemet se occideret, hoc non esset ad honorem Dei, immo contra honorem Dei: ergo necesse erit, quòd alij eum occidant, & quòd ipse velit & permittat se occidi ad honorem Dei: & tunc etiam oportet, quòd ipse habeat inimicos, qui eum occidant & persequantur: & oportet, quòd etiam sit aliqua causa, quæ sit ad honorem Dei, pro qua sustinenda & defendenda ipse det vitam suam ad mortem, & quòd pro illa causa alij occidant eum. Et ideo inuestigemus quomodo poterit hoc fieri. Ideo considerare debemus, quòd iste erit solus bonus inter omnes homines; & omnes alij erunt mali, nisi mater sua, quæ erit bona ex necessitate. Et cum homines sint lapsi & corrupti ac peruersi, vt declaratum est in tractatu de lapsu ad longum, per consequens faciunt mala opera, & ducunt pessimam vitam, & totaliter faciunt contra Deum omnia opera sua, & contra iustissimam æquitatem & veritatem: quia omnes amant suam propriam voluntatem & proprium honorem, & nolunt corrigi, nec audire correptiones. Et quia ille homo perfectus erit totus bonus & contrariùs aliis hominibus: ideo oportet, quòd quantum poterit impugnet eorum malam vitam & mala eorum opera, & prædicet & corrigat homines per verba sua: & necesse erit quòd dicat veritatem hominibus, quam homines nolunt audire. Et sic quia etiam opera sua erunt contraria operibus aliorum, incurreret inimicitias & inuidiam plurium, qui nolunt audire veritatem: & sic prædicando & tenendo immobiliter & indeclinabiliter veritatem & iustitiam, & sic viuendo & loquendo plures habebunt eum odio vsque ad mortem. Et sic si isto modo ipse neque propter odium, neque propter timorem mortis non velit desistere

*Christus  
debuit  
ab aliis  
occidi.*

*Tit. 220.*

*Quod  
Christus  
propter  
veritatē  
& iusti-  
tiam de-  
buit oc-  
cidi.*

desistere à sua veritate & iustitia, sic occident eum, quia contrarius est eis: & ipse permittet se occidi, fortissimè & firmissimè perseuerando in his, quæ Dei sunt. Nonne tunc dabit vitam suam sponte ad honorem Dei? Quamuis enim ipse teneatur dicere veritatem, & eam tenere loquendo ad honorem Dei; tamen non tenetur mori pro honore Dei ex debito, nisi ipse velit. Item hoc etiam dabit exemplum efficacissimum aliis hominibus, vt nullo modo deserant, nec relinquant veritatem Dei, nec iustitiam eius, nec recedant ab illa propter mortem, quam aliquando propter necessitatem patientur, vt soluant cum illo, qui nullo modo mori debebat, sed sponte ad moriendum se obtulit, & in hoc fecit Deo honorem maximum. Vnde nonne erit hoc exemplum magnum & efficacissimum: vt sic alij homines postquam cognouerint eum & veritatem, & quanta persona erat ipse, animentur & inflammentur & imitentur eum: vt propter nulla incommoda, quæ eis poterint obesse, declinent à iustitia, quam Deo debent, cum etiam aliquando de necessitate mori debeant; cum ipse, qui nec pro se mori ex debito debebat, nec pro aliis poterat cogi mori, nec voluit præseruare tam pretiosam vitam, immo seipsum & tam pretiosam personam tam voluntariè dedit in mortem propter veritatem & iustitiam defendendam, quamuis ex debito talis persona, quia erat homo, debebat Deo omnem obedientiam, & facere pro veritate, & Deitate quicquid poterat: & hoc virtute primæ obligationis? Attamen hoc est citra mortem, quia ex debito nullo modo mori debebat. Et ideo moriendo sponte reliquit hominibus exemplum; vt similiter faciant, & ne timeant mori. Sic ergo quamuis illi, qui occident eum, mala occident voluntate; attamen quia ipse sustinebit hoc spontanea voluntate ad honorem Dei & ad vtilitatem totius humanæ naturæ: ideo laudabiliter & misericorditer sustinebit. Sed mirandum erit, quomodo poterit esse tanta crudelitas, inuidia & malitia in illis hominibus, quòd velint eum occidere tam bonum hominem vt erit: quoniam nulli nocebit, nec nocere poterit, quoniam erit summè benignus. Maxima ergo debet esse ista inuidia & malitia. Et vnde poterit ista generari? Et ideo notandum est, quòd totum genus humanum est sub potestate & captiuitate

*Christus moriendo dedit aliis exemplum.*

*Vnde sit orta inuidia ex qua Christum occidebant.*

te



#### 464 *De conditionibus Redemptoris.*

te primi Angeli mali & nequissimi : ideo quia ille erit homo nouus in mundo , qui prædicabit & docebit nouam doctrinam & omnia noua , quæ pertinebunt ad honorem Dei & ad liberationem hominum , & totaliter operabitur omnia , quæ faciet contra diabolum & ad suum regnum destruendum. Vnde cum ille homo debeat liberare genus humanum ab obligatione infinita , & satisfacere pro omnibus , oportet ipsum pugnare totis viribus contra captiuitatem hominum , vt remoueat homines à captiuitate diaboli. Vnde diabolus erit principalis capitalis inimicus eius : & sic inter eos erit bellum, sed secretum. Nam diabolus videns talem nouum hominem , qui nunquam apparuit in mundo , & super quem nullam poterit habere potestatem , timebit suum regnum & dominium perdere : & sic resistet totis viribus huic homini , & suadebit suis membris, scilicet malis hominibus, vt eum occidant & perdant : & hoc quia ipse non potest sibi nocere per se , & sic per medium aliorum occidet eum diabolus quantum in eo est. Et ideo propter inuidiam, quam habebit iste malus Angelus contra istum nouum hominem , inflammabit & concitabit aliquos malos homines sibi adhaerentes contra istum , & generabit tantam inuidiam contra eum , vt omnino velint eum occidere : quia aliter non poterit ei nocere. Sic diabolus tractabit mortem suam, & dabit totum consilium secretum , vt occidat eum per malos homines ministros suos, si potest : nec aliter cessare poterit, donec hoc fecerit : quia non poterit sustinere talem hominem sibi contrarium. Et sic patet, vnde poterit tanta inuidia & crudelitas insurgere contra eum. Et hic apparebit summa benignitas istius hominis : quia morietur etiam sponte pro occidentibus ipsum, & pro inimicis suis & pro peccatis eorum. Et ideo quia diabolus occidet talem hominem iustum & innocentem , qui nullo modo debet mori , nec obligatur morti : nec diabolus habet aliquod ius in eo ; ideo ipse committit maximam iniustitiam contra istum hominem innocentem : ideo veraciter erit dignus perdere totum ius, quod credebat se habere super homines , quamuis in veritate nullum habebat. Et quia sicut inuasit hominem, in quo nullum ius habebat ; ita perdidit ius, si quod habere videbatur in aliis hominibus. Et sic ille homo satisfaciet

*Inuidia  
diaboli  
concita-  
uit lu-  
daos in  
mortem  
Christi.*

*Iusta vi-  
dictoria  
Christi  
contra  
diabolū  
per mor-  
tem.*

## *De conditionibus Redemptoris. 465*

faciet pro tota humana natura, & morietur laudabiliter ad honorem Dei, & liberabit hominem à potestate diaboli, & hoc per veram iustitiam. Et sic vincet diabolus per iustitiam veram: & iustum est quòd diabolus sit captivus eius propter iniuriam & iniustitiam, quam sibi fecit. Et sic homo acquisivit per iustitiam potestatem & dominium supra diabolus. Et sicut diabolus vicit primum hominem per deceptionem & falsam promissionem & subiugavit eum sibi: ita homo vicit diabolus per iustitiam & captivavit. Et quia ille homo erit Deus & filius Dei; ideo non faciet diabolo iniustitiam, sed faciet humanitati de diabolo veram iustitiam. Et ideo secundum veram iustitiam diabolus erit sub pedibus istius hominis, & ipse tenebit ipsum iustissime captivatum. Ecce qualiter poterit fieri vera liberatio hominum per mortem illius, qui erit simul Deus & homo, & à diabolo, & à peccato, seu iniuria & offensa Dei, & à pœna infinita. Sic mors istius hominis vincet diabolus & omnem culpam & peccatum. Et sicut diabolus decipiendo hominem subiugavit eum sibi; ita decipiendo seipsum, quia invadet & occidet istum hominem, captivabitur & ligabitur ab isto homine cum adiutorio divinitatis per iustitiam. Et sicut primus homo fuit sub potestate diaboli propter inobedientiam, quam fregit, & fuit in ira Dei, & separatus à consortio & amicitia Dei: ita & per obedientiam istius hominis, qui erit maior primo homine, quam servabit usque ad mortem inclusivè, scilicet tenendo veritatem Dei & iustitiam, ad quam obligatur omnis homo, & quam Deus vult & exigit ab omni homine: homo erit dignus liberari tam à potestate diaboli, quàm ab ira Dei, & restitui ad amicitiam Dei: quia obedientia computabitur pro inobedientia. Sicut enim inobedientia facta est per hominem; ita obedientia etiam facta est per hominem, & maxime quia ista obedientia in infinitum superabit illam: quia erit facta cum difficultate, scilicet mortis, & per maiorem, scilicet hominem & filium Dei. Et ita magis erit acceptabilis deitati obedientia voluntaria istius hominis, quàm fuerat displicibilis inobedientia primi hominis: & maior erit honoratio istius hominis, quàm fuerat inhonoratio primi hominis. Et sic totaliter

*Christus  
vincit  
diabo-  
lum per  
iustitiã.*



## 466 De pretiosa morte Christi.

annihilabitur & destruetur iniuria & offensa primi hominis, tota natura humana.

### T I T V L V S C C L V I I.

*Qualiter mors istius hominis, qua est necessaria pro satisfactione omnium hominum praevaleret & magis ponderet, quam numerus & magnitudo omnium peccatorum & offensarum omnium hominum.*

**Q**uoniam autem iam declaratum est, quod mors illius hominis erit satisfactio & pretium pro peccato hominis & totius humanae naturae, & pro culpis, offensis & iniuriis hominum: & cum iam declaratum sit, quod quodlibet peccatum, seu offensa contra Deum ascendit in infinitum, & quod habeat quandam infinitatem, & oportet quod secundum mensuram peccati & offensae fiat satisfactio: & cum pro vno peccato infinitae culpae infiniti mundi pleni creaturis non possent satisfacere: & ideo cum peccata, siue iniuriae sint sine numero contra Deum, & possint esse & multiplicari in infinitum & crescere, videamus, quomodo mors istius hominis, qui erit Deus & homo, qui erit necessarius pro satisfactione, erit sufficiens satisfactio & sufficiens pretium pro omnibus peccatis omnium hominum: & videamus etiam qualiter plus ponderet mors ista, quam numerus & magnitudo omnium peccatorum. Ideo ad hoc cognoscendum oportet ponderare vitam illius hominis, quantum valebit & quanti valoris & quanti pretij erit. Vnde humanitas illius hominis plus valebit in pretiositate & excellentia in nobilitate & bonitate & in dignitate quam omnes homines, qui fuerunt, sunt & erunt, & qui possunt esse, & quam omnes creaturae: quia homo iste erit deificatus, & sua humanitas erit vnita deitati in vna persona. Et ideo propter istam vnionem & propter istud matrimonium altissimum ista humanitas ascendet ad summam dignitatem. Sicut enim iam declaratum est, vel fuit de sponsa respectu sponsi in capitulo de amore qualiter sponsa ascendit & nobilitatur propter sponsum, cui vnitur, quamuis etiam sit infima & pauperrima inter omnes mulieres, si assumitur à Rege

*Vita  
Christi  
fuit pretiosior  
omnibus  
hominibus.*

*Tit. 135.*

à Rege pro Regina, fit nobilis & magna valde. Similiter erit de humanitate hominis istius: quia erit vnita & copulata inseparabiliter tanquam sponsa sponso deitati: & ideo erit proportionata necessariò iuxta dignitatem deitatis tantum, quantum fieri poterit. Et adhuc ista vnio erit maior multò, quàm sponsi & sponsæ, quia vna persona erit Deus & homo: & ideo vt ille homo erit infinitus & plus valebit, quàm omnes homines, cum sint finiti, & etiam quàm omnes creaturæ, cum non sit comparatio inter finitum & infinitum. Et ideo si volumus considerare quomodo mors eius plus ponderet, quàm omnia peccata, videamus pro quanto noller quis talem hominem occidere, si esset præsens, & sciret eum talem esse. Ita quòd si diceretur alicui, nisi occidas istum hominem, torus mundus peribit, & quicquid Deus non est: certè nullus faceret hoc, nec deberet facere, si sciret eum talem esse, pro omni creatura conseruanda, nec si infinitus numerus mundorum ei daretur. Item si etiam diceretur: tu occides illum hominem, aut omnia peccata mundi venient super te, & imputabuntur tibi: nonne iste diceret, quòd citius vellet omnia peccata mundi sustinere supra se & imputari ei, quàm eum occidere, etiam non solum mundi præsentis, sed omnia, quæ possunt fieri in futuro, & quæ excogitari possent? Et non solum de occisione, sed etiam de qualibet parua læsione, quæ tãgeret ipsum: pro quanto etiã aliquis non deberet modicum lædere personam Regis, vel Imperatoris? Vnde igitur esset hoc, quòd aliquis horreret plus vnum peccatum in læsione huius hominis, quàm omnia alia, quæ possunt excogitari: quia læsio istius personæ multo magis excedit sine comparatione omnes creaturas. Ecce igitur manifestissimum est, quòd nulla quantitas, magnitudo, seu multitudo peccatorum extra personam huius hominis potest, nec valet comparari violationi & destructioni vitæ corporalis talis hominis. Quantum ergo bonum est illud, cuius destructio est tam mala. Si enim excedit omne bonum creatum, quàm mala est eius destructio: ergo vita illius hominis plus erit bonum & maius bonum sine comparatione, quàm illa peccata sint mala, quæ quidem peccata sua interfectio sine æstimatione superat. Vnde si interfectio illius hominis superat omnem multitudinem peccatorum,

*Mors  
Christi  
est pre-  
tiosior  
omnibus  
peccatis.*



## 468 *De morte pretiosa Christi.*

quæ cogitari possunt extra personam eius : & si peccata & crimina tantum sunt odibilia, quantum sunt mala : & vita illius hominis tantum sit amabilis , quantum erit bona : sequitur , quòd vita illius hominis plus erit amabilis & magis bona, quàm omnia peccata sint odibilia & mala. Ergo tantum bonum tam amabile , sicut erit vita illius hominis , quæ pretiosior est, quàm omne , quod est citra Deum , non erit sufficiens ad soluendum , quod debetur pro peccatis & offensis totius mundi , cum superat omne debitum, quod debent peccatores pro satisfactione ; immò plus ponderat in infinitum. Ecce igitur quomodo vita illius hominis vincit omnia crimina, omnes offensas, & omnes culpas, si datur pro illis. Si ergo dare vitam est accipere mortem, sicut datio huius vitæ præualet & præponderat in bonitate plus quàm omnia peccata hominum in malo ; ita acceptio mortis. Ergo si ille homo, quem quærimus, det vitam suam morti sponte ad honorem Dei pro satisfactione totius humanæ naturæ , nonne satisfaciet & soluet pro omnibus hominibus ? Et satisfactio erit maior in infinitum , quàm omne debitum , quod debent omnes homines. Patet ergo quomodo mors illius hominis , qui est necessarius pro satisfactione totius humanæ naturæ , præualet & magis ponderat , quàm multitudo & magnitudo omnium offensarum & peccatorum.

### T I T V L V S C C L V I I I .

*Qualiter ipsa mors deleat & superet peccata occidentium talem hominem.*

**E**T quoniam dictum est , quòd mors illius hominis, qui erit Deus & homo , superabit omnia peccata & crimina hominum : sed dubium est , quomodo poterit delere & superare peccata illorum, qui occidunt eum. Quoniam si tam malum est occidere eum , quantum bona erit vita eius , quomodo poterit mors eius superare & delere peccata & crimina illorum , qui eum occidunt ? quia apparet , quòd tantum malum sit peccatum eorum , qui occidunt eum , quantum vita eius est bona. Ergo quomodo mors eius poterit satisfacere pro peccato eorum , qui eum occidunt ? Aut si poterit delere peccatum alicuius illorum & satisfacere pro

pro illo : oportet enim, quòd satisfactio sit tanta, quòd deleat omnia peccata. Hic possumus dupliciter respon- *Mors Christi praeualer peccato crucifi- gentium. Meritum mortis Christi est dupli- citer in- finitum.*  
dere. Primò quia nullus scienter occideret illum, si ta- lem eum cognosceret, scilicet Deum & hominem: ideo si occidunt eum, ignoranter occidunt : quare sequitur, quòd peccatum eorum non est ita malum, sicut vita eius fuit bona: quia ignorantia diminuet peccatum illud, ut non sit ita infinitum. Vnde quando dictum fuit, quòd tantum mala fuit destructio eius, quantum vita eius bona: tunc non pensauimus, quòd interfectio, seu occisio eius facta fuit ignoranter, sed quasi scienter fieret: quia nunquam aliquis poterit, nec vellet scienter fa- cere. Secundo respondere possumus, quòd meritum & bonum, quod faciet ille homo, qui erit Deus, erit duobus modis infinitum: Primò ex parte facientis, quia erit persona infinita: Secundò ex parte Dei ac- ceptantis, quia omne meritum Deo acceptabile est infinitum, sicut demeritum infinitum. Et sic datio vitæ erit infinita, & ex parte dantis, & ex parte accipientis; sed omne peccatum quodcumque possit fa- cere creatura, est finitum ex parte facientis; sed so- lum infinitum ex parte illius, contra quem fit, scilicet ex parte Dei. Et sic mors illius hominis potest delere omnia peccata fieri possibile per creaturam, & pro illis satisfacere, & ultra superabit in infinitum.

T I T V L V S C C L I X.

*De circumstantiis & conditionibus, quas habebit illa pretiosa mors, & qua conuenientiores erunt ei.*

**E**T quoniam illa pretiosissima mors, & infiniti va-  
loris, illius pretiosissimi & benignissimi & piissimi hominis, quo indigemus, est necessaria toti huma-  
næ naturæ pro satisfactione: & in ipsa pendet  
tota restauratio & totum bonum hominum: ideo  
videamus, quas circumstantias habebit, & quæ  
conditiones ei conuenient. Et quoniam illa mors  
erit satisfactio totius naturæ humanæ, & totum  
bonum & totum meritum: ideo illi morti con-  
uenit, ut habeat omnes conditiones, per quas poterit  
esse magis meritoria & satisfactiua, ac magis accepta:



## 470 *De pretiosa morte Christi.*

*Tit. 254.*

*Quod  
mors  
Christi  
sit volun-  
taria.*

*Quod  
mors  
Christi  
sit deli-  
berata  
& ele-  
cta.*

*Quod sit  
despe-  
rissima*

*Quod sit  
in loco  
publico.*

& per quas poterit declarari maior bona voluntas, bonum cor, & intimus affectus cordis hominis illius morientis. Vnde oportet, quòd talis mors, vt dictum est, sit voluntariè accepta ac sponte: quia aliter nil proficeret. Et ideo oportet quòd ille benignissimus homo velit suscipere & sustinere mortem libenter & sponte & cum bona voluntate: ideo habebit maximum amorem & maximam charitatem ac ardentissimam & exquisitam pietatem erga naturam humanam perditam, vt saluetur. Et ideo non solum valet sustinere & recipere mortem: imò per talem modum & per talem formam, in quibus talis mors sua erit magis meritoria & magis satisfactoria, magis utilis & còmoda pro humana natura: & quòd etiam conueniat suæ piissimæ voluntati & charitati ardentissimæ. Et ideo quia ille homo recipit mortem non inuitus, nec ignoranter: imò ipso sciente, permittente, & volente: ideo talis mors oportet, vt sit deliberata & ordinata per ipsummet, & non fiet cum casu fortuito: sed ipsemet eligat voluntariè talem mortem, qualem voluerit: & nihil fiat in sua morte contra suam voluntatem. Et quia quantò mors erit cum maiore pœna, magis crudelis & dolorosa, ac magis ignominiosa, & turpis, & opprobriosa, ac derisoria, si sit voluntariè assumpta: tanto erit magis meritoria & satisfactoria, & commodior humanæ naturæ, ac magis acceptabilis Deo: ideo certè conueniet amanti ardentissimo & pietati illius piissimi hominis, vt non solum velit sustinere mortem, imò talem mortem, sicut dictum est: quia hoc erit maius bonum, quod potest facere. Et ideo conuenit suæ maximæ bonitati, vt faciat tantum bonum, quo non poterit esse maius, nec melius, nec excogitari. Vnde ille homo piissimus erit persona infinita: & ideo conuenit ei facere tantum bonum, vt sua mors pretiosissima superet & excedat omnia peccata: & vt non possit magis superare, vt habeat omne meritum. Et ideo conueniet, quòd omnes conditiones & omnes circumstantiæ, quæ poterunt reddere illam mortem difficillimā, pœnalissimam per omnem modum, atrocissimam, crudelissimam, dolorosissimam, ac ignominiosissimam, sint in illa morte, seu comitentur eam. Et ideo conuenit, quòd fiat in loco publico & solemni, & non in occulto, de die, & non nocte,

nocte, & sic de aliis circumstantiis : & oportebit, quod genus mortis sit turpissimum & ignominiosissimum. Quomodo autem poterunt fieri ista? faciliter possumus cognoscere, si consideremus illos per quos talis mors fiet quoniam oportet, quod sint inimici sui maximi. Vnde iam dictum est, quod ille primus Angelus, scilicet Diabolus erit inimicus capitalis istius hominis, & habebit ipsum odio in summo : & ideo tractabit mortem suam, & inflammabit aliquos homines ad summum odium istius per summam inimicitiam. Et ideo illi homines, qui erunt inimici sui, non solum desiderabunt ipsum occidere ; imò etiam inferre mortem turpissimam, & amarissimam, ut talem, qualis dicta est. Et multum bene convenit illi talis mors : quia inimici eius multum desiderabunt ei inferre talem mortem, ut dictum est : & ipse cum gaudio & bona voluntate suscipiet eam, & sic eorum desiderium & voluntas in hoc concordat : sed in isto non erit similis voluntas : quia ipsi mala & pessima voluntate, & perversa intentione inflammati eum occident ; sed ipse bona voluntate & intimo cordis affectu propter saluationem totius humanæ naturæ ad honorem Dei, & ad offensam placandam, mortem libenter sustinebit. Et quia ipse nullam ostendet potestatem, sed totam abscondet : ideo poterunt eum occidere & tractare secundum suam malam & perversam voluntatem, quantum ipsemet permittet. Ecce magnum mysterium erit ibi : quia ipsa malitia destruet seipsam : quia quanto magis inimici eius per malitiam & iniquitatem dabunt mortem, tanto magis ipsa mors erit meritoria & satisfactiva pro peccatis : & destruet malitiam, & sic destruet seipsam, & iniquitas erit contra seipsam. Non enim potest fieri talis mors, nisi per iniquitatem : & etiam non fiet nisi propter iniquitatem : & sic per iniquitatem & malitiam destruitur & annihilatur ipsa malitia & iniquitas. Et sic ipsa iniquitas & malitia facient mortem suam, & colligent virgas ad seipsas percutiendas, & ipsa iniquitas occidet seipsam. Et ita patent condiciones & circumstantiæ in generali, quæ erunt convenientes isti morti pretiosissimæ, quæ necessaria erit pro satisfactione hominum

*Tit. 256.*

*Christo  
competebat mori  
in Cruce.*

*Mors  
destruet  
mortem.*



## T I T V L V S C C L X.

*Declaratio magis in speciali, quam rationabiliter  
sequitur saluatio humana natura per  
talem hominem.*

*Quod  
Deus ne-  
cessario  
reddet  
hominibus  
vitam  
propter  
mortem  
Christi.*

**N**ulli autem dubium potest esse, quantum do-  
num sit, quantique pretij illud, quod ille homo,  
qui erit Deus & homo, & filius Dei, dabit deitati, quan-  
do dabit vitam suam pretiosissimam morti ad honorem  
deitatis sponte. Nulli dubium etiam potest esse, quin  
tale opus summè laudabile sit & summè præmiabile  
ab ipsa deitate. Qui enim tantum bonum sponte dat  
Deo, non debet esse sine retributione. Necesse erit ergo,  
si ille homo det tantum bonum Deo, quòd deitas re-  
tribuatur ei; aliter autem Deus esset iniustus, si nollet re-  
tribuere; aut impotens, si non posset: quod alienum  
est à Deo. Sed qui retribuit aliquid alicui, dat sibi  
illud, quod non habet; aut dimittit ei quod ab ipso  
posset exigi. Et quia talis persona erit Deus & homo,  
sic nullo indigebit: quia vna persona erit Deus & ho-  
mo. Et sic nihil poterit dare tali personæ, quia ple-  
nissima est. Item etiam talis persona nihil debebit  
quod possit ei dimitti. Nec indigebit mereri ali-  
quid pro seipso etiam quantum ad humanitatem:  
quia omnia, quæ humanitas illa poterit habere,  
debentur ei ratione vnionis cum deitate. Quid er-  
go tribuetur illi, qui nulla re indiget? & quid  
dimittetur illi, qui nihil debet? Ecce ex vna  
parte est necessitas retribuendi; & ex alia parte im-  
possibilitas recipiendi: quia necesse est Deum secun-  
dum iustitiam reddere quod debet illi, qui mere-  
tur; & non est aliquid, quod reddat. Sed si tanta  
debita est merces, nec redditur à Deo illi homini, nec  
aliter: in vanum videtur fecisse tantum opus ad  
honorem Dei. Necesse est ergo, quòd alteri red-  
datur: quia non poterit reddi illi. Si ergo ille ho-  
mo voluerit dare illud, quod ei debebitur, alicui al-  
teri, poterit: nec ipsa deitas potest de iure prohibere  
illi: aut poterit denegare illi, cui dabit: immò iu-  
stum & necessarium erit, vt diuina natura reddat  
mercedem illi, cui persona illa voluerit dare: quia  
licebit



licebit ei dare, quod suum est: & deitas non poterit reddere illud, quod debet nisi alicui alteri. Sed quibus conuenientius ille homo tribuet mercedem & retributionem & fructum suæ mortis pretiosissimæ quàm hominibus: seu quos conuenientius & iustius faciet hæredes tanti debiti, quo ipse non eget: & tantæ abundantiae, quàm parentes & fratres suos, scilicet alios homines, quos videbit tot & tantis debitis obligatos, & summa paupertate deficere, & esse in profundo miseriae, ut scilicet illis dimittatur illud, quod debent pro peccatis & offensis: & detur illud, quo priuati erant propter peccata & offensas? Nihil enim videtur rationabilius, nihil desiderabilius. Quicumque igitur accedet ad Deum nomine istius hominis, nullo modo repelletur. Ecce igitur qualiter homo ipse liberabit alios homines & redimet: quia illud, quod sponte dabit Deo, computabit pro debito, quod illi debent. Humana enim natura dabit in illo homine sponte, & non ex debito quod suum erit: ut redimat se & liberet in aliis hominibus, in quibus, quod ex debito exigebatur, non habet unde reddat. Omnes igitur homines, qui ad gratiam illam voluerint adhærere illi homini liberè cum digno affectu, liberabuntur à secunda obligatione infinita, quæ est propter peccatum & offensam: & per consequens liberabuntur ab ira Dei & à pœna æterna & à potestate diaboli, & reconciliabuntur Deo, & dabitur eis æternum gaudium quod perdiderunt. Qui verò illam gratiam contemnent, iustè peribunt in æternum, & incurrant pœnam infinitam, quam debuerunt: quia non reddent debitum, nec satisficient. Item etiam ad confirmationem istorum considerandum est, quòd illi homini debebatur regnum cæleste, & hereditas celestis duobus modis. Primò ex eo, quia ille homo in quantum homo erit filius Dei, quia immediatè recipiet animam rationalem, & erit formatus quantum ad corpus immediatè à Deo, & erit obediens semper Deo, ut patri custodiens formam filiationis: & ideo necessario erit heres Dei in quantum homo. Vnde quia inter omnes homines iste solus erit bonus filius Dei, & per consequens iure filiationis & paternitatis tota hereditas, quæ debebatur omnibus hominibus insimul, si seruassent formam filiationis,

*Quod propter mortem Christi nemo accedens ad Deum repellitur.*

*Quod Christo regnum cæleste dupliciter debebatur.*



## 474 *De Resurrectione Christi.*

*Et est  
sententia  
Bernar-  
di.*

& fecissent ut filij, deberetur de iure isti homini, quam alij homines iuste perdiderunt. Quamvis ergo iste homo non moreretur, deberetur tamen ei totius humanæ naturæ hereditas, quam Deus debebat dare, si primi homines non fuissent inobedientes. Et isto iure nullus alius homo poterit esse particeps hereditatis cælestis. Sed alio modo & alio iure debetur tota hereditas cælestis illi homini, scilicet per meritum suæ pretiosissimæ mortis: quia morietur laudabiliter ad honorem Dei & per iustitiam veram, & per meritum iustissimè deberetur ei tota hereditas cælestis, quæ omnibus hominibus debebat dari, si primi homines mansissent obedientes. Et sic duplici iure deberetur tota hereditas cælestis illi homini: & quia ei sufficiet habere illam hereditatem per primum ius, & non indigebit secundo iure: ideo dabit aliis hominibus secundum ius, quod acquisiuit per meritum suæ mortis: & sic ille homo iuste restituet alios homines fratres suos sibi adhærere volentes ad hereditatem cælestem: quia dabit eis ius secundum, quo ipse non indigebit: & sic quicquid ille homo acquireret per mortem suam, dabit aliis hominibus. Et quia in morte sua erit infinitum meritum, sic dabit aliis infinitum meritum: quia ipsemet non indigebit. Et sic relinquitur, quòd homines, qui sibi adhærere, habebunt infinitum meritum & infinitum ius, per quod deberetur eis regnum cæleste & hereditas cælestis. Et sic ille homo per mortem suam ditabit totam humanam naturam, quæ erat pauperrima: quia implebit eam merito suo infinito. Vnde diuitiæ & thesauri humanæ naturæ non sunt nisi merita. Et ideo per mortem istius hominis natura humana erit plenissima, ditissima & abundantissima: ita quòd amplius non poterit abundare, nec crescere. Et tales diuitiæ & thesauri erunt incorruptibiles: quia tale meritum erit æternum & semper manens: quia meritum non potest destrui, nisi per suum contrarium, scilicet per culpam & demeritum ac displicitum: sed nulla erit culpa quæ possit destruere meritum illud: & ideo erit semper in sua virtute. Apparet ergo qualiter rationabiliter sequitur saluatio humanæ naturæ per mortem illius hominis, qua omnis homo indiget.

TITV

## TITVLVS CCLXI.

*Qualiter illa mors se habebit ad culpas & offensas.*

**Q**Voniam autem iam declaratum est in tractatu de lapsu & perditione hominis, quòd in tota natura humana erant tres culpæ, prima erat generalissima, quæ respiciebat omnes homines, & erat totius humanæ naturæ, & ista erat culpa seu offensa duorum primorum hominum, & ista clausurat omnibus portam cælestem; alia erat culpe originalis, quam contrahit anima: quia coniungitur carni corruptæ: & tertia est personalis & actualis, & ista multiplicatur in quolibet homine sine numero: & quia ista mors pretiosissima delebit omnes culpas & offensas totius humanæ naturæ; ideo oportet videre qualiter se habebit ad istas tres culpas. Vnde prima culpa seu offensa non est nisi vna in tota natura humana, & est radicalis & latissima: & quia est prima; ideo mors illius hominis primò & principaliter tollit totaliter illam generalem culpam & iniuriam, & erit satisfactio pro ea, & hoc statim, quando mors erit facta: & sic remouebitur totaliter & vtiliter à tota natura humana. Sed alię duæ culpæ particulares, quæ sunt in quolibet homine, particulari, & quæ respiciunt particulares personas, non tollentur, nec destruentur statim post mortem; sed oportebit, quòd quilibet homo adhæreat illi morti, & vniatur illi homini, & fiat membrum eius, & efficiatur de sua societate & familia; aliter meritum suæ mortis non poterit satisfacere pro illo, nec aliquis efficietur particeps in merito suæ mortis, nec recipiet virtutem suæ mortis pro se. Sed quia paruuli, qui non habent vsum liberi arbitrij, non poterunt adhære in propria persona illi morti: ideo sufficit, quòd alij, qui habebunt vsum liberi arbitrij, adhæreant pro eis. Vnde quia culpa eorum non est actualis, immo euenit eis per aliam personam, & non per propriam voluntatem: ideo alia persona poterit supplere vices eorū & adhære pro eis. Scilicet in adultis, quia possunt per propriam voluntatem, & liberum arbitrium adhære

*Tit. 259.*

*Mors Christi totaliter tollit originale.*

*Nota dignissimum.*



## 476 De conditionibus mortis Christi.

*Tit. 246.*

adhærere & vniri illi homini : ideo erit necesse , si volunt , quòd mors illius hominis eis proficiat , quòd actualiter vniantur cum eo , & fiant membra eius. Vnde quia iam declaratum est , quòd homines erant membra primi Angeli mali & diaboli : ideo oportebit , quòd relinquunt & desinant esse membra diaboli , & fiant membra istius hominis , & hoc voluntariè & sponte & sine coactione : quia sicut mors eius fuit suscepta voluntariè , quia aliter nihil proficeret ; ita erit necesse , quòd homines qui voluerint esse participes sui meriti & suæ mortis voluntariè vniantur ei & incorporentur : quia aliter nihil proficeret eis mors eius. Et ideo erit necesse , quòd relinquunt priorem vitam & antiquam , quam tenuerunt , quæ erat secundum diabolum ; & recipiant vitam nouam istius hominis , quæ erit secundum Deum. Et vt fiat certa distinctio inter homines , qui fiant membra eius , & alios , necesse erit etiam , quòd sint aliqua signa manifesta , per quæ signentur membra sua , quæ recipiantur ab hominibus , qui volunt esse membra eius , & de sua societate. Sic ergo oportebit , quòd homines adhæreant ei & vniantur , & quòd hoc fiat recipiendo aliqua signa ab ipso ordinata. Ecce igitur qualiter ista pretiosissima mors se habebit ad delendas offensas mundi & culpas hominum : quoniam non delebit , nec destruet proprias culpas & offensas cuiuslibet hominis , quas quilibet commisit per propriam voluntatem , nisi cuiuslibet displiceant omnes culpæ & offensæ , quas fecit , & eas odio habeat : & tunc mors illa satisfaciet pro omnibus peccatis cuiuslibet , dum tamen efficiantur membra eius. Sed ad delendam culpam originalem non erit necesse , quòd aliquis habeat displicentiam : quia non commisit eam per propriam voluntatem : nec etiam ad delendam culpam generalem totius humanæ naturæ , erit necesse , quòd aliquis doleat : quia illa delebitur totaliter per mortem statim hominibus ignorantibus ; sed tamen bene fuit necesse , quòd primi parentes , qui eam commiserunt , de illa culpa doluerint , & eis displicuerit ; aliter quo ad ipsos non deleberetur. Ad destruendam enim totaliter culpam & offensam contra Deum necessaria est satisfactio infinita , vt dictum est : & etiam est necesse , quòd ille , qui commisit , habeat displicentiam de illa offensa & culpa , & ei displiceat.

*Mors  
Christi  
non tollet  
peccata  
actualia  
singulo-  
rum.*

*Tit. 152.*

displiceat. Sine ergo morte istius hominis, qui erit Deus & homo, nulla culpa & offensa potest deleri, seu destrui. Vnde etiam non solum est necessaria satisfactio infinita propter pœnam infinitam debitè soluendam & redimendam: immò est etiam necessaria infinita displicentia de culpa & offensa, quæ est contra Deum, qui est infinitus bonus. Vnde offensa, quæ est contra infinitam bonitatem, non potest deleri ad plenum nisi per infinitam displicentiam, quam nullus homo poterit habere: & ideo ad supplementum est necessaria mors illius hominis, ut pro pœna debita satisfaciatur, & pro displicentia suppleatur. Et ideo necessarium erit ad liberandum hominem de peccatis, quæ fecit cōtra Deum, quòd ille homo, qui erit persona infinita, non solum moriatur; sed etiam doleat pro peccatis hominum præteritis, præsentibus & futuris, & ei displiceant in infinitum. Et sic non solū patietur in corpore, immò etiam in anima, ad satisfaciendum pro peccatis plenariè. Nam omnis offensa & iniuria, ac culpa contra Deum obligat ad infinitam pœnam: quia est contra Deum omnipotentem, qui est infinita iustitia, & hoc propter contemptum Dei: & ideo oportet, quòd satisfactio sit infinita. Et quia etiam talis offensa est contra infinitam bonitatem & benignitatem: ideo etiam pro plenaria satisfactione requirit infinitam displicentiam: quia summa bonitas fuit offensa, quæ est in infinitum amabilis. Ideo quantum est amabilis, tantum offensa contra ipsum est displicibilis & odibilis. Et ideo erit necessarium, quòd ille homo tristetur veraciter, & doleat de offensis hominum.

T I T V L V S C C L X I I .

*Qualiter se debet habere ille homo post mortem suam sponte susceptam.*

**M**onstratum est autem suprà, qualiter summè erit necessaria mors tanti hominis, qui sit Deus & homo, pro satisfactione totius humanæ naturæ: & visum est qualiter mors eius poterit satisfacere; & ideo restat videre, quid debet facere talis homo post mortem suam, & quid necessarium erit, quid faciet ultra pro hominibus, & quid sequi debeat post mortem suam. Videamus ergo, si debeat remanere mortuus, vel iterum reuerti ad vitam. Et quoniam ille homo erit Deus & homo

*Tit. 254.*



## 478 *De resurrectione Christi.*

*Quia  
Christus  
debuisset  
resurgere.*

homo, & per consequens omnipotens, sapientissimus, optimus, & benignissimus: ideo omnia, quæ faciet, faciet sapientissimè, benignissimè, & rationabilissimè. Et ideo necessarium erit, ut iterum redeat viuis, & suscitetur seipsum de morte per propriam potentiam, & non maneat in morte. Sicut enim mors eius erit necessaria: ita etiam resurrectio sua erit necessaria, sed non ad satisfaciendū, nec delendum peccata & offensas: quia mors eius operabitur plenissimè ad satisfaciendum pro peccatis. Sed nisi post mortem suam sequeretur sua resurrectio & suscitatio, mors eius esset perdita quoad homines, & totum esset frustra: quia nullus haberet spem, nec fidem in eum, nec in merito suæ mortis, nec vniretur, nec adhereret ei: & sic pretiosissima mors non esset utilis hominibus. Et sic erit necesse, quod reuertatur viuis post mortem, & resurgat: & hoc requirit necessitas liberationis humanæ naturæ, & ipsamet mors sua, ut meritum tantæ mortis non perdat. Et ideo postquam mors facta erit, ad nihil utile esset stare mortuum; immò summè damnosum & inutile, ac destructivum totius boni. Sicut enim ipse suscipiet mortem voluntariè & sponte propter honorem deitatis, & propter utilitatem totius humanæ naturæ: ita etiam propter eandem utilitatem necessarium erit, quod suscitetur seipsum à mortuis. Et ideo necessarium erit humanæ naturæ, quod talis persona, qui sic erit Deus & homo, faciat satisfactionem, ut per mortem suam possit satisfacere, & iterum post mortem possit resurgere, & seipsum suscitare: quia utrumque est necessarium humanæ naturæ, & vnum

*Ad quid  
sit diuer-  
sitas na-  
turarum  
in una  
persona  
Christi.  
  
Corpus  
Christi  
non de-  
buit cor-  
rumpi.* sine altero nihil proficeret. Ad hoc enim valebit, & est necessaria unitas personæ, & diuersitas naturarum, sc. diuinæ & humanæ in illo homine: ut illud, quod opus erit fieri ad restorationem & satisfactionem, si humana natura non poterit, diuina faciat, & si non conuenit diuinæ naturæ, humana exhibeat; & non alius, neque aliud, sed ut sit idem ipse, qui perfectè existens Deus & homo per humanam soluat, quod illa debet; & per diuinam possit, quod expedit: ut sic diuina natura iuuet humanam, in quibus ipsa non poterit. Item etiam erit necessarium, quod resurgat à mortuis: quia suum corpus gloriosissimum non debet corrumpi, nec reuerti in puluerem: quia etiam non debebit mori, nisi

nisi velit, ut dictum est. Et ideo necesse est, quod resurgat corpus; aliter deitas faceret iniustitiam humanitati, quod fieri non debet. Sed qualiter debebit resurgere vel mortalis ut prius, vel immortalis totaliter, ut amplius non possit mori? Et dicendum, quod totaliter immortalis, ut in æternum mori non possit, nec pati: quia sua mors amplius non proficeret, nec erit necessaria, quia mors prima sufficit imperpetuum. Et *Debuit* ideo debebit reassumere corpus suum in statu ultimo *calos as-* & perfecto, ad quem ordinata fuerat humana natura. *cendere.* Præterea etiam non solum erit necessaria resuscitatio illius hominis, imò etiam necessaria erit Ascensio eius in Cælum, ut recipiat possessionem pro humana natura, & hoc regni Cælorum & hereditatis cælestis, quæ debebitur ei duplici iure, ut iam declaratum est. Et ideo oportebit, quod completis omnibus, quæ pertinebunt ad satisfactionem & ad liberationem humanæ naturæ, ascendat ad regnum Cælorum. Tali igitur indiget hu- *Tit. 260.* mana natura, quæ possit satisfacere, & mori, & resurgere à mortuis, & ascendere in Cælum, & accipere possessionem hereditatis, propter quam habendam creata fuit humana natura.

T I T V L V S C C L I I I .

*Qualiter se habebit ille homo ad omnes creaturas.*

**E**T quoniam totum vniuersum seu vniuersitas creaturarum est diuisa in quatuor partes, quia angelica natura diuisa est & partita in duas partes, scilicet in Angelos bonos, & in Angelos malos: deinde est humana natura, deinde corporales: & quia ille homo erit creatura in ratione humanitatis; ideo considerandum est, qualiter se habebit in quantum homo ad Angelos bonos, & qualiter ad malos, & qualiter ad homines, & qualiter ad mundanam & corporalem creaturam. Et quoniam iste homo erit maior creatura & altior, qui possit esse, vel cogitari: & in altiori dignitate, quia erit vna persona in deitate & humanitate, quia Deus & homo; ideo inquit homo ratione illius vnionis cū deitate erit super omnes creaturas, &   
omnis



*Christus  
est caput  
Angelo-  
rum &  
hominū  
bonorum.*

*Christus  
homo Do-  
minus  
omnium  
creatu-  
rarum.*

*Tit. 244.  
Tit. 246.*

omnis creatura erit inferior. Et ideo erit Dominus Angelorum & caput eorum : quia Angeli boni non habent caput , quia primus Angelus debebat esse caput , qui cecidit. Et ideo iste homo restaurabit & reintegrabit Angelos , & omnes Angeli erunt sui & ei debetur istud dominium. Item erit Dominus etiam malorum Angelorum : & hoc per iustitiam , quia primus malus Angelus erit captivus eius, ut iam declaratum est. Item erit Dominus omnium hominum, habens imperium super omnes homines , quia erit maior inter omnes homines. Et ideo erit caput omnium bonorum hominum , sicut est de Angelis bonis : & etiam erit Dominus malorum hominum , sicut malorum Angelorum , sed non erit caput eorum. Et sic idem erit caput bonorum Angelorum , & caput bonorum hominum ; ideo homines boni & Angeli boni erunt membra unius capitis ; & ideo etiam Angeli iuvabunt homines , quantum poterunt. Item etiam erit Dominus omnium creaturarum mundi : quia omnes creaturæ sunt propter hominem , & ipse erit Dominus super totam humanam naturam , & per consequens super omnes alias creaturas. Et idem erit Dominus terræ , aquæ , aëris , & ignis , & omnium quæ sunt propter hominem : & sic unus erit Dominus omnium creaturarum. Et istud dominium debetur ei & ratione dignitatis , & ratione meriti sui : quia dedit vitam suam ad honorem Dei. Et tunc fient duo corpora totaliter opposita , seu duo exercitus , scilicet corpus bonorum , & corpus malorum : & quodlibet corpus habet suum caput , & suum Ducem. Attamen corpus malorum erit prius , scilicet primus Angelus malus cum suis membris , sicut erat declaratum superius in tractatu de Angelo malo : & cum isto erunt per accidens incorporati mali homines ; sed ex opposita parte non erant nisi Angeli boni , qui non faciebant corpus : quia non habebant aliquam creaturam tam excellentem , sicut primus Angelus erat : & sic Angeli boni erant truncati capite. Et ideo quia ille homo erit maior , excellentior & melior , quam fuit primus Angelus , qui corruit : ideo rectissime erit caput bonorum Angelorum , & recuperabit natura Angelica caput maius , & melius , & excellentius , quam perdidit , & erit integrata in capite suo. Et tunc erit in ordine



ordine creaturarum bonarum vna creatura maior in bonitate, quàm sit illa creatura mala, quæ erat maior inter creaturas malas: quoniam nulla creatura erat ita bona sicut primus Angelus erat malus. & malum excedebat bonum inter creaturas. Sed tunc erit per contrarium, quia bonum superabit malum: quia multò magis & sine comparatione ille homo erit melior, quàm sit ille Angelus peior. Et sic duobus modis per illum hominem bonum vincet & superabit malum: Primò quia ipse erit melior, quàm sint omnes creaturæ malæ: Secundò, quia ipse faciet melius, quàm omnes creaturæ fecerunt malè, & facere potuerunt. Et sic omnibus modis bonum factum superabit malum factum imperpetuum: quare meritò ille erit caput bonorum Angelorum & hominum. Sed istud corpus bonorum non poterit crescere, nisi per homines, qui sunt de corpore malorum hominum: & ideò oportet, quòd corpus bonorum pugnet contra corpus malorum, vt trahat ad se homines, & conuertat, & incorporet: quia homines sunt conuertibiles ad bonum & malum. Et ideò tunc fiet maximum bellum & maxima pugna inter corpus bonorum & corpus malorum, scilicet primus Angelus cum suis membris custodiet quantum poterit, ne perdat homines, quos tenet: & corpus bonorum semper rapiet & trahet homines ad se, & diminuet corpus malorum quantum ad homines. Sed quia potentius & maioris virtutis erit corpus bonorum, quàm malorum ratione capitis: ideo corpus bonorum vincet corpus malorum, & quæret homines & trahet ad se, & corpus malorum perdet. Quamuis enim primus Angelus malus, qui est caput malorum, perdiderit homines per iustitiam, vt dictum est; attamen non dimittet nisi per violentiam. Et ideò necessaria erit pugna fortissima ad subtrahendum homines de potestate sua. Ecce ergo visum est qualiter ille homo qui est Deus & homo, se habebit post mortem suam, & qualiter se habebit ad omnes creaturas tam bonas, quàm malas, & quæ fient & quanta in vniuerso per suam bonitatem & excellentiam.

*Bonum  
superabit  
malum per  
Christū  
duplici-  
ter.*

*Tit. 261.*



## TITVLVS CCLXIV.

*Declaratio per exemplum familiare, qualiter dua natura, scilicet diuina & humana potuerint concurrere in vnā personam sine immutatione vtriusque, & quantum est possibile.*

**V**T autem aliquammodo videamus, qualiter diuina natura, & humana simul possunt concurrere, vt sint vna persona; & tamen diuina natura non perdat aliquid de excellentia & altitudine sua propter talem vnionem, nec etiam in seipsa aliquo modo mutetur, nec etiam humana; sed remaneant in suo esse: hoc potest declarari per exemplum familiare, scilicet per literas alphabeti. Quia sunt quinque vocales per se sonum facientes, scilicet, a, e, i, o, & v, & aliae sunt consonantes. Vnde quaelibet vocalis facit per se sonum, & quasi vnā personam: quia per se sonat: Inter istas autem literas fit coniunctio & vnio, & constituitur noua sillaba: quia duae vocales possunt coniungi adinuicem & facere vnā sillabam, & etiam vocalis cum consonante facit sillabam. Et per istas coniunctiones & vniones possumus declarare coniunctionem & vnionem diuinæ naturæ & humanæ in vna persona. Vnde tres sunt vocales, quæ nunquam perdunt sonum suum, quæ sunt totaliter immutabiles, scilicet, a, e, & o, & istæ significant tres personas in diuinis, quæ sunt immutabiles totaliter, & nunquam possunt perdere sonum suum. Sed sunt duae aliae vocales, quæ possunt perdere sonum suum proprium, & mutari in sonum consonantis literæ, & sunt in se mutabiles, scilicet, i, & v, & significant duas naturas creatas, quæ faciunt personam, scilicet, naturam angelicam, & naturam humanam, quæ possunt perdere sonum suum, & sunt mutabiles: vnde ista vocalis, i, significat naturam Angelicam, quæ est simplex, non habens corpus; sed ista vocalis, v, significat personam, seu naturam humanam, quæ habet duas partes, scilicet corpus & animam, quasi duas tibias. Ex ideo sicut sunt quinque personæ in rebus, scilicet tres diuinæ, & duae aliae, scilicet, Angelica, & humana: Istæ quinque quasi sunt quinque vocales per se sonantes, & aliae consonantes possunt significare omnes alias creaturas & naturas inferiores, quæ sunt propter istas, quæ

quæ non faciunt personam. Sicut igitur vna vocalis immutabilis suscipit aliam vocalem mutabilem ad se, & fit vna sillaba, quasi vnus sonus, & quælibet seruat suam naturam, quæ remanet vocalis, vt patet dicendo, au, eu; ita similiter persona diuina immutabilis potest suscipere naturam humanam mutabilem ad se, vt sint vna persona: & quælibet natura seruabit suam propriam naturam, & remanebit humana natura humana, & diuina natura diuina. Et etiã quando ista vocalis a vel, e, quæ est prima & principalis, suscipit istam vocalem, v, in suam personam, & in suum sonum primo est, a, vel e: & facit per se sonum; sed tamen nondum est, v, sed in puncto dum, v, formatur, suscipitur ab ista vocali, a, vel, e, ita quod, v, per se non existit prius: & postea suscipitur; imò simul dum fit, suscipitur. Ita conformiter diuina natura, seu diuina persona, quæ iam ab æterno est, potest suscipere humanam naturam in suam personam, non quod humana natura illa prius existat in se, seu illa humanitas; sed simul in puncto, dum fiet, suscipietur à diuina persona, & sustentabitur in ea, & non in seipsa, nec faciet personam per se: & sic non erit ibi nisi vna persona, scilicet persona diuina, quæ iam prius erat perfecta per se quàm existens in seipsa. Sicut enim ista vocalis, v, quæ suscipitur ab, a, potest habere duos modos existendi, vnum per se dicendo, v, & tunc per se facit sillabam & quasi suam personam; alium modum habet existendi in alio, quando coniungitur cum, a, cum, e, & tunc non facit sillabam per se, nec sonum per se: imò sonat cum, a, dicendo, au: ita similiter humanitas, seu natura humana potest habere duos modos existendi, vnum per se: & tunc faciet personam, & est homo: alium cum coniungitur cum alia natura prius existente, scilicet diuina: & tunc non facit personam, sed personatur, scilicet in diuina. Et sicut vocalis principalior & maior & immutabilis semper est prior, & suscipit aliam; & vocalis minus principalis & minor & mutabilis suscipitur, ita natura diuina, quæ est principalior & maior & immutabilis suscipiet humanam; & ipsa humana, quæ est minus principalis & minor & mutabilis, suscipietur. Et sicut ista vocalis, a, vel, e, maior & immutabilis, dum suscipit istam vocalem, v, nullo modo mutatur in se, nec diminuitur, nec alteratur, nec



#### 484 *De unione naturarum in Christo.*

aliquid perdit de sua dignitate & de sua excellentia propter talem susceptionem, sed solum iuuat aliam vocalem & sustinet nihil perdendo de suo; ita conformiter persona diuina, seu natura diuina potest suscipere humanam naturam in se & in sua persona; & tamen propter hoc nihil perdet de sua dignitate, nec de sua excellentia, nec aliquid mutabitur in ea: imò ipsa remanebit totaliter, vt fuit prius; sed solum iuuabit & sustinebit aliam naturam, & exaltabit eam, vt faciat vnā personam cum ea: & natura humana propter hoc assumet maiorem denominationem & excellentiam, vt vocatur homo Deus. Quia enim necessario ibi homo est; ergo necessario illa persona dicetur homo & Deus: Deus propter naturam diuinam; & homo propter naturam humanam, & tamen non erit nisi vna simplex persona, scilicet diuina. Et sicut natura humana ascendet ad dignitatem & excellentiam, & summè exaltabitur; & tamen propter hoc natura diuina nil perdet de suo, nec aliquo modo diminuetur, nec descendet de sua dignitate, nec humiliabitur; sed aliam meliorabitur, sicut Imperator, vel Rex nil perdet de sua dignitate, si suscipiat sponsam de infimo genere; sed sponsa exaltabitur sine diminutione Regis. Ecce ergo exemplum familiare per coniunctionem vocalium inter se ad videndum, qualiter fieri potest coniunctio diuinæ naturæ & humanæ in vnitae personæ, quod est valdè proprium: & maxime quia ista vocalis, v, significat humanam naturam, vt dictum est. Item etiam potest esse exemplum de arboribus, quando inuicem inseruntur, vnde fiunt coniunctiones & vniones inter diuersas naturas arborum; ita quòd vna suscipit aliam in se, & fiunt vna arbor quasi vna persona, & vna arbor viuit in natura alterius arboris; ita etiam diuina natura potest suscipere humanam naturam, & potest fieri insertio vnus naturæ in aliam.

\* \* \*

TITVLVS

T I T V L V S C C L X V .

*Quòd non sit impossibile Deo, nec repugnet  
hominem assumere.*

**Q**Uòd autem hoc non sit impossibile fieri, nec repugnet aliquo modo Deo, manifestatur hoc modo: Sicut enim placuit Deo coniungere naturam intellectualem carni, & hoc potuit facere; ita etiam poterit proportionare aliquam humanitatem sibi, ut sit capax deitatis: ut sicut potuit facere, quòd natura corporalis tantum ascenderet, ut esset capax naturæ intellectualis, scilicet animæ rationalis; ita poterit facere, quòd natura humana tantum ascendat, ut sit capax deitatis. Et sicut potuit facere, quòd natura corporalis esset capax suæ imaginis creatæ, scilicet animæ rationalis; ita poterit facere, quòd humana natura sit capax suæ imaginis increatæ: ita quòd cum non sint nisi duæ imagines Dei, scilicet creatæ & increatæ: sicut natura corporalis tantum potuit ascendere, ut esset proportionata imagini creatæ. Vnde iam in humana natura est sua imago increata, scilicet in Cœlo in Christo: & etiam est imago sua creatura, scilicet anima rationalis. Et magis videtur convenire imago increata cum imagine creatæ, quàm ipsa imago creatæ cum natura corporali: Et sic non repugnat, quòd imago Dei increata uniatür humanitati, in qua est imago Dei creatæ. Et ideo sicut Deus facere potuit, ut sua imago creatæ & intellectualis, scilicet anima rationalis faciat vnam personam cum natura corporali, scilicet cum carne, seu corpore; ita poterit facere, quòd sua imago increata intellectualis poterit facere vnam personam cum natura humana in aliqua singulari humanitate. Et ideo quia imago increata est iam persona æterna & ab æterno, & non potest fieri alia persona: ideo hoc non potest fieri nisi ipsa humanitas aliqua personetur in persona imaginis: quia duæ personæ non possunt concurrere in vnam personam. Quando autem anima rationalis unitur corporali: tunc fit vna persona; non tamen anima est persona: quia non prius existit per se antequam uniatür carni; sed simul creatur & unitur. Et ideo si corpus & anima debeant



## 486 *De unione naturarum in Christo.*

simul facere vnam personam cum imagine increata, quæ est persona, oportet, quòd simul & semel in eodem puncto indiuisibili, dum anima vnitur corpori, ipsa imago Dei increata vniat corpus & animam sibi in sua persona, vt faciat vnam personam cum imagine increata; nec aliter fieri potest, ita quòd vnio corporis & animæ non præcedat, quia tunc iam facerent personam per se; sed ista tria simul coniunguntur, scilicet corpus & anima & imago Dei increata, vt sit vna persona. Et sic apparet possibilitas & nulla repugnantia coniunctionis diuinæ naturæ & humanæ in vnitæte personæ. Recolligenda igitur sunt eà, quæ manifestata sunt pro reparatione, satisfactione & liberatione hominis & totius humanæ naturæ. Apparet, quòd est necessarium homini lapso, perduto &

*Epilogus.*

*Tit. 249.*

*Tit. 252.*

*Tit. 253.*

*Tit. 254.*

ad pœnam infinitam obligato, si debeat, & velit reduci, & exire de statu perditionis, & peruenire ad illud bonum, propter quod factus est, & apparet, & est manifestum, quòd si homo debeat liberari à sua obligatione infinita, per quam ei debetur pœna æterna: & debeat etiam restitui ad illud bonum & gaudium æternum, propter quod habendum factus est, necessaria est ei infinita satisfactio infiniti pretij, & quòd talem satisfactionem tanti pretij non potest soluere nisi persona infinita, quæ sit Deus & homo simul in eadem persona: quia non debet nisi homo, & non potest nisi Deus. Patet etiam, quòd assumi debet ille homo de genere primi hominis, de matre virgine sine patre. Item etiam, quòd necesse est, quòd talis homo possit mori, si velit: & quòd vita illius est tam pretiosa & sublimis, vt sufficere possit ad soluendum quod debetur pro peccatis totius mundi, & plus in infinitum. Patet igitur ex his omnibus quanta sit necessitas & indigentia cuiuslibet hominis & totius humanæ naturæ, & quàm difficilis sit eius satisfactio & liberatio & per consequens quantum malum sit Deum infinitum offendere, & contra Deum facere, cum tanta oporteat fieri ad recuperandum eius amicitiam, & ad destruendum ipsam offensam & peccatum.

TITVLVS

*Hic inuestigatur voluntas & intentio, propositum  
& deliberatio Dei ad dandum talem hominem  
humana natura.*

**Q**Voniam autem probatum est infallibiliter, qualiter tota natura humana & omnis homo indiget tali homine, qui sit Deus & homo; aliter tota natura humana esset totaliter perdita, & omnis homo esset perditus: & quia talis homo non potest esse nisi Deus faciat ipsum: quia non potest fieri sicut alij homines, ut iam declaratum est: & ideo nisi Deus velit ex sua infinita bonitate dare talem hominem mundo & naturæ humanæ, necesse est quod totus mundus sit perditus æternaliter: ideo inuestigare debemus, si Deus ex sua bonitate voluit dare talem hominem humanæ naturæ. Et apparet de facto, quod voluntas & intentio Dei fuit dare talem hominem; aliàs sequeretur, quod omnes homines, qui sunt, fuerunt & erunt, sint perditæ æternaliter, & quod nullus homo attingat finem, propter quem factus est: & per consequens omnes homines frustra essent & viuerent, & omnes creaturæ frustra seruirent hominibus, & totus mundus esset frustræ. Sed cum Deus permittat, quod omnes creaturæ suæ, quæ sunt tam bonæ, tam pulchræ, tam bene ordinatæ seruiant continuò, indefinenter cum tanta diligentia toti humanæ naturæ: videretur esse contra honorem suæ sapientiæ, quod permetteret & veller, quod omnes suæ creaturæ bonæ frustra seruirent & inaniter. Si enim nullus homo debeat saluari & attingere ad finem, propter quem Deus creauit illum, omnes creaturæ frustra seruiunt, & hoc est contra summam sapientiam. Ergo postquam Deus, qui est summè sapiens, permittit & vult, ut videmus per experientiam, quod homines viuunt de creaturis, & creaturæ suæ seruiunt hominibus, & ipsemet multiplicat homines super terram, creando animas & immittendo eas. Signum ergo est infallibile, quod intentio sua & voluntas sua fuit saluare & reparare naturam humanam, & reducere homines ad hoc, propter quod facti sunt. Non enim Deus multiplicaret genus humanum; sed statim in principio de-

*Quod  
Deus fi-  
lium suū  
pro nobis  
tradidit.*



## 488 *Quod Deus Filium suum tradidit.*

struxisset totum, si non habuisset intentionem, nec voluntatem saluandi hominem. Ergo postquam non destruxit, sed reseruauit & multiplicauit, signum est, quod aliquid bonum volebat facere de homine: & nullum aliud bonum potest facere homini, nisi quod ipsum reducat ad illud, propter quod factus est. Sic ergo illa, quæ per experientiam apparent in ficto, de necessitate arguunt & demonstrant intentionem & voluntatem Dei circa hominem. Item etiam inconueniens videtur, quod Deus permittat, vel permiserit vno momento humanum genus & omnes creaturas, quas fecit propter vsum & seruitium hominis, frustra extitisse. Vnde si aliquo momento non fuerit in mundo aliquis, qui deberet saluari: iam tunc munduserat frustra, quod summa sapientia non videtur posse pati, quia contra honorem suum esset: etenim iam declaratum est, quod Deus nihil facit contra honorem suum & suæ sapientiæ & suæ potestatis & bonitatis. Et quoniam nullus homo potest saluari absque illo homine, quem requirit tota humana natura, qui sit Deus & homo; sequitur quod postquam voluntas Dei fuit saluare homines, quod etiam de necessitate fuit intentio sua talem hominem dare mundo & toti naturæ humanæ, sicut supra declaratum est: quia sine tali homine nullus potest saluari, sicut dictum est. Ecce maximam Dei bonitatem, ecce maximam Dei misericordiam & pietatem, ecce optimam & benignissimam Dei voluntatem: qui tantum & talem hominem deliberauit dare, proposuit & ordinauit dare hominibus & mundo: & hoc dicunt & testificantur omnes creaturæ. Ecce nunc habemus duo fundamenta manifesta & declarata primum est summa indigentia & necessitas humanæ naturæ: quia non potest esse, nec cogitari maior. Secundum est propositum & intentio voluntatis Dei dandi talem hominem mundo, & faciendi tantum bonum humanæ naturæ, quo non potest fieri, nec cogitari maius. In istis duobus fundamentis tanquam in duabus columnis, fundabitur totus noster processus. Postquam enim constat, quod Deus deliberauit & proposuit ac ordinauit ex sua summa bonitate, & hoc per testimonium infallibile creaturarum suarum dare talem & tantum hominem naturæ humanæ, necesse est, quod

quòd hoc fiat , & impossibile est hoc aliter fieri. Ecce ergo nunc habemus summam securitatem habendi illum hominem, quem tam longè quæsiuimus & inuestigauimus.

T I T V L V S C C L X V I I .

*Quòd necesse est, quòd ille nouus homo tam pretiosus detur humana natura modo conuenientissimo.*

**E**T quoniam declaratum est iam , quòd necesse est, quòd iste homo sit postquam deliberauit eum Deus dare : & quia omnia , quæ Deus facit , operatur ad honorem suæ potestatis , suæ sapientiæ & bonitatis , & ad vtilitatem creaturæ rationalis & hominis : ideo necesse est, quòd det illum nouum hominem taliter , quòd sit honor suæ sapientiæ , suæ potestatis & bonitatis , & sit summa vtilitas humanæ naturæ. Postquam enim ipse apponit manus , necesse est, quòd fiat ita. Et quoniam istud est maius bonum , quod Deus possit facere humanæ naturæ ; ideo necesse est, quòd fiat modo conuenientissimo , congruentissimo & sapientissimo : quia isto modo Deus operatur, vt declaratum est in capitulo de honore. Et ideo possumus arguere, quòd sicut Deus præparauit istum mundum propter hominem, vt esset conueniens ad suscipiendum hominem : & etiam præparauit & disposuit corpus humanum , vt esset conueniens & proportionatum ad suscipiendum animam rationalem ad suam Imaginem creatam : ita similiter præparabit & disponet naturam humanam & homines , vt sint conuenientes ad suscipiendum istum hominem, quoniam quodammodo sicut primus homo se habebat ad totum mundum, in quo susceptus est, & anima ad corpus, in quo suscipitur ; ita se habebit iste homo ad totam humanam naturam, & ad omnes homines : quia iste homo debet suscipi ab hominibus & dari naturæ humanæ. Et ideo sicut primus homo erat super omnes creaturas ; ita iste homo oportet quòd sit super omnes creaturas. Et ideo quia natura humana debet suscipere istum hominem tanquam summè indigens ; ideo necesse est, quod taliter

H h 5



## 490 *Quod Deus filium suum tradidit.*

*Quod  
debuit  
Christus  
promitti.*

*Oportuit  
Deū dis-  
ponere  
beatam  
Virginē,  
ut Chri-  
stum cō-  
ciperet.*

disponatur & præparetur natura humana, & taliter primo disponat eam, ut sit capax, & sit apta & conueniens, & sit in ea capacitas ad suscipiendum istum pretiosissimum hominem. Et ideo oportet, quod homines primo cognoscant suam necessitatem, & summam indigentiam, & cognoscant se summè indigere isto homine, & oportet, primo antequam Deus dederit istum hominem, quod sit summè desideratus & expectatus ab hominibus tanquam summè necessarius, & summè bonus: aliter non esset capacitas in hominibus: quia appareret hominibus, quod esset superfluous. Ideo oportet, quod primo antequam appareat, sit promissus à Deo & reuelatus & manifestatus, ut homines cum vera certitudine & credulitate firmissima ipsum expectent & desiderent. Et ideo necesse erit, quod aliqui homines præcedant aduentum istius hominis necessarij; quibus Deus reuelet & manifestet istum nouum hominem, & quibus promittat etiam eum: ut per eos promittat eum toti naturæ humanæ. Et ideo oportet, quod Deus tales homines disponat & præparet, ut sint apti & conuenientes ad hoc. Et quia ista dispositio & præparatio debet esse successiua & paulatim procedendo de imperfecto ad perfectum, & de minori ad maius, & semper debet crescere, donec facta sit plena & sufficiens capacitas, & dispositio ad suscipiendum: ideo oportet, quod Deus taliter disponat genus humanum per multa tempora paulatiuè; donec sit in humana natura plena capacitas ad suscipiendum istum hominem pretiosissimum: ut scilicet Deus magis ac magis reuelet ipsum & manifestet & promittat & paulatiuè magis ac magis homines ipsum desiderent, & sic fiant magis ac magis capaces. Et tantum beneficium, quo nullum est maius, requirit, ut promittatur prius, & credatur firma fide, & promissum expectetur, & expectatum differatur, & dilatum amplius desideretur, & diu desideratum feruentius ametur, & gratiosius suscipiatur. Et quia in isto homine diuina gratia debet assumere humanitatem & carnem ac animam, & hoc debet fieri in muliere virgine sine patre: ideo oportet, quod vna mulier sic disponatur à Deo, ut sit conueniens & apta & digna: ut ex ipsa assumatur illa pretiosissima caro, & formetur illud pretiosissimum corpus, quod debet vniri cum deitate, & cum persona filij Dei in vnitæte personæ.

## *Quod Christus iam diu venerit. 491*

na. Et ideo duæ sunt præparationes in humana natura ad suscipiendum talem hominem, quo indiget, & quem Deus proposuit dare. Vna dispositio & præparatio est quo ad homines, ut sint apti ad suscipiendum eum: alia est quoad carnem suscipiendam, ut sit *Dua præ-* digna vniri cum deitate. Et ideo ad istas duas disposi- *paratio-* tiones & præparationes fiendas oportet quod Deus *nes ad* assumat vnā portionem & vnā partem de tota na- *suscipiē-* tura humana, scilicet quod assumat vnum hominem, *dum* & ipsum eligat ad hoc, ut de ipso nascatur multitu- *Christū.* do hominum per continuam generationem, & generatio sua multiplicetur, & quod tales homines sint signati inter omnes homines totius humanæ naturæ, ut scilicet Deus specialiter loquatur cum eis, & eis reuelet & manifestet & promittat aduentum istius hominis, & per istos toti humanæ naturæ, ut de istis & de genere istorum nascatur ista sacratissima mulier & virgo, quæ sit mater istius hominis. Vnde si Deus non assumeret, nec eligeret aliquem specialem populum ad omnia, quæ pertinent ad aduentum illius hominis, esset inconfirmatio & inordinatio in suo opere Dei, quod fieri non potest. Conclusum est igitur, quod postquam Deus proposuit dare iustum nouum hominem, quod ex hoc necesse est, quod sit, & quod oportet, quod Deus det illum eo modo, quo debet & conuenit: & per consequens, quod antequam det illum, oportet, quod disponat genus humanum ad suscipiendum eum.

### **T I T V L V S C C X L V I I I.**

*Quod Deus iam dedit istum nouum hominem toti humana natura.*

**E**T quoniam necesse est, quod ille homo nouus, quo *Tit. præ-* indiget omnis homo, sit, & veniat in mundum, post- *cedenti.* quam Deus ex sua infinita bonitate proposuit ipsum dare: ideo necesse est, quod vel Deus ipsum dederit, vel adhuc dabit: necesse est quod venerit in mundum, vel venturus sit. Et quia conclusum est, quod Deus debet ipsum dare eo modo, quo melius conuenit & decet: ideo exinde concluditur, quod iam ipsum dedit mundo, & quod iam venit: quoniam contra honorem suæ sapientiæ esset dare ipsum in isto tempore, in quo natura humana ad nihilum deducta est.



## 492 *Quod Christus iam diu venerit.*

*Tit. præcedenti.  
Tempus dispositionis, & tempus susceptionis Christi.*

est. Vnde necessario Deus dedit illum tempore, quo magis decebat & conueniebat dari mundo. Item postquam Deus deliberauit illum hominem dare mundo & toti naturæ humanæ, & per consequens primò debebat disponere totam naturam humanam ad suscipiendum, antequam daret, ut dictum est: sequitur, quòd totum tempus naturæ humanæ diuiditur in duas partes generales, scilicet in tempus & dispositionis & præparationis, & in tempus susceptionis, & per consequens in tempus promissionis, & in tempus adimpletionis promissi: quia primò Deus debuit promittere ipsum, & postea adimplere promissum & dare. Ergo ista duo tempora debent adinuicem esse proportionata & continuata, & vnum immediatè debet sequi aliud, nec debet esse tempus medium. Sed modò Deus non promittit illum hominem dare, nec disponit naturam humanam ad suscipiendum illum. Vnde nullus populus in mundo præparatur ad suscipiendum, nec populus Christianitatis, nec populus Saracenorum: ergo nullus populus potest esse, nisi populus Iudæorum. Sed modò non disponit, nec præparat Deus populum Iudæorum ad suscipiendum talem hominem, & ut talis, qui est melior, quàm primus homo fuit, nascatur de genere eorum; immò totaliter nunc de præsentì populus Iudæorum repugnat excellentiæ & dignitati illius hominis: quoniam gens Iudæorum est in derisum & opprobrium, & in vituperium omnium hominum totius mundi, & in captiuitate aliorum populorum, & sine capite, & sine terra; & tamen aliàs fuerunt in maxima dignitate & reputatione inter homines, & per vniuersum mundum, & modò est totum per oppositum, & in tali statu fuerunt per mille annos & ultra. Ergo sequitur, quòd status Iudæorum, qui est de præsentì, & in tantum durauit & totaliter repugnat illi homini & excellentiæ eius: quia disponere & tractare eos, sicut modò Deus tractat eos, non est disponere eos ad suscipiendum talem hominem, nec ut assumat de carne eorum humanam naturam. Taliter enim dispositi erant per mille annos & minus indispositi quàm modò; & tamen nihil fiebat eis. Ergo modò nihil operatur Deus in populo Iudæorum, immò mille anni sunt, quòd Deus nihil est operatus, per quod disponat eos ad suscipiendum talem hominem,

ut

## *Quod Christus iam diu venerit. 493*

ut de genere eorum nascatur. Ergo concluditur, ex quo Deus nullum populum disponit, nec præparat ad recipiendum talem hominem, quem deliberauit dare mundo: & cum inter ista duo tempora non sit dare medium, sequitur de necessitate, quòd tempus dispositionis, & præparationis, & promissionis Dei præteritum est: & quòd nunc sumus in tempore adimpletionis promissi. Ergo sequitur, quòd ille homo iam datus est humanæ naturæ, iam venit, iam Deus dedit illum, vel nullo modo venturus est, nec Deus est eum daturus. Sed probatum est, quòd Deus proposuit eum dare: ergo concluditur de necessitate, quòd Deus eum dedit. Ergo etiam sequitur quòd aliquis populus fuit à Deo electus specialiter, in quo Deus fecit omnes præparationes & dispositiones, quæ pertinebant ad susceptionem illius hominis pretiosissimi: ut ille homo susciperetur in mundo, & ut assumeret illam carnem pretiosissimam de genere illius populi. Sequitur etiam, quòd ille populus fuit antiquior inter omnes populos, & quòd cognoscebat Deum; sed nullus populus est talis nisi populus Iudæorum, qui est antiquissimus inter omnes populos mundi, & semper coluit vnum verum Deum. Vnde populus Christianus nouus est, & etiam populus Saracenorum magis nouus: ergo nullus alius populus potest esse, nisi populus Iudæorum. Ergo concluditur, quòd Deus fecit omnia illa, quæ pertinebant ad illum hominem, quem Deus intendebat dare: & quòd de illo populo assumpta est illa virgo mulier, de qua natus est immediate ille nouus homo sine patre in terris. Ergo sequitur, quòd ille homo nouus, quo indiget omnis homo, quem Deus deliberauerat dare toti mundo, est de genere Iudæorum & de illo populo. Quare concluditur, quòd natura humana habet iam de facto, & suscepit illum nouum hominem, quo ipsa indigebat, qui est Deus & homo: & per consequens, quòd iam facta & completa est satisfactio & solutio pro toto humano genere: & omnia impleta sunt, quibus natura humana indigebat: quia iam venit

Saluator, & Liberator.

*Tempus  
promis-  
sionis  
Christi  
præterit.  
Tit. præ-  
cedenti.*

*Deus  
elegit  
nasci ex  
Iudæis.*

\*\*\*

TITV



*Quod Iesus Christus à Iudeis crucifixus & occisus est  
ille nouus homo, qui est Deus & homo, quo indiget  
omnis homo, quem Deus deliberauerat  
dare mundo.*

*Tit. 253.*

*Quod  
Iesus sit  
Messias.*

**E**T quoniam iam probatum est in tractatu de homine ad longum, quòd Iesus Christus est verus Deus & verus homo, & est verus Filius Dei: ergo sequitur de necessitate, quòd ipse est illa persona infinita, & ille homo nouus, quo indigebat omnis homo pro satisfactione infinita, & qui necessarius erat humanæ naturæ, & quem Deus proposuerat dare mundo. Et hoc clarissimè apparet per omnia verba & facta sua, & per totum processum suum, & per illa, quæ cum secuta sunt. Vnde omnes conditiones & circumstantiæ, quæ necessariae erant ad satisfactionem naturæ humanæ, completæ sunt in eo. Vnde ipse dicit se esse Deum & hominem, dicit se esse illum, qui erat à Deo promissus, dixit se venisse ad moriendum pro hominibus & pro peccatis eorum, & iam dixit se mori voluntariè & de facto sponte & voluntariè mortuus est, & dedit se ipsum morti, & sciuit & præsciuit mortem, & dixit & promisit remissionem omnium peccatorum, & de facto remittebat peccata hominibus, vt vocauit totum mundum ad indulgentiam & remissionem omnium peccatorum ac offensæ Dei, & vocauit totum mundum ad regnum Cœlorum, & ad vitam æternam, & omnibus penitentiam in nomine eius agentibus promisit vitam æternam, & præcepit discipulis suis prædicare penitentiam & remissionem peccatorum: Prædicauit etiam contra peccata hominum semper, & illa redarguebat & veritatem dicebat, & totus suus processus, ac intentio erat destruere peccata hominum. Et etiam post mortem, resurrectionem & ascensionem suam prædicauerunt eum surrexisse à mortuis & ascendisse in Cœlum, & prædicauerunt in nomine eius remissionem omnium peccatorum per vniuersum mundum. Item omnia, quæ sunt in Ecclesia sua, sunt contra peccata & ad destruendum peccata: & in hoc significatur, quòd ipse est inimicus & destructor peccatorum & criminum. Ergo omnia ista arguunt infallibiliter, quòd ipse est

## *De conditionibus mortis Christi. 495*

est ille, qui fecit & soluit satisfactionem pro peccatis hominum : & quòd ipse est ille , qui erat necessarius toti naturæ humanæ. Si enim non esset ille , non pugnaret contra peccata , nec destrueret , nec posset : quia esset lapsus sicut alij homines , & esset peccato subiectus. Item etiam totus populus christianus credit ipsum esse verum Deum & hominem , & esse verum Saluatorem hominum , & quòd ipse mortuus est pro peccatis hominum , & satisfecit per mortem suam. Et in tali fide viuit & perseuerat tota christianitas , & in nomine eius remittuntur peccata. Ergo si Iesus Christus non esset ille verus homo , qui satisfacere deberet pro peccatis hominum : sequitur , quòd Deus debet eum hominibus mittere. Sed cum Deus permittat Iesum Christum regnare in mundo in tali nomine : & permittat , quòd tantus populus secutus fuit illum , & sequitur in tali nomine & fide , quod ipse est talis , qui debebat satisfacere pro peccatis & per tam longa tempora : sequitur , quòd Deus impedit seipsum , & facit contra seipsum : quia disponit mundum ad non credendum alteri alieui tali , sicut Iesus Christus creditur : quia oportebit , quòd ille , quem mitteret in mundum , faciat sicut Iesus Christus , & dicat se esse verum Deum & hominem , & destruat & impugnet peccatum. Et hoc etiam non potest fieri : quia ille , quem mitteret , si faceret sicut Iesus Christus , iam conueniret cum eo , & cum doctrina sua & cum operibus suis : quia pugnaret contra peccata sicut ipse : & omnia ista sunt absurda. Item populus Iudæorum , qui nunc est , expectat adhuc illum nouum hominem promissum à Deo : & populus Christianus credit illum iam venisse , & promissum esse adimpletum ; & Deus permittit Iesum Christum regnare sub nomine illo , scilicet tanquam ille , qui erat promissus à Deo , & talis creditur à populo Christiano : sed cum Deus deliberauerit & promiserit dare illum hominem toti humanæ naturæ : quia omnes homines indigebant eo , & non solum Iudæi : ideo Deus faceret contra seipsum , & impediret totum populum Christianum , ne susciiperet illum venturum promissum : quia permittit alium regnare sub illo nomine. Et sic Deus permittendo Iesum Christum regnare sub nomine promissi , si ipse non est , non disponderet ad suscipiendum alium venturum , imò totaliter impediret ,

*est ini-  
micus  
peccato-  
rum.*



## 496 *De conditionibus mortis Christi.*

*Iudai  
expectā  
tes Chri-  
stum de-  
cipiun-  
tur.*

ret, quod est impossibile. Et etiam Deus permitte-  
ret decipi totum populum christianorum, qui est, &  
qui fuit sub nomine promissi: quia omnes christiani  
credunt & crediderunt firmiter in Iesum Christum  
tanquam in illum, qui promissus erat à Deo per Pro-  
phetas & Patriarchas: & multi Iudæi crediderunt  
primò & prædicauerunt: & hoc Deus non potest fa-  
cere, quia esset contra honorem suæ bonitatis & suæ  
veritatis. Sed Iudæi, qui expectant adhuc esse ven-  
tuum, ipsi decipiunt seipsos: quia nolunt recipere  
Iesum Christum, qui venit sub nomine promissi à  
Deo, & nullus decipit eos. Item etiam ipsi non sunt  
dispositi ad suscipiendum Iesum Christum, primò,  
quia expectant: secundò quia sunt in miseria & ca-  
ptiuitate: & si recipiant Iesum Christum, erunt libe-  
rati: & tertio, quia ipsi non sunt modò dispositi, ut  
de genere eorum nascatur homo ille promissus. Sed  
etiam christiani sunt indispositi ad suscipiendum a-  
lium, si veniret: quia nullum expectant, cum iam  
credunt habere illum, qui est promissus. Ergo necesse  
est, quòd Iesus Christus sit ille promissus à Deo, &  
aliter fieri non potest. Non enim potest esse quod  
postquam Deus promisit mittere, quod primò per-  
mittat aliquem regnare in mundo sub nomine pro-  
missi ab eo, qui est deceptor & mendax: nec potest  
fieri, si Deus intendit mittere alium, quod ipse per-  
mittat, quod aliquis alius deceptor primò veniat, &  
præcedat, & regnet sub nomine promissi à Deo: quo-  
niam ille impediret alium venturum. Ergo necesse  
est, quòd ille, quem Deus primò permittit regnare  
sub nomine promissi à Deo, sit ille verus promissus.  
Ergo impossibile est, quin Iesus Christus à Iudæis cru-  
cifixus & occisus, sit ille verus homo, quem Deus de-  
bebat dare mundo ad satisfaciendum pro peccatis,  
& quo verissimè humanā naturā indigebat, cum ipsa  
humana natura non indigeret, nisi ut ipsa liberaretur  
à peccatis & offensis & culpis, & haberet remedium  
in eis: ut sic haberet veniam & indulgentiam ac vitam  
æternam & regnum cælorum: quia ista erat vera indi-  
gentia humanæ naturæ, & ipse Iesus Christus non  
fecit aliud nisi destruere peccata: & semper annihilare  
illa: & quicquid ordinavit, totum contra peccatum  
ordinavit: & omnes ministri eius ad hoc laboraue-  
runt,



runt, ut ipsa peccata destruerentur: & promisit sibi adherere volentibus remissionem omnium peccatorum, & vitam æternam, & regnum celorum. Et ipse veraciter est ille, quo humana natura verè indigebat. Quia ergo Iesus-Christus est ille homo & illa persona, quæ est necessaria pro satisfactione naturæ humanæ, habemus ergo iam applicare ei omnia, quæ dicta sunt superius de reparatione & satisfactione, & de conditionibus & proprietatibus illius hominis, qui erat necessarius ad satisfaciendum pro peccatis & offensis hominum: quoniam ipse est ille, quem quærebamus & inuestigabamus: & ideo loquebamur de ipso, ac si non esset. Ergo postquam ipse Iesus-Christus est ille, iam habemus maximam cognitionem de ipso, & scimus quod ipse est talis, quem demonstrabamus debere habere illa, & esse illum hominem, qui erat necessarius hominibus perditis & lapsis: ergo non oportet illa reiterare, sed quilibet potest per se applicare & concludere de Iesu-Christo affirmatiuè & verissimè.

TITVLVS CCLXX.

*Qualiter liber Dei conuenientissimè habet duas partes.*

**E**X hoc rectissimè apparet quomodo liber Dei iam *Tit. 213.* probatus: conuenientissimè debet habere duas partes generales, quæ sunt duo testamenta, scilicet testamentum vetus, & testamentum nouum: quoniam Deus primo promisit Iesum-Christum, & postea dedit & impleuit promissum. Et ideo liber primus est liber *Vetus testamentum est liber promissionis.* promissionis & continet omnia illa, quæ pertinent ad promissionem Christi, & ad præparationem & susceptionem: & secundus liber est liber susceptionis & adimpletionis promissi, in quo continetur omnia illa, quæ pertinent ad ipsam impletionem promissionis. Et ambo isti duo libri faciunt vnum completum librum Dei. Et sic mirabiliter isti duo libri: & ista duo testamenta adinuicè copulantur, proportionantur & consequuntur, & vnus sine alio esse nõ potest: quia promissio requirit adimpletionem, & adimpletio præsupponit promissionem, & non est dare medium inter ista duo. Et ideo liber *Nouum* secundus, seu secundum testamentum nouum est liber & *testamē-*



*tum est liber veritatis & adimplentionis.* testamentum veritatis: quia veritatis est, quando illud quod promittitur, adimpletur de facto. Et exinde concluditur infallibiliter, quòd antiquum testamentum est à Deo: quoniam in illo hominibus promittitur Saluator & nouus homo pro satisfactione & liberatione hominum ab obligatione, vt patet per suum processum, modò per Patriarchas, modò per Prophetas: sed solus Deus potuit facere talem promissionem, & nulla creatura neque bona, neque mala, nisi ex parte Dei. Et etiam infallibiliter concluditur quòd nouum testamentum est à Deo: quia ibi dicitur illud quod promissum erat à Deo iam impletum est; sed nullus potuit hoc dicere, nisi Deus, seu ex parte Dei. Et etiam apparet mirabilis concordia inter librum naturæ seu creaturarum; & inter librum scripturæ: quia creaturæ dicunt & testificantur, quòd Deus proposuerat & deliberauerat dare talem hominem humanæ naturæ, sicut ipsa indigebat pro satisfactione sua, vt probatum est iam; sed in libro scripturæ Deus promittit talem hominem, s. in antiquo testamēto; & in nouo testamento Deus implet promissum, & dat illum hominem promissum in antiquo. Et ideo apparet quòd omnes libri Dei sunt de illo homine, s. de Christo: immo quicquid Deus operatus est post lapsum, totum est propter istum hominem nouum, & totum respicit hominem nouum; quia humana natura non indigebat nisi isto homine nouo, s. Christo: & ideo quia iste homo debebat exire & extrahi de natura humana, & suscipi in ea: ideo continuò operatus est in hominibus & circa homines, vt de ipsis dignè possit exire talis homo, & vt dignè possit in ea suscipi, nec cessauit operari, donec ille homo factus erat in humana natura. Et sic cum iste homo deberet esse vniuersalis toti humanæ naturæ, sequitur, quòd quicquid Deus operabatur in humana natura, totum propter istum hominem operabatur vsque ad aduentum eius.

*Concordia libri naturæ & scripturæ.*  
*Tit. 266.*  
*Post lapsum hominis*  
*Deu. omnia operatus est propter Christū.*

## TITVLVS CCLXXI.

*Necessitas credendi fidem Christianam.*

*Tit. 208.* **Q**uoniam autem iam declaratum est in partibus præcedentibus debitum credendi, immo obligatio credendi fidem christianam: & hoc per creaturas, ita

ita quòd omnis homo debebat credere fidem christianam, sed modò vltra illud debitum addatur necessitas credendi, & quòd summa necessitas est omni homini credere fidem christianam; aliter necesse est, quòd pereat & perdatur in æternum. Vnde conclusum est, quòd nullus potest liberari ab obligatione infinita, quam debet pro peccatis & offensis nisi per personam infinitam, quæ sit Deus & homo: & hoc per mortem eius: & quia sola fides christiana credit Deum hominem, & habet talem personam, quæ sit Deus & homo, scilicet Iesum-Christum, qui mortuus est pro peccatis nostris. Et sic in fide christiana est vera redemptio; ergo verum pretium, quod debetur pro peccatis. Et ergo extra fidem christianam non potest fieri satisfactio pro peccatis, nec potest remitti aliquod peccatum: quia per Iesum-Christum solum fit remissio peccatorum. Et ideo sequitur, quòd quicumque sunt extra Christum & extra fidem christianam, necessariò damnantur in æternum. Quicumque ergo vult saluus esse, ante omnia opus est, & necesse est, vt teneat & credat fidem christianam, quam nisi homo crediderit, in æternũ peribit. Quicumque ergo non credunt fidem christianam, veniant & credant in Iesum-Christum, & quicumque iam credunt & manent in eo, & viuunt secundũ illũ & doctrinam suam, gaudeant: quoniam sunt in vera & perfecta fide; & doleant de aliis, qui sunt extra eam. Et ideo omnia clarè videant, & cognoscant omnes primo indigentiam & summam necessitatem humanæ naturæ, quanta necessitate indigeat tali homine, qui sit Deus & homo pro sua satisfactione. Secundo cognoscant qualiter omnes creaturæ manifestant nobis, quod Deus ex summa sua bonitate proposuit dare talem hominem humanæ naturæ iuxta suam indigentiam. Tertio videant, qualiter Deus promisit dare talem hominem in antiquo testamento, seu in primo libro Dei. Et quarto videant omnes & cognoscant verba, facta & opera Iesu, & totum suum processum, quem fecit ordinatissimè, & vitam suam, & doctrinam suam, & mortem & passionem suam, & omnia, quæ secuta sunt per ordinem post mortem suam. Et qualiter nomen suum exaltatum fuit post mortem suam, & prædicatum publicè per orbem vniuersum omni creaturæ, scilicet toti humanæ naturæ, quomodo ipse ordinauit per Apo-

*Tit. 201.*

*Tit. 252.*



stolos suos & Discipulos suam Ecclesiam vniuersalem nouam in mundo, quæ communis est omnibus hominibus volentibus ad eam venire. Et quomodo Ecclesia ab ipso ordinata paulatim creuit & augmentata est & diffusa per vniuersum orbem, & mirabilissimè ordinata & exaltata, & distincta pulcherrimè. Et videant quando inceperit, & quantum durauit, & qualiter processit iste status Ecclesiæ. Cognoscant & videant ordinationes & sacramenta, quæ ordinauit & instituit Iesus Christus per se & per Apostolos suos in Ecclesia sua: quoniam omnia sunt contra peccata, & ad delendum culpas & offensas contra Deum. Et omnia, quæ sunt in Ecclesia sua, sunt contra peccata hominum lapsum, corruptionem & perditionem hominis; ita quòd tota intentio Christi & Ecclesiæ suæ est contra corruptionem & lapsum humanæ naturæ, & contra eius perditionem & ad reducendum hominem ad illud bonum propter quod factus est, scilicet ad vitam æternam, & ad æternum gaudium, & reuocare hominem ab æterna tristitia & pœna & morte æterna. Cognoscant & omnes qualiter intentio Christi & Ecclesiæ suæ est destruere & eradicare radices omnium malorum, scilicet proprium honorem, propriam laudem & propriam voluntatem, & proprium amorem & priuatum: quæ omnia sunt origines peccatorum, vt iam probatum est, & perditiones humanæ, diuisiones & inimicitia inter Deum & hominem & inter homines: & tota intentio Christi & suorum discipulorum & Ecclesiæ suæ est fundata in honore & laude Dei, & amore puro & vero & vera obedientia, & omnibus illis, quæ in hominibus possunt destruere propriam voluntatem, proprium honorem & proprium amorem: quia per ista tria sunt omnia mala & per ista homo est lapsus, perditus & corruptus & Dei inimicus. Postquam ergo prædicata est per totum mundum remissio peccatorum & pax inter Deum & hominem: & omnes homines sunt vocati ad regnum cælorum, signum infallibile est, quòd iam venit, qui promissus est: & quòd ipse est ille, in cuius nomine hoc factum est: & hic est Iesus Christus. Cognoscant etiam homines qualiter per vniuersum mundum, seu orbem in nomine Iesu Christi crucifixi per Apostolos prædicata, subcinata, & præconisata est

pax

pax inter Deum & hominem, & remissio & indulgentia peccatorum, & in nomine Iesu-Christi promissa est hereditas regni cælorum, & vita æterna. Quicunque igitur voluerint clarè videre, videant & cognoscant omnia prædicta, quæ sunt in facto & experientia: & sic cognoscent indubitanter, quòd Iesus-Christus est verus & novus homo ille, qui est Deus & homo, qui erat necessarius toti humanæ naturæ, quem Deus promiserat dare hominibus, & quòd omnia, quæ Iesus-Christus fecit, & quæ creduntur de ipso, necessaria erant esse & fieri pro hominibus, pro satisfactione & liberatione completa humanæ naturæ. Et sic indigebat homo, ut omnia illa fierent pro ipso saluando, ut, scilicet Iesus-Christus nasceretur & conciperetur, sic viveret, & sic moreretur, sic resurgeret à mortuis, & ad cælos ascenderet, & sic de aliis, quæ est operatus. Comparemus igitur factum & debitum, scilicet factum Iesu-Christi, & qualiter debebat fieri, & satisfactio & liberatio humanæ naturæ qualis esset debebat, & quid facere debebat talis novus homo, qui necessarius erat mundo: & sic videbimus clarissimè, quòd Iesus-Christus est ille. Postquam igitur humana natura & homines habent de facto talem hominem & tam pretiosum, qui est Deus & homo, & qui fecit omnia, quæ erant necessaria toti humanæ naturæ, qui est Rex verus & Dominus super omnes homines: qui est ita pius, ita benignus, ita bonus, ita mansuetus, & tanto amore piissimo plenus erga hominem: qui voluit dare vitam suam & recipere mortem pro peccatis eorum: sequantur ergo illum, audiant illum, & præcepta sua & verba sua, & adhæreant, & credant veraciter illi, ac obediant, & fiant membra eius, & recipiant sacramenta eius, quæ ipse ordinavit: quia ipse est omnia, quæ homini sunt necessaria: & habet omnia, quoniam ipse est persona infinita, quia est Deus & homo. In ipso enim est plenitudo bonitatis, omnis pietatis, virtutis & charitatis & sapientiæ, omnis boni amoris, omnis scientiæ & omnis meriti. In ipso est omne bonum, in ipso est omnis potestas, omne dominium & imperium sempiternum. Qui ergo talem hominem conténit, dignus



est æterna punitione. Ex istis potest patere quantæ excellentiæ, & dignitatis sit esse Christianum: quia est membrum tanti hominis, qui est Deus & homo: & qualiter præualeat vnus Christianus verus, quàm omnes homines, qui non sunt Christiani: quia illi sunt perditæ. Et per oppositum falsus Christianus est vilis magis, quàm aliquis homo, qui non est Christianus. Dolere ergo debet falsus & malus Christianus; & verus & bonus meritò debet gaudere.

## T I T V L V S C C L X X I I.

*Qualiter iustitia Dei, & sua misericordia concordant summè in ista satisfactione.*

*Tit. 201.* **Q**Uoniam autem dum considerabamus iustitiam Dei & peccatum & offensam hominis, videbatur misericordia Dei perire: quia iustitia Dei exigebat infinitam satisfactionem ab homine, quam homo debebat, & ad quam obligabatur, quæ erat propter peccatum & offensam: & nisi homo solueret, liberari non poterat ab infinita pœna, quam mernerat: & sic videbatur, quòd Deus nullam misericordiam ostenderet. Sed non est ita: quia in ista satisfactione facta per mortem Iesu-Christi Dei & hominis est facta tam magna misericordia, quòd maior excogitari non potest: & tantum concordat cum iustitia, quòd magis non potest concordare. Vnde homo non poterat per se soluere Deo istam infinitam satisfactionem, quam iustè debebat: nec aliter, nisi solueret per integrum, iustè euadere poterat iugum obligationis ad pœnam æternam sibi debitam per iustitiam, nec per consequens euadere manus & potestatem diaboli: ideo Deus ex sola & pura misericordia gratis & sine meritis ipsius hominis, quia nihil meruerat homo nisi pœnam, præuenit primò hominem: vt deinde liberaretur homo per iustitiam. Quia si homo ex seipso non habebat cum quo faceret iustitiam de seipso dando debitum; Deus dedit homini per suam misericordiam illud, cum quo posset facere, & ei soluere per iustitiam: vt sic homo per integrum satisfaceret Deo & faceret iustitiam de seipso. Sed illud tale homo nunquam potuisset habere per seipsum, nisi Deus per

*Maxima  
misericordia  
in redemptione  
peccatorum  
nostrorum*

per puram suam misericordiam tribuisset homini. Ut ergo Deus placari posset ab homine, & homo haberet, cum quo placaret Deum & iram suam: Deus dedit gratis homini illud, quod homo deberet Deo ex debito reddere: dedit Deus homini & toti naturæ humanæ nouum hominem, qui esset maior homine, qui satisfaceret pro homine, qui haberet in se illud, quod superaret omne debitum, quod homo soluere debet, qui cum nihil pro se deberet, solueret pro aliis, qui quidem debebant, & vnde soluerent, non habebant. Dedit enim natura humana Deo in illo homine sponte & non ex debito quod suum erat: ut se redimeret in aliis hominibus, in quibus quod ex debito exigebatur, reddere non habebat. Quid ergo potest intelligi & cogitari misericordius, quam istud, scilicet quod Deus pater dicit homini peccatori damnato æternis tormentis, & non habenti vnde se redimat: accipe vnigenitum meum, scilicet Christum Iesum verum Deum & hominem, & da ipsum pro te. Et ipse filius Iesus-Christus dicit homini: Tolle me, & redime teipsum. Hoc enim dicunt, quando vocant hominem ad fidem Christianam: & trahunt, ut veniat ad tantam gratiam? Et quid etiam iustius potest cogitari, quam quod ille dimittat omne debitum, cui datur pretium maius, quam omne debitum, si tamen detur cum debito affectu, & modo, quo dari debet? Et sic homo iustissime liberatur sua obligatione, & satisfacit iustitiæ Dei; & Deus per iustitiam saluat hominem. Et sic fit in hoc verissima iustitia; & tamen cum hoc est ibi summa misericordia; quia Deus homini primò per solâ misericordiam illum, qui eum liberaret, dedit & illum qui tolleretur iniuriæ & offensæ Dei.

T I T V L V S C C L X X I I I.

*Hic ponitur compositio inter Iesum Christum crucifixum, & hominem perditum & lapsum: & qualiter se habent inter se: & ostenditur quæ sunt illa, quæ homo perditus recipit à Christo, & qualiter recipiat.*

**Q**uoniam autem propter hoc quia homo erat perditus, corruptus, lapsus & deuiatus, indigebat de



## 504 *De applicatione meriti Christi.*

*Com-  
paratio  
Christi  
ad ho-  
mines.*

necessitate nouo homine, qui esset Deus & homo, qui mortem reciperet pro homine : & quaesiuimus illum hominem per longum, & finaliter per Dei gratiam reperimus iam eum esse, quòd hic est Iesus Christus à Iudæis crucifixus : postquam ergo ille homo tam necessarius hominibus iam existit, restat modò videre, qualiter homo, qui est iam lapsus & corruptus, ab ipso recipiat omnia illa, quibus indiget. Vnde in Iesu Christo sunt omnia illa, quibus homo indiget : & ideo restat, quòd homo restauretur & reparetur de facto. Postquam remedium iam est, & medicina parata est, restat applicare ad opus. Quid enim proficeret medicina, si infirmo non applicaretur. Quid valeret panis esurienti, si eum non comederet ? Vnde postquam Iesus-Christus est ille, quo omnes perditì indigeant, datus à Deo : ideo est summè conueniens & proportionatus hominibus. Quia venit propter hominem lapsum, ideo proportionatur ei in omnibus. Ideo Iesus Christus facit vnā partem ; & alij homines faciunt aliam partem. Et ideo possumus facere comparisonem inter ipsum ex vna parte, & inter omnes alios ex alia parte. Vnde tota humana natura respicit ipsum ; & ipse respicit totam humanam naturam. Et ideo ipse se habet ad omnes alios homines, sicut Redemptor ad captiuos, sicut satisfactor ad obligatos, sicut solutor ad debitores, sicut reparator ad destructos, sicut recreator ad annihilatos, sicut medicus ad infirmos, sicut resuscitator ad mortuos, sicut illuminator ad excæcatos, sicut ductor ad deuiatos : & vt omnia vno verbo concludamus, ipse est omnia omni homini lapso & perditò. Et ideo qui non cognoscit se indigere Christo, pro nihilo reputat eum. Et quoniam iam videmus ad plenum totum lapsum & totam corruptionem & perditionem hominis ad statum, in quo est : & illa, quæ deficiunt homini, & quæ debebat habere, quæ ipse perdidit, & qualiter in homine factum est contrarium debito : ideo si volumus cognoscere quæ sunt illa, quæ homo debet recipere à Christo, oportet cognoscere totam indigentiam hominis, ac totum eius defectum. Vnde homo ante omnia indiget, vt liberetur ab obligatione, quam fecit propter peccatum, quæ est secunda obligatio : deinde indiget adiutorio, vt compleat

compleat primam obligationem naturalem, quam debet Deo : vt factum hominis concordet cum debito, vt scilicet homo faciat quod debet. Et hoc est liberare hominem & restaurare, scilicet liberare ipsum totaliter à secunda obligatione, quæ est mala & infinita : & iuuare ipsum, & dare ei adiutorium, & illud, per quod compleat primam obligationem : quia prima obligatio non potest deleri, neque destrui, quia necessaria est & incorruptibilis. Sic ergo in istis *Tit. 250.* duabus obligationibus consistit tota reparatio & restauratio hominis. Quia enim homo non soluit primam obligationem, immò fecit totum contrarium : ideo est malus, iniustus & corruptus & inimicus Dei, & est contrarius suo statui. Et impossibile est, quòd homo liberetur à secunda obligatione, quæ est propter offensam, nisi primam compleat : quia secunda obligatio orta est propter hoc, quia homo non soluit primam : quia si primam bene soluisset, secundam non incurrisset, vt iam declaratum est ad pl. num. Sic ergo homo necessariò indiget, vt Iesus Christus det ei remedium in istis duabus obligationibus : vt scilicet satisfaciat pro secunda, & totaliter destruat & annihiletur : vt det homini adiutorium, vt compleat primam, quia prima non potest deleri, sed semper manet. Et quia homo perdidit voluntariè & sponte : & reliquit adiutorium, quod habebat ad complendum primam obligationem, & noluit tenere, cum potuisset, sed sua propria culpa perdidit : ideo meruit, vt sibi nunquam restitueretur ; & tamen mansit obligatus vt priùs. Et etiam quia cum hoc ostendit & iniuriavit Deum : ideo obligauit se ad pœnam infinitam. Et ideo Iesus Christus per suam mortem meruit homini ista duo, scilicet liberationem ab obligatione secunda totaliter, & adiutorium, quod perdiderat, ad complendum primam. Et quia istud adiutorium non potest dari nisi à diuinitate, vt infundatur homini de nouo, sicut anima infunditur corpori : ideo Iesus Christus inquantum homo meruit homini istud adiutorium, vt restitueretur ei, & etiam meruit homini ipsi totaliter indulgentiam & remissionem, absolutionem, &

*Mors Christi fuit liberatio à malo. & adiutorium ad bonũ.*



## 506 *De applicatione meriti Christi.*

*Adiutorium illud dicitur gratia.*

*Christus per mortem suam nos viuificauit.*

veniam pro secunda obligatione. In quantum autem Deus ipsemet dat istud adiutorium & influit de nouo, & dat indulgentiam & veniam homini, & absoluit à secunda obligatione infinita. Et sic totum istud, quo homo indiget, est in Iesu-Christo Deo & homine. Et istud adiutorium datur gratis hominibus, & non per meritum ipsorum: quia homo lapsus non potest mereri; sed datur per meritum Christi. Et hoc est gratia: quia non datur ex debito hominis lapsi; sed per meritum hominis Dei. Quamuis omne quod Deus dat, potest dici gratia; tamen per excellentiam istud adiutorium debet dici gratia & summa gratia. Et quia sine adiutorio isto homo dicitur mortuus, quia nihil potest operari de illis, quæ debet facere in quantum homo, sicut corpus sine anima: ideo istud adiutorium siue ista gratia dicitur vita hominis, salus hominis, secunda anima hominis. Et plus est dare istud adiutorium homini, quam dare animam & restituere vitam homini mortuo: quia sine hoc homo est nihil, & quasi habet non esse. Et hoc est viuificare hominem mortuum, & restituere vitam homini mortuo, ac reformare, renouare & reficere hominem, & sanare, lauare, purgare, & facere hominem pulchrum, & reducere hominem ad Deum, & vnire hominem cum Deo, & ad eius amicitiam, & hoc etiam est facere hominem iustum, sanum bonum & dignum regno Dei, & hoc est etiam restituere formam filiationis, & facere de nouo filium Dei ipsum hominem, & regenerare & nasci de nouo. Et per consequens hoc est facere hominem heredem hereditatis Dei, hoc est etiam reformare formam fraternitatis, inter hominem & hominem: quia per istud adiutorium homo facit Deo sicut filius bonus patri, & homo facit homini ut frater fratri, & soluit debitum & ius filiationis & fraternitatis. Et hoc est etiam conuertere hominem & reducere ipsum de via erroris & falsitatis, ac mendacij ad viam veritatis, & hoc est illuminare hominem in via æterni gaudij, & reuocare ipsum à via tristitiæ, & liberare à seruitute peccati, & à vitiorum corruptione & malorum operum, ac à corruptione carnis, & ponere ipsum in libertate verâ, hoc est etiam hominem redimere à iugo & captiuitate, & à carceribus suæ propriæ voluntatis, sui proprii honoris &

& priuati amoris, & ponere ipsum in libertate & in patria voluntatis Dei; hoc etiam est homini restituere suum bene esse, quod perdiderat, & liberare ipsum à suo malo esse, in quo erat: & hoc est etiam restituere homini spiritum, quem perdiderat, & propriam salutem.

T I T V L V S C C L X X I V.

*Quod istud adiutorium, seu ista gratia est totum bene esse hominis, & eius carentia est totum malè esse eius.*

**V**T autem istud adiutorium, seu ista gratia, quæ restituitur homini à Deo ad complendum & faciendum omnia, quæ debet inquitum homo, magis cognoscatur, considerandum est, quod homo à principio, dū fuit factus à Deo receperat à Deo esse, & cum hoc bene esse; sed non optimè esse, quia hoc expectabat adhuc. Et per esse intelligitur viuere, sentire, intelligere, velle, amare posse, & omnia quæ pertinent ad corpus & animam: & per bene esse intelligitur rectè, iustè, debitè, sanctè & virtuosè viuere. Et similiter per malè esse intelligitur tortuosè, irregulariter, indebitè, & iniustè ac vitiosè viuere. Idem ergo est dicere bene sicut iustè, sanctè, &c. & idem est dicere malè, sicut iniustè, tortuosè, &c. Acceperat ergo homo à Deo primò esse, viuere, sentire, intelligere, velle, amare posse: & etiam bene esse, bene velle, bene viuere, & bene posse amare, & bene intelligere: seu, quod idem est, rectè, debitè, iustè, sanctè, &c. Acceperat ergo bene esse & quo ad corpus & quo ad animam. Et istud bene esse erat sua bonitas, sua rectitudo, sua iustitia, & sua sanctitas, sua virtus, sua regula & sua mensura, quæ erat addita supra esse, & non idem, quod esse; immo poterat separari ab esse, & poterat ipsum esse etiam expoliari ab illis, & remanere sine illis, si vellet. Tamen in potestate primi hominis erat custodire & seruare illud bene esse sibi datum, scilicet ipsam bonitatem & rectitudinem & iustitiam, sanctitatem & virtutem. Et si primo custodiisset & seruasset homo suum bene esse, transiisset & peruenisset ad altiorem gradum, videlicet ad optimè esse. *Quid sit esse hominis & eius bene esse.* *In potestate hominis fuit semper bene esse.*  
**Sed primus homo non custodiuit, nec seruauit suum bene**



## 508 *De bene & male esse hominis.*

*Bene esse  
hominis  
fuit eius  
vestis.*

*Per ma-  
lum cor-  
poris de-  
bet quis  
iudicare  
malum  
anima.*

bene esse, nec ipsam bonitatem, seu rectitudinem & iustitiam & virtutem, & mensuram, seu regulam sibi datam: quia fuit Deo inobediens, ingratus: & ideo perdidit suum bene esse, & suum rectè esse: & remansit sibi solum esse, vivere, intelligere, sentire, velle, amare & posse. Et sic remansit homo nudus & expoliatus: quia bene esse erat sua vestis, & loco bene rectè, iustè, debitè sanctè & virtuosè: esse habuit malè, obliquè & tortuosè, iniustè, indebitè, vitiosè esse. Et sic fuit pessima veste indutus. Etiam fuit propriis vestibus expoliatus & alienis indutus, & maximè quoad animam & ad liberum arbitrium. Et sic primus homo fuit expoliatus sua bonitate, sua rectitudine, sua iustitia, sua virtute: & fuit in eo malitia, tortuositas, seu obliquitas, iniustitia & vitium. Et ut cognosceret suum malè esse quo ad animam & liberum arbitrium, habuit malè esse quo ad corpus, ut per malè esse corporis iudicaret suum malè esse quo ad animam. Remansit ergo solum homini radicale, scilicet ipsum esse, vivere, sentire, intelligere, velle amare & posse: quia ista sunt radicalia, & ista non potuit destruere, sed perdidit bonitatem istorum & sanitatem, & fuit facta vulneratio in eis & perversitas. Et ideo homo per peccatum inobedientiæ annihilavit seipsum quantum ad bene esse. Et quia bene, iustè, debitè, sanctè, rectè, pulchrè, honestè & virtuosè esse, est amabile, placibile, delectabile; & per oppositum, malè, tortuosè, obliquè, iniustè, indebitè, inhonestè, vitiosè, turpiter & deformiter esse; est odibile & displicibile: ideo homo fuit displicibilis Deo & non acceptabilis, neque placens: quia annihilauerat & destruxerat pulchritudinem & decorem, & sibi acquisierat deformitatem & turpitudinem. Si autem homo non habuisset aliquod remedium: tunc de malè esse peruenisset ad pessimè esse. Ecce ergo gradus in homine, scilicet esse, bene esse, & optimè esse; & per contrarium esse, malè esse, & pessimè esse, & ipsum esse est continuò ad omnia, & esse semper remanet. Si ergo homo talis reperiatur, qualem se fecit, necessariò tanquam nihil valens omnino iudicabitur ad ignem æternum. Et sic istud bene, rectè, iustè, sanctè, sanè & virtuosè esse, erat adiū

adiutorium datum homini, seu gratia data homini, cum quo adiutorio homo poterat facere quicquid *Bene esse* debebat Deo adimplere de facto totam primam obli- *hominis* gationem naturalem : & quandiu homo custodiuit, *erat sibi* & seruauit istud bene & rectè esse, tandiu factum con- *adiuto-* cordauit cum debito. Sed statim cum perdidit suum *rium ve-* bene & rectè esse, seu suam rectitudinem : factum *niendi* suum fuit contrarium debito, & remansit ipsum de- *ad opti-* bitum & ipsa obligatio vt prius cum impotentia ad- *mum esse.* implendi & faciendi. Et quia homo sua culpa perdi- *Iusta pu-* derat istud bene & rectè esse, cum quo poterat adim- *nitio ho-* plere totum debitum ; ideò iustissimè requirebat ab *minis.* ipso Deus, vt faceret quod debebat, & solueret suum debitum. Nec excusabatur, quia non poterat : quia *Quid sit* voluntariè & spontè & sua culpa perdiderat ; & Deus *restaura-* semel sibi dederat. Si enim aliquis per violentiam *re homi-* remouisset ab eo iustè bene esse, excusaretur homo : *nem.* quia non poterat facere, quia non habet adiutorium, cum quo faceret, & gratiam priorem sibi à Deo da- *Maxima* tam. Et ideò ex istis verissimè apparet, quòd ita con- *miseri-* formare, reparare & restaurare hominem perditum, *cordia* non est aliud nisi reducere ipsum, ac conuertere, mu- *Dei in,* rare de malè tortuosè, obliquè, iniustè, indebitè & *reparan-* vitiosè esse, seu viuere, sentire, intelligere, velle, *do homi-* amare & posse, ad bonè, rectè & debitè, iustè, sanctè *autem nem.* & pulchrè, sanè & virtuosè esse, viuere, sentire, in- telligere, amare, velle & posse ; & remouere ab ipso malitiam, tortuositatem & obliquitatem, iniustitiam & inhonestatem, turpitudinem & deformitatem & vitium ; & restituere sibi bonitatem, iustitiam & re- ctitudinem, sanctitatem, sanitatem, honestatem, pulchritudinem, & virtutem propriam. Et hoc est maius facere, quàm restituere animam corpori mor- tuo. Vnde corpus non perdidit animam, quæ est vita sua, sponte & voluntariè & culpa sua ; sed ho- mo perdidit voluntariè & culpa sua talem bonita- tem & rectitudinem ; ideo reddidit se indignum, vt nunquam recuperet, nisi Deus sibi det. Et ideo in hoc est & manifestatur summa bonitas Dei : quia vult restituere homini indigno talem bonitatem & re- ctitudinem ; & ideò hoc est maximà & purissima gratia procedens ex infinita Dei bonitate & misericordia. Istam



## 510 *De bene & male esse hominis.*

autem rectitudinem, seu istud bene esse, solus Deus potest dare & restituere; & homo potest ex seipso habere: quia à principio homo non dedit sibi bene esse, nec esse: ergo homo non potest per se recuperare, postquam perdidit. Sed quia Deus erat offensus ab homine & iniuriatus: ideo necesse erat, quòd Deus primò placaretur, & aliquis moreretur pro homine, vt ei daretur istud bene esse. Et ideo Deus dedit homini Christum, vt ipse pro homine tolleretur offensam, & mereretur homini istam gratiam, & istud bene esse de nouo.

*Quia bene esse hominis perditum recuperatur per Christū.* Et sic duobus indigebat homo, scilicet vt placaret Deum, & tolleretur iniuria & offensa de medio, & vt recuperaret bene esse: & ista duo necessaria sunt homini, quòd recipiat à Iesu Christo: & sic per Christum absoluitur homo ab offensa, & restituitur ei suum benè, rectè, debitè, iustè, sanctè, & virtuosè esse, seu sua bonitas, rectitudo, iustitia, virtus, sanctitas: & ita reparatur homo & restauratur per Christum: & impossibile est aliquem hominem recuperare istud bene esse, nisi per Iesum Christum Deum & hominem, & per meritum suæ mortis. Et sic homo recipit bene esse à Christo, & indulgentiam, & vltimatè gloriam. Et sic sunt tria beneficia, scilicet indulgentia, gratia & gloria, seu venia, benè esse & optimè esse: quia in istis tribus est perfecta salus hominis. Primum est indulgentia propter offensam, secundum est gratia seu bene esse contra male esse, deinde ad gratiam seu bene esse sequitur finaliter gloria & optimè esse: Gratix enim debetur gloria. Et omnia ista emit Christus pro hominibus per mortem suam & sanguinem suum.

### T I T V L V S C C L X X V.

*Quòd in homine christiano sunt tres generationes distincta, per quas recipit tres distinctas res, scilicet corpus & animam & bene esse.*

**Q**Uoniam autem ad complementum hominis tria sunt necessaria, scilicet corpus, seu caro, anima immortalis, rationalis, & bene esse: vel dicamus, quòd duo sunt necessaria, scilicet esse & bene esse: & ipsum esse comprehendit corpus & animam. Aliud autem est corpus, aliud anima, aliud bene esse: quia etiam corpus separatur ab anima, & anima à corpore: & tam  
corpus

## *De triplici fraternitate Christi. § 11*

corpus quàm anima possunt separari ab ipso bene esse, quia utrumque potest habere male esse; sed tamen malè esse corporis facilius sentitur & cognoscitur, quàm malè esse animæ: & quia ista tria sunt realiter distincta, possumus dicere, quòd primus homo receperat tria à Deo, scilicet corpus & animam, & bene esse: ita quod vno & eodem tempore receperat ista tria immediatè. Sed quia primus homo perdidit bene esse, remanserunt sibi corpus & anima: ideo alij homines generati ab eo, non recipiebant nisi esse tantum, scilicet corpus & animam, & non recipiebant bene esse: sed alij homines non recipiebant sicut primus homo: quia recipiebant corpus à primo homine & animam à Deo: sed primus homo totum recipit immediatè à Deo. Et ideo in quolibet homine alio sunt & erant duæ generationes & duo patres, scilicet primus homo & Deus. In prima generatione quilibet homo generatus per communem generationem recipit corpus, seu carnem à primo homine mediatè, vel immediatè: In secunda generatione quilibet homo recipit immediatè animam à Deo: quia Deus immediatè per se solum creat animam rationalem quamvis tam corpus, quàm anima totum sit à Deo, sed non eodem modo: quia quilibet purus homo nisi primus habet duos patres, scilicet patrem hominem & Deum: & isti duo dant esse, scilicet corpus & animam. Sed in homine christiano est alia tertia generatio: quia recipit bene esse à Christo: & loquor de bene esse quantum ad animam & liberum arbitrium. Et ideo Christus est tertius pater. Christianus ergo habet tres generationes distinctas: In prima recipit carnem à primo homine: In secunda recipit animam à solo Deo: & in tertia recipit bene esse à Christo, qui est Deus & homo simul. Et ista tertia generatio & vltima est completa, & sine ista homo nihil est: Prima generatio est libidinosa, turpis, & corrupta, & per illam homo damnatur: qui recipiendo carnem recipit culpam, corruptionem & pœnam: etiam duo recipit homo in ista generatione, videlicet carnem & corruptionem & maculam. Per istam homo est odibilis Deo, & accipit omnia mala. Sed secunda generatio, quæ est creatio animæ, & infusio eius in carne, est munda, sancta & immaculata: sed quia caro est infecta & corrupta, inficit animam & corrumpit. Sed

*Adam  
tria re-  
cepit à  
Deo.*

*Quilibet  
christia-  
nus ha-  
bet tres  
patres.*

VIII



## 512 *De triplici fraternitate Christ.*

venit tertia generatio, quæ est sanctissima, in qua recipimus bene esse, quod est tota bonitas, rectitudo & pulchritudo animæ. Et ista reparat anima & reducit eam ad statum debitum, & tollit omnem corruptionem & maculam, quam anima contraxerat propter primam generationem, & facit hominem amicum & filium Dei, heredem Cælorum. Et ideo ista tertia generatio contrariatur primæ generationi. Vnde per primam caro dominabatur, & anima erat subiecta carni corruptæ, & nullo modo poterat resistere; sed per tertiam generationem anima dominatur carni, & caro subiecitur ei: quia anima recipit suum bene esse & suam rectitudinem & fortitudinem per tertiam generationem. Etiam anima recuperat regnum suum, & caro perdit. Et etiam per primam generationem homo erat totus carnalis, brutalis & bestialis; & per tertiam homo fit spiritualis, rationalis & diuinus. Item per primam generationem homo perdit similitudinem Dei & acquirit similitudinem diaboli, & primi hominis corrupti sed per tertiam, in qua recipit bene esse, & recuperat suam pulchritudinem & bonitatem, homo recuperat similitudinem Dei, quam perdiderat. Item per primam generationem; in qua homo recipit carnem, homo acquirit radicem omnium malorum; sed per tertiam, in qua homo recipit & recuperat suum bene esse, homo acquirit radices omnium bonorum, Et sic in omnibus tertia generatio est contraria primæ, & dat homini omnia contraria primæ generationi. Et ideo primus homo & Christus sunt contrarij quoad generationem. Et ideo primus homo per suam generationem quasi annihilat hominem, & dat sibi non esse; sed secundus homo, scilicet Christus Deus, & homo per suam generationem dat esse animæ. Et ideo dicitur generare animam: quia anima iam semel erat creata à Deo; sed per generationem primi hominis erat perditæ, & per tertiam generationem recreatur & regeneratur & renascitur, dum recipit bene esse novum & suam pulchritudinem. Sicut enim in prima generatione homo habet patrem & matrem; ita etiam modò in tertia generatione, quæ contrariatur primæ, homo habet patrem & matrem, scilicet Christum Deum & hominem, & matrem, scilicet Ecclesiam sponsam Christi & uxorem. Item sicut primus homo per suam

carnem

*Anima  
per Christi  
sum re-  
genera-  
tur.*

## *De triplici fraternitate Christ.* § 13

carne corrupit omnes filios suos & damnauit; ita secundus homo Christus per suam carnem saluat, & lauat, abluit & sanat: quia caro primi hominis fuit maculata & corrupta, & caro secundi hominis fuit & est semper immaculata & pura. Et ideo sicut anima ex societate cum carne maculata primi hominis maculatur; ita per contrarium ex societate cum carne secundi hominis anima mundatur & purgatur: Et sic caro est contra carnem, & generatio contra generationem. Et sic apparet, quod omnis homo christianus habet tres generationes. In prima recipit carnem, in secunda animam, & in tertia bene esse. Sed alij homines non habent nisi duas. Et de tanto christianus excellit alios homines, de quanto bene esse excellit & superat esse cum male esse.

### T I T V L V S C C L X X V I.

*Quod in christianis sunt tres fraternitates.*

**E**T exinde apparet, quod christiani habent tres fraternitates generales: quia primò sunt fratres, quia habent vnum patrem ex parte carnis generalem, scilicet primum hominem, in quo omnes homines fuerunt, quando ipse solus erat: secundò habet alium patrem ex parte animæ, scilicet Deum, à quo omnes immediate receperunt animam rationalem: & tertio habent alium patrem ex parte ipsius bene esse, vt Christum Deum & hominem, in quantum est Deus idem cum secundo patre, & quantum ad deitatem, licet sit filius Dei quantum ad personam. Sed inter istas fraternitates tertia est melior: quia in illa pater est Deus & homo, & in prima homo tantum, in secunda Deus tantum. Et ideo debent se amare omnes christiani per istam tertiam fraternitatem, quia habent talem patrem, qui mortuus est pro eis, & fudit suum sanguinem, & resurrexit à mortuis, & viuit in æternum, ascendit ad Cœlos, & sedet ad dexteram patris, & venturus est iudicare omnes homines. Et ideo ista fraternitas est magnæ nobilitatis & excellentiæ magni amoris, & magnæ bonitatis, & maximæ vnitatis: quia fraternitas oritur à paternitate. Et ideo quia non potest esse melior, dulcior & nobilior, maior & intimior paternitas quàm ista, nec amorosior: ideo fraternitas, quæ

*Tres habemus fraternitates.*



#### § 14 *De triplici fraternitate Christ.*

oritur ex illa , etiam est talis. Debent etiam se amare propter primam fraternitatem, sed magis sine comparatione propter secundam fraternitatem, quæ est propter animam. Etiam istæ tres fraternitates habent suos gradus, sicut corpus & anima, & bene esse. Item tertia fraternitas est infiniti pretij : quia Christus Deus & homo emit eam per suam mortem dando suam vitam infinitam : per quam mortem emit indulgentiam & totum bene esse. Et ideo quia tantum constat, quod fraternitas , quæ est propter bene esse, debet cum summa diligentia custodiri, ne violetur : & ista tertia fraternitas fecit vivere & resurgere alias duas primas fraternitates, quæ erant mortuæ in hominibus: quia Christiani diligunt se propter omnes istas fraternitates , & diligunt alios homines , qui non sunt Christiani propter primam & secundam fraternitatem: quia quamvis caro sit corrupta , in qua fundatur prima fraternitas; attamen quia Deus, dum fecit primum hominem , fecit omnes alios in ipso: quia omnes erant in ipso quantum ad carnem, sed non quantum ad animam: ideo propter istam veritatem, quam Deus fecerat, debent se omnes homines amare, & reputare quasi vnum hominem, licet primus homo postea corrumpendo & maculando & inficiendo , & deformando , & deturpando seipsum, in quo erant omnes homines, corruerit, maculauerit, & infecerit, & deformauerit, & deturpauerit eos. Vbi ergo non est tertia fraternitas , ibi prima & secunda mortuæ sunt. Item etiam ista tertia fraternitas est fraternitas gratiæ : quia bene esse est gratia : etiam Christus est pater gratiæ ; sed aliæ duæ fraternitates sunt naturæ.

#### T I T V L V S C C L X X V I I .

*Quod istud bene esse, seu ista gratia figuratur & exemplificatur in corpore hominis.*

**V**T autem clarè videamus distinctionem inter esse & bene esse, seu inter animam & bene esse, seu inter naturam & gratiam , qualiter non sunt vnum ; immò vnum potest esse sine alio : possumus hoc declarare ad oculum in corpore humano, in quo est totum figuratum. Vnde in corpore humano videmus per experientiam , quod membra recipiunt esse & bene esse, & habent

habent esse & bene esse. Vnde cor, hepar & caput influunt, & dat aliis membris quicquid habent. Hepar enim dant esse grossum, & est quasi corpus ipsis membris, quia mittit eis humores grossos, ex quibus membra sunt facta, & ex quibus nutriuntur: & hoc facit per venas, per quas mittit & dat sanguinem membris: & est quasi primus homo, qui dat carnem solam. Deinde ipsum cor mittit omnibus membris calorem naturalem & spiritum vitalem, per quem omnia membra viuunt, & habent esse vitale: & hoc per arterias: & ipsum cor est quasi Deus, qui dat animam corpori: quia sicut anima viuificat corpus; ita ille spiritus, seu calor naturalis, quem dat cor, viuificat membra, & ideo est sicut anima membri: quia sine tali spiritu & calore membra essent mortua, & non essent membra. Deinde ipsum caput existens altissimum super omnia membra mittit ipsis membris sensum & motum per nervos: & ipsum caput est Christus: quia sicut motus & sensus proueniens ex capite est totum bene esse membri; ita illud, quod Christus dat & mittit, est totum bene esse animæ & hominis. Sicut ergo membrum ipsius corporis recipit tres res à tribus, ab hepate humores, à corde vitam, à capite sensum & motum; sic conformiter homo recipit primò ab homine carnem, à Deo animam, & à Christo Deo & homine sensum & motum. i. totum bene esse & gratiam. Quicquid autè dant hepar & cor, totum pertinet ad esse membri; sed quod caput dat, pertinet ad bene esse membri. sc. sensus & motus. Vnde quando membrum perdit sensum & motum, tunc perdit suum bene esse in corpore humano; sed tamen propter hoc non perdit suum esse: quia adhuc viuit & recipit influentiam ab hepate & à corde; sed non à capite. Eriam videmus per experientiam, quod membrum potest perdere suum bene esse; & tamen non perdit suum esse: sic homo potest perdere suum bene esse; & tamen remanet sibi esse. sc. corpus & anima. Sicut videmus, quod quamuis membrum non recipiat sensum & motum à capite, sicut quando est paraliticum; attamen semper recipit influentiam ab hepate & à corde: ita quamuis aliquis homo non recipiat sensum & motum, seu bene esse à Christo tanquam à capite; attamen semper recipit influentiam à Deo: quia conseruatur in esse quo ad animam, & recipit beneficium creaturarum quo ad carnem.



## § 16 De triplici fraternitate Christi.

Et sicut videmus per experientiam, quod sensus & motus est quasi superadditum supra esse membri, & est quasi gratia sibi data à capite: unde videmus, quod membrum habet duos motus, vnum de natura sua, & iste motus est cadere deorsum versus terram; & alium motum habet à capite, scilicet motum sursum, & ante & retro, & iste motus est supra naturam membri. Ita conformiter homo habet duos motus, qui ad animam, seu liberum arbitrium, vnum de natura sua, iste motus est cadere deorsum ad nihil, ad non esse, ad propriam voluntatem, & elongari à Deo: & alium habet à Christo, s. moueri sursum ad Deum, & iste motus est supra naturam, seu supra esse: quia sicut est impossibile, quod membrum moueatur sursum, nisi per influentiam capitis; ita est impossibile, quod liberum arbitrium moueatur sursum ad Deum, nisi per influentiam Christi tanquam capitis: & per istum motum adimpletur prima obligatio naturalis. Et quamuis iste motus sit supra naturam liberi arbitrii; attamen homo debet ipsū habere, & obligatur ad habendum; quia primus homo acceperat talem motum, sed culpa sua perdidit, sicut membrum corporis debet talem habere motum, vt possit moueri sursum. Sicut ergo apparet, quod aliud est esse, & aliud est bene esse, & aliud est natura, aliud gratia: per istud exemplum patet, quod omnis homo, qui non recipit influentiam à Christo est, sicut membrum sine sensu & sine motu in corpore: & ideo quasi pro nihilo putatur, nisi in quantum potest recipere. Sic ergo se habent christiani ad Christum, & Christus ad christianos, sicut membra ad caput, & sicut caput ad membra: & inuicem se habent christiani, sicut membra inter se; aliter non sunt christiani veri quantum ad rem. Item sicut est fraternitas inter membra triplex: ita & inter christianos. Prima fraternitas membrorum est, quia recipiunt humorem grossum ab vno & eodem, scilicet ab hepate: secunda est, quia recipiunt vitam & spiritum ab vno & eodem, s. corde, & ista est nobilior: tertia est, quia recipiunt sensum & motum ab vno & eodem, s. capite, & ista est nobilissima. Et si ista tertia fraternitas deficit membris omnibus, vel aliquibus, sicut fit in paralitico, tunc prima fraternitas & secunda nihil valent, imò sunt mortuæ: quia per ista membra iuuant seipsa inter se. Ita similiter si fraternitas tertia, quæ est propter Christum,

*Qualiter  
Christus  
se ha-  
beat ad  
nos.*



*De maiori obligatione Christ. 517*  
stum, deficiat, aliarum mortuarum sunt, & homines non se  
iuuant inter se ut fratres.

**T I T V L V S C C L X X , V I I I .**

*Quod in homine christiano est una noua obligatio  
maior, quam prima.*

**E**T quoniam sicut tractatum fuit in capitulo de obli-  
gatione prima, obligatio naturalis tantum fuit ex  
dare & recipere: ideo quia Deus plus modo dedit homi-  
ni, quam ante dederat: quia dedit Iesum-Christum,  
qui est Deus & homo, ut mortem susciperet pro homi-  
ne; ideo de quanto plus valet Christus, quam omnes  
creaturarum, de tanto plus obligatur homo propter Chri-  
stum, quam propter omnes creaturas. Et quia Christus  
est infinita persona; ideo homo obligatur propter Chri-  
stum in infinitum. Et quia in hoc Deus manifestauit a-  
morem infinitum erga hominem; ideo homo obligatur  
Deo ad amandum ipsum sine mensura, tam propter amorē  
suum, quam etiam propter Christum datum hominibus,  
qui talis fuit, ut vellet mori sponte pro hominibus.  
Et ideo ista est obligatio noua & maior quam prima,  
quia maius est beneficium sine mensura. Si autem obli-  
gamur ista obligatione cum prima: tunc erit una infinita  
obligatio quam non potest cogitari maior. Sic ex obliga-  
tione infinita mala, quam homo fecerat propter pecca-  
ta, causata est una obligatio infinita bona, quam Deus  
fecit: quia liberauit hominem ab illa infinita obliga-  
tione mala per mortem filij sui Iesu-Christi. Prima o-  
bligatio fuit naturalis propter esse, scilicet propter corpus  
& animam, & propter totum mundum; sed ista obliga-  
tio est propter bene esse & propter Christum. Prima o-  
bligatio fuit, quia homo de nihilo à Deo factus fuit;  
Sed ista obligatio est, quia homo est iterum factus de ni-  
hilo. Vnde duplex est nihil, scilicet nihil negatiuum, de quo  
Deus fecit hominem primo; & aliud est nihil priuati-  
uum, quod fecerat homo, quando perdidit bene esse,  
priuando seipsum ad bene esse, & acquisiuit malè esse  
seu malitiam & obliquitatem, iniustitiam & vitiū, tur-  
pitudinem & deformitatē, quæ sunt nihil. Et sic homo  
quando priuauit seipsū de suo bene esse, cecidit in non  
esse, seu in nihil priuatiuum, sicut homo quando perdit  
visum, cadit in cæcitatem, quæ est nihil priuatiuum &

*Tit. 96.*

*Obliga-  
mur Deo  
in infini-  
tum pro-  
pter Chri-  
stum.*

*Duo ni-  
hil.*



## § 18 De maiori obligatione christ.

*Maior  
bonitas  
restau-  
rando  
quàm  
creando  
ostendi-  
tur.*

*In redē-  
ptione o-  
stenditur  
dilectio  
Dei.*

*Pro redē-  
ptione o-  
bliga-  
mur Deo.*

deformatiūm. Et ideo cum Deus extraxit hominem de isto nihil, dando sibi bene esse, tunc fecit iterum hominem de nihilo. Et sic Deus primo fecit hominem, cum non esset: deinde fecit eum, cum perierat: ideo homo obligatur pro se primò facto, & etiam obligatur pro seipso iterum facto, seu refecto & restaurato: & de quanto magis est restaurare & reficere, quàm primò facere, de tanto magis obligatur pro se restaurato quàm pro seipso facto. Vnde maiorem amorem & bonitatem ostendit Deus homini restaurando ipsum & reficiendo, quàm faciendo ipsum: quia primò antequam esset homo, non meruerat, ut fieri non deberet, & sic nihil repugnabat, ut non fieret; sed postquam homo factus fuit peccando & Deum offendendo meruit, ut illud perderet, quod factus erat, & illud, propter quod factus erat: & ideo infinita fuit ista bonitas Dei, & pietas, & benignitas, & dilectio erga hominem, quando contra meritum suum ipsum restauravit & refecit: quia meritum hominis repugnabat, ut hoc fieri non deberet. Et etiam quia pro restauratione hominis Deus voluit filium suum æternum Deum cum eo fieri hominem, & per consequens fratrem hominum: & in hoc dedit homini & humanæ naturæ suam diuinitatem taliter, quòd non possit magis dari: & deificauit hominem & exaltauit, quòd non potest plus exaltari. Et in hoc ostendit quantum dilexit hominem: quia homo non potuit satisfacere, nisi Deus fieret homo: & ideo indigebat homo, ut Deus fieret homo: & ipse voluit hoc facere pro homine: & magis voluit, quòd filius suus æternus fieret homo, & inoreretur, quàm quòd homo periret. Et ideo usque ad vltimum de potentia Deus ostendit amicitiam per opus & per amorem, quem habebat erga hominem, cum in tanta necessitate & taliter adiuuit hominem, & ipse filius Dei factus est homo ex voluntate & sponte, & piè voluit dare vitam suam & seipsum morti propter hominem, & magis voluit mori, quàm quòd homo periret. Sic Deus magis obligauit hominem sibi sine comparatione restaurando quàm primò faciendo. Sicut enim beneficia Dei creuerunt & augmentata sunt; ita obligatio erga Deum creuit & augmentata est. Et ita homo bis debet seipsum Deo, & quicquid potest, postquam dedit seipsum homini, quantum fieri potest: & homo debet



debet seipsum dare Deo quantum fieri potest, & hoc homo facere non potest, s. dare seipsum Deo nisi adiuuetur per Christum: quia Christus dat adiutorium homini, ut det seipsum Deo quantum fieri potest, nec adhuc quamvis homo det seipsum Deo, & millesies millesies, nihil est ad recōpensationem beneficiorum Dei. Et ideo ut habeat homo quod reddat Deo, & retribuatur pro omnibus beneficiis acceptis sufficienter, Christus dedit seipsum homini. Vnde primò seipsum obtulit & dedit Deo patri in cruce pro homine moriendo: deinde iterū reddidit seipsum homini resurgendo, ut homo offerret ipsum, & daret Deo patri in memoria passionis & mortis filij sui Iesu-Christi, & meritum suum & memoriā illius amoris infiniti, quem Christus ostendit in passione. Et sic Christus venturus est homini tam pro obligatione, quæ est pro peccato, quàm pro obligatione, quæ est de datis beneficijs & acceptis: & vtraque est infinita. Et ideo I. C. est oblatio & hostia pro peccato, & oblatio pro beneficiis acceptis: quia nihil est acceptabile Deo nisi Christus benignissimus, vel per I. C. Et ideo quicquid homo reddat Deo, nihil acceptatur à Deo, nisi sit cū I. C. & cū memoria I. C. quia ipse solus in quantum homo, est acceptabilis Deo, & alia propter ipsum. Et ideo ut homo sufficienter respondeat diuinitati & Deo patri, oportet, quòd offerat seipsum, s. suum amorē & suam deuotionem quātum fieri poterit: & hoc simul offerēdo I. C. & hic homo per I. C. habet sufficientiam, ut reddat Deo omnia, quæ reddere debet. Ex his apparet quòd homo christ. habet vnā nouā obligationem, qua obligatur Deo super aliam obligationem primam cōmunem, per quam omnis homo obligatur Deo: quia homo christ. non solum est factus à Deo, imò est redemptus & emptus: & pretium suum est infinitum, per quod est emptus, scilicet vita personæ infinitæ I. C. Dei & hominis, quæ data est pro sua liberatione. Et ideo homo christianus si Deum offendit & iniuriat: tunc facit maiorem obligationem pro peccato, quàm omnes alij homines: quia alij homines non peccant nisi contra vnā obligationem; sed homo christianus contra duas. De quanto enim obligatio pro beneficijs acceptis est maior, de tanto obligatio pro peccatis est maior. Et ideo de tanto peccatum, seu offensa christiani excedit & superat peccata

*Christus est oblatio nostra pro peccatis.*

*Magis obligatur christianus pro peccato quàm infidelis.*



## § 20 *De memoria mortis Christi.*

& offensas omnium aliorum, de quanto obligatio sua pro beneficiis acceptis excedit obligationem omnium aliorum: & quia excedit eam in infinitum; ideo etiam peccatum Christiani excedit peccata aliorum in infinitum: ideo ad maiorem poenam est obligatus quam alij, & sine mensura: & ideo summè cauere debet homo Christianus, ne offendat Deum.

### T I T V L V S C C L X X I X.

*Quod tota intentio, scientia & cogitatio, memoria & applicatio & studium Christiani debent esse circa mortem Iesu Christi filij Dei.*

**Tit. 252.** **E**T quia iam ad longum declaratum est, quòd mors hominis Dei erat illud, per quod solum poterat fieri satisfactio, liberatio & redemptio & solutio, & humanæ naturæ restauratio; ideo postquam talis mors iam facta est eo modo, quo fieri debuit: & sustinuit eam Iesus-Christus, qui est homo Deus & filius Dei; & postquam in ipsa morte est tota virtus restorationis humanæ naturæ, quia fuit infiniti meriti, quòd durat in æternum: & per consequens in ipsa morte Christi est totum bonum hominis, & totius humanæ naturæ: sequitur, quòd totum studium Christiani hominis & applicatio suæ intentionis & cogitationis & memoriæ debent esse circa mortem Iesu-Christi, & quòd tota scientia Christiani debet esse de morte Christi, & de proprietatibus & conditionibus & circumstantiis eius, & de necessitate eius, & de sua virtute & natura. Quid enim debet studere & scire Christianus, nisi illud, in quo est totum bonum suum, & sua substantia, totus thesaurus suus, & omnes diuitiæ suæ: & videre suam indigentiam & necessitatem? Quid est thesaurus hominis, nisi ipsum meritum? Ergo postquam in morte Christi est omne meritum hominis, sequitur, quòd totus thesaurus hominis est in morte Christi. Et quid etiam virtus hominis, nisi meritum? Ergo cum in morte Christi sit omne meritum, sequitur, quòd in morte Christi est omnis virtus hominis. Qui ergo vult in se habere omnem virtutem, & omne meritum, & omne bonum, recipiat in se Christi mortem, & portet eam in se, & incorporet eam sibi. Sed quia mors Christi

*The-  
saurus no-  
ster est  
in morte  
Christi.*

sti

sti transit : & meritum eius semper manet in aeternum : ideo mors Christi non potest recipi in homine , nisi per memoriam & cogitationem. Et ideo quia mors Christi est radix omnis meriti & omnis virtutis, quando homo recipit in memoria & in cogitatione sua mortem Christi: tunc recipit virtutem & meritum mortis eius. Christus enim recepit mortem suam de facto & realiter ; sed homo non potest eam recipere , nisi in memoria & cogitatione. Et ideo per memoriam mortis Iesu Christi ipsa mors manet in hominibus. Et quia meritum Christi semper vivit, & Christus semper est, licet mors sua non sit : ideo qui habet in se memoriam mortis Christi , habet in se meritum & virtutem Christi : & per memoriam homo facit mortem Christi suam , & incorporat eam sibi , & vnitur cum ea : & tunc homo facit vnā mortem Christi in memoria sua : & talis memoria viuificat hominem , & facit ipsum participare in meritum Christi. Ecce ergo ordinem : mors Christi, meritum Christi, & præmium mortis Christi, mors fuit causa meriti , & meritum causa præmij : & totum hoc dedit Christus hominibus : quia dedit meritum suæ mortis & præmium. Ergo quia ipsa mors est radix meriti & præmij , sequitur , quod qui non recipit & plantat in se radicem, non recipit fructum, scilicet meritum & præmium. Et ideo memoria mortis Christi est radix ad recipiendum meritum & præmium Christi. Et vbi est maior & fortior memoria : ibi recipitur magis de merito & de virtute mortis. Et quia mors Christi data est toti humanæ naturæ, & cuilibet homini liberaliter, sicut sol, est communis omnibus sicut sol: ideo quilibet homo potest eam recipere in memoria sua, & vnus non impedit alium : & sic omnes homines possunt simul accipere meritum Christi recipiendo memoriam suæ mortis. Debet igitur laborare omnis homo Christianus, vt fiat & permaneat in eo memoria mortis Christi : quia per memoriam ipsam manebit in eo virtus Christi, & ipse Christus. Per talem memoriam fit vera vnio & obligatio inter Christum & Christianum. Ecce ergo tota scientia Christiani, in quantum Christianus est, consistit in hoc, vt cognoscat duas obligationes. s. primam naturalem; & secundam, quæ est pro peccato: & cognoscat mortem Christi: quia ista sunt ligata inter se; &

*Mors  
Christi  
est radix  
meriti &  
præmij.  
Tit. 229.  
Tit. 289.*



## § 22 De memoria mortis Christi.

*digentia* qui ignorat ipsas obligationes totaliter, ignorat Chri-  
*disponit* stum & mortē eius, quia nescit necessitatem Christi &  
*ad Chri-* mortis eius: & ideo credit ipsum esse superfluum & to-  
*stum re-* tum nihil & derisorium. Dum autem cognoscit homo  
*cipien-* duas obligationes suas, quibus obligatur Deo: tunc fit  
*dum.* in eo præparatio & capacitas ad suscipiendum in se  
Christum & mortem suam & virtutem suam: & cogi-  
tur ire ad Christum: & quantò homo magis cognoscit  
necessitatem suam: & indigentiam; tantò magis reci-  
pit Christum. Sicut enim cognoscendo seipsum inquan-  
tum erat homo per comparisonem ad alias creaturas  
inquantum lapsus & perditus, inuenit & cognoscit  
Christum Deum rectissimè esse & hominem. Sicut enim  
homini, inquantū lapsus est, Deus homo est necessarius:  
& sicut homini inquantum homo est, necessarius Deus  
Creator; ita homini inquantum lapsus est & perditus,  
necessarius fuit Deus Redemptor & Saluator: & hoc  
est Christus. Etiam duplex est scientia de homine, vna  
est inquantum homo est; & alia de homine inquantum  
lapsus & perditus est. Et similiter duplex est scientia de  
Deo proportionabiliter. Vna de Deo inquantum est  
Deus; & alia inquantum est homo. Et ideo quia homo  
per cognitionem sui ipsius ascendit ad cognitionem  
Dei: & tantum quantum de seipso cognoscit; tantum  
cognoscit de Deo: ideo qui ignorat seipsum inquan-  
tum est homo, ignorat Deum: & qui ignorat seipsum  
inquantum est lapsus, ignorat Deum hominem, scili-  
cet Christum. Et ideo sicut superius quando voleba-  
mus aliquid probare, vel scire de Deo inquantum Deus  
est, arguebamus de homine inquantum homo est: ita  
modò si volumus aliquid probare, vel scire de Christo  
Deo & homine: debemus arguere per naturam homi-  
nis lapsi & perditum. Nunquam igitur homo debet re-  
cedere à seipso, nec à cognitione sui ipsius: & ita homo  
potest considerare seipsum inquantum est homo, & in-  
quantum est homo lapsus, & inquantum est reparatus.  
Et ideo homo duobus modis est opus Dei, videlicet  
opus Dei primò factum de nihilo: secundò est opus  
Dei reparatum & restauratum de lapsu & de perditione:  
finaliter & ultimò erit opus Dei glorificatum & con-  
summatum. Etiam opera Dei circa hominem dicuntur  
esse tria, videlicet opera conditionis, & opera restaura-  
tionis, & opera glorificationis. Quia igitur mors Chri-  
sti est

Tit. 8<sub>2</sub>.

¶ 83.

*Quod malum pœnæ Christi non rem. § 23*

Iti est tota causa restorationis hominis lapsi : ideo homo lapsus & restauratus debet applicare totum suum studium circa mortem Christi, ut continuè applicet eam sibi, & recipiat virtutem eius in seipso. Sicut enim medicina aliqua, vel herba habens virtutem non proficit infirmo, nisi applicetur infirmo, & uniatur ei : ita mors Christi non proficit homini lapsi, nisi applicetur ei, nec homo aliter recipit virtutem ab ea.

T I T V L V S C C L X X X.

*Quòd quamuis homo lapsus reparetur & curetur quantum ad bene esse animæ : & quantum ad malum voluntarium ; non tamen reparatur quantum ad bene esse corporis, & quantum ad malum, quod erat inuoluntarium.*

**D**eclaratum autem fuit superius, quòd in hominè lapsi fuit duplex malum, scilicet malum animæ, seu liberi arbitrij, quod erat voluntarium ; & malum corporis, quod erat inuoluntarium. Primū malum erat malum culpæ : secundum malum erat malum pœnæ. Sicut enim homo habebat duplex bene esse ; scil. corporis & animæ : ita lapsus inuenit duplex malè esse, scilicet corporis & animæ : quia perdendo bene esse animæ perdidit bene esse corporis : quia bene esse corporis erat propter bene esse animæ : ita remansit esse corporis : Declaratum etiam fuit, quòd ista duo mala animæ & corporis, seu istud duplex malè esse contratio modo se habent in primis duobus hominibus, & in aliis descendentibus ab eis : quia in primis duobus malum voluntarium, seu malè esse animæ fuit causa mali inuoluntarij, seu malè esse corporis ; sed in omnibus aliis descendentibus ab iis per generationem libidinofam & corruptam malum inuoluntarium, seu malè esse corporis & carnis fuit causa mali inuoluntarij, seu malè esse animæ, seu liberi arbitrij : quamuis autem Christus remoueat & destruat ab homine lapsi malum voluntarium, seu malè esse animæ & liberi arbitrij, & restituat bene esse animæ ; non tamen remouet ab homine, nec destruit malum inuoluntarium, seu malè esse corporis ; imò remanet malè esse corporis, seu carnis cum bene esse animæ : hoc autè est valde conueniens, quòd in homine remanet malum inuoluntariū, seu malè esse carnis, seu malū pœnæ, quod idè est propter multa.

*Tit. 248.*

*In eodem titulo.*

*Quod Christus morte sua non abstulit*

Vnde



*malum  
pœna in  
homine.*

Vnde homo non cognosceret se fuisse lapsum & perditum, si remoueretur ab eo malum inuoluntarium, seu malum pœnæ: etiam non cognosceret beneficium infinitum sibi datum, reputaret totum quasi nihil. Et ideo conueniens est valde homini, quod remaneant in eo mala & pœnæ corporis propter bonum suum, ut continuo cognoscat lapsum suum, qualis fuit, ut sic magis diligat continuo Christum, & uniatur cum eo. Sed tamen Christus Conuertit totum illud malum in bonum hominis quantum ad animam. Vnde sicut Christus per suam corporalem pœnam & mortem carnis suæ operatus est infinitum bonum; ita valde rationabile fuit, ut in homine etiam remaneret mors & pœna. Sed sicut mors & omnis pœna corporalis fuit in Christo voluntariè, & ideo meritoria pro hominibus, & fuit instrumentum liberationis hominis; ita etiam ut mors & omnis pœna corporalis fieret in homine voluntaria & meritoria & esset instrumentum acquirendi merita. Sicut enim mors sua & omnis pœna sua corporalis fuit summi meriti: ita etiam mors hominis & omnis pœna corporalis voluntariè assumpta propter Christum fieret magni meriti. Si enim Christus ab hominibus remoueret mortem & omnes pœnas corporales, ut non possent pati, iam tolleret hominibus occasionem merendi & acquirendi merita: quia omnis pœna voluntariè & sponte assumpta propter Deum est meritoria & bona: & ideo non fuit conueniens, quod remoueret ab homine illud, quod poterat esse instrumentum ad faciendum bonum ad honorem Dei. Non igitur Christus remouet ab homine malum pœnæ corporalis, quod erat inuoluntarium; sed conuertit illud in bonum hominis, & facit illud esse voluntarium, ut sit meritorium. Etiam Christus malum voluntarium, quod erat in libero arbitrio & in anima, facit inuoluntarium, odibile & displicibile homini; & malum inuoluntarium, quod erat in corpore, quod erat terribile, odibile, & fugibile & displicibile homini (quid enim terribilius morte?) facit & reddit voluntarium, amabile homini & appetibile. O mirabilis conuersio ista! Et ideo homini christiano, si verè christianus est, mors & omnis pœna corporalis est propter Christum summè amabilis & desiderabilis & acceptabilis: quia omnis homo christianus veraciter amat & vult imitari

*Defectus  
nostri;  
sunt oc-  
casiones  
merendi.*



tari Christum: quod non posset facere, si non posset pati mortē corporalem & pœnam sicut Christus. Quid enim rationabilius, quàm vt sicut Chr. sustinuit mortem voluntariè & pœnam corporalem; ita & christianus sustineat mortem & pœnam corporalem propter Christum voluntariè: vt homines habeant in seipsis & in corpore exteriori illud, per quod possint ostendere amorem interiorem & affectum cordis erga Christum? Quare conuenientissimum est, quòd remaneant in hominibus reparatis quo ad animam pœnæ corporales; non tamen vt regnent & dominantur, sicut ante, quia timebantur. Omne quod timetur ab aliquo, dominatur ei, & regnat super eum: & ideo mors & omnis pœna corporalis dominabatur homini, & regnabat supra hominem: quia timebatur ab homine. Sed in homine christiano mors non timetur, nec aliqua pœna corporalis: & ideo non dominatur, quamuis sit in homine, nec regnat, imò subiicitur voluntati eius. Sed quoniam in corpore & in carne hominis lapsi erat etiam concupiscentia carnis, seu voluntas carnis inordinata, per quam caro erat corrupta & infecta, per quam caro dominabatur animæ, & subiugabatur sibi totaliter per istam concupiscentiam anima: & ista voluntas carnis inordinata & libidinosa erat verus inimicus animæ: quia per ipsam anima erat corrupta & infecta, & etiam caro ipsa propter istam concupiscentiam inimica erat Dei: quia Deus creabat animam mundam, & ista caro propter suam istam concupiscentiam corrumpebat & inficiebat animam, & trahebat ipsam ad se, sicut meretrix trahit virum. Et ideo quamuis ista voluntas, seu concupiscentia carnis sit inimica animæ, corrumpat animam, & inimicetur Deo; attamen non debuit destrui, nec annihilari totaliter, nec deleri, vt nullo modo esset; imò conueniens fuit, quòd remaneret cum aliis pœnis corporalibus: quoniam postquam anima recuperabat suum bene esse & suam bonitatem, rectitudinem & virtutem, & suam fortitudinem, & per consequens liberabatur à potestate & dominio carnis: ideo quia caro per illam concupiscentiam damnauerat animam; conueniens est, quòd talis inimicus remaneat, vt anima vindicet se de ipso suo inimico capitali, & continuò ipsum puniat & captiuat & vincat & pugnet contra eum indefinenter: quoniam inimicus mortalis non

*Ante  
mortem  
Christi  
mors do-  
minaba-  
tur nobis.*

*Christus  
mortem suam  
non re-  
mouit  
concupiscenti-  
am carnis  
vel fo-  
mitem.*



## 526 *De institutione Sacramentorum.*

non debet statim occidi, sed debet languere, & paulatim destrui. Sufficit enim animæ quòd inimicum suum teneat sub pedibus suis, & dominetur ei, & percutiat & verberet ipsum: ideo sufficit animæ habere adiutorium, vt dominetur suo inimico capitali. Item etiam esset anima otiosa quodammodo, nisi haberet inimicum continuum, cum quo pugnaret & se excitaret in pugna continua cum armis sibi datis à Christo: & sic continuò pugnando acquirit victorias & merita. Item etiam bonum est homini, vt continuò sentiat suum capitalem inimicum, qui ipsum damnauerat, & sub cuius potestate erat, & sic cognoscat gratiam sibi factam, & cognoscat se accepisse gratiam, & bene esse quantum valet, & cognoscat per experientiam, à quali inimico liberatus sit, cui antè seruebat: & timeat Deum offendere, ne iterum reuertatur sub potestate talis inimici & tantæ corruptionis; & semper cogiter, à quanta corruptione & surditate anima sit liberata: & semper gratias agat, & non tradat obliuioni Ergo fuit conueniens, vt remaneat in homine reparato concupiscentia; non tamen, vt regnaret & dominaretur, sicut antè, sed propter causas dictas. Et sic apparet, qualiter Christus omnia mala hominis conuertit in bonum, & quòd remouet malum animæ, seu voluntarium, & dat bene esse animæ, & malum corporis facit voluntarium & meritorium, quod antè erat inuoluntarium.

### T I T V L V S C C L X X I.

*De forma & modo in quibus Iesus Christus Filius Dei, & homo verus, & verus Medicus & Saluator dat bene esse, & gratiam & salutem, & omnia necessaria homini lapsò: de factò & modo regenerandi & renouandi hominem, & incorporandi eum cum Christo.*

**Th. 271.** **Q**uoniam autem homo lapsus & perditus indiget, vt recipiat bene esse, & curetur à suo malo esse: indiget etiam, vt recipiat indulgentiam & remissionem omnium peccatorum & offensarum: & hoc nullus potest dare, nisi Iesus Christus, vt iam declaratum est: ideo modò oportet specialiter venire ad factum & ad modum ordinatum & præfinitum à Christo, in quo ho-  
mo.

mo de facto recipiat omnia necessaria sibi quo ad animam. Vnde ipse Christus ordinavit in Ecclesia sua modum & formam, in quibus ipse dat homini gratiam, & bene esse & salutem: & homo recipit ea de facto. Vnde quia bene esse, quod homo debet recipere à Christo, est inuisibile; & ipsa gratia, quæ est bene esse, est inuisibilis, quia est res spiritualis, sicut anima: propter hoc Christus ordinavit aliquas res corporales, sensibiles & visibiles, per quas, & in quibus homo reciperet adiutorium & bene esse, seu gratiam suam à Deo, videlicet recipiendo in se illas res corporales, quæ quidem res corporales & visibiles habent similitudinem cum illa gratia recipienda, & quodammodo significant eam & repræsentant. Ita ergo Christus ordinavit & instituit, quòd homo reciperet suum bene esse & suum bonum per res corporales & visibiles, tanquam per quædam instrumenta: & non voluit dare suam gratiam & suum donum, nec tantum beneficium totaliter occultè, sed in forma visibili & manifesta, non quòd illud, quod datur, sit visibile, nec videatur, nec audiat; sed solum videtur in illa re corporali & visibili, sicut in quodam signo & in quadam imagine. Et ideo ut homo posset cognoscere quid est illud, quod recipit in anima, ordinavit Dominus noster Iesus-Christus tales res visibiles aptas ad hoc, ut per illas nos possimus cognoscere illud inuisibile, quod recipimus: & ordinavit exterius modum & formam recipiendi & applicandi tales res visibiles ad ipsum hominem: & exterius in corpore, ut per hoc homo cognosceret & cogitaret, quòd sicut exterius & visibiliter fit, quod ita conformiter ipse Dominus Iesus-Christus operatur in anima. Et hoc fuit valde conueniens & proportionatum homini, ut per talem modum homo reciperet donum Christi: quia homo debet cognoscere quid est illud, quod recipit: & modus cognoscendi ipsius hominis est, ut per corporalia sensibilia & visibilia cognoscat spiritualia & inuisibilia, ut iam declaratum fuit in scala naturæ. Et ideo sicut per scalam naturæ, quæ consistit in rebus visibilibus, homo ascendit ad cognoscendum res spirituales & inuisibiles; ita similiter Dominus ordinavit homini lapso quandam scalam in restauratione sua, ut per res corporales & visibiles homo cognosceret res spirituales & inuisibiles:

*Quod Christus instituit dare gratiam homini per sensibilia puta per Sacramenta.*

*Quare Christus instituit Sacramenta.*

*Suprà post principium.*

& non



## § 28 De institutione Sacramentorum.

*Scala  
creationis &  
scala re-  
creationis.*

*Scala  
gratie.*

& non solum hoc, imò suscipiendo tales res corporales & visibiles visibiliter, reciperet ipsas res spirituales & inuisibiles inuisibiliter. Et ideo ista scala vltima, est scala recipiendi & cognoscendi ipsas res inuisibiles in homine, & non tantum cognoscendi; sed scala naturæ est tantum scala cognoscendi: & ideo ista scala vltima est melior, vtilior & magis fructuosior homini. Prima scala est scala naturæ; ista secunda scala est scala gratiæ: prima scala est scala creationis & conditionis; sed ista secunda scala est scala recreationis, reparationis & restorationis, scala vitæ, scala salutis: prima scala est scala hominis in quantum homo est; sed ista secunda scala est scala hominis in quantum lapsus est. Et ideo homo in quantum est lapsus, habet primò ascendere per istam scalam gratiæ: quia homo lapsus est in profundissimo loco & infimo, & distat in infinitum à Deo, & est inimicus Dei: & ideo primò debet exire de illo loco infimo, & ascendere ad gratiam Dei & ad donum Dei, & auxilium, & adiutorium, & ad bene esse, quia aliter non poterit ascendere per scalam naturæ. Primò Deus ordinavit homini perfecto habenti bene esse scalam naturæ, per quam poterat ascendere feliciter & descendere: secundò ordinavit homini lapso, qui cecidit de bene esse ad malè esse, & de gratia ad culpam, de amicitia Dei ad inimicitiam, scalam gratiæ, per quam ascenderet ad bene esse, ad gratiam & ad amicitiam suam. Et ideo homo lapsus non potest inuenire Deum, quem perdidit, nisi ascendat per secundam scalam. Et si per primam primò vult ascendere, & ire ad Deum: tunc frangit collum suum, & habet obstaculum, & non inuenit Deum, sed magis inueniet errorem, & diabolum, & malum suum. Per primam scalam naturæ, seu creaturarum homo ascende-  
bat ad Deum; sed per secundam ascendit ad Deum hominem. Sic ergo sicut duplex est status hominis; ita duplex est scala. Prima fuit ordinata à Deo tantum; Secunda est ordinata à Deo homine, scilicet Iesu Christo. Et ideo valde rationabile fuit, vt sicut Deus, quando nondum erat homo, ordinauerat, vt homo ascenderet ad Deum per scalam rerum visibilium & corporalium; ita quando factus est homo, & recepit corpus, ordinauerit, vt homo ascendat ad Deum & hominem per scalam rerum corporalium. Et sicut in seipso



ipso habet quandam scalam humanitatis & diuinitatis, seu corporis & animæ & diuinitatis; & etiam homo habet quandam scalam in seipso, scilicet corporis & animæ: ita etiam ordinauit quandam scalam rerum corporalium, seu visibilium & gratiæ suæ: vt homo per res visibiles ab ipso ordinatas ascenderet ad gratiam suam. Et sicut in se scala habet duos gradus, scilicet humanitatem & diuinitatem, & per humanitatem ascendit ad diuinitatem: & homo habet etiam in scala sua, quæ est in ipso, duos gradus gradus, scilicet corpus & animam: ita conformiter scala ab ipso ordinata habet duos gradus, scilicet ipsas res visibiles & gratiam suam: vt per res visibiles ascenderet ad gratiam suam cognoscendam & recipiendam. Non enim est mirum, si Christus ordinauit, quod in rebus corporalibus & visibilibus homo lapsus recipiat gratiam suam, & suum bene esse perditum, cum Deus primò ordinauerit, quod homo habens iam bene esse, reciperet suum optimum esse per res corporales, scilicet lignum scientiæ boni & mali, scilicet seruando obediendam de præcepto dato super lignum scientiæ boni & mali: quod quidem lignum erat res corporalis & visibilis. Et ideo sicut Deus ordinauerat; vt homo seruando illam obediendam de illo ligno reciperet optimè esse; ita etiam ordinauit Christus Deus & homo aliquas res visibiles & corporales, vt illas in se recipiens per obediendam & propter obediendam recipiat gratiam suam, & bene esse, seu bonum suum. Et ideo illæ res visibiles ab ipso ordinatæ & institutæ habent talem virtutē & efficaciam ex ordinatione sua: vt quicumque suscipiat eas debito modo, recipiat gratiam, quæ significatur per tales res. Non quod in illis rebus contineatur gratia, sed quod ab ipso datur omni recipienti propter ordinationem & institutionem suam, & quasi ex quodam pacto. Qui autem contemnit recipere tales res ab ipso ordinatas, nullam recipit gratiam. Et ideo quia per tales res corporales Dominus ordinauit gratiam suam dare homini, propter hoc tales res sanctificantur & sacrantur per verba sua, quæ dicuntur in nomine suo super tales res corporales: quæ quidem verba etiam significant illam gratiam suscipiendam. Et ideo tales res corporales & visibiles sanctificatæ per verba sunt sufficiens instrumentum ad recipiendum gratiam. Et conuenientis-

*Conuenienter  
Christus  
instituit  
dare gratiam  
per visibilia.*

*Quomodo gratia  
sit in Sacramentis.*



### 530 *De institutione Sacramentorum.*

*Tit. 210.*

*Accedit*

*verbum*

*ad ele-*

*mentum,*

*Est Sa-*

*cramen-*

*tum, se-*

*cundum*

*Aug.*

*quare ?*

*Quod  
Sakra-  
menta  
conferunt  
id quod  
figurant.*

simè verba Christi debent addi cum rebus corporali-  
bus : quia sicut iam declaratum fuit in capitulo de ver-  
bis Dei , duo solum habemus à Deo creaturas , scilicet  
& verba sua : verba sua habent omnem virtutem : &  
Deus per verbum suum fecit creaturas : & ideo verba  
Dei operantur super creaturas visibiles. Quia ergo  
tales res visibiles debent repræsentare illud inuisibile,  
quod datur & recipitur, & habere similitudinem cum  
eo , quia aliter non faceret hominem ascendere ad co-  
gnosendum : quia etiam Dominus Iesus-Christus in-  
stituit, & ordinavit tales res creatas ad significandum  
illud inuisibile , quo homo indiget , & vt homo reci-  
peret in anima illud inuisibile, quod significatur & re-  
præsentatur per ipsas res. Et ideo quia verba magis  
habent aptitudinem ad significandum & repræsentan-  
dum res inuisibiles , quàm ipsæ res corporales : quia  
homines vtuntur verbis ad significandum , & vadunt &  
intran in animam : & propter hoc significatio euiden-  
tior & magis manifesta fit per verba , quàm per ipsas  
res corporales : ideo vt significatio sit plena & com-  
pleta , & euidētissima & clarissima & determinata &  
certa, verba debent addi cum rebus visibilibus : vt per  
res visibiles & per verba, quæ audiuntur , fiat vna com-  
pleta repræsentatio & significatio vnius & eiusdem rei  
inuisibilis. Et sic homo velocius & fortius ascendit  
per talem significationem , tanquam per scalam , ad  
rem inuisibilem cognoscendam & cogitandam : vt si-  
mul videndo ipsas res visibiles repræsentantes & or-  
dinatas à Domino , & audiendo verba significantia,  
idē hōmo intelligat clarissimè quid est istud inuisibile,  
quod debet recipere , & quod dabitur ei à Domino : &  
vt homo firmissimè credat , quod recipiat gratiam in-  
uisibilem, & istud quo indiget recipiendo tales res. Ideo  
est ibi ordinatio & institutio Domini nostri Iesu-  
Christi , & voluntas sua , qui ordinavit , instituit &  
voluit , vt per tales res corporales homo susciperet  
gratiam suam & adiutorium suum. Sunt etiam ver-  
ba sua irrefragabilia, & verissima ; & ideo tam sua ef-  
ficax ordinatio , quàm sua verba , quæ non possunt  
esse falsa , formant hominem ad credendum, quod  
ibi recipit inuisibilem gratiam , qua indiget. Ecce  
igitur scalam firmissimam & fixam & immobilem  
ad

ad ascendendum. Et quia ista scala est scala cognoscendi & suscipiendi, seu habendi: ideo ut utroque modo sit fortissima, est ibi primò plena significatio & representatio tam ex parte rerum, quam ex parte verborum, ut homo ascendat cognoscendo: est ibi etiam ordinatio Christi efficax, ut homo ascendat ad suscipiendum, & credat firmissimè, quòd accipiat talem gratiam representatam & significatam tam per tales res visibiles, quam per verba. Quid enim magis firmum, magis solidum, magis securum, quam ordinatio Christi & verba sua? Quid enim fortius in regno, quid magis immutabile, quam ordinatio Regis & verbum Regis? Et ideo talis ordinatio Christi & verbum suum imponunt necessitatem, non tamē cogentem, sed voluntariam: ut homo recipiendo tales res visibiles, recipiat à Christo talem gratiam significatam per tales res, & ut Christus det illam: quia ipse se obligavit dare ex sua bonitate & voluntate, ut esset summa securitas, quandò scilicet ordinavit tales res visibiles, & fecit pactum cum hominibus. Qui enim voluit mori pro hominibus cum summa pietate & benignitate, voluit modum ordinare, quo magis conveniebat hominibus. Si enim Deus secretò in ventre matris, quando corpus est organisatum, creat & dat animam rationalem, sine petitione & postulatione; quantò magis dabit gratiam invisibilem suam, si homo debito modo recipiat res corporales & visibiles ab ipso ordinatas ad recipiendum suam gratiam? Vnde tam anima quam gratia immediatè veniunt & fluunt ab eo per creationem. Et sicut ipse ordinavit, quando fecit hominem, quòd quotiescunque corpus esset dispositum & organisatum, reciperetur anima rationalis, quam ipse crearet; ita ordinavit, quando restauravit hominem, quòd quando homo reciperet debito modo tales res corporales ab ipso ordinatas, reciperetur gratia sua in anima, quam ipse crearet. Et sicut Deus nunquam deficit, quin creet & det animam; ita nunquam deficit, quin creet & det gratiam.

*Sacramenta  
necessariò  
conferunt  
gratiā.*

*Quòd  
Deus ne-  
cessariò  
dat gra-  
tiam re-  
cipienti  
sacra-  
mentā.*

Ecce igitur modum, per quem Christus Dei Filius



### § 32 *De institutione Sacramentorum.*

dat homini lapso suum beneficium & adiutorium, & facit ipsum participem in merito suo & in morte sua, & incorporat hominem sibi, & facit ipsum suum membrum, & incorporatur ei & vnitur, & fit de domo sua & de familia sua, videlicet per res corporales & visibiles ab ipso ordinatas, per quas homo signatur, vt sit suus. Vnde si homo vult recipere gratiam satisfactionis & redemptionis per Christum: vt mors Christi, quæ omnia meruit, sit sua: necesse est, quod adhæreat & vniatur Christo, & credat in eum, & oportet quod ista credulitas & fides occulta manifestetur per signa exteriora & visibilia. Et ideo debuerunt esse signa certa & determinata visibilia, per quæ homines protestentur se credere in Christum, vt cognoscerentur homines, qui essent membra Christi. Sicut autem necesse erat homini & conueniebat, vt ita satisfaceret Christus pro eo; ita conueniebat homini, vt ita vniatur cū Christo, & daretur ei gratia Christi: & quia per tales res corporales, seu signa datur gratia in anima, & homo sanctificatur & recipit bene esse, & etiam quia Christus ordinauit eas: propter hoc debent honorari & venerari, & debent esse & dici sancta & sacra & Sacramenta, quamuis sint res corporales & visibiles, vnde significant res sacras & sanctas, & præparant ad suscipiendum res sacras & sanctas, & sunt ordinatæ à sacratissimo & sanctissimo Christo: quare non immerito debent dici Sacramenta. Et per consequens scala ista est sacramentalis.

### T I T V L V S C C L X X I I.

*Quod primum Sacramentum, quod Deus ordinauit, est Baptismus, seu ablutio in aqua, & Sacramentum regenerationis & renouationis, in quo homo perditus & corruptus regeneratur & renouatur in esse nouo spirituali & gratia.*

**Q**Voniam autem iam declaratum fuit capitulo de lapsu & corruptione hominis, in quo statu est homo lapsus & corruptus quantum ad animam, & liberum arbitrium: & ideo oportet, quod homo totaliter mutetur ab illo statu corrupto quoad animam, & recipiat nouum esse, & perdat antiquū esse: quia necesse est, quod recipiat & incipiat bene esse, & recedat à malè esse. Necesse

cesse est etiā, quòd anima faciat nouas operationes, & relinquat antiquas & veteres. Necesse etiam est, quòd abluatur à corruptione sua, à sua fœditate, & à sua macula & infectione, quā contraxit à societate carnis corruptæ. Necesse est etiam, quòd fiat plena remissio omnis culpæ, omnis offensæ & omnis peccati: & quòd destruaturs omnis obligatio ad pœnam, vt s. anima sit talis & reputetur talis, ac si nunquam peccasset, nec aliquam culpam habuisset. Et ideo Christus ordinauit ad significandum & repræsentandum omnia ista, quæ sunt inuisibilia, & debent fieri occultè in anima: vt, s. exterius in corpore fieret ablutio & lauacrũ per aquam elementalẽ cum verbis expressè significantibus abluionem & lauacrum, dicendo: Ego te Baptizo in nomine Patris & Filij & Spiritus-sancti. Quod est idem ac si diceret: ego te abluo & lauo. Ista autem ablutio visibilis, quæ fit exterius in corpore, sicut ordinatum est simul cum verbis ordinatis, significat abluionem inuisibilem & occultam & secretam, quam Christus facit in anima. Quæ quidem ablutio fit per nouam gratiam, seu nouũ bene esse: per quod bene esse in anima receptum anima innouatur mundatur & purificatur, & efficitur totaliter amabilis & acceptabilis Deo, ac si nunquam peccatum in ipsa anima factum fuisset: & incorporatur & vnitur cum Christo, & tota passio, seu mors Christi efficitur sua & applicatur ei. Et ideo ista ablutio, quæ fit in aqua eo modo, quo Christus ordinauit, vocatur Sacramentum, seu signum regenerationis & renouationis: quia hoc est regenerare hominem & innouare, quia anima recipit nouum esse spirituale, quod ante non habebat. Et ideo per illud sacramentum anima intrat in regnum cælorum, & homo efficitur filius Dei & heres Dei & coheres Christi. Et ideo in isto sacramento recipit nomen nouum, quia vocatur christianus: quia sicut recipit à Christo esse nouum & rem nouam, per quam efficitur homo nouus; ita recipit nouum nomen à Christo: & sicut communicat suam rem & suam gratiam; ita communicat suum nomen. Sic homo renouatur & quo ad rem & quo ad nomen. Et sic Sacramentum Baptismi est prima scala Sacramentalis, per quam homo lapsus ascendit: & est scala cognoscendi & suscipiendi inuisibile per visibile. Primò videamus quomodo est scala cognoscendi inuisibile per visibile. Vnde ipsa

*Significatio Baptismi.*



*Quomodo per Baptismum cognoscimus effectus eius.* Baptismus mundat. aqua & ablutio & modus abluendi sunt illud quod videtur: & ideo sicut corpus proportionatur animæ inuisibili; ita illud visibile, quod est sicut corpus, proportionatur rei inuisibili quantum ad significationem & figurationem & repræsentationem: quia illud, quod videtur in Sacramento, est signum, figura & imago illius, quod non videtur: & ideo debemus arguere de visibili ad inuisibile. Et ideo sicut aqua per suam puritatem mundat & purificat omnes maculas & infectiones & totaliter lauat; ita significatur quod anima inuisibiliter mūdatur & purificatur & abstergitur & lauatur ab omni macula, ab omni infectione, & ab omni culpa, & ab omni immunditia, & totaliter efficitur noua: & hoc per aquam inuisibilem, scilicet per gratiam nouam & nouum esse spirituale: & sicut per aquam abluitur totum corpus exterius; ita significatur, quod tota anima abluatur intus: Item sicut aqua est clara & dyaphana & susceptiua luminis; ita significatur, quod anima intra illuminatur & effugantur omnes tenebræ spirituales: Item sicut aqua est per suam frigiditatem refrigeratiua; ita significatur quod interius refrigeratur concupiscentia carnis, quæ animam inficiebat per calorem libidinosum. Item etiam significatur, quod anima recipit refrigerium à pœna æterna, ad quam erat obligata. Item sicut ablutio fit in capite, & deinde ad totum corpus; ita significatur plenaria absolutio & remissio omnium culparum & offensarum & omnis obligationis ad pœnam æternam: ita quod inter animam & Deum nullum est obstaculum, quod impediatur animam ire ad Deum: & ideo significatur apertio ianuæ paradisi. Et sic patet qualiter Sacramentum Baptismi, quod fit in aqua corporali & visibili est scala ascendendi ad cognoscendum inuisibile, quod fit in anima. Et quia non solum est scala cognoscendi, sed etiam recipiendi & habendi; ideo homo suscipiendo exterius Baptismum Christi, seu ablationem aquæ ordinatam à Christo, quæ est visibilis, recipit intus inuisibiliter in anima totum illud inuisibile, quod significatur per aquam visibilem: & hoc de necessitate virtutis ordinationis Christi, qui ordinauit, ut quicumque recipit suum Baptismum à Christo ordinatum, recipiat totum illud, quod significatur per Baptismum. Si per Baptismum visibile fit inuisibiliter incorporatio & unio cum Christo: & purgatio: absolutio & mundatio culpæ, & remissio pœnæ: & aper-

*Incorporatur Christo.*

tio ianux celestis. Sic in Baptismo fit generatio noua *Rege-*  
& mutatio de statu in statum : & de statu contrario ad *ratio.*  
statum contrarium , & de male esse ad bene esse : & de  
non esse ad esse, & de malo inuisibili & occulto ad bo-  
num inuisibile & occultū. Ideo fit ibi mutatio de morte  
ad vitam ; de tenebris ad lucem , de seruitute carnis &  
diaboli ad seruitutem Dei & ad libertatem. Etiam ho-  
mo per Baptismum perdit & acquirit : & totum est  
inuisibile quod perdit & acquirit. Et etiam per Baptis-  
mum homo moritur & uiuit: quia anima perdit statum  
antiquum & vitam antiquam : & desinit esse quoad il-  
lum statum , quia status peccati & uitij & culpæ de-  
struitur. Etiam est ibi quædam mors : quia anima prius  
uiuebat in vna vita : & per Baptismum moritur illa vi-  
ta, & inchoatur noua vita. Et ideo homo per Baptismum  
spoliatur & induitur: quia expoliatur quo ad male esse,  
& quo ad vitam carnis , & quo ad affectiones carnales;  
& induitur quo ad bene esse , quod recipit à Christo.  
Etiam anima exnitur & expoliatur quo ad antiquum &  
primum hominē, & induitur quo ad nouum hominem.  
Et quia nemo potest inchoare vitam nouā Christi con-  
trariā primæ vitæ, in qua uiuebat, nisi relinquat primam  
totaliter: & quia prima vita erat volūtaria; oportet quod  
vita noua secunda etiā sit volūtaria: & cum volūtas non  
possit cogi : ideo oportet quod homo voluntariē relin-  
quat & deserat & odio habeat vitam antiquam, & ei dis-  
pliceat & pœniteat eum sic vixisse: sic requiritur in ho-  
mine adulto, quando recipit Baptismum, & oportet vt  
displiceat vita mala præterita. Vnde quia in homine  
adulto est duplex culpa , scilicet vna originalis, & alia  
actualis , quia peccauit per propriam voluntatem &  
consensum : ideo oportet , quod habeat displicentiam  
actualiter : & quia debet recipere nouam vitam &  
nouum esse à Christo : ideo oportet , quod per pro-  
priam voluntatem & consensum adhæreat Christo, &  
credat in eum. Etiam in homine , qui vititur libero ar-  
bitrio , requiritur fides propria & displicentia de mala  
vita , sed in paruulo, qui non habet potestatem volen-  
di, neque consentiendi : & qui non peccauit per pro-  
priam voluntatē, sed solum habet culpam & corruptio-  
nem originālē, & totum malū venit sibi ab alio: non re-  
quiritur , quod habeat fidē propriā nec displicentiam;  
sed sufficit ei fides aliena, & quod alij credant pro ipso,

*In Bap-  
tismo a-  
dulti re-  
quiritur  
cōtritio.*

*Requiri-  
tur com-  
munis fi-  
des pro-  
pria.*

*In per-  
uulis suf-  
ficit fides  
aliena.*



Exorcis-  
mus &  
cathe-  
chismus  
quare  
præcedit.

& consentiant & adhæreant Christo pro ipso. Et quoniam homo ante Baptissimum, & antequam uniatur Christo, est sub potestate diaboli, ut iam declaratum est; ideo ut diabolus expellatur & sua potestas, fit exorcismus ante Baptismum, & fit catechismus, id est, instructio de fide, tanquam quædam præparatio ad Baptismum. Vnde quia in Baptismo fit noua regeneratio spiritualis, & acquiritur noua forma; ideo debent omnia illa præcedere, quæ præparant & valent ad illam formam recipiendam.

### T I T V L V S C C L X X I I I .

*Quod Sacramentum Baptismi est scala ascendendi  
& descendendi.*

**S**icut autem per Sacramentum Baptismi homo lapsus ascendit duobus modis, scilicet cognoscendo & suscipiendo gratiam inuisibilem; ita quodammodo Christus descendit ad hominem lapsum in ipso Sacramento Baptismi, in quo homo lapsus venit ad Christum, & Christus venit ad hominem. Vnde ista sunt ordinata inter se quasi quædam scala & cathena, scilicet diuinitas Christi & humanitas Christi, & mors, seu passio Christi, & Baptismus Christi. Vnde gratia Christi, seu beneficium & donum suum auit & descendit à deitate, seu diuinitate Christi originaliter: & hoc per humanitatem Christi & virtutem mortis & passionis suæ, in qua est infinitum meritum & infinita virtus: & hoc est per Baptismum Christi: & dum homo tangitur per Sacramentum Baptismi; tunc gratia descendit ad hominem: etiam Christus tangit hominem per Baptismum suum. Etiam Baptismus est ultimus gradus istius scalæ in descendendo: & in illo modo Christus descendit, quia donum suum descendit & induit hominem ex alto, & ipsum vestit: ita quod sicut Baptismus Christi datur de alto & quasi induit corpus totum, & cooperit ipsum aqua; ita etiam induit intus totam animam cum sua gratia: & sic totus homo tangitur à Christo: & ideo tam corpus quam anima incorporantur cum Christo: & ideo totus homo efficitur membrum Christi: & per consequens habebit partem in morte, & passione Christi, & in virtute & merito passionis eius: & ideo homo baptisatur in morte & in passione

passione Christi & in sanguine eius: quia in virtute & & in merito mortis Christi, in qua est aspersus, descendit donum & gratia ad animam, qua lauatur. Et ideo Baptismus est instrumentum mortis & passionis Christi. Sic ergo totum est Christi, & gratia descendens & Baptismus, per quem gratia descendit: & mors & passio humanitatis, per cuius virtutem descendit: & diuinitas, à qua fluit gratia tanquam à fonte: & ipse homo etiam efficitur ipsius Christi per Baptismum. Etiam non immeritò homo nominatur christianus, & efficitur infiniti valoris & pretij: quia tunc emptus est infinito pretio, scilicet morte Christi: & non est suiipsius ipse homo tunc; sed est Christi, quia est membrum Christi. Et ideo qui iniuriat & lædit & persequitur christianum, iniuriat, lædit & persequitur Christum; & qui honorat christianum, honorat Christum. Ideo homo christianus debet seipsum semper reputare esse Christi, & non suiipsius: & per consequens debet cogitare quanto & quali pretio est emptus, & quantum est ipsum esse christianum, & quanta gratia est esse christianum. Et ideo summè cauere debet, ne tantum nomen polluat & deturpet, ne discordet à Christo, nec ipsum offendant. Ecce ergo cathenam immutabilem, seu scalam immobilem & firmissimam: diuinitas Christi immutabilis, abundantissima, omnia de nihilo creans: humanitas Christi, in qua est infinitum meritum, & infinita virtus propter mortem & passionem suam: quod quidem meritum semper durat, & nunquam potest euacuari: & Baptismus, in quo est ordinatio & præfinitio Christi, & præceptum recipiendi, ut omnis homo qui recipit illum, recipiat gratiam suam. Et ideo quia ordinatio est immutabilis Baptismus semper habet virtutem & efficaciam: & sic ista scala semper remanet fixa & immobilis. Et ideo nulla debet esse dubitatio, quin homo recipiens aquam baptismalem, sicut debet, recipiat donum & gratiam Christi: & in ista scala nihil est visibile, nisi Baptismus cum pertinentiis suis: & ideo homo quando recipit Baptismum Christi, accipitur & ligatur inuisibiliter per gratiam sibi datam cum Christo inuisibili, & eleuatur & quasi suspenditur, & hoc per medium visibile, scilicet per Baptismum Christi. Et ideo Sacramentum Baptismi est quasi hamus, per quem Christus piscatur & capit ho-



*Baptis-  
mus de-  
bet cum  
solemnitate sus-  
cipi.*

mines, & trahit ad se : quia in hamo est aliquid visibile, & aliquid occultum : ita in Baptismo est aqua visibilis : & suscipiendo aquam exterius, anima interius capitur per gratiam & efficitur Christi. Et sic patet, qualiter Christus descendit ad hominem per Baptismum, & homo etiam ascendit ad ipsum per ipsum Baptismum, & fit ibi quoddam matrimonium & quidam contractus, & quoddam pactum & promissio inter Christum & animam : quia anima suscipit Christum in Baptismo voluntarie : & ipse etiam suscipit animam & induit & ornat eam vestimentis suis inuisibilibus, & expoliat eam vestimentis suis antiquis & corruptis & inhonestis & turpibus. Et ideo anima in Baptismo efficitur sponsa Christi vera, quæ ante erat meretrix diaboli : & per consequens efficitur filia Dei. Et exinde apparet cum quanta solemnitate debet celebrari Sacramentum Baptismi & suscipi, in quo fit tale matrimonium, & anima recipit talem sponsum immortalem, inuisibilem, filium Dei, & filium Virginis, verum Deum & hominem, omnipotentem, summè amabilem, dulcem, summè desiderabilem, summè bonum, summè sapientem, qui voluit sponte mori & crucifigi, & suum torum sanguinem fundere pro amore eius, & lava re ipsam per sanguinem suum mundissimum ab omnibus suis maculis, & facere ipsam mundissimam, ut ipsa fieret sponsa sua, & liberaretur à prostibulo diaboli, & non esset meretrix eius, & damnatio & perditio æterna. Merito ergo magna solemnitas & celebritas debet servari in tantis sponsalibus tanti & talis sponsi : & merito etiam anima debet servare veram fidelitatem & integrum amorem tali sponso, & omnia, quæ ei promissit : merito etiam debet semper recordari de tanto matrimonio & de omnibus, quæ promissit, & summè cauere, ne corrumpat tantum & tam mirabile matrimonium. Ex istis igitur, quæ dicta sunt, apparet qualiter anima ascendit per Baptismum, non solum cognoscendo per visibile inuisibile, & suscipiendo inuisibile per visibile ; imò etiam ascendit ad matrimonium & nuptias Christi filij Dei, & fit sponsa filij Dei : ascendit etiam usque ad filiationem Dei, quia fit filia Dei : ascendit etiam, quia fit digna filia Dei, ut inter in regnum Dei ad societatem Angelorum ; & tamen ante Baptismum erat meretrix diaboli, & damnata in æternum cum diabolo

& An

& Angelis eius. Igitur Sacramentum Baptismi est scala ascendendi & descendendi, vt dictum est, & lauacrum regenerationis, & renouationis, & purificationis & mundificationis, vt declaratum est.

## TITVLVS CCLXXXIIII.

*Quod secundum est Sacramentum Confirmationis, per quod homo iam per Baptismum nouiter genitus, roboratur & augmentatur, & ad perfectam ætatem ducitur in esse spirituali & gratia & conformatur ad pugnandum & ad nomen Christi audacter & publice confitendum & fit per unctionem crismatis in fronte cum verbis ordinatis.*

**D**Eclaratum est autem qualiter per Sacramentum Baptismi homo recipit nouum esse spirituale quo ad animam, & de nouo regeneratur & renascitur, & est propriè natiuitas spiritualis ipsius animæ. Et quoniam per visibilia & corporalia ascendimus ad cognoscendum inuisibilia & spiritualia: quia ipsa sensibilia & corporalia portant similitudinem, & quandam imaginem rerum spiritualium & intellectualium. Ideo quia duplex est vita in homine, scilicet vita corporalis & spiritualis: & etiam duplex ætas, scilicet animæ & corporis: ideo ex illis, quæ videmus fieri in vita & ætate & natiuitate corporali & visibili, possumus arguere & percipere quid existat in vita & ætate & natiuitate spirituali. Et quoniam in vita corporali & visibili primò homo generatur & accipit & incipit esse & viuere per generationem: deinde post generationem & natiuitatem accipit augmentum & clementum, donec perueniat ad ætatem & robur & ad perfectam virtutem, vt possit facere perfectas operationes humanas secundum corpus. Sic ergo est ibi primò generatio, deinde augmentum corporale, per quod homo peruenit ad perfectam ætatem. Sic autem conformiter fit in vita spirituali ipsius animæ: quoniam primò homo accipit vitam spiritualement, & generatur quo ad illam vitam: deinde oportet, quod recipiat augmentum vitæ spiritualis, donec anima perueniat ad perfectam ætatem vitæ spiritualis, & roboretur & confortetur & firmetur in tali vita, vt perfectè possit operari operationes, quæ pertinent ad vitam spiritualement. Et ideo quia per Baptismum homo recipit de nouo vitam spiritualement, & incipit

*Quomodo Confirmatio se habeat ad Baptismum.*



*Effectus  
Confir-  
mationis*

*Quòd  
Confir-  
mationis  
Sacra-  
mentum  
est Sa-  
cramen-  
tum di-  
stinctum  
à Bapti-  
smo.*

incipit esse, & est quædam generatio spiritualis: necesse etiam est, quòd sit aliud Sacramentum post Baptismum, in quo anima recipiat augmentum vitæ spiritualis, & in quo anima recipiat ætatem perfectam & fortitudinem, & robur vitæ spiritualis. Et ideo post Sacramentum Baptismi ordinatum est Sacramentum Confirmationis, quòd ita se habet ad Baptismum sicut augmentum ad generationem: quia sicut Baptismus est quædam spiritualis generatio, ut homo viuat in vita christiana; ita etiam Sacramentum Confirmationis est quoddam spirituale augmentum promouens hominem in ætatem spirituales perfectam: & ideo est Sacramentum plenitudinis, & est perficiens illud, quòd datum est prius in Baptismo: in quo datur ipsi animæ gratia ad augmentum & plenitudinem & ad robur: & illa gratia prima, quæ erat suscepta in Baptismo, crescit & confirmatur & perducitur ad perfectionem. Vnde gratia, quæ datur in Baptismo, lauat animam totaliter: & ista est sua propria operatio; sed gratia, quæ datur in Sacramento Confirmationis, roborat animam atque confirmat. Et ideo quia ista est alia operatio distincta à prima, necesse est, quòd sit aliud instrumentum distinctum à primo, ut omnia fiant ordinato modo. Si enim ordo debitus seruatur in rebus corporalibus & in vita corporali, quanto magis debet esse ordo in vita spirituali, cum idem Dominus ordinauerit vtramque vitam. Et ideo ubi est noua operatio & nouus effectus in anima, ibi debet ordinari nouum Sacramentum & ad specialem effectum debet ordinari speciale Sacramentum. Vnde sacramenta ordinantur ad animam perficiendam, seruandam & complendam: & Christus per ipsa Sacramenta operatur in anima nostra faciendo in ea distinctas operationes & distinctos effectus per distincta Sacramenta, tanquam per quædam medicamenta & instrumenta distincta secundum indigentiam animæ, & secundum quod ei conuenit & expedit iuxta suam naturam & capacitatem suam, ut omnia fiant de gradu in gradum. Quia enim propter hominem fecit omnia, sic utique facit, secundum quod cognoscit expedire magis homini. Necessarium est autem homini etiam, ut recipiat gratiam confirmantem & roborantem & augmentantem & perficientem animam in vita spirituali, quam recipit in Baptismo de nouo: quoniam

niam

niam si homo post Baptismum habet viuere: necesse est, quod pugnet contra inimicos suos & contra inimicos vitæ spiritualis & fidei Christianæ tam visibiles quàm inuisibiles, occultos seu manifestos: & hoc cum gratia sibi data. Est etiam necesse, quod confiteatur nomen Iesu Christi publicè & audacter sine timore & sine verecundia, tanquam membrum ipsius Christi: & quia Iesus Christus est Deus & homo crucifixus pro hominibus, & Dei filius æqualis per omnia in deitate Deo Patri: quia publicè confiteri coram hominibus, quod Christus crucifixus est Deus & homo, est fortissima fides: & etiã apparet quid derisorium maximè coram potentibus inimicis, qui possunt occidere & dare tormenta. Et ideo, propter istam confessionem fiendam eo modo, quod fieri debet, necessariũ fuit, vt homo reciperet gratiam confirmantem, vt sit constans & fortissimus tam in pugna, quàm in confessione nominis Christi. Et quoniam quodlibet Sacramentum est scala cognoscendi & suscipiendi inuisibile per visibile: ideo sicut in Sacramento Baptismi factum est, ita fiet processus in isto Sacramento. Vnde oportet, quod in quolibet Sacramento visibile proportionetur rei inuisibili quo ad significationem & representationem. Et ideo quia crisma, quod est compositum ex oleo oliuarum & ex balsamo, est res visibilis in isto Sacramento, & inunctio fit exterius in fronte cum verbis, quæ significant operationem, quæ fit interiùs in anima, quæ sunt ista: Signo te signo crucis, confirmo te crismate salutis, in nomine Patris & Filij & Spiritus sancti. Et ideo tam per oleum & balsamum, quàm per verba possumus arguere omnia illa, quæ fiunt in homine per istud Sacramentum. Vnde sicut videmus, quod oleum natat super aquam & ascendit: ita significatur, quod gratia, quæ confertur in isto Sacramento, natat & ascendit supra gratiam, quæ datur in Baptismo, est superior: quia illa datur ad abluendam animam: & ista est ad roborandum animam & augmentandum & fortificandum in pugna. Et etiam sicut oleum reddit aquam saporosam & sapidam; ita significatur, quod per gratiam, quæ datur in hoc Sacramento, homo recipit maiorem saporem in Christo, & redditur magis saporosus aliis hominibus in fama & conuersatione, in vita & in omnibus operationibus suis: ita quod per istam gratiam homo efficitur

*Materia  
Confir-  
matio-  
nis.*

*Forma  
Confir-  
matio-  
nis.*

*Effectus  
Confir-  
matio-  
nis.*



## 542 *De Sacramento Eucharistia.*

citur aptus ad conuersandum cum hominibus. Item sicut extenditur oleum & dilatatur magis quàm aqua: quia modica gutta olei crescit & extenditur, quod oleum significat clementum & augmentum: ita significatur, quòd per istam gratiam, quæ datur in isto Sacramento, homo christianus extenditur & dilatatur exterius ad alios homines per bonas operationes, & per confessionem nominis Christi, & reddit nomen Christi amabile in cordibus aliorum. Et significatur etiam, quòd per istam gratiam homo recipit augmentum & clementum spirituale & plenitudinem gratiæ. Item etiam sicut oleum est nitidum, & significat, quòd in hoc Sacramento datur gratia, per quam homo habet conscientiam nitidam & opera nitida. Item etiam arbor oliuæ semper habet virorem & viriditatem, & nunquam perdit, neque per frigus, neque per calorem: ita significatur, quòd per gratiam, quæ confertur in isto Sacramento, homo semper habet virorem & viriditatem, & est fortis & constans in vita spirituali, & nulla tribulatione desistit à confessione nominis Christi. Item etiam sicut oleum est linitium, dulcificarium & suaue: ita significatur, quòd gratia Spiritus-Sancti, quæ datur in isto Sacramento, est linitiuæ, dulcificatiua & suavis: ita quod facit hominem lenem, dulcem & suauem & misericordem aliis in conuersatione: ita quòd cum lenitate & dulcedine & suauitate conuersatur inter homines alios tam bonos quàm malos. Et ideo oleum rectè significat gratiam Spiritus-Sancti: quia proprietates olei rectè conueniunt cum gratia Spiritus-Sancti & cum operationibus eius. Et cum oleo miscetur balsamum in hoc Sacramento: & ideo significatur, quòd sicut balsamum habet pretiosum odorem, & est valde odoriferum, quem odorem emittit extra se; ita similiter gratia, quæ confertur in hoc Sacramento, homo extra se emittit odorem bonæ famæ & bonæ vitæ ad alios homines, & attrahit alios homines ad se, & reddit nomen Christi odoriferum aliis hominibus. Apparet igitur qualiter ista vnctio visibilis, quæ fit exterius in corpore per crisma, rectè proportionatur cum vnctione inuisibili, quæ fit interiorius in anima per gratiam Spiritus-Sancti significando & repræsentando. Et quia ista vnctio fit in

fronte

fronte : ideo significatur , quòd in isto Sacramento datur gratia ad pugnandum publicè , ad confitendum nomen Christi publicè & audacter , sine timore , & sine verecundia & erubescencia. Vnde signum fortitudinis & constantiæ ostenditur in fronte , & timor & verecundia ostenditur in facie & maximè in fronte. Et ideo ad significandum , quòd per gratiam , quæ datur in isto Sacramento , interiùs accipit robur & fortitudinem ad pugnandum contra timorem & verecundiam : vt non formidet , neque verecundetur , quando erit necesse confiteri publicè veritatem , neque propter ignominiosam mortem in cruce , neque propter pœnam & ignominiam passionis , vt scilicet non formidet pro confessione nominis Christi , si opus fuerit sustinere quamcunque pœnam , vel ignominiam , tanquam verus pugil vnctus ad prælium , & tanquam strenuus miles Christi ferens in fronte signum Regis sui , & triumphale vexillum crucis eius. Et ideò cum confirmatur , manus & crux imprimitur fronti ad significandum omnia prædicta. Sic igitur homo baptisatus & Christianus recipiendo talem vnctionem crismatis in fronte per modum & formam , vt fieri debet cum verbis supradictis , confirmatur intùs in anima , & roboratur & recipit gratiam inuisibilem , per quam recipit augmentum spirituale & peruenit ad perfectam ætatem spirituales , & fit plenus Christianus , & est aptus ad omnia supradicta , quæ necessaria sunt homini Christiano , si debeat viuere in hoc mundo. Et sic apparet differentia inter Sacramentum Baptismi & Confirmationis : quia Sacramentum Baptismi est quædam mutatio de non esse ad esse : sed Sacramentum Confirmationis est quoddam spirituale augmentum de esse imperfecto ad esse perfectum , de ætate imperfecta ad ætatem perfectam , & de puero ad virum. Et sicut se habet augmentum ad generationem ; ita se habet Confirmatio ad Baptismum.

\*\*\*

TITV



*Quòd tertium est Sacramentum corporis & sanguinis Christi Iesu, quòd est Sacramentum unitatis & communionis, & viaticum refectionis & sacrificium oblationis, in quo homo Christianus iam genitus & viuens per Baptismum in vita spirituali & in esse gratia, & roboratus, & augmentatus per Confirmationem, nutritur & conseruatur in eadem vita spirituali, ne deficiat in via, & sustentatur, donec veniat ad eternam vitam & gloriam, & per quod unitur Christo & membris eius per amorem, & mutatur & trans fertur in eum, sicut nutrimentum in nutritum.*

*Tit. præcedenti.*

*Tit. 247.  
&c.*

**Q**uoniam autem vita spiritualis conformatur vitæ corporali, ut iam dictum est: ideò sicut in vita corporali reperitur primò generatio, per quam accipit homo vitam: & requiritur augmentum, per quod homo perducatur ad perfectionem vitæ; ita etiam requiritur alimentum & nutrimentum, per quod homo conseruetur in vita. Et ideò sicut in vita spirituali oportuit Baptismum esse, qui est spiritualis generatio: & etiam confirmationem, quæ est spirituale augmentum; ita oportuit esse Sacramentum vnum, quod esset spirituale alimentum & nutrimentum, in quo homo conseruaretur totaliter & compleretur in bono & in spirituali vita. Et quia iam declaratum fuit in tractatu de amore ad longum, qui est verum bonum hominis: & fuit declaratum, quòd amor Dei est totum bonum hominis & vita eius, & quòd de amore Dei nascitur verum gaudium & delectatio vera, tanquam fructus, de quo anima viuit: & etiam fuit dictum, quòd finale complementum hominis est, ut homines vniantur cum Deo per amorem, & inter se: ita quòd vnus diligat alium sicut seipsum, & omnes reputent se tanquam vnum hominem, nec aliter erit complementum in hominibus, nisi sit tanta vnitas, quòd diligant se sicut vnum: & hoc non potest fieri, nisi primò sint vniti cum Deo: ita quòd quilibet vniantur primò cum Deo & virtute illius vnionis vniantur inter se: & quia ista perfecta vnitas fit per amorem, qui mutat & conuertit amantem in amatum, & vnit amantem cum amato.

**Idcò**



Ideo necessarium est hominibus christianis, ut habeant vnum Sacramentum, in quo recipiant amorem, per quem vniantur in se quotidie. Vnde quilibet christianus est membrum Christi per Baptismum, & omnes christiani faciunt vnum corpus cum Christo; & ideo sicut membra habent vnitatem cum capite & inter se; ita christiani debent habere vnitatem cum Christo & inter se: & nisi vniantur primò cum Christo perfecta vnione, non possunt adinuicem vniri: quia vnitas membrorum oritur & causatur ab vnitatem capitis. Et ideo quilibet christianus si vult habere perfectam vnitatem cum aliis christianis, est necesse, quòd primò habeat vnitatem cum Christo perfectam: & quantò magis vnitur cum Christo, tantò magis vnitur cum omnibus christianis. Tunc enim homo christianus perficitur & completur & nutritur, quando vnitur cum Christo per amorem: quia per amorem christianus conuertitur & mutatur in Christum & assimilatur ei, & per consequens vnitur cum omnibus membris suis. Vnde sicut nutritio corporalis fit per calorem naturalem; ita nutritio spiritualis fit per calorem spirituale, scilicet per amorem: & sicut calor naturalis conuertit nutrimentum in rem nutritam & vnit; ita amor conuertit amantem in rem amatam & vnit. Sed tamen contrario modo fit nutritio spiritualis & corporalis: quia in nutritione corporali nutrimentum, seu alimentum conuertitur in substantiam rei nutritæ; sed in nutritione spiritualis vitæ, res nutritia conuertitur in naturam rei nutrientis & nutrimenti: & ipsum nutrimentum non mutatur, sed solum res nutritia. Et causa istius diuersitatis est, quia res amans nutritur de re amata, quia res amata est nutrimentum, & alimentum, & cibus rei amantis: & quia amor conuertit amantem in amatam, quia ista est sua natura, ut declaratum est: ideo res, quæ amat, conuertitur in rem amatam, & per consequens in nutritione spiritualis vitæ res nutritia conuertitur & mutatur in rem nutrientem. Et quia Christus Deus & homo est res amata, & christianus est res amans: ideo Christus est nutrimentum & alimentum christiani spirituales; & christianus per amorem mutatur & conuertitur in Christum, & recipit formam & similitudinem & imaginem Christi: & ipse Christus non mutatur, sed magis mutat & transformat christia-

*Oportet habere Sacramentum unitatis.*

*Nutritio corporalis contrario modo se habet ad spiritua-*

*Tit. 230. Quomodo Christus est cibus spiritualis christiani.*



## 546 De Sacramento Eucharistiae.

*Quomo-  
do nutri-  
tus cre-  
scat.*

*Quare  
hoc sa-  
cramen-  
tum in-  
stituit.*

nū in seipsum. Vnde sicut in nutrimento corporalis vitæ ipsum alimentum expoliatur & denudatur à sua natura propria & forma, & recipit similitudinem & formā rei, quæ nutritur, sicut panis suscipit formam carnis; ita per contrarium nutritione spiritualis vitæ, quæ fit per amorem, res nutrita expoliatur & denudatur à sua propria natura & forma, & recipit similitudinem & formā rei nutrientis. Sicut ergo se habet nutrimentum ad re nutritā in nutritione corporalis vitæ; ita se habet res nutrita ad nutrimentū in nutritione spiritualis vitæ quātū ad transmutationem. Sed in nutritione spirituali tam res nutriens, quā res nutrita crescunt, sed aliter & aliter: quia christianus, qui est res, quæ nutritur, crescit in vigore & confortatur & fortificatur & melioratur in seipso, quando mutatur in Christum; sed Christus non crescit in seipso, nec recipit vigorem, sed solum crescit, quia fit vnum corpus nouum, in quo christiani sunt membra & ipse caput: & sic Christus crescit in mēbris suis, & totum illud corpus potest vocari Christus: quia ipse est caput, christiani sunt eius mēbra. Et sic Chr. dū mutat christianos in seipsum & transformat per amorem, tunc facit crescere corpus suum nouum: & si quilibet christianus dum nutritur à Christo per amorem, fit verum membrum Christi. Et quia natura amoris est, quòd quando res amans suscipit rem amatam, tūc capitur & suscipitur à re amata, ita quòd res amās per amorem capitur ideo dum christianus accipit Christum per amorem tanquam suum nutrimentum, tunc capitur à Christo: & Christus à christiano comeditur & crescit, quia suū corpus crescit. Quia igitur per amorē fit nutritio spiritualis vitæ, & per amorem christiani nutriuntur in Christo, & sunt vera membra eius & transformantur in Christum & vniuntur ei, & per consequens vniuntur inter se perfecta vnitāte: ideo vt ista nutritio fiat continuo: & vnitas ista obseruetur & crescat, & membra Christi continuo nutriantur: ideo Christus instituit & ordinauit propter istam nutritionē spirituale Sacramēta corporis & sanguinis sui, in quo corpus suum veraciter & realiter continetur, & in quo ipsemet est præsens in sua propria persona: quia ipse solus est verum alimentū & nutrimentum vitæ spiritualis. Et quia in quolibet Sacramento est visibile & inuisibile, & quodlibet Sacramentum est scala cognoscendi & suscipiendi: ideo sicut

in



in Baptismo & Confirmatione factum fuit ita faciamus in isto Sacramento, & ascendamus de visibili ad inuisibile. Vnde sicut in Sacramento Baptismi res visibilis est aqua & ablutio per aquam cū verbis ordinatis, & in Sacramento Confirmationis res visibilis est crisma seu oleum & vnctio per crisma cū verbis ordinatis; ita in isto Sacramento res visibilis est panis & vinum cum verbis ordinatis à Christo, & deinde fit manducatio visibilis; sicut in Baptismo fit ablutio; & in Confirmatione fit vnctio. Sed est differentia inter istas res visibiles, quæ sunt in hoc Sacramento & inter res visibiles aliorum duorum: quia in Baptismo aqua remanet aqua, & in cōfirmatione oleum remanet oleum; sed in isto Sacramento panis non remanet panis, nec vinum remanet vinum: quia verba istius Sacramenti sunt alterius conditionis, quàm verba aliorum Sacramentorum, quæ significant effectum & operationem inuisibilem, quæ fit intus in anima, & non significant effectum aliquem fieri in aqua, nec in oleo: sed in isto Sacramento verba significant effectum & operationem inuisibilem fieri in ipsis rebus visibilibus, s. in pane & in vino: quia significant transformationem realem & veram panis in corpus Christi, & vini in sanguinem eius. Et ideo sicut realiter & veraciter, dū verba proferuntur, in alijs Sacramentis fit effectus & operatio inuisibilis nouiter in anima; ita similiter, dum verba proferuntur super res visibiles, s. super panem & vinum, fit effectus & operatio in pane & vino, secundū quod verba significant: quia non videtur maior ratio de verbis Baptismi, quàm de verbis istius Sacramenti quòd habeant maiorem efficaciam; cum istud Sacramentum sit nobilius & maius. Si ergo verba, quæ proferuntur in Sacramento Baptismi, quod est primum, habent efficaciam, vt homo Baptizetur in anima intus, sequitur quòd verba etiam istius Sacramenti habeant efficaciam, s. vt panis mutetur in corpus & in carnem Christi veram, & vinum in verum sanguinem eius. Et si Baptismus est verum Sacramentum, necesse est, quòd istud sit verum Sacramentum, cum idem Dominus vtrumque ordinauerit & instituerit. Sed per experientiam apparet, quòd Baptismus est verum Sacramentum: quia homo mutatur & renouatur in vita: ergo & istud est verum Sacramentum.

*Materia  
huius  
Sacramenti*

*Differentia  
materiae &  
formae  
huius  
Sacramenti ab  
alijs.*



*Probatio quòd verba Christi faciunt quod significant.**Differen-  
tia inter  
verba  
hominis  
& Dei.**Quod  
verba in  
Sacra-  
mentis  
faciunt  
quod si-  
gnificat.*

**Q**uod autem verba Christi faciunt quod significant realiter & de facto, hoc manifestatur sic. Oportet enim de necessitate, quòd verba creatoris ascendant per vnum gradum super verba creaturæ, & necesse est dare vnum gradum verbo Dei magis super verbum hominis: sed verba creaturæ, scilicet hominis semper significant aliquid; ergo verba Dei magis debent habere ultra significationem, sc. quòd faciunt & significant: ita quòd verba Dei & significant & faciunt quod significant, aliter plus nihil haberent, quàm verba hominis, quod est absurdissimum. Si ergo verba hominis habent hanc virtutem, quod significant, sequitur quòd verba Christi, qui est Deus & homo, habent hanc virtutem quod significant, & ultra hoc faciunt quòd significant. Ergo verba, quæ proferuntur in Sacramentis, significant, & faciunt quod significant. Sequitur ergo quòd verba, quæ significant suum corpus esse & existere in hoc Sacramento, faciunt ipsum existere ibi mutando panem in corpus & vinum in sanguinem. Item etiam verba hominis semper significant, & non semper est ita, sicut significant, in re; imò aliquando sunt falsa: ergo oportet, quòd verba Christi Dei & hominis habeant vnum gradum magis, sc. quòd significant, & semper sit ita, sicut significant, in re: ita quòd non possunt esse falsa, sed semper sunt vera: & hoc necesse est, aliter nil plus haberent Christi verba, quàm verba hominis puri. Cum ergo verba istius Sacramenti sunt verba Christi, & non puri hominis, sequitur, quòd semper sint vera, & ita est sicut significant. Item etiam si creatura habet virtutem mutandi aliam creaturam in se, vt caro mutat panem in carnem & in seipsam: quare etiam verba Christi non haberēt virtutem, vt mutent panem in carnem suam, & vinum in sanguinem suum, cum ipse Christus ordinauerit verba certa & determinata ad hoc? Ergo necesse est, quòd verba Christi faciant quod significant, & semper sint vera, maximè cum ipse non possit mentiri. Ergo in isto Sacramento necesse est, quòd fiat vera mutatio in pane & in vino, vt sit ibi verum corpus Christi & verus sanguis. Si enim dū proferuntur



feruntur verba in Baptismo, fit mutatio intus in anima inuisibili, & verè lauatur anima: multò magis dum proferuntur verba Christi super panem & vinum eo modo, quo ordinatum fuit, vna mutatio fit in pane & vino, quæ sunt res corporales & corruptibiles. Ecce igitur differentia inter res visibiles & corporales istius Sacramenti, & aliorum Sacramentorum. Vnde alia Sacramenta sicut Baptismus & Confirmatio perficiuntur & complentur per applicationem ad hominem; sed istud Sacramentum perficitur & completur sine applicatione ad hominem per se. Et valde conuenit hoc, quia istud Sacramentum est alimentum & nutrimentum spirituale, & est refectio spiritualis: & hoc fit per amorem: & nihil magis inflamat ad amorem, quàm præsentia Christi realis. Deinde autè istud Sacramentum applicatur ad hominem, & hoc per modum manducationis & potus, & ad modum cibi & potus, quia habet formam cibi & potus, quia comeditur & bibitur. Sic ergo in isto Sacramento sunt omnia ista primò panis & viuum, secundò mutatio panis in corpus Christi, & vini in sanguinem per verba, & ultimò est visibilis comestio & potatio realis istius Sacramenti. Et quia visibile in Sacramentis significat inuisibile, vt iam dictum est: quia illud, quod videtur, est imago & signum illius quod non videtur: ascēdamus de visibili ad inuisibile. Vnde in isto Sacramento est duplex inuisibile, vnum extra hominē; aliud intra hominē: quia isto in Sacramento fit duplex effectus, primus in ipsis rebus corporalibus, s. pane & vino; & secundus intus in anima: quia necesse est, quòd per istud Sacramentum fiat in anima aliquod inuisibile & spirituale, sicut per Baptismum & per Confirmationem: & quod homo intus in anima recipiat rem inuisibilem, quia omnia Sacramenta sunt propter hominē. Et ideo hic faciemus duos processus, primò de visibili ad inuisibile, quod est extra hominē: & deinde ad inuisibile, quod recipitur intus in homine. Vnde primum visibile, quod ibi videtur, est forma panis forma vini: & inuisibile, quod intus continetur, est corpus Christi & sanguis eius & per consequens totus I. C. verus Deus & verus homo. Et ideo significatur, quòd sicut panis & vinum, quæ sunt cibus & potus, sunt plena refectio corporis, ita quod in cibo & potu est completa refectio corporis; ita similiter corpus Christi, quod inuisibiliter continetur & sanguis eius & per consequens

*Differentia aliorum Sacramentorum ad illud.*

*Tit. 281. Duplex effectus illius Sacramenti.*

*Plenè reficit.*



## § 50 De Sacramento Eucharistiae.

*Sustētat.*

*Hoc sa-  
cramen-  
tum si-  
gnat v-  
nitatem  
christia-  
norum &  
Christi.*

*Corpus  
Christi  
verum  
& my-  
sticum.*

ipse Christus est plena & cōpleta refectio & nutrimentum & alimentum spirituale. Et sicut panis & vinū sunt principalis substantia nutrimenti & alimenti corporis; ita significant, quod ipse Christus ibidem existens est principalis substantia nutrimenti & alimenti spiritualis. Vnde sicut aqua in Baptismo significat ablutionem; ita forma panis & vini significat refectionem & nutritionem. Et sicut panis super omnes cibos corpus reficit & sustentat, & vinum hominem lætificat & inebriat; ita significatur, quod caro Christi ibidem existēs animam reficit & sustentat spiritaliter super omnem gratiam, & quod sanguis Christi animam lætificat & inebriat, & quod Christus totam animam reficit, sustētat, lætificat atque inebriat: vt autem omnia concludamus, per formam panis & vini significatur, quod sicut se habet panis & vinum ad corpus. i. quicquid facit panis & vinū in corpore, totum hoc facit Christus in anima, & sic se habet ad animam inuisibilem. Item etiam panis, & vinū aliud significant: quia vnus panis cōponitur ex multis granis, & vnum vinū ex multis granis racemorū. Et ideo significatur per hoc aliud inuisibile, quod sicut ex multis granis frumēti fit vnus panis, & ex multis granis racemorū vnū vinum; ita similiter ex multis Christianis vna societas fit & vnū corpus in Christo. Et ita per hoc significatur vera vnitas Christianorum inter se & cum Christo per amorē: ita quod significatur, quod per Christū contentū in isto Sacramēto fit vera vnitas inter omnes Christianos, qui debent sumere istud Sacramētum. Et sic forma panis & vini sunt imago & signum unitatis Christianorum cū Christo & inter se; & sic per formam panis & vini significatur duplex inuisibile. s. corpus Christi verum, & istud inuisibile continetur realiter in isto Sacramento: & aliud inuisibile est vnitas & societas Christianorū in vno corpore, & hoc est corpus Christi mysticum, Christus mysticus: & istud inuisibile non continetur sub forma panis & vini, sed solus Christus, qui est caput & causa istius unitatis. Ita significatur, quod Christiani per istud Sacramentum vniuntur cum Christo & inter se, & ideo est Sacramētū & imago, & signum & mysterium unitatis & societatis, & pacis & concordiae, & veræ amicitiae & fraternitatis: ita quod per istud Sacramentum Christiani fiunt vnum cū Christo & inter se, sicut grana frumēti fiunt vnus panis.

Et

## *De Sacramento Eucharistia. 551*

Et ideo quia omnes fideles christiani sunt membra Christi, & ipse est caput omnium, sequitur quòd omnes christiani sunt in isto Sacramento eodẽ modo, quo sunt vniti cum Christo, non quod contineantur ibidem realiter, sed tantum repræsentaliter: & significantur ratione vnitatis per Sacramentum. Et ideo istud Sacramentum est Sacramentum omnium christianorum & communionis: & vbicunque fit, & fiet, repræsentat omnes christianos, quia realiter & veraciter continet illũ, qui est caput omnium christianorum: & caput semper respicit membra, & mēbra respiciunt caput. Et quia vnitas ista non potest fieri nisi per amorem & dilectionem, quia amor vnit & mutat: ideo istud Sacramentum est Sacramentum amoris & charitatis. Sic ergo hoc Sacramentum est imago & signum refectionis, seu mutationis spiritualis & vnitatis: & per consequens significatur, quòd perfectio spiritualis consistit in vera vnitate cum Christo & cum membris eius: in vero amore, per quem causatur vnitas vera. Et quia in refectione & in vera vnitate & amore est gaudium & delectatio & lætitia: ideo istud Sacramentum est Sacramentum gaudij & lætitiæ & delectationis & societatis. Et quia in isto sacramento realiter continetur ille, qui est omne bonum, per modum cibi & potus & alimenti; ideo est Sacramentum omnis dulcedinis, omnis bonitatis, & omnis perfectionis & virtutis.

*Est Sacramentum amoris & vnitatis.*

### **T I T V L V S C C L X X X V I I .**

*Quid significat transmutatio, qua fit in pane & vino.*

**E**T quoniam in isto Sacramento ipsæ res visibiles, scilicet panis & vinum realiter mutantur & conuertuntur in corpus & sanguinem Iesu Christi, & non remanent; & in aliis Sacramentis non mutantur, sicut aqua non mutatur in Baptismo: ideo significatur, quòd istud Sacramentum est transmutatiuum & conuersiuum, & per hoc Sacramentum christiani totaliter conuertuntur & mutantur in Christum: & sicut res corporales conuertuntur in corpus Christi; ita significatur quòd christiani per hoc Sacramentum conuertuntur in animam Christi, & in eius diuinitatem, & in suam voluntatem. Et sicut ipsæ res corporales, scilicet panis & vinum exaltantur & dignificantur in isto Sacramento tanta

*Per hoc conuertimur in Christum.*



## 552 *De Sacramento Eucharistia.*

*Exalta-  
mur &  
deifica-  
mur.*

*Anima  
nostram  
conuertit  
in suam.*

*Corpus  
nostrum  
per hoc  
Sacra-*

exaltatione & dignificatione, qua non potest cogitari maior, nec possunt plus ascendere: quia transeunt in corpus Christi glorificatum; ita significatur, quod per istud Sacramentum Christiani exaltantur & dignificantur tanta exaltatione & dignitate, qua non potest cogitari maior in hoc mundo, & efficiuntur diuini, & deificantur & conuertuntur in Christum, qui est Deus & homo, & conuertuntur in suam voluntatem. Et sicut ibi fit plena conuersio panis & vini in corpus Christi, quia nihil de substantia panis & vini remanet, ita significatur, quod per istud Sacramentum fit plena conuersio Christiani in Christum: ita quod nihil remanet de propria voluntate, nec de proprio amore, nec de proprio sensu; sed totum quicquid est hominis in quantum homo est, totum conuertitur in Christum. Et sicut substantia panis & vini inuisibilis & occulta conuertitur & mutatur in corpus & sanguinem Christi; & tamen forma panis & vini remanet exterius visibiliter tanquam signa & vestigia & imago; ita significatur, quod per istud Sacramentum anima Christiani inuisibilis & occulta, quæ est tota substantia eius, conuertitur in animam Christi & in eius deitatem & inuisibiliter & occultè; & tamen corpus remanet exterius visibile in sua forma & in sua natura: ita quod sicut panis exterius apparet panis, & interius est tamen mutatus; ita homo apparet exterius idem; & tamen interius est mutatus totaliter quo ad animam: & sicut mutatio, quæ est in pane & vino, est intrinseca & substantialis & fundamentalis & cordialis; ita significatur quod per istud Sacramentum fit in homine mutatio intrinseca, substantialis & fundamentalis & cordialis, ita quod cor hominis mutatur in cor Christi. Sic ergo sicut Christus in isto Sacramento transmutat & conuertit in corpus suum & sanguinem res ipsas corporales per verbum suum; ita transmutat in isto Sacramento ipsas animas in seipsum. Et sic transmutatio corporalis representat & significat transmutationem spiritualem. Et quia etiam corpus hominis potest meliorari, sicut alia suo modo: ideo etiam sicut panis, qui est res corporalis, melioratur tanta melioratione qua non potest fieri maior: quia transit in corpus Christi: ita etiam significatur, quod corpus Christiani melioratur per istud Sacramentum; tantum quan-  
tum



tum meliorari potest in hoc mundo ita quod sit castū, mundum, purum, sanctum, obediens animæ. Ita etiam quia panis significat corpus, & vinum significat animam: quia panis pertinet ad carnem, & vinum ad sanguinem, in quo est sedes animæ: ideo significatur, quod sicut panis & vinum meliorantur tanta melioratione, qua non potest cogitari maior; ita similiter per istud Sacramentum anima & corpus Christiani meliorantur tanta melioratione, quā non potest cogitari maior in hoc mundo. Et per consequens significatur, quod per istud Sacramentum Christianus consummatur & perficitur & peruenit ad vltimum complementum bonitatis, quantum fieri potest in hoc mundo. Ecce igitur qualiter duo sunt in hoc Sacramento exterius, quæ significant omnia inuisibilia, quæ fiunt Christiano per istud Sacramentum, scilicet forma panis & vini visibilibus: & ipsa transmutatio, quæ fit in eis.

*mentum  
summè  
meliora-  
tur.*

**TITVLVS CCLXXXVIII.**

*Quid significat realis manducatio istius  
Sacramenti visibilis.*

**E**T quia omnia Sacramenta propter hominem sunt, ideo debent applicari ad hominem, & ideo istud Sacramentum debet applicari ad hominem. Sed Sacramentum Baptismi non est Sacramentum, nisi quando actu applicatur ad hominem lauando, & etiam confirmatio vngendo; sed istud Sacramentum antequam applicetur ad hominem, iam est Sacramentū completum in se: & hoc significat, quod homo, antequā applicetur ei istud Sacramentum, debet habere summam deuotionem & reuerentiā in isto Sacramento, & ante debet cogitare mysteria & significationes istius Sacramenti: ita quod primò debet excitari totus homo intus & extra ad amorem & deuotionē ex præsentia tanti Sacramenti, in quo continetur Christus Deus & homo, & verus Redemptor, & Saluator & amicus summus. Et etiam quia in isto Sacramento fit conuersio hominis in Christum, & ista conuersio fit per amorem ardentem & deuotionem; ideo oportet, quod primò Christianus calefiat & igniatur per amoris desiderium, vt sit aptus conuerti in Christum: & hoc fit, dum cogitat præsentiam realē Iesu Christi filij Dei, qui ex infinita & dulcissima

*Mandu-  
cans de-  
bet ha-  
bere de-  
uotionē.*



## 554 De Sacramento Eucharistiae.

*Hoc Sacramentum habet virtutē ante suā applicationem.*

*Per manducationem propriè applicatur nobis.*

*Homo accipit gratiae plenitudinem.*

charitate voluit mori pro ipso : & ideo in Sacramento debet esse summa deuotio , & plus sine comparatione , quàm in aliis : ideo antequam applicetur homini , iam est Sacramentum. Et ideo istud Sacramentum iam habet virtutem in homine , & operatur in homine , antequam applicetur ei realiter , & dat virtutem , inuisibilem & amorem & ardorem & vnitatem : & si homo non potest ipsum capere , ex sola deuotione operatur in eo : sed tamen non tantum operatur , sicut quando applicatur realiter homini. Sicut ergo alia Sacramenta operantur in homine interioris inuisibiliter , dum applicantur ; ita etiam istud Sacramentum operatur in homine , dum applicatur ei realiter. Et sicut alia Sacramenta habent proprium modum applicandi visibiliter , in quo significatur operatio , quæ fit interioris inuisibiliter , vt in Baptismo ablutio exterior est modus applicandi , qui significat ablutionem interiorē inuisibilem in anima ; ita istud Sacramentum habet suum proprium modum applicandi visibilem , in quo significatur operatio inuisibilis , quæ fit interioris in anima , & modus applicandi ad hominem & suscipiendi est per manducationem & potationem : ita quod manducando homo suscipit istud Sacramentum , sicut lauando suscipit Sacramentum Baptismi. Et ideo si homo suscipiendo aquam suscipit gratiam inuisibilem in anima & donum Christi inuisibile , quod datur in Baptismo , quātomagis suscipiēdo realiter non aquam , sed ipsum Christum Deum & hominem sub forma panis & vini , in quo est totum bonum , & à quo est omne bonum , & omnis gratia , recipiet inuisibilem gratiam & donum suum ? Et si suscipiendo aquam , quæ non viuit , non sentit , recipit homo gratiam : ergo quātomagis suscipiendo ipsum sub forma visibilis panis , qui est viuēs in æternum , verus Deus & verus homo recipiet gratiam ? Et si etiam suscipiendo aquam corruptibilem , homo suscipit gratiam Christi , quātomagis suscipiendo Christum immortalem & incorruptibilem suscipit gratiam ad susceptionem istius Sacramenti tanquam ad maximum Sacramentū ? Et ideo in isto Sacramento homo recipit plenitudinem gratiæ , & suscipit illum , qui est totum & completum bonum. Et quia amor & charitas est plenitudo omnis bonitatis : ideo in isto Sacramento suscipitur amor & charitas , quæ est omne bonum. Quia igitur Christianus

us



## De Sacramento Eucharistiae. 555

nus suscipit Christum in Sacramento manducando & transglutiendo ad modum cibi corporalis ponendo in-  
 tus in corpore & in corde, & alia Sacramenta recipit  
 exterius: ideo significatur & est signum & imago, quod  
 ipse Christianus debet recipere Christum in corde spi-  
 ritualiter, & ei debet vniri per fidem & amorem: &  
 quod istud Sacramentum confortat cor spirituale in-  
 tus: & significatur, quod sicut illud, quod comeditur,  
 in corpus conuertitur & recipit naturam eius; ita simi-  
 liter Christianus per illud Sacramentum conuertitur in  
 Christum & recipit naturam eius, & per consequens  
 efficitur diuinus & deificatus, & significatur quod  
 Christus conuertit Christianum in seipsum, & vnit ip-  
 sum cum membris suis magis & incorporat. Sicut ergo  
 homo comedit & transglutit Christum corporaliter &  
 ponit in corpus suum; ita significatur quod Christus  
 transglutit & comedit spiritualiter ipsum hominem in  
 corpus suum mysticum, scilicet in vnitatem & societa-  
 tem suorum membrorum, s. in vnitatem fidelium chri-  
 stianorum. Vnde impossibile est, quod Christus mute-  
 tur: ergo ipse homo mutatur per istam manducatio-  
 nem: quia in manducatione de necessitate fit mutatio,  
 vt iam declaratum est: quia manducatio & nutritio spi-  
 ritualis fit modo contrario manducationi & nutritioni  
 corporali: quia in manducatione & nutritione corpo-  
 rali illud quod manducatur, mutatur & incorporatur  
 in rem manducantem; sed in manducatione spirituali  
 fit per contrarium: quia illud, quod manducatur, mutat  
 & incorporat manducantem in seipsum. Et ideo Chri-  
 stus dum manducatur & transglutitur, mutat & incor-  
 porat & vnit manducantem in seipsum, sicut nutrimen-  
 tum intus in corpore vnitur cū nutritio. Sic igitur sicut  
 homo suscipiendo Sacramentū Baptismi suscipit inui-  
 sibiliter in anima omnia, quæ significantur per illa visi-  
 bilia, quæ sunt in Baptismo; ita similiter homo suscipiē-  
 do per manducationē istud Sacramentum eo modo, quo  
 debet, suscipit inuisibiliter omnia illa, quæ significatur  
 per illa, quæ videtur in hoc Sacramento, & hoc secun-  
 dum maiorem, vel minorem deuotionem. Et ideo quia  
 istud Sacramentum est tam magnū, quod superat omnia  
 Sacramenta; ideo debet tractari & celebrari cum sum-  
 ma solemnitate & reuerentia, & honore & deuotione.  
 Et ideo vocatur Eucharistia, id est, bona gratia: quia in  
 eo continetur ille, in quo est omnis gratia.

Christus  
 spiritua-  
 liter per  
 fidem &  
 amorem  
 debet  
 sumi.

Incor-  
 poratur  
 corpori  
 mystico  
 Christi.  
 Tit. 285.

Debet  
 tractari  
 cum ma-  
 xima so-  
 lemnita-  
 te.



*Quòd istud Sacramentum non solum est Sacramentum ; sed est etiam verum & perfectum Sacrificium placarium & satisfactiuum , per quod redditur Deo laus , gloria & honor , & omne debitum soluitur.*

*Tit. 255.*

*Tit. 256.*

*Tit. 255.*

*Tit. 279.*

*Memoria  
passionis  
Christi  
repræ-  
tat eius  
veram  
mortem*

*Tit. 279.*

*Quilibet  
potest sibi  
per hoc*

*Sacra-  
mentum  
applica-  
re meri-  
tum mor-  
tis Chri-  
sti.*

**Q**uoniam superius declaratum est , quòd mors & passio Christi est tota satisfactio & totum pretium pro obligatione hominis , & quòd in ea est omnis virtus & omne meritum : & quia ipsa mors & passio fuit verum Sacrificium & oblatio pro peccatis hominum semel facta : quia Christus dedit vitam suam infiniti pretij & valoris voluntarie pro hominibus Deo Patri , vt iam declaratum fuit ; nec potest esse aliud Sacrificium , nec alia oblatio nec hostia placens Deo , nec sufficiens ad satisfaciendū Deo pro obligatione. Et ideo quia ipsa mors & passio transit , & remansit virtus eius in æternum : & dominus ipse , qui passus est , resurrexit & viuit in æternum ; ideo mors ipsa & passio non potest manere nisi per memoriam , vt iam declaratum est : quia illa , quæ semel facta sunt & transierunt , per memoriam solum viuunt & habent esse. Et ideo memoria & recordatio mortis & passionis Christi cum deuotione & vera fide , est imago & repræsentatio veræ mortis , & veræ passionis quæ fuit verè Sacrificiū. Et ideo quia ipsa mors & passio manet per memoriam in hominibus christ. sequitur , quòd ipsa memoria passionis cum vera deuotione & credulitate est Sacrificium & oblatio placens Deo , & satisfaciens pro omni obligatione. Vnde per talem memoriam homo facit totam mortem & passionem Christi suam , & applicat eam sibi : quia quamuis mors Christi habeat omnem virtutem ad satisfaciendum pro omni debito ; non tamen proficit homini adulto , nisi applicet eam sibi per memoriam & deuotionem & fidem : quia ipsa mors Christi est communis omnibus , sicut sol : & quilibet potest eam recipere totam pro se , vt iam dictum est : & ideo quilibet homo potest ipsam mortem & passionem dare & offerre Deo pro seipso ad satisfaciendum & reddendum Deo , siue pro prima obligatione naturali , siue pro secunda , quæ est pro offensis & peccatis. Et quamuis ipsa mors & passio Christi sit infiniti pretij & virtutis , & semper



## *De Sacramento Eucharistia. 557*

& semper placeat Deo, & sit ei acceptabilis; attamen Deus non respicit nisi quantitatem & magnitudinem memoriae & deuotionis & fidei: quia tantum quisque recipit de merito & virtute passionis Christi, quantum habet de deuotione: quia tantum facit eam suam: & Deus non respicit quantitatem & magnitudinem rei, quæ offertur ei; sed magis respicit quantitatem & magnitudinem deuotionis offerentis. Et ideo tantum ipsa passio proficit offerenti, quantum habet de memoria & deuotione in ea: & pro tanto Deus accipit: & hoc est verum post Sacramentum Baptismi: quia in Sacramento Baptismi Christus applicat suam totam passionem homini, & dat eam sibi, ac si ipsemet homo sustinuisset eam. Sed post Baptismum si homo debeat pro aliquo satisfacere Deo, tantum proficit, quantum habet deuotionis & memoriae in ipsa passione: & tantum iuuat se cum ipsa passione, sicut tantum aliquis recipit de virtute solis in horto vel in campo, quantum disponit hortum, vel campum. Et ideo quia nihil magis est necessarium homini & magis vtile, quam memoria passionis Christi cum vera deuotione: quia aliter homini adulto nihil proficit Christus: quia Christus nihil proficit homini, nisi in quantum est passus & crucifixus & mortuus: & ibi est tota virtus: sequitur quod necessarium fuit homini habere aliquod memoriale efficacissimum ad causandum memoriam passionis Christi. Et quia nihil magis efficax & propinquum & proximū ad memorandum passionē & mortem Christi, quam ipsius praesentia Christi, qui passus & mortuus est: quia tunc talis memoria cum praesentia ipsiusmet Christi passi facit ipsam mortem & passionem, ac si modò facta esset; ideo necessarium fuit homini istud Sacramentum corporis & sanguinis Christi, in quo ipsemet esset praesens realiter, vt esset memoriale sempiternum & continuum & efficacissimum suæ mortis & suæ passionis: vt sic per talem memoriam virtus suæ passionis reciperetur & incorporaretur magis in hominibus, & magis eis proficeret: vt sic sēper esset continua memoria & recordatio suæ mortis & suæ passionis semel factæ: vt tantum bonum, & beneficium tantum nunquam posset tradi obliuioni; sed semper remaneret magis in continua memoria in hominibus christianis. Et ideo istud Sa-

*Deus respicit quantitatem deuotionis solū.*

*In Baptismo applicatur tota passio Christi.*

*Hoc Sacramentum est memoriale mortis Christi.*

*Et traditur sub utraque specie, vt sit magis memoriale.*

**cramentum**



*Est Sa-  
cramen-  
tum &  
est Sacri-  
fici-  
um.*

*Spiritua-  
le nutri-  
mentum  
christia-  
na est  
confer-  
uatiodi-  
uotionis*

cramentum , vt sit magis memoratiuum passionis Christi & repræsentatiuum, quamuis sit vnum, diuisum est in corpus & sanguinem : quia Sacramentum corporis est per se, & Sacramentum sanguinis est per se ; sed in corpore sit sanguis, & in sanguine sit corpus, & vtro-  
bique totus Christus. Vnde in passione & in morte fuit sanguis effusus à corpore & extra corpus. Et ideo sequitur, quòd istud Sacramentum non solum est Sacramentum, imò & Sacrificium & oblatio & hostia. Est Sacramentum inquantum inuisibiliter datur gratia sub specie visibili ; sed est Sacramentum inquantum repræsentat passionem & mortem Christi, & est memoriale eius, quæ fuit sola verum Sacrificium purum, placitum, & plenarium. Et ideo omnia quæ fiunt in isto Sacramento, & omnis solemnitas debent repræsentare, quæ facta fuerunt in passione : vt sicut ipsum Sacramentum repræsentat ipsam passionem, ita omnia alia, quæ fiunt circa istud Sacramentum repræsentent illa, quæ fuerunt facta circa passionem, vt sit plena repræsentatio passionis. Et sic apparet qualiter Christus dedit Sacramentum, vt esset Sacrificium oblationis & Sacramentum communionis & viaticum refectionis : vt esset completum nutrimentum in esse spirituali & gratiæ : quia nutrimentum spirituale & gratiæ completum in vno quoque christiano fidei consistit, & attenditur in conseruatione deuotionis ad Deum, vt in conseruatione dilectionis & amoris ad proximū suum, & in conseruatione delectationis intra seipsum & ad seipsum. Et ideo quia deuotio ad Deum exercetur per oblationem Sacrificij puri, placidi & plenarij & placarij : & dilectio ad proximum exercetur per communionem vnius Sacramenti vnitui : & delectatio intra seipsum exercetur per refectionem viatici refectionis : ideo dedit Christus istud Sacramentum Eucharistiæ hominibus, vt esset Sacrificium oblationis, & Sacramentum communionis, & viaticum refectionis : vt fideles Christiani ambulantes per viam reficiantur in via, ne deficiant, vt possint peruenire ad suam propriam patriam.



TITVLVS

*De comparatione carnis secundi hominis, scilicet Christi ad carnem primi hominis, scilicet Adæ: & ostenditur, quòd sicut caro primi hominis est venenosa & mortifera & dans mortem animæ; ita caro Christi est saluifera & viuificatiua, dans vitam animæ.*

**Q**uoniam istud Sacramentum corporis & sanguinis Christi est nutrimentum & alimentum spirituale animarum, in quo realiter continetur vera caro Christi; ideò sequitur, quòd Christus dat in isto Sacramento suam veram carnem ad manducandum tanquam verum nutrimentum animarum. Et ideò vt magis cognoscamus, qualiter se habeat caro Christi ad animas, oportet comparare ipsam ad carnem hominis primi, scilicet ipsius Adæ: quoniam non est nisi duplex caro in generali, scilicet caro primi hominis, & caro secundi hominis, scilicet Christi. Et quia caro Christi est secunda, & caro primi hominis est prima; ideò non possumus bene cognoscere carnem Christi, nisi comparemus eam ad carnem primi hominis. Et ideò considerandum est, qualiter se habeant adinuicem & qualiter vtraque se habeat ad animas: quia vtraque recipit animas: quia caro propter animam est: & videnda est natura & conditio vtriusque. Et quoniam secundus homo, scilicet Christus est contrarius primo homini; ideo etiam caro Christi est contraria carni primi hominis: & istæ duæ carnes habent contrarias proprietates & contrarios effectus & contrarias operationes respectu animæ. Et quia iam declaratum fuit in tractatu de lapsu & corruptione hominis, qualiter anima contrahit & capit totum suum malum & totam suam corruptionem & perditionem & mortem: quia lociatur & vnitur cum carne primi hominis generata libidinose, turpiter, & inhonestè: & illa societas est tota origo & fundamentum sui mali: ergo necesse est, quòd anima contrahat & accipiat totum suum bonum & totam suam purificationem & munditiam, suam salutem, suam reparationem & suam vitam ex societate & vnione cum carne Christi, quæ est generata sine libidine honestissime per spiritum sanctum de Virgine. Vnde contraria contrariis curantur. Si enim societas & vnio cum carne libidinose concepta est causa omnis mali ipsi animæ, sequitur quòd societas & vnio cum carne non concepta libidinose

*Hic datur vera caro Christi.*

*Caro Christi est contraria carni Adæ. Tit. 348.*

*Quòd anima nostra omne bonum suum accipit ex sumptione corporis Christi.*



*Accipit  
vitam  
& om-  
nem mū-  
ditiam.*

*Caro  
Christi  
omnes a-  
nimas  
viuifi-  
cat : &  
est the-  
saurus  
omnium  
gratia-  
rum. Vnit  
cum Deo.*

nosè, sed purissimè sine viro de Virgine erit causa om-  
nis boni ipsi animæ. Et si etiam vnio & societas animæ  
cum carne immunda & inhonesta & corruptibili primi  
hominis dat mortem & omnem maculam animæ,  
quantò magis vnio & societas ipsius animæ cum carne  
mundissima & honestissima Christi, quæ est immorta-  
lis & deificata vnita cum deitate in vna persona, dabit  
vitam & omnem munditiam ipsi animæ? Et si ipsi ani-  
mæ imputatur peccatum & crimen primi hominis  
propter societatem & vnionem cum carne corrupta  
eius, quantò magis ipsi animæ communicabitur me-  
ritum secundi hominis, scilicet Christi propter socie-  
tatem & vnionem cum carne eius sanctissima? Si enim  
anima fit particeps peccati ipsius Adæ per carnem; ita  
etiam efficitur particeps meriti Christi per carnem.  
Item si caro primi hominis facta venenosa & mortife-  
ra communicat animæ & dat mortem, nonne etiam  
caro Christi salutifera & viuificatiua dabit ipsi animæ  
vitam & salutem? Sic ergo sicut anima contrahit &  
capit omne malum per carnem; ita necesse est, quòd  
recipiat omne bonum per carnem. Et si anima debeat  
liberari ab omni malo, quod aduenit ei propter car-  
nem primi hominis, necesse est, quòd habeat socie-  
tatem & vnionem cum carne secundi hominis, scilicet  
Christi. Sic igitur caro primi hominis per delectatio-  
nem & libidinem dat & cōmunicat mortem omni ani-  
mæ; sed caro Christi per mortem & asperitatem in  
cruce passa, flagellata, & tormentata communicat & dat  
vitam omni animæ, quæ vnitur cum ea. Et sicut vna  
caro primi hominis omnes animas inficit & mortificat;  
ita caro Christi omnes animas lauat, mundat & viuifi-  
cat. Et sicut caro primi hominis est archa omnium  
vitiatorum & peccatorum & criminum, & conseruatio  
omnium malorum; ita caro Christi est archa omnium  
virtutum & omnium thesaurorum spiritualium & con-  
seruatio omnium bonorum: & sic sunt duæ archæ. Et  
sicut prima caro separat animam à societate Dei &  
vnit eam cum diabolo: ita caro Christi separat eam à  
diabolo & vnit eam cum Deo: quia sicut in carne  
secundi hominis latet Deitas. Et ideo anima quando  
vnitur & sociatur cum carne Christi, sociatur & vnitur  
cum Deitate. Et sicut diabolus per carnem Adæ capit  
animas; ita Christus capit eas per carnem suam.

TITVLVS

## TITVLVS CCXCI.

*Quòd duplex est societas ipsius anima cum carne primi hominis & utraque est mortalis.*

**Q**Væ autem sunt societares animæ cum carne propria generata libidinosè. Prima est naturalis, quando anima creatur & vnitur carni, ipsa ignorante & nesciente : & ista non est voluntaria , quia non est per proprium consensum animæ. Et per istam vnionem facit ipsa anima vnā personam cum carne : & per istam societatem, quamuis ipsa non consentiat, nec aliquid sciat, imputatur ei crimen primi hominis, & fit particeps in eo , & reputatur immunda & turpis & inhonestā, sicut puella nutrita & sociata cum muliere meretricæ reputatur immunda & fit infamata, & contrahit maculam ex tali , & refutabitur , quamuis ipsa ignoret. Alia societas est ipsius animæ cum carne, quæ est voluntaria, & per proprium consensum , scilicet quando ipsa anima habet vsum liberi arbitrij, & amat delectationes carnis, & consentit libidini & factis carnis, & ei placet inhonestas & turpitudine carnis : & ista societas animæ cum carne , quia est per proprium consensum & propriam voluntatem, occidit animam , & facit ipsam nequissimam : quia anima deberet habere odio omnia vitia carnis, & omnes suas turpitudines : & quando ipsa consentit carni & adhæret per voluntatem : tunc facit corruptionem carnis esse suammet : & tunc anima incurrit peccatum & crimen proprium , & efficitur turpissima, inhonesta, & maculatissima. Si enim ipsa anima contrahit maculam & immunditiam , & reputatur immunda per primam societatem naturalem cum carne , quam ipsa non facit ; imò fit ipsa ignorante : quantò magis contrahit maculam & reputatur immunda per istam societatem voluntariam , quam ipsa met facit ? Et ipsa societas est contra naturam : quia anima per primam societatem dat vitam carni , & viuificat eam : & postea per secundam societatem ipsa anima vult recipere vitam à carne, & nutriri à carne : quia anima recipit vitam ab illa re quam amat, qua delectatur. Et ideò anima non recipit tunc vitam à

*Voluntaria societas anima cum carne.*

*Nota loquelam.*



## 562 De Sacramento Eucharistia.

*Anima* carne: quia hoc esset contra naturam, sed magis mor-  
*plus est* tem voluntariam. Et ista secunda societas est maior &  
*ibi, ubi* fortior, quàm prima: quia tunc anima vnitur cum car-  
*amat,* ne secundum se totam & magis est vnita cum re,  
*quàm* quam diligit per voluntatem & amorem, quàm cum  
*ubi uni-* re, cum qua vnitur per naturam. Sic ergo anima per  
*mat.* primam societatem cum dat vitam carni, & facit ip-  
 sam viuere, recipit ab ea mortem ignoranter: quia  
 propter talem societatem in æternum separabitur à

*Nota di-* societate Dei, nisi munderetur; sed per secundam  
*ligenter.* societatem voluntariam & amorosam ipsa recipit  
 suam refectionem, & suam complacentiam & suam  
 delectationem cum carne, & tunc recipit mortem vo-  
 luntariè + quia talis delectatio & complacentia & ta-  
 lis resectio, quam anima recipit voluntariè & per a-  
 morem & consensum cum carne venenosa & mortife-  
 ra, est corrupta & mortifera & venenosa: & per  
 hoc anima incurrit pœnam æternam & dolorem æter-  
 num, & separatur à societate Dei. Et quia per istas  
 duas societates cum carne corrupta primi hominis ani-

*Anima*  
*per socie-* ma incurrit totum suum malum & mortem suam, &  
*tatem cū* perdit totum bonum suum & vitam suam, quæ con-  
*carne A-* sistit in societate Dei per voluntatem & amorem: ideo  
*de incur-* necesse est, si debeat liberari à tali morte, & recipere  
*rit omne* vitam, quòd habeat societate & vñionem cum alia car-  
*malum.* ne contraria suæ carni propriæ: & illa est caro Chri-  
 sti. Vnde natura animæ est, quòd semper debeat habe-  
 re societatem cum carne: & quia non potest habere so-  
 cietatem naturalem cum carne Christi: quia solum ta-  
 lem societatem potest habere cum carne propria &  
 corrupta, & cum illa facit vnā personam indiuiduā m:  
 ideo restat, quòd cum carne Christi non potest habere  
 nisi secundam societatem, quæ est voluntaria, & per  
 voluntatem & amorem, & per proprium consensum.  
 Sicut enim sociatur & vnitur cum propria carne per

*Per vo-* voluntatem, & amorem; ita potest sociari & vniri cum  
*luntariā* carne Christi: quia societas talis, seu vñio est per li-  
*societate* berum arbitrium, & in potestate sua potest sociari &  
*cum car-* vniri cum illa carne, cum qua magis voluerit. Si ergo  
*ne Chri-* anima societur per voluntatem & amorem & per libe-  
*stia anima* rum arbitrium cum carne Christi amando, volendo,  
*munda-* complacendo, delectando in ea & in suis virtutibus &  
*bitur,* conditionibus: tunc quia talis societas est per volunta-  
 tem

tem, est maior & principalior societas animæ, & est propria societas animæ, in quantum est rationalis: ideo ipsa anima mundabitur, purificabitur totaliter, & reputabitur munda sine macula: quia talis est anima, qualis est res illa, cum qua sociatur per amorem & voluntatem; nec aliter potest mundari à maculis primæ carnis. Et tunc anima habebit societatem cum utraque carne, sed non eandem societatem: quia cum prima carne habebit solam societatem per naturam, & cum carne Christi habebit societatem per voluntatem & amorem & consensum. Et tunc anima dabit vitam carni propriæ per primam societatem: & recipiet vitam à carne Christi per secundam societatem: quia per illam unietur & sociabitur cum deitate, quæ latet in carne Christi: quia caro Christi est caro Dei, & est plena diuinitate, & per consequens in ea occultum est omne bonum. Et tunc societas primæ carnis non poterit maculare ipsam animam quamvis sit unita cum ea per naturam. Vnde magis est propria & magis propinqua ipsi animæ, scilicet caro Christi, quam caro prima, cum qua facit personam, & magis debet diligere illam sine comparatione: quia caro Christi fuit crucifixa, passa & flagellata, verberata & mortua propter salutem animæ, & pro peccatis & culpis suis, quæ eueniebant propter societatem carnis suæ corruptæ, & liberauit eam à pœnis & doloribus æternis, & à morte perpetua quæ debebatur ei propter societatem cum prima carne sua mortifera. Et ideo debet, quantum poterit, sociari & uniri secundæ carni, scilicet carni Christi & relinquere & odio habere carnem primam, quæ tantum malum fecerat ei, & facere conatur quantum potest. Et ideo si ipsa posset, deberet sociari & uniri cum carne Christi tam per naturam, quam per voluntatem, ut haberet ambas societates cum ea, & totaliter relinqueret carnem suam: & facere vnâ personam cum ea. Sed quia non potest sociari ei nisi per voluntatem & amorem & non per naturam: ideo debet quantum potest ad minus sociari & uniri & ligari cum ea per voluntatem & amorem, ut ista societas vincat & superet alteram quasi si non esset: *Nulla est* & pro nihilo reputare primam societatem: ut sicut *cõpara-* caro secunda est nobilior carne prima sine comparatio- *tio car-* ne; ita societas cum secunda carne superet societatem *nis Chri-* primæ carnis. Quæ enim est comparatio carnis genera- *si Ada.*



## § 64 *De Sacramento Eucharistie.*

ræ & conceptæ sine libidine de Virgine per manus Spiritus Sancti: ad carnem generatam libidinose de corrupta muliere per concupiscentiam inordinatissimâ viri? Et quæ comparatio carnis Dei & Filij Dei, quæ est vnita æternaliter cum Deitate ad carnem hominis corrupti, quæ habet societatem cum nequissimo diabolo? Quæ etiam comparatio carnis incorruptibilis, immortalis inuisibilis spiritualis cœlestis glorificatæ & iam deificatæ, ad carnem corruptibilem, mortalem, visibilem, terrestrem & putrefactibilem? Quæ etiam comparatio carnis purificantis, saluantis, redimentis, viuificantis, mundantis & lauantis omnes animas, ad carnem damnantem, mortificantem, maculantem, deturpantem & inficientem animam sibi coniunctam? Quæ etiam comparatio carnis liberantis animam à pœna æterna ad carnem obligantem animam ad pœnam æternam propter suam societatem? Quæ etiam comparatio carnis virginalis incorruptæ, honestæ & castissimæ, ad carnem meretricem, inhonestam, corruptissimam & inordinatissimam? Sic ergo ipsa anima debet fugere quantum poterit societatem talis carnis suæ: & si non potest per naturam, saltem per voluntatem: & totaliter sociari & vniri cum alia carne perfectissima; & quia non potest per naturam, saltem per amorem & voluntatem. Ergo sicut continuò & incessanter est vnita cum carne prima per naturam & societatem naturalem; ita continuò & incessanter debet esse vnita cum carne secunda Christi per amorē & voluntatem; vt sicut continuò ipsa dat vitam naturalem suæ carni per societatem naturalem; ita continuò recipiat vitam voluntariam à carne Christi per societatem amorosam & voluntariam. Sic ergo anima habet duas habitationes & duo habitacula: quia habet duas carnes, in quibus habet habitare; sed primam habitationē carnis habet continuò perdere & inuoluntariē; sed secundam habitationem carnis nunquam potest perdere si vult: quia non potest separari à carne Christi inuoluntariē, nec per coactionem, sed solum per propriam voluntatem. Et sic anima habet æternum habitaculum, in quo potest æternaliter habitare si velit. Vt igitur anima recipiat societatem & vnionem cum carne Christi per amorem & voluntatem, & per cōsequens recipiat vitam & delectationem & refectionem ab ipsa, & relinquat totaliter vnionem & societatem cum carne prima, & nullo modo recipiat delectationem, nec refectionem mor-

## *De Sacramento Eucharistia. 565*

tiferam in ipsa: ideo Christus dedit carnem suam in Sacramento isto, scilicet corporis & sanguinis sui: ut ipsa anima manducet substantiam suæ carnis, & bibat sanguinem suum per voluntatem & amorem. Et hoc inuisibiliter sub forma visibili rerum, quæ conuertuntur in carnem & sanguinem. Et quia societas debet esse continua; ideo istud Sacramentum debet continuari & frequentari incessanter.

### **T I T V L V S C C X C I I.**

*Quod sicut caro primi hominis per suam multiplicationem & diuisionem est causa multiplicationis & diuisionis animarum; ita caro Christi per suam unitatem & indiuisiōem est causa unitatis & indiuisiōis animarū.*

**E**T quoniam non est nisi duplex caro, scilicet caro Christi & caro primi hominis, & vtraque est communis caro, licet caro Christi descenderit de carne primi hominis; sed tamen per talem modum, quod non potuit esse infecta: & ideo est noua caro & contraria primæ carni. Quia igitur vtraque est communis omnibus animalibus, & omnis anima potest sociari cum vtraque simul propter duplicem societatem, quam potest habere omnis anima; ideo quia caro Christi est contraria carni primi hominis, sicut caro primi hominis est causa multiplicationis animarū; ita caro Christi est causa unitatis earū. Vnde caro primi hominis multiplicatur & diuiditur in infinitas partes & portiones, & seminatur sicut granum: & ideo multiplicatur sicut granū in agro. Et ideo ad multiplicationem istius carnis multiplicantur animæ à Deo, qui creat tot animas, quot sunt portiones carnis: & si caro non multiplicaretur, nec etiam animæ multiplicarentur: quia plures animæ non possunt vniri cum vna carne per naturalem societatem. Attamen omnes carnes multiplicatæ sunt vna caro, & pro vna carne reputantur: quia ab vna carne descendunt per eundem modū. Et quia etiam quando multiplicatur caro primi hominis, multiplicatur corruptio, malum & infectio; ideo sicut caro ipsa multiplicata est causa multiplicationis & multitudinis animarum; ita etiam est causa diuisionis & separationis ipsarum animarum à Deo & inter se: quia propter talem societatem, quam quælibet anima habet cum carne sua propria corrupta, quælibet anima separatur & diuiditur à Deo, & quælibet alia anima per voluntatē & amorē. Et ideo caro

*Caro Christi est causa unitatis.*

*Caro Adæ est causa separationis animarum à Deo.*



## § 66 De Sacramento Eucharistia.

est causa discordiæ & diuisionis animarum cum Deo & inter se: quia quælibet anima habet suam propriam & singularem carnem; & tot animæ, quot carnes. Et ideo si quælibet anima per voluntatem & amorem habeat societatem cum sua propria carne, & non solum per naturam, sed voluntariè, necesse est, quòd ipsæ animæ habeant diuisionem inter se & discordiam, litem & inimicitiam per voluntatem: quia non omnes amant ~~nam~~ carnem: & talis amor, ut iam dictum est, est venenosus & mortiferus. Et ideo ex tali amore necessario oritur omne malum, & nullum bonum. Sed quia caro Christi non potest multiplicari, nec diuidi, sed semper est vna realiter numero existens eadem: ideo quia animæ habent vnionem & societatem cum ipsa per voluntatē & amorem: sequitur quòd ipsa est causa omnis vnitatis & concordia animarum. Vnde omnes animæ possunt habere vnionem & societatem cum ipsa, quamuis non sit nisi vna, nec possit multiplicari: quia talis societas & vnio est per voluntatem & amorem, & non per naturam, & omnes animæ possunt amare vnā & eandem carnem, s. Christi, quæ crucifixa est pro omnibus animabus, & vna non potest impedire aliam, imò simul possunt vniri & sociari cum ea per voluntatem & amorem. Et per consequens omnes insimul, & si essent infinitæ, possunt recipere vitam à tali carne & refectionem: & ideo per talem vnionem & societatem omnes animæ efficiuntur vna anima, & vnus volūtatis, vnus intentionis, & vnus cordis, & vnus amoris. Et sic per carnem Christi vnica multitudo animarum reducitur ad vnitatem, & sic per carnem Christi animæ vniantur inter se & cum Deo per voluntatem & amorem. Et sic vna caro Christi sufficit pro omnibus animabus ad dandum eis vitam. Et quia cum carne Christi est vnita anima eius: & hoc per vnionem naturalem, quæ quidem anima est dignissima & sanctissima; ideo etiam omnes animæ, quando sociantur cum vna carne Christi, etiam vniantur & habent societatem cum vna anima deifica. Et quia ibi est etiam deitas: ideo animæ habent societatem per carnem Christi cum ipsa deitate. Et sic animæ sociantur & vniantur cum carne Christi & cum anima Christi: & cum deitate Christi: quare meritò omnes animæ efficiuntur vna anima. Et sic Christus dando suam carnem animabus dat suam animam, & suam deitatem insimul

*Caro  
Christi  
sufficit  
pro omni-  
bus ani-  
mabus.*

## *De Sacramento Eucharistia. 567*

deitatem insimul: & reducit omnes animas ad vnā per suam carnem. Sic ergo primò omnes animæ exeunt, & creantur ab vno & eodem, quia à Deo: & multiplicatur per multiplicationem carnis & corrumpuntur: deinde iterum reducuntur ad Deum & mundantur per vnitatē carnis: & sic caro est causa multitudinis animarū, & est causa vnitatis ipsarum, & est causa quare animæ exeunt à Deo per creationem, & est causa quare redeunt ad Deum, & est causa damnationis animarum, & est causa saluationis, & est causa mortis, & est causa vitæ ipsarū animarum: & sic omnia facit caro, sed non eadem caro. Conuenientissimum & proportionatissimum & summè necessarium est igitur omni animæ rationali immortalī secundum naturam vnitæ & coniunctæ carni mortali, corruptæ & inficienti, corrumpenti & danti mortē spiritualem, vt ipsa societur & vniatur per voluntatem & amorem carni Christi purissimæ, immortalī, mundanti purificanti, & danti vitā spiritualem. Conuenientissimè etiam Christus in isto Sacramento nutritiuo, conseruatiuo, refectioniuo, sustentatiuo, & vnitiuo dat carnem suam veram ad manducandum: vt veniat & societ omnes animas cum carne sua, & sustentet eas & nutriat & viuificet, reficiat & perficiat. Necessariū ergo fuit, vt anima appropinquaret ei tanta appropinquatione, qua nō possit cogitari maior, vt fieret perfecta societas & vnio: & hoc non potest fieri, nisi ipsa caro sumatur & capiarur realiter per modum comestitionis & manducationis visibilis: & ideo necesse est, quòd ipsa caro Christi veraciter sit contenta in hoc Sacramento pro vita & sustentatione mundi. Ecce mirabilissimam scalam & completissimam in hoc maximo Sacramento, in quo omnia continentur: quoniam ibi est primò forma & species visibilis & sacramentalis: & iste est primus gradus scalæ. Deinde sub specie visibili est vera caro Christi inuisibilis: & iste secundus gradus scalæ: deinde in carne est sanguis Christi inuisibilis: & iste tertius gradus. Deinde in carne & sanguine Christi est ipsa anima Christi sanctissima: & iste est quartus gradus scalæ. Vltimò in carne & sanguine & anima est tota diuinitas infinita in persona filij Dei. Et omnia ista sunt realiter in isto Sacramento: & hoc propter carnem. Est ergo vnum visibile ibi, & quatuor inuisibilia, & ipsa quatuor inuisibilia sunt vnus Christus: quia caro Christi & sāguis Christi

*Christus  
dat ve-  
ram car-  
nem, vt  
veniat.*

*Conten-  
ta in isto  
Sacra-  
mento.*



## § 68 De Sacramento Eucharistiae.

anima Christi & diuinitas Christi sunt ipse Christus, & vnus Christus: ergo maximus mons est Christus. Suscipiēdo igitur speciem & formā visibilem panis suscipitur inuisibilis caro Christi & latens, & suscipiendo carnem suscipitur sanguis in carne latens: & suscipiendo carnem & sanguinem, suscipitur anima in carne & in sanguine latens: & suscipiendo carnem & sanguinem & animam Christi suscipitur diuinitas in eis latens. Si ergo suscipiendo aquam Baptismi exterius in corpore ex ordinatione Christi suscipitur in anima tanta gratia, quantomagis suscipiendo istud Sacramentum intus in corpore, in quo suscipiuntur inuisibiliter omnia prædicta, suscipietur gratia intus in anima? Ecce ergo modicum visibile, sed maxima inuisibilia: quia modicum est, quod apparet, sed infinitum est, quod latet. Ecce igitur videre possumus qualiter ista tria Sacramenta, sc. Baptismus, Confirmatio & Eucharistia faciunt inter se quandam scalam completam: quia de primo ascenditur ad secundum, & de secundo ad tertium in suscipiendo. Et etiam quodlibet istorum est in se scala ad ascendendum de visibili ad inuisibile, & suscipimus inuisibile per visibile.

### TITVLVS CCXCIII.

*Declaratio per exempla qualiter vna caro Christi, seu vnum corpus existens idem numero potest esse simul & semel in pluribus partibus, seu locis.*

*Corpus Christi est in pluribus locis simul & semel.*

**E**T quoniam vna & eadem caro Christi est vita omnium animarum & refectio, & oportet quod omnes Christiani adulti recipiant & manducet istam carnem in isto Sacramento: cum omnes christiani non sunt simul in eodem loco corporaliter; ideò necesse est, quod vna & eadem caro Christi, & vnum, & idem corpus Christi simul & semel possit esse in omnibus partibus & locis mundi: quia omnes christiani indigent isto sacramento & debent sumere ipsum. Vnde quia istud Sacramentum est verissimum, vt probatum est: & Christus instituit & ordinauit, vt omnes sumant suam carnem in isto sacramento, sicut ordinauit quod omnes sumant aquam Baptismi: ergo cum istud nō possit fieri, sc. quod omnes sumant istud Sacramentū, nisi sua caro & suum corpus, quod realiter continetur in isto Sacramento, sic in pluribus locis simul & semel, sequitur de necessitate quod ita potest esse & ita est, quod sua caro eadem numero existens est in pluribus locis: quia hæc requiritur

## De Sacramento Eucharistiae. 569

de necessitate in hoc Sacramēto propter ordinationem suam. Quia ergo hoc Sacramentum est summè verum, & hoc requiritur ad hoc Sacramentum: quia verum est coniunctum & annexum de necessitate cum hoc Sacramēto: sequitur quòd ita est, quòd vna caro Christi potest esse, & est in pluribus locis realiter: quoniam si hoc non esset verum, nec Sacramentum esset verum, nec Christus esset verax, quòd est impossibile. Ergo ad certificandum, quòd ita est, sufficit ordinatio & institutio Christi, qui non est mendax, nec potest ordinare falsum. Et etiam sicut est necesse, quòd caro Christi vna & eadem sit in pluribus locis simul & semel; ita est necesse, quòd si forma, seu species panis frangatur & diuidatur, quòd vna & eadem caro Christi sit in singulis partibus: quia caro Christi non potest frangi, nec diuidi in partes: quia glorificata est. Quomodo autem omnia ista possunt fieri, nō est necesse scire, sed sufficit scire, quòd ita est necesse esse, & impossibile est aliter esse propter veritatem Sacramēti; quòd hoc requirit, quòd ita sit: & etiam propter honorem Christi, qui Sacramentū ordinavit: qui hoc Sacramentum non ordinasset, si hoc fieri non posset. Ad habendum enim veram certitudinē Sacramenti & notitiam sufficientem, sufficit scire, quòd Christus ordinavit & instituit tale Sacramentum: & videre per experientiam opus & effectum Sacramenti, & cognoscere qualiter homo indiget tali Sacramēto ad suam necessitatem & utilitatem: sed quomodo hoc possit fieri, non est necesse scire; sed sufficit, quòd Christus, qui ordinavit, sciat & cognoscat. sicut infirmo sufficit, quòd sciat, quòd medicus, qui est bonus & verus, ordinavit talem medicinam, & quòd sentiat in se, & in aliis opus & effectum talis medicinæ, & cognoscat se indigere tali medicina: nec requiritur, quòd infirmus sciat, quomodo fit medicina, nec qualiter potest fieri: sed sufficit, quòd medicus, qui ordinavit, sciat. Sacramēta igitur non sunt ordinata, ut homo sciat & cognoscat, qualiter fiant, sed ut per ipsa homo recipiat salutē & gratiā & auxiliū à Deo: & postea ipsa gratia suscepta iuvat hominē ad cognoscendum ea & veritatem ipsorū. Et tamē postquam homo est certus de vera necessitate, potest ad maiorem claritatē quærere exēpla & argumēta ad magis cognoscendum ipsa mirabilia, quæ in isto Sacramēto sūt maiora & altiora, quàm in aliis Sacramētis:

*Sufficit  
scire,  
quòd  
Christus  
hoc Sa-  
cramen-  
tum in-  
stituit.*



## 570 *De Sacramento Eucharistia.*

*Exem-  
plū quo-  
modo  
corpus  
Christi  
est in  
pluribus  
locis.*

quia ibi vnum corpus Christi est simul & semel in pluribus locis: & etiam quia tantum est in parua hostia, sicut in magna: nec si diuidatur hostia, propter hoc diuiditur Christus, seu corpus Christi, & in qualibet parte est totus Christus. Et ideo magis difficile est ad intelligendum istud Sacramentum, quā alia: quia omnia ista apparent esse contra sensum & experientiam sensus. Sed tamen non est mirum, si caro Christi coniuncta inseparabiliter cum diuinitate ascendat ad istū gradum, vt possit esse simul & semel in pluribus locis, quia diuinitas est vbique tota simul. Et quia caro Christi est vnita diuinitati: ideo ratione diuinitatis potest simul & semel esse in pluribus locis. Sicut enim ratione carnis est in isto Sacramento, diuinitas est causa quare ipsa caro potest simul & semel in locis pluribus esse. Vnde hoc potest videri in aliis rebus per experientiam: quia vna res multiplicatur, & est tota simul & semel in pluribus locis: sicut vnum verbum totum est simul & semel in pluribus auribus, & tamen est in vna aure sicut in alia: sed tamē non est eadem vox numero, sed specie. Si ergo vna vox hominis est in pluribus auribus tota eadem specie, nonne etiam magis oportet dare vnum gradum carni Christi & corpori suo glorificato & cōiuncto cum deitate: vt, sc. vnum & idem numero existēs possit esse in pluribus locis? Item etiam videmus, quod vna dictio, siue sit magna, siue sit parua, semper idem significat: vt ista dictio, rex, siue sit ita magna sicut tota terra; siue sit ita parua, sicut vnum granum millij: tantum significat vno modo sicut alio modo: ita quod paruitas & magnitudo dictionis nihil variet quantum ad significatum, quod significat, neque propter hoc, quod maior habet maius significatum, neque quod minor habet minus significatum: ita conformiter, quia forma panis & species est sicut dictio significans, & corpus Christi est sicut significatum; ideo neque parua forma, neque magna, seu hostia: aliquid variat: quia tantum est in parua, sicut in magna hostia: quia hostia seu forma visibilis non est nisi signum corporis Christi, quamuis ibi realiter contineatur corpus Christi, s. non sicut locatum in loco, nec sicut vinum in vase; sed sicut signatum in signo, & significatum in dictione. Item etiam quamuis ipsa dictio multiplicetur, non propter hoc multiplicatur significatum: immo semper est vnum significatum

significatum & idem in se: ita quamvis hostiæ in infinitum multiplicentur: non propter hoc multiplicatur caro seu corpus Christi, sed semper manet idem. Et etiam sicut semper quamdiu ipsa dictio retinebit formam suam & naturam, semper habebit suum significatum: ita quamdiu forma panis in sua natura remanebit, semper habebit intus ipsum corpus Christi. Et ideo tamdiu remanet Corpus Christi sub forma panis, quamdiu remanet forma panis: sed si mutetur forma panis, quia non remanet signum, nec etiam signatum est ibi. Et ideo quia quælibet pars panis, seu Hostia habet speciem & formam & nomen panis: ideo in quâlibet parte Hostiæ, siue sit parva, siue magna, est tota caro, siue corpus Christi. Item hoc idem etiam potest declarari in speculo quantumcunque magno, & quod esset ita magnum sicut totus mundus, non est nisi vna imago vnius hominis in eo: & tamen si speculum frangatur in infinitas partes, in quâlibet parte apparebit tota imago quæ apparebat in toto speculo integro, & tantum apparebit in parte sicut in toto, & tantum in vna parte sicut in alia; ita similiter si esset vnus panis ita magnus sicut totus mundus, seu Hostia, non esset in ea nisi vnum corpus Christi, & vna caro & vnus Christus, & si fierent mille partes, vel plures, in quâlibet esset totum corpus Christi idem numero; sed in partibus speculi non esset eadem imago numero, sed specie: quia oportet dare magis vnum gradum corpori Christi, scilicet ut idem numero sit in pluribus partibus hostiæ. Præterea etiam potest declarari per Christum, qualiter corpus totum integrum potest contineri in tam parua quantitate. Vnde corpus Christi est factum spirituale & transmutatum in naturam animæ, quantum fieri potest; quia sicut videmus, quod anima nostra, quæ est spiritualis & sine quantitate transmutat illa, quæ recipit in se, ad suam naturam, & ad modum suum spirituales: ut quando recipit istam litteram, at tunc reducit eam ad spiritualitatem: ita quod quamvis a, scriptum sit corporale & magnum & quantum, latum & longum; attamen quando est in anima, non est longum, nec latum, nec expressum; sed est totum simul ad modum animæ; ita conformiter corpus Christi, quia est glorificatum & reductum ad spiritualitatem, quantum fieri potest, quia diuinitas transmutat animam Christi in suam naturam, quantum fieri potest, &

*Quomodo Christus sit in tam parua hostia.*

anima



## 572 De Sacramento Eucharistia.

*Corpus  
Christi  
non occu-  
pat locū.*

anima deificata cū diuinitate deificauit corpus & trāsmutauit in suam naturā, & assimilauit ipsum suæ naturæ, quantum fieri potest. Et corpus Christi non occupat locum, nec est ponderosum, & potest esse totum in puncto sine extensione, sine longitudine, sine latitudine & sine profunditate eo modo, sicut ipse Christus vult. Et ideo corpus Christi in isto Sacramento non occupat locum, nec est ponderosum, nec extensum, nec longum, nec latum, nec profundum; sed omnes eius partes sunt simul: & ideo potest esse in quacunque parte hostiæ quantuncunque parua totum simul: vnde hoc videmus per experientiam in rebus corporalibus, quia imago rei corporalis, quantuncūque res sit magna, est tota simul, nec est lōga, nec lata, nec extensa, nec profunda, nec pōderosa, nec grossa, nec spissa; & tamen apparet longa & extensa & ampla, & grossa, & magna, sed non est. Vnde vna magna Ecclesia, imò vna tota ciuitas maxima intrat per pupillam oculi nostri, quæ est sicut punctus indiuisibilis: & homo in nocte videt totam illā ciuitatem in somniis cum propria sua forma, & magnitudine sine diminutione; & tamen imago illa quæ est intus in anima, est sicut punctus indiuisibilis: quia intrauit per pupillam oculi. Ita conformiter cum corpus Christi sit magis spirituale, quā illa imago, quæ transit per pupillam, potest esse totum simul in puncto; & tamen habebit omnes partes suas sine diminutione: vnde quia corpus Christi in isto Sacramento est propter animam & ad trahendum animam ad se: & vt anima vniatur Christo per amorem: ideo debet ibi esse modo conuenienti animæ, & non modo contrario: & ideo debet ibi esse modo spirituali, & non modo corporali, nec quantitatiuè, nec localiter, nec occupatiuè, nec grossè: quia tunc discordaret ab anima, & quodammodo reduceret animam ad corporalem materiam & quantitatiuam & grossam & animale: & ipsa anima in isto Sacramento debet tantum mutari in melius & in spīritualiorem naturam: quia est Sacramentum transmutarium: & ideo nihil debet esse in isto Sacramento repugnās animæ & naturæ suæ, & ideo nullo modo ipsa anima in isto Sacramento debet cogitare, nec quærere nec quantitātē, nec locum, nec longitudinē, nec latitudinem, nec profunditatem, nec grossitudinem, nec spissitudinē, nec ponderositatem, nec extensionem, nec colorem, nec saporē,

*Corpus  
Christi  
est in hoc  
Sacra-  
mento  
spīritua-  
li modo.*

saporem, nec figuram, nec aliquid, quod possit percipere animal brutum: quia omnia ista sunt cōtra naturā ipsius animæ, & ei non conueniunt talia quærere, sed solum debet quærere & cogitare spiritualitatem, & illud præcisè, quod verba significant, & non plus: quia hoc, quod videtur est sicut vox & sonus: & hoc, quod ibi continetur, est sicut significatum vocis: & ipsum significatum non est longum, nec latum, nec ponderosum, nec quantum, nec locatum in quantum significatum. Sicut ergo se habet significatum ad sonum vocis, sic se habet corpus Christi in isto Sacramento ad formam & speciem, quæ videtur. Et ideo sicut significatū in quantum significatū per sonum vocis non significatur ut quantitatum, nec ut in loco, nec ut profundum, nec ut longum, nec ut latū & sic de aliis; ita corpus Christi in quantum in isto Sacramento non significatur per speciem visibilem ut quantitatum, nec ut occupans locum, nec ut longum, sed tantum ut corpus Christi. Et sicut significatum recipit intellectum tantum, & nullo modo sensum: & ipse sonus vocis respicit sensum, quia significatum tantummodo percipitur per intellectum, & non per sensum; & sensus tantummodo percipit & audit sonum vocis, & non percipit significatum: ideo significatum est spirituale & intelligibile, & habet modū intellectus, & non habet modum sensus, & proportionatur intellectui, & non sensui. Et ideo animal brutum quia non habet intellectum, sed tantummodo sensum, non potest percipere significatū, sed percipit sonum vocis. Ita similiter corpus Christi in quantum est significatum per speciem visibilem, respicit tantummodo intellectum, & nullo modo sensum: & ipsa species visibilis panis respicit sensum visus, & sensus visus tantummodo respicit & videt speciem & formam panis visibilem. Et ideo ipsum corpus Christi est ibi modo spirituali, & habet modum intellectus, & non sensus: & proportionatur intellectui, & non sensui. Et ideo animal brutum potest videre & percipere speciem visibilem, sed non corpus Christi ibi contentū & significatum. Sicut ergo anima facit distinctionē & diuisionem inter sonum vocis & significatum vocis; ita debet facere distinctionem & diuisionem in isto Sacramento inter speciem & formam panis visibilem, & corpus Christi inuisibile. Sic ergo antequam ibi esset corpus Christi in pane, erant duo, quorum vnum perci

*Brutum  
videt  
speciem,  
sed non  
corpus  
Christi.*



## 574 *De Sacramento Eucharistia.*

percipiebatur per sensum visus, & aliud per intellectum, quoniam species & forma panis percipiebatur per sensum visus tantummodo, quam etiam videbat & percipiebat animal brutum, & substantia panis percipiebatur per intellectum, & non per sensum: quia animal brutum non potest percipere substantiam panis invisibilem. Et ideo aliud est forma panis, & aliud est substantia panis. Vnde in somnis & in speculo apparet forma panis, & tamen non est substantia panis: & homo verè scit, quòd ipse videt de nocte & in speculo formam & imaginem panis, & quòd ibi non erat substantia panis. Ita conformiter in hoc Sacramento est forma panis vera & species principalis; sed substantia panis non est ibi: quia mutata est in corpus & in carnem Christi virtute verborum significantium & facientium talem transmutationem, & remanet tantummodo realis species panis sine substantia panis. Et ideo sicut substantia panis se habet ad formam panis; sic se habet corpus Christi ad speciem panis. Et quia substantia panis solum percipiebatur per intellectum, & non per sensum; ita similiter corpus Christi ibidem existens loco substantiæ panis, percipitur per intellectum, & non per sensum: & quia substantia panis in se considerata, & in quantum percipitur per intellectum, non est longa, nec lata, nec profunda, nec ponderosa, nec colorata, nec visibilis, nec tangibilis, nec habens saporem, nec perceptibilis per aliquem sensum corporeum, nec occupans locum: & tota est in qualibet parte, ubi est forma panis: & non est magis substantia panis in magna quantitate quàm in parva; ita similiter ipsum corpus Christi quòd est loco substantiæ, non est longum, nec latum, nec profundum, nec ponderosum, nec coloratum, nec visibile, nec tangibile, nec habens saporem, nec perceptibile per aliquem sensum corporis, nec occupat locum: & est totum in qualibet parte, ubi est forma panis: & non est magis in magna quantitate, quàm in parva: & ideo est ibi ad modum substantiæ panis per se considerata, & prout percipitur ab intellectu. Et ideo sicut substantia panis prout percipitur ab intellectu, habet modum intellectus, & habet omnes conditiones superius dictas: quia in quantum percipitur per intellectum, non habet quantitatem, nec extensionem, nec est in loco, nec occupat locum, & sic de aliis:

*In hoc Sacramento non est substantia panis.*

*Corpus Christi est totum in qualibet parte.*

aliis : sed est ad modum significati respectu vocis , & proportionatur intellectui : ita similiter se habet in Sacramento ipsum Corpus Christi. Qui ergo vult intelligere quomodo Corpus Christi est in isto Sacramento, necesse est , quod consideret substantiam panis puram & solam prout intellectus percipit eam, & inquantum corporatur ad intellectum : quia substantia panis prout respicit intellectum & percipitur per intellectum, mutatur in corpus Christi : & nihil , quod possit percipere sensus, mutatur in corpus Christi. Si ergo in pane sunt duo, vnum quod tantum percipitur per intellectum ; & aliud , quod percipitur per sensum : & illud quod percipitur per intellectum , tantum mutatur in corpus Christi ; & totum illud quod percipitur per sensum visus, remanet : quia istud Sacramentum est propter intellectum & liberum arbitrium , & non propter sensum : & ideo illud quod percipitur per intellectum , mutatur tantum in corpus Christi : & sub illo modo, per quem percipitur per intellectum : & per illum modum percipitur , per quem significatur per vocem significantem : quia intellectus primò intelligit , & postea per vocem significat : & eo modo , quo intelligit, eo modo per vocem significatur. Sic ergo ipsa substantia panis sub illo modo , quo est intellecta per intellectum , & significata per vocem , mutatur & conuertitur in corpus Christi. Sicut in isto Sacramento debet ipsa anima intellectualis transmutari in Christum, inquantum differt à brutis & à sensibus corporalibus ; ita similiter in isto Sacramento non debet conuertere in corpus Christi, nisi istud præcisè & tantummodo, quod percipitur per intellectum , per quem anima differt à brutis. Et omnia , quæ fiunt in Sacramento , debent proportionari ipsi animæ iuxta suum modum & inquantum est intellectualis & differt à brutis. Et quia corpus Christi prius existit , antequam substantia panis conuertatur in ipsum ; ideo tota illa forma panis , quæ videtur , est quasi vestimentum & indumentum corporis Christi accidentale : & sic corpus Christi est indutum & vestitum veste aliena. Et ipsa forma panis , quæ ante habebat modum accidentis & inhærentis , & quæ sustentabatur in ipsa substantia panis , & recipit modum nouum & nobiliorem & digniorem : quia recipit modum substantiæ , qui sine

*Quomodo Corpus Christi sit in hoc Sacramento.*

*Qua fiat in Sacramento, debet proportionari animæ.*

*Quomodo accidentia sint in isto Sacramento.*

compara



## 576 *De Sacramento Eucharistia.*

comparatione excedit modum accidentis; quia ipsa forma & species panis, quæ est accidens, per se existit, & in nullo sustentatur tanquam in subiecto: & sic omnia dignificantur & meliorantur ac exaltantur in isto Sacramento: quia ipsa substantia panis transit & conuertitur in corpus Christi gloriosissimum, & ipsa accidentia, quæ videntur, recipiunt modum substantiæ, & non plus ascendere possunt: & tota species & tota forma panis, quæ continet omnia accidentia, fit vestis & indumentum corporis Christi, & ipsius Dei & hominis. Et quæ maior dignitas? Et ideo debet ipsa species panis & vini in magna reuerentia & in magno honore haberi tanquam vestis Christi Iesu Filij Dei Regis æterni. Et hæc maxima fuit benignitas & humilitas Christi, quod ipse velit esse vestitus tam humili & simplici veste: & intantum se humiliare, ut ita se approximet hominibus. Primò enim voluit Christus indui veste carnis nostræ mortalitatis, & illam accepit ab intemerata & incorrupta virgine, scilicet Maria matre sua gloriosa, in qua dignatus est hominibus apparere in hoc mundo, & prædicare verbo & exemplo, & postea in carne subire mortem turpissimam & amarissimam pro nobis. Secundò voluit indui veste panis, quæ est vestis inferior. Sicut enim panis ab hominibus pro cibo sumptus mutatur in carnem & sanguinem corporis assumentis ipsum panem; ita similiter istud Sacramentum Eucharistiæ sumptum à fidei christiano transsubstantiat animam ipsius in Christum, & fit vnus & idem cum Christo in spiritu & veritate. Si ergo induit suam diuinitatem primò veste carnis, ut hominibus sic appareret, qui in sua diuinitate videri non potuit: & carnem suam vestituit veste panis. Primam vestem fecit per seipsum, sed secundam fabricant homines. Primò enim diuinitatem suam induit veste carnis & humanitatis, ut posset mori & pati pro homine. Deinde vestiuit carnem suam veste panis, ut esset nutrimentum & refectio ac alimentum sanorum & infirmorum. Sic igitur in isto Sacramento omnia exaltantur, dignificantur & meliorantur. Quanto ergo magis ipsa anima deuota, propter quam istud venerabile Sacramentum est ordinatum, institutum ac consecratum, debet se eleuare à carnalibus, & mundanis, & transitoriis rebus & desideriis: & recipere exaltationem & dignitatem ab ipso, & incorporari isto

*Christus induit duas vestes propter nos.*

istò Sacramento ac deificari hic in gratia & in regno ipsius Sacramenti Dei & hominis filij Dei & Regis æterni, & accipere gloriam & beatitudinem sine fine cum sanctis Angelis, & cum omnibus spiritibus beatis, ad quam dignetur nos perducere idem IESVS-CHRISTVS. Amen.

## TITVLVS CCXCIV.

*Quartum Sacramentum est Sacramentum pœnitentia, & secunda scala iterum lapsi, & spirituale medicamen, per quod homo christianus, qui propter offensam contra Christum commissam post Baptismum perdidit nouum esse & vitam spiritualement, recuperat iterum nouam vitam perditam, & fit ei remissio & indulgentia, & absoluitur ab obligatione infinita & abluatur & lauatur ab omni macula, & reconciliatur Christo.*

**Q**Voniam autem iam dictum est superius, quòd *Tit. 284.* vita spiritualis assimilatur vitæ corporali: ideo & *235.* sicut in vita corporali est primò generatio, deinde augmentatio, tertio continua nutritio; ita similiter in vita spirituali primò fuit necessaria generatio spiritualis, & hæc fuit Baptismus: & deinde augmentum spirituale, & hoc erat Confirmatio: deinde nutrimentum spirituale, & hoc erat Eucharistia. Et ideo sicut in vita corporali, si homo esset impassibilis, ita quòd non contingeret eum infirmari, sufficerent ista tria, videlicet generatio, augmentatio, & nutritio; ita similiter est in vita spirituali, si homo esset impeccabilis, sufficerent ei ista tria Sacramenta, scil. regenerationis, Confirmationis, & Eucharistiæ. Sed quis continuit, hominem infirmari & incurrere morbum mortalem, aut periculosum, ex quo potest mortem incurrere & perdere vitam corporalem, ita etiam potest homo incurrere infirmitatem spiritualem, quæ est peccatum, per quod potest perdere vitam spiritualement. Et sicut in vita corporali est medicina corporalis, qua infirmitas curatur corporalis; ita est etiam in morbo spirituali remedium, quod aufert peccatum, & est pœnitentia, quæ est medicina spiritualis. Nam aliquis potest perdere gratiam sibi



in Baptismo datam per peccatum : quia homo habet libertatem naturalem & liberum arbitrium. Et quia gratia non est de natura liberi arbitrij, quia aliud est gratia, & aliud est natura, vt iam declaratum est : ideo potest etiam gratiam relinquere, & facere contra illam, & eam perdere : quia membrum sanum potest perdere sensum & motum : & est simile de membro respectu capitis, & de christiano respectu Christi. Sicut ergo membrum potest paralizari, quia non habet fluxum spirituum à capite; ita potest homo paralizari, quia non habet fluxum gratiarum à Christo, qui est caput omnium christianorum, & maxime quia homo indiget multiplici gratia, cum constitutus sit inter inimicos spirituales, contra quos ipse semper bellare necessarius est : & nisi ipse legitime certauerit, vincetur, & non coronabitur. Et quia non potest vinci nisi voluntarie : ergo si vincitur, & iuste tunc iudicatur. Ex quo ergo quilibet Christianus potest incurrere infirmitatem spirituales, scilicet peccatum post Baptismum, necessaria fuit homini medicina curatiua & medicamen spirituale, scilicet pœnitentia, per quam poterit euadere mortalem infirmitatem animæ & recuperare sanitatem & gratiam, quam habuit per Baptismum. Et hoc est sicut quando homo cecidit in infirmitatem corporalem : tunc medicina curans est necessaria. Et quia Christus operatur in homine per Sacramenta visibilia & manifesta : ideo ordinauit Sacramentum pœnitentiæ tanquam verum medicamen morbi spiritualis ad destruendum peccatum & offensam commissam post Baptismum. Quamuis enim ante receptionem Baptismi sit necessaria homini adulto ; attamen illa pœnitentia non est Sacramentum : quia inuisibilis est & occulta : quia nihil apparet extra de illa pœnitentia. Et inde in Sacramento debent esse aliqua signa exteriora quæ significant rem inuisibilem, quæ sit intus in anima. Et quia medicina inuisibilis illius peccati culpæ & offensæ contra Deum est vera remissio, indulgentia & venia ex parte Dei : quia tunc verè destruitur peccatum, & offensa deletur, quando remittitur & datur venia ab illo, contra quem facta est : quia culpa & offensa obligat hominem offendentem, illi qui offensus est, & contra quem peccauit : quia talis naturæ est culpa : & quot culpæ tot obligationes & tot debita : & quia vera indulgentia non

*Pœnitentia est necessaria.*

non potest recipi nisi culpa & offensa displiceat, nec aliquis potest, neque meretur recipere veniam, nisi displiceat ei malum fecisse; quia omnis culpa est voluntaria: & ideo non potest destrui, nec deleri nisi per contrarium: videlicet, quod sicut fuit voluntaria, fiat involuntaria & displiceat; aliter ipsa maneret in vigore suo: & sic duo sunt necessaria ad destructionem & deletionem ipsius peccati, seu culpæ & offensæ contra Deum, vnum ex parte Dei offensi: & hoc est remissio & indulgentia & venia: & aliud est ex parte hominis offendentis & peccantis, & hoc est vera displicentia & tristitia, seu dolor, quia offendit Deum: & nisi de hoc tristetur & homini displiceat, non potest mereri indulgentiam & remissionem de offensa. Et quia radix peccati est voluntas, ideo requiritur, quod homo proponat in corde suo nunquam offendere Deum, aliter non esset vera displicentia. Et requiritur etiam, quod homo cognoscat se offendisse Deum & malum fecisse & peccasse contra ipsum; aliter non posset ei displicere, nec posset dolere Deum se offendisse. Requiritur etiam, quod homo habeat spem recipiendi indulgentiam & veniam à Deo: quia aliter nihil ei proficeret talis displicentia, seu dolor, quia ad hoc ordinatur. Sic ergo ex parte Dei offensi debet dari indulgentia; & ex parte hominis debet esse capacitas indulgentiæ. Sicut enim Deus dat animam rationalem capaci corpori præparato: ita dat veram indulgentiam animæ capaci & præparato: ita dat veram indulgentiam animæ capaci & præparatæ ad recipiendum eam, aliter non. Et ideo sicut corpus est proportionatum animæ, quia aliter non daretur anima; ita necesse est, quod anima proportionetur ad recipiendum indulgentiam à Deo, aliter non daretur ei: quia peccatum est directè cōtra Deum, & Deus nihil habet contra se nisi peccatum, quia peccatum offendit Deum. Et ideo homo non est dignus recipere indulgentiam à Deo, nisi habeat odio peccatum, quod contrariatur Deo, & impugnat ipsum tanquam inimicum capitalem Dei. Quomodo enim posset homo esse amicus Dei, qui diligeret inimicum Dei capitalem, & illum hospitaret, nutrirer & defenderet? Et etiam quomodo posset placere Deo, qui etiam placeret & maneretur inimicum Dei capitalem? Et ideo necesse est, si homo vult mereri & recipere indulgentiam & amicitiam

*Cōtritio  
est neces-  
saria ad  
delendum  
pecca-  
tum.*

*Deus dat  
gratiam  
animæ  
præpa-  
rata ad  
eam.*



*Peccatū  
est ma-  
ximus  
inimicus  
hominis.*

*Quod  
per con-  
fessionem  
expelli-  
tur pec-  
catum.*

*Ad de-  
letionem  
peccati  
duo sunt  
necessa-  
ria.*

& societatem Dei, quòd impugnet & odio habeat totis viribus & toto corde ipsum peccatum & culpam, quia illa sola contrariatur & inimicatur Deo, & maximè ex hoc: quia ipsemet homo existens in culpa generavit ipsum peccatum de seipso: & ergo debet ipsum impugnare omnibus modis, quibus poterit, interius & exterius, & ipsum accusare ore & corde, & operari ad eius destructionem verbo & opere: quia aliter non merebitur indulgentiam. Etiam ex alio, quia homo non habet maiorem, nec deteriorem inimicum, quàm peccatum: quia peccatum non obligat eum solum ad pœnam temporalem, sed æternam, & separat ipsum à Deo, & ab amicitia omnis gaudij & quietis: & per contrarium deiecit ipsum ad diabolum & ad omnem tristitiam & dolorem. Ideo homo debet contra ipsum pugnare tota sua potentia: sicut contra inimicum suum mortalem, & vindicare se de ipso tanquam ab inimico seuerissimo, & expellere ipsum & occidere. Et quia peccatum est etiam inimicus secretus & occultus: quia de ipsius natura est velle occultari: cum ergo inimici eius domestici eius, ideo homo per contrarium debet ipsum discooperire & manifestare per confessionem, & sic ipsum impugnare & expellere. Aliter homo si tenet ipsum secretum: tunc nutrit ipsum & confortat & radicat ipsum, quia facit sibi quòd eius natura desiderat, quòd est velle occultari & nesciri, nec videri. Et ideo istud est maximum vituperium & maxima confusio peccati & maxima cautela ad ipsum expellendum: vt homo ipsum reuelet & manifestet. Si ergo homo diligit seipsum, & cupit inimicum suum capitalem expellere, debet omne vituperium & omnem confusionem adducere contra peccatum, vt ipsum expellat & vincat. Et quia peccatum est deceptiuum & fraudulentum: ideo tanquam deceptor & falsarius debet accusari iudicari & puniri, & ideo homo debet ipsum ponere in iudicio, & petere sententiam contra ipsum, & petere punitionem. Et ideo patet, quod ad veram eradicationem peccati non sufficit displicentia interior, seu odium & tristitia & dolor de ipso: immò requiritur etiam exterior reuelatio & manifestatio, accusatio & iudicatio & punitio: & sic homo præparat se ad recipiendum veram indulgentiam, ita

ita quod detestetur ipsam culpam in anima, & odio habeat, & verbo accuset, & de facto deserat, & reiterare nunquam proponat. Duo ergo inuisibilia debent esse in destructione peccati, vnum ex parte Dei, scilicet indulgentia & remissio; & aliud ex parte hominis peccantis, scilicet pœnitentia interior in corde, quæ est displicentia occulta & inuisibilis de offensa Dei: & ista duo sunt proportionata inter se. Et quia in omni Sacramento inuisibile significatur & manifestatur per visibile: & oportet, quod illud, quod fit exterius manifestè, proportionetur illi, quod fit inuisibiliter in anima: ideo sicut sunt duo inuisibilia necessaria ad destructionem ipsius culpæ, vnum ex parte Dei; & aliud ex parte hominis, qui offendit, quorum vnum est præparatorium, & aliud recipitur, & datur; ita conformiter in isto Sacramento sunt duo visibilia & manifesta exterius, quæ fiunt in isto Sacramento, quæ proportionantur & correspondent illis duobus inuisibilibus, quæ fiunt interiorius in anima. Vnum visibile, quod fit exterius, est ad significandum inuisibile interiorius, pœnitentiam, scilicet interiorem & inuisibilem ipsius hominis pœnitentis, quæ est in corde. Et quia facta & verba exteriora, significant & declarant illud, quod est occultum & inuisibile in corde; ideo per verba & facta, quæ homo facit & dicit exterius significatur & declaratur, quod homo pœnitens habet odio ipsum peccatum, & quod cor suum recessit ab ipso peccato. Item aliud visibile, quod fit & apparet exterius, est ad significandum illud inuisibile, quod facit Deus in anima, sc. remissionem & indulgentiam offensæ & peccati: & est ipsa absolutio, quæ fit in isto sacramento per verba significantia expressè remissionem peccatorum. Vnde sicut in aliis Sacramentis sunt duo exteriora, scil. res corporalis & visibilis, sicut aqua in Baptismo, & chrisma in confirmatione: & ultra hoc sunt verba ordinata à Christo, quæ significant opus inuisibile, quod Deus facit intus in anima: quæ quidem verba proportionantur illi rei corporali, sicut in Baptismo sunt ista verba: Ego baptizo te, &c. quæ correspondent proportionabiliter ipsi aquæ, quia important abluionem; ita proportionabiliter in isto Sacramento sunt duo exteriora. Vnum est, omnia verba

*Materia  
& forma  
Sacra-  
menti  
pœnitentia.*

*Concor-  
dant si-  
gnum &  
signatū  
in hoc  
Sacra-  
mento.*



*Institu-  
tio Sacra-  
mentī pœ-  
nitentia.*

& facta quæ dicit & facit pœnitens : & sunt sicut aqua in Baptismo. Et ultra hæc sunt verba ordinata à Christo, quæ significant opus inuisibile, quod Deus facit intus, quæ quidem verba correspondent proportionabiliter verbis & factis pœnitentis. Et sunt ista verba : Ego absoluo te, &c. Et ista verba correspondent factis & dictis hominis pœnitentis : quia homo pœnitens per verba & facta sua significat cor suum recessisse à peccatis, & sibi displicere offensam Dei. Et per ista verba : Ego absoluo te, &c. Significatur, quòd Deus remisit peccatum & offensam. Ut igitur homo, qui offendit, esset securus de remissione & indulgentia sua, & nullo modo dubitaret, Christus ordinavit & instituit modum pœnitendi, scilicet quòd doleat interius de offensa, & quòd exprimat exterius signa doloris per gemitus & lachrymas : & quòd dicat ore suo, & confiteatur culpam suam, & accuset seipsum : & etiam ordinavit & instituit suum locum tenentem, seu vicarium loco sui corporis, cui homo pœnitens dicat & confiteatur culpam suam, & offendant signa doloris : cui dedit potestatem absoluendi & remittendi culpam & offensam nomine sui. Et ita quicumque offenderit Christum & voluerit habere veram indulgentiam & remissionem suorum peccatorum : faciat ut Christus ordinavit, & indubitanter recipiet veram indulgentiam & remissionem de suis peccatis : quia Christus ordinavit istud Sacramentum pœnitentiæ sicut alia Sacramenta. Et ideo sicut alia Sacramenta sunt semper vera, & datur in eis illud, quod significatur per ea ; ita istud Sacramentum est semper verum : & datur in ipso illud, quod per ipsum significatur, scilicet remissio & indulgentia culparum, quæ commissæ sunt post Baptismum. Et in hoc apparet infinita bonitas Christi, & eius clementia : quæ ut homines, quæ offenderunt non desperarent, ordinavit medicamentum ut istud Sacramentum, per quod possent redire iterum & reuerti ad ipsum, & recipere veniam & indulgentiam. Et in hoc est maxima securitas, quia ipsemet qui offensus est, & contra quem fit peccatum, ordinavit modum, per quem homines possent placare ipsum, & docuit modum & formam & viam redeundi ad ipsum. Et ideo istud Sacramentum est secunda scala post Baptismum, per quam christ. iterum potest ascendere

*Clemen-  
tia Chri-  
sti appa-  
ret in Sa-  
cramēto  
pœniten-  
tiæ.*

*Pœniten-  
tiæ est se-  
cunda ta-  
bula post  
Baptis-  
mum.*

*Tit. 284.*

ascendere ad Christum. In qua scala sunt tres gradus, scilicet Tit. 257.  
 contritio in anima, confessio in verbo, & satisfactio in opere, & ultimo fit absolutio, & sic homo ascendit ad remissionem & indulgentiam. Et quia remissio & indulgentia non potest fieri, nisi etiã recipiatur gratia Christi, seu bene esse prædictum: quia simul dum remittitur offensa culpa, datur gratia, & absoluitur homo ab obligatione infinita & à pœna æterna; ideo in isto Sacramento omnia ista simul fiunt, scilicet quod restituitur gratia, seu bene esse, & vita spiritualis perdita. & fit remissio culpæ, & liberatur homo ab obligatione pœnæ æternæ: & totum fit virtute mortis & passionis Christi, & unitur  
 Quomodo passio Christi differenter applicatur per Sacramenta.  
 cum ea, & recipit eam pro se. Et quia iam declaratum est, quod mors, seu passio Christi superat omnia peccata, quæ fieri possunt; ideo satisfacit pro omnibus peccatis, dum tamen homo uniatur cum ea. Vnde quia sola mors Christi, seu passio potest remittere peccata & obligationem ad pœnam æternam, & quia in Baptismo homo unitur totaliter cum Christo, & per consequens tota passio applicatur ei, ac si tota passio esset sua, & si eam ipsemet homo sustinuisset; ideo fit ei plena remissio omnium peccatorum, & totius pœnæ debitæ pro peccatis: quia homo regeneratur, & fit totus nouus. Sed quando homo iterum cadit in culpam, tunc separatur & diuiditur à merito passionis Christi, & à Christo: & per consequens fit obligatus ad pœnam æternam, sicut ante Baptismum. Sed in isto Sacramento homo, qui erat diuisus à Christo, unitur cum Christo: & per consequens applicatur ei etiam meritum passionis & mortis Christi, & fit particeps in eo: & ideo iterum remittitur ipsi pœna æterna, sicut prius in Baptismo; & ideo istud Sacramentum est loco Baptismi. Sed tamen in Baptismo fit plena remissio omnis pœnæ & æternæ & temporalis: sed in isto Sacramento fit tantum remissio pœnæ æternæ, & soluitur obligatio ad pœnam æternam & infinitam: sed adhuc remanet obligatio ad pœnam temporalem: quia necesse est, quod homo sustineat aliquam pœnam propter peccata sua, ut declarabitur magis infra, quia aliter applicatur passio Christi in isto Sacramento, & aliter in Baptismo: & alio modo fit istud Sacramentum; & alio illud. Quia in Sacramento Baptismi recipitur aqua exterior, quæ est aqua Christi; sed in isto non sunt nisi

Secundū  
 dispositionem  
 interiorē  
 hominis  
 recipitur  
 meritum  
 mortis  
 Christi.



*Per mai-  
iore dis-  
plicentiã  
maior  
gratia  
datur.*

verba & facta ipsius hominismet. Et ideo secundum modum, quem habent verba & facta exteriora, & secundum dispositionem inuisibilem & interiorem in corde, quam significant verba & facta exteriora, secundum hoc recipitur meritum mortis & passionis Christi. Vnde verba & facta exteriora in isto Sacramento sunt loco aquæ in Baptismo. Et ideo homo in Baptismo recipit alienum: quia ipsam aquam ad significandum, quod ei applicatur aliena virtus gratis: & ideo recipit illud in se, quod significatur per aquam, quæ signat plenam & totalem remissionem omnis pœnæ, quia totum abluitur. Sed in isto Sacramento homo recipit in seipso proprios actus & propria verba, & nihil alienum: & ideo proportionabiliter recipit virtutem iuxta capacitatem suam & suorum actuum interiorum & exteriorum. Et ideo qui magis pœnitet in corde & dolet: & exterius ostendit planctum, gemitum & lacrimas: & ore & verbo accusat, improbat, & detestatur peccata sua: magis recipit de virtute & merito mortis & passionis Christi. Apparet igitur qualiter istud Sacramentum pœnitentiæ institutum & ordinatum à Christo vero medico spirituali est verissimum medicamen morbi spiritualis, quia totaliter eradicat & destruit ipsum peccatum: & ei cōtrariatur, quia per pœnitentiam interiorem & displicentiam destruitur radix peccati, quæ erat intus in corde per complacentiam & voluntatem: quia placendo, volendo & delectando intrauerat; & per contrarium displicendo, nolendo, odiendo, & tristando, necesse est, ut eradicetur: postea verò per confessionem ipsum peccatum eradicatum euomitur extra tanquam malus humor & venenosus, & reuelatur ac manifestatur, quæ quidem confessio & manifestatio rectè contrariatur peccato & eius naturæ: quia de natura eius est, quod peccatum vult & appetit semper occultari & cooperiri, & nullo modo videri. Et ideo qui confitetur & ipsum peccatum reuelat, maximè contrariatur ei: & tunc peccatum confusum fugit ab homine, & non habet locum, neque intus in corde, neque extra in ore: quia intus in corde eradicatur, & impugnatur per tristitiam & displicentiam: & extra in ore expellitur per confessionem, & sic necessario fugit tanquam falsus deceptor & proditor reuelatus. Rectissime igitur Christus ordinauit ipsam

ipsam confessionem & reuelationem peccati ad ipsum destruendum, quia de directo est contra ipsum. Et postea per emendam fit factum & opus contrarium ipsi peccato: & sic corde, ore & opere destruitur ipsum peccatum. Et sic homo conuenientissimè absoluitur ab obligatione pœnæ debitæ pro peccato, & fit ei remissio, dum sic impugnauit peccatum: & restituitur ei omne illud, quòd perdiderat propter peccatum & offensam: & sic de nouo restituitur sibi illud, quod datum fuit ei in Baptismo. Et sic apparet, quòd duo sunt Sacramenta quasi duo medicamenta, quæ purgant & destruunt ipsum peccatum tanquam malum & venenosum humorem, scil. Sacramentum Baptismi, & Sacramentum pœnitentiæ, & hoc per duos modos distinctos, sc. per modum purgationis, qui fit per fluxum ventris: & per modum vomitus. Et hoc fit proportionabiliter sicut in medicina corporali: quia non sunt nisi duo modi purgandi malos & nociuos humores de corpore, scilicet vel per ventrem inferius; vel per vomitum superius. Illa, quæ fit per ventrem incipit superius, & venit de alto & tendit inferius; sed vomitus fit per contrarium. Similiter Baptismus venit de alto, & tendit inferius quasi purgans per ventrem inferius: & Sacramentum pœnitentiæ purgat per vomitum. Et sicut purgatio, quæ fit per ventrem inferius, cum minori violentia fit, & leuiter purgat omnes malos humores: sed purgatio, quæ fit per vomitum, fit cum magna violentia; ita similiter purgatio, quæ fit per Baptismum, fit cum pauca violentia & fit leuiter; sed purgatio, quæ fit per vomitum, fit difficulter: sicut purgatio, quæ fit per Sacramentum pœnitentiæ: & illa purgatio est molesta & violenta. Sic ergo illud, quòd fit exterius in Sacramento, significat illud, quòd fit interiùs in anima: & sicut peccata per confessionem euomuntur extra; ita significatur, quòd etiam exeunt extra animam & purgantur; ita quòd quando sunt confessa totaliter, sunt extra animam facta priùs absolutione.

\*\*\*

*Duo sũt  
Sacra-  
menta  
necessa-  
ria qua-  
si duo  
medica-  
menta.*



## T I T V L V S C C X C V .

*Quod Sacramentum Pœnitentia à Christo ordinatum fit per modum voluntarij iudicij particularis & secreti, in quo idem est accusans & accusatus, seu actor & reus, & testis & reus, verè accusatus, verè est absolutus: & quantò magis fit accusatus, tantò magis fit excusatus.*

*Tit. 250.  
& 100.*

*Duo sunt  
status  
post Bap-  
tismum.*

*Peccans  
recedens  
ab ordi-  
ne natu-  
rae cadit  
in ordinē  
diuinæ  
iustitiæ.*

**A**D habendum maiorem notitiam de Sacramento Pœnitentiæ est considerandum, quod duplex est ordo, scilicet ordo naturæ & ordo iustitiæ seu iudicij: & isti duo ordines claudunt omnia: quia qui recedit ab ordine naturæ, cadit in ordinem iustitiæ, seu iudicij. Et hoc iam declaratum fuit in tractatu de reparatione, qualiter primò homo, qui recessit ab ordine naturæ, statim cadit in ordinem iustitiæ & punitionis. Et si ordo iustitiæ non esset, malum & peccatum esset inordinatum & sine ordine: quod fieri non potest. Et sicut ante Baptismum considerauimus duos status in homine, scilicet statum primum & perfectum, in quo homo fuit factus: & statum secundum & imperfectum, in quem seipsum deiecit homo voluntariè: ita etiam post Baptismum consideramus duos status hominis. Primus est sanus & bonus, in quo homo est restitutus & renouatus: & iste status correspondet primo statui primi hominis, qui erat perfectus: secundus status est status lapsus, in quem homo cecidit post Baptismum. Sicut enim primus homo cecidit à primo statu suo propter offensam in statum lapsum: ita similiter homo potest cadere à statu nouo Baptismi in statum lapsum, & hoc propter offensam & iniuriam. Et ideò oportet hos duos status post Baptismum comparare ad duos status ante Baptismum: & sic erunt quatuor status in humana natura. Sicut ergo homo ante baptismum, quando à statu primo, in quo Deus ipsum fecerat, recessit, cecidit in alium statum & ordinem, scilicet iustitiæ, & obligauit se ad pœnam & punitionem æternam & etiam temporalem: ita pariformiter quando homo iam renouatus in Baptismo per gratiam Christi sine suis meritis recedit ab illo statu bono, in quo Christus ipsum regenerauit per suam gratiam, necesse est etiam, quòd

quòd cadat in ordinem iustitiæ & iudicij, & obligationem ad pœnam æternam & temporalem. Et videtur etiam, quòd de tanto maiorem obligationem causat, & maior pœna ei debetur, de quanto status iste, in quo fuit renouatus, cum maiori difficultate est factus, quàm status primi hominis: quia iste status fuit emptus pretio magno, quia per mortem Dei & hominis: & status primi hominis fuit factus sine labore & sine difficultate, & de nihilo. De tanto igitur videtur homo magis culpabilis & reus, quando perdidit voluntariè talem statum cum maxima difficultate factum, quia committitur maxima ingratitudo. Vnde faciliter fuit homo factus, sed cum maxima difficultate reparatus. Ideò qui voluntariè perdit talem statum, meretur maximam pœnam & grauissimè peccat. Item quando homo perdit istum statum, & cadit voluntariè ab eo Deum offendendo, non solum offendit Deum Creatorem, imò Curatorem, & Deum & Redemptorem, & sic duplicatur offensa: & etiam offendit totam societatem Christianorum, qui sunt vniti cum Christo, & sunt membra Christi. Et sic offensa & iniuria, quæ fit post Baptismum, est grauissima: & propter hoc offendens obligatur ad maiorem pœnam & punitionem, quàm ante Baptismum. Vnde ante Baptismum offendit Deum; sed post Baptismum offendit Deum & hominem, Deum hominem factum propter hominem & crucifixum. Et sic de quanto Deus est factus homini propinquior, de tanto offensa & iniuria est deterior & malignior: quia ante Baptismum homo erat obligatus Deo Creatori; sed post Baptismum homo obligatur Deo homini Creatori & Redemptori. Item sicut ad reparandum hominem de primo lapsu, necesse fuit Deum hominem mori, & ita etiam necesse esset ad reparandum hominem de secundo lapsu post Baptismum Deum & hominem mori: quia peccatum non potest destrui, nisi per mortem Dei hominis. Et sic quando homo peccat post Baptismum, indiget si debeat saluari, vt Deus homo iterum moriatur pro eo: & hoc quantum in eo est: & sic necesse esset Christum quotidie mori pro peccatis. Sed quia semel Deus homo mortuus est; & amplius mori non potest: quia factus

*Homo  
faciliter  
fuit fa-  
ctus; sed  
difficul-  
ter repa-  
ratus.*

*Offensa  
post Bap-  
tismum  
est gra-  
uissima.*



*Peccans  
si debet  
liberari,  
oportet,  
quòd re-  
nouet  
mortem  
Christi  
in se.*

factus est immortalis, & sufficit mors sua semel facta pro omnibus peccatis mundi: & quia esset inconueniens Christum totiens mori, quotiens nos peccamus: ideo loco mortis & passionis Christi actualis fit eius memoria in missa, ac si mortem sustineret pro peccatis. Et ideo si homo lapsus post Baptismum debeat liberari à peccato, necesse est, quod renouet iterum mortem & passionem Christi in seipso, & hoc per memoriam, compassionem & deuotionem, ac fidem.

*Status  
creatio-  
nis & re-  
paratio-  
nis com-  
parantur  
inter se.*

Vt igitur clarè intelligamus reparationem istam, oportet comparare lapsum istum secundum ad lapsum primum: & statum renouationis ad statum creationis & primæ conditionis, & reparationem secundam ad reparationem primam. Vnde primus homo habuit duos status, scilicet statum perfectum, in quo Deus ipsum fecerat: & statum lapsum, in quem propria voluntate & sua culpa ceciderat; sed alij homines post ipsum habuerunt vnum statum tantum, scilicet statum lapsum, quem receperunt ab eo: quia per ipsum & in ipso alij fuerunt lapsi, sed quilibet postea propria voluntate augmentauit suum lapsum faciendo semper peccatum & augmentando culpas. Et ideo quia in primo lapsu homines sunt lapsi per alium: ideo regenerantur & renouantur gratis per Baptismum: quia si puer est, non est necesse, nisi quòd alius credat in Christum pro eo & consentiat: quia totum lapsum accepit ab alio: nec aliquid addidit de proprio: sed si est adultus: necesse est, quòd habeat fidem propriam & consensum proprium: & quod displiceat ei vita præterita lapsa; sed non oportet, quòd portet aliquam pœnam exterius, neque confiteatur, neque faciat planctum, neque luctum; quia quamuis propria voluntate peccauerit; attamen de necessitate peccauit: propterea quia habebat naturam lapsam, & istam necessitatem peccandi accepit ab alio. Et ideo prima reparatio hominis per Baptismum fit gratis & absque pœnitentia exteriori, sed sufficit fides propria & interior pœnitentia, seu displicentia, & applicatur ei tota mors Christi gratis ad satisfaciendum pro omnibus suis peccatis,

*Quomo-  
do per  
Baptis-  
mum re-  
nouatur.*

peccatis , quæ de necessitate fecit , quamvis voluntariè fecerit , ac si ipse sustinuisset pro seipso mortem illam. Et sic sicut Deus gratis fecit hominem , quando non erat ; ita gratis reparat hominem , quando lapsus est. Sed quando homo non erat , non requirebatur proprius consensus , ut fieret ; sed quia quando homo est lapsus & reparandus , extitit , iam & est. Et ideo necesse est , quòd ipse consentiat & velit reparari , si adultus sit : quia nihil debet fieri in homine contra suam voluntatem , nec debet reparari contra liberum arbitrium : & ideo ad reparandum hominem requiritur proprius consensus. Si ergo ad primam reparationem requiritur fides & credulitas in homine , & displicentia de vita præterita sine alia satisfactione & pœnitentia exteriori , & totum remittitur ei gratis , ac si nunquam peccasset : est hoc quia ab alio habuit lapsum & necessitatem peccandi ; sed postquam homo per Baptismum & regeneratus & reformatus & reparatus de primo lapsu , in quo erat per alium , & non per se ; si cadit ulterius in peccatum & offensam Dei : tunc cadit in obligationem pœnæ æternæ. Et ex isto casu non potest ita faciliter reparari , neque resurgere , sicut de primo : quia in isto lapsu secundo post Baptismum homo cadit sua propria voluntate & sua propria culpa , & non de necessitate : quia iste lapsus non venit sibi ab alio , sicut primus : quia iam erat regeneratus & reformatus à primo lapsu per Baptismum ; & ideo poterat stare in illo , si voluisset : & si cadat , totum imputatur ei , & ipsemet est in culpa & nullus alius. Et iste lapsus est sicut primi hominis in propria persona : quia primus homo habuit statum perfectum , & potuisset steterisse in illo , si voluisset. Et ideo sicut primus homo habuit duos status in propria persona , scilicet *Homo perfectum & lapsum* ; ita homo , qui cadit post baptismum in peccatum habet duos status , scil. bonum post baptismum , in quo stare poterat , si voluisset : & alium *post Baptismum lapsum* , in quem seipsum præcipitavit. Sed in hoc est differentia , quia primus homo non habuit aliquid eum *duos stantans* , aut instigans interiùs , ad cadendum , seu peccandum , sicut *tus sicut Adam* ,



*Peccans  
post Ba-  
ptismum  
diffici-  
lius re-  
paratur.*

*Peccatū  
de sua  
natura  
est iudi-  
cabile.*

*Titu. 82.*

dum, scilicet propriam carnem, sed solum exterius: sed homo iam habet aliquid interius instigans ad peccandum, scilicet propriam carnem: & etiam habet aliquid exterius instigans, scilicet diabolum inuisibilem & mundum. Et ideo quantum ad hoc casus & lapsus secundus, scilicet post Baptismum, est magis venialis & minus culpabilis, & non tantum punibilis, sicut lapsus primi hominis in propria persona. Sic ergo quia homo cadit a suo primo statu post Baptismum per se, licet alio instigante, sed non cogente, nec de necessitate, cum poterat stare, si vellet: iam non ita leuiter poterit reformari de isto secundo lapsu, sicut de primo: quia iste lapsus secundus est omnino suus. Et ideo necesse est, quod homo plus faciat, si velit resurgere de primo: quia non sunt æquales isti duo casus, nec æqualiter imputabiles, neque punibiles. Et ideo quando homo voluit resurgere de primo lapsu per Baptismum; tunc necessaria fuit ei fides propria, si fuit adultus, ac consensus ac displicentia de vita præterita, & passio Christi supplebat totum residuum, quod homo debebat: ideo si vult resurgere de secundo lapsu, necessaria est pœnitentia interior & exterior. Si enim requiritur pœnitentia interior in primo lapsu, sequitur, quod in secundo lapsu ultra hoc requiritur pœnitentia exterior cum merito passionis & mortis Christi. Ergo sequitur, si homo vult resurgere de secundo lapsu, necesse est, ut habeat pœnitentiam intus & extra, & etiam ut sibi suffragetur mors & passio Christi. Et quia in pœnitentia exteriori est necessaria & requiritur pœna & punitio secundum naturam & exigentiam peccati: ideo oportet, quod hoc fiat per iustitiam & iudicium, quia homo cecidit in ordinem iustitiæ, sicut primus homo quando peccauit: quia peccatum de natura sua est iudicabile & punibile, & ei debetur pœna & punitio. Et hoc declaratum est ad lōgum in capitulo de comparatione hominis per liberum arbitrium: quia opera hominis de natura sua sunt remunerabilia & punibilia: & ideo requirunt iudicium, quod examinet ea, & retribuatur unicuique quod ei debetur. Et ideo oportet, quod peccata puniantur iuxta suam naturam; quia aliter esset aliquid inordinatum in vniuerso, si non daretur ei pœna debita. Et ideo necesse est, quod peccatum, seu culpa veniat in iudicium. Vnde peccatum

tum inquantum respicit Deum infinitum & æternum, contra quem est talis culpa, meretur pœnam infinitam & æternam : quia offensa & iniuria est infinita. Et ideo per iustitiam punitio debet esse infinita. Sed inquantum respicit hominem qui peccavit : tunc non debetur ei punitio infinita : quia homo non est infinitus. Vnde peccatum quia est voluntarium & inordinatum, & voluntas est inordinata : sed quia talis inordinatio non est infinita, sed finita; ideo non debetur ei propter hoc punitio infinita, nec æterna. Vnde in peccato tria possumus considerare. Primum est offensa & contemptus Dei, secundum est ipsum malum opus, quod de se est inordinatum, & fieri non debere : & tertium est, quod est voluntarium, & est ibi proprius consensus, & per consequens delectatio & complacentia in malo, quod est contra Deum. Quantum ad primum debetur peccato, seu culpæ pœna infinita, quantum ad secundum & tertium non debetur homini pœna infinita, sed finita : & ideo temporalis & non æterna. Quando ergo peccatum factum est, ita duplex punitio & pœna debetur ei, vna ex parte Dei offensi & alia ex parte peccati in se. Sed quia pœna & punitio debent correspondere culpæ ; ideo tandiu debet durare pœna, quamdiu durat culpa, quia culpæ debetur punitio. Ideo si culpa sit perpetua, necesse est, quod pœna sit perpetua : & si culpa sit temporalis, pœna debet esse temporalis. Et culpa ideo est culpa, quia voluntaria est & placens : ideo non potest destrui, nisi per suum contrarium, scilicet quod fiat inuoluntaria & displiceat inquantum culpa est in se ; aliter semper manet. Et ideo si homo, qui est in culpa, moritur cum culpa sine displicentia culpæ inquantum culpa est : tunc moritur cum culpa, & talis culpa manebit cum eo in æternum : & ideo etiam tunc pœna ei debita necessario erit perpetua : quia nunquam in æternum culpa debet esse sine sua propria pœna ei debita. Sed si culpa inquantum culpa est, displiceat homini : tunc destruitur culpa in eo, & per consequens pœna non debetur ei ulterius pro culpa, nisi quæ convenit tali culpæ, quia iam lucratus fuerat pœnam, postquam culpa facta erat. Et sic quamvis homini displiceat culpam inquantum culpa est ; non tamen propter hoc liberatus est à pœna, quæ culpæ debebatur ; sed solum liberatur ad hoc, quia non punietur in perpetuum pro

*In peccato tria considerantur.*

*Qualiter peccato debetur pœna æterna.*



pro illa culpa : quia est destructa. Sic ergo quamvis culpa sit finita; potest tamen habere pœnam perpetuam, si ipsa culpa sit perpetua. Similiter quia culpa inquantum est offensa & contemptus Dei, & auersio à Deo infinito & æterno, debet habere pœnam infinitam, si debeat destrui, oportet, ut displiceatur homini inquantum est Dei offensa & iniuria, & sub illa ratione; aliter semper maneret offensa ipsa. Et si culpa displiceat homini inquantum est culpa, seu inordinatio voluntaria, & non displiceat ei inquantum est offensa respectu Dei : & tunc remanet culpa quantum ad Deum, & debetur ei punitio infinita. Sed quia offensa Dei est infinita, & Deus est infinitè bonus, quia sua bonitas est infinita : ideo ipsa culpa inquantum est Dei offensa, est contra bonitatem infinitam : & ideo si talis culpa debeat destrui inquantum est Dei offensa, requiritur displicentia infinita. Et etiam quia iniuria est & offensa Dei : quia honor suus est læsus, requirit emendam infinitam : quia non sufficit displicentia infinita de ipsa offensa, nisi restituatur illud, quod est læsum. Et quia homo non potest habere displicentiam infinitam, nec potest facere emendam infinitam, nec satisfactionem : ideo impossibile est, quòd homo per se possit destruere peccatum, siue offensam Dei inquantum est offensa Dei, quantumcunque ei displiceat. Et ideo necessaria est homini mors & passio Christi, quæ est infinitum pretium : ut iam declaratum est. Et ideo ipsa mors Christi iuncta cum displicentia hominis destruit culpam, seu peccatum inquantum est offensa Dei. Sic ergo homo in secundo lapsu, si vult resurgere, necesse est, quòd habeat displicentiam de culpa duobus modis, scilicet inquantum est culpa, & inquantum est offensa Dei, & ultra hoc etiam requiritur mors Christi. Per displicentiam ergo culpæ inquantum est offensa Dei & per mortem Christi, tollitur totaliter offensa Dei & iniuria, & fit plena satisfactio & emenda de ipsa culpa inquantum est offensa Dei; sed adhuc remanet pœna & punitio pro culpa, inquantum culpa est inordinata, & inquantum voluntaria est. Et quia ista pœna est finita; ideo potest homo eam sustinere per se & debet : sicut etiam cecidit per se in culpam, cum potuit stare : quia hoc requirit iustitia : & ideo debetur homini pœna temporalis pro ipsa culpa iuxta qualitatem culpæ, nec ipsa

*Tit. 257.*  
*Pœnitē-*  
*tiam oportet habere duas displicē-*  
*tia.*



ipsa mors Christi debet satisfacere pro tali pœna, quamvis posset: quia homo debet eam tolerare, & potest postquam per se cecidit in culpam. Et ideo quia talis punitio, seu pœna debet correspondere culpæ & ei proportionari: ideo necessarius est ordo iudiciarius in hoc mundo, seu iustitiæ, in quo ipsa peccata, seu culpæ examinentur & iudicentur & debite puniantur, secundum quod eis convenit: ne sint inordinata in universo: quia peccata recte ordinantur, quando debite puniuntur. Et quia peccata sunt duplicia, aliqua sunt occulta, & aliqua manifesta: ideo necessarius est ordo iudiciarius duplex, scilicet publicus & occultus, seu secretus, & per consequens duplex iudicium, & duplex punitio, scilicet publica & secreta: quia peccata publica faciunt offensam publicam & scandalum publicum, & ideo requirunt de natura punitionem publicam. Et quia peccata secreta non possunt iudicari, neque examinari, nisi reuelentur & manifestentur: ideo necessaria est confessio peccati & culpæ, & ideo necessarium est Sacramentum pœnitentiæ, in quo fiat iudicium secretum de ipso peccato, & examinatio secreta, & confessio secreta: & ideo pœnitentia exterior requirit confessionem peccati & punitionem debitam. Et quia homo, qui vult resurgere & restaurari de secundo lapsu, oportet quod voluntarie faciat omnia, quæ sunt necessaria ad destruendum ipsum peccatum; ideo oportet quod interior pœnitentia, seu displicentia & confessio exterior: & etiam pœna, seu punitio fiant voluntarie; aliter nihil proficerent. Debet ergo ipsa displicentia esse voluntaria, & etiam confessio & pœna: aliter licet sustineret omnem pœnam, & non esset voluntarie, adhuc remaneret homo obligatus ad pœnam æternam. Et quia confiteri peccata est pudor & pœna: ideo in confessione fit etiam quædam pœna & punitio peccati, seu culpæ. Et ideo quanto magis ipsa confessio est accusatoria, & cum maiori pudore; tanto magis satisfacit pro peccatis & pro pœna debita. Et quia ista confessio est voluntaria & non coacta, & homo accusat seipsum voluntarie, & ponit se in iudicio, & quanto magis hoc facit: tanto magis punit peccatum & seipsum, & ideo magis placet Deo, & per consequens magis excusatur apud Deum. Sic ergo patet, quod Sacramentum pœnitentiæ est ordinatum propter

*Duplex  
ordo iudicij  
peccato  
debitus.*

*Pœnitentia  
debet esse  
voluntaria.*



secundum lapsum, scilicet propter peccatum perpetratum post Baptismum & hoc per modum iudicii particularis, in quo homo debet seipsum accusare. Et quia istud Sacramentum potest esse necessarium omni homini, quia quilibet potest cadere in peccatum post Baptismum: & quia homines separati sunt per diuersa loca per mundum; ideo necessarij sunt multi iudices à Deo ordinati, qui habeant potestatem iudicandi & scientiam examinandi. Et quia ista potestas debet esse ordinata; ideo necesse est, quod vni homini primo & principaliter sit data illa potestas & autoritas iudicandi, qui ultra habeat communicare & concedere pluribus, sicut sibi videtur expedire: vt sic per totum orbem lapsi possint resurgere per istud Sacramentum pœnitentiæ. Patet etiam, quod sicut sunt duo lapsus, etiam sunt duo modi resurgendi, scilicet Baptismus & pœnitentia: & qualiter oportet, quod homo plus operetur ad resurgendum de secundo lapsu quàm de primo. Et similiter patet, qualiter operatur aliter Baptismus, & aliter pœnitentia: quia baptismus operatur per modum gratiæ: & pœnitentia per modum iudicii, seu tristitiæ.

## T I T V L V S C C X C V I.

*Quod sicut in primo lapsu aliquid remanet perpetuum & indelebile de primo statu creationis; ita in secundo lapsu remanet aliquid perpetuum & indelebile de statu regenerationis.*

**E**T quoniam secundus lapsus hominis post Baptismum comparatur ad primum lapsum post statum creationis: ideo sicut in primo lapsu remansit in homine imago perpetua creationis, quamuis fuit deformata & remansit liberum arbitrium, in quo semper est imago naturalis creatoris indelebilis, licet non mansit similitudo, sed dissimilitudo; ita ergo quia homo lapsus retinuit aliquid, & perdidit aliquid, quia perdidit similitudinem creatoris, & retinuit suam imaginem naturalem indelebilem ac perpetuam, quæ destrui non possit, per quam habuit spem & fundamentum resurgendi, per quam etiam iterum potuit reuerti ad similitudinem Dei: quia si non remansisset imago, non potuisset reparari; ita conformiter in secundo lapsu remanet

remanet imago perpetua in homine, vel signum Christi Redemptoris, seu reparatoris, quamvis sit deformata: ita quod homo in secundo lapsu aliquid retinet de statu Baptismi & regenerationis, scilicet imaginem Christi perpetuam & indelebilem, seu sigillum suum indelebile impressum in anima, quod destrui non potest: & etiam aliquid perdidit, quia perdidit similitudinem Christi. Necesse enim est, quod sicut in primo lapsu remanet imago perpetua creatoris; ita in secundo lapsu remaneat imago Redemptoris. Et ideo illud sigillum, seu character remanens de Christo post lapsum est fundamentum, ut iterum homo possit redire ad similitudinem & amicitiam Christi: quia si nihil remaneret in homine de Christo, modo haberet fundamentum resurgendi. Sicut quando brachium paralicatur, retinet aliquid perpetuum de capite, scilicet, nervos: & aliquid perdit, scilicet sensum & motum: & si nervi destruerentur, brachium amplius non posset resurgere, nec restaurari, nec recipere sensum & motum; ita conformiter si homo in secundo lapsu nihil retineret de ipso Christo, qui est caput, non posset resurgere. Et ideo sicut in brachio semper remanent nervi fundamentales, qui ligant brachium cum capite; ita similiter in homine lapsu remanet imago Christi, seu character, siue sigillum eius tanquam fundamentum ligant aliquantulum hominem lapsum cum Christo capite. Et ideo potest esse spes resurgendi.

## TITVLVS CCXCVII.

*Quod sicut Baptismus relinquit reliquias primi lapsus in carne; ita Sacramentum pœnitentiae relinquit reliquias secundi lapsus in anima.*

**D**ictum est autem, quod Sacram. Baptismi ordinatur contra primum lapsum, & quod Sacramentum pœnitentiæ ordinatur contra secundum lapsum, & quod quando homo vult resurgere de primo lapsu, sufficit ei pœnitentia interior & displicentia vitæ præteritæ & fides: & eorum residuum operatur Baptismus per passionem Christi, scilicet remissionem plenam omnis culpæ, seu offensæ, & omnis pœnæ de-



*Tit. præcedenti.*

*Passio Christi plus operatur in Baptismo quam in aliis Sacramentis.*

*Quomodo post pœnitentiam relinquuntur reliquiae peccati in anima.*

bitæ pro culpis propriis & offensis : sed quando homo vult resurgere de lapsu secundo post Baptismum , plus debet facere de proprio suo , sicut fecit de malo plus : quia non sufficit ei pœnitentia interior , sed requiritur pœnitentia exterior , scilicet confessio & satisfactio , seu emenda & temporalis punitio : & residuum totum operatur passio Christi , scilicet remissionem offensæ , & culpæ , & remissionem æternæ pœnæ debitæ ; sed relinquit pœnam temporalem debitam , ut dictum est. Et ideo plus operatur Baptismus quam Sacramentum pœnitentiæ quantum ad passionem Christi : ideo plus operatur passio Christi in Baptismo , quam in Sacramento pœnitentiæ : quia in Baptismo tota passio Christi applicatur homini , ac si ipsemet eam sustinuisset , ut totaliter innouetur : & hoc non fit in Sacramento pœnitentiæ. Et similiter per contrarium plus operatur homo per se & de suo proprio in Sacramento pœnitentiæ quam in Sacramento Baptismi : quia in utroque Sacramento sic requiritur , ut scilicet homo plus operetur de se , & de suo proprio ibi , quam ibi : & plus operetur mors Christi ibi , quam ibi ; tamen utrobique operatur de necessitate : quia sine morte Christi non potest fieri remissio culpæ & pœnæ æternæ ; sed plus soluit ibi quam ibi pro homine , sed utrobique soluit infinitum debitum. Et ideo quia proportionabiliter se habet Baptismus ad primum lapsum , & Sacramentum pœnitentiæ ad secundum lapsum : ideo sicut Baptismus relinquit reliquias aliquas in carne de de primo lapsu , quia relinquit concupiscentiam carnis vitiosam , seu fomitem , contra quem anima debet pugnare , quamdiu est in carne ; sed in anima non relinquit reliquias peccati : quia totam eam mundat & lauat , & armat eam per gratiam contra concupiscentiam carnis vitiosam , ut non dominetur , nec regnet : & etiam diminuit ; ita similiter Sacramentum pœnitentiæ relinquit in anima reliquias secundi lapsus , quia relinquit reliquias peccati , seu culpæ , scilicet quasdam inclinationes & dispositiones , seu pœnitates ad peccandum , quæ erant generatæ in anima per operationes peccati. Quia quælibet operatio bona , vel mala relinquit suam similitudinem in anima : & quandam dispositionem ad similiter operandum , per quam homo inclinatur & habilitatur ad operandum bonum , vel



vel malum : & quandoque generatur consuetudo peccati voluntaria. Vnde post peccatum , seu malum opus duo remanent ; & tamen operatio transit & non remanet : vnum quod remanet , est culpa , seu offensio Dei, & ex illa sequitur obligatio ad pœnam temporalem & æternam : & aliud , quod remanet , est dispositio & inclinatio ad faciendam similem operationem : quia actus humani & operationes hominis habent istam conditionem , quod semper relinquunt suam similitudinem in homine, & exinde per reiterationem fit quædam consuetudo , & vsus, & habituatio ad faciendum voluntariè similiter malam operationem. Et ista dispositio , seu inclinatio , seu habituatio ad faciendum voluntariè similiter malam operationem. est vitium corruptionis in anima generatum : & hoc vocatur reliquæ peccatorum. Vnde in peccato duo sunt de necessitate, scilicet auersio à Deo, seu contemptus Dei, & derelin-

In pec-  
cato mor-  
tali duo  
sunt.

quere & deserere Deum ; & aliud est conuersio inordinata & voluntaria ad creaturam contra voluntatem creatoris, scilicet quia homo relinquit voluntatem Dei, & conuertit se ad propriam voluntatem , & sic præponit voluntatem suam voluntati Dei. Et ideo propter primum fit offensa Dei & iniuria ; & propter secundum, scilicet conuersionem inordinatam & voluntariam & delectabilem ad bonum creatum , generatur & fit dispositio & inclinatio in anima vitiosa : & hoc totum insimul vocatur peccatum mortale : quia separat animam à Deo , qui est vita animæ : & ideo occidit animam statim , & obligat eam ad pœnam æternam, non propter hoc, quia homo conuertit se ad bonum creatum inordinatè & ad suam propriam voluntatem ; sed propter hoc , quia relinquit & contemnit Deum & suum mandatum. Si autem homo conuertatur ad creaturam & ad suam propriam voluntatem inordinatè plus quàm debeat absque deliberatione , & non propter hoc derelinquit Deum : tunc est peccatum veniale, & non mortale. Et tunc fit in anima quædam dispositio & inclinatio ad malum , sed non propter hoc recedit à Deo totaliter , licet non tantum adhæreat Deo : & si tales actus multiplicentur , generabunt maiorem inclinationem , & in fine separabunt hominem à Deo , & fiet mors animæ & peccatum mortale, quia conuertent animam totaliter ad creaturam ; & sic

Peccatū  
veniale.



homo totaliter relinquet Deum. Et ideo habendo respectum ad Deum : non variantur peccata, neque diuersificantur : quia isto modo peccatum non est aliud, nisi auersio à Deo & contemptus Dei. Sed habendo respectum ad creaturas & ad bonum creatum, ipsa peccata distinguuntur & diuersificantur, secundum quod illud bonum creatum diuersificatur. Et ideo sunt in numero septem peccata mortalia in generali ; & tamen conueniunt in vnum : quia quodlibet est auersio à Deo & contemptus Dei. Sic ergo in Sacramēto pœnitentiæ quia est ordinatum ad destruendum peccatum mortale, in quantum est auersio à Deo, & offensa Dei, & in quantum obligat ad pœnam æternam : & ideo de virtute sua destruit culpam & offensam & auersionem à Deo, & pœnam debitam propter hoc ; sed non destruit dispositionem & inclinationem relictam per peccatum, & per conuersionem ad creaturam : nec pœnam debitam propter talem ordinatam conuersionem ; sed tamen diminuit talem inclinationem ac dispositionem, vt non dominetur, nec regnet : & dat adiutorium & auxilium animæ ad pugnandum contra talem inclinationem vitiosam & ad destruendum eam paulatiue, sicut homo per seipsum generauerat eam in seipso paulatim. Et sic Baptismus scindit ab anima omnes reliquias tales & totaliter remouet : sed relinquit in carne longè ab anima inclinationem vitiosam ad malum, licet eam aliquantulum scindat, sed non totam : sic Sacramentum pœnitentiæ non scindit totaliter ab anima reliquias & superfluitates relictas per peccatum, licet diminuat & aliquantulum scindat, sed non totaliter : quia non ordinatur nisi ad culpam & offensam Dei tollendam & ad pœnam æternam auferendam.

## T I T V L V S . C C X C V I I I .

*Quod post Sacramentum pœnitentiæ debet iterum homo sumere Sacramentum Eucharistiæ ad nutritionem vitæ spiritualis, & ad recuperandum deperditum, & ad remouendum & purgandum reliquias peccatorum relictas post pœnitentiam.*

**E**T quoniam Sacramentum pœnitentiæ restituit homini vitam spiritualem perditam, & relinquit reliquias peccatorum & etiam relinquit hominem obligatum

garum ad pœnam temporalem: ideo quia corpus Christi ordinatum ad nutritionem hominis in vita spirituali, & ad perficiendum eum: ideo post Sacramentum pœnitentiæ, in quo homo surrexit de secundo lapsu & de morte, recuperavit vitam perditam, & est reconciliatus cum Christo: debet iterum sumere Sacramentum corporis Christi, & non ante, dum existit in lapsu & in morte, quia nutrimentum præsupponit vitam præexistentem. Sicut enim homo mortuus non debet nutriri; ita homo existens in secundo lapsu, quia perdidit vitam spirituale, non debet nutriri cibo spirituali sed debet primò per pœnitiã resurgere, & postea cibo spirituali refici. Quia sicut nutrimento fieret iniuria, si daretur mortuo: ita sine comparatione fieret maxima iniuria Sacramento corporis Christi, in quo continetur totus Christus, si daretur mortuo in vita spirituali: & ideo talis non nutriretur, sed magis mors in eo augmentaretur, & offensa & culpa crescerent. Nam talis tenet maximum inimicum Christi in corde suo occultum, & amat ipsum: quia solum peccatum est contra Deum: & ideo si talis capiat Christum in seipso, facit tantum scandalum, ac si vellet perdere & occidere Christum: sicut si aliquis reciperet Regem in domo sua, in qua teneret inimicum capitalem Regis occultum. Etiam hoc esset contra significationem Sacramenti: quia hoc est Sacramentum vnitatis & pacis; sed talis, qui est in lapsu, & diuisus & separatus à Christo per amorem & voluntatem: & sic non acciperet Sacramentum pro se, sed contra se: & ideo mereretur magnum tormentum, quia acciperet potentem contra se. Debet igitur homo lapsus resuscitari primò à mortuis, & redire viuus, & reconciliari Christo, & vniri per amorem. Sicut enim homo antequam surrexit de primo lapsu per Baptismum non debet sumere Sacramentum corporis Christi: ita etiam non debet sumere, si post Baptismum ceciderit, nisi surrexerit primo de secundo lapsu. Sic ergo post Sacram. pœnitentiæ debet homo suscipere Sacram. Eucharistiæ, ut nutriatur. Item etiam quia purgatio fit per calorem & ignem, & ideo ignis & calor spiritualis, qui est amor, purgat maculas spirituales. Et quia in anima remanent post pœnitiã reliquiæ peccatorum vitiosæ, scilicet inclinationes & dispositiones vitiosæ quæ impediunt animam,

*Non ui-  
uificatur  
sumens  
corpus  
Christi  
in mor-  
tali.*



*Contra  
reliquias  
peccati  
debet  
quis su-  
mere Eu-  
chari-  
stiam.*

ne totaliter tendat ad Christum, & aliquo modo obte-  
nebrant: & quia Sacramentum Eucharistiæ est Sacramen-  
tum amoris, in quo augetur amor spiritualis & ignis:  
ideo datur istud Sacramentum, ut purget reliquias pec-  
catorum animæ, & ut comburat & consumat totum,  
& ut remoueat omnes inclinationes animæ contrarias,  
& ut det habilitates & dispositiones ac inclinationes  
ad oppositum. Et sicut anima purgatur, illuminatur, ac  
perficitur per Sacramentum Eucharistiæ; ita etiam ad  
tollendum tales reliquias debet homo summere illud  
Sacramentum. Item etiam quia per istud Sacramen-  
tum homo magis vnitur & incorporatur Christo, &  
per consequens magis vnitur morti & passioni Chri-  
sti, quæ satisfacit pro omnibus peccatis, & per conse-  
quens fit homini remissio pœnæ debitæ secundum ma-  
iorem, vel minorem deuotionem ad Christum & ad  
mortem eius. Et sic illud, quod Sacramentum pœni-  
tentiae non potuit complere, complet Sacramentum  
istud. Et sic Sacramentum Eucharistiæ reducit ad pu-  
ritatem Baptismi, & sic Sacramentum pœnitentiae &  
Eucharistiæ tantum faciunt in secundo lapsu, sicut Ba-  
ptismus in primo. Et ideo quia homo post Baptismum  
potest frequenter cadere in peccatum mortale & labi:  
propter hoc homo debet se exercitare frequenter in istis  
duobus Sacramentis: quia per Sacramentum pœniten-  
tiae quotiescunque quis ceciderit post Baptismum in  
peccatum, potest resurgere & leuari, à lapsu, & recu-  
perare vitam perditam & amicitiam Dei: & per Sacra-  
mentum Eucharistiæ potest resumere vires spirituales  
& fortitudinem: & ideo ista duo Sacramenta debent  
frequentari: quia nullus potest uti Sacramento Baptismi  
nisi semel. Sicut enim homo fuit semel creatus & fa-  
ctus, & non bis: & homo est semel natus & generatus  
& non bis; ita semel debet homo regenerari, & non bis,  
& maxime quia in Sacramento regenerationis recipit  
homo in anima imaginem, siue characterem Christi  
indelebilem, & ideo reiterari non debet: & ideo Sacra-  
menta pœnitentiae & Eucharistiæ coniuncta sup-  
plent vicem Baptismi. Et sicut homo decedens post Ba-  
ptismum statim euolat ad vitam æternam; ita etiam  
homo exercitans se in istis duobus Sacramentis tantum  
purificabitur, quod sine pœna transibit ad regnum cæ-  
lorum.

TITVLVS

## TITVLVS CCXCIX.

*Quod etiam tribulatio, seu afflictio, siue pœna corporalis voluntaria cum amore Christi purgat animam à reliquiis peccatorum, & satisfacit pro pœnis debitis, & custodit animam, ne inficiatur & cadat, & unit eam cum Christo.*

**Q**Uoniam autem dictum est, quòd Sacramentum pœnitentiæ relinquit in anima reliquias peccatorum, scilicet inclinationes & dispositiones vitiosas, quæ inclinant animam ad res corporales & delectationes mundanas, & impediunt animam, ne totaliter vnatur Christo per amorem, & ideo contrariantur animæ & bono suo: quia totum bonum animæ est, quòd vnatur cum Christo per amorem: & quantò magis vnitur cum Christo; tantò magis perficitur & melioratur: & totum malum eius est, quòd separatur à Christo per amorem, & vnitur cum carne & cum rebus creatis: quia tunc inficitur, tunc peccat, tunc offendit, & tunc maculatur: ideo omne illud, quod facit eam recedere, & retrahit eam à delectationibus carnis & à consolationibus mundanis, & ab amore creaturarum inordinato & vitioso, valet ad purgandum animam & mundandum eam & purificandum. Vnde quia anima non offendit Deum, nisi vadat ad creaturas & delectetur in eis inordinatè, & relinquat Deum; ideo omnia illa, quæ valent ad retrahendum eam ab illis, purificant eam, vt dictum est. Et ideo quia tribulatio & afflictio carnis & mundi & pœna carnis faciunt animam recedere à delectationibus & consolationibus carnis & mundi: vt anima nullam delectationem, nec consolationem recipiat, nec in carne, nec in mundo: ideo legitur quòd ipsa tribulatio summè valet ad purgandum animam, & purificandum ab omnibus reliquiis peccatorum, & inclinationibus & dispositionibus vitiosis: & simul cum amore Christi, quia amor ligat animam cum Christo: & tribulatio exterior & afflictio, quæ sentitur, facit recedere animam & fugere à consolationibus & desiderijs carnalibus. Sic ergo amor Christi existens in anima ex vna parte, & tribulatio & afflictio ex altera parte, mūdant eam ab omnibus talibus inclinationibus & dispositionibus vitiosis, quæ

*Tit. praecedenti.  
Tribulatio purgat reliquias in anima.*



impediebant animam : quia dum anima sentit tribulationem & afflictionem, & tristitiam & desolationem in carne & in mundo, nullam requiem, neque delectationem ibi inuenit : tunc amor Christi existens in animâ vnit & ligat eam cum Christo magis, & penetrat ipsam animam totaliter, & ipse amor excitatur, & viuificatur, & fortificatur in se tanquam ignis : & ideo expellit & expurgat ab anima quicquid est ei contrarium ibi, & expellit omnem amorem contrarium : & omnes inclinationes & affectiones contrarias, quæ impediebant animam, ne totaliter vniretur cum Christo per amorem & voluntatem : & tunc necesse est, quod anima totaliter amplectatur Christum. Et ideo ipsa tribulatio est tanquam malleus & martellus percutiens animâ & faciens ipsam intrare in Christum per amorem remouens ab ipsa omnem ruginem & scoriam. Et est etiam fornax cum foliis, & amor Christi est ignis incensus & inflammatus in fornace tribulationis : & insimul decoquunt animam, & purgant eam ab omni macula & infectione contracta per amorem carnis & mundi. Et ideo tunc anima confortatur, roboratur & fortificatur, & illuminatur, ac perficitur : quia vnitur magis cum Christo, & fit vnum cum eo, & per consequens purgatur ab omni macula vitiosa : quia calefit & inflammatur : quia Christus habet ignem in seipso inextinguibilem, diuinum, purificatiuum, mundificatiuum, & attractiuum. Vnde ad purificandum animam non sufficeret amor Christi nisi adiuuaretur à tribulatione : quia anima habet liberum arbitrium, & non cogitur ire ad Christum, nec recedere à delectationibus carnis & mundi, nisi velit : & ideo quia ipsæ delectationes ligant, aliquantulum animam cum carne : ideo necessaria est ipsa tribulatio ratione libertatis animæ, vt cogat eam, & voluntariè relinquat easdem delectationes contrarias Deo & sibi & vadat ad Christum. Et etiam non solum tribulatio est necessaria ad purgandû animam ab infectionibus vitiosis ; immo necessaria est ad eam tenendam ligatam & vnitam cum Christo, & ne ab eo recedat, & diuidatur à Christo, & cadat, & moriatur ; sed fortius continuò vniatur per amorem. Et sic tribulatio necessaria est omni Christiano, siue indigeat purgatione, siue non : quia tribulatio est tam bona & tam utilis, & tam medecinalis, & tam

tam necessaria omni christiano, ut sine ipsa nullus possit perfectè vniri cum Christo per amorem. Ergo sequitur, quòd sicut Christus ordinauit Sacramenta ad salutem christianorum; ita ordinauit tribulationes & purgationem animarum: ita quod sicut Sacramenta sunt necessaria, ita etiam tribulationes sunt necessariae: & quamdiu durant Sacramenta, durabit etiam tribulatio: & ideo necesse est, quòd tribulatio duret, quamdiu mundus stat. Vnde quia in hac vita christiani præparantur, & disponuntur ad aliam, scilicet æternam: ideo necesse est, quòd tribulatio semper maneat in hac vita. Vnde necesse est, quòd fornax cum follibus semper maneat, & etiam ignis maneat incensus & inflammatus. Et ideo sicut necessarium est omni christiano recipere Sacramenta; ita etiam necessarium est omni christiano tribulationes sustinere: & qui refutat tribulationes, separatur à Christo. Est etiam necesse, quòd quando peccata multiplicantur, quòd tunc etiam multiplicentur tribulationes: quia maiori repletioni maior necessaria est purgatio. Et sic Christus tam per Sacramenta, quàm per tribulationes complet & perficit salutem animarum. Et quia tribulatio est pœna; ideo si voluntariè sustineatur, satisfacit pro peccatis & pro culpa: quia omnis pœna voluntaria est satisfactiua pro debitis peccatorum. Et ideo homo resurgens per Sacramentum pœnitentiæ de secundo lapsu remanet obligatus ad pœnam temporalem secundum quantitatem criminis & qualitatem culpæ: & ideo si voluntariè ineat tribulationem & afflictionem temporalem & corporalem: & secundum hoc magis, vel minus sustinet tribulationem, secundum hoc plus, vel minus satisfacit pro peccatis. Si autem homo non sit obligatus ad pœnam temporalem: tunc sustinendo voluntariè pœnam & afflictionem propter Christum augmentat merita & gratiam. Et sic tribulatio est bona ad purgandum animam & ad satisfaciendum pro debitis, & ad augmentandum merita, & ad ligandum & vniendum animum fortiter cum Christo, & ad separandum eam à delectationibus & consolationibus mundanis & carnis, quæ contrariantur animæ & eam occidunt. Quare summè amabilis debet esse tribulatio omni christiano.

*Deus ordinauit tribulationes ad purgationem animarum.*

*Tribulationes multiplicantur peccatis multiplicatis.*

*Tribulatio satisfacit & meretur.*



*Quod si anima post Sacramentum pœnitentia exeat de corpore cum reliquijs peccatorum & sine completa satisfactione pro culpis necesse est eam purgari in aliquo loco tandiu, donec fuerit plenè & completè purgata, & fuerit culpa persoluta.*

*Tit. præcedenti.*

**E**T quia anima potest exire de suo corpore non purgata à prædictis reliquijs peccatorum, quæ remanent post Sacramentum pœnitentiæ: & etiam absque persolutione pœnarum pro culpis debitarum: ideo cum propter hoc anima impediatur, ne totaliter possit vniri Christo per amorem: quia necesse est, si debeat vniri cum Christo, quòd nihil habeat extraneum à Deo; sed quòd sit talis, sicut exiuit à Deo in sui creatione sine macula, sine infectione, & sine aliqua mala inclinatione: ideo quicquid anima addidit per se in seipsa, postquam creata est vsque ad exitum corporis conuersando cum creaturis, quod Deo contrariatur, necesse est, quòd totum illud purgetur & remoueatur. Et ideo quia anima amat carnem & res corporales amore inordinato, & plus quàm debet: & per consequens imbibitur tali amore & delectatione: ideo necesse est, quòd antequam vniatur cum Deo vltima & completa vnione, quòd purgetur & purificetur completa purificatione: vt nihil remaneat de extraneo. Item etiam quia culpæ debetur completa punitio, vt iam declaratum est: ideo anima, quæ non portauit debitam punitionem pro peccatis suis, necesse est, quòd puniatur: quia hoc exigit iustitia Dei, antequam sit digna habere consortium cum Deo: quia sine debita satisfactione anima non debet saluari. Et quia anima, quæ exit de corpore, exit de curia misericordiæ: & cadit in curiam puræ iustitiæ Dei, ideo necesse est, quòd ipsa puniatur post hanc vitam secundum rigorem & strenuitatem diuinæ iustitiæ. Et quia diuina iustitia est summa: quia non potest cogitari maior: & sic iudex iustissimus est summè punitiuus malorum: quia in summo odio habet malū: ideo sequitur, quòd mala quæ punit Deus post hanc vitā per suam iustitiam, punit tanta punitione, qua non potest cogitari maior: & cum tanto rigore & seueritate, quòd nemo potest cogitare: & ideo anima, quæ nō sustinuit pœnas debitas in corpore, dum  
erat

erat in curia misericordix Dei, postquam incidit in manus iustitiæ punietur tanta punitione, quòd nemo potest cogitare. Et ideo sequitur: quòd tam propter purgationem, quàm propter punitionem necesse est locum esse aliquem purgatorij, & punitium animarum non æternaliter, sed temporaliter. Et quia sicut in hoc mundo anima, dum est in corpore, purgatur per afflictionem & tribulationem: & hoc simul cum amore Christi: ita etiam oportet, quòd amor Christi existens in anima, & tribulatio purgent ipsam animam à reliquiis peccatorum. Et ideo oportet, quòd sit aliqua *Necesse* res afflictiva & dolorosa, in qua anima purganda tantum sentiat de dolore quantum sensit de delectatione *est esse* extranea contra Deum: & quòd tantum penetret in *Purga-* visceribus & medullis animæ, quantum amor mundanorum penetrauerat in medullis animæ. Et quia purgatio fit per contrarium: inde anima non indiget purgari nisi ab amore rerum mundanarum, qui penetrauerat animam per delectationem: quia per talem amorem extraneum anima est dissimilis Deo: ideo secundum quòd amor rerum mundanarum magis penetrauit in anima & in medullis eius, secundum hoc difficilius purgabitur. Ista autem purgatio & punitio necesse est, *Tit. 161.* quòd fiat per ignem materiale, vt iam declaratum *Tit. 164.* fuit de æterna iustitia. Sic ergo amor Christi existens in anima, excitatus & adiutus à tribulatione ignis & dolore sensibili, purgabit ipsam sicut aurum purgatur in igne: & completa purgatione anima nullum dolorem sentiet: quia nihil habebit de extraneo, nec de cremabili. Melius igitur est homini purgare peccata *Melius* sua & sustinere pœnam debitam pro peccatis suis *est hic* hic dum viuit in corpore, quàm quòd purgetur & *quàm a-* puniatur in alio mundo per rigorem diuinæ iustitiæ: *libi sa-* quia necesse est, quòd vel hic puniantur peccata vo- *tisface-* luntariè per pœnitentiam, & per Sacramenta, & tri- *re.* bulationes; vel in alio mundo per iustitiam Dei: quia peccatum non potest remanere impunitum, & oportebit quòd æternaliter, vel temporaliter puniatur: æternaliter in inferno, temporaliter in hoc mundo, vel in loco Purgatorij. Sic ergo necesse est, quòd homo portet pœnam debitam pro peccatis commissis post Baptismum, vel in hoc mundo, vel in alio; sed aliter hic, & aliter ibi. Quamuis etiam ipsæ animæ recedant



*Quod eis  
profunt  
suffra-  
gia.*

dant à corpore cum reliquiis peccatorum: attamen omnia illa, quæ valebat pro eis, hic dum vivebant in corpore, valent etiam si fiant pro eis post decessum. Ad satisfaciendum verò pro eis ad complendam iustitiam diuinam, valent omnia, quæ pro eis per alios fiunt, qui viuunt, sed non tantum, quantum valuissent, si facta fuissent per seipsos. Quia enim sunt membra Christi; ideò possunt suscipere influentiam à passione Christi: quia tam illæ animæ quàm homines christiani viuentes sunt vnum corpus, & sunt membra vnius capitis, & ideò possunt se iuuare adinuicem: & ideò membra Christi viuentia, scilicet christiani viuentes pro suorum amicorum peccatis possunt satisfacere, si faciant illa, quæ possunt valere ad satisfaciendum pro culpis: quia hoc non derogat diuinæ iustitiæ. Quamuis ergo animæ non possint seipsas iuuare; attamen possunt per alios adiuuari: & debita, quæ debent, possunt per alios amicos persolui: quoniam licet puniantur per iustitiam, Dei: tamen sunt in amicitia Dei & in eius amore: & ideò quicquid fit pro eis, Deus acceptat & recompensat pro debito, quod ipsi debent.

#### T I T V L V S C C C I.

*Quæ sunt illa, quæ possunt inducere hominem lapsum,  
ut currat ad Sacramentum pœnitentiæ voluntariè.*

**Q**uoniam autem homo lapsus post Baptismum non potest saluari, nisi per pœnitentiam voluntariam: & homo ratione suæ libertatis, non potest cogi ad pœnitentiam: quia etiam nihil proficeret, nisi voluntariè currat ad pœnitentiam: & quantò magis voluntariè currit; tantò magis ei proficiet: ideò est vtile valde congregare omnia simul, quæ possunt hominem inducere ad pœnitentiam: quia ipsa peccata refugiunt pœnitentiam & ei resistunt. Primum autem, quod inducit hominem ad pœnitentiam, est, quia summè placet Deo: quia Deus solum habet odio peccata, & nihil aliud: quia nihil contrariatur sibi nisi peccatum, nec est sibi rebelle: & ideò sequitur necessariò, quòd ille summè placet Deo, qui toto ore, toto corde, & toto opere impugnat peccatum & destruit in quantum in eo est, quia destruit & impugnat verum inimicum Dei: sicut summè placet homini ille, qui destruit & impu-  
gnat

gnat eius inimicum capitalem: & maxime placeret Regi miles aliquis, qui occideret eius inimicum capitalem propter amorem Regis. Si ergo homo per pœnitentiam habeat odio totis viribus suis peccatum, & ei displiceat propter hoc: quia est contra Deum, & ipsum accuset ore, opere & corde, & persequatur ipsum & expellat ipsum à se: eo quia est contra Deum: necesse est, quod talis summè Deo placeat Et ideo ipsa pœnitentia est sacrificium acceptabile Deo; immo nullum sacrificium magis placet Deo, quàm quod homo offert de suis propriis actibus: immo hoc est primum sacrificium, quod homo debet offerre Deo de seipso. Et ideo statim Deus iuuat hominem, si ipse quærat adiutorium à Deo contra inimicum Christi: quod nunquam sibi negat, si in veritate postulat. Qomodo enim Deus denegaret alicui auxilium, qui vult impugnare inimicum suum capitalem, qui est peccatum, immo armabit ipsum armis suis. Vnde licet peccatum sit inimicus Dei; tamen Deus non destruit ipsum, nisi homo consentiat & velit: quia voluntariè recipit eum: & ideo non potest exire, nisi voluntariè dimittat ipsum: & ideo necesse est, si debet exire, quod voluntariè expellat ipsum de se. Item homo etiam non solum placet Deo; sed etiam omnibus amicis Dei, qui summè gaudent de hoc. Et sic homo simul acquirit amicitiam Dei, & omnium amicorum suorum. Melius est enim habere amicitiam peccati & inimicitiam Dei: quia peccatum est summa turpitudine, summa deformitas & malitia, & odibile in summo, & nullo modo amabile; & Deus est summè bonus, summè amabilis, & nullo modo odibilis: & sic maxima differentia est inter Deum & peccatum. Et etiam summè placet Deo pœnitentia: quia per ipsam homo saluatur & restauratur, qui erat deperditus in æternum per seipsum: & ideo Deus gaudet in eo, quod sua creatura & opus suum, quod perdiderat, saluetur. Et etiam omnes amici sui summè gaudent de hoc: quia sunt boni, & lætantur de bono, sicut diaboli sunt mali & gaudent de malo. Si ergo propter tantum placitum & tantam complacentiam, quam Deus habet, & omnes amici eius in pœnitentia, debet homo totis viribus conari, vt ad pœnitentiam festinet pro peccatis suis.

*Aliud*



*Aliud inductivum ad Pœnitentiam.*

**I**tem aliud quod potest incitare & inducere hominem ad pœnitentiam est visio Dei : quia Deus videt hominis voluntatem , & videt qualiter homo tenet in domo sua , scilicet in corde suo , quod melius & nobilius membrum est in homine , in secreto Dei inimicum capitale , & illud , quod Deus habet summè odio , & quod Deo summè displicet : & non solum tenet , sed defendit , nutrit & abscondit , atque augmentat , inducit ipsum in domum suam voluntariè : immo non in domum propriam ; sed domum Dei : quia corde vera iustitia est habitaculum Dei & pertinet Deo. Etiam homo (quod peius) fecit ipsum inimicum , quia ante non erat : & cogitat semper quomodo poterit multiplicare ipsum : omnia ista Deus videt. Debet ergo homo in summo timere , quòd scilicet teneat in seipso inimicum Dei , & quòd custodiat & defendat , atque nutriet ipsum ipso vidente , præsente & sciente , inimicum sui creatoris , Redemptoris atque iudicis. Quis enim esset ausus tenere , custodire atque nutrire in regno Regis inimicum Regis capitale Rege præsente , vidente & sciente ? Nonne ille faceret Regi magnam contumeliam & offensam atque iniuriam ? Nonne etiam ille mereretur à Rege magnam vindictam ? Immo etiam quis esset ausus cogitare , seu in animo proponere inimicum Regis velle hospitare in domo sua Rege sciente talem cogitationem , seu tale propositum ? Et quis esset ausus intrare domum Regis & portare Regis inimicum depictum ante faciem Regis ? Et quis esset ausus recipere bona à rege , & vivere de bonis Regis , & suum inimicum capitale in domo sua hospitare & defendere , ipso sciente ? Credo quòd nullus esset ita ausus. Ergo postquam homo scit & cognoscit , quòd peccatum , quod ipse tenet in corde suo , est inimicus Dei capitalis , & quòd Deus hoc videt & cognoscit , & quod scit , si ipsum non expellit , statim de corde suo : tunc facit Deo maximam iniuriam , offensam & contumeliam , quia reputat eum vel impotentem , vel inscientem , vel fatuum. Nonne ille stat in maximo periculo absque falso Quia timor est & summè timendum , nisi homo statim ipsum à se expellat,

### *De inductiuis ad pœnitentiam. 609*

pellat , quòd Deus faciat vindictam , & ostendat suam potentiam , scientiam & iustitiam , & præcipitet ipsum cum inimico suo in profundum inferni ; immo mirum est & super omnia mirabilia , quomodo Deus sustinet tanto tempore inimicos suos mortales. Et qui hoc non sentit periculum neque timet , amisit intellectum , & ratione caret : & meritò fatuus reputabitur maximè in tempore ultionis. Et in isto apparet Dei immensa clementia & bonitas , sic sustinere , nutrire & defendere à diabolo suos inimicos & suorum inimicorum zelatores atque defensores : nam non posset maior bonitas excogitari. Et ex hoc apparet , quòd Deus non vult hominem perire ; sed expectat ipsum ad pœnitentiam ; sed ut saluetur , parcit : nec potest esse alia causa , quàm quod si homo non venerit ad pœnitentiam tandiu expectatus , quòd extunc maiorem vindictam & indignationem Dei incurrat , quia ingratus est Deo , & contemnit illam immensam bonitatem Dei. Debet igitur homo ad vitandum tantum arduum & magnum periculum , in quo continuò existit , & propter tantam bonitatem & expectationem Dei currere ad pœnitentiam , & subito expellere à se inimicum Dei & suum , ne subito super eum veniat ira Dei & vindicta , quibus ipse poterit perdere corpus & animam propter ingratitude & contemptum Dei.

### *Aliud incitativum ad pœnitentiam.*

**P**Præterea aliud est , quod debet hominem incitare , ut currat ad pœnitentiam , scilicet iusta punitio peccati. Vnde iam probatum est impossibile aliter esse , quin omnia facta & verba & cogitationes hominis iudicentur & recipiant debitam remunerationem boni vel mali : & ideo de necessitate omnia opera hominis mala & cogitationes malæ , & omnia peccata oportet , quòd puniantur : quia non possunt remanere impunita : & ideo si non puniantur in hoc mundo oportet , quòd in alio mundo puniantur per iustitiam debitam. Et ideo bonitas Dei ordinavit , quòd peccata hic per pœnitentiam puniantur : & constituit suos iudices in hoc mundo loco sui , qui iudicent & corrigant peccata & puniant , ut in hoc mundo fiat iudicium de ipsis : ne si reseruentur , in alio mundo , iudicentur



## 610 *De inductiuis ad Pœnitentiam.*

ad condemnationem æternam. Et ideo si homo non vult in hoc mundo facere pœnitentiam & iudicium de peccatis suis, necesse est, quòd post hanc vitam æternaliter puniantur. Item etiam declaratum est in cap. de æterna iustitia, quot & quanta mala incurret anima, si non saluetur: quia anima est immortalis: & ergo bene, vel malè habebit in æternum. Debet ergo homo currere ad pœnitentiam, vt euadat tristitiam æternam & pœnam infinitam, in quam de necessitate incidit, si non fecerit pœnitentiam. Si ergo homo non vult venire ad iudicium in alio mundo, veniat hic ad iudicium secretum voluntariè coram iudice à Deo ordinato, & confiteatur peccata sua, & accuset seipsum in veritate coram eo; & sic euadet iudicium damnationis.

### *Aliud inductiuum ad pœnitentiam.*

**P**Ræterea aliud, quod debet hominem incitare ad pœnitentiam, est certitudo & infallibilitas mortis, & incertitudo ipsius horæ mortis. Nam non est in alicuius potestate prolongare vnâ horâ vitæ: quia vita hominis stat in manu alterius, scilicet Dei. Si ergo homo est incertus de hora, quomodo audet remanere in tanto periculo, per quod potest incurrere æternam pœnam, & tristitiam infinitam? Cum ergo homo iam faciliter potest euitare tanta pericula, quæ finem non habent per pœnitentiam, quod tam faciliter fit: quia volendo & loquendo. Qui enim facilius, quàm velle & loqui? Ibi enim nullus labor est, nulla fatigatio. Volendo enim & loquendo coram iudice peccatum destruitur, & remittitur æterna pœna, & homo euadit tristitiam, quæ finem non habet. Est igitur homo stultissimus, qui voluntariè vult stare in tanto periculo, quo maius non potest excogitari, cum possit ipsum vitare tam faciliter, quòd non poterit facilius cogitari: & non est securus de die crastina, & non potest prolongare vitam suam ad vnâ horam.

### *Aliud inductiuum ad pœnitentiam.*

**I**tem aliud etiam, quòd debet summè inducere hominem ad pœnitentiam, est mors Christi & sanguis, qui effusus est pro peccatis totius mundi: vnde mors Christi superat omnia peccata, quæ fieri possunt, vt declaratum est: & ideo clamat sanguis Christi ad omnes peccatores, vt veniant ad pœnitentiam & recipiant virtutem

## *De inductiuis ad Pœnitentiam. 611*

tutem & influentiam eius : quia non est effusus nisi ad lauandum peccata. Et ideo qui contemnit sanguinem Christi, & non vult lauare peccata sua in sanguine eius, dum viuit in hoc mundo, necesse est, quod damnetur, & maximè Christianus, qui emptus est semel pretio sanguinis Christi, damnabitur sine comparatione plus quàm omnes alij: quia contemnit sanguinem tam pretiosum. Quicumque igitur vult fugere pœnas æternas, dum adhuc vacat: & in hoc corpore viuit, & potest facere pœnitentiam : currere debet ad Sacramentum pœnitentiæ, vt imperpetuum viuat. Coronari igitur debet homo, dum tempus habet, vt expellat de seipso & de domo sua inimicum suum capitalem & mortalem & inimicum sui creatoris & factoris & omnium creaturarum, scilicet ipsum peccatum, ne inueniatur in eo in morte : quia cum eo iudicabitur ad ignem æternum, & peribit in æternum. Qualiter potest homo tolerare in suo horto, in sua domo, in sua camera, & in suo corpore inimicum capitalem? Et si ibi non potest sustinere, quomodo potest tunc inimicum suum & Christi & omnis creaturæ Dei in secreto cordis sui abscondere per vnum momentum, & non solum tolerare, sed quod peius est, diligere & amare tandiu? Tandiu enim homo tenet peccatum in corde suo, quamdiu non habet ipsum odio. Et quomodo poterit diligere peccatū, per quod perdit æterna & infinita bona, & acquirit æterna & infinita tormēta & mala, per quod perdit æternum & infinitum gaudium, & incurrit æternam tristitiā? Quomodo potest homo tenere peccatū & diligere, pro quo oportuit Deum incarnari, & turpissima morte mori? Quomodo potest homo seipsum sustinere esse malum, qui non potest, nec vult sustinere alias res suas esse malas, nec corruptas, nec maculatas? Quomodo potest sustinere seipsum esse malum, qui omnes alias res vult habere bonas, bonam domum, vestem bonam, & uxorem bonam, & filios bonos? Quomodo igitur non iudicaretur homo iste, nec condemnaretur iuste, qui contemnit sanguinem filij Dei, & seipsum, & refutat mortē tam amarā Christi, & pro nullo reputat mortem tam amarā Christi, & pro nullo reputat, & qui dimittit maxima bona & æterna, & quærit vilia & transitoria, qui quærit terrena & dimittit cælestia, qui quærit aliena bona & extranea, & dimittit propria bona? Quid enim



## 612 *De inductiuis ad pœnitentiam.*

peius, seu turpius, quàm quòd homo, qui habet animam immortalem, ponat spem suam in re transitoria & mortali, ac corruptibili, & in re viuente per momentum. Cur etiam non iudicaretur iste homo iustissimè, qui tantum diligens est, & tantum laborat in rebus extra se, & est negligentissimus intra se, & seipsum dimittit perire, qui reparat ea, quæ sunt extra se, & quæ intra se sunt, relinquit: qui pulchrè ordinat ea, quæ sunt extra; & quæ sunt intra, dimittit inordinata: qui est diligentissimus ad corrigendum defectus aliarum rerum, & disponit omnia rectè & perfectè; sed est negligentissimus emendare proprios defectus: qui vult quod alia omnia reddant debitum & iusticiam ei: ipse sibi metipsi non reddit debitum, neque iusticiam, qui vult quòd omnia sibi proficiant, & nulla noceant, & ipsemet sibi non vult proficere; sed nocere: & seipsum continuo destruere: qui tantum laborat circa alias res, quòd seipsum negligit, qui tantum studet, vt alias res cognoscat perfectè, & seipsum non curat cognoscere, qui est super omnia alia, & propter quem facta sunt omnia. Cogitet ergo homo, quòd sicut ipse facit de rebus sibi subiectis, scilicet quando sunt inutiles, turpes & maculatæ, quòd illas destruit & mittit in ignem, vel extra domum & extra visum: & sicut homo refutat omnes res extra se, quæ sunt viles & corruptæ; sic etiam ille, qui est supra nos, refutabit nos, si fuerimus viles, turpes & corrupti. Sicut enim ipse homo vult habere res pulchras, pretiosas & honestas pro se, & etiam mundas, & non maculatas desiderat; ita ille, qui est supra nos, cum sit nobilior, mundior & pretiosior sine comparatione, vult habere pro se res pretiosas, mundas & immaculatas, nam quantò aliquis est gloriosior & dignior, tantò debent omnia, quæ ipsum concernunt, esse gloriosiora & digniora. Currat igitur homo ad pœnitentiam, & lauet peccata sua, vt sit purus sincerus & mundus in conscientia, quam Deus diligit super omnem munditiam, quia est sua habitatio: & timeat futuram sententiam, quam audient illi, qui erunt immundi & maculati. Nam illorum habitatio, conuersatio & societas erit cum immundissimis & deformissimis diabolis, quorum aspectus omnem pœnam huius mundi superat & excedit, & illius conuersationis non erit finis.

TITVLVS

## TITVLVS CCCII.

**Quantum Sacramentum est extrema unctio :** & est ultimum medicamentum , in quo datur gratia , per quam homo de lapsu reparatus , exiens de hac vita & tendens & transiens ad finalem gratiam hic, & finalem gloriam in alia vita disponitur & preparatur ad sanctam sanitatem & spiritualem vigorem: & etiam destruit peccata venialia , & curat infirmitatem & langorem , seu debilitatem spiritualem relictam ex peccato , & alleviat infirmitatem corporalem , si infirmo expediat.

**Q**uoniam autem necesse est hominem mori & exire de hac vita : & quia anima est ordinata finaliter ad æternam gloriam, quam habebit amando Deum toto corde , & adhærendo ei per voluntatem totaliter, & recedendo totaliter à malo & inordinato amore : & quia anima existens in carne corrupta trahitur à carne multotiens, & inclinatur ad eam , quia habet vivere cum ea : & ideo anima grauaturs , & inficitur onerata , & incurrit peccata venialia , velit , nolit: & aliquando maculatur & impeditur , ne totaliter possit tendere in Deum per amorem ; ideo quia anima debet transire de vno statu in alium , oportet quòd vadat immediate ad Deum, vel ad Purgatorium: & ideo sequitur, quòd indiget nouo vigore ad fortiter amandum Deum, & ad totaliter se vniendum cum Deo per amorem : & ideo indiget noua gratia & adiutorio nouo ad feliciter & celeriter euolandum ad Deum per totalem deuotionem sursum tendendo , vt totaliter ipsa eleuetur in Deum : & etiam si vadat ad ignem Purgatorij ad purgandum , indiget vigorari, vt facilius sustineat dolorem ignis, donec sit purgata. Vnde duo sunt, quæ *Duo in-* possunt animam impedire & aggrauare , vt non sit *pediant* faciliter apta ad volandum ad Deum. Vnum est quædam *animam,* debilitas derelicta ex peccato , quamuis enim anima *ne euo-* sit purgata à peccato mortali ; attamen remanet quæ- *let.* dam debilitas in ea , & quædam infirmitas spiritualis, sicut in infirmitate corporali, quæ quamuis sit curata, adhuc remanet quædam debilitas in corpore. Aliud autem , quod aggrauat animam & trahit eam deorsum, & aliquando retrahit eam à Deo, est peccatum , veniale:



quia omnis culpa siue mortalis, siue venialis elongat animam à Deo, sed culpa mortalis totaliter elongat, & culpa venialis minorat & diminuit amorem. Et ideo indiget anima, vt nullam culpam sentiat, vt totaliter euolet ad Deum. Et quia per Sacramenta visibilia debet ipsa anima curari, satiari & refici, & recipere gratiam: ordinatum fuit & institutum Sacramentum extremæ unctionis ad animam perficiendam & sanandam ab omni macula & debilitate spirituali, in quo fiet ei remissio omnis peccati venialis quoad culpam, sed non

*Unctio  
datur ad  
sanandū  
ab omni  
macula  
& debi-  
litate  
spiritua-  
li.*

quo ad poenam: vt ipsa anima exonerata à culpis venialibus & aliis sequelis, quæ deprimunt animam deorsum velocius, facilius & expeditius euolet & transeat ad cælum, & consequatur salutem æternæ iocunditatis: & hoc per deuotionem leuantem eam sursum, & per conuersionem mentis ad Deum, quod quidem Sacramentum fit per medicamenti corporalis modum, sicut Sacramentum Baptismi fit per modum ablutionis corporis. Sicut autem in aliis Sacram. per visibile significatur inuisibile, quod fit interius in anima; ita & in isto Sacramento. Vnde in isto Sacramento extremo visibile, quod fit & apparet exterius, est unctio olei consecrati per modum medicationis corporalis in septem partibus corporis determinatis, sc. in oculis, in auribus, in naribus, in manibus, in labiis, in pedibus, & in lumbis: & hoc fit simul cum verbis deprecatoriis, & datur solum adultis, & postulantibus: & solum in periculo mortis. Et quia in hoc Sacramento visibile proportionatur inuisibili: ideo considerandum est, qualiter in hoc Sacramento fiat talis proportio. Sicut enim exterius fit quædam medicatio in corpore per modum medicationis & unctionis cum oleo, quod est curatiuum vulnery; ita significatur, quod interius ipsa anima curatur per gratiā Dei, quæ ei datur, & inungitur, vt facilius trāseat ad cælum. Et quia anima contrahit infirmitates spirituales in corpore & pec. venialia, & specialiter per illas partes supradictas offendendo Deum, in quibus est radix infirmitatis spiritualis: ideo fit unctio in illis septem locis supradictis, ad significandum, quod ipsa anima disponitur & præparatur per hoc Sacramentum ad plenitudinem sanitatis per dilectionem & discretionem, & curationem omnium peccatorum, quæ per illas septem partes cōmittūtur. Item in hoc Sacram. est oleum simplex, & non mixtū, sicut in Baptismo & Confirmatione cris-

*Quare  
hoc Sa-  
cramen-  
tum de-  
tur in  
quinque  
sensibus.*

ma, ad significandum, quòd sicut oleum est initium, & *Materia*  
 de se significat sanitatem, quòd per illud Sacramentum *unctio-*  
 conscientia hominis fit munda totaliter, vt nulla culpa *nis.*  
 remaneat in ea: & hoc per gratiam, quæ datur. Et ideo *Datur in*  
 in hoc non admiscetur balsamum cum oleo, sicut in *exitu.*  
 confirmatione: quia confirmatio datur ad augmentandũ  
 & pugnandum publicè, & ad conuersandum inter alios  
 homines, vbi requiritur odor bonæ famæ, qui signifi-  
 catur per balsamum, sed hoc in exitu, siue transitu ad  
 cœlum: sufficit & requiritur nitida & munda conscien-  
 tia, quæ significatur per oleum simplex ratione niti-  
 ditatis suæ, secundum quam iudicat iudex cælestis. Itē *Paruulis*  
 per istud Sacramentum fit curatio à peccatis venialibus: *non da-*  
 & hoc per gratiam leuantem animam sursum per deuo- *tur.*  
 tionem: ideo non datur paruulis, qui non peccant ve-  
 nialiter, nec possunt habere deuotionem leuantem sur-  
 sum, quæ curat peccata venialia. Item etiam quia in isto  
 Sacramento requiritur deuotio sursum leuans animam;  
 ideo non debet dari nisi postulanti, qui per deuotio-  
 nem eleuantur. Item etiam non datur nisi infirmis: quia  
 hoc Sacram. non datur, nisi per modum curationis cor-  
 poralis, quæ significat spiritualem curationem; & ideo si  
 non esset infirmitas corporalis, non esset correspondētia, *Datur*  
 Vnde quamuis per talem inunctionem non curetur in- *solum*  
 firmitas corporalis, non est propter hoc falsum signum: *infirmis.*  
 quia talis unctio non datur ad curationem corporalem,  
 sed ad significandum curationem spiritualem: ita quòd  
 significatur, quòd sicut exterius in corpore datur unctio  
 corporalis ipsi corpori existenti infirmo; ita similiter  
 datur intus unctio spiritualis ipsi animæ existenti infir-  
 mæ. Et ideo talis curatio semper fit, quæ significatur, li-  
 cet corporalis non fit, nisi per accidens aliquando. Vnde  
 quia illud Sacram. non fit nisi ad eleuandum animã ad  
 Deum per deuotionem, in qua anima recipit vigorem, &  
 alleuiatur & tranquillatur & lætificatur: & quia anima  
 regit corpus; ideo multotiens fit repressio molestiarũ  
 corporalium: quia alleuiatis molestiis animæ, alleuiantur  
 sæpe molestiæ corporis. Et ideo licet istud Sacram.  
 non sit principaliter institutum ad curationem infir-  
 mitatis corporalis, sed peccati venialis, quia pecca-  
 tum mortale est magis mors, quàm infirmitas & pœ-  
 nitētia qua destruitur ipsum, est magis suscitatio, quàm  
 medicatio; attamen per accidens valet ad curationem

*Sapius  
 curat in-  
 firmitatē  
 corpora-  
 lem.*



& alleviationem infirmitatis corporalis: & hoc tolerando quodammodo animam, quæ regit corpus, ipsam sanando, & evigilando in bono, & exorando in malo: & hoc fit, quando infirmo magis expedit vivere ad

*Differen-* cum ulandum magis merita. Sicut enim spiritus tristis  
*tia inter* exiccat & consumit corpus; ita anima læta vivificat  
*cōfirma-* corpus & releuat à doloribus suis. Et sic apparet ma-  
*tionem* gna differentia inter istud Sacramentum & confirma-  
*Extrema* tionem, quæ fit similiter per unctionem: quia confir-  
*mam un-* matio præparat & disponit animam ad melius agoni-  
*tionem.* zandum & pugnandum contra hostes visibiles; sed ex-

trema unctio ad celerius transeundum, ad volandum ad cælum, & ad regnum cælorum, licet etiam disponat animam ad fortius resistendum contra inimicos spirituales & invisibiles, scilicet diabolos. Item etiam quia confirmatio conficitur in balsamo; sed istud in solo oleo. Item etiam in forma verborum est differentia: Nam Sacramentum Confirmationis fit cum verbis iudicatiuis; sed istud fit cum verbis deprecatiuis: & per hoc etiam differt ab aliis Sacramentis præcedentibus, quæ fiunt in forma iudicatiua. Vnde in isto Sacramento magis convenit verbis deprecatiuis uti, quam iudicatiuis, propter multa. Primò quia suscipiens hoc Sacramentum est destitutus propriis viribus: quare indiget subleuari per deprecationem. Secundo quia anima curatur per deuotionem & eleuationem sursum ad spiritualia, quæ est propria curatio peccati venialis, quod deorsum trahit: & ideo quia illud, quod supra omnia excitat animam, ad hoc est deprecatio & oratio; ideo convenit modus deprecatiuus. Tertiò quia hoc Sacramentum datur recedentibus ab aliis christianis, & in manus solius Dei requiescunt. Vnde Deo anima commendatur per deprecationem, & ipsa ei committitur. Quamvis autem hoc Sacramentum non detur in modo iudicatiuo, sed deprecatiuo; tamen de se habet certitudinem: ita quòd semper confertur, quod significatur per tale Sacramentum & per illa verba deprecatiua, nisi fuerit impedimentum in parte recipientis, & hoc si habeat fictionem in se, & non credat. Item etiam est differentia, quia confirmatio fit in fronte; istud fit in septem partibus corporis. Itē est differentia, quia confirmatio fit tempore sanitatis; hæc autem fit in tempore infirmitatis. Item confirmatio

*In extre-*  
*ma un-*  
*ctione*  
*utimur*  
*verbis*  
*depreca-*  
*tiuis.*

firmatio non solum datur adultis, sed etiam paruulis;  
extrema autem vñctio solum datur adultis.

## TITVLVS CCCIII.

*Sextum Sacramentum est, per quod datur & commit-  
titur personis certis auctoritas spiritualis & potestas  
intellectualis indelebilis & permanens dispensandi &  
ministrandi Sacramenta salutis nomine & vice Chri-  
sti omnibus hominibus.*

**Q**Uoniam autem dictum est de quinque Sacramen-  
tis, quæ sunt ordinata ad dandum vitam spiritua-  
lem omnibus lapsis & perditis ac mortuis, & ostensum  
est qualiter Baptismus regenerat & releuat à primo la-  
psu, confirmatio corroborat ad pugnam, Eucharistia  
nutrit, poenitentia iterum releuat à secundo lapsu, si  
contingat, & extrema vñctio purgat totaliter à peccatis  
venialibus, & satiat & vigorat, & præparat, vt homo sit  
aptius ire ad regnum cælorum: & sic ista quinque Sa-  
cramenta sunt necessaria cuilibet homini, vt recipiat  
ipsa, si vult saluari: vel saltem aliqua sunt necessaria  
omnino, aliqua conuenientia & vtilia, & non semper  
necessaria. Sicut autem ista Sacramenta sunt necessaria  
omnibus hominibus lapsis, vt suscipiant ea; ita necesse,  
quòd sint aliqui homines, qui habeant potestatem,  
seu officium dandi & ministrandi ipsa Sacramenta. Et  
quia omnia Sacramenta sunt Christi: & ab ipso totam  
habent virtutem; ideo oportet quòd talis auctoritas,  
seu officium ministrandi detur à Christo, cuius sunt  
Sacramenta: quia nullus potest ministrare, neque dis-  
pensare res alicuius Domini, nisi de licentia & aucto-  
ritate Domini, cuius hæc sunt: nec haberet vigorem  
quicquid aliter factum esset. Sic ergo necesse est, quòd  
auctoritas, seu officium dandi & ministrandi ipsa Sa-  
cramenta committatur & detur specialiter aliquibus  
personis specialibus; omnibus vero non indifferenter.  
Sicut ergo Christus ordinauit ipsa Sacramenta, vt ho-  
mines suscipiant ea; ita necesse est, quòd ordinet ho-  
mines qui ministrent ipsa Sacramenta. Et sic necessaria *Duo sunt*  
est potestas in terra in hominibus distribuendi Sacra- *homi-*  
menta in nomine Christi: & sic duo sunt necessaria ho- *bus hic*  
minibus in terra viuentibus. Primum est ipsa gratia, *necessa-*  
per quam regenerantur & perficiuntur, vt sint apti *ri.*



## 618 *De Sacramento Ordinis.*

intrare in regnum cælorū. Et quia ista gratia datur per Sacramenta visibilia; ideo est necessarium secundum; scilicet autoritas, seu officium administrandi ipsa Sacramenta: & in isto est totum complementum salutis hominum. Sicut enim in generatione hominis concurrunt homo & Deus, ita quod homo administrat corpus, & Deus creat ipsam animam, sic insimul concurrunt ad generationem hominis; ita conformiter ad regenerandum & reparandum hominem per Sacramenta, quæ sunt res visibiles & corporales, debent concurrere homo & Deus: ut scilicet homo administret Sacramentum corporale & visibile, & Deus creet ipsam gratiam: quia Sacramentum est sicut corpus, & gratia est sicut anima. Et ideo sicut in generatione hominis homo administrat totum illud, quod corporale est & visibile, & Deus creat totum illud, quod est spirituale & inuisibile, scilicet ipsam animam rationalem; ita in regeneratione & reformatione hominis homo administrat totum illud, quod est corporale & visibile, scilicet ipsum Sacramentum; & Deus creat totum illud, quod est inuisibile, scilicet ipsam gratiam: ita quod sicut homo generatur ab homine per ministerium corporis quasi per quoddam officium à Deo ordinatum: ita conformiter homo regeneratur ab homine per ministerium corporale quasi per quoddam officium à Deo ordinatum. Et sicut potestas ministrandi corpus data est homini; sed potestas creandi animam non potuit dari homini; quia soli Deo conuenit; ita potestas ministrandi Sacramentum visibile debuit dari homini; sed potestas creandi & dandi gratiam non potuit dari, nec communicari homini; quia soli Christo conuenit in quantum Deus est. Sic ergo conuenientissimum est, ut officium, seu potestas administrandi Sacramenta corporalia & visibilia communicetur ipsis hominibus. Et etiam quia maior vnitas & amor generatur inter homines propter hoc, quod vnus generatur ab alio: quam si quilibet totaliter fieret à Deo; ita similiter maior vnitas & maior dilectio generatur inter homines, si vnus regeneratur ab alio instrumentaliter, & recipiat Sacram. ab alio, in quo recipit vitam spirituales à Christo. Et ideo quia vita spiritualis consistit in charitate & unitate: ideo conuenientissimè debuit ordinari, ut hom. vice I. C. administrent Sacram. salutis hominibus, ut magis fiant vnus inter se.

TIT V

## TITVLVS CCCIV.

*Quod per istam auctoritatem constituitur & fit praelatura, ordo, superioritas & inferioritas.*

**E**T quia omnes christiani, qui sunt membra Christi, conueniunt in Sacramentorum susceptione: quia omnes indigent & omnibus sunt necessaria, quia omnes indigent vita spirituali; ideo in hoc omnes sunt æquales, nec vnus est superior, neque dignior altero quantum ad hoc. Sed quia, vt iam dictum est, necessaria est *Tit. præcedenti.* auctoritas & potestas administrandi ipsa Sacramenta, & quod committatur aliquibus christianis: & quia illa auctoritas & potestas est talis dignitatis & honoris, & eleuat tales homines de vno gradu super omnes alios, qui non habent talem potestatem & auctoritatem eis commissam, & ponit eos in honore & dignitate. Sic etiam homo, qui generat alium administrando corpus constituitur in aliquo honore super illum, qui generatur: & dicitur pater eius, & ei debetur honor. Et ideo de necessitate fit differentia & distinctio propter talem auctoritatem & potestatem inter christianos & fideles & inter membra Christi: est etiam quædam superioritas & inferioritas, & vnus fit maior altero & superior, & per consequens fit ordo, præminencia & prælatura & gradus. Quia vbi est superioritas & inferioritas, necessarius est ordo. Et ideo talis auctoritas & prioritas vocatur ordo; quia de necessitate causat & facit inter christianos superioritatem & inferioritatem. Sicut enim christiani eleuantur supra non christianos de vno gradu; ita Christiani habentes talem potestatem eleuantur supra non habentes de vno gradu. Et sic inter christianos est conuenientia & differentia ratione conuenientiae & æqualitatis, & ratione differentiae & inæqualitatis, & superioritas & inferioritas. Qui enim habent potestatem, plus habent, quàm illi, qui non habent, quia totum est à Christo. Sicut enim omnia membra corporis humani conueniunt in vita & calore naturali, per quem omnia viuunt; sed etiam differunt per diuersas potestates & officia, quæ singula membra habent; sic fit inter fideles, quia omnes conueniunt quantum ad charitatem; sed differunt & distinguuntur penes potestatem & officium. Et quia talis differen



*Duo sunt  
genera  
hominū  
12. qua-  
stione. 1.*

differentia & distinctio necessaria est ad viuendum ordinatè bene inter christianos, ita quòd oportet, quod aliqui recipiant Sacramenta, & non dent, neque habeant potestatem dandi: aliqui sint, qui etiam recipiant primò, & etiam habeant potestatem & auctoritatem dandi aliis; ideò de necessitate sunt duæ partes inter christianos, & quasi duæ gentes distinctæ, scilicet pars laicalis, & pars clericalis. Et pars clericalis est superior & dignior; & ideo est magis propinqua Christo, & magis similis: quia insimul clerici habentes potestatem concurrunt cum Christo ad vnum opus: quia Christus dat gratiam inuisibilem: & clerici, qui sunt ministri eius, dant Sacramenta visibilia & ideo sunt coadiutores & cooperantes Christi; & ideo sunt magni honoris & magnæ dignitatis ex parte officij Christi.

## TITVLVS CCCV.

*Quod potestas ista inuisibilis & spiritualis datur per  
Sacramentum visibile & manifestum signum,  
sicut gratia datur in aliis  
Sacramentis.*

*Necesse  
esse ordi-  
nem.*

**E**T quoniam ista potestas administrandi est necessaria, & ponit distinctionem inter christianos & membra Chr. & separat tales personas ab aliis, & electas eas in dignitate & in gradu: ideo sicut in aliis Sacram. per visibile datur inuisibile, & per aliquod signum exterius apparens datur interius in anima ipsum inuisibile occultum & non apparens: ita quod illud quod exterius fit significat quod interius fit; ita quod exterius sunt res corporales & verba audibilia, quæ significant illud, quod interius recipitur; ideo necesse est etiam, quòd talis potestas dispensandi & dandi Sacramentum: detur per aliquod signum manifestum, per aliqua verba, quæ significant talem potestatem, sicut in Baptismo per aquam visibilem, & per verba insimul coniuncta, datur ablutio in anima & gratia. Et ideo necesse est, quod sit Sacramentum Ordinis, sicut Sacramentum Baptismi, in quo detur potestas per quam fit gradus, ordo & superioritas inter Christianos. Vnde quia tales personæ debent separari & distingui ab aliis personis, convenientissimum est, quòd hoc fiat per aliqua signa manifesta.

festa. Si enim ordinatum est, quòd homo non christia-  
 nus fiat christianus, & constituitur in esse christiano  
 per aliquod signum manifestum ; ita congruum est, ta-  
 lis christianus constitutur in tali gradu potestatis su-  
 per alios per aliqua signa manifesta : & ideo ista pote-  
 stas debuit dari per modum Sacramenti. Et quoniam  
 ista potestas est res spiritualis, & non corporalis :  
 ideo debet poni intus in anima ; & ideo necesse est,  
 quòd quando datur talis potestas per Sacramentum  
 Ordinis, aliquod inuisibile & permanens imprimatur  
 in anima. Hoc autem non est gratia, quæ datur in *Caracter*  
 aliis Sacramentis : ergo oportet, quòd sit aliquod aliud *imprimi-*  
 inuisibile, quàm ipsa gratia. Et ideo est aliquod si- *tur in or-*  
 gnum, seu sigillum impressum in anima, quod dicitur *dine.*  
 caracter spiritualis : & tale signum spirituale impres-  
 sum in anima est ipsa potestas spiritualis collata, seu  
 potestas fundata in tali caractere, seu signo. Vnde neces-  
 se est, quòd tales personæ, quæ recipiunt talem potesta-  
 tem & auctoritatem, magis assimilentur Christo quàm  
 aliæ personæ, & alio, & distincto modo. Et quia alij  
 christiani assimilantur Christo per gratiam, & etiam  
 istæ personæ cum etiam recipiant alia Sacramenta ;  
 ideo oportet, quòd ultra gratiam, quæ datur omnibus  
 per alia Sacramenta, recipiant aliquod aliud inuisibile  
 in anima, per quod ascendant & eleuentur super alios,  
 & modo spirituali assimilentur Christo. Et ideo in isto  
 Sacramento imprimitur aliquid in anima, quod non est  
 ipsa gratia, quæ renouat hominem lapsum : & ideo  
 quamuis talis homo perdat gratiam sibi datam per alia  
 Sacramenta ; non tamen propter hoc perdit illud inui-  
 sibile, seu illam potestatem inuisibilem, quæ datur in  
 isto Sacramento : quia talis potestas non est in ipsa gra-  
 tia ; sed distinguuntur, & sunt duæ res spirituales, quia  
 vna potest esse sine alia. Et ideo neque per peccatum, *Caracter*  
 neque per offensam, neque per lapsum christianus, qui *est inde-*  
 semel accepit talem potestatem & auctoritatem, nullo *lebilis.*  
 modo potest perdere, nec est in potestate sua amittere,  
 nec annullare illum caracterem, qui est indelebilis in-  
 æternum & permanens, & tandiu, quamdiu anima est,  
 & erit. Qui ergo accepit Sacramentum Ordinis, accepit  
 rem spirituales, indelebilem, inuariabilem & semper  
 permanentem, sicut anima.



## TITVLVS CCCVI.

*Quòd bonitas & malitia persona non diminiunt, neque mutant, neque destruunt talem potestatem administrandi Sacramenta.*

**H**Oc autem conuenientissimum est, quòd scilicet talis character, siue potestas sit indelebilis & permaneat, etiam si gratia destruat. Vnde cum talis potestas & auctoritas administrandi ipsa Sacramenta detur illis, quibus datur, non propter seipsos, sed propter alios: vt scilicet alij recipiant, Sacramenta ab eis, in quibus recipiant gratiam & salutem, sicut ordinatum est à Christo; ideo cum ista potestas necessaria sit propter alios, & non propter illos, qui habent talem potestatem, qui possunt perdere bonitatem & gratiam, & possunt effici mali: necesse est, quòd quamuis perdant bonitatem & gratiam, quòd nullo modo perdant talem potestatem, seu auctoritatem. Vnde quia necesse est, quòd homines recipiant talia Sacramenta ad eorum salutem, quia ita ordinatum est: & etiam necesse est, quòd aliquibus personis detur auctoritas & potestas administrandi & dandi ipsa Sacramenta, & hoc per Sacramentum Ordinis: ideo necesse est, quòd bonitas, siue malitia ministri, qui habet talem potestatem, nihil addat, vel diminuat de potestate eius, nec de auctoritate: quia ipsa bonitas potest perdi frequenter & recuperari. Et ideo fieret maximum nocumentum & damnum omnibus aliis recipientibus ipsa Sacramenta, si talis potestas destrueretur propter malitiam personæ, & malitia ministri præiudicaret & noceret saluti aliorum, quod fieri non debet. Et etiam nullus est certus de malitia & bonitate alterius: & sic semper esset dubium, vtrum recipiens Sacramentum reciperet verum Sacramentum, si requireretur bonitas ministrantis Sacramenta. Cum enim talis potestas administrandi non sit nisi auctoritas administrandi ipsas res exteriores visibiles & verba auditoria: & quia Christus dat gratiam inuisibilem in ipsis Sacramentis; ideo postquam minister nihil dat inuisibile in anima, nec potest, sequitur, quòd bonitas, vel malitia nihil facit ad virtutem Sacramenti: dum tamen faciat, sicut Christus ordinauit fieri: vnde non est nisi coadiutor & cooperator

*Malitia  
Sacerdo-  
dotum  
nihil fa-  
cit ad  
Sacra-  
mentum.*

rator Christus exterius. Si enim homo bonus siue malus nihil variat ad generationē corporalem: quia etiam Deus dat animam corpori, siue sit generatum ab homine bono, vel ab homine malo: itaque neque malitia, neque bonitas impedit, quin det animam: ita etiam bonitas, vel malitia ministri nihil impedit, quin Deus semper det gratiam in Sacramentis: quia ipsum sacramentū est sicut corpus, & gratia est sicut anima. Sicut ergo Deus non denegat animā corpori generato à malo homine; ita non denegat gratiam Sacramento administrato à malo ministro. Vnde Sacramenta sunt ipsius Christi, qui ea ordinavit, & non sunt ministri: & ideo in re ministrata nihil facit bonitas, vel malitia ministri. Et quia aliud est gratia, & aliud est potestas, seu caracter impressus in anima: ideo etiam quamvis aliquis perdat gratiam sibi datam in Baptismo, & sit in lapsu secundo; potest tamen recipere Sacramentū Ordinis, & per consequens potest recipere talem potestatem spiritualem & caracterem; quia non præsupponit gratiam, seu bonitatem personæ de necessitate; sed solum requiritur de necessitate, quòd sit Christianus. Et sic apparet, quòd per talem potestatem nemo efficitur melior alia ratione potestatis & auctoritatis acceptæ. Sed quoniā talis persona, quæ recipit talem & tam excellentem potestatem administrandi & dispensandi tam sanctissimas res sicut sunt Sacramenta, debet superare alios bonitate, sicut superat potestate & auctoritate & officio: quia talia Sacramenta non possunt dignè administrari, nisi persona administrans habeat excellentem bonitatē: ideo quamvis Sacramentum Ordinis sit institutum principaliter ad dandum ipsam potestatem spiritualet; tamen ex consequenti etiam dat gratiam spiritualet, sicut alia Sacramenta, sine qua non potest talis potestas dignè exerceri. Si ergo persona recipiens Sacramentum Ordinis habet gratiam, quæ datur in aliis Sacramētis: tunc augetur & crescit in isto Sacramento, & datur copiosior; si autem non habet gratiam, sed est in peccato mortali scienter: tunc nullam gratiam recipit, sed auget culpam: & solum recipit potestatem, quæ non requirit bonitatem de necessitate, nec gratiam. Nemo igitur volens recipere Sacramenta salutis intromittat se de bonitate, vel malitia ministri, qui dispensat & ministrat Sacramentum; sed solum respiciat Sacramentum

*Character non præsupponit gratiam in recipiente.*

*In Ordine datur copiosior gratia habenti gratiam.*

& vir



## 624 De Sacramento Ordinis.

& virtutem Sacramenti, & illum, qui instituit & ordinavit ipsum Sacramentum, scilicet Christum. Nemo credat, quod plus recipiat à bono, quam à malo ministro de virtute Sacramenti: quia minister nullam virtutem dat illi Sacramento; sed solum ille, qui instituit & ordinavit, & cuius nomine Sacramentum recipitur. Quid enim facit bonitas, vel malitia Apothecarij in administratione medicinæ? Si enim medicina de se bona est, & habet virtutem, nihil impedit bonitas, vel malitia dispensantis, sufficit quod administret, sicut debet, & sicut medicus scripsit & ordinavit.

### T I T V L V S C C C V I I.

*Quod potestas spiritualis, seu Sacramentum ordinis primò & principaliter respicit principalissimum Sacramentum, quod est corpus & sanguis Christi, & ad illud ordinatur.*

Tit. 288.

**Q**uoniam autem necessaria est potestas dispensandi & administrandi Sacramenta, ad dandum potestatem talem est ordinatum Sacramentum Ordinis. Et quia ipsa potestas est auctoritas & propter ipsa Sacramenta; ideo primò & principaliter debet respicere Sacramentum principalissimum & maximum. Unde principalis gradus & maximus potestatis est respectu principalissimi & excellentissimi Sacramenti, & ab illo Sacramento debet talis potestas denominari tanquam à digniori, & nobiliori. Et quia Sacramentum corporis & sanguinis Christi est principalissimum & dignissimū & maximum: ut iam declaratum est: quia in eo continetur totus Christus, qui est Deus & homo perfectus: ideo sequitur, quod Sacramentum Ordinis primò & principaliter & de directo respicit potestatem quæ datur homini supra Sacramentum corporis & sanguinis Christi: & propter illud Sacramentum principaliter sacramentum ordinis est institutum & ordinatum. Et quia gradus illius potestatis est ultimus: ideo fieri debet ascensus propter nobilitatem talis gradus per alios gradus, ita quod debet præcedere alias potestates inferiores gradatim ordinatas: quia congruum & dignum est, ut qui debet ascendere & levari ad tantam & talem potestatem, quod ascendat per gradus. Si enim tinctor, qui vult ponere in panno crudo nobilissimum colorem

lorē vltimum , primò ponit in panno alios colōres minus nobiles & gradatim ascendendo , donec pannus sit dignus recipere colorem vltimum nobilissimum: quanto magis, qui debet recipere tantam dignitatem & potestatem administrandi Sacram. corporis & sanguinis Christi , debet primò recipere alias potestates minus nobiles & inferiores gradatim ascendendo? Et ideo sunt primò sex gradus ordinati , seu sex potestates , seu officia, antequam perueniatur ad officium & potestatem supra Sacramentum corporis & sanguinis Christi : quia solemnitas & dignitas illius administrationis & dispensationis requirit tot officia & potestates distinctas : & ideo Sacramentum ordinis continet septem gradus ordinatos, qui omnes ordinantur ad vnum Sacramentum, scilicet corporis & sanguinis Christi : & ideo quamuis sint septem, tamen omnes sunt vnum Sacramentum Ordinis : quia sex primi ordinantur ad septimum , & septimus immediatè ordinantur ad Sacramentum corporis & sanguinis Christi : & ideo sex primi gradus sunt subministrantes & subseruientes. Sicut enim in homine sunt potestates in anima per gradus ordinatè , vt iam fuit declaratum in capitulo de obligatione ; ita quod sunt potestates infimæ, mediæ & supremæ : quia sunt potestates vegetatiuæ , sensitiuæ , & vltima potestas dignior & suprema , scilicet intellectiua & liberi arbitrij : & omnes potestates inferiores sunt propter liberum arbitrium : ita similiter est in potestatibus spiritualibus : quia sunt potestates infimæ , mediæ & supremæ ad quam , scilicet supremam omnes aliæ ordinantur. Istæ autem potestates spirituales multiplicantur & distinguuntur per respectum ad Sacramentum corporis Christi. Quia Sacramentum ordinis ordinatur ad Sacramentū sacramentorū. Vnde propinquissima & principalis potestas est ad consecrationem illius Sacramenti : & hæc potestas est ordo sacerdotalis & sacerdotium. Aliæ verò potestates sunt ad ordinandum aliquod ministerium in isto Sacramento : ita quod cooperantur potestati sacerdotali : & hoc vel in ordine ad ipsum Sacramentum , vel in ordine ad ipsum Sacramentum suscipientes. Et ideo secundum quod requirit perfectio & complementum ipsius officij & ministerij : secundum hoc multiplicantur ipsæ potestates spirituales. Nam oportet aliquos ministrare quasi à remotio-

*Quod septem sunt Ordines.*

*Titulo 94. &c.*

*Omnes Ordines ordinantur ad sacramentum corporis Christi.*



## 626 *De Sacramento Ordinis.*

ri, & aliquos à proximiori, & aliquos medio modo: ut nihil deficiat in tanto ministerio quod debet esse summè ordinatum. Et ideo sunt septem potestates, seu gradus. Primus incipièdo ab infimo est gradus hostiarij, seu potestas hostiarij, secundus lectoris, tertius exorcistæ, quartus acoliti, quintus est subdiaconi, sextus diaconi, septimus & ultimus præsbiteri, seu Sacerdotis. Et quilibet istorum graduum habet suam potestatem distinctam, & suam propriam operationem, quæ respicit Sacramentum Eucharistiæ modo ordinato. Sed quia tales personæ quæ accipiunt tales potestates spirituales, assumuntur de aliis & eleuantur supra alias personas; ideo oportet, quòd sit quædam distinctio visibilis, ut tales personæ distinguantur ab aliis. Et ideo primò & ante omnia præcedit tonsura in capite ad distinguendum. Et sic apparet qualiter pars clericalis eleuatur per gradus ordinatos super partem laicalem: & ideo est ibi primus ordo superioritatis & inferioritatis inter partem clericalem & laicalem per talem potestatem. Deinde in ipsa parte clericali fit superioritas & inferioritas per gradus ordinatos & distinctos. Et ideo pars clericalis est ordinata in se & infra se per talem potestatem spirituales: & ideo rectè Sacramentum, in quo datur ipsa potestas spiritualis, dicitur Sacramentum ordinis: & primò ordinat duas partes generales in Christianitate, scilicet clericalem & laicalem: deinde ordinat partem clericalem in se dando distinctos gradus potestatis. Et ideo Sacramentum ordinis est ordinatum, distinctum & protestatum.

### TITVLVS CCCVIII.

*Comparatio istarum potestatum spiritualium & ordinarum ad ordines aliarum rerum.*

*Potestas naturalis.*

**P**ossumus ergo comparare ordinem potestatum spiritualium ad ordinem aliarum rerum, ut magis cognoscatur. Vnde sicut videmus quòd potestates naturales, quæ sunt in homine duobus modis reperiuntur, scilicet diuisim & coniunctim: quia potestates vegetatiuæ reperiuntur in arboribus & in plantis: & ibi non sunt potestates sensitiuæ, nec potestas liberi arbitrij: & similiter potestates sensitiuæ sunt in animalibus, &

& ibi non reperitur potestas liberi arbitrij: & deinde in homine reperiuntur omnes potestates insimul coniunctæ & ordinatæ & nulla deficit: ita quod totum complementum est in homine: nec aliqua potestas naturalis potest ei addi maior: quia in potestate liberi arbitrij est status. Ita conformiter istæ potestates spirituales, seu officia, quæ sunt propter hominem & debent conformari homini, reperiuntur coniunctim & diuisim: quia reperiuntur personæ, in quibus solum est consuetudo clericalis & non plus: & etiam personæ, in quibus sunt quatuor minores ordines & non plures: & etiam sunt personæ, in quibus est ordo subdiaconatus tantum: & etiam, in quibus est ordo diaconatus & non plus: & ultra hoc omnes istæ potestates insimul coniunctæ sunt in sacerdote, & ultra hoc potestas sacerdotalis est quasi complementum & consummatio omnium: & sic in sacerdote est totum complementum, sicut in homine. Sicut ergo se habet potestas liberi arbitrij ad alias potestates naturales: sic se habet quodammodo potestas sacerdotalis ad alias potestates inferiores. Et sicut supra liberum arbitrium non est alius gradus potestatis naturalis; ita supra gradum sacerdotalem non est alius gradus potestatis spiritualis. Et sicut omnes potestates naturales sunt propter liberum arbitrium & ei seruiunt, vel ministrant mediatè, vel immediatè, & per quemdam ordinem: ita omnes potestates spirituales inferiores sunt propter sacerdotalem potestatem & ei seruiunt & ministrant mediatè, vel immediatè. Et sicut potestates naturales inferiores nobilitantur in homine, quando sunt coniunctæ cum libero arbitrio, quod est dignissimum in natura: ita quod sunt magis excellentes, quàm quando sunt separatæ à libero arbitrio in rebus aliis: ita conformiter inferiores spirituales potestates nobilitantur in sacerdote: quia sunt coniunctæ cum potestate sacerdotali. Itè sicut potestates inferiores naturales, scilicet vegetatiuæ & sensitiuæ non ordinantur ad Deum immediatè, sed mediante libero arbitrio nec vniuntur, nec loquuntur cum Deo immediatè, sed potestas liberi arbitrij immediate sine aliquo medio ordinatur ad Deum & vnitur cum Deo immediatè, & cum Deo loquitur immediatè: ita quod inter liberum arbitrium & Deum nullum cadit medium; ita conformiter potestates

*Sacerdotium est complementum omnium Ordinũ.*

*Omnes Ordines nobilitantur in sacerdote.*



## 628 *De Sacramento Ordinis.*

Spirituales interiores non ordinantur immediatè ad sacramentum Eucharistiæ, in quo est Christus, qui est verus Deus : nec vnitur cum sacramento immediatè, sed ordinantur ad ipsum mediante potestate sacerdotali: sed ipsa potestas sacerdotalis immediatè ordinatur ad ipsum sacramentum Eucharistiæ & vnitur cum eo, & per consequens cum Christo : & inter ipsam potestatem sacerdotalem & sacramentum Eucharistiæ nullum est medium. Et sicut liberum arbitrium est propinquissimum Deo per naturalem potestatem ; ita sacerdos est propinquissimus ipsi sacramento Eucharistiæ, in quo est Deus per potestatem sacerdotalem. Et sicut quamuis liberum arbitrium, sit deformatum per malitiam ; attamen est propinquissimum Deo per naturam : ita quamuis sacerdos sit deformatus per malitiam ; attamen est propinquus isti sacramento per potestatem sacerdotalem, quæ semper manet. Et sicut liberum arbitrium est immortale & semper durat ; ita potestas sacerdotalis est immortalis & semper durans. Item etiam sicut omnes creaturæ inferiores, in quibus sunt omnes potestates inferiores naturales, ad Deum reducuntur mediante homine, qui immediatè est coniunctus Deo per liberum arbitrium ; ita quod homo est medius inter Deum & omnes creaturas per naturam ; ita omnia, quæ sunt infra sacerdotem & omnes gradus inferiores & etiam pars laicalis reducuntur ad sacramentum Eucharistiæ : & per consequens ad Deum mediante sacerdote, qui est coniunctus immediatè ipsi sacramento Eucharistiæ, in quo est Deus & hoc per potestatem sacerdotalem & dignitatem : ita quod sacerdos est medius per suam potestatem inter Christum, qui est in isto sacramento, & omnes alios inferiores. Et sicut in homine continentur omnes creaturæ inferiores, & homo habet convenientiam cum omnibus, & ideo reducit omnes creaturas ad Deum : vnde homo continet in se naturam elementorum & arborum & animalium ; ita conformiter continentur in sacerdote omnes inferiores gradus & infima pars christianitatis ; & cum omnibus habet convenientiam ipse sacerdos : quia continet primò in se partem laicalem : quia primò fuit laicus sicut & alij : & retinet in se totum illud, quòd in illo statu receperat, & etiam continet in se omnes gradus inferiores : & ideo sacerdos quasi omnia in se continens reducit omnia

*Sacerdos quamuis malus est propinquissimus Eucharistia*

*Per sacerdotem omnes reducuntur ad Deum.*

nia ad Deum in sacramento Eucharistiæ, & omnia ibi coniungit. Et sicut potestas liberi arbitrij ex natura sua est supra alias potestates naturales; ita potestas sacerdotalis ex natura sua propria est supra omnes alias potestates spirituales. Et sicut est vnus primus homo solus, quem Deus fecit primò per manus suas & per illum fecit & multiplicauit alios homines in natura; ita similiter non est nisi vnus primus sacerdos, quem Deus primò fecit per manus suas: & per illum fecit & multiplicauit omnes alios homines sacerdotes: & ille homo est Christus, qui est solus & verus sacerdos, qui immediatè est coniunctus deitati. Sic igitur quodammodo sicut se habet homo in natura per potestatem liberi arbitrij ad omnes res inferiores & ad Deum; sic se habet sacerdos per potestatem sacerdotalem in christianitate ad omnes inferiores & ad sacramentum Eucharistiæ, in quo est Deus. Sicut enim homo respicit Deum in natura; ita sacerdos respicit Sacramenta, in quibus est Deus.

*Christus est primus sacerdos.*

Item etiam alia comparatio potest fieri ad pannum, qui recipit colores. Quia sicut colores reperiuntur duobus modis, scilicet, diuisim & coniunctim: quia tinctor volens ponere colorem aureum seu nobilissimum in aliquo panno, primò ponit alios colores minus nobiles & inferiores per suos gradus: & paulatim pannus recipit colores semper ascendendo ad nobiliorem colorem, donec deueniat ad vltimum colorem & intentum, & ibi est finis: & quamuis omnes isti colores sint coniuncti insimul in vno panno: attamen etiam sunt diuisi in pluribus pannis: ita quod vnus pannus habet vnum tantum colorem, & alius alium, & sic de aliis. Ita quodammodo fit in potestatibus spiritualibus ordinatis, quæ dantur in sacramento ordinis ordinato modo & semper ascendendo de vna potestate ad aliam, donec deueniat ad sacerdotium, quòd est vltimus gradus & vltimus ordo. Sic ergo apparet qualiter ordo potestatum spiritualium conformatur quodammodo ordinibus potestatum naturalium, quæ sunt in homine: & etiam in ordinibus aliarum rerum. Vnde quia omnia sunt propter hominē & etiam fiunt in homine: conueniens est, quòd omnia proportionentur homini. Et si ordo est in rebus na-



## 630 De Sacramento Ordinis.

turalibus, conueniens est, quòd sit ordo in rebus spiritualibus, quæ sunt propter animam rationalem, de cuius natura propriè est cognoscere ordinem & omnia agere ordinatè.

### TITVLVS CCCIX.

*Quòd sicut potestas sacerdotalis respicit principaliter Sacramentum Eucharistia; ita etiam per consequens secundariò respicit Sacramentum Pœnitentia.*

**E**T quoniam Sacramentum Ordinis, in quo datur potestas spiritualis, respicit ipsa sacramenta, & ad ipsa ordinatur: ideò oportet quòd talis potestas detur, secundum quod ipsa sacramenta exigunt & requirunt. Et ideo quia iam dictum est in sacramento pœnitentiæ, quòd illud sit per modum iudicij particularis & secreti, & quòd ibi est necessarius iudex particularis, qui audiat & discutiatur peccata & discernat & iudicet: & hoc de necessitate exigit sacramentum: & quia nullus potest iudicare, nec exercere officium iudicandi, nisi receperit potestatem & auctoritatem ab illo, cuius sunt illi, qui peccant: ideo necessaria est auctoritas & potestas iudicandi & potestas absoluendi propter sacramentum pœnitentiæ. Vnde cum declaratum sit, quòd nullus debet suscipere sacramentum corporis Christi, qui sit in lapsu secundo: quia oportet primò quòd resurgat & recuperet vitam: & hoc non potest fieri, nisi per sacramentum pœnitentiæ: & sacramentum pœnitentiæ non potest fieri, nisi sit aliquis, qui habeat potestatem & auctoritatem iudicandi peccata & absoluendi: ideo concluditur quòd necesse est quod talis potestas iudiciaria detur in sacramento Ordinis. Et quia ista potestas est colligata cum potestate dispensandi sacramentum Eucharistiæ: quia homines non possunt recipere tale sacramentum, nisi absoluantur prius à peccatis: ideo sicut sacerdotes per sacramentum ordinis recipit potestatem supra sacramentum corporis Christi; ita recipit ex consequenti potestatem supra sacramentum pœnitentiæ: quia ad vnā sequitur alia. Et sic sacerdos recipit potestatem absoluendi & iudicandi: & talis potestas vocatur clavis, qui aperit homini lapsò, ut intret in sacramentum corporis Christi, & ipsum recipiat, & per consequens introducit hominem in societatem fidelium christianorū & amicitiam

*Quòd potestas ligandi & soluendi detur in Ordine sacerdoti.*

*Clavis dicitur.*

citiam Dei: & per consequens in regnum cœlorum, qui antea erat extra propter peccata. Sicut autem sacerdotalis potestas respicit sacramentum Eucharistiæ, ex cōsequenti sacramentum pœnitentiæ; ita etiã respicit omnia sacram. quæ purgant peccata, sicut est sacram. baptismi, quòd concordat cum sacram. pœnitentiæ, vt declaratum fuit: sed non requiritur tanta potestas in Sacram. Baptismi, sicut in Sacram. pœnitentiæ: quia illud non fit per modũ iudicij; sed sufficit aquã administrare cũ verbis ordinatis, & non oportet ibi iudicare, nec audire peccata illius, qui recipit aquã baptismalem; sed in sacramento pœnitentiæ necesse est, quòd homo submittat se totaliter potestati sacerdotali, quæ est potestas iudicandi & absoluendi & etiam refutandi: & ideo in isto sacramento administrando requiritur specialis potestas, quæ non requiritur in baptismo. Item etiam quia sacramentum extremæ-vnctionis purgat peccata: ideo ex consequenti etiam sacerdos recipit potestatem administrandi illud sacramentum: Et sic sacerdos per sacramentum ordinis recipit potestatem administrandi & dispensandi ac conferendi sacramentum Eucharistiæ principaliter, quia ad illud ordinatur, & ex consequenti ad sacramentum pœnitentiæ, baptismi, & extremæ-vnctionis.

T I T V L V S C C C X.

*Quòd administratio sacramenti ordinis requirit excellentiam & præminentiam potestatis supra potestatem sacerdotalem.*

**Q**uoniam autem ordo est sacramentum sicut & alia sacramenta: ideo sicut necessaria est potestas & auctoritas dispensandi, administrandi & dandi alia sacramenta: & propter hoc institutum & ordinatum est sacramentum ordinis, in quo daretur auctoritas & potestas dispensandi, administrandi, & conferendi alia sacramenta; sic etiam necessaria est potestas dispensandi, administrandi & conferendi ipsum sacramentum ordinis: quia aliàs non esset complementum in sacramenti: & talis potestas oportet, quòd habeat excellentiam & præminentiam & dignitatem supra potestatem, quæ datur supra sacramentum ordinis. Et ideo necesse est, quòd vltterius fiat ascensus & eleuatio su-  
Potestas ordinandi est supra sacerdotium.



## 632 *De Sacramento Ordinis.*

pra potestatem sacerdotalem, quæ fuit vltima in Sacramento Ordinis: & sic oportet, quòd fiat superioritas & inferioritas vltior. Et ideo sicut omnes christiani conueniunt primò in susceptione Sacramentorum & in hoc erant æquales: & postea ex illis eleuantur aliqui, qui recipiant potestatem administrandi ipsa Sacramenta: & tales sunt sacerdotes; ita conformiter oportet, quòd ex sacerdotibus, qui sunt æquales per Sacram. ordinis aliqui eleuentur vltius super alios sacerdotes, qui habeant potestatem administrandi & conferendi Sacram. ordinis. Sicut enim, qui recipit potestatem sacerdotalem & eleuatur super alios, necesse est quòd sit christianus: ita qui eleuatur super sacerdotes oportet, quod sit sacerdos. Ecce igitur ordinem rectum & scalam ascendendi: quia primò homo eleuatur de primo lapsu, in quo est tota natura per Sacram. baptismi, & alia Sacramenta, in quibus datur gratia, & fit christ. & ista est prima eleuatio & radicalis, & est quædam superioritas & dignitas christiani super non christianum: quia non christianus adhuc est in primo lapsu vniuersali totius naturæ humanæ, & christianus iam eleuatus & surrexit. Deinde christianus eleuatur vltius & fit sacerdos, & recipit potestatem sacerdotalem: & ista est secunda eleuatio & secunda superioritas: quia christianus eleuatus, ordinatus ascendit supra christianum non ordinatum. Et quia oportet quod sit aliquis alius, qui det & habeat auctoritatem dandi Sacram. ordinis & ordinandi sacerdotem; sic est ibi tertia eleuatio & superioritas supra sacerdotem: & sic necessaria est potestas & auctoritas, qua excellat potestatem sacerdotalem simplicem. Sic ergo sicut sacerdos immediatè respicit christianos non ordinatos, seu partem laicalem; ita potestas & auctoritas, quæ excellit potestatem sacerdotalem, immediatè respicit ipsos sacerdotes. Et quoniam nullus christianus potest eleuari ad sacerdotium, nisi per Sacramentum ordinis, & non potest suscipere Sacramentum Ordinis à seipso, sed ab alio: & quia nullus potest conferre alteri, nisi habeat potestatem & auctoritatem conferendi istud Sacramentum: & quia nullus potest habere talem potestatem & auctoritatem à seipso, nisi recipiat ipsam à Christo immediatè, cuius sunt omnia Sacramenta; ideo sequitur de necessitate, vel quòd ipse Christus

met in

*Oportet  
quod sit  
auctori-  
tas supra  
sacerdo-  
tam.*

met in propria persona conferat Sacramentum Ordinis & constituat sacerdotes, & det eis potestatem sacerdotalem, vel constituat & ordinet aliquem vicarium loco sui, cui det potestatem & auctoritatem suam, scilicet conferendi & dispensandi Sacramentum ordinis & constituendi sacerdotes per vniuersum mundum. Sed quia Christus non debuit re-  
manere in terris, sed ascendere in cœlum, nec debuit conseruari inter homines post suam resurrectionem: ideo necessarium fuit quod ipse ordinauerit & constituerit christianum sacerdotem, seu christianos sacerdotes in terra, cui seu quibus dederit potestatem sacerdotalem: & vltra hoc quod haberet, seu haberent potestatem, seu auctoritatem conferendi & dispensandi seu distribuendi Sacramentum ordinis: & per consequens ordinandi & constituendi alios sacerdotes in terra: ita quod in ipso primo sacerdote ab ipso immediatè ordinato, seu in ipsis si plures fuerint, non solum esset potestas & auctoritas sacerdotalis, quæ est potestas iudicandi & absoluendi: immo etiam esset potestas excellentior & magis ampla & extensa, scilicet constituendi & ordinandi alios sacerdotes loco sui per Sacramentum Ordinis. Et sic patet necessitas ponendi primum sacerdotem, seu primos sacerdotes immediatè ordinatum, seu ordinatos à Christo: quia aliàs nullus sacerdos posset ordinari, neo per consequens Sacramenta salutis possent dispensari, & sic passio Christi & mors sua & redemptio essent frustra: quia per Sacramenta datur & communicatur passio Christi hominibus, vt declaratum est: quamuis autem Christus ordinauerit & constituerit plures sacerdotes immediatè per seipsum; attamen debuit constituere vnum sacerdotem vicarium suum, qui haberet præminentiam & excellentiam super alios: quia aliter christianitas & societas christianorum non esset vna, nec ordinata, neque regulata, nec fundata in vnione siue vnitatem, sed in pluralitate & diuisione: & per consequens in debilitate & non in fortitudine: quia vnitas est causa omnis fortitudinis, & diuisio est causa omnis debilitatis. Et cum Christus sit sapientissimus, non potuit fundare christianitatem & societatem christianorum in diuisione: sed vnitatem. Sic ergo si Chist. ordinauit plures

*Christus dedit primò auctoritatem conferendi Ordines.*

*Oportuit vnum vicariū Christi in terris à Christo constitui.*



## 634 De Sacramento Ordinis.

sacerdotes, necesse est, quòd ordinauerit vnum principalem, qui haberet præminentiam, & excellentiam super alios, qui esset caput & princeps aliorum, qui singulariter & principaliter repræsentaret personam suam, & esset loco sui & esset quasi ipsemet, postquam debebat ascendere in cælum & non habitare inter homines. Sic igitur probata est necessitas ponendi vnum primum sacerdotem vicarium immediatum Christi, qui sit caput christianitatis & societatis christianorum, qui repræsentet personam Christi in terris.

### T I T V L V S C C C X I.

*Qualiter excellentia potestatis & auctoritatis sit in isto primo sacerdote.*

**E**T quoniam iste primus sacerdos non solum est sacerdos, sed est primus & etiam vicarius Christi repræsentans personam Christi, ideo non solum habet potestatem sacerdotalem, quæ est potestas supra corpus Christi & potestas absoluendi & iudicandi peccata hominum: sed etiam habet istam potestatem per excellentiam & in summo, ita quod non potest esse maior. Et ideo oportet quod habeat potestatem vniuersalem conferendi & dispensandi Sacramentum ordinis omnibus hominibus aptis ad recipiendum & constituendi & ordinandi sacerdotes per vniuersum mundum indistinctè. Et etiam oportet quòd habeat, potestatem vniuersalem indeterminatam siue mensura: & ideo oportet quod habeat potestatem iudicandi & absoluendi omnia peccata, vel crimina omnium christianorum sine aliqua determinatione vel limitatione, & sic necesse est, quòd sua potestas sit vniuersalis & nullo modo coarctata, nec limitata, seu mensurata. Et quia est prima & immediatè à Deo collata per modum vicariatus & vicem gerentis in terris: ideo talis debet esse prima potestas: quia talis est necessaria, vt sit plena completa, & nihil ei deficiat. Et quia potestas sacerdotalis est duplex quantum ad opus, scilicet potestas supra Sacramentum corporis & sanguinis Christi: & potestas iudicandi & absoluendi peccata in Sacramento poenitentiae, seu potestas iudiciaria, siue iudicabilis: & istæ duæ potestates quamuis sint vna in radice, vel insimul sint

*Quod in Papa sit plenitudo potestatis.*

*Duplex potestas in Sacerdote.*

sint colligatz : tamen differunt : quia potestas, quæ est supra Sacramentum corporis Christi non potest crescere, vel diminui, nec potest plus habere vnus quàm alter de potestate : immo in hoc omnes sacerdotes sunt inæquales : ideo quo ad istam potestatem summus & primus sacerdos non habet maiorem potestatem, quàm alij sacerdotes ab eo ordinati; sed solum ipse habet plus in hoc: quia habet potestatem conferendi Sacramentum ordinis, in quo datur talis potestas : nec ipse dat talem potestatem, sed Christus immediatè in ipso Sacramento Ordinis quia talis potestatis est caracter impressus in anima, vel talis potestas fundatur in tali caractere sacerdotali : quia nullus potest aliquid imprimere in anima nisi Christus: & ideo potestas sacerdotalis supra corpus Christi immediatè descendit à Christo, & non ab ipso primo sacerdote, qui confert sacramentum. Et ideo supra potestatem sacerdotale non est aliqua potestas alia, seu alius gradus potestatis quantum ad sacramentum corporis Christi, sed solum primus sacerdos habet istam potestatem cum maiori amplitudine & extensione in quantum potest conferre sacramentum ordinis, in quo confertur talis potestas. Sed ad secundam potestatem iudiciariam, quæ etiam colligata est cum prima potestate & insimul datur, est maxima distantia: quia ista potestas potest crescere & diminui, & dilatari & constringi, coarctari & amplificari, & esse maior & minor, sed non quo ad radicem: quia ista potestas etiam datur immediatè à Christo per caracterem sacerdotalem: quia colligata est cum prima: sed tantum quantum ad vsum & exercitium: quia ista potestas iudicandi & absoluedi non potest operari, nec exire in opus & vsum, nisi habeant homines sibi subiectos, qui possint iudicari & absolui & recipere operationem, talis potestatis. Sic ergo ista potestas quantum ad vsum requirit homines tanquam materiam, super quos operetur; sed prima potestas sacerdotalis non requirit homines, super quos operetur, sed solum materiam, scilicet panem & vinum : quia talis potestas non exercetur circa homines immediatè, nisi in quantum eis administratur sacramentum. Sic ergo in potestate secunda sacerdotali, quæ est potestas iudicandi & absoluedi, duo sunt consideranda, scilicet ipsa potestas & auctoritas, & ipse vsum, seu exitus in actum, & quantum ad ipsam potestatem & auctoritatem in se est æqualitas.

*Differentia potestatis ligandi & soluendi in sacerdotibus.*

*Duo sunt in potestate illa auctoritas & vsum.*

in



## 636 *De Sacramento Ordinis.*

in omnibus sicut de prima potestate ; sed quantum ad vsum requirit homines , qui iudicentur & absoluantur ; & peccata quæ iudicentur & remittantur. Et ideo quia primò sacerdoti vicario Christi est concessa vniuersalis potestas primò iudicandi & absoluendi omnes homines , & omnia peccata & crimina : ideo ipse habet istam potestatem completam & perfectam , & habet vsum completum & perfectum, & potestatem exercendi eam circa omnes homines, & ideo christiani omnes sunt ei subditi soli quantum ad istam potestatem, & à nullo alio iudicari possunt , nec absolui : & ideo vsus istius potestatis est in eo plenus & completus. Et ideo necesse est, quòd si sacerdotes, qui receperunt potestatem iudicandi & absoluendi per sacramentum ordinis, debeant vti sua potestate circa homines & iudicare & absolvere , quòd ipse primus sacerdos , cui subiecti sunt omnes christiani , quoad potestatem iudiciariam subiiciat ei homines & determinet, in quo possunt exercere potestatem suam : quia nullus sacerdos potest aliter iudicare , nec absolvere aliquem hominem in terra. Quamuis igitur ipse non conferat potestatem iudiciariam , seu iudicandi , nec absoluendi : quia Christus hæc facit ; tamen ipse debet dare potestatem super tales homines : quia ipse est iudex vniuersalis omnium christianorum. Et ideo potestas iudicandi & absoluendi potest esse maior , vel minor , vel magis ampla , vel restricta , secundum quòd plures , vel pauci homines subiecti sunt tali potestati, vel etiam quo ad ipsa peccata minora, vel maiora. Et quantum ad istam potestatem iudicandi, vel absoluendi semper supra potestatem sacerdotalem est potestas primi sacerdotis & summi, qui potest totaliter impedire vsum , vel dare homines, qui subiiciantur potestati sacerdotali, secundum quod in sua voluntate consistit. Sic ergo primus & summus sacerdos vicarius Christi in terris habet in se potestatem sacerdotalem, & habet potestatem conferendi Sacramentum ordinis vniuersaliter & ordinandi, quos voluerit : & habet vniuersalem potestatem iudicandi & absoluendi super omnes christianos indistinctè , & in eo est radicata & plantata ista potestas : & ipse potest distribuere omnes christianos per plures partes , & dare aliis sacerdotibus ab ipso ordinatis certam portionem hominum

*Quod  
Papa ha-  
bet pleni-  
tudinem  
iurisdi-  
ctionis.*

hominum christianorum , in qua quilibet sacerdos suam exerceat potestatem. Et talis potestas absoluedi & iudicandi recepta à primo sacerdote vocatur potestas iurisdictionis: quia nullus alius sacerdos habet ius ad iudicandum & absoluendum aliquem christianum , nisi talis ei fuerit datus & subiectus ab ipso vicario Christi , cuius est tota & completa iurisdictionis. Et sic apparet , quòd duplex est potestas , quæ datur in Sacramento Ordinis , scilicet potestas ordinis , & potestas iurisdictionis. Prima immediatè descendit à Christo , & non à summo sacerdote ; sed secunda descendit primò à Christo , & datur primo sacerdoti vicario eius , & viterius vicarius distribuit illam , quibus vult & sicut vult : quia sua est tota , & ei tota donata est. Et sic sacerdos ordinatus per Sacramentum Ordinis recipit potestatem ordinis , sed non potestatem iurisdictionis. Sed quia primus sacerdos & vicarius Christi non potest esse per orbem vniuersum : & etiam quia necesse est , quòd vbique sint sacerdotes , qui administrent Sacramenta & iudicent & absoluant christianos de peccatis suis : ideo quia ipse habet potestatem vniuersalem sibi datam : ideo potest distribuere & dare partem suæ potestatis aliis sacerdotibus , & distribuere eis certam portionem christianitatis , qui loco sui exerceant potestatem iurisdictionis , & etiam conferant Sacramentum Ordinis & multiplicent sacerdotes : qui habeant potestatem dispensandi Sacramenta immediatè : & tales sacerdotes immediatè recipientes potestatem iurisdictionis & potestatem dandi & dispensandi Sacramentum Ordinis vocantur *Episcopi* : quia sunt immediatè supra sacerdotes simplicem potestatem habentes. Sic ergo necessarius primò est summus sacerdos , secundo necessarij sunt sacerdotes *Episcopi* , qui habeant potestatem iurisdictionis & potestatem administrandi Sacramentum Ordinis , & ordinandi sacerdotes alios : & necessarij sunt etiam sacerdotes simplices , qui immediatè administrent alia Sacramenta Christianis. Et sic necessarij sunt tres sacerdotes vt sit complementum , s. simplex sacerdos & *Simplex sacerdos.* magnus sacerdos: & summus sacerdos: ita quod simplex recipit à magno , scilicet ab Episcopo Sacram. ordinis & partem iurisdictionis suæ , & immediatè respicit populum christianum , cui administrat Sacramenta: sed magnus



## 638 *De Sacramento Ordinis.*

magnus sacerdos recipit potestatem, suam à summo sacerdote. Et ideo simplex Sacerdos est superior, quàm pars laicalis, & magnus sacerdos est superior, quàm simplices sacerdotes. & ideo est sacerdos sacerdotum, & summus sacerdos est supra magnum sacerdotem & ideo est Episcopus Episcoporum. Et sic per Sacramentum Ordinis constituitur mirabilis ordinatio in tota christianitate, quæ debet esse ordinata secundum potestatem iudiciariam. Sic ergo hæc potestas iudiciaria, scilicet iudicandi & absoluendi, quæ est potestas iurisdictionis quantum ad vsum primò concessa est & data totaliter & plenariè vni & summo sacerdoti, cui collata est tanquam summo capiti potestas vniuersalis: deinde diuiditur in partes, ita quòd primò diuiditur in Episcopos & in magnos sacerdotes: deinde descendit in simplices sacerdotes, qui presbiteri vocantur, & hoc ab vno capite. Et ideo licet quilibet sacerdos habeat potestatem ordinis & clauem, quæ est potestas iudicandi & absoluendi: tamen vsus suæ potestatis tantummodo se extendit ad illos, qui sunt subiecti sibi ordinariè. Et quia potestas administrandi Sacramenta est indelebilis & perpetua in se, sicut probatum est de potestate sacerdotali, licet potestas iurisdictionis possit perdi: ideo sicut sacerdos non potest perdere potestatem sacerdotalem sibi collatam in Sacramento Ordinis; ita etiam Episcopus, qui est supra sacerdotem, nullo modo potest perdere potestatem administrandi & conferendi Sacramentum ordinis: quia est ei essentialis, & adiuncta ac annexa cum potestate & gradu sacerdotali. Nec ista potestas est potestas iurisdictionis: & ideo non datur illo modo sicut potestas iurisdictionis: nec cum tali potestate imprimitur in anima alius caracter supra caracterè sacerdotalem: quia ille est vltimus caracter. Vnde primus sacerdos immediatè ordinatus à Christo seu primi sacerdotes, qui habebant potestatem administrandi Sacram. Ordinis, propter talem potestatem non habuerunt alium caracterem in anima, nisi caracterem sacerdotalem: & similiter est dicendum de aliis sacerdotibus, qui respiciunt potestatem conferendi ordines. Non ergo datur alius caracter, sed ipse sacerdotalis caracter prius existens quodammodo crescit in potestate & dilatatur, amplificatur & dignificatur. Vnde sacerdotalis potestas est sicut potestas

*Potestas  
ordinan-  
di sēper  
manet  
Episcopo.*

*Vnus est  
caracter  
vtrius-  
que pote-  
statis.*

stas libeti arbitrij, supra quam non est aliqua potestas naturalis: sed sicut liberum arbitrium potest crescere & dignificari & amplificari per scientias & virtutes & artes & per officia: & propter hoc vnum liberum arbitrium ascendit supra aliud, & non naturaliter, nec radicaliter; ita possumus dicere conformiter, quod quamvis potestas sacerdotalis sit vltimus gradus radicalis in potestatibus spiritualibus, quæ dantur per Sacramentum Ordinis; attamen potest crescere & amplificari & dignificari: vt sicut potestas sacerdotalis se extendit ad alia Sacramenta; ita se extendat ad Sacramentum Ordinis: ita quod non sit alia potestas noua, sed prima amplificata & magis dilatata. Et ideo sicut potestas sacerdotalis est indelebilis; ita etiam potestas episcopalis. Et sicut potestas episcopalis extendit se supra potestatem sacerdotalem ad conferendum Sacramentum ordinis, quod est potestatiuum: quia in eo datur potestas; ita etiam se extendit ad Sacramentum confirmationis, in quo Sacramento datur potestas & virtus pugnandi publicè contra inimicos Christi, & est quasi officium quoddam spirituale: & quia requiritur ibi maxima potestas & magna firmitas; ideo non debet dari per simplicem sacerdotem, qui habet potestatem simplicem; sed per magnum sacerdotem & Episcopum, qui habet potestatem per excellentiam, & habet potestatem supra potestatem: quia habet potestatem supra Sacramentum Ordinis, quod est potestatiuum. Et sic duo Sacramenta debent administrari ab illis magnis Sacerdotibus & Episcopis.

*Potestas  
Episcopi  
est inde-  
lebilis.*

T I T V L V S C C C X I I.

*Epilogatio.*

**S**ic igitur apparet ex omnibus supradictis, qualiter spars clericalis est excellentissimè ordinata & regularata ac disposita per mirabiles gradus, quasi per quandam mirabilissimam scalam ab infimis ad suprema ascendendo, & descendendo à supremis ad infima: quoniam primus ascensus est tonsura clericalis, secundus est psalmistatus, & isti duo non sunt ordines, sed preparatorij ad ordines: tertius est ostiariatus, quartus lectoratus, quintus exorcistatus, sextus acolitatus, septimus subdiaconatus, octauus diaconatus, nonus sacerdotalis,



cerdotalis, siue presbiteratus? Et hic est finis in ordinibus: sed per modum complementi superponitur istis ordinibus sacris Epistolatus, Archiepiscopatus, Patriarchatus, Cardinalatus, & Papatus, à quibus sacri ordines fluunt & dispensantur. Et sic dicemus: ascensus est Epistolatus, vndecimus Patriarchatus, & vltimus est Papatus, in quo est summus sacerdos. Et quia potestas per excellentiam quantò magis descendit, tantò magis dilatatur: & quantò magis ascendit, tantò magis vnitur: sicut etiam fit in scala naturæ: qui quantò magis ascendit, tantò magis tendit ad vnitatem: ideo plures sunt Episcopi, pauciores Archiepiscopi, paucissimi Patriarchæ, & vnicus Papa, qui est pater omnium patrum spiritualium, & omnium fidelium christianorum Princeps præcipuus, caput indiuisum, Pontifex summus, Christi vicarius, fons, origo & regula omnium principatuum spiritualium in christianitate, à quo tanquam à summo deriuatur ordinata potestas vsque ad infima membra christianitatis. Ecce igitur qualiter pars clericalis eleuatur modo ordinato & mirabili supra partem laicalem. Si ergo per tonsuram clericalem, in qua fit quædam eleuatio, aliquis est honorandus, quantò magis honorari debet ille, qui plus eleuatur per Sacramentum Ordinis secundum suos gradus, quanto magis Episcopus, & sic vltèrius ascendendo. Et sic apparet qualiter Christus per vnum summum sacerdotem vicarium suum tenet totam christianitatem sibi copulatam, colligatam & vnitam. Pater etiam qualiter per vnum sacerdotem totam christianitas est in se ordinata colligata & vnita fortissimè. Et quoniam potestas ista vniuersalis primi sacerdotis est semper necessaria toti Christianitatis tanquam prima influens in omnes potestates ab ipsa deriuatas: & quia primus sacerdos poterat mori: & potestas ista erat sibi data, non propter seipsum, sed propter alios: ideo sic debuit ei dari à Christo talis potestas, vt possit transire in alium post ipsum, & hoc fuit necesse. Et ideo quia ista potestas dependebat à Christo, à quo erat suscepta, & non ab aliis: & tota erat ipsius summi sacerdotis immediatè ordinati à Christo, sequitur quòd taliter fuit ei tradita, quòd ipse habuit auctoritatem potestatem ordinandi & dispensandi & disponendi de ipsa potestate sua, modum & formam qualiter transfiret in alium

alium post ipsum, & relinquendi eam toti christianitati : & postquam semel sibi data fuit , potuit ordinare de ea, sicut voluit ad utilitatem christianitatis & commodum : quia propter hoc data fuit. Et ideo potestas ista vniuersalis non potest perdi, & semper remanet in christianitate radicaliter sicut primus sacerdos, cuius erat, ordinauit. Sic ergo apparet ex his, quod ista potestas durabit, quamdiu christianitas durabit. Et quia Christus est immortalis, existens semper viuus : ideo ea, quæ ipse ordinauit, semper permanebunt. Et ideo christianitas ordinata ab ipso per sua Sacramenta, & per suum primum sacerdotem, vicarium eius, & per alios sacerdotes primos vnitos cum summo sacerdote vicario suo semper durabit, quamdiu mundus durabit: quia perire non potest, nisi pereat Christus, quod fieri non potest. Ipse enim est sacerdos summus in quantum homo, non descendens ab aliquo sacerdote, sed immediatè à Deo, & manet in cælo in æternum, qui est benedictus in sæcula sæculorum.

*Potestas  
vniuer-  
salis Pa-  
pe non  
potest  
perdi.*

T I T V L V S C C C X I I I.

*De comparatione partis clericalis ad partem  
laicalem.*

**Q**Voniam autem iam dictum est quod tota christianitas de necessitate partitur & distinguitur in duas partes generales, scilicet in partem clericalem & laicalem, seu in partem dantem & in partem recipientem ; ita quod istæ duæ partes distinguuntur per dare & accipere : & propter hoc pars dans est nobilior quàm pars accipiens : & quia pars laicalis est pars accipiens; ideo est inferior & minus nobilis : sed pars clericalis est ordinata in se pulcherrimè & mirabilissimè tanquàm pulcherrima hierarchia gradatim ordinata : ideo necesse est quod pars laicalis sit etiam ordinata suo modo. Vnde istæ duæ partes faciunt vnā Ecclesiam, & vnum corpus & quasi vnum hominem : ideo quia vna est superior & alia inferior: vna dans & alteraiciens. & sic se habent sicut corpus & anima : quia sicut ex corpore & anima fit vnus homo ; ita ex istis duabus partibus fit vna Ecclesia. Et sicut se habet anima ad corpus, cui influit vitam corporalem & est superior; ita pars clericalis influit in partem laicalem vitam spiri-



*Tit. 308.* tualem. Et sicut anima est ordinata per suas potentias & potestates, ut iam declaratum est, ita etiam corpus est ordinatum per sua membra & organa visibilia. Et ideo etiam necesse est, quod sicut pars clericalis est ordinata pulcherrimè per hierarchiam mirabilem; ita etiam

*Tit. 311.* pars laicalis sit ordinata suo modo per suam hierarchiam. Et quia pars clericalis est ordinata in seipsa per potestatem spiritualem, quæ constituit in ea multos gradus, ut declaratum est; ita etiam pars laicalis debet esse ordinata in seipsa per potestatem corporalem & temporalem: quia sicut est potestas spiritualis: ita

*Duplex  
vita.*

etiam est potestas corporalis. Quia sicut est anima, ita est & corpus. Et sicut sunt bona, quæ respiciunt animam; ita sunt bona, quæ respiciunt corpus. Et sicut sunt bona, quæ respiciunt corpus in se; ita sunt bona, quæ respiciunt animam in se. Et sicut anima habet suam vitam spiritualem; ita corpus habet suam vitam corporalem. Duæ igitur sunt vitæ, scilicet vita terrena, & vita cœlestis, seu vita corporalis & vita spiritualis. Vita, qua corpus vivit ex anima: & alia, qua anima vivit ex Deo: & utraque habet suum bonum, quo nutritur & vegetatur, quo possit subsistere & permanere. Vita enim corporalis, seu terrena nutritur bonis terrenis, & vita spiritualis bonis spiritualibus. Ad vitam terrenam pertinent omnia, quæ sunt terrena, & ad vitam spiri-

*Necessa-  
ria est  
potestas  
tempora-  
lis.*

tualem pertinent omnia, quæ sunt spiritualia. Et ideo sicut necessaria fuit potestas spiritualis ad administrandum bona spiritualia, scilicet ipsa Sacramenta, in quibus consistit vita spiritualis; ita necessaria est potestas terrena & secularis ad administrandum bona terrena. Et sicut fuit necessaria iurisdictio seu potestas iurisditionis spiritualis; ita necessaria est potestas iurisditionis temporalis seu terrenæ. Et ideo sicut pars clericalis est ordinata per potestatem spiritualem: ita pars laicalis est ordinata per potestatem terrenam. Et sicut spiritualis potestas habet multos gradus & multos ordines potestatum, tamen omnes sunt sub vno capite: ita potestas terrena habet multos gradus & multos ordines sub illis, & habet vnum caput, scilicet imperialem & regiam potestatem. Quantò autem spiritualis vita est dignior vita terrena, & anima dignior corpore: tantò potestas spiritualis dignior est terrena, & præcedit eam in honore & dignitate. Et sicut anima regit

*Potestas  
spiritua-  
lis dig-  
nior ter-  
rena.*

corpus,

corpus; ita potestas spiritualis debet regere corporalem & terrenam. Et sicut anima non fecit corpus, sed Deus fecit tã animã quã corpus; ita potestas spiritualis nõ instituit tẽporalẽ: sed Deus immediatẽ ordinavit & instituit eas. Et sicut corpus debet esse subiectum animæ; ita terrena potestas debet esse subiecta spirituali. Ex his omnibus apparet esse tres mirabiles ordines in mũdo. I. ordo naturę qui iam in principio huius libri positus est, qui est ordo creaturarũ: & alij duo ordines sunt in humana natura & in christianitate per duas potestates, scilicet ordo potestatis corporalis, seu potestatis temporalis. Et de tanto ordines isti excellent ordinem naturę, de quanto homines excellent alias creaturas: quia isti duo ordines fundantur in natura hominum. In ordine enim naturę vna creatura eleuatur supra aliam, & homo eleuatur super omnes creaturas: sed in istis duobus ordinibus homo eleuatur super homines, & populus super populum, & gens super gentem. Si ergo mirabilis est mundus propter mirabilem ordinem naturę, multo mirabilior est ipsa christianitas, seu Ecclesia propter duos mirabiles ordines duarum potestatum. Compara ergo istos duos ordines ad inuicem, & videbis excellentiam eorum.

*Tres mirabiles ordines in mundo.*

## TITVLVS CCCXIV.

*Comparatio duarum potestatum inter se.*

**E**T quoniam potestas corporalis seu temporalis, quę respicit & ordinat partem laicalem, est tanquam corpus: & potestas spiritualis, quę respicit & ordinat partem clericalem, est sicut anima & spiritus: ideo sicut Deus fecit primo corpus, antequam animam: & corpus primò est quã anima: primò corpus præparatur ad receptionem animæ, & vltimò anima recipitur in corpore & ipsum perficit, informat & viuificat; ita conformiter potestas terrena, seu sæcularis primò fuit in terra, antequam spiritualis: & Deus primò ordinavit ipsam, quia erat tanquam corpus: & ideo debuit præcedere, vt præpararetur ad recipiendum potestatem spiritualem, sicut corpus animam. Et ideo per multa millia annorum fuit potestas terrena in mundo, & continuo paulatim disponebatur & præparabatur: & quando fuit præparata & disposita ad recipien-

*Potestas temporalis fuit ante spirituatem potestatem.*



*Quòd  
Papa de-  
bet esse  
Roma.*

*Hortatur  
principes  
ad obe-  
dientiam  
Papa.*

dum potestatem spirituale; tunc venit potestas spiritua-  
lis in mundum : & tunc venit Christus in mundam or-  
dinans potestatem spiritualem : quia tunc potestas ter-  
rena erat per vniuersum mundum ordinata & habebat  
suum caput in maiori ciuitate totius mundi , scilicet  
Romæ. Et ideo in illa ciuitate , vbi potestas terrena  
habebat suum caput , ibi potestas spiritualis recepta  
fuit & collocata : & ipsa potestas posuit ibi suum  
caput & subiugauit sibi potestatem terrenam. Oportet  
enim , quòd potestas spiritualis poneret suum ca-  
put in maiori ciuitate totius mundi. Et sic terrena po-  
testas spiritualem recepit potestatem , sicut corpus ani-  
mam : & quasi fecerunt vnum hominem nouum ; &  
ideo insimul sunt mixtæ per totam christianitatem , &  
vna iuuat aliam. Vnde postquam terrena potestas , quæ  
primò erat , non erat destructa per aduentum potesta-  
tis spiritualis , sed est ei subiecta & seruiens : signum  
est , quòd potestas temporalis à Deo erat : quia si à  
Deo non esset , destructa fuisset , nec fuisset mixta cum  
spirituali : ideo sicut anima viuificat & informat cor-  
pus ; ita potestas spiritualis vltimò veniens tanquam  
nobilior & excellentior & tanquam forma & anima  
eius viuificauit temporalem & informauit & reduxit  
eam ad Deum , sicut anima reduxit & ordinat corpus  
ad Deum. Sic ergo si terrena potestas separetur à spiri-  
tuali potestate : necessariò est mortua & separata à Deo  
totaliter : & est sicut corpus sine anima. Caueant igi-  
tur Principes terreni , ne veniant contra potestatem  
spiritualem : caueant , ne sint inobedientes ei : & stu-  
deant , vt seruiant ei : quia statim potestas eorum est  
mortua , dum non seruit potestati spirituali : & est sicut  
corpus sine anima. Considerent moderni Principes ,  
qualiter prædecessores eorum , quorum ipsi sunt suc-  
cessores , fuerunt subiecti & obedientes potestati spiri-  
tuali : cogitent qualiter caput potestatis terrenæ , scili-  
cet Romanum imperium fuerat subiectum spirituali  
potestati per mille annos & vltra. Timeant igitur om-  
nes christiani , qui sunt maiores & minores Christum ,  
cuius vicarius subiugauit sibi omnem terrenam pote-  
statem. Timeant omnes Principes Christum : quia eo-  
rum prædecessores , qui fuerunt excellentiores & ma-  
iores subiecerunt colla sua Vicario eius , & ei tanquam  
veri subditi seruierunt. Quis ergo ausus est persequi Ec-  
clesiam

## De Sacramento Matrimony. 645

clesiam Christi? Cogitent omnes christiani, quod christianitas aliquando non erat, & qualiter incepit & creuit, & qualiter ad summam altitudinem deuenit: qualiter perseuerauerit, & qualiter permansit. Timeant ergo Christum filium Dei sicut prædecessores timuerunt eum: & eum honorent, sicut prædecessores eum honorauerunt. Videant magnificentiam & excellentiam suorum prædecessorum & eorum paruitatem, & reputent se nihil in respectu eorum. Si ergo illi, qui tam excellentes fuerunt, timuerunt Christum, & ei obedierunt, & in eum crediderunt ac fideles fuerunt, ipsúmque honorificauerunt: & vicario suo subditi, ac obediētes fuerunt, ac omnes Christi amicos dilexerunt: quantò ergo magis illi, qui nunc sunt, cum nihil sint respectu illorum, debent magis timere Christum, & ei obedire, ac eundem honorare, ac subditi esse suo vicario. Etiam pensent, qualiter ista potestas existit in ciuitate famosiori totius mundi, quæ dominabatur toti orbi: & ultra mille annos fuit ibi sedes istius potestatis spiritualis.

### T I T V L V S C C C X V.

*Septimum & vltimum Sacramentum & matrimonium, quod est inseparabilis coniunctio viri & mulieris introducta per liberum arbitrium & consensum animorum utriusque expressa per verbum, vel aliquod signum: & est institutum, ut sit Officium, Sacramentum & remedium: officium ad multiplicandum: Sacramentum ad significandum, remedium contra peccatum.*

**Q**uoniam autem Deus non fecit omnes homines insimul sicut fecit Angelos insimul; sed solum fecit primum hominem, & primam mulierem immediate per se sine adiutorio alterius: & ordinauit, ut homines multiplicarentur per propagationem & generationem: ita quod vnus ab alio generaretur & descenderet; ut sic maior vnitas & maior amor esset inter homines: *Quare omnes homines ab vno sunt.* quia homines se reputarent quasi vnum hominem, dum viderent se omnes ab vno descendisse homine: & sic modus generandi esset signum vnitatis & societatis. Et quia totum principale bonum hominis est, ut habeat coniunctionem & societatem cum Deo: quia per



## 646 De Sacramento Matrimonij.

*Coniunctio inuisibilis cū Deo.*

*Coniunctio visibilis, scilicet matrimonium.*

*Duae coniunctiones in natura humana.*

talem societatem homo recipit vitam à Deo & totum bonum suum ita quòd vita hominis consistit in societate Dei, vt est iam declaratum : ideo quia ista societas hominis cū Deo est occulta & inuisibilis & spiritualis: & est finis & complementū hominis, debuit significari, figurari & repræsentari quantū fieri potuit per visibiles & sensibiles: vt semper homo haberet aliquod signum manifestum visibile, per quod repræsentaretur & figuraretur eius coniunctio & societas, quam debet habere cum Deo per amorem tanquam suum principale bonum, & semper videre quasi in speculo suum bonum. Et ideo quia coniunctio & societas inuisibilis debet significari, figurari, & repræsentari per coniunctionem visibilem: quia etiam istud signum repræsentans istam coniunctionem spirituales debet esse propinquissimū ipsi homini: ideo Deus ordinauit, quòd non solum genus humanum per generationem multiplicaretur; sed taliter & tali modo multiplicaretur & cresceret, vt modus generandi & multiplicandi esset signum visibile, figura, & repræsentatio istius coniunctionis & societatis spiritualis & inuisibilis, quam homo debet habere per amorem cum Deo, in quo consistebat totus status hominis. Et ideo ordinauit Deus & instituit, vt propagatio & generatio, ac multiplicatio hominum fieret per coniunctionem maris & fœminæ: quæ quidem coniunctio esset indiuidua & singularis, & hoc est matrimonium. Et ideo à principio fecit primum hominem & primam mulierem, & non plures viros, neque mulieres, sed vnicam & singularem vni viro: & voluit, quòd ista coniunctio esset inseparabilis & indissolubilis. Et ideo ipsum matrimonium fuit ordinatum à Deo in principio naturæ humanæ ad duo, scilicet, vt esset officium generandi & multiplicandi homines: & vt esset signum & sacramentum repræsentans & significans coniunctionem inuisibilem & spirituales animæ cum Deo per amorem liberalem & spontaneum. Vnde à principio Deus fecit duas mirabiles coniunctiones in humana natura. Prima fuit, quando coniunxit animam rationalem cum carne, seu cum corpore: & ista fuit naturalis, & non præcessit consensus: quia ipsa nesciebat, quando nondum erat: sed Deus creando animam coniunxit eam cum corpore. Et istud fuit primum matrimonium; Aliam verò fecit Deus coniunctionem

in

in natura humana , quando coniunxit mulierem cum viro in vna societate inseparabili : & ista societas fuit maior & nobilior : & ista fuit voluntaria & liberalis , & non naturalis , & per consensum viri & mulieris & per amorem vtriusque. Et prima societas erat signum & repræsentatio istius coniunctionis : quia sicut anima est maior & superior ac dignior , & caro inferior : ita vir est maior & superior ac dignior , & mulier est inferior : & sicut anima vna fuit coniuncta cum vna singulari carne , & non cum pluribus ; ita vnus vir cum vna muliere , & non cum pluribus : & sicut prima coniunctio non poterat destrui nisi per mortem ; ita nec coniunctio viri & mulieris poterat destrui nisi per mortem. Sic ergo prima societas , quæ fuit in humana natura radicalis & fundamentalis , scilicet animæ cum carne significabat & repræsentabat secundam societatem & coniunctionem , quæ erat in humana natura : quæ erat viri & mulieris. Et ista secunda significabat & figurabat tertiam coniunctionem , seu societatem , quæ est animæ cum Deo , seu humanæ naturæ cum Deo. Et ista est maxima & maior omnium. Et sic ambæ societates primæ , quæ erant in humana natura , erant propter tertiam coniunctionem , quæ erat hominis cum Deo.

**T I T V L V S C C C X V I .**

*De comparatione istarum societatum inter se.*

**E**T quoniam istæ tres societates sunt ordinatæ inter se , & vna ascendit super aliam in dignitate & nobilitate , quasi per quandam scalam , vna repræsentat aliâ ; ideo comparemus eas adinuicem. Vnde duæ primæ quæ sunt infra humanam naturam : sunt propter illam , quæ ascendit supra humanam naturam. In prima enim societate , & coniunctione caro ascendit ad spiritum rationalem & coniungitur cum eo naturaliter : in secunda societate mulier ascendit ad virum , & coniungitur cum eo per liberam consensum. Et quia mulier habet carnem & spiritum , seu animam & vir etiam : ideo fit ibi duplex coniunctio , seu societas , scilicet animæ , siue spiritus cum spiritu , & carnis cum carne :

*Duplex  
coniunctio  
in matrimonio.*



## 648 De Sacramento Matrimonij.

quia anima viri coniungitur cum anima mulieris, & econverso per amorem & consensum: & caro cum carne mulieris: sed in tertia societate tam vir, quam mulier coniungitur cum Deo: & non solum vir & mulier, sed tota humana natura debet coniungi cum Deo: quia ad hoc ordinata est. Sicut ergo in prima coniunctione & societate, quæ est animæ, seu spiritus cum carne, ipsa caro viuificatur, exaltatur, nobilitatur, & dignificatur per societatem cum anima rationali: ita quod ex seipsa non habet vitam; immò est nihil: & sicut etiam mulier in secunda societate viuificatur, fortificatur, & exercitatur, ac nobilitatur per societatem viri; ita etiam significatur quod tam vir quam mulier, & tota societas, siue congregatio hominum viuificatur, nobilitatur, ac dignificatur, & exaltatur per societatem & coniunctionem cum Deo. Et sicut tota caro est coniuncta cum anima; ita mulier cum viro: sic etiam tam mulier, quam vir, qui faciunt vnâ congregationem, debent coniungi cum Deo per amorem: & per consequens tota congregatio virorum & mulierum. Sicut autem in humana natura duæ fuerunt societates & coniunctiones. Prima animæ & carnis, quæ faciunt vnâ personam indiuiduam: Et secunda mulieris cum viro, qui faciunt vnum per amorem & consensum, ac voluntatem inseparabilem; ita significabatur quod duæ erant societates & coniunctiones possibiles naturæ humanæ cum Deo: vna ad modum animæ cum carne per vñionem personalem; ita quod Deus & homo contineantur in vna persona: & alia societas per amorem & voluntatem; aliter non potest humana natura coniungi cum Deo nisi istis duobus modis. Et quoniam filius Dei est vnitus personaliter cum humana natura: ideo completa est ista societas, quæ se habet ad modum animæ cum carne. Et quia Christus Deus & homo in vna persona vltèrius coniunxit & vniuit sibi christianitatem, quæ est vna societas, & vna congregatio omnium christianorum, quæ vocatur Ecclesia, quæ habet modum vnitatis, & veram vnitatem quantum fieri potest: quia tota christianitas est coniuncta cum vno summo sacerdote vicario Christi. Et ideo tota Ecclesia est ad modum mulieris, seu vxoris. Et Christus habet modum viri: quia tota Ecclesia est quasi vna persona, & Christus est

*Quomodo  
incar-  
natio fi-  
lij Dei si-  
gnifica-  
batur.*

*Quomo-  
do Eccle-  
sia est  
uxor, vel  
sponsa  
Christi.*



## *De Sacramento Matrimonij. 649*

est alia persona, & est ibi matrimonium, sicut inter primum virum & primam mulierem. Sic igitur in primo statu hominis ante lapsum erat societas & coniunctio congregationis viri & mulieris cum Deo nondum incarnato, & ista erat per amorem: ita quod ibi erat congregatio & Ecclesia hominum: sed modò in reparatione facta est coniunctio & societas christianitatis, seu Ecclesiae cum filio Dei facto homine & incarnato. *Duae societates.* Et sic modò sunt duae coniunctiones, seu duae societates: prima est filij Dei cum humana natura & cum humanitate propria & singulari: & secunda est societas Christi Dei & hominis cum tota christianitate, quae est sua Ecclesia, & est tota sua: & ista est maxima coniunctio & maxima societas, quae possit esse: quia maximus est Christus Deus & homo, & maxima est Ecclesia. Et sic sunt ibi duae vxores: prima est humanitas Dei, secunda est Ecclesia, quae est vxor Christi Dei & hominis. Vnde Ecclesia habet se ad modum primae mulieris: quia sicut prima mulier descendit de viro, & fuit formata de viro: ita tota Ecclesia descendit de Christo & est formata de Christo: quia tota christianitas est renouata & restaurata per Sacramenta Christi, quae habent totam virtutem à passione & morte Christi: & ideo rectè tota christianitas, seu Ecclesia est vxor & mulier seu sponsa Christi. Et istud matrimonium Christi & Ecclesiae suae rectè significatur per matrimonium viri & mulieris: quia sicut vir & mulier habent conformitatem in natura: ita Christus & sua Ecclesia habent conformitatem in natura: quia Christus habet carnem sicut Ecclesia: & ideo est ibi duplex societas, vna per dilectionem & amorem; & alia per conformitatem carnis, sicut vir & mulier habent societatem & per amorem, & conformitatem carnis.

### **T I T V L V S C C C X V I I .**

*Quod Sacramentum matrimonij est antiquum & nouum Sacramentum.*

**E**T quoniam matrimonium propter hoc est Sacramentum, quia est signum & significat etiam aliquam rem sacram & sanctam & inuisibilem & spiritualem: & quia nobilius & principalius sine comparatione est illud, quod significatur, quam illud quod significat:



## 650 De Sacramento Matrimonij.

*Quid & quomodo  
matrimonium  
signifi-  
cet.*

quia signum est propter significatum, & non è conuerso: ideo sine comparatione nobilior est illa coniunctio spiritalis, quæ significatur per matrimonium, quàm ipsum matrimonium. Et quia ipsum matrimonium est institutum & ordinatum ad significandum & representandum coniunctionem & vnionem spiritualem, quæ fit, & fieri debet inter humanam naturam, seu animam & Deum: quia vtræque est voluntaria, & fit per liberum consensum: ideo quia ista coniunctio aliter fuit à principio humanæ naturæ in statu perfecto: & aliter in reparatione post lapsum: quia à principio humana natura coniungebatur Deo solum per amorem & liberum consensum; sed post lapsum in reparatione facta est noua coniunctio & vnio inter Deum & humanam naturam: quia persona filij Dei coniunxit se humanæ naturæ in vnitæte personæ: & factus est Deus & homo, qui est Christus: & ultra hoc ipse Christus Deus homo coniunxit sibi nouam societatem: quia formauit Ecclesiam, seu christianitatem totam nouam per Sacramenta, & lauit, & abluuit: & sic facta est noua coniunctio spiritalis inter ipsum & suam nouam Ecclesiam: Et sic sunt tres coniunctiones spirituales. Et ideo postquam matrimonium fuit ad hoc principalius institutum, scilicet ad significandum coniunctionem, quæ fit inter Deum & humanam naturam: sequitur, quòd sicut à principio fuit institutum ad significandum primam coniunctionem spiritualem; ita iam de nouo debuit institui & ordinari ad significandum nouam coniunctionem inter personam filij Dei & humanitatem, quam assumpsit, & coniunctionem nouam inter Christum & Ecclesiam nouam: quia vtræque est voluntaria, & per consensum liberum: & vtræque est ad modum matrimonij. Et ideo matrimonium est antiquum & primum sacramentum: & est etiam nouum, sicut Baptismus & alia: quia dignum est, quòd ista coniunctio noua facta in reparatione significaretur & representaretur, sicut alia, quasi innouatum ad nouam significationem. Et sic tres coniunctiones spirituales representantur per matrimonium, scilicet, prima, quæ erat hominis, seu animæ cum Deo solum per amorem: & alia duæ scilicet, filij Dei cum humana natura, quam assumpsit: & Christi & Ecclesiæ suæ, quam formauit. Vnde in vtræque coniunctione est vnio duorum,

vnius

## De Sacramento Matrimonij. 651

vnius sicut agentis & influenti; & alterius sicut patientis & suscipientis: & hoc per vinculum amoris, quod procedit ex mera voluntate. Et ideo rectè significatur & repræsentatur utraque coniunctionum istarum spiritualiū per matrimoniū, quod est coniunctio duarū personarum, quarum vna est sicut agens & influens sc. virilis sexus: & alia est sicut patiens & suscipiens, sicut muliebris sexus: & hoc ex mutuo consensu voluntatis. Et ideo sequitur, quòd Sacramentum matrimonij est magnum Sacramentum propter istas coniunctiones spirituales, quas repræsentat & significat: & specialiter propter tertiam coniunctionem & ultimam, quæ est Christi & Ecclesiæ: vnde illa rectissime repræsentatur in matrimonio: quia sicut in matrimonio est duplex coniunctio, vna per amorem: & ista est voluntatum & animorum, & alia per copulam carnalem: & ista est completa coniunctio, quæ est corporis, quæ sequitur ex prima, & ibi est tota consummatio matrimonij; ita similiter in coniunctione Christi & Ecclesiæ suæ sunt duæ coniunctiones: vna per amorem ex utraque parte; & alia per conformitatem & similitudinem naturæ: quia Christus & Ecclesia sua habent conformitatem carnis in procreando novos & spirituales homines: & sic sunt duæ magnæ coniunctiones.

### T I T V L V S C C C X V I I I .

*Quod matrimonium inquantum est Sacramentum Christi, dat gratiam & adiutorium spirituale contra carnalem concupiscentiā ad oparandum illa, quæ sunt necessaria in matrimonio.*

**E**T quoniam iam matrimonium est Sacramentum Christi, sicut alia Sacramenta: ideo oportet, quòd sicut alia Sacramenta dant gratiam spirituales & adiutorium aliquod spirituale sicut homo indiget; ita etiam Sacramentum matrimonij det & conferat aliquam gratiam certam & adiutoriū spirituale, sicut indiget homo in his, quæ sunt necessaria ad matrimonium. Vnde cum in matrimonio detur homini facultas & potestas utendi sua vxore ad procreationem pro-  
lis, & hoc ex diuina institutione: datur etiam ibi gratia, cum qua illud conuenienter fieri possit, sicut dicitur: *Et cum fuerit in Sacramento ordinis, illis, qui dignè suscipiunt*

*Gratia confer-  
tur per  
Sacra-  
mentum  
matri-  
monij.*



## 652 De Sacramento Matrimonij.

*Triplex  
bonum  
matri-  
monij.*

*Matri-  
monium  
est in re-  
medium.*

ciunt Sacramentum matrimonij: & in fide Christi re-  
cta intentione: ut scilicet vniantur ex consensu boni  
amoris ad procreandum prolem ad Dei seruitium. Ta-  
les recipiunt gratiam in matrimonio, quæ adiuuat eos  
contra concupiscentiam carnalem, & per talem gra-  
tiam anima subleuatur à corruptione concupiscentiæ  
& libidinis inordinatæ: ut sit ibi copula singularis, &  
copula utilis, & copula inseparabilis: quia ista sunt  
necessaria in matrimonio, ut sit perfectum & sanctum.  
Et sic ex ista gratia datur remedium cōtra tres inordi-  
nationes concupiscentiæ: & nascitur triplex bonum  
matrimonij. Primum bonum, quod nascitur, est istud:  
quia enim concupiscentia carnalis ad multas inclinat  
mulieres: quia luxuriosus non est contentus de vna,  
sed in matrimonio datur gratia homini, ut sit con-  
tentus de sua vnica: & sic pronitas & concupiscentia  
ad multas mulieres tollitur per copulam singularem.  
Secundum bonum est, nam concupiscentia inordinata  
inclinat ad delectationem, & non ad fructum & utilita-  
tem fructus, qui est proles: sed tantum ipsa quærit  
satisfacere suæ concupiscentiæ: & ideo in matrimo-  
nio datur gratia & adiutorium, ut non cognoscat vxo-  
rem, nisi causa prolis: & sic talis inclinatio tollitur per  
copulam utilem & fructuosam. Tertium bonum est  
istud: nam post impletionem, & operis carnalis con-  
summationem generatur fastidium & nausea: vnde  
postquam luxuriosus cognouit illam, respuit illam, &  
desiderat aliam: & ideo in matrimonio datur gratia &  
adiutorium, ut semper velit esse cum sua vnica: & sic  
tale fastidium tollitur per copulam inseparabilem. Et  
ulterius ex copula singulari nascitur bonum fidei, ut ad  
aliam non accedat: & ex copula utili insequitur bo-  
num prolis, & ad hoc bonum ordinatum est matrimo-  
nium quantum ad officium naturæ: & etiam ex copula  
inseparabili oritur bonum Sacramenti: quia talis co-  
pula inseparabilis est Sacramentum coniunctionis spi-  
ritualis iam dictæ. Et sic tria bona nascuntur ex matri-  
monio, scilicet fides, seu fidelitas, proles & Sacramen-  
tum: & sic gratia præstat remedium contra concupis-  
centiam: & ideo matrimonium est ordinatum in reme-  
dium contra concupiscentiam: quia per gratiam, quæ  
in eo datur, reprimatur concupiscentia in sua radice,  
ut sit moderata: & etiam per illa tria bona, quæ sunt  
ipso ipso, honestat ipsam copulam carnalem & ipsam

## *De Sacramento Matrimonij. 653*

concupiscentiam, ut scilicet actus, ad quem concupiscentia inclinat, careat turpitudine, & fiat honestè: quia illa tria bona cooperiunt turpitudinem illius actus, quia aliàs esset turpissimus & inexcusabilis & nullo modo licitus: ita quòd illa tria bona, vel vnum eorum excusant coitum, ut non sit peccatum: quia aliàs esset peccatum. Et sic matrimonium dat remedium, ut non sit peccatum, quod aliàs esset peccatum: quia plus habent illa tria bona de honestate & bonitate, quàm illa operatio habet de turpitudine & inhonestate. Item etiam matrimonium dat remedium contra ardorem concupiscentiæ, & omnes eius corruptiones, quæ sequerentur, si matrimonium non esset: quia dum satisfacit concupiscentiæ actu matrimoniali, tunc ipsa concupiscentia non ita incitat, sed remittitur feruor libidinis: quia multi vrerentur per concupiscentiam, nisi haberent uxorem, quam cognoscendo euadant ardorem & adustionem carnis: & ideo melius est nubere quàm vri. Et sic matrimonium liberat à peccato, quod aliàs cõmitteretur. Et sic apparet, quòd in matrimonio tria considerantur, primò signum, seu significatio, seu Sacramentum, officium & remedium. Et quantum ad significationem duplex est significatio: quia significat coniunctionem Christi & Ecclesiæ per amorem & conformitatem & coniunctionem naturæ. Et similiter duplex est officium in matrimonio: vnum est per mutuam nutritionem viri & mulieris: quia adinuicem sese fouent & nutriunt & iuuant: & aliud est officium ad procreandum prolem. Similiter est duplex remedium, vnum quantum ad fluxum concupiscentiæ, scilicet, ut homo non tendat, neque vadat ad omnem mulierem: aliud remedium est quantum ad inordinationem, ut scilicet, non cognoscat mulierem amore libidinis & delectationis, nec sine affectu matrimoniali, sed causa prolis. Et sic sũt duo significata, duo officia, & duo remedia: primum significatum & primum officium & primum remedium sunt in Sacramento matrimonij quantum ad coniunctionem animarum; sed secundum significatũ & secundum officium & secundũ remedium sunt in eo quantum ad coniunctionem corporum. Sicut autem in aliis Sacramentis est aliquid visibile, seu sensibile exterius apparens, & aliquid inuisibile, quod significatur: ita similiter est in isto Sacramento: quia

*Tria in  
matri-  
monio.*

*Duplex  
officium.*

*Duplex  
remediũ.*

*Materia  
& forma  
matri-  
monij.*

aliter



## 654 *De Sacramento Matrimonij.*

*Ecce  
quid si-  
gnificat  
matri-  
monium.*

aliter non esset Sacramentum: & ideo in isto Sacra-  
mento sunt verba & signa exteriora, seu actus &  
operationes exteriores loco rerum corporalium,  
quæ sunt in aliis Sacramentis, sicut in Baptismo ablu-  
tio aquæ. Et ideo istud Sacramentum fit sicut Sacra-  
mentum pœnitentiæ, in quo non erat aliqua res corpo-  
ralis: sic ergo verba exterius dicta à viro & muliere, per  
quæ significatur & declaratur consensus interior am-  
borum, sunt totum illud, quod apparet primò in ma-  
trimonio: & ipse consensus interior est illud, quod  
significatur in matrimonio, sicut cōfessio significat cō-  
tritionem & displicentiã interiorem in ipso Sacramen-  
to pœnitentiæ. Et deinde ex illo causatur vinculum  
obligatorium inter virum & mulierem invisibile &  
spirituale: & coniunctio, quæ nunquam dissolui po-  
test: & hoc ex ordinatione diuina: quia Deus insti-  
tuit matrimonium propter significationem coniun-  
ctionis spiritualis: & istud vinculum obligatorium  
tantum propter mutuum consensum viri & mulieris  
expressum & declaratum per verba exteriora vtriusque,  
vel per signa, alia est propriè matrimonium. Sic ergo  
consensus per verba declaratus non est matrimonium;  
sed causat matrimonium; & sic sunt ibi tria per ordi-  
nem, scilicet verba exteriora significantia, & ipse con-  
sensus spontaneus viri & mulieris: & ipsum vinculum  
obligatorium tantum indissolubile & infrangibile, &  
tale vinculum est Sacramentum & significat cōiunctio-  
nem spirituales inter Deum & animam, & inter Fi-  
lium Dei & humanam naturam sibi personaliter copu-  
latam, & inter Christum & Ecclesiam: & ideo propter  
talem significationem causatur tale vinculum indisso-  
lubile. Et vltius ex tali vinculo obligatorio per quod  
vir transit in potestatem mulieris & mulier in potesta-  
tē viri quantum ad corpus: sequitur vltima coniunctio,  
quæ est copula carnalis: ideo propter talem obligatio-  
nem vir tenetur reddere debitum mulieri, mulier viro.  
Et sic apparet qualiter consensus voluntarius expressus  
per verba causat perpetuam obligationem ex Dei ordi-  
natione. Item etiam apparet, quod in matrimonio  
semper possunt esse duo bona, scilicet fides & Sacra-  
mentum, quamuis non semper sequatur proles & fru-  
ctus: vnde posset ibi esse fides & fidelitas propter so-  
lutionem debiti: & etiam semper est Sacramentum &  
signum

## *De Sacramento Matrimonij. 655*

signum coniunctionis spiritualis , imò coniunctionum spiritualium iam dictarum.

### TITVLVS CCCXIX.

*Quod summè debet timere omnis Christianus , ne violet matrimonium suum , vel alterius.*

ET quoniam ipsum matrimonium est tantum Sacramentum & tam magnum institutum & ordinatum ad repræsentandum & significandum magnas & sanctissimas coniunctiones spirituales superius dictas, cauere debent omnes , qui sunt in matrimonio, ne deturpent & violent tantum Sacramentum à Deo ordinatum: quia qui violat & deturpat signum , facit iniuriam rei significatæ per illud : & illi , qui instituit istud Sacramentum: & quæ maior iniuria quàm iniuriare & deturpare coniunctionem Filij Dei cum humana natura in vna persona, quæ est summè honoranda, cuius coniunctionis ipsum matrimonium est signum & Sacramentum: Et quæ maior iniuria , quàm iniuriare coniunctionem Christi & Ecclesiæ , cuius ipsum Sacramentum est expressum signum. Qui enim ipsas coniunctiones contemnit & iniuriat, dignus est maxima vindicta: inhonorat enim humanitatem, Christi, personam Filij Dei & totam Ecclesiam. Et similiter debet cauere omnis homo , ne violet & deturpet matrimonium alterius coeundo cum vxore eius : & cogitet quantum inhonorat & deturpat Deum seu vituperat , qui ipsum matrimonium in Paradiso instituit : & vni viro vnâ mulierem copulauit. Honorandum est igitur matrimonium propter Deum , qui ipsum instituit.

### TITVLVS CCCXX.

*Comparatio Christi ad Ecclesiam , sicut viri ad uxorem & sponsi ad sponsam.*

ET quia Christus se habet ad Ecclesiam , siue ad Christianitatem , sicut vir & sponsus ad uxorem & ad sponsam : ideo sicut quilibet vir & sponsus bonus amat suam uxorem in amore, casto , puro & bono & singulari ; & econuerso sponsa bona sponsum suum ; ita similiter Christus diligit Ecclesiam suam amore castissimo, purissimo & mundissimo : & etiam Ecclesia  
amat



## 656 De Sacramento Matrimonij.

amat Christum : & iste amor est inuiolabilis & perpetuus. Et sicut sponsus bonus & verus ornat, decorat & pulchrificat sponsam suam, quantum potest iuxta honorem suum : ita Christus ornat suam Ecclesiam omni ornamento & spiritali & corporali . & intus & extra quantum fieri potest iuxta honorem suum. Et sicut etiam bonus sponsus castigat sponsam suam & uxorem, sed non destruit eam ; sic Christus castigat Ecclesiam ; sed non destruit eam. Et sicut bonus sponsus non vult permittere sponsam suam errare , seu deuiare ; sic nec Christus permittit suam Ecclesiam errare , neque deuiare. Et sicut sponsus defendit sponsam suam ; sic Christus Ecclesiam suam. Et sicut bona sponsa honorat & timet sponsum suum ; sic Ecclesia Christum. Et vt omnia concludamus , sicut in omnibus se habet bonus sponsus ad suam sponsam ; sic Christus se habet ad Ecclesiam suam. Et quia sponsus est immortalis : ideo etiam sponsa est immortalis : & sic omnibus modis erit proportio.

### T I T V L V S C C C X X I.

#### *Epylogatio.*

**D**Eclaratum est igitur de modo & forma, in quibus Iesus Christus Dei Filius & verus homo tanquam verus medicus & Saluator dat bene esse & gratiam & salutem & omnia necessaria homini lapso : & qualiter homo de facto recipit & qualiter virtus passionis & mortis Christi applicatur homini : & etiam de modo regenerandi & renouandi hominem & incorporandi hominem cum Christo. Et manifestum est, quòd Christus operatur circa hominem renouandum & perficiendum & complendum per res visibiles & sensibiles, quæ sunt Sacramenta : & quòd virtus salutaris descendit & derivatur à diuinitate , quæ est in Christo per eius humanitatem in ipsa Sacramenta : ita quod ipsa Sacramenta visibilia sunt instrumenta Christi , per quæ tangit hominem & applicat suam virtutem homini indigenti : & virtus passionis Christi copulatur hominibus, & quod ipsa Sacramenta sunt quædam memorialia passionis Christi significantia passionem præteritam : quia ipsa passio operatur in hominibus per memoriam eius. Et ideo Christus impleuit Ecclesiam & christianitatem

## *De Sacramento Matrimonij. 657*

nitatem memorialibus suis: ut virtus suæ passionis, quæ est præterita semper remaneat & saluet homines. Declaratum est etiam, qualiter ipsa Sacramenta sunt ordinata & instituta secundum necessitatem & indigentiam hominis, cui Sacramenta debent applicari & quod quinque prima Sacramenta, scilicet, Baptismus, Confirmatio, Eucharistia, Pœnitentia & Extrema-unctio, respiciunt indigentiam cuiuslibet hominis in se principaliter inquantum est singularis persona; sed duo vltima, scilicet, ordo & matrimonium ordinantur ad alterum: ita quod ille, qui recipit ea, principaliter recipit propter alios, & non propter se: quia ad hæc ordinantur: quia Sacramentum ordinis ordinatur ad multiplicationem spirituales christianorum, & ipsius Ecclesiæ, & ad multiplicandum & ad renouandum in esse spirituali: quia per ipsum datur potestas administrandi Sacramenta; sed matrimonium ordinatur ad multiplicationem naturalem & corporalem fidelium Christianorum & ad renouandum & multiplicandum in esse naturæ. Vnde sicut in natura hominis sunt quædam vires & virtutes ordinatæ ad conseruationem speciei; sic similiter in spiritualibus quinque sunt Sacramenta respicientia personam ad perficiendum eam gratia, sed Ordo & matrimonium sunt ad conseruandum & perficiendum ipsam Ecclesiam: & ideo quia ista duo respiciunt multitudinem, & alia quinque respiciunt personam singularem, sicut multitudo sequitur vnitatem; ita ista duo Sacram. sequuntur: post alia quinque, & vltimò ponitur Sacramentum matrimonij: quia modicum habet de spiritualitate nisi quantum ad significationem: quia in hoc est maximum Sacramentum. Declaratum est etiam qualiter duo sunt effectus Sacramentorum, qui remanent in homine recipiente Sacramenta, scilicet gratia & caracter, seu signum indelebile. Et sic ex omnibus apparere possunt numerus, & ordo & sufficientia & operatio Sacramentorum. Et sic apparet qualiter ipsa Christianitas & Ecclesia Christi est armata inuictis armis & medicamentis spiritualibus; ita ut nihil ei deficiat in aliquo: & quod totum bonum Ecclesiæ & christianitatis & totus thesaurus eius consistit in Sacramentis, & totum exercitium eius est in usu Sacramentorum. Et sic ipsa Christianitas & Ecclesia continet in se totam virtutem Christi per ipsa



## 658 *De Sacramento Matrimonij.*

Sacramenta sanctissima : & ideo est abundantissima, plenissima, ditissima in rebus spiritualibus. & sic apparet, quod ipsa Sacramenta Ecclesie sunt bona principalia ipsius christianitatis & Ecclesie Christi : & omnia alia sunt minus principalia & quasi accidentia & accessoria quasi quædam ornamenta, vel quædam sustentamenta. Vnde christianitas à Christo dicitur & derivatur : & ideo bona, quæ Christus ei dedit, sunt principalia, sicut sunt Sacramenta, in quibus dedit seipsum ipsi Ecclesie ; sed alia bona dantur ab hominibus. Et ideo cauendum est & summè fugiendum, ne bona Ecclesie & christianitatis principalia à Christo data reputentur minus principalia & data ab aliis, quæ sunt nihil & quasi accidentalia reputentur principalia & maiora. O quanta iniuria esset ista contra Christum ! ô quantus contemptus ! ô quanta inordinatio ! ô quanta cæcitas & deviatio. Cauere igitur summè debent à tanto malo, & à tanta iniuria ministri Ecclesie. Et quid esset facere hoc, nisi reputare corpus maius quàm animam : & animam reputare minus principalem, & eleuare corpus supra animam, mortale supra immortale, corporale supra spirituale, & visibile supra inuisibile. Esset ergo hoc peruertere totum ordinem christianitatis & Ecclesie Christi, quantum est in se. Quomodo talis minister, qui hoc faceret, concorderet cum Christo, cuius est minister, cuius bonorum ipse est dispensator ? Quomodo esset dignus dispensare & ministrare bona Christi principalia, quæ pro nihilo reputat ? Sint igitur solliciti & intenti omnes ministri Ecclesie : vt honorent Sacramenta Ecclesie, quorum sunt dispensatores, & propter quæ ipsi honorantur, vt simul perueniant ad eum, à quo omnia Sacramenta habent totum & originem. Amen.

TITVLVS

## T I T V L V S C C C X X I I .

*De Iudicio vniuersali & Resurrectione generali. Et ostenditur quòd iudicium vniuersale est venturum de necessitate cum resurrectione generali, in quo omnes homines & tota natura humana resurgent cum propriis corporibus ad recipiendum publicè completam, & finalem retributionem & suum finale complementum secundum veram iustitiam.*

**Q**uoniam autem iste liber, seu ista scientia est de homine, vt in principio dictum est: ideo oportet tractare in isto libro omnia, quæ pertinent ad hominem de principio vsque ad finem & totum processum hominis, siue humanæ naturæ. Et quoniam data est iam in isto libro cognitio de homine sufficiens, & ostensum est, quòd homo factus est à Deo, & quòd propter ipsum facta sunt omnia: & qualiter homo obligatur Deo, & ad quæ obligatur: & quòd homo in quantum est talis naturæ & præmiabilis & punibilis in suis operibus: & ostensum est totum debitum hominis, & ostensum est etiam qualiter homo fuit lapsus à suo primo statu, & qualiter facta est operatio: & ostensum est, quomodo homo per sacramenta surgit de lapsu & sanatur & reducitur ad statum primū, vt possit operari & facere opera, quæ debet facere, si vult: si ergo duo opera, quæ Deus fecit circa hominem iam præcesserunt, scilicet, opus conditionis & opus restorationis, seu reparationis: ideo non restat, nisi opus glorificationis & præmiationis, seu finalis retributionis: quia tria opera Dei sunt circa hominem, vt dictum est: & etiam includitur in istis opus gubernationis. Ipse enim homo est opus Dei viuum, propter quòd fecit omnia opera, ad cuius salutem & utilitatem sua prouidentia semper apparet manifestè esse intenta. Et ideo impossibile est, quòd Deus relinquat hominem incompletum, & quòd non compleat omnia, quæ sunt complenda circa hominem, secundum quòd natura hominis requirit. Postquam enim incepit & continuauit, oportet ex bonitate, quòd compleat. Et quoniam homo est talis naturæ ratione suæ voluntatis liberæ, quòd nullo modo potest

*Epilogus  
totum li-  
brum.*



cogi, sed operatur liberè, & est Dominus operum suorum: & hoc non habent aliæ res inferiores, quæ operantur ex necessitate; ideo conclusum fuit superius in quodam capitulo de comparatione hominis ad alias res penes liberum arbitrium, quod opera hominis habent talem naturam super opera aliarum rerum, quod sunt remunerabilia, & eis debetur retributio: ita quod homo taliter factus est, quod per sua opera propria debet acquirere retributionem & suum finale complementum: ita quod prius debet mereri & lucrari: & postea ei debet fieri retributio & dari merces per iustitiam, ita quod homo est talis naturæ quod debet acquirere suum complementum & suum finale bonum per iustitiam & per merita præmiationis & solutionis & iustæ retributionis: quia aliter non se daret homini. Et ideo conclusum fuit ibi, quod necesse est, quod omnia opera hominis iudicentur & discutiantur in veritate, ut veraciter recipiant

*Quod necessariò fiet iudicium.*

quod eis debetur secundum veram iustitiam. Et ideo ut non oporteat hic reiterare omnia, quæ dicta sunt ibi in illo capitulo, recurrendum est ad illud capitulum: quia est fundamentum & radix istius partis. Et ideo iam firmum est, & impossibile est aliter esse, quin fiat iudicium verum & discussio de operibus hominis, siue bonis, siue malis: & ideo non restat declarare nisi qualiter fiat istud iudicium & talis discussio, & qualiter fiat ista retributio & præmiatio & solutio. Item etiam iam declaratum est in capitulo de gaudio & tristitia, qualiter necesse est & erit, quod quælibet anima recipiat suum corpus proprium ad complementum tristitiæ, vel gaudij: & sic iam probata est resurrectio corporum, & non restat probare nisi quomodo fiet. Et

*Quod finale iudicium erit complementum omnium.*

quoniam istud erit ultimum opus Dei circa humanam naturam, & erit confirmatio totius humanæ naturæ: & per consequens totius mundi, qui factus est propter hominem. Et ideo oportebit, quod ista retributio finalis, quæ erit complementum omnium, fiat eo modo, quo convenit Deo & homini. Vnde istud opus solū erit opus Dei sine adiutorio alicuius creaturæ: & ipsa natura humana nihil operabitur nisi solum recipiens retributionem & solutionem sibi debitā: & ideo modus faciendi istam

istam retributionem finalem oportebit quod sit iuxta naturam suorum operum bonorum & malorum, secundum quod eis conuenit: quia necesse est, quod bona opera & mala habeant suum complementum. Et quoniam bonis operibus debetur honor, laus & gloria: malis vero confusio, verecundia & vituperium: ideo oportebit, quod bona opera & meritoria, quæ facta sunt propter Deum, recipiant tantum honorem & laudem & gloriam, qua non possit maior excogitari; & mala opera, quæ facta sunt contra Deum, recipiant tantam confusionem, qua non possit maior excogitari: & per consequens ipsi homines, qui fecerunt ipsa bona opera, vel mala recipiant ipsam laudem & gloriam, seu confusionem & verecundiam: & ideo propter hoc necesse est, quod fiat iudicium vniuersale, in quo simul sint omnes homines & omnes Angeli & omnes creaturæ, quæ habent intellectum & rationem, & ipse Deus: ut omnia opera bona & mala videantur & cognoscantur clarè ab omnibus: ut ille qui fecit opera bona, videat ea clarissimè, & omnes alij etiam videant. Quamuis enim cuilibet homini post mortem certa sit statim cognitio de damnatione, vel præmio, tamen omnibus non est notum hoc: & ideo in futuro iudicio omnibus fiet notum clarissimè: & ista notitia & visio, quæ ab omnibus fiet cōmunicabit maximum gaudiū, seu maximam tristitiam. Hoc autem non posset fieri, nisi in futuro & vniuersali iudicio, in quo sit tota natura humana & angelica cum Deo. Ideo necesse erit propter hoc, quod quilibet portet omnia opera sua scripta in seipso & in sua conscientia: & quod ipsæ conscientiæ & corda omnium hominum clarissimè ab omnibus cognoscantur: ut sic boni recipiant bonam & vniuersalem laudem & honorem; & mali recipiant malam & vniuersalem confusionem, nec aliter opera bona & mala haberent suum complementum. Itē etiam hoc summè conuenit malis operibus: quia propria cognitio de malis operibus ingerit damnato maximā pœnā, cum videt se per sua opera propria iustè damnari. Et conuenit malis operibus ipsa confusio, quæ est propria ipsorum punitio: quia homines magis timēt confusionē quàm aliquid aliud: quia etiam pœna ignis cōpetit animalibus: quia etiam possunt sentire dolorē, sed non possunt sentire confusionem: & ideo hoc solum

*Quare  
fiet iudi-  
cium.*

*Corda  
hominū  
ab omni-  
bus cog-  
noscentur.*

*Confusio  
propria  
pœna dā-  
natorū.*



conuenit hominibus & rebus rationalibus : & ideo vel-  
 lent magis homines pœnam doloris quàm confusio-  
 nem : & hoc ideo, quia mala opera sunt illius naturæ,  
 quòd semper volunt celari , & nullo modo cognosci:  
 & ideo eorum punitio propria est quòd publicentur  
 & manifestentur, vt recipiant confusionem & verecun-  
 diam. Et ideo quia ipsa mala opera debent puniri vl-  
 tima punitioe & recipere propriam retributionem in  
 summo : & hoc non posset fieri , nisi fieret iudicium  
 vniuersale, in quo recipiant confusionem vniuersalem.  
 Vnde si ista publica confusio & generalis non fieret;  
 peccata & alia mala opera non punirentur ad comple-  
 mentum , nec Deus daret eis vltimam retributionem.  
 Vnde nihil magis timent & abominantur mali homi-  
 nes, quàm confusionem : & nihil est magis contra eo-  
 rum voluntatem, & ideo magis vellent puniri quacun-  
 que alia ipœna quàm compatere coram Deo & coram  
 omnibus Angelis & hominibus. Et quia super omnia  
 homines nollent , quòd secreta cordis eorum sciren-  
 tur : quia nihil magis abscondit malus homo , quàm  
 consilium secretum sui cordis & intentionem malam  
 & falsam & dolum cordis sui: ideo per contrarium ne-  
 cesse erit , quòd consilia secreta cordis & malæ cogi-  
 tationes & intentiones dolosæ, occultæ publicentur &  
 manifestentur tanta manifestatione , tanta clarita-  
 te, quòd non possit esse maior : vt sicut in secreto cor-  
 dis dilexerunt proprium honorem secretum & pro-  
 priam laudem contra honorem Dei ; ita manifesten-  
 tur secreta cordis omnibus ad confusionem eorum.  
 Sicut autem dictum est de operibus malis & consiliis  
 cordium ; ita similiter dicendum de operibus bonis &  
 intentionibus bonis. Vnde illud , quòd est confusio  
 malorum operum , est laus & gloria & honor bono-  
 rum operum : quia sicut publicatio malorum operum  
 est causa confusionis ; ita publicatio bonorum ope-  
 rum est causa laudis & honoris & gloriæ. Et ideo sicut  
 operibus malis & cogitationibus debetur publica con-  
 fusio tanta, quòd non possit esse maior ; ita etiam bo-  
 nis operibus & intentionibus rectis debetur publica  
 laus & gloria, & etiam tanta , qua non possit esse ma-  
 ior. Vnde tam boni quàm mali cognoscent veritatem:  
 ideo tam boni quàm mali laudabunt opera bona , ac-  
 approbabunt ; & vilipendent & vituperabunt, ac abo-  
 abomina

*Quod  
 reuela-  
 buntur  
 consilia  
 cordium.*

*Bonis  
 operibus  
 debetur  
 laus.*

minabuntur omnia mala opera & in seipsis & in aliis: quia omnes rectè iudicabunt & laudabunt quòd est laudandum; & vituperabunt quòd est vituperandum, & vtentur ratione. Sic ergo publica laus & publica confusio, publica affirmatio & publica confusio, publica affirmatio & publica reprobatio de necessitate concludunt quod iudicium vniuersale debeat fieri, in quo omnes homines simul habent resurgere cum suis operibus, cogitationibus & voluntatibus. Et quia non sunt nisi duo iudicabilia, videlicet bona opera & mala, quæ sunt contraria inter se: ideo quia duo contraria magis cognoscuntur & videntur, quando sunt insimul & principaliter: ideo oportet si omnia debeant plenissimè & perfectissimè iudicari, quod simul appareant in eodem tempore. Et sic in futuro iudicio erunt simul omnia bona & mala, vt videatur vnum iuxta aliud: vt sic per talem appropriationem mala videantur magis vituperabilia & maiori confusione digna, & ipsa bona magis laudabilia appareant: vt sic publica confusio maior sit per publicam laudem; & publica laus maior sit propter publicam confusionem: vt sic vnum aliud augmentet. Sic ergo natura operum bonorum & natura malorum operum de necessitate concludunt & requirunt iudicium generale omnium hominum similiter: & ideo necesse est, quod Deus respondeat eis & ordinet iuxta eorum naturam; aliter vniuersum non posset esse completum: quia hoc deficeret; hoc autem fieri non potest, videlicet quod aliquid deficiat in vniuerso.

*Conclusio quod  
necessariò fiet  
iudiciũ.*

## TITVLVS CCCXXIII.

*Sequuntur alia rationes, quæ probant hoc idem & alia fundamenta ex parte hominis.*

**P**Ræterea natura gaudij & tristitiæ concludunt iudicium vniuersale esse venturum. Vnde necesse est, quod gaudium bonorum sit tantum, quòd non possit esse maius: & quòd tristitia malorum sit tanta, quòd non possit esse maior: & hoc loquendo de tristitia & gaudio, quæ veniunt ab extra. Et ideo boni magis gaudebunt, cum videant, quòd opera bona eorum videantur & approbentur publicè coram Deo, & tota



*Alia ratio.*

*Prioritas mortis, vel posterioritas nihil inuauat in iudicio.*

natura humana & Angelica: & etiam mali magis de publica confusione. Ideo ad complementum gaudij & tristitiæ necesse est, quod fiat iudicium vniuersale & publicum coram omnibus hominibus & Angelis. Præterea humana natura est vna natura, vna species & non duæ, & tota est iudicabilis per iudicium retributionis, & solum est vnus Iudex, scilicet, Deus: & ideo toti humanæ naturæ iudicium conuenit vnum retributionis, completum & finale & commune, vt simul tota iudicetur, & non fiant duo iudicia, sed vnum de omnibus insimul. Vnde cum omnes homines sunt præmiabiles & punibiles per iustitiam, cum sint eiusdem naturæ & eiusdem speciei: conuenit valdè, vt sit vnum iudicium generale, in quo tota natura humana perficiatur, & recipiat vltimum complementum & finalem retributionem. Et ideo finalis & completa retributio, quæ dabit complementum naturæ humanæ debet fieri simul & semel: quia est vltima forma: quia nihil amplius addetur, neque diminuetur. Vnde valde irrationabile esset, quod homo per seipsum compleretur sine alio, & reciperet suam vltimam retributionem siue in bono, siue in malo: quia quamuis homo sit prior altero per generationem: & vnus moriatur prius quam alter: tamen propter hoc vnus non debet iudicari in finali iudicio, nec consummari, neque compleri prius quam alter: quia ista proprietas & posterioritas non est alicui à seipso, sed ab alio: nec aliquis propter istam prioritatem, vel posterioritatem meretur, vel demeretur: quia nullus meruit, vel demeruit quod esset prior, vel posterior: & ipsa retributio finalis cuiuslibet debet fieri secundum propria merita, vel demerita. Et sic postquā prioritas, vel posterioritas nihil facit ad retributionem, cum omnes homines sint vnus naturæ, & iudicabiles iudicio retributionis, & ab vno & eodem iudice: sequitur, quod tota natura humana, & quælibet eius pars insimul debet iudicari in finali iudicio retributionis: nec vna pars debet præcedere aliam, nisi sit aliqua causa singularis & prærogatiua specialis. Vnde oportet quod humana natura sit simul tota congregata, & tota videat seipsam in propria forma: quia postquam per iudicium retributionis debet diuidi in duas partes, antequam finaliter diuidatur, necesse est coniungatur, vt sit tota simul: quia diuisio, seu separatio

separatiopraesupponit aliquam vnionē. Et quia tota humana natura non potuit vnquā esse simul, & in propria forma tempore meriti & generationis conueniens est, quod sit tota simul tempore pramij & retributionis: & quod illæ duæ partes, quæ fient de natura humana tota simul adinuicem se videant principaliter: & per talem separationem vna pars, scilicet bonorum summè gaudeat, & altera pars, scilicet, malorum summè tristetur, & in æternum pars malorum recordetur de gloria & gaudio bonorum ad augmentationem tormentorum eorum; & pars bonorum recordetur de miseria malorum ad eorum gaudium augmentandum, videlicet quod ipsi sunt ab illa miseria erepti & liberati: quod non fieret nisi omnes mali simul viderent ad oculos omnes bonos; & boni viderent malos omnes simul. Vnde notitia per experientiam est perfecta notitia: & talis notitia deficeret in perpetuum bonis & malis. Oportet ergo, vt tota natura humana semel congregata sit insimul, & postea diuidatur: quia mali magis cruciabuntur in seipsis, & boni magis gaudebunt, quàm si hoc non fieret. Sic ergo ex parte naturæ humanæ concluditur, quod oportet, quod vnum iudicium generale fiat de tota natura humana insimul: & ita conuenit naturæ humanæ, & operibus eius.

## TITVLVS CCCXXIIII.

*Quod iudicium generale totius humane nature requirit resurrectionem generalem insimul omnium hominum.*

**E**T quoniam humana natura debet consummari per finalem retributionem: & ideo est iudicabilis iudicio retributionis; ideo eo modo debet fieri vltima retributio, quo conuenit humane naturæ. Et ideo quia ad naturam humanam pertinet corpus & anima: & quia est composita ex natura corporali & spirituali: quia tres sunt naturæ in vniuerso, vt declaratum fuit in capitulo de natura Angelica, scilicet corporalis tantum, spiritualis tantum, & natura composita ex naturis vtrisque, & ista est humana natura: ergo ad naturā humanā pertinent & corpus & anima, natura corpo-



*Iudica-  
bimur in  
corpore  
& ani-  
ma.*

ralis & spiritualis : ergo postquam ipsa est iudicabilis & premiabilis, debet recipere finalem retributionem tam in corpore, quàm in anima : & necesse est, quod iudicetur tam in corpore, quàm in anima insimul : quia anima non est humana natura, neque corpus est humana natura, sed vtrumque insimul coniunctum. Et ideo quia homo est iudicabilis, necesse est quòd anima reuniatur corpori, & recipiat finalem retributionem : vnde meruit, vel demeruit, non in corpore tantum, nec in anima tantum, sed in corpore & anima simul : ergo simul in corpore & in anima debet iudicari & premiari, vel puniri finaliter : in corpore & in anima simul debet recipere suam ultimam & finalem retributionem : quamvis enim anima statim dùm exit de corpore vel premietur in celo, vel puniatur in Purgatorio, vel damnetur in inferno ; tamen non est completa retributio, nec finalis, nisi anima iterum uniatur corpori : quia anima non est homo, neque corpus est homo. Et quia iudiciũ vniuersale & retributio finalis debet fieri in tota natura humana, sequitur ex necessitate, quòd tota natura humana debet resurgere in corpore & in anima, & quod quælibet anima recuperabit suum proprium corpus : & sic quilibet homo vt est pars humanæ naturæ comparere in ultimo & finali iudicio, quod respicit totam naturam & totam communitatem hominum in quantum sunt homines : vt sic tota natura humana cum omnibus partibus suis completa sit simul, & nihil ei deficiat. Ergo simul colligata sunt iudicium vniuersale & resurrectio mortuorum generalis. Et hoc idem requirit complementum vniuersi, quod constat ex tribus naturis, vt dictum est. Ergo cum natura corporalis tantum & natura spiritualis tantum manent in æternũ, conuenit & necesse est, quòd natura composita ab utrisque etiã maneat in æternum. Et quia in humana natura fit quædam separatio istarum duarum naturarum per mortem : sequitur quòd in vniuersali & finali retributione, in qua omnia & singula complebuntur, tota humana natura reintegrabitur tam in corpore quàm in anima, sed non in eodem statu, sed secundum exigentiam meritorum & demeritorum : quia hoc requirit ordo vniuersi. Igitur ordo & complementum totius vniuersi requirit quòd fiat vniuersalis resurrectio & completa retributio omnium meritorum & demeritorum, & nihil maneat impunitum.

*Resurre-  
ctio &  
iudicium  
erunt si-  
mul.*

& nihil irremuneratum vsque ad minimū quadrantem. Ordo & complementū vniuersi etiam requirit, quòd *Corpora resurgē-  
tium in  
aeternum  
manent.* sint tres naturæ iam dictæ. Ergo ex istis concluditur generalis resurrectio bonorum & malorum hominum: quia postquam anima manebit inæternum, necesse est quòd corpus maneat inæternū siue in bono, siue in malo: quia vtrumque est ad decorem vniuersi & pulchritudinem: quia totum erit secundum iudicium rectum & iustum, in quibus consistit decor & pulchritudo vniuersi. Vnde non potest esse, quòd pars aliqua humanæ naturæ remaneat inæternum, & aliqua non: quia est vna natura: & ideo debet tota remanere, vel nihil de ea: & ideo postquam anima remanet perpetuò: necesse est etiam, quòd corpus remaneat perpetuò. Nec potest esse, quòd aliqua anima recuperet corpus suum & aliqua non: quia ordo vniuersi requirit quòd tota humana natura remaneat inæternum in corpore & in anima. Et ideo quamuis pueri non essent iudicabiles, quia nihil fecerunt ex propriis, neque meruerunt, neque demeruerunt, sed ex aliena culpa contraxerunt culpam, quæ imputatur eis, si non sint baptisati; attamen propter vniuersi complementum necesse erit eos resurgere: quia non solum iudicium vniuersale requirit resurrectionē omnium hominum, sed etiam ordo & complementum vniuersi requirit hoc. Item etiam iam declaratum est in capitulo de lapsu: quòd humana natura in primo statu fuit facta immortalis: sed mors intrauit propter peccatum & punitionem primi hominis, vt declaratum est: ita quòd si primus homo non peccasset, anima nunquam fuisset separata à corpore, sed totus homo in anima & corpore finaliter fuisset remuneratus in gloria: & ideo intentio Dei erat, quòd humana natura simul in corpore & in anima maneret inæternum. Ergo cum humana natura non obstante, quòd mors intrauerit propter peccatum, debet recipere vltimam mercedem secundum merita, vel demerita: sequitur quòd integrabitur in corpore & in anima; quia isto modo Deus ordinauerat, quòd in corpore & in anima æternaliter remuneraretur. Vnde postquam Deus propter peccatum Adæ non destruxerat humanam naturam, sed fecit ipsam multiplicari & crescere, vt pater: sequitur, quòd ipse vult, quòd de natura humana fiat illud, quòd ipse finaliter ordinauit, & eo modo, quo ordinauit. Et ideo



*Alia ratio.*

*Alia ratio.*

*Eadem virtute, qua Christus resurrexit, & nos resurgemus.*

ideo propter primam ordinationem Dei oportet quòd tota humana natura simul in corpore & in anima recipiat suam vltimam mercedem. Præterea cum iam declaratum sit, quòd est necesse, quòd resurrectio fiat: sed cum nos videamus ad oculum, quòd homines moriuntur; & tamen non resurgunt: quia videmus eorum corpora remanere in terra, signum est, quòd expectetur resurrectio generalis omnium insimul, postquam omnes debent resurgere, vt iam declaratum fuit. Item vel nullus resurget, vel omnes resurgent: ergo si aliquis iam resurrexit, argumentum est, quòd omnes resurgent. Sed iam surrexit Christus verus homo, qui fuit verè mortuus: ergo etiam omnes resurgent, quia resurrectio debetur humanæ naturæ: nec est impossibile, cum iam semel factum est. Sicut enim vnus potuit resurgere; ita etiam omnes per eandem virtutem, qua ille resurrexit, poterunt resurgere. Quia surrexit Christus, qui fuit verè mortuus, & viuit in corpore & in anima in æternum: hoc certissimum est & nulli dubium: quia si Christus non surrexit à mortuis, sed adhuc mortuus est: tunc quæro, vnde venit christianitas tota, quæ antea non erat, quæ tota fundatur in Christo, & in nomine Christi est fundata: quæ etiam tota credit in Christum, & in nomine Christi facit omnia? Si enim Christus adhuc esset mortuus, cum fuerit ita crucifixus, & ab inimicis suis occisus, & fuerit summè pauper, nihil habens in hoc mundo, quæro quis hominum ausus fuisset prædicare ipsum post mortem suam. Quæro quis prædicasset ipsum per totum mundum cum tanta fortitudine? Quis fuisset ita stultus? Ergo cum videmus ipsam christianitatem sic fundatam, sic ordinatam & regulatam, & sibi totaliter obedientem: & quia scimus ipsum verè fuisse mortuum & sepultum: si comparemus omnia, quæ sunt secuta post mortem ad ipsam mortem, impossibile esset, quòd ipse adhuc esset mortuus: quia nisi ipsemet fecisset omnia illa, quæ secuta sunt post mortem suam, nullus alius fecisset. Si enim granum frumenti, quod ponitur & sepelitur in terra, totaliter moriatur, & non reuiuiscat: tunc nihil amplius est de eo super terrâ, nec se multiplicat. Si autem fuerit multiplicatum signum fuit, quòd granum reuixit & viuificatū est. Ita similiter postquam verè mortuus fuit Christus & sepul-

rus,

tus, si non reuixit iterum, nec in eo fuit virtus, per quā resurrexit: sequitur, quòd nulla multiplicatio secuta fuisset post mortem suam. Sed cum ad oculum videamus Christum fuisse multiplicatum in infinitum post mortem suam, & conuertisse multos homines totaliter post mortem ad seipsum & ad suam fidem & amorem, & ad moriendum pro eo: sequitur verissimè, quòd ipse iterum reuixit, & à mortuis surrexit. Et hoc non potuit fieri, nisi in eo fuisset virtus aliqua sed non humana: quia corpus non potuit seipsum facere viuere, nec anima potuit suscitare corpus suum: ergo sequitur, quòd ibi erat virtus Dei, quæ fecit hoc: ergo virtus diuina suscitauit Christum à mortuis: ergo sequitur, quòd deitas erat cum corpore. Sic ergo postquam de facto Christus surrexit à mortuis: sequitur, quòd omnes homines resurgent eadem virtute & potentia, per quam ipse resurrexit à mortuis, sed non in eodem statu: quia membra sua & christiani fideles resurgent ei similes glorificati in corpore: & omnes alij, qui fuerunt Christo contrarij, resurgent ei dissimiles, quare sequitur, quòd resurrectio erit generalis: cum ergo causa & ratio, quare resurrectio fieri debeat, maneat antequam homines moriantur quantū ad corpus: sequitur, quòd Deus, ad quem pertinet facere ipsam resurrectionem corporum, faciet eam loco & tempore congruis & opportunis. Vnde virtus & causa resurrectionis ex parte naturæ humanæ est meritum, vel demeritum hominis: quod factum est per animam simul cum corpore, & etiam complementum vniuersi; & ideo licet homo moriatur, tamen semper meritum, vel demeritum manet: & sic semper remanet causa resurrectionis. Et ideo necessaria est resurrectio corporum: quia aliàs esset vacuum in vniuerso.

*Virtus  
Dei sus-  
citauit  
Christū.*

## TITVLVS CCCXXV.

*Argumentum, quòd possibile est, quòd de terra iterum  
formetur eadem corpora, quæ prius erant.*

**Q**Vod autem de terra iterum formari possint illa eadem corpora, quæ prius erant & simul: hoc iam potest manifestari per illa, quæ iam facta sunt. Certum est enim quòd Deus creauit in principio innumerabiles species creaturarum de vna & eadem terra: quia omnes species



species herbar, arbor. & animal. & corpora hominū formata sunt ab vna & eadē terra. Si ergo potuit hoc fieri: quare non poterit fieri, vt de eadem terra, seu eisdē pulueribus, ex quibus compositum erat quodlibet corpus humanum: iterum fiat idem corpus, ita quod quodlibet corpus fiat de his propriis pulueribus, in quibus resolutum fuit: & hoc per potentiam, & virtutem & voluntatem Dei, maximè quia iustitia Dei hoc requirit? Ita enim possibile est, quòd corpus humanum fiat de suis propriis pulueribus, sicut fuit possibile, quod fiebat de terra, quando non erat. Et si fuit possibile tot corpora hominum formari, quando non erant: quare non possunt eadem corpora reformari per manum Dei? Si enim fieri potuit, quòd aliqua corpora essent incorruptibilia, sicut sunt corpora cælestia: quare fieri non poterit, vt corpora hominum fierent incorruptibilia per manum Dei? Si enim Deus fecit mundum & hominem, quando non erant ex sola sua bonitate, & ex solo beneplacito suo: quare etiam non reformabit corpora humana iterum iustitia requirente, & meritis & demeritis hoc requirentibus & clamantibus, & ordine vniuersi hoc requirente? Ergo videtur, quòd impossibile est, quin Deus faciat resurrectionem generalem corporum omnium hominum, postquam iustitia, merita & demerita hoc postulant & requirunt, & similiter complementum vniuersi hoc requirit, & etiam quia ipse non potest negare sibiipso, quod vbi conuenit, quin hoc faciat.

#### T I T V L V S C C C X X V I.

*Quod iudicium vniuersale cum conditionibus ostenditur de necessitate esse facturum ex parte honoris & conuenientie Dei.*

**D**Eclaratum est autem, quod vniuersale iudicium cum resurrectione vniuersali est venturum in vniuerso: & hoc ex parte humanæ naturæ: quia ita conuenit ei, sed nunc ostendetur hoc idem ex parte honoris Dei, quòd de necessitate fiet. Vnde necesse est, quod iudicium retributionis fiat in generali, siue in speciali, vel in particulari: & hæc est radix. Quia enim Deus ex suo beneplacito nullo requirente fecit humanam naturam, cum non esset: multo magis faciet debitam

debitam retributionem: & hoc quia merita & demerita hoc requirunt & totum vniuersum clamat. Et ideo quasi coactus & requisitus Deus oportet quod faciat iudicium retributionis, & sic tribuatur vnicuique quod suum est, & debetur ei: & completo iudicio talis retributio maneat in æternum. Et hoc nullus potest facere nisi Deus: quia nullus potest correspondere meritis & demeritis, nec potest cognoscere quomodo merita & demerita debeant iudicari: cum ipse solus sit scrutator cordium: & etiam non potest aliquis iudex retribuire in æternum omnibus bonis & malis: quia nullus est ab æterno, nec habet vnde, nisi solus Deus. Et quoniam iudicium finalis retributionis est opus solius Dei extra se, vt iam declaratum est in capitulo de honore Dei: & quia quidquid operatur Deus extra se, operatur ad honorem suum & ad laudem & ad gloriam suam: & quia iudicium finalis retributionis est vltimum opus Dei circa humanam naturam: quia ibi fit totum complementum: ideo oportet, quod in suo vltimo opere Deus operetur manifestando honorem suæ potestatis, suæ sapientiæ & suæ iustitiæ. Vnde dare vnicuique quod suum est, est maximæ potentia & maximæ sapientiæ, & est maximæ iustitiæ, & ideo necesse est, quod veniat ad tantum honorem & laudem & gloriam suæ potestatis suæ sapientiæ & suæ iustitiæ, quod non possit esse maior; & ideo oportet, quod in tali opere iudiciali manifestetur in summo sua sapientia & sua maiestas & iustitia ac rectitudo veritatis. Hoc autem non fieret, si de quolibet homine fieret iudicium particulare & secretum; & ideo necesse est, quod Deus faciat vltimum iudicium finalis retributionis coram omni creatura, quæ potest cognoscere & iudicare, vt omnis creatura testetur & cognoscat suum iudicium esse rectissimum & iustissimum, & rectè eum iudicare. Et ideo necesse est, quod fiat vniuersale iudicium, in quo principaliter omnis creatura rationalis intersit & videat, & clarissimè cognoscat iudicium Dei esse verissimum. Et quia istud iudicium debet esse honorabilissimum & perfectissimum: ita quod ei nihil deficiat de his, quæ pertinent ad iudicium; ideo oportebit, quod in isto iudicio fiant manifestissimæ declarationes omnium meritorum & demeritorum: & etiam ferantur sententiæ irreuocabiles

*Qua operatur Deus ab extra, facit ad honorem suum.*

*In iudicio de declaratione omnium meritorum & demeritorum.*

secundum



*Consilia  
cordium  
& con  
scientia-  
rum om-  
nibus  
manife-  
stabun-  
tur.*

*Tantum  
erūt dua  
sentētia.*

secundum exigentiam meritorum & demeritorum, & finaliter fiant iustissimæ retributiones præmiorum & stipendiorum: quia iudicium finale requirit istud, ut in declarationibus meritorum manifestetur rectitudo veritatis, & in sententiis irrevocabilibus manifestetur auctoritas & summitas potestatis & maiestatis, & in retributionibus præmiorum & stipendiorum manifestetur plenitudo suæ iustitiæ & bonitatis. Et quia radix retributionis & remunerationis est intentio occulta cuiuslibet in corde, & secundum talem intentionem debet fieri iudicium & remuneratio: ideo ut fiat apertissima & lucidissima declaratio meritorum & demeritorum, necesse est quod corda & intentiones & cogitationes & consilia secreta cordium clarissimè manifestentur & videantur & cognoscantur ab omnibus: & ideo necesse est quod conscientia secreta cuiuslibet non solum sibi met sit manifesta, imò aliis etiam. Et sic oportebit quod liber uniuscuiusque conscientia apertatur, & omnia merita & demerita in qualibet conscientia apertissimè & clarissimè cognoscantur. Et sic necesse erit, quod omnia facta & opera cuiuslibet scripta sint in conscientia, & sic quilibet cognoscat tanta certitudine, tanta veritate omnia opera & facta tam propria, quam aliorum, quod non possit esse maior certitudo. Et ideo quia nihil magis certum cuilibet quam eius propria conscientia, quia nihil est ei magis præsens: ideo oportebit quod in conscientia reluceant omnia opera & facta & intentiones: ut sic fiat apertissima declaratio omnium meritorum & demeritorum, ut sic omnes iudicent & clarissimè cognoscant veritatem & æquitatem ac rectitudinem iudiciorum Dei, ut sic unusquisque perfectè sciat & cognoscat, quod ipse sit iuste remuneratus secundum sua merita vel demerita, & non solum de seipso, sed de quocunque alio. Et quoniam iusto iudicio oportebit, quod feratur sententia finalis iuxta exigentiam meritorum & demeritorum: & quia non possunt esse ibi nisi duæ partes, scilicet bonorum & malorum: ideo necesse est, quod ibi sint duæ sententiæ, una pro bonis, & alia pro malis. Et quia istud iudicium fiet ad honorem & gloriam potestatis & maiestatis Dei; ideo oportebit, quod fiat cum tanta solemnitate & magnificentia quod non possit cogitari maior. Et quia honor potestatis

tis, quòd timeatur ab omnibus: & maximè potestas iudiciaria, quæ de se importat terrorem & timorem: ideo oportebit, quòd ostendat in iudicio vniuersali & finali tantam potestatem & tantam maiestatem, quòd non possit maior & potentior manifestari. Et ideo necesse erit, quòd in illo iudicio fiant omnia illa, quæ possunt facere potestatem illam timeri: quia Deus est summè timendus, & maximè tanquam iudex; & ideo oportebit, quòd in ipso iudicio appareat, vt summè timendus tanquã iudex: vt sic omnis creatura in summo timeat eum tanquam iudicem: quia iudex inquam- tum iudex debet timeri; & ideo summus iudex summè timeri debet, & maximè quando præsentialiter iudicat; & ideo tale iudicium maximè timendum est, & summè terribile: quia tale iudicium fiet, vt fieri debet: & nihil poterit deficere de his, quæ pertinent ad iudicium: ideo oportebit, quòd in iudicio tanti iudicis sit tantus terror & tremor, vt non possit esse maior: & hoc etiam requirit contemptus malorum hominum, qui Deum contempserunt & eius mandata, & non timuerunt Deum offendere: vt scilicet nunc in summo timeant ipsum tanquam iudicem. Et ideo omnes culpabiles tantum tunc timebunt, quòd non possit excogitari; sed boni, qui ipsum timuerunt offendere, & sunt sine culpa; ideo quamuis ipsum timeant tunc; tamen propter timorem tunc non affligentur: quia securi erunt de liberatione. Sic ergo considerando honorem Dei & opus iudicij finale poterimus considerare omnes condiciones, quæ poterunt esse in illo ultimo iudicio, & applicare ad gloriam, laudem & honorem maiestatis diuinæ: quia istud erit vltimum opus Dei; & ideo purissimum, honorabilissimum, excellentissimum & solemnissimum, & summè magnificum super omnia opera, quæ fieri possunt, maximè quia iudicium de se importat honorem, & de sua propria natura super omnia opera pertinet ad honorem. Et quia Deo maximè conuenit honor, laus & gloria: ideo per consequens sibi maximè conuenit facere honor, laus & gloria: ideo per consequens sibi maximè conuenit facere iudicium: quia est opus honoris. Et sic honor Dei de necessitate concludit iudicium vniuersale esse venturum, & concludit omnes condiciones ipsius iudicij.

*Maxi-  
mus ter-  
ror & ti-  
mor erit  
in iudi-  
cio.*



## TITVLVS CCCXXV.II.

*Quod auctoritas infallibilis libri scriptura, seu libri Dei, etiam dicit iudicium vniuersale esse futurum, cui in summo est credendum.*

Joann. 5.

**E**T quoniam iam declaratum fuit, quòd duo sunt libri, scilicet liber naturæ, & liber scripturæ, & vterque est Dei, & ambo concordant: ideo quia iam probatum est, quòd liber scripturæ, scilicet biblia, est liber Dei, & quod ei est summè credendum & simpliciter; eo quod in ea sunt verba Dei: ideo quia liber scripturæ in vtroque testamento dicit & affirmat iudicium vniuersale esse futurum, & dicit formam & modum qualiter fiet, quis erit iudex vniuersalis omnium: quoniam nouum testamentum dicit & affirmat Iesum Christum, qui est Deus & homo, & verus filius Dei, ut iam declaratum est, quod est verus iudex vniuersalis omnium. Nam ipse loquitur de seipso dicens. Pater dedit filio iudicium facere, & dedit potestatem omnis carnis, quia filius hominis est: ita dicit se venturum, & ipse resuscitabit mortuos, & reddet vnicuique secundum opera sua, siue bona, siue mala. Sic ergo tam ex auctoritate libri creaturarum, qui non mentitur, quam ex auctoritate scripturarum, quæ est auctoritas infallibilis Dei, quæ certior existit omni re & omni ratione: concluditur iudicium vniuersale absque aliquo dubio esse venturum cum resurrectione vniuersali omnium hominum.

## TITVLVS CCCXXVIII.

*De comparatione illius diei ad omnes alios dies præcedentes.*

**E**T quoniam dies iudicij erit vltima dies & finis omnium dierum præcedentium: & in illa die omnia opera & facta dierum præcedentium ab initio mundi congregabuntur & apparebunt insimul, & suam mercedem recipient: ideo illa dies comparatur ad alios dies præcedentes, sic simile ad particulare, sicut totum ad partes: quia illa dies iudicij erit vniuersalis dies, & continebit in se omnes alios dies præcedentes in virtute: quia omnes sunt partes eius, & omnes dies non erunt

erunt nisi dies una : quia omnia opera facta à principio mundi in omnibus diebus præcedentibus usque ad illum diem congregabuntur in illo die , & simul erunt & apparebunt & discutientur & iudicabuntur & præmiabuntur vel ad bonum , vel ad malum : & quicquid diuisim factum est in aliis diebus omnibus , totum erit simul in illa die. Et ideo illa dies iudicij sola erit maior quàm omnes alij dies præcedentes , & valebit tantum sicut alij dies : quia omnia opera aliorum dierum erunt in illa die : & etiam quia Deus tantum , vel plus operabitur in illa die , quàm in aliis diebus præcedentibus : quia simul resuscitabit & reficiet in illa die omnes homines , quos diuisim in aliis diebus præcedentibus à principio mundi fecit , & faciet eos immortales quantum ad corpus , licet non in eodem statu , sed secundum merita & demerita. Et ideo illa dies erit solius Dei , quia solus Deus operabitur in illa die : & homines nihil operabuntur : quia alij dies præcedentes fuerunt dies hominum : quia dati erant hominibus ad operandum , quia in illa die fiet vltimum opus Dei , & omnes creaturæ cessabunt operari. Ecce ergo diuisionem dierum : quia vltima dies erit dies Domini , & omnes alij dies erant dies hominum : & hoc propter opera. Et quia illa dies Domini ; ideo erit maxima & nobilissima dies. Et etiam quia illa dies est solius Dei , sicut alij dies fuerant hominum : ideo sicut homines usque ad illum diem operabuntur , & amplius nihil operabuntur ; sed solum operis sui & laboris mercedem accipient : item etiam post illum diem Deus nihil operabitur amplius : quia illa erit sua : & ideo necesse est , quòd omnia opera sua consummentur in illa die. Et ideo necesse erit quòd in illa die Deus ostendat opera suæ potestatis , & sapientiæ , iustitiæ & bonitatis in summo : quia nihil amplius operabitur : & ideo oportebit , quòd tunc in illa die operetur tantum quantum fieri poterit ad laudem , gloriam & honorem suæ summæ potestatis & maiestatis , suæ summæ iustitiæ & suæ summæ sapientiæ. Et sic in illa die necesse erit , quòd Deus ostendat gloriam suam & magnificentiam maiestatis suæ in operibus suis , & ostendat se esse Dominum & iudicem omnium. Et quia illa dies erit sola Dei & omnia opera eius claudentur in illa die , sicut opera

*Omnes  
dies mū-  
di sunt  
partes  
vltime  
diei.*

*Vltima  
dies erit  
dies Do-  
mini.*



*Deus ne-  
cesse o-  
stendet  
maiestatem suā.*

*Vltima  
dies est  
causa  
omnium  
dierum.*

hominum clausa fuerunt in aliis diebus : ex eo oportet, quòd opera illius diei sint summi timoris, & amoris, summi amoris ad electos, summi timoris ad reprobos. Et sic dies illa erit finis & perfectio & complementum omnium dierum : & ideo omnes dies respiciunt & currunt ad illum diem tanquam ad suum complementum & finem omnium dierum : quia omnes dies respiciunt mercedem & retributionem suam in illa die. Et etiam illa dies est causa omnium dierum aliorum : & omnes alij dies essent frustra & vacui, si non veniret illa dies : & ideo omnes dies expectant quasi naturaliter illum diem. Et sicut graue naturaliter desiderat centrum & omnes partes terræ ; ita omnes dies tendunt ad vnum vltimum diem, qui est dies iudicij, & erit omnium dierum finis & consummatio, & dies retributionis & quietis, ad quem omnes facti sunt. Sicut ergo opus Dei erit complementum omnium operum hominum ; ita illa dies erit complementum dierum hominum.

## T I T V L V S C C C X I X.

### *De memoria illius diei.*

*Dies iu-  
diciij sit  
semper  
in me-  
moriam.*

**E**T quoniam omnia opera omnium dierum respiciunt opus illius diei, & diem illum expectant : quia necesse est, quòd omnia opera præcedentium dierum coniungantur cum opere illius diei, sicut corpus cum anima, & materia cum forma : quia opera dierum præcedentium dicuntur opera meriti & demeriti ; & opus illius diei est opus retributionis & præmij ac approbationis & reprobationis : & quia de necessitate opera omnium dierum apparebunt in illa die, quia aliter essent vacua, vt scilicet iudicentur & discutiantur, & vt recipiant mercedem suam eis conuenientem ; ideo memoria illius diei debet esse continua omnibus hominibus, qui debent operari : & sunt operatores omnium operum, quæ in illa die apparebunt : quia illa dies erit propter opera hominum ad dandum complementum eis. Et ideo cum opus cuiuslibet respicit opus illius diei, debet illa dies continuò esse in memoria in opere cuiuslibet diei. Vnde cum hoc sit liber ad operandum bonum vel malum, & non operetur ex necessitate, & magis inclinetur ad malum quam

quàm ad bonum: necessaria est in eo continua memoria illius diei, ut exercitetur vsque ad vltimum de potentia ad operandum bonum & ad fugiendum malum, ut sit continua memoria illius diei, expellat ab eo omnem negligentiam: & generet in eo maximam diligentiam. Et sic memoria illius diei est stimulus pungens & stimulans hominem ad bene operandum. Vbi autem non est memoria illius diei, ibi non potest esse bonum opus, siue bona intentio: quia vnusquisque operatur propter finem & retributionem. Omnis enim artifex cum cogitat quod opera suæ artis venient ad iudicium & examen aliorum: tunc operabitur meliori modo, quo potest: sic homo cogitans illum diem, in quo omnia opera sua iudicabuntur & examinabuntur, operabitur meliori modo, quo poterit; aliter erit piger & negligens. Nam opera eius non examinabuntur ab aliquo, qui potest errare; sed à summo iudice, qui scit cogitationes hominum: & qui non potest in aliquo numero errare. Et sic memoria illius diei est maximæ influentiæ, & maximæ virtutis ad bene operandum, & secundum quod erit maior, vel minor memoria, secundum hoc plus, vel minus influit: si autem nulla memoria nihil influet, & sic nullum opus erit bonum. Item illa dies etiam debet esse continua in memoria: quia erit maxima & solemnissima inter omnes dies: & erit dies Domini pura: & ideo est digna haberi in memoria; aliter est maximus contemptus Dei: si homo non habuerit in continua memoria diem suum, & de illo summo opere, quod faciet in illa die circa humanum genus. Sic ergo propter maximam vtilitatem & ad fugiendum contemptum Dei: maximè est necessaria memoria continua illius diei. Sunt autem tres dies principales, quos homo debet habere in memoria continua, scilicet dies, suæ natiuitatis, suæ mortis & dies iudicii. Dies natiuitatis est principium, dies mortis medium, & dies iudicii est finis. Isti tres dies claudunt omnem hominem & habent se proportionabiliter: quia antequam sint isti dies, sunt incertissimi: & nemo scit, nec est certus de eis, antequam sint: nullus est certus de natiuitate, antequam sit natus. Item sicut nihil certius morte: ita nihil certius debet esse iudicio, & nihil incertius quàm hora eius.

*Dies iudicii est stimulus bonorum.*




## T I T V L V S C C C X X X.

*De finali executione iudicij, & separatione  
bonorum & malorum.*

**F**Acto autem completo iudicio vniuersali: tunc necesse est quod fiant duæ congregationes, & duæ societates de natura humana: & quod omnes boni faciant vnā societatem; & omnes mali faciant aliam societatem: & sic erunt duæ societates oppositæ adinuicem. Et quia etiam natura angelica iam à principio mundi fuit diuisa in duas societates oppositas, vt declaratum est: & quia primus Angelus, qui cecidit de cœlo, est caput malorum Angelorum, qui sunt membra eius: & similiter mali homines sunt incorporati diabolo, & sunt membra eius, vt declaratum est: quia omnes homines qui non sunt membra Christi, sunt de necessitate membra diaboli: & ideo simul & semel tam societas malorum Angelorum quàm malorum hominum descendit ad locum sibi proprium & conuenientem, scilicet ad centrum terræ, vbi est infernus, vt in æternum puniantur & tormententur. In qua societate primus Angelus erit caput & Princeps. Et sic mali homines tam in corpore quàm in anima punientur æternaliter, vt iam declaratum est in cap. de tristitia ad pleum: & sic tam mali Angeli quàm mali homines habebunt vnum caput æternaliter. Sicut autem mali Angeli & mali homines faciunt vnum corpus & vnā societatem; ita boni Angeli & boni homines faciunt vnā societatem & vnum corpus, cuius Christus est caput. Et sicut primus Angelus cum tota sua societate tam Angelorum bonorum quàm hominum glorificatorum in corpore & in anima ascendet ad suam ciuitatem cælestem, scilicet in cœlum, vbi erunt gaudia infinita & incomprehensibilia, quæ sunt declarata in cap. de gaudio. Sicut ergo omnes adhærentes diabolo habebunt tormenta infinita & inexcogitabilia in æternum cum eo: ita boni qui adhærent cum Christo, habebunt gaudia infinita & inexcogitabilia in æternum. Ad quæ dignetur nos perducere IESVS-CHRISTVS Filius Dei, Rex æternæ gloriæ, qui est benedictus in sæcula sæculorum. AMEN.

TABVLA



# T A B V L A

## Materiarum.

*Incipit tabula huius libri.*

### A

**A**MOR est primum donum: & res data est tantum signum amoris. titulo cvj. pag. 152  
Amorem solum possumus Deo retribuere, & quod sola amoris retributio est Deo accepta. tit. cix. & cx. pag. 156. 157.

Amor quantum bonum sit tit. cx. & cxj. p. 158. 159

Amor quali modo & ordine debet dari Deo. tit. cxij. & cxijj. p. 160. 161

Quod nulla excusatio potest esse homini, si non reddit Deo debitum amoris. tit. cxv. p. 162

Amor primò debet dari Deo, deinde homini, & deinde creaturis. tit. cxx. & cxxijj. p. 172. 174

Amare tenetur quilibet alium hominem sicut seipsum. tit. cxxij. p. 173

Amor solus facit hominem bonum, vel malum. tit. cxxix. p. 180

Amoris proprietas est quod unit amantem cum amato. tit. cxxx. & cxlj. p. 181 & 199

Amore nostro nulla res est digna, quæ non potest amorem nostrum meliorare: ideo solus Deus primò & per se est amandus. tit. cxxxijj. p. 184

Amor tantum se extendit quantum res primò amata. tit. cxxxijj. & cxxxvj. p. 186. 191

Amor primus non est nisi vnus: similiter res primò amata non potest esse nisi vna. tit. cxxxijj. p. 186

Amor & voluntas habent se ad rem primò amatam, sicut vxor ad maritum. tit. cxxxv. & cxxxvj. p. 189 190.



## Tabula

- Amor primus vel est ad Deum, vel ad seipsum: id est ad voluntatem propriam. tit. cxxxvij. p. [193](#)
- Amores duo primi sunt inter se inimici capitales: & quæ sit proprietas amoris primi. tit. cxxxvij. & cxlj. p. [194](#). 198
- Amores duo primi ostendunt duas esse ciuitates post hanc vitam. tit. .xcj. & clix. p. [121](#). [247](#)
- Amans seipsum primò facit se tanquam Deum & proponit se Deo. tit. cxl. cxlvj. p. [196](#). [270](#)
- Amor Dei quando est primus est origo omnium bonorum; sed amor suiipsius radix est omnium malorum. tit. cxlj. & cxliij. p. 198. [199](#). & [204](#)
- Amor Dei lux est; sed amor suiipsius tenebræ. tit. cxlij. p. [201](#)
- Amor Dei causat vnionem inter homines; amor suiipsius diuidit homines. tit. cxliij. p. 203
- Amor est tantò melior, quantò communior; & tantò peior, quantò particularior. tit. cxlv. p. [206](#)
- Ex amore suiipsius homo potest cognoscere, quomodo se debet habere erga Deum. tit. cxlvj. ibidem.
- Amoris Dei fructus est gaudium: sed fructus amoris proprij est tristitia. tit. cxlvij. p. 110
- Amor Dei est totum & solum bonum hominis. tit. clj. p. 213
- Amor & timor quomodo comparantur adinuicem. tit. clxxvij. p. [261](#). [264](#)
- Angeli quòd sint, & quod multi sint, & quod sit ordo inter eos, & quot ordines sint Angelorum. tit. ccxvij. & ccxix. p. [359](#). [362](#). & seq.
- Angelis & hominibus ratione liberi arbitrij eadem conueniunt. tit. ccxxij. p. [368](#)
- Angelorum casus, corruptio & malitia vnde originem & processum habuit. tit. ccxlij. p. [423](#)
- Angelorum malitia & corruptio quanta fuit. tit. cclij. p. [428](#).
- Angelorum malum est duplex, scilicet, culpa & pœna & vbi puniantur. tit. ccxlv. p. [430](#)
- Angelus primos quomodo dominatur Angelis malis & hominibus. tit. ccxlvj. p. [432](#). & seq.
- Anima quas potentias & virtutes & officia habeat. tit. cv. p. [148](#)
- Anima rationalis est immortalis. tit. ccxvij. p. [351](#).
- Anima quomodo corrumpitur & maculatur, dum cor

## *Materiarum.*

- corpori coniungitur. tit. ccxlvij. p. 440  
Animæ vita est duplex. tit. ccxxxj. p. 395.  
Anima quomodo alitur & nutritur per corpus Christi.  
tit. ccxc. ccxcij. p. 560. & 566  
Anima habet duplicem societatem cum carne Christi:  
& quomodo debet vniri carni Christi. tit. ccxcj.  
p. 561.  
Animæ ante perfectam satisfactionem decedentes pur-  
gabantur in purgatorio. tit. ccc. p. 604  
Anima videbit Deum clarè, scilicet facie ad faciem.  
tit. cliij. p. 218  
Anima recuperabit corpus suum glorificatum, & in  
statu magis amabili. tit. clv. p. 219  
Anima damnata odit Deum & omnes creaturas & om-  
nia opera sua: & est in æterna tristitia. tit. clxj.  
p. 231. & seq.  
Anima damnata non solum erit in tristitia, sed etiam  
in pœna. tit. clxij. p. 237  
Animæ damnatorum in quo loco & quo instrumento  
puniantur. tit. clxiiij. p. 240  
Anima quomodo potest puniri, quare debet puniri, &  
qualiter. tit. clxv. p. 242  
Animæ damnatorum recipient corpus suum contra vo-  
luntatem suam, & qualia erunt corpora damnato-  
rum. tit. clxvij. p. 245  
Animæ damnatorum recipient tristitiam & pœnam à  
Deo & omni creatura. tit. clxviij. p. 246  
Ars affirmandi & negandi omnia, quæ pertinent ad ho-  
minem inquantum homo. tit. lxvij. & lxviij. p. 96  
98.  
Affirmare & negare pertinet ad intellectû. tit. lxv. p. 92

### **B**

**B**aptismus quare sit institutus: & certa de Baptis-  
mo quære infra Sacramentum.

Baptismus aliter delet peccata; aliter pœnitentia. tit.  
ccxcv. & ccxcviij. p. 588. 595

Biblia est liber Dei & in ea scripta sunt verba Dei. tit.  
ccxj. p. 330

Bibliae verbis est credendum, & quomodo homo se de-  
bet habere circa verba Dei. tit. ccxiiij. p. 342

### **C**

**C**uitates, siue mansiones duæ sunt post hanc vitam.  
tit. xcj. p. 120



## Tabula

Corruptio primi hominis vnde originem habuit. tit. ccxxxvj. p. 409

Corrupto fuit prius in Angelo quàm in homine. tit. ccxlj. p. 419

Corruptio Angelorum vnde originem habuit. tit. ccxliij. p. 423.

Item quanta fuit. tit. ccxliiij. p. 428

Corruptio liberi arbitrij aliter se habet in primis parentibus & aliter in posteris & filiis eorum. titulo. ccxlviij. p. 439

Creaturæ quomodo continuò dant totum quod habent. tit. l. p. 62

Creaturæ factæ sunt propter hominem, & quomodo omnia seruiunt homini, & quomodo clamant ad hominem. tit. xcviij. p. 127

Creaturæ sunt factæ vel ad gaudium, vel ad doctrinam hominis. tit. xcviij. & xcix. p. 132. & 133

Creaturæ habent esse nobilius in homine quàm in seipsis. tit. ciij. p. 143

Creaturæ omnes clamant, quòd homo debet solum Deum amare & ei seruire. tit. cxiiij. p. 161

Creaturæ omnes obediebant homini in primo statu. tit. ccxxxv. p. 407

Credere fidem catholicam quid conferat homini. tit. lxxviij. & lxxx. p. 98. & 106

Non credentes sunt inexcusabiles. tit. lxxxj. & ccviiij. p. 108. & 322.

Crementum alicuius rei est duplex, scilicet extrinsecum & intrinsecum: & quomodo homo potest crescere in Deo, & Deus in homine. tit. clxxxix. p. 277

### D

**D**Are est Deo proprium & naturale. tit. l. p. 62

Damnati, quære supra anima damnata.

Deus vnus est, qui omnia condidit & ordinauit. tit. iiij. & lix. p. 8. & 79.

Deum tantum vnum esse ostendit vnitas ordinis & gubernatio. tit. iiij. & lix. p. 10. & 79

Deus est actu infinitus. tit. vj. p. 13

Deus habet in se esse, viuere, sentire, intelligere & quomodo. tit. vij. & xxxvj. p. 14. & 48

Deo omnia conueniunt per esse & quale sit esse Dei. tit. xij. & lxiiij. p. 17. & 88

Deus

## *Materiarum.*

- Deus, omnia produxit de non esse & nihilo. tit. xv. p. 23  
Deus produxit mundum de nihilo voluntariè, & absque necessitate, & non ab æterno: & quare produxit mundum. tit. xvij. & xxij. p. 27. & 33  
In Deo sunt idem esse, vivere, sentire, intelligere, velle, posse, bonum, verum. tit. x. & xxvj. & xlij. p. 16. 37. & 54.  
Deus habet in se liberum arbitrium: & de nobilitate liberi arbitrij. tit. xxxvi. p. 48  
Deus est vita omnium, & omnia viuunt in ipso & solus immortalis, & Dominus vitæ & mortis. tit. xxviiij. p. 40  
Dei intelligere quale sit. tit. xxx. p. 43  
Deus videt & intelligit actu totum mundum & omnia contenta in eo. tit. xxx. p. 44  
Deus non est corpus, sed totus intellectualis & spiritualis. tit. xxxij. p. 46  
Deus nihil potest velle, nec facere iniustum & contra rationem. tit. xxxvij. p. 49  
In Deo summa libertas & omne dominium. tit. xxxix. p. 51.  
Deus quomodo dicatur omnipotens. titulo. xl. ibid.  
Quod non possit esse nisi vnus omnipotens. tit. xliiij. p. 54.  
Deus an potuit producere & generare Deum de seipso & de sua propria natura. tit. xlvj. p. 56. & seq.  
In Deo esse æternam productionem probat mundi creatio. tit. xlviiij. p. 60  
Item plenitudo iocunditatis. tit. xlix. p. 61  
Item plenitudo dandi, tit. l. p. 62  
Deus à Deo productus est ei totaliter æqualis & conformis. tit. xlviiij. & lj. p. 60. & 64  
Dei de Deo productio quare dicitur generatio. tit. lj. p. 65.  
Deus productus quare dicitur Filius, imago, Verbum, sapientia Patris: & Deus producens dicitur Pater: & vterque persona dicitur. tit. lj. & lij. ibid.  
Quare non sit nisi vnus Filius, vna Imago, sapientia, &c. tit. lj. p. 66  
Spiritus



## Tabula

- Spiritus sanctus quomodo procedat à Patre & filio : & quare dicitur donum , charitas , amor , vinculum , &c. tit. liij. p. 67
- Quomodo tres personæ in diuinis sit vna substantia. tit. liij. p. 68
- Personarum pluralitas probatur per verbum actiuum & passiuum. tit. liiij. p. 70
- Deus est quo nihil potest cogitari maius , vel melius , & quæ debet attribui Deo , & quæ non tit. lxiiij. p. 88
- Deus solus est iudex , præmiator & punitor operum hominum. tit. lxxxiiij. p. 111
- Deus videtur ab anima facie ad faciem absque medio. tit. cliiij. p. 218
- Deus solum est amandus propter se & non propter dona sua. tit. cliiij. ibid.
- Deo soli debetur amor , timor , honor , obedientia , &c. tit. clxxvj. p. 259
- Deus omnia fecit ad suum honorem , & vtilitatem creaturæ. tit. clxxxj. & clxxxix. p. 268. & 276
- Dei iniuria non potest per omnes creaturas reparari. tit. clxxxix. p. 277
- Dei nomen est solum honorandum & laudandum & non alicuius creaturæ. tit. cxcj. p. 285
- Deus diuersis nominibus nominatur propter diuersa eius opera. tit. cxciij. p. 288. & seq.
- Deus duobus modis se manifestat ad extra , scilicet , per opera & verba. tit. ccx. p. 328
- Deus locutus est verba bibliæ & biblia est liber Dei. tit. ccxj. p. 330
- Deus dicitur Pater hominum : & omnes homines sunt fratres. tit. ccxxviiij. p. 382. & seq.
- Deus solus potuit redimere hominem lapsum. tit. ccxlix. & cclij. p. 444. & 451
- Dei iusticia & misericordia conueniunt in hominis redemptione. tit. cclxxij. p. 502
- Deo nihil est acceptum , nisi Christus , & quæ offeruntur per Christum. tit. cclxxviiij. p. 519
- Dei donum est duplex , scilicet visibile vt mundus , & inuisibile vt amor & affectus dantis. tit. cvj. p. 152
- E
- E**sse est primus gradus in scala naturæ. tit. j. p. 4
- E**sse , viuere , & intelligere sunt vnum & idem in Deo. tit. x. p. 16
- Esse

## *Materiarum.*

Esse Dei quale sit, & de conditionibus & doctrina ipsius esse. tit. xij. p. 18

Esse verum est duplex, vnum in Deo, aliud in propria natura. tit. xiiij. p. 22

Esse est duplex, scilicet non productum, ut Deus; productum, scilicet creaturæ. tit. xv. p. 24

Esse primum, scil. Deus produxit omnia de non esse & nihilo. tit. xv. ibid.

Esse Dei & esse mundi quomodo ad inuicem comparantur. tit. xvj. ibid.

Esse mundi ligatur cū Deo triplici respectu. tit. xxj. p. 32

Non esse est duplex, scil. priuatiuum & negatiuum. tit. xxvij. & cclxxvij. p. 39. § 17

Non esse & nihil quomodo comparantur ad esse mundi & Dei. tit. xxij. p. 33

Esse mundi habet se sicut luna & umbra; sed esse Dei sicut sol. tit. xxiiij. p. 35

Bene esse accipit homo à Christo. tit. cclxxiiij. p. 507

Esse hominis & bene esse eius non sunt idem, sicut exemplificatur per corpus hominis. tit. cclxxvij. p. § 14

Eucharistia quære infra.

Sacramentum Eucharistiæ.

## **F**

Fides christiana non est contra naturā. tit. lxxx. p. 106

Ad fidem christianam omnis homo obligatur. tit. lxvij. lxx. lxxx. & cclxxj. p. 98. 101. 106. & 498.

Ad fidem christianam quomodo per practicam possunt induci infideles. tit. lxvij. p. 98

Fidem christianam non credentes sunt inexcusabiles. tit. lxxxj. & ccvij. p. 108. & 316

Fides christiana fundata est in summa veritate. tit. ccvij. p. 319.

Fidem christianam tenentes confortantur; & non credentes increpantur. tit. ccvij. & cclxxj. p. 322 498.

Fraternitas est duplex, & quomodo omnes homines sunt fratres. tit. ccxxvij. p. 381

Fraternitates tres sunt in christianis. tit. cclxxvj. p. § 13

## **G**

Gaudium alicuius non oritur ex eo quod habet; sed ex eo quod cognoscit se habere. tit. xcv. p. 126.

Gaudium, quod omnes creaturæ deberent habere, solus homo



## Tabula

- homo habet tit. xcviij. p. 132  
 Gaudium æternum est fructus amoris Dei. tit. cxlvij.  
 p. 210. & seq.  
 Gaudium æternum habet easdem proprietates, quas  
 habet amor Dei. tit. cl. & clvj. p. 112. & 221  
 Gaudium est vita animæ. tit. cli. p. 213  
 Gaudium quale nascatur in hac vita de amore Dei.  
 tit. clii. p. 214  
 Gaudium vnius non minuitur per gaudium alterius.  
 tit. cliii, p. 216  
 Gaudium perfectum & securum erit post hanc vitam.  
 tit. cliiii. p. 219  
 Gaudij natura probat & ostendit innouationem mundi  
 & resurrectionem mortuorum. tit. clv. p. ibid.  
 Gaudium æternum quomodo multiplicabitur in infini-  
 tum. tit. clvi. p. 221  
 Gaudium vanum & pessimum oritur de propriæ vo-  
 luntatis amore. tit. clvij. p. 223  
 Gaudium vanum quas proprietates habet. tit. clviii.  
 p. 224.  
 Gaudium vanum & verum quomodo comparantur  
 adinuicem. tit. clx. p. 229  
 Gaudium vanum semper generat tristitiam veram.  
 tit. clvii. & clxi. p. 224. & 230  
 Generationis membrum quare solum mouetur contra  
 rationem & voluntatem hominis. tit. ccxxxix. p.  
 414. & seq.

## H

- H**omo quia se non cognoscit, ideo peccat. tit.  
 primo. p. 2  
 Homo per quem modum possit peruenire ad suipius  
 cognitionem & Dei. tit. l. & lix. & lxiiii. p. 64  
 79. & 88.  
 Homo quam conuenientiam habet cum rebus inferio-  
 ribus in generali. tit. ii. p. 7  
 Homo quam conuenientiam habet in speciali cum re-  
 bus inferioribus, & quis fructus inde colligatur. tit.  
 lvi. p. 75  
 Homo solus potest cognoscere & intelligere Deum.  
 tit. xxxiiii. p. 47  
 Homines quamuis sint eiusdem naturæ; tamen vnus  
 est altero nobilior accidentaliter. titulo lxi.  
 p. 83.

Homo

## *Materiarum.*

Homo solus habet liberum arbitrium & operatur liberè, tit. lxii. & lxxxii. p. [85.](#) [109](#)

Quomodo homo comparando se per differentiam ad res inferiores, possit peruenire ad cognitionem sui & Dei, tit. lxi. & xcix. p. [82.](#) [133](#)

Homo quomodo per differentiam liberi arbitrij ab aliis rebus possit peruenire ad cognitionem sui & Dei, tit. lxxxii. p. [108](#)

Omnis homo obligatur ad fidem christianam, tit. lxviii. & lxx. lxxx. & cclxxi. p. [98.](#) [101.](#) [106.](#) & [498](#)

homini melius est esse creatum de nihilo, quam de aliquo, tit. lxxiii. p. [102](#)

Hominis opera sunt bona vel mala propter liberum arbitrium, tit. lxxxii. p. [108](#)

Hominis opera quis & qualis debeat remunerare, tit. lxxxiiii. p. [113](#)

Hominis opera non statim remunerantur perpetrata, tit. xc. p. [119](#)

Hominis remuneratio, vel punitio erit spiritualis & non corporalis, tit. lxxxviii. p. [117](#)

Item erit perpetua, tit. xcii. p. [122](#)

Homo quomodo debet cognoscere quam sectam, vel legem debet tenere, tit. lxxxix. p. [118](#)

Homo solus potest cognoscere se habere & accepisse à Deo quod habet, tit. xciii. p. [125](#)

Homo solus potest gaudere de his quæ habet : & re-gratiari ei, à quo habet, tit. xcvi. & xcvi. p. [126.](#) [132](#)

Propter hominem omnia facta sunt : ideo solus homo obligatur Deo, tit. xcvi. & c. p. [127.](#) & [135](#)

Quomodo omnia seruiunt homini, & sunt ad bonum eius, tit. xcvi. p. [119](#)

Homo quomodo & in quibus Deo obligatur quære infra. Obligatio.

Homo quomodo seipsum debeat ponderare, vt sciat quantum valeat, tit. ciii. p. [140](#)

Homo quali modo & ordine debet amare Deum, tit. cxii. p. [160](#)

Homo quali modo debet Deo reddere omnia, quæ tenetur ei dare, tit. cxiiii. p. [163](#)

Homo non excusatur per impotentiam vel penuriam si non reddit Deo debitum amoris, tit. cxv. p. [165](#)

Hominis seruitium quod Deo impendit, redundat in bonum hominis, tit. cxvi. p. [166](#)

Homo



## Tabula

- Homo incessanter debet seruire Deo : quia incessanter ei seruiunt creaturæ tit. cxvij. p. 167
- Homo est completa & rota Imago Dei. tit. cxj. p. 172
- Homo tenetur amare omnem hominem sicut seipsum. tit. cxxij. p. 173
- Omnes homines debent se reputare vt vnum hominem. tit. cxxy. p. 176
- Homo ex amore suiipsius potest cognoscere quomodo se debeat habere erga Deum. tit. cxlvj. p. 206
- Hominis bonum est solum amor Dei tit. clj. p. 213
- Homo quare potest remunerari vel puniri : quare & qualiter debet remunerari vel puniri. tit. clxv. p. 242.
- Homo quomodo ex propriis conditionibus & proprietatibus possit arguere proprietates & conditiones Dei, & econuerso. tit. clxxv. p. 257
- Homo factus est propter honorem, & laudem, & gloriam Dei. tit. cxc. p. 279
- Homo tenetur omnia opera sua facere ad laudem & honorem Dei. tit. cxcv. p. 296
- hominis debitum & opera eius, quàm longè distent abinuicem. tit. ccxxiv. p. 373
- Homo quomodo propter opera sua mala est totaliter perditus & corruptus. tit. ccxxv. p. 379
- Homo quomodo cognoscere possit corruptionem suam in rebus exterioribus, & primo in aceto. tit. ccxxvij. p. 379.
- Item secundo in lege paternitatis, fraternitatis & filiationis, tit. ccxxvij. p. 381
- Quomodo homines mortui sunt secundum animam ; & tantum viuunt secundum corpus. tit. ccxxxj. p. 393
- Homo primus factus fuit completus in genere suo, & habuit omnia, quæ habere debuit. tit. ccxxxij. p. 399
- Hominis primi status qualis fuit ; & quas conditiones habuit tit. ccxxxij. p. 400
- Homini obediebant omnes creaturæ in primo statu. tit. ccxxxv. p. 407
- Hominis primi corruptio vnde habuit originem. tit. ccxxxvj. p. 409
- Hominis corruptio prius fuit in muliere quàm in viro. tit. ccxxxvij. & cclij. p. 413. & 423
- Omnes homines ab vno viro & muliere habent originem. tit. ccxxxvij. cclvij. p. 413. 439
- Hominis

## *Materiarum.*

- Hominis primi culpa qualis & quanta fuit. tit. ccxxix.  
p. 414.
- Homo primus non per se, sed Diabolo instigante cecidit. tit. ccli. 419
- Homines quomodo fiunt membra Diaboli. tit. ccxlvii.  
p. 432.
- Hominis carceres, seu captiuitates sunt multi. titu.  
ccxlvii, p. 437
- Homini perduto & lapso quid fuit necessarium pro sua  
reparatione ad statum piissimum. tit. ccxlix. p. 443
- Hominis obligatio pro offensa & iniuria Dei qualis &  
quanta sit. tit. ccl. p. 446
- Hominis primi obligatio qualis & quanta fuerit. tit.  
ccli. p. 450
- Homo non deberet facere contra voluntatem Dei:  
etiam si necesse esset perire totum mundum. titu.  
cclii. p. 451
- Homo indigebat satisfactione & persona infinita scilicet  
Deo & homine pro peccato suo. tit. cclii. ibid.
- Hominis Redemptor quas condiciones debuit habere.  
tit. ccliiii. p. 454
- Homo redemptus est per mortem Christi. tit. cclvi. &  
cclx. p. 462. 472
- In hominis redemptione quomodo iustitia & miseri-  
cordia Dei concordant. tit. cclxxii. p. 502
- Homo & Christus quomodo comparantur & quid ho-  
mo accipit à Christo : & qualiter tit. cclxxiii. p. 503
- Homo habet statum duplicem ante Baptismum, & du-  
plicem post Baptismum : & quomodo hi status  
comparantur adinuicem. tit. ccxcv. p. 586
- Honor soli Deo debetur. tit. clxxxi. & cciiii. p. 268.  
309.
- Propter honorem suum & vtilitatem creaturæ Deus  
omnia fecit. tit. clxxxi. p. 268
- Contra honorem suum & vtilitatem creaturæ Deus  
nihil potest facere : & quod honor Dei & vtilitas  
creaturæ sunt simul colligata. tit. clxxxii. & clxxxix.  
& cxcii. p. 270. 276
- Honor Dei includit in se vtilitatem creaturæ. titu.  
clxxxv. p. 272
- Honor, laus & gloria inæternū durabunt. tit. clxxxviii.  
p. 275.
- Honor, laus & gloria quare soli Deo debetur. & vtili-



## Tabula

tas creaturæ. tit. clxxxix.	p. 276
Honor alicui debetur duplici ratione. tit. clxxxix.	p. 279
Propter honorem Dei & laudem homo factus est, & quod homo semper debet quærere honorem Dei. tit. cxc.	p. ibid.
Honorant Deum, aut inhonorant omnia opera homi- num. tit. cxevi.	p. 297
Honorans Deum honorat omnes creaturas; & iniu- rians Deum iniuriat omnes creaturas. tit. cxcvii.	p. 299.
Honorem proprium & laudem quærens efficitur capi- talis inimicus Dei. tit. cxcviii.	p. 300
Honorem proprium quæ mala & damna sequantur. tit. cc.	p. 305
Per honorem, laudem & gloriam, & eorum opposita manifestatur distantia inter hominem & animalia bruta. tit. cciii.	p. 308
Honor quanta res sit: & quod Deus honorem suum defensabit. titu. ccv.	p. 310
I	
<b>I</b> n fideles quomodo per practicam & rationem de- bent induci ad fidem. tit. lxxviii.	p. 98
Infernus ubi erit & qualis erit ignis inferni. tit. clxiii.	p. 240.
Intelligere Dei quale sit. tit. xxx.	p. 42
Intellectum solus homo habet. tit. xxxiiii.	p. 47
Intellectualia & spiritualia excedunt corporalia sine mensura: & quod bona intellectus sunt æterna. tit. xxxv.	p. 48
Intellectus habet duas operationes: & quæ sint illæ. tit. xxxvii. & lxiii. & lxv.	49 & 86. 92
Intellectus nobilitas quæ sit tit. lxiii.	p. 86
Intellectu suo tenetur homo uti ad suam utilitatem. tit. lxvi.	p. 95
Intellectus est in anima ut consiliarius, voluntas au- tem ut imperans tit. cv.	p. 150
Intellectus & voluntas hominis quomodo debent cres- cere in Deo.	ibid.
Iudicium vniuersale erit venturum & quare erit, & quid ibi fiet. tit. lxxviii. & cccxxii.	p. 105. 659
Iudex quis & qualis erit. tit. lxxxiiii.	p. 113
Iudicium vniuersale probat resurrectionem mortuo- rum esse futuram. tit. cccxxiiii.	p. 665
	Iudi

## *Materiarum.*

Iudicij dies quomodo comparatur aliis diebus. tit. cccxxviii. p. 674

Iudicij extremi frequens memoria quod utilis sit. tit. cccxxix. p. 676

Iudicio extremo completo quid fiet. tit. cccxxx. p. 678

### **L**

**L**iberum arbitrium est maxima dignitas hominis: & quid possit homo per liberum arbitrium. tit. i. in fine. lxii. ciii. p. 6. 85. 142

Liberum arbitrium est in Deo. tit. xxxvj. p. 48

Liberum arbitrium est immortale & perpetuum. tit. xcii. & ciii. p. 122. 142

Propter liberum arbitrium sunt opera hominis voluntaria, laudabilia, vel vituperabilia, vel præmiabilia, vel puniabilia. tit. lxxxii. & lxxxviii. p. 109. 117

Liberum arbitrium est imago Dei viva. tit. ciii. p. 144

Liberi arbitrii, perversitas & corruptio est suum malum. tit. ccxxviii. p. 413

Liberi arbitrii corruptio aliter se habet in primis parentibus; & aliter in posteris eorum. tit. cclviii. p. 439.

Libri duo dati sunt nobis à Deo, scilicet liber naturæ, & liber sacræ scripturæ, & ad quid dati sint. titulo ccxii. p. 336

Liber sacræ scripturæ continet duas partes, scilicet, virtus & novum testamentum. tit. cclxx. p. 497

### **M**

**M**alum hominis est duplex, scilicet, voluntarium ut culpa: & inuoluntarium ut pœna: & quomodo vnum oritur ex alio. tit. ccxxvii. p. 410

Malum dæmonis est duplex, scilicet, culpa & pœna. tit. ccxlv. p. 430

Matrimonium quid sit, & quare sit institutum: quare infra Sacramentum matrimonii.

Mundus creatus est à Deo voluntariè absque sui indigentia, & fuit ab æterno. tit. xvii. p. 27

Mundus quare creatus sit. tit. xx. p. 31

Mundus innouabitur. tit. cly. p. 219

### **N**

**N**omen Dei est solum laudandum, & non alicuius creaturæ. tit. cxcj. p. 282



## Tabula

- Nomen Dei acquisitum per opera , scilicet , iustus, bonus, verax, omnipotens , &c. semper respicit vtilitatem hominis. tit. cxcij. p. 285
- Nomen Dei est duplex , scilicet , acquisitum & æternum. Et quod nomen Dei acquisitum est triplex. tit. cxciiij. p. 289. & seq.
- Nota ibi multa de nomine acquisito.*
- Nominibus diuersis Deus nominatur propter diuersa opera eius. tit. cxciiij. p. 294
- Nomen bonum , vel malum acquirit aliquis propter opera. tit. cxcj. & cxciiij. p. 282. 288
- O
- O**bediebant homini in primo statu omnes creaturæ. tit. ccxxxv. p. 407
- Inobedientia primorum parentum fuit prima culpa contra Deum. tit. ccxxxix. p. 414
- Obligatio vnde oriatur : & quod solus homo obligatur Deo pro omnibus creaturis. tit. xcvi. pag. 127.
- Obligatio hominis ad Deum quanta sit ratione donorum acceptorum. tit. c. & clxxiiij. p. 135. 254
- Obligatur homo Deo plus pro seipso quam pro toto mundo : tit. cj. & ciiij. p. 139. 140
- Obligatur homo Deo plus pro anima quam pro corpore suo. tit. cv. p. 146
- Obligatio hominis ad Deum ex parte dantis , scilicet, Dei tit. cvj. p. 151
- Obligatio hominis ad Deum ex parte accipientis, scilicet, hominis. tit. cvij. p. 153
- Pro omni obligatione non potest homo retribuere Deo nisi amorem. tit. cix. p. 154
- Nulla excusatio potest esse homini si non reddat Deo debitum amoris. tit. cxv. p. 165
- Obligatur homo dare Deo honorem, laudem, obedientiam, amorem , &c. sed alia & alia ratione. tit. clxxvi. p. 259
- Obligatur homo facere opera sua ad honorem Dei meliori modo quo potest. tit. cxcv. p. 296
- Obligatio hominis siue debitum quantum distet à factis eius. tit. ccxxiiij. p. 373
- Obligatio hominis pro offensa & iniuria Dei qualis & quanta sit. tit. ccl. p. 305
- Obligatio primorum parentum pro primo peccato quanta

## *Materiarum.*

- quanta sit. tit. cclj. p. 450  
 Obligatur homo Deo quia dedit ei Christum plus-  
 quam pro omnibus aliis beneficiis tit. cclxxvij.  
 p. 517  
 Odium Dei est radix æternæ tristitiæ. tit. clxj. p. 230  
 Ex odio suiipsius generatur odium Dei & creaturarum.  
 tit. clxj. ibid.  
 Odire tenetur homo omnia quæ sunt contra Deum,  
 quæ sunt odienda. tit. clxx. p. 249  
 Odij natura & virtus & fructus quæ sint. tit. clxxj. &  
 clxxij. ibid. & 253  
 Odium est duplex. scil. suiipsius & Dei : & quomodo  
 odium & amor opponuntur. tit. clxxij. p. 252  
 Opera hominis sunt bona, vel mala : præmiabilia, vel  
 punibilia propter liberum arbitrium. tit. lxxxij.  
 p. 108  
 Opera hominis solus Deus summè potens & sapiens,  
 & iustus potest remunerare. tit. lxxxiiij. p. 113  
 Opera hominum habent tantum vnum remunerato-  
 rem. tit. lxxxvij. p. 116  
 Opera hominis non statim remunerantur perpetrata,  
 tit. xc. p. 119  
 Opera hominum bona & mala ostendunt duas esse ci-  
 uitates vel mansiones post hanc vitam. titulo xcj.  
 pag. 120. & clxix. p. 247  
 Opera bona, vel mala, dant alicui nomen bonum, vel  
 malum. tit. cxcj. p. 282  
 Opera sua tenetur homo facere ad laudem Dei meliori  
 modo quo potest, tit. cxcv. p. 296  
 Omnia opera hominis respiciunt Dei honorem, vel  
 inhonorationem. tit. cxcvj. p. 297  
 Quomodo homo per opera sua totaliter fit corruptus  
 & perditus. tit. cxxv. p. 375  
 Opera Dei sunt optimè & sapientissimè facta. t. clxxxvj.  
 p. 273  
 Opera Dei quantòmagis ardua, mirabilia & magnifi-  
 ca, tantòmagis Deo conueniunt. titulo clxxxvij.  
 ibidem.  
 Operatur Deus omnia propter suam laudem & hono-  
 rem. tit. clxxxix. p. 276  
 Item operatur suum nomen. tit. cxcj. p. 282  
 Opera Dei causant notitiam de Deo. titulo cccij.  
 p. 617



## Tabula

Opera Dei diuersa dant Deo diuersa nomina. tit. cxciv  
pag. 288

Opera Dei circa hominem sunt tria, scilicet conditio,  
restauratio, & glorificatio. tit. cclxxix. & cccxxij.  
pag. 520. & 659.

Ordinis Sacramentum quare sit institutum & quare di-  
citur ordo & quot sint ordines in Ecclesia: quare  
infra Sacramentum ordinis.

P

**P**assionis Christi memoria quid cōferat Christiano.  
tit. cclxxix. p. 520

Passio Christi tantum proficit homini quantum ha-  
buerit eam in memoria cum deuotione. tit. cclxxix.  
ibid.

Paternitas est duplex. tit. ccxxviii. p. 381

Peccatum quantum Deo displiceat & eum offendant: &  
qua satisfactione indigeat. tit. ccli. p. 450

Peccatum primorum parentum quale & quantum fuit.  
ibid.

Peccata quomodo tolluntur per mortem Christi. tit.  
ccxciii. p. 580

Peccatum si non displicet non remittitur: & quæ re-  
quiritur ad peccati remissionem. titulo ccxciii.  
ibid.

Peccatum non potest manere impunitum. tit. ccxcv  
p. 590

Peccatum aliter deletur per baptismum: aliter per pœ-  
nitentiam. tit. ccxcv. & ccxcvi. p. 588. 595

Pœnitentia vera quæ requirat. tit. ccxciii. p. 578

Pœnitentia quomodo relinquit reliquias peccati in  
anima. tit. ccxcvi. p. 595

Quomodo huiusmodi reliquiae purgantur per Sacra-  
mentum Eucharistiae. tit. ccxxvii. p. 600

Quomodo purgantur per afflictionem & tribulatio-  
nem, &c. tit. ccxcix. p. 601

Pœnitentia requirit peccati confessionem. tit. ccxcv.  
p. 580.

Pœnitentiam & satisfactionem debitam non implen-  
tes purgabuntur post hanc vitam. tit. ccc. p. 604

Ad pœnitentiam agendam plura debent inducere ho-  
minem. tit. cccl. p. 606

De potestate Ecclesiastica quare infra Sacramentum  
ordinis.

Regnum

## *Materiarum.*

R

**R**egnum cœlorum duobus modis debetur Christo  
tit. cclx. p. 473

Resurrectio mortuorum probatur esse futura ex natura  
gaudii & amoris. tit. clv. p. 219

Item per iudicium extremum. tit. cccxxiv. ibid.

Qualia corpora resurgent, tit. clv. & cccxxv. ibid.

S

**S**acramenta Ecclesiæ quare sunt instituta: & quare  
dantur per res & verba simul. cclxxx. p. 544

Sacramentum Baptismatis quare datur in aqua. titulo  
cclxxxii. p. 532

Sacramentum confirmationis datur à solo Episcopo  
cum crismate in fronte. tit. cclxxxiv. p. 539

Sacramentum Eucharistiæ quare sit institutum & quid  
significat. tit. cclxxxv. p. 544

Sacramentum Eucharistiæ est Sacramentum commu-  
nionis & vnitatis. tit. cclxxv. & cclxxxix. ib. & 556

Quare sit institutum in pane & vino. tit. cclxxv. p. 549

Quid significat transmutatio, quæ sit in pane & vino.  
tit. cclxxxvii. p. 551

Quid repræsentat. tit. cclxxxv. p. 544

Quid significet visibilis & realis manducatio. titulo  
cclxxxviii. p. 553

Quomodo sit vetum & perfectum sacrificium & satis-  
factio pro omni debito. tit. cclxxxix. p. 556

Quomodo caro Christi comparatur & contrariatur  
carni primi hominis. tit. ccxc. p. 559

Quomodo caro Christi sit causa vnitatis animarum.  
tit. ccxcii. p. 565

Eucharistia continet in se carnem, sanguinem, animam  
& deitatem Christi. tit. ccxcii. p. 566

Quomodo vna caro vel corpus Christi idem numero  
possit esse simul & semel in diuersis locis. t. ccxciii.  
p. 568

Sacramentum pœnitentiæ est spirituale medicamen-  
tum animæ vulneratæ per peccatum & quæ requirat vera  
pœnitentia. tit. ccxciii. p. 568

Sacramentum pœnitentiæ aliter delet peccata quàm ba-  
ptismus. ti. ccxcv. ccxcviij. p. 588. & 595

Cetera de pœnitentia require supra pœnitentia.

Sacramentum extremæ-unctionis ad quid valeat infirmo:  
& quomodo differt à confirmatione. tit. cccij. p. 613



## *Tabula*

Sacramentum Ordinis quare sit institutum & quare dicatur ordo. tit. ccciv.	p. 619
Sacramentum Ordinis datur per characterem: & ideo non potest tolli ab eo qui recepit. tit. ccv.	p. 620
Bonitas vel malitia personæ non destruit, nec minuit potestatem administrandi Sacramenta. tit. ccvi.	p. 622
Sacramentum Ordinis principaliter respicit Sacramen- tum Eucharistiæ. tit. ccxii.	p. 624
Sed secundario Sacramentum pœnitentiæ. titulo. ccix. pagina	630
Ordines septem sunt in Ecclesia. tit. ccvii.	p. 625
Comparatio potestatum ad ordines aliarum rerum. tit. ccviii.	p. 626
Sacramenti Ordinis administratio requirit excellen- torem potestatem super potestatem sacerdotalem. tit. ccx.	p. 631
Potestatis excellentia est in summo & primo sacerdote; sed potestas aliorum est limitata: & quod potestas est duplex. tit. ccxi.	p. 634
Comparatio partis clericalis ad partem laicalem. tit. ccxiii.	p. 641
Comparatio potestatis spiritualis ad potestatem secu- larem. tit. ccxiv.	p. 643
Sacramentum matrimonii quare sit institutum titulo. ccxv. & ccxvii. 645. & 649.	
Sacramentum matrimonii est antiquum & novum & magnum Sacramentum. tit. ccxvii.	p. 649
Bona matrimonii sunt tria & quomodo det gratiam. tit. ccxviii.	p. 652
Matrimonium violare quantum malum sit. tit. ccxix. pagina	655
Comparatio Christi ad Ecclesiam sicut viri ad mulie- rem tit. ccxx.	ibid.
Sacra scriptura est verbum Dei: & excellentia sacræ scripturæ. tit. ccvii.	p. 319
Scala naturæ habet quatuor gradus. scil. esse, vivere, sentire, & intelligere: & quæ sub quolibet gradu contineantur. tit. i.	p. 3
Sentire est 3. gradus in scala nat. tit. i. & xxix p. 5. & 41	
Servitium quod homo Deo impendit, redundat in uti- litatem hominis tit. cxvi. & cxxiv.	p. 166
Servitium duplex est, scilicet creaturarum ad hominem & hominis ad Deum & de comparatione illorum ad homi	

## *Materiaarum.*

hominem & inter se. tit. cxvii.

p. 167

Seruitium creaturarum ostendit, quod omnes homines debent se æstimare tanquam vnum hominem, titulo cxxv.

176

Spiritus-sanctus quomodo procedat à patre & filio: & quare. dicatur amor, charitas, donum, &c. t. lii. p. 66

### **T**

**T**Imor Dei & amor quomodo cõparantur adinuicẽ: & quomodo Deus sit timendus. tit. clxxviii. p. 263

Timori opponitur contemptus. tit. clxxx. p. 267

Timor est duplex, scilicet Dei & proprius: & de proprietatibus singulorum. tit. clxxix. p. 265

Tribulatio & afflictio voluntaria delet peccata & auget merita & gratiam. tit. ccxcix. p. 601

Tristitia æterna est fructus amoris sui ipsius. tit. cxlviii. pagina 210

Tristitia æterna est mors animæ. tit. cli. p. 213

Tristitia vera & summa generatur de gaudio vano: & quæ sit summa tristitia. tit. clxj. p. 230

Tristitia futura nunc occulta quomodo possit cognosci per experientiam. tit. clxii. p. 234

Tristitiæ æternæ magnitudo & multiplicatio quæ sit. tit. clxviii. p. 246

### **V**

**V**erba Christi in quanto honore sint habenda. tit. ccvij. & ccxv. p. 321. 345

Verba Bibliæ sacræ scripturæ sunt verba Dei. tit. ccxj. pag. 330

Verbis bibliæ est credendum: & quomodo homo se debet habere circa verba Dei. tit. ccxiv. p. 342

Verba Dei quomodo comparantur ad creaturas. tit. ccxv. p. 345

Verba Dei sunt cibus animæ: & quomodo verba Dei & creaturæ conueniunt homini. tit. ccxvi. p. 347

Verba Christi in Sacramento altaris faciunt quod significant. tit. cclxxxvj. p. 548

Verba in Sacramentis Ecclesiæ significant operationem, quæ interius fit in anima. titulo cclxxxiii. pag. 541

Vitia omnia nascuntur ex amore sui ipsius. titu. cxliii. pagina 202

Viueret facit secundum gradum in scala naturæ. titu. i. xxv. p. 5. 36



## Tabula

- Viuerē duplex est in Deo : & quod non viuerē est in infinitum elongatum ab eo. tit. xxvj. p. 37
- Viuerē quale sit in Deo : & quale in creaturis. t. xxvj. ibid.
- Non viuerē est duplex : scilicet, priuatiuum & negatiuum. tit. xxvij. p. 40
- Viuerē & corpus sunt duo realiter distincta. tit. xxxij. p. 46.
- Voluntas Dei non potest esse iniusta, nec contra rationem. tit. xxxvij. p. 49
- Voluntas Dei ostenditur nobis per creaturas. tit. clxvj. p. 245.
- Voluntas nulla est recta, nisi quæ concordat cum voluntate Dei. tit. xxxvij. p. 50
- Voluntatis & intellectus nobilitas quæ sit. tit. lxij. p. 86
- Voluntas hominis nobilitatur, aut vilificatur secundum rem, quam amat. tit. cxxxj. cxxxvj. p. 182. 190
- Voluntas quanta damna sustineat cum dat amorem primum rei creatæ. tit. cxxxij. p. 185
- Voluntas tantum se extendit quantum res primo amata. tit. cxxxij. & cxxxvj. p. 186. 190
- Voluntas habet se ad rem primo amatam sicut vxor ad maritum suum tit. cxxxv. Nota pulchra ibid.
- Voluntatem propriam amare soli Deo competit. tit. cxl. p. 197
- Voluntatem propriam debet homo primò odire. tit. clxx. p. 250
- Voluntas, peruersitas & corruptio est pessimum malum. tit. ccxxxvij. p. 410
- Voluntas propria & inobedientia sunt idē. tit. ccxxxix p. 417.
- Hæc sequela litteræ C fuit omissa : quia in originali loco littera X posita fuerat.*
- C**hristus est verus Filius Dei. tit. ccvij. p. 322
- C**hristus in quanto honore & amore sit habendus. tit. ccvij. p. 321
- Christi doctrina & lex est tam bona quod non potest esse maior. tit. ccvij. p. 324
- Christi verbis quare sit credendum. titulo ccix. p. 326
- Christi mors fuit necessaria pro salute generis humani. tit. cclvj. p. 462
- Christi amor, benignitas & mansuetudo ad mortem qualis fuit. tit. cclv. p. 460
- Christus quomodo debuit occidi : & quis debuit eum accidere.

## *Materiarum.*

- accidere. tit. cclvj. p. 464
- Christus per mortem suam vicit diabolum, & liberauit hominem. tit. cclvj. p. 465
- Christi mors magis præualet quam magnitudo omnium peccatorum. tit. cclvij. p. 467
- Christi mors superat & delet etiam peccata eum occidentium. tit. cclviii. p. 468
- Christi mors habuit omnes conditiones ex quibus potuit esse magis meritoria. tit. cclix. p. 469
- Christi mortem rationabiliter secuta est saluatio generis humani. tit. cclx. p. 472
- Christo duobus modis debetur regnum cœlorum. tit. cclx. p. 473
- Christi mors quomodo debet culpas & peccata. tit. cclxi. p. 475
- Christus quomodo se debuit habere post mortem suam. tit. cclxij. p. 477
- Christus est caput omnium Angelorum bonorum, & hominum, & Dominus Angelorum malorum, & hominum. tit. cclxiiij. p. 479
- Christum carnem assumere non fuit impossibile. tit. cclxv. p. 485
- Christum incarnari Deus pater voluit, & deliberauit ab æterno. tit. cclxvj. p. 487
- In Christo fuerunt duæ naturæ in vna persona. titulo cclxiiij. p. 482
- Christus modo conuenientissimo datus est, scil. promissus, prophetatus, ex Virgine. tit. cclxvij. p. 489
- Christus Iudæis promissus, utrum iam venit; an adhuc venturus sit. tit. cclxviij. p. 491
- Christus habuit in se omnes conditiones & circumstantias ad satisfactionem humanæ naturæ necessarias. tit. cclix. p. 494
- Christus & homo perditus quomodo cōparantur adinuicem: & quid homo accipit à Christo & qualiter. titulo cclxxiiij. p. 503
- Christus seipsum dedit homini: ut homo haberet unde redderet Deo debitum. tit. cclxxviij. p. 519
- Christi mors est meritum hominis & quomodo homo se debet facere participem mortis Christi. titulo cclxxix. & cclxxx. p. 520
- Christus per mortem suam non tulit pœnas & mala corporis. tit. cclxxx. p. 523
- Christi



## *Tabula*

- Christi caro in Sacramento quomodo comparatur & contrariatur carni primi hominis. tit. ccxc. p. 559
- Christi caro facit vnionem animarum, sed caro primi hominis facit diuisionem & multiplicationem animarum. tit. ccxcij. p. 566
- Christi caro in Sacramento existens idem numero, quomodo possit esse simul & semel in pluribus locis. tit. ccxcij. p. 568
- Christus comparatur ad Ecclesiam, sicut maritus ad uxorem suam. tit. cccxx. p. 655
- Christiana fides. Require supra fides. In Christiano sunt tres distinctæ generationes. tit. cclxxv. p. 510
- In Christiano sunt tres fraternitates. titulo cclxxvj. p. 513
- Christianus peccans plus offendit Deum quam alius homo. tit. cclxxvii. p. 519
- Christiani tota intentio & studium debet esse circa Christi passionem: & quomodo ad se debet applicare passionem Christi. tit. cclxxix. p. 520

**F I N I S.**

*Appro*

---

## Approbationes Doctorem.

**E**GO in Sacra Theologia facultatis Parisiensis infra scriptus ; *Theologiam hanc naturalem sive librum creaturarum specialiter de homine*, &c. à Venerabili viro Magistro Raymundo de Sabunde, in artibus & Medicina Doctore, & in Sacra pagina Egregio professore compositum perlegi : & quia nihil, quod regulæ fidei Catholicæ & bonis moribus repugnet, inveni ; ideo potest iterum prælo mandari. Actum Lugduni die decima quinta septembris, anno. 1647.

F. M. MICARD.

---

**V**ISA per me autentica approbatione R. Patris Micard Doctoris in Theologia Facultatis Parisiensis quæ fidem facit in hac *Theologia naturali venerabilis viri Raymundi de Sabunde*, omnia orthodoxæ fidei Catholicæ & Romanæ Ecclesiæ ex toto consona, in eius sententiam meritò, immò & præli ope publico dandam censemus, Lugduni 24 octobris, 1647.

DE VILLE Prouicarius  
Generalis.

---

**R**AYMUNDI Sabundij liber, qui inscribitur *Theologia naturalis, &c.* Etsi rudiore stylo, prout ea ferebant tempora, conscripta, verè tamen aurea est, & non modò omni errore, aut contra fidem aut bonos mores vacat verum etiam sana & orthodoxa doctrina, nec non præsertim temporibus & moribus perutili ac necessaria plenus repertus est : ita ut de illo dici queat, quod de Ennij scriptis aiebat Virgilius Maro : *si ex Ennij cœno aurum gemmâsque colligere*. Hunc itaque librum ego infra scriptus in Sacra Theologia Doctor dignum censeo, qui denuò in lucem & in vsum prodeat, hortorque vehementer omnes Christi fideles, ut eum quam sapissimè in manus habeant, ac studiosè legant.



legant. Datum Lugdunj in ædibus D. Augustini die 21.  
Oëtobris, anno Domini 1647.

FR. IOANNES SALIANVS  
Augustinianus doctor Theo-  
logus qui supra.

---

**I**L n'y a rien qui empesche le Priuilege du liure inti-  
tulé *Theologia naturalis Raymundi de Sabunde*, qui  
a déjà esté imprimé plusieurs fois. Faict à Paris le 6.  
Fevrier 1648.

DE LAVNOY.

Acheué d'imprimer le 16. Juin 1648.

*Priuilege*

## Privilege du Roy.

**L**O V I S par la grace de Dieu Roy de France & de Navarre, à Nos amez & feaux Conseilliers les gens tenans nos Cours de Parlemant Maistres des requestes ordinaires de nostre Hostel, Baillifs, Senechaux, Preuosts, leurs Lieutenans, & à tous nos autres Iusticiers & Officiers qu'il appartiendra, Salut. Nostre bien-aymé PIERRE COMPAGNON Libraire de nostre bonne Ville de Lyon nous a fait remontrer qu'il desiroit faire imprimer vn liure intitulé *Theologia naturalis*, cy-deuant imprimé dès l'année 1541. Ce qu'il ne peut faire sans auoir sur ce nostre permission, humblement requerant icelle. A CES CAUSES voulant traicter fauorablement ledict exposant luy auons permis, octroyé, permettons; octroyons par ces presentes d'imprimer, faire imprimer, vendre, debiter ledict liure en tel volume & caractere que bon luy semblera pendant le temps & espace de cinq ans, à compter du iour que sera paracheuée la premiere impression, pendant lequel temps auons fait desbances à tous Imprimeurs & autres personnes de quelle qualité & condition qu'ils soient d'imprimer ou faire imprimer, d'exposer, ou mettre en vente ledict liure pendant ledict temps sans le consentement dudit Exposant, sur peine de confiscation des exemplaires, de mille liures d'amande applicable vn tiers à Nous, vn tiers aux Pauvres renfermés, vn tiers audit exposant, & de tous despens d'omages, interests enuers luy; A la charge d'en mettre deux exemplaires en nostre biblioteque publique, & vn autre en celle de nostre tres-cher & feal Cheualier & Chancelier de France le Sieur Seguier, auant l'exposer en vante, à peine de nullité des presentes. SI VOUS MANDONS que du contenu en ces presentes vous fassiez & souffriez iouir & vser ledict exposant & ceux qui auront droit de luy plainement & paisiblement, sans souffrir qu'il leur soit fait, ou donné aucun empeschement ou trouble. MANDONS au premier nostre Huissier ou Sergent sur ce requis, faire pour l'exécution des presentes tous exploits necessaires sans demander autre permission nonobstant oppositions



opposition ou appellatiou , clameur de Haro , Chartre Normande prises à parties & lettres à ce contraires. VovLONS qu'en mettant au commencement, ou à la fin de chacun exemplaire ces presentes , ou vn bref extraict, elles soient tenuës pour bien & deuëment signifiées : CAR TEL EST NOSTRE PLAISIR. Donné à Paris le cinquième iour de Ianuier l'an de Grace mil six cens quarante huiët & de nostre regne le cinquième.

*Par le Roy en son Conseil.*



DENISOT.











